



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.331



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.331



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.331

XXIV
BREDENB

2. 6. 33/

2 M. 6

ANTHYPERASPISTES
PRO VERA COM-
PONENDORVM ECCLESIAE

DISSIDIORVM RATIONE D. MATTHIAE BREDEN-
bachij Kyrspéſis, aduersus conuicia & calumnias Iaco-
bi Andreae Smidelini, quas inscripſit hyperaspi-
ſten τῶν ὑπερλεγομένων Ioannis Brentij:

*Continens absolutam potissimorum Catholicae Religionis dogmatum
explicationem, & veteris Ecclesiae praxin in componendis Religio-
nis dissidijs & exterminandis haeresibus, tum deinde luculentam
eorum quae ab aduersarijs adferri solent, confutationem.*

ANNEXA EST PASSIM IN IPSO OPERE DEPVLSIO SYCO-
phantiarum, quas idem Smidelinus in Catholica fidei propugnationem Reuerendiss.
Domini D. Stanislas Hosii Cardinalis & episcopi Vuaruiensis &c. atque item in
libellum Reuerendi D. Georgij Lutherij, Theologi & Aulæ Bauaricae
Concionatoris, de sacrificio Missae &c. insolenter effudit.

*Optimo ac desideratissimo parenti Matthiae Bredēbachio, & charissimae ma-
tri ECCLESIAE CATHOLICAE, amoris & pietatis ergo faciebat
Tilmannus Bredenbachius filius, S. Theologiae D.*

Singulorum librorum huius operis materiam versa pagina demonstrabit.

Cum Indice rerum & verborum copioso.

COLONIAE

*Apud Geruinium Calenium & Heredes Iohannis Quentelij,
anno M. D. LXVIII.*

Cum gratia & priuilegio Imperiali.



ARGVMENTA. QVATVOR LI

BRORVM HVIVS OPERIS.

Liber primus tractat de ordine & hierarchia Reipublicæ Israe-
lis, & obiter quædam Religionis capita à Smidelinianis syco-
phantijs vindicat.

Secundus agit de politia Ciuitatis Dei Ecclesiæ Catholicæ, &
primatu episcopi Romani.

Tertius de legitimis iudicibus cōtrouersiarum Ecclesiasticarū,
& SS. Patrum in ijs definiendis autoritate differit.

Quartus, potissimas Religionis controuersias explicat:

Ex hoc opere perspicuum erit Lectori, quæ sit vera componen-
dorum Ecclesiæ dissidiorum ratio, & quibus præstigijs sim-
plicium mentes perstringere conetur aduersarius.

Annexa est calci operis epistola ad Theologos Louanienfes; eo-
rundemque responsio siue censura de hoc opere.

Forma & modus extirpandarum hæresum, in ecclesia primitiua
obseruatus.

Querimonia Martini Luteri de perfida defectione suorū disci-
pulorum.

SAN

SANCTISSIMO

ET BEATISSIMO PATRI AC

DOMINO NOSTRO, D. PIO V. PONTI-

FICI OPT. MAX. TILMANNVS

BREDENBACHIVS

S. D.



INDIGNVM PROPECTO
videri queat, Beatissime
Pater, post infinitas penè
disputationes, post varia
colloquia, post maximos
sumptuosissimosq; Impe-
rij conuentus, deniq; post
sacrosanctum Oecumeni-
cum concilium, ad quod,
in disputationum angu-
stias redacti, perpetuò prouocârunt hæretici: indignû,
inquam, atq; adeò indignissimum videri queat, post
hec omnia tot tumultibus, seditionibus, turbulētis-
simisque factionibus orbem Christianum in hodiernum
vsque diem configere & conflagrare. Quantas
enim tempestates, iam nupèr à definitis promulga-
tisq; sacratissimi Concilij sanctionibus, rebelles qui-
dam concitârunt Belgæ? Quibus furijs, quanto ter-
rore, quàm præcipiti & plusquàm gigantæa audacia
in suos ipsorum principes insurrexerunt, sacras Ec-

a 2

cle

EPISTOLA NVNCVPATORIA AD

clesias despoliârunt, arasque & focos tâto feculorum
consensu perpetua religione reuerentèr cultos vio-
lârunt, diripuerûnt ac demoliti sunt, sacra profanaque
omnia promiscuè habuerunt, vsque adeò, vt non fu-
as ipforum duntaxât ciuitates subuerterent, sed vici-
nis insupèr prouincijs summum terrorem incuterêt,
ac deindè vniuersum penè orbem Christianum sedi-
tiosis factionibus concuterent? An non cum beatif-
simo Athanasio iustissimè commoti, meritò in hâc
vocem proruperimus? Hæccine fuit causa, cur totus
orbis in concilium coiret? An non verè impios ac
sacrilegos cum Valentiniano Imperatore dicemus,
qui post tot sacerdotum sententiam, suo iudicio aut
(vt veriùs dicam) audaciæ tantum reseruant? Indignû
igitur & tuæ Sanctitati Pater beatissime, & omnibus
pacis amantibus videbitur, incendium illud conten-
tionum ac dissidiorum post tot priuatos ac publicos
totius Imperij atque vniuersæ Ecclesiæ labores, non
solum non restinctum, verùm etiàm in immensum
auctum, rursusque hincindè ad scriptitationis dis-
putationisque palæstram totius orbis Catholici sen-
tentiam reuocari. Quid autem? an quia hætenùs ni-
hil intentatum reliquit ecclesia, nullis sumptibus pe-
percit Imperium, nullis docendi scribendique labo-
ribus superfederunt eruditi, nec tamen quod conati
sunt, efficere potuerunt, ideò ne fractis animis, abie-
cta

In 3. a^{cti}õe
côc. Chalc.

a styli cuspide, deserta statione, patiemur hostes re-
 ligionis sursùm deorsumque omnia pro sua libidine
 iactare? Cùm primùm in Alexandriae prouincia, de- ^{Vide Atha-}
 indè Romæ, tertio in magna Synodo Sardicensi, ^{nas. apol. 2.}
 Athanasij & ecclesiæ causa definita esset, ac p̄ Atha-
 nasio vniuersorum sententiæ dixissent, nec tamen
 aduersarij de pertinacia sua multùm remitterent, an
 à conscribendis apologijs abstinuit Athanasius? Ne-
 quaquàm. De Donatistis refert Augustinus, quòd ^{Epist. 162.}
 cùm, expulso Cæciliano, Maiorinum in Episcopatū
 eius nefario scelere collocassent, elegisse eos iudices
 episcopos de quæstionibus quibuscūq, quæ pacis vin-
 culum dirimebant: & quidem Melciadem Romanæ
 vr̄bis Episcopum cum collegis suis, quos ad preces
 Donatistarum miserat Imperator, de causa cognouisse
 ac iudicasse. Nec tamen hac sententia contentos
 fuisse Donatistas, sed omnes (vt inquit Augustinus)
 in pertinacia scelestissimi schismatis p̄mansisse,
 eoq; commotum Imperatorem, vt postea denuò
 apud Arelatum eādem causam diligētius examinandam
 terminandamque curaret. Illos rursùm ab Ec-
 clesiastico iudicio prouocasse, vt causam Constantinus
 audiret. Quid multis? audiuit Constantinus, suc-
 cubuerunt Donatistæ, superati recesserunt, & in ea-
 dem tamen peruersitate manserunt. Quid verò Au-
 gustinus? an post hæc omnia, velut de aduersariorum

EPISTOLA NVNCVPATORIA AD
 iniquitate desperans, cōquieuit? Minimè verò. Post
 Niceni Concilij de filij cum patre consubstantiali-
 tate definitionem, neutiquàm tanto Concilio se sub-
 misit Arrius, vt eius decretis acquiesceret, sed publi-
 citùs proclamitauit, patres Niceni Concilij Aposto-
 licam fidem nouorum adiectione verborum corru-
 pisse: nec tamen ob hanc pertinaciam Patres, quos
 hæc tempestas excepit, ab impijs Arrianorū dogma-
 tibus refutandis quicquam remiserunt. Refert Irenæ-
 us, hæreticos neque scripturis, neque traditionibus
 obsequi. Cùm enim ex scripturis arguuntur, inquit,
 in accusationem conuertuntur ipsarum scripturarū,
 quasi non rectè habeant, neque sint ex autoritate,
 & quia variè sint dictæ, & quia non possit ex his
 inueniri veritas ab his qui nesciant traditionē. Cùm
 autem ad eam iterum traditionem, quæ est ab Apo-
 stolis, quæ per successionem presbyterorum in Eccle-
 sijs custoditur, prouocamus eos qui aduersantur tra-
 ditioni, dicent se non solum presbyteris, sed etiam
 apostolis existentes sapientiores, synceram inuenis-
 se veritatem &c. Aduersus tales, inquit Irenæus, cer-
 tamen nobis est, ô dilectissime, more serpentum lu-
 brici vndiquè surgere conantes. Quid igitur facien-
 dum censes Irenæe? Quapropter, inquit, vndiq; resi-
 stendum est illis, si quos ex his retusione confundē-
 tes, ad conuersionem veritatis adducere possimus.

Hæc

Athanas. in
 disputatiōe
 cōt. Arrium
 lib. 1.

lib. 3. cap. 2.
 cont. Valēt.

Eiusdem in-
 genij sunt
 heretici no-
 stri tempo-
 ris, modò
 scripturas,
 modò tra-
 ditiones p-
 libitu reij-
 cientes.

Hæc & id genus infinita exempla ac documenta, nisi passim in ecclesiasticis historijs & Patrum monumentis occurrerent, Beatissime Pater, mirari quispiam posset, non me duntaxat, sed alios insuper, pristinis scribendi dissertandi que armis denuò cum hæreticis bellum redintegrare. Nec minor fortassis admiratio quorundam subibit animos, me cum tali antagonista certamen inire, quem penè certum iam sit subuersum esse, ac suo iudicio damnatum, à quo præter conuicia, calumnias & criminationes, nihil hætenus retulerunt catholici. Neque enim post Lutherum ullus propemodum conuiciosior & maledicentior extitit inter alterius religionis assertores, eo quod Sapiens ait, Homo assuetus in verbis impro-
 perij, in omnibus diebus suis non erudietur: idem profectò de hoc homine deinceps etià expectandum, non improbabilis fuerit coniectura. Ego verò planè superuacaneum arbitrarer, cum tam iniquo & pertinaci antagonista disputationem instituere, nisi exemplo nobis esset ipse filius Dei, qui non cum solis duntaxat discipulis, vel turbis in ipsum credituris, verum etià cum inimicis tentantibus, obrectantibus & maledicentibus de veritate sermonem instituit. Quoties enim aduersus Iudæos, Phariseos, Sadduceos, non solum minimè credituros, verum etià maximè contradicuros & persecuturos, grauiter &

Ecclesi 23.

Etià non obtemperaturis veritas prædicanda.

EPISTOLA NVNCVPATORIA AD

audacter differuit? Nónne ab eis vltro, cum voluit, quæsiuit quod voluit, vt propria illos respõsione cõuinceret? Nónne illis dolosè tentando quærentibus, cum redarguti obmutescerent, sinè vlla ambiguitate respõdit? Quod cum faceret, nullus legitur ad eum sequendum fuisse conuersus. Et vtiquè nouerat, quia præscijs erat, nihil ad eorum salutem, cum hæc ad eos diceret, profuturum. Sed nos fortassè suo firmavit exemplo, inquit Augustinus, qui futuram fidẽ perfidiã inue hominum prænoscere nõ valemus, nè si quandò nimium nimiumque peruersis sinè fructu salutis eorum locuti fuerimus, deficiamus & desistamus ab instantia prædicandi, cum inaniter piguerit laborare. Quid quòd etiã ipsum diabolum, quem iam non solum Deus, sed ne homines quidem dubitare possunt, nullo modo conuersum iri, filius DEI tamen insidiosè tentantem, scripturis repulit, & respondendo conuicit? Quanquàm mihi cum aduersario longè iniquiore, quàm vel ipse sit diabolus, dimicandũ sit, qui iudicibus illis, quos cum suis optauit, ne utiquàm acquiescat, cum tamen ipse diabolus, si auctoritate iudicis, quem vltro elegisset, toties vinceretur, non esset tam impudens, vt in causa persisteret, vt inquit Augustinus. Legimus & Prophetas à Deo missos ad homines tam obstreperos & præfractos, vt ipse Deus etiã prædiceret, verbis Prophetarum

Lib. 1. cap.
8. cõt. Cref.

Matt. 4.

Smidcl. ipso
diabolo ini-
quior.

Epist. 167.
ad Festum.

rarum eos non obtemperaturos, tametsi prophetico spiritu quo futura cernebant, etiā hoc nosse potuissent. Vade, inquit Dominus ad Ezechielem, & intra in domum Israel, & loquere verba mea ad ipsos, quia non ad populum ignotæ linguæ tu mitteris, ad domum Israel, nec ad multos diuersis & grauibus linguis loquentes, quorum verba non possis audire, & si ad tales misissem te, forsitan audissent. Domus autem Israel non audient te, quia nolunt audire me. Omnis enim domus Israel inquieto & duro corde est. Ego autem dedi faciem tuam fortem aduersus faciem eorum, & certamen tuū confortabo aduersus certamen eorum. Eccē, inquit Augustinus, mittitur Dei seruus, & eis loqui iubetur, qui eum nō erant audituri. Quæ causa, cui bono, quo fructu, quōve affectu mittitur ad certamen prædicandæ veritatis, aduersus certaturos & non obedituros? Ezechiel interrogatus, non ineptè responderet, obediendum magis Deo quàm hominibus: verum Augustinus alio in loco de hæreticis redarguendis & corrigendis disputans, nō ineptam reddens rationem, ait: Non pro Donatistis hæreticis tantum hanc curam suscipiendam, sed etiā pro Catholicis, quibus illorum vicinitas sic infesta est, vt contemni à nobis nullo modo possit. Quocirca non arbitror audiendos illos, qui in communibus hisce periculis, dum arca Dei habitat in papilio-

b ni

Ezech. 3.

Sic legit
hūc locum
August.

Epist. 167.
ad Festum.

EPISTOLA NVNCVPATORIA AD

2. Reg. ii.

Luc. 2.

Neutrales

nibus: dum Catholici exercitûs duces stant in pro-
 cinctu, p̄p domo & familia Dei indefesso feruore di-
 micantes: dum pastores vigilant & custodiunt vigi-
 lias noctis iuxta gregem suum, atque adeò ad lucernâ
 de conseruanda suorum salute, de pace & tranquilli-
 tate Ecclesiæ restituenda, de castris & munitiõibus
 hostium subuertendis sunt solliciti: non, inquam, ar-
 bitror audiendos illos, qui nec calidi, nec frigidi, nec
 vllõ generoso pro tuenda religione zelo flagrant,
 confertis manibus Neutrales (vt vocant) domi desic-
 dere mālunt: nec hoc tempore suo contenti, etiã il-
 los tacitis inuidiæ stimulis pungunt, qui se suaq; ma-
 iori quadam promptitudine in hanc aciem cooptari
 sustinent. Scilicet mālunt è sublimi specula cum Ne-
 rone *ἄλωσιν* & patriæ incendium spectare, quàm vel
 ethnici istius Aenæ pietatem imitantes, eam Re-
 ligionem quæ nos in spiritu & aqua regenuit Chri-
 sto, suis humeris à flamma vindicare. Sanè si scriptis
 Catholicorum additur oleum caminis hereticorum,
 quid superest, nisi vt propemodum vniuersi primi-
 tiuæ Ecclesiæ scriptores fuerint olearij? Et sanè tales
 eos fuisse nō ineptè dixerimus, nimirum abundarūt
 sanctorū studiorū & fraternæ charitatis oleo, cuius
 larga cōmunicatiōe & p̄fusione tātum incendiū ex-
 citauerunt, vt pulueribus & fuligine hereticorū op-
 pressam sopitamque religionem, luculētissimis sua-
 rum

rum lucubrationum facibus tandem exuscitauerint, illustrauerint, & in pristinum splendorem restituerint. Et si nunquam tam feliciter actum sit cum Ecclesia Catholica, ut non aliquando corruperint & obnubilauerint huius ardentis olei fragrantissimum splendorem muscarum morientium, hoc est, hereticorum ad tempus Ecclesiam affligentium altercationes, falsæque doctrinæ, ac tenebrarum hereticarum lemures & larvæ densam quandoq; ac diutinam caliginem effuderint oculis mortalium: quā tamē semper Christus Dominus illustratiōe aduentūs sui per stellas & sidera salutaria, dispulit tandem, ac muscas moribundas, factō iam manē & redeunte veritatis die, Exod. 104 vento vrente dissipauit, speramusq; Dominum Deum post diutinas Ecclesiæ suæ calamitates, misericordiæ suæ memorem fore, & desideratam pristinæ pacis lucem, profligatis tot caliginosissimorum errorum tenebris, aliquando restitutum. Nouit enim qui sint eius: nouit pios de tentatione eripere: nouit eos per ignem & aquam deducere in refrigeriū: nouit fidelium suorum animas eripere de laqueo venantium: nouit ereptos, probatos & examinatos, coronare.

Sed ad propositum: nihil efficimus apud Philistæorum antesignanos, etiam si ad rauim vsque cum illis decertemus. Cur autem illud? quia subuersi sunt,

b 2

quia

EPISTOLA NVNCVPATORIA AD

Tit. 3. quia proprio sunt iudicio condemnati, quia scientes
veritatem oppugnant, quia obtorto collo resistunt
Spiritu sancto. Quid ergò? an pro hereticis duntaxat
curam, studium & laborem hunc suscipimus? an non
etiã pro Catholicis, vt diximus ex D. Augustino,
quibus illorum vicinitas sic infesta est, vt contemni
à nobis nullo modo possit?

Ego verò, Pater beatissime, sic existimauero, illam
ipsam auitam, Catholicam & orthodoxam Religio-
nem, quam nunc prò dolor, in plerisque Regnis &
prouincijs miserè sauciatam, fœdè pessundatam, ac
deformitèr dissipatam dolentes illachrymantesque
conspicimus: illam, inquam, ipsam semianimè Re-
ligionem, si loqui posset, clara voce testaturam, hunc
esse solum sui miserandi interitûs fomitem, hanc ef-
se sicam qua iugulata sit, hunc gladium quo discissa
dissipataque sit, quia multis in locis defuerint stre-
nui palæstritæ, desiderati sint idonei vindices, langu-
erint classium Ecclesiasticarum gubernatores, præ-
cones Evangelici tepuerint, hostiles insidias conui-
uentibus oculis dissimulauerint, ad sanandi vlceris
contactum exhorruerint. Non sic itur ad astra, non
illud Phrygium strategema locum hîc vel minimum
fortiri debet,

Aeneid. 2.

Mutemus clypeos, Danaûmque insignia nobis
Aptemus &c.

Procùl

Procūlabesse debet à pectore Catholico tam illibé-
 ralis & parū Christiana simulatio. Aut hostes nos
 profiteamur, aut patriæ defensores: aut ciues, aut per-
 duelliones: aut Catilinas, aut Cicerones. Vsq; quò
 claudicamus in duas partes? Si Dominus est Deus, 3. Reg. 18. 1
 sequamur eum: si autē Baal, sequamur illū. Nihil pni-
 ciosius amico simulato. In aduersis p̄batur amicitia.

Vt fuluum spectatur in ignibus aurum,
 Tempore sic duro est inspiciēda fides,
 inquit ethnicus Poeta. Si verè diligimus fratres, cur
 non callidissimas fraudulentissimi hostis insidias de-
 tegamus? cur simus speculatores cæci, canes muti,
 nescientes latrare? cur non indicabimus, cur non ca-
 piemus vulpes demolientes vineam? Nec enim est
 abbreviata manus Domini, vt etiā errantibus & in
 errorem mittentibus pœnitentiam dare nequeat.
 Quinimò sterilem ficulneā indulgentissimus Do-
 minus toto adhuc anno voluit stercoreari. Vsq; adeò Luc 13.
 verum est, quod ait Propheta: Arundinem quassatā Esa. 42.
 non conterit, & linum fumigans nō exringuit. Hāc Matt. 12.
 Domini nostri longanimitatem, hāc lenitatem, hāc
 tam impigram, & vt sic loquar, penē superuacaneam
 ac desperatam sedulitatem imitabimur quotquot
 Christum profiteamur, quotquot fratres, tametsi se-
 mineces iam, & extremo in præcipitio constitutos,
 diligimus. Quoties volui vos congregare, inquit ille Matt. 23.

EPISTOLA NVNCVPATORIA AD

Matt. 23.

Ioan. 13.

Eph. 4.

Heb. 10.

huius longanimitatis Doctor, quemadmodum gallina cōgregat pullos suos, & noluit? Cur toties studit eos congregare, quos sciebat ne semel quidem velle obtēperare? Exēplum dedi vobis, inqt idē alibi.

Magno igitur Dei Opt. Max. beneficio non solū in primitiua Ecclesia reliquisque temporibus & seculis, verū nostra quoque ætate habuimus datos nobis pastores & doctores: Ad quid? ad consummationem sanctorum, in opus ministerij, in ædificationem corporis Christi. Quid ais o Paule? de qua consummatione tu mihi hīc loqueris? Nōne vnica oblatione consummauit Dominus eos qui sanctificātur? Nunquid Pastores & Doctores, Ambrosius, Augustinus, Hieronymus &c. dati sunt ad consummationem sanctorum, quos semel consummauit Christus? Atquē huiusmodi Euangelicis argutationibus nos armant illi, qui nihil penē prāter tuas, o Paule, Epistolas & plerasque vtriusque Testamenti scripturas recipiunt. Sed venerabilior nobis es o Paule, q̄ vt fidem tibi detractemus. Agnoscimus in te & veneramur veridicum diuini pectoris tui spiritum, quem ille pastor, ille aurei oris doctor Chrysostomus, admirabundus vocat tubam Euāgelicam: Qui spe quodammodō perfecti consummatique sumus, etiā imperfectum nostrum videmus oculis nostris. Non igitur pigritantes grauamur, non inflati dedignamur

con.

consummari per illos quos ille pastorum princeps
 nobis dedit ad consummationem sanctorum, in opus
 ministerij, in ædificationem corporis sui, eoque non
 cum Israelitis, veluti super cibo leuissimo nauscam⁹, Num. 22.
 sed toto pectore gratias agimus Deo omnipotenti, q^d
 etiã nolentes volẽtes tot beneficijs cumulat, quod
 omnibus seculis largiatur familiæ suæ plerosq; æco-
 nomos, qui stomachis non omninò corruptis aut
 fastidientibus, panem veræ intelligentiæ verbi DEI
 frangant. Quorum vt multos priora secula, ita non
 paucos habuit ætas nostra, qui velut murũ se pro do- Eze. 13.
 mo Dei opponerent, acerrimisq; disputationibus
 voce & stylo cum hostibus religionis congrederen-
 tur. Eoque neutiquã ab eorum sententia recedi-
 mus, qui recrudescẽte morbo veterum illorum me-
 dicorũ vestigijs, diuino præsidio implorato, insistũt,
 & ad vsitata pridẽ remedia cõfugiunt, vsurpatosq;
 nupèr clypeos, hostibus bellum instaurantibus, rur-
 sũ obijciunt. Neque enim quia strenuè cum Arrio
 luctatus est Athanasius, idcirco ab asserenda trinita-
 te ac filij cum patre *ὁμοουσία* destiterũt Hilarius & Au-
 gustinus. Vtile & necessariũ est, inquit D. Prosper,
 etiã quæ scripta sunt, scribere, nè leue existimetur, Prosper in
epist. ad Au-
gust.
 quod non frequentè arguitur. Sanum enim putant
 esse quod non dolet, nec vulnus superinducta cute
 sentiunt, sed intelligunt peruẽturum ad sectionem,
 si

EPISTOLA NVNCVPATORIA AD

Phil. 3. si habuerit perseverantem tumorem. Et ipse D. Paulus, Eadem, inquit, scribere vobis mihi quidem non pigrum, vobis autem necessarium. Porro quicquid hîc à nobis laboratum est, Beatissime Pater, id in primis Deo quidem Opt. Max. & Ecclesiæ Catholicæ, deinde verò Tuæ Beatitudini dedicatum consecratumque, humiliter offerendum duxi. Cùm enim noster hic labor eò spectet, vt dissidiôrû in ecclesia componendorum rationem, à charissimo mihi parente Matthia Bredenbachio paucis abhinc retrò annis propositam ac typis euulgatam, ab aduersariôrû calumnijs vindicem, vnicamque illam ac veram pacis inueniendæ normam esse demonstrarem, Tuaq; Sanctitas præcipua quadam contentione, feruentissimoque zelo in hoc allaboret, vt tãdem hæc ipsa tam diuturna & perniciofa dissidia componantur: quicquid ad hanc pacem & concordiam inueniendam & firmandam spectare videtur, id summo totius Hierarchici ordinis Antistiti, pacem & vnitatem tanto perè desideranti, iure meritoque debetur. Accedit qd cùm superiori anno cum Reuerendis & Clariss. Serenissimi principis Alberti vtriusque Bauariæ Ducis Oratoribus, D. Martino Eisengreinio Theologo, & D. Ioanne Pfistero I. V. Doctore &c. viris de religione Catholica benè meritis, Romam ablegatus essem, priuato tuo colloquio, semel atque iterum me
pi-

PIVM V. PONTIF. MAX.

pietissimè benignissimeque dignatus sis, defun-
ctique parentis mei eiusdemque lucubrationum pi-
am ac honestam memoriam habueris. Quocirca quod
quid ad eius innocentiam, & quam professus est,
Catholicam Religionem tutandam pertinet, id tuæ
Beatitudini ac Pietati omninò probatum iri confi-
do. Improbet, laceret, excretur nostræ pietatis offi-
cium, improbum hæreticorum vulgus: ego (vt iam
non meis, sed beatissimi Hieronymi verbis utar) cū
successore piscatoris & discipulo crucis eandem re-
ligionem veneror: Tuæ Beatitudini, id est, Cathedra
Petri communione consocior: super illam petram
ædificatam Ecclesiam scio. Quicumque tecum non
colligit, spargit: hoc est, qui Christi non est, Antichri-
sti est. Hæc est fides, Papa beatissime, quam in Catho-
lica didicimus Ecclesia, quamque semper tenuimus,
in qua si minùs peritè, aut parùm cautè, fortè aliquid
positum est, emendari cupimus à te, qui Petri sedem
& fidem tenes. Si autem hæc nostra confessio Apo-
stolatûs tui iudicio comprobatur, quicumque me
culpare voluerit, se imperitum vel maleuolum vel
etiã non Catholicum, sed hæreticum comproba-
bit. Deus Opt. Max. Beatitud. Tuâ Ecclesiæ suæ Ca-
tholicæ pacandæ, gubernandæ atque ornandæ q̃ diu-
rissimè felicem, florentem, & incolumem cōseruet.
Datum Bonnæ Idib. Septemb. Anno 1567.

Hieron. in
epist. ad Da-
masum.

c

CAN-



Acilè mihi mea persuasit patientia, amice Lector, vt ad maledicum Iacobi Smidelini libellū hyperaspisten, hoc est, scutarium Thraſonica cohortis militem, quo vniuerſas penè Religionis Catholicæ partes impetit, & colendos mihi chariſſimi parentis mei cineres petulanti inſultu exagitat, nunc tandè reſpondeā. Mālebam enim aliorum lucubratſonibus in Latinum ſermonem transferendis placidū quietumq; ſtudioſum genus, quodq; quā minimum inuidiæ ſecum trahat, ſectari, quā cum eiufmodi homine luctari, à cuius contactu nil niſi teterrimam atrociffimorum conuiciſcoriam & fabrilẽ fuliginẽ queas referre. Certè imparem mihi cum hoc obturbatore certandi conditionem agnoſco. Nam (ſicuti de Catone alicubi commemorat Plutarchus) vt maledicere & malè audire illi facilimum, ſic mihi maledicere inſuaue, & malè audire inſuetum. Nec erat animus vel nunc quidẽ iſtū crabronem retundere, ſed iugi ſilentio potiùs ac tolerantia quietem ab inquietiſſimo redimere, niſi nupèr in longam quandā & egregiè cumulatam ſpurciſſimarum ſycophantiarum ſarraginẽ incidiſſem, quas hic idem in Reuerendiſſimum Dominū Stanislaum Hoſium Cardinalem impotentiffima conuiciandi libidine euomuit, vbi rursùs venerandos mihi Mānes parentis mei moleſtat, atque adeò iam olim defunctum odio pluſquā Vatiniano proſequitur, nec viuus nec mortuis parcens. Quocircā nè in perpetuum noſtra patientia abutatur, & auitam catholicamq; religionem prophanis ludibrijs exagitet, viſum eſt illi Thraſonico hyperaſpiſtæ hūc noſtrum Anthyperaſpiſten, hoc eſt, Catholicum Orthodoxæ Veritatis aſſertorem ſemèl oppo-
nere, neutiquā tamen eiufmodi armatura munitū, cuiuſmodi iſtum clypeatū pugilem obarmauit Vulcanius heros, qui omne præſidium ſuum in calumnijs, ſycophantijs, ſannis & ſatyricis
ron -

PARAENESIS.

ronchis collocat, tutūq; putauit iam bonus esse faber, si in summos Pontifices, Episcopos, Cardinales, & cuiusvis conditionis ac professionis homines, egregiè loricata & concatenata conuicia fabricare didicerit. Vt autem nōris, amice Lector, cum quali aduersario mihi dimicandum sit, visum est ex præstantissimi viri D. Bartholomæi Latomi (in quem eodem quo parentem meū impetiuit libello, maledicentiæ suæ virus euomuit) scriptis, eius personam qualitercunq; adumbrare. Is in apostrophæ suæ, quam in apologetico libello de docta simplicitate &c. habet ad Smidelinum, his eum verbis depingit: In celebri conuentu Vuormatiæ prodijsti & ipse in publicum, & in cōcionem ascendisti. At quo habitu? pulchro sanè ac decoro, nec Theologo minùs quàm tali & loco & tempore digno. Ex veteribus certè hierarchicis venerabilem aliquem dixisses, At quo tandè ornatu? nihil mentiar. cum sago aulico paulū infra gēua, manica altera picturata circa sinistrum humerum, exertis vtrinq; brachijs, & cum cultro venatorio ad latus. Mirum quòd petasum illum crassum & villosum in diuersorio reliqueras, quo te paucis antè diebus tectum, eodem quo dixi ornatu in frequentissima maioris templi concione cōspexeram &c. Habes descriptum nostrum Antagonistam, si externam corporis superficiem consideres. Porro cum indoles & ingenium hominis duobus potissimū signis soleat obseruari, habitu nimirū & oratione, cognito habitu, superest vt ex oratione veluti ex vnguibus leonem deprehendas. Ea autem est tam maledica, atrox, calumniōsa, & blasphemā, vt non Christianum gregis Dominici Pastorem, sed theatricum saltatorem: non Euangelij apostolum, sed apostatam liquidò queas animaduertere. Quibus enim & quàm atrocibus ludibrijs, scommatibus, conuicijs, ronchis, calumnijs & portētoſis dictērijs non in parentem duntaxat meum, verū etiā in laudatissimum præfulem D. Stanislauum Hosium Cardinalem destomachatus sit, nouerunt illi quotquot maledicentissimas

AD LECTOREM

eius rhapsodias perlegere dignati sunt. Qua conuiciandi sub-
fannandiq; libidine, cum totus veluti scabie quadā pruriat, ni-
hilominus in libro aduersus Reuerendissimum Hosium optare
ausus est aliquem Constantinum, qui tot conuiciorum libellis
exustis, sua auctoritate Ecclesiæ ministros eò adduceret, vt pri-
uatas offensiones obliuisci, doctrinæ explicationem sinè conuicijs
& sophistica fumerent: fortassè, inquit, minus esset & contenti-
onum, & offendiculorum in Ecclesia. Hæc igitur qualiscunque
atque, vt sic dicam, superficialia adumbratio aduersarij nostri,
sufficiet: nam de vitæ integritate & castimonia (quam tamè ipse
passim in Catholicis sacerdotibus, episcopis & pontificibus in-
uidiosissimè criminatur) nolo quicquam inuidiosius cōmemo-
rare, quanuis nec iusta ratio, nec idonea materia nobis deesset.
Neque enim ignoramus, quis & qualis sit Iacobus Andreæ Smi-
delinus, neq; nescimus quàm cōstanti & publica multorū gra-
uissimorū testiū voce de quibusdā rebus, quas ob honorē hoīs,
licet aduersarij, (spōtè dissimulo) notetur: Verène, an falsò, litem
non fecero meam: neque enim hîc criminum exprobratiōe, sed
religionis integritate certamus. Vtut sit, equidem meliora mihi
de ipso persuadeo, nec faciliè adducor vt credam huiusmodi de-
formes nauos in candido præconis Euangelici pectore locum
fortiri posse. Pulchrum Christianoq; homine dignum est istud
D. Bernardi: Si potes, excusa actionem: sin minùs, excusa inten-
tionem: si neque hanc, excusa tentationem. Illiberaliū sanè ar-
bitror esse animorum, de eiusmodi rebus acerbè digladiari. Qui
literis sese consecrârunt, versantur in studijs humanitatis. Huic
humanitati grauem profectò faciunt iniuriam, quotquot vel in
artium tractandarum, vel in Religionis asserendæ palæstra con-
stituti, à legitimis armis sese proripiunt ad saxa conuiciorum, &
ad lutulentas quarumlibet calumniarū adspergines. Si dicatur
quòd hîc Iliacos intrà muros peccetur & extrà: nusquam tamen
grauius peccatur, quàm apud eos, qui Catholicæ Religiois cul-
tores

PARAENESIS.

tores quolibet criminationum genere persequuntur, qui in cō-
flanda sacerdotibus inuidia, & concitandis popularibus sediti-
onibus summum præsidium collocant. Nihil hic de impetuoso
illo maledicentiæ Luteri fragore, nihil de versutis Caluini ca-
lumnijs, nihil de atris Melanchthonianæ scriptitationis carbo-
nibus referemus: vnicus aduersarius noster exēplo esse poterit,
nulla non in pagina teterrimam hostilium criminationum fuli-
ginem in Paulum III. in summos Pōtiffices, Cardinales, Episco-
pos, atq; adeo passim in quoslibet sacerdotes Catholicos excu-
tiens. Sed cui mortalium parcat, qui ipsos sanctorum Martyrum
beatissimos Mānes, qui sacros & venerandos primitiuae ecclesiæ
patres, & in his ipsum Spiritum sanctum persequitur & oppu-
gnat? Taceo præterea atrocissimas truculentissimasque Luteri
imagines in vniuersum Pontificum & Cardinalium ordinem,
famosos deinde totius factionis libellos, clancularia satyricorū
hominū poemata, sinè nomine in quorumlibet nomina passim
euulgata, personatas deniq; sermocinationes ac dialogismos,
atq; id genus plusquam pasquillicæ licentiæ strategemata. Besti-
arum est mutuo fremitu in mutuam perniciem insurgere, vitu-
lorum est mugire, felium vnguibus lancinare, murium rodere,
coruorum prædari, cyclopum & incendiariorum fabricatas ad
hanc insaniam faces subministrare: satisfaciant suis nominibus
isti philosophi: ingenuarum artium mansueiudo ab hac *μισαν-
θρωπία* longè est alienissima. Omissa ergò hac philosophia, so-
lius religionis vindicandæ propositum nostra lucubratioe prose-
quemur. Si igitur libet cognoscere qua erga Deum religiōe du-
catur aduersarius, paucis vnum aut alterum doctrinæ, quam p-
fitetur, themation recensebimus. Caput doctrinæ eius est, quòd
hominis verè Christiani sit, certò sibi persuadere, se indubitato
salutem obtenturum propter fidem in Christū. Nobis verò ob-
ijcientibus, quid si contingat hac spe excidere, istaque certa per-
suasione falli & defraudari? respondet ex sua sophistica, fieri hoc

AD LECTOREM

Eccl. 9.

Iere. 17.
Iob 9.

1. Cor. 9.

1. Cor. 6.

Hieron.

Agnosce le-
ctor vocem
diaboli, lo-
quentis nūc
per Smidel.
vñ olim lo-
cutus est p
serpentem.

Per fallaciam accidētis. Ac tametsi Catholici bonos & pios plūs sperare quā timere iubeant, non tamen hanc nouitiam fidem, & tam arrogantem præsumptionem admittunt, quia nescit homo utrū odio an amore dignus sit. Nec id mirum, cū prauum sit cor hominis & inscrutabile, & quis cognoscet illud? inquit Propheta. Si voluero me iustificare, dicit Iob, os meum cōdemnabit me: si innocentem me ostendero, prauum me cōprobabit: etiamsi simplex fuero, hoc ipsum ignorabit anima mea. Paulum quoq; fidei in Christum promptissimæ cū adeo non securum fecerit hæc fides, vt etiā castigaret corpus suum, & in seruitutem redigeret, metuens, nē, cū alijs euangelizasset, ipse reprobis efficeretur. Smidelinus tamen prompta certaq; fide sibi pollicetur regnū cæleste, vñ nulla ratione queat excidere: sed q̄ vanē, facile perspicit, qui ex scripturis cognouit, neq; hæreticos neq; maledicos regnū Dei possessuros. Hæc tam hæreticam doctrinam, cū suis publicitū inculcet, haud sanē mirū est, per accidentis fallaciam accidere, vt plurimi sperata salute defraudentur. Rectē igitur D. Hieronymus iam olim contra Iouinianum eandem penē hæresin adferentem: Angeli, inquit, de cælis descendūt, & Iouinianus de eorum possessiōe securus est? Hæc sunt sibila serpentis antiqui: His consilijs draco de paradiso hominem expulit. Nam & ille repromisit eos immortales futuros, quasi nunquā possent corruiere: & dum diuinitatem æqualem Deo pollicetur, expulit eos de paradiso, vt qui nudi & expediti Domini consortio fruebātur, deiecti in vallem lachrymarum, tunicis confutis & pelliceis vestirentur &c. Hæc Hieronymus. In sanctos Dei Martyres tam execrādam expuit blasphemiam, vt miracula quæ digito Dei ad ipsorum sepulcra olim ad fidem Christianam asserendam facta sunt, atq; etiam nūc fiunt, cum Porphyrio & Eunomio damnatis hæreticis, præstigias dæmonum appellet, blasphemia non verbo, sed ferro vindicanda. Chrismatis vsum cū ex Clemente, Dionysio Areopag. Fabiano,

PARAENESIS

no, Cypriano, vetustissimisq; Patribus docemus, cum Augustinum proferimus disertè scribentem: Chrismatis sacramentū in genere visibiliū signaculorū sacrosanctum est, sicut ipse Baptismus: respondet, non illum duntaxat, sed & alios errores id temporis ecclesiam inuasisse, Patresq; si admoniti fuissent, hunc errorem facile emendaturos: vt mirum sit, Christum sponsam suā Ecclesiam tam arcto amore complectentem, hunc prophetam ex fabili ergastulo tam serò eductum, ante annos mille quingētos non misisse ecclesiæ, vt eam tantorum errorum admoneret: Quasi verò ecclesia iam olim ante annos mille per Nauatianos ob Chrismatis vsum repræhensa non sit: nec tamen ob id quicquam mutauit. Nam quod Nouatiani Chrismatis vsum impugnauerint, refert Theodoretus: Qui Nouatum sectabantur, inquit, alia quædam illi dogmata attexuere: qui sibi alteram duxisset coniugem, sacris expellebant mysterijs. Ijs deniquè qui ab ipsis baptizantur, sacrosanctum non exhibent chrisma. Quamobrem eos etiā, qui ista ex hæresi in ecclesiæ corpus coalescūt, laudatissimi patres constituerunt vngendos. Hæc ille. Hi sunt q nostram ecclesiam ad illius primitiæ imaginem reformare volunt: cuius testimonijs dum maximè premuntur, & hæreses suas nullo fuce palliare queunt, illos etiā erroris & inscitæ non erubescunt insimulare, qui ipsorum & Apostolorum discipuli fuerunt, suamq; doctrinam ex ipsis hauserunt. Sed quis portentosissima huius hominis paradoxa vniuersa valeat enumerare? Hæc tantum veluti per transfennam exhibere volui, Lector optime, vt quæ sub reliquis erroribus in ipso opere fusiùs tractatis lateant errorum & blasphemiarum portenta, ex hoc specimine depræhendas. Quæ si, vt insignis est hominis superbia, à me retractari indignè tulerit, & conuiciorum clamorumq; fulmina deprompserit, equidem de Dei benignitate & causæ integritate confusus, hoc illi promittere non expauesco, quod de se Milo apud Ciceronem refert, nunquam se tam inermem fuisse, quin

lib. 2. ca. 104
cōt. lit. Pet.

lib. 3. de p-
uerf. hæret.
fabul.

quin satis armatus esset aduersus talem foeminam, Clodium scilicet. Nunquam enim me tam inopis animi fore, per Dei gratiam confido, quin illius tam proterui insultatoris purulenta adspersione facili negotio velut spongia sim abstersurus. Si ille praefractus pacem cum scuto petit, & nos oliuae ramum gladio inferimus. Eligat vtrumcunq; volet, neutrum subterfugimus. Sanè quæ in hoc opere dogmata tractauimus, eiusmodi sunt, vt in Catholica Christi Ecclesia iam inde ab Apostolico seculo sint obseruata: quæ omnia cum noster antagonista velut erronea & commettitia rideat, exhibeat atq; explodat, vter nostrum iustiore foveat causam, tua candide lector integritas facile perspicit, boni & cordati omnes non obscure animaduerrunt, Catholica Christi ecclesia in S. Oecumenico Concilio iudicauit. Itaq; si quæ fortè calumnia contra me fuerint exortæ, boni omnes me facile tuebuntur, & causæ, quam tueor, sinceritate & recti conscientia fretus, etiamsi fractus illabatur orbis, impavidum ferient ruinae. Vale.

CAPITVM LIB. I. ARGVMENTA.

Cap. I.

- P**roœmium continens causam & occasionem scribendi huius operis, & cur aduersus hæreses scribendum.
2. Progreditur author ad defensionem, declarans quàm falsò dicat Smidelinus, deploratum esse in castris Catholicorum, eoq; sacrificos ad Bredenbachii patrocinium confugisse: obijciunturq; ei plurimi scriptores nostræ ætatis, quibus nihil responderunt aduersarij. Producitur etiam Brentius, qui in Concilio Tridentino sæpius à Patribus compellatus, vt doctrinæ suæ rationem redderet, obmutuit. Deinde obiter refertur, quò fiat, quòd viri doctissimi quandoquæ in hæreses prolabantur.
 3. Quàm inepte repellat Bredenbachium Smidelinus à studio Theologico, quòd sit coniugatus, cum ipse cum omnibus symmystis suis sit coniugatus. Multos deinde coniugatos tam in primitiua quàm nostra Ecclesia de rebus sacris quid conscripsisse. Ineptè præterea D. Barthol. Latomum Rhetorem, Bredenbachium verò Grammaticum vocari à Smidelino, cum ipse nec Rhetorè nec Grammaticum se esse declare.
 4. Criminatur aduersarius Bredenbachium, quòd apologum suo libello infere-

ARGVMENTA CAPITVM LIB. I.

rueritur rursùm demonstratur, apologos non in profanis dūtaxāt, sed sacris etiā literis esse v̄sitatissimos, atque adeo ipsum Brentium quem defendēdum suscepit, sua prolegomena à fabula inchoasse.

Refutatur aduersarius, docens in Pastore requiri necessariò vitam probam cum sana doctrina, ad hoc vt oues ei teneantur obedire.

Explicantur Canones prima fronte dissoni, an liceat audire Missam sacerdotis concubinarij.

Smidelinus vult pastorum doctrinam examinandam exemplo ciuiũ Berrhœnsium in Actis Apostolicis: confutatur, quia Luterus suam doctrinā voluit ab hominibus, ab angelis, & à Deo ipso habere iniudicatam: Deinde quia Melanchthon voluit ecclesiam veterem consuli in examine doctrinae, non verò solam sacram scripturam, vt vult aduersarius.

Profertur genuina sententia loci Acto. xviij. an ciues Berrhœses hoc pacto scrutati sint scripturas, quasi de doctrina Pauli dubitauerint.

Quomodo pastoris queat examinari doctrina, vt non violetur charitas Christiana.

Novè & ineptè Smidelinum comparare Romanum pontificem meretrici Babylonicae, & meretricis nomen potius in ipsos competere, cum in sacris literis per meretricem plerunq; intelligatur doctrina haeretica, veterumq; nemo locum Apocalypseos ita sit interpretatus, vt eum exponit aduersarius.

Declaratur, quanto dolo Smidelinus Bredenbachij ordinem peruertat, & obiter progreditur author ad explicatiōem istius monosichi, Tu supplex ora, tu protege, tuq; labora: quem versum velut absurdè adductū criminatur aduersarius, prætermisissis solidissimis argumentis, ex quibus hic versus suam lucem & robur accipiebat.

Criminatur aduersarius sacerdotes, quod sibi vendicent cultum diuinum: refellitur & rationibus, & SS. Patrum Testimonijs.

Demonstratur scripturis, sacerdotes & mediatores, reconciliatores, intercessores, dispensatores mysteriorum Dei, ab ipso Paulo & prophetis vetustissimisq; Patribus appellari. Item quomodo sit mediator Christus, & quomodo mediator sacerdos. Refelluntur demde cauilli Smideliniani de sacerdotũ officio in ministerio reconciliationis, quos obiecit Reuerendiss. Hofio.

Confutatur diuinis apostolicisq; literis, adeoq; ipsius Luteri testimonio aduersarius, docens hominem debere certa fide credere se indubitato saluũ fore, doceturq; Christiano etiā necessarium esse pium timorem, & id quamob-

d rem

CAPITVM LIB. I .ET II.

rem, scripturarum Patrumq; doctrina luculenter & copiose demonstratur.

- 15 Explicatur fusè & eleganter locus Deuteronomij 17. cap. Indicabunt tibi iudicij veritatem, esseq; hæc verba nō mandati, (vt vult aduersarius) sed promissionis, idq; docetur ex Græco, Hebræo & Chaldeo textu.
- 16 Demonstratur idem ex Iudeorum Rabbini & alijs rationibus.
- 17 Non esse nouum aut impossibile, Cathedram Moysi in causarum iudicijs non potuisse errare, cum non sit de promittentis Dei fide dubitandum, & vnicuiq; mystici corporis membro instilletur à capite facultas suam functionem exequendi, quod veteris testamenti exemplis docetur, multoq; magis hanc facultatem collatam summo illius Cathedra præsidî.
- 18 An tunc demum Iudæi suo iudici parere debuerint, si iudicaret secundum legem Dei, & quatenus legis diuinæ scientia à populo requiratur, cum aduersarius indistinctè velit, populum omnino teneri ad scientiam legis diuinæ, explicaturq; obiter locus Deuteronomij 6. quem ad hoc corruptè adducit.
- 19 Vix facinus, & prophetarum querelas de sacerdotibus & scribis, nihil derogare veritati, quam Deus in ore iudicis Mosaiici fore promisit, neque assistentiam Dei promitti in factis Pontificum, sed in iudicij iudiciali more requisitis, atque in hisce etiã improbos Pontifices semper iudicasse iudicij veritatem.
- 20 Exemplum Phassur ex Hieremia cap. 20. non labefactare hæc iudicij veritatem, cum Phassur non fuerit summus sacerdos, sed præpositus templi: obiterq; declaratur, non esse idem officium Pontificis & præpositi templi, vt per imperitiam putat aduersarius.
- 21 Demonstratur, qua ratione dici possit in iniquissimo iudicio Caiaphæ contra Christum, etiã fuisse pronunciatam veritatem iudicij secundum promissionem illam Dei, factam in Deuteronomio cap. 17. Indicabunt tibi iudicij veritatem.
- 22 Declaratur, quàm falsè Smidelinus contra Bredenbachium concludat.
- 23 Docetur, cur Christus docuerit cauendum à fermento Phariseorum, hæcq; Christi doctrinam non pertinere ad seditionem, vt temerè desciscamus à nostris præpositis. Deinde non omnia, quæ Deo permittente sunt, esse probanda.

LIBER II.

- I Cōtinet παρασκευὴν & præparationem libri secūdi, & quid in eo tractandum sit, breuiter exponit.

Quo-

ARGUMENTA

Quomodo Ecclesia Dei Catholica sit visibilis & invisibilis, & cur here- 2
tici ignorent Ecclesiam.

Quo signo vera visibilis & catholica Christi Ecclesia verissimè cognosci 3
possit, nempe si digito Dei demonstretur, esseq; Ecclesiam Catholicam digito
Christi nobis demonstratam.

Visibili Christi ecclesie necessum esse visibile quoddā caput, & generalem 4
gubernatorem, ad vitanda schismata.

D. Petrum constitutum esse Christi vicarium & generalem Ecclesia gu- 5
bernatores, quod multis Evangelij & Patrum testimoniis declaratur: quo-
modo Petrus dicatur Apostolorum Princeps, & quomodo dicendū sit, Apo-
stolos fuisse pares.

Divinum Petrum in hac generali cura successorem aliquem necessariū ha- 6
bere.

Romanum Episcopum esse D. Petri successorem, varijsq; modis probatur 7
Romani episcopi eminentia.

Confutantur Smidelini argumenta contra primatum Romani episcopi, & 8
primò, an Christus prohibens discipulos de primatu contendere, omnem prima-
tum Petro abrogaverit, solaq; eminentia quadam donorum fuerit, non etiā
potestatis inter Apostolos, ut vult adversarius.

Non omnes illos esse Petri successores, quotquot à D. Petro ordinati sunt 9
episcopi, ut falsò asserit adversarius.

An rectè faciat Smidelinus, quòd suam suorumq; pervicaciam vocet con- 10
stantiam.

In cathedra Moysi aut Petri sedentes, licet non aequent Moysen aut Petrum 11
sanctimonia, tamen audiendos esse.

Declaratur, quàm falsò & malignè depravaverit Smidelinus verba Cy- 12
priani, ut seditionem excitet in Ecclesia Catholica, & quòd Cyprianus planè
ei contrarius sit, videlicet plebem non debere temerè à suo pastore desciscere,
quod Cyprianum dicere vult Smidelinus.

Non ineptè adductum à Bredenbachio locum Pauli, Tu quis es qui iudi- 13
cas alienum servum: ibidem gravissimus locus ex Chrysostomo adducitur, quo
arguuntur illi, qui temerè in pastores Ecclesiasticos insurgunt, Itemq; memo-
rabile dictum Constantini Magni.

De ordine Hierarchico Ecclesie Catholicae, eoq; non facilè turbando. 14

De diuersa principum & episcoporum functione, & opus bonū quandoq; 15
ex

LLL 2

ARGVMENTA

ex persona vel temporis circumstantia malum reddi.

- 16 An episcopi habeant potestatem iudicandi causas seculares & vsurpandi gladij. Itemq; D. Augustinum & alios episcopos eius temporis, non raro aut accidenter, sed totos dies, idq; frequenter exercuisse iudicia secularia, quod in nostris episcopis malignè criminatur Smidelinus.
- 17 Reddit Smidelinus causam suae defectiois à Catholica fide, nempe, propter quorundam peccata & falsam doctrinam. Hic ipsius Lutero verbis confutatur, quò scilicet, Lutero teste, ipsius doctrina exorta, omnia vitia sumpserint incrementum, & haereses antiquae sint renouatae.
- 18 Demonstratur, quàm improbe obmutescat aduersarius ad praecipua Brendebachij argumenta.
- 19 Quàm ineptè & calumniosè aduersarius accuset Paulum III. Pontificem, quòd sua suorumq; peccata publica querela defleuerit, idq; omnibus Prophetis & Sanctis fuisse familiare.
- 20 An quia Paulus dicat se Gentium, Petrum verò circumcisionis Apostolū fuisse, idèò Paulus Petro par fuerit, & Pauli locum ab aduersario adductū, ipsi maximè aduersari.
- 21 Cur Petrus circumcisionis Apostolus dictus, & Paulus Gentium.
- 22 An Petrus à Paulo verè fuerit repraehensus, & si verè repraehensus sit, non ob hoc imminui auctoritatem Petri.
- 23 An Petri eminentiam minuat, quòd scribit Lucas eum à reliquis Apostolis missum esse in Samariam.
- 24 An idèò biceps monstrum obtrudatur Ecclesiae, vt vult Smidelinus, si dicamus post primarium caput Christum, etiàm secundarium caput datum esse Ecclesiae Petrum Apostolum.
- 25 An quia Christus vicaria opera omnium sacerdotum vititur, idèò nullus inter eos eminere debeat. Item episcopi à sacerdote differentia, veterum quoq; Sacerdotum in veteri lege distinctio.
- 26 Rursus ineptiae quaedam Smidelini refutantur contra primatum Petri.
- 27 Declarantur Canones quorundam Conciliorum, qui videbantur obstare primatui Episcopi Romani, eorumq; genuina sententia explicatur.
- 28 Declaratur Canon Concilij Antiocheni.
- 29 De Ioāne Constantinopolitano Episcopo, vocante se patriarchā Oecumenicū, & Gregorio episcopo Romano ambitionē Ioānis reprimēte, Romanosq; Episcopos iam olim agnitos & nominatos fuisse vniuersalis Ecclesiae Episcopos.

Cy-

Cypriani verba, deprauatè: Concilij Niceni, falsò ab aduersario adducta, 30 demonstratur.

LIBER III.

Deo punienti peccata nostra, an sit resistendum. I

Quatenus hæretici Sacramenta, & quæ, possint administrare. Item Smide- 2
linum non esse sacerdotem ordinatum, vti ipse confitetur aduersus Staphylū,
eoq; ipsum potius quàm Ecclesiam, fraudare populum toto Eucharistiæ Sa-
cramento. Denique quis sit funiculus hæreditatis Smidelini.

De chrismate. probatur eius usum fuisse antiquissimum in Ecclesia Ca- 3
tholica, quem cum idoneis argumentis non potest confutare Smidelinus, mā-
uult vniuersam primitinam Ecclesiam erroris accusare, quàm suum errorē
confiteri.

Ob hanc pertinaciam non posse Smidelinum haberi pro Christiano & 4
Catholico.

Theodosius Imperator præcepit Canones pristinos observari, & an iudex 5
fuerit in Concilio Theodosius, vt vult Smidelinus.

Praxis & mos veteris ecclesiæ in iudicandis religionis controuersis. 6

Ne hæreticos quidem Imperatores Ecclesiasticas causas iudicare voluisse. 7

Smidelinus conuictus, quod principes non sint legitimi iudices causarum 8
Ecclesiasticarum, respondet, tametsi principes doctorum iudicio ducantur, nō
tamen eos sine iudicio suæ conscientie illis assentiri: obiterq; demonstratur,
quàm vanè hisce technis effugere quærat, in summas angustias redactus.

Brentius quomodo iudicium causarum Ecclesiasticarum inuoluat. Item 9
ne Ethnicos quidem Imperatores usurpasse sibi iudicium causarum Ecclesi-
asticarum.

Ab exemplo Caroli V. & Ferdinandi Imperatorum demonstratur, quor- 10
sum pertineat iudicium causarum Ecclesiasticarū, & obiter nonnihil de hi-
storia Socratis & iudicio Theodosii.

Quàm malè sibi consulat Brentius, quod talem elegerit aduocatū, qualis 11
est Smidelinus.

Ecclesiam militantem non carere maculis suis, & Euangelicos falsò suum 12
negocium comparare cause Apostolorum.

Nihil vnquàm à Prophetis prædictum, quod mundus tantis tenebris ob- 13
rueretur, vti obrutum esse iactant Euangelici, cum tamen reliqua quæ hac-
tenus euenerunt, à Prophetis prædicta sint, teste Augustino: neque prædictū

CAPITVM LIB. III.

vsuam, has tenebras per Luterum aut Calvinum illustrandas. Christi quoque apud Matth. 24. cap. de venturis pseudopphetis & Pauli ad Thessal. de Antichristo vaticinia, non de Catholicis & Rom. Pontifice praedicta, ut contra Hosium adstruit Smidelinus, sed de ipsis potius Luteranis, verissimis Antichristi praecursoribus, ac demum de ipso Antichristo.

- 14 Declaratur, quomodo Euangelici corruerint verba Lyrani, ut eum contra Catholicos possint producere.
- 15 Luculenta & copiosa declaratio, quatenus debeat fides adhiberi testimoniis SS. Patrum in definiendis religionis controuersis.
- 16 Philippi Melanchthonis de patribus censura ineptissima simul & impietatis plenissima.
- 17 Smidelinus volens vaticinari de excidio Papatus & Catholicismi, vanitatis conuincitur.

LIBER III.

- 1 **D**E votis, Item quibus modis castitas possit conseruari. Nec isse impossibile castitatis conseruationem, Catholicorum haeticorumque testimoniis docetur. Dictum Christi, Non omnes capiunt verbum hoc, luculenter explicatur.
- 2 Tractatur locus Ambrosii ad virginem lapsam, atque item eos Christo desponderi, quae accepto velo & publico voto, se ad continentiam obstrinxerunt. Melius est nubere quam vri, ad quos pertineat. Vetustissimum esse usum sacri veli ac tonsurae monasticae.
- 3 Refutantur cauillationes Smidelini aduersus Reuerendiss. Hosium de votis Monasticis.
- 4 Erasmi testimonium de Lutero, minimè inconstans, ut vult Smidelinus. Erasmo consentit Luterus, qui qualis in episcopos & principes seculares fuerit, declaratur.
- 5 An ecclesia habeat potestatem condendi leges morum, & statuendi articulos fidei.
- 6 Exemplis docetur, Ecclesiam habere potestatem condendi leges morum &c. Symbolum quod Apostolicum dicitur, an Apostoli condiderint: & an, si dicatur Apostolos illud condidisse, consequatur, Symboli Articulos à veteribus aut ignoratos, aut non creditos, ut vult aduersarius.
- 7 An rectè dici possit, Ecclesiam tempore Christi fuisse in ipsis Apostolis.

Chri-

ARGVMENTA.

- Christus an sit articulus fidei, vt vult cum Lutero Smidelinus.* 8.
De Canonum Ecclesiasticorum authoritate. 9.
Catholicus quis sit dicendus, & cur ad scripturas prouocent, quibusq; signis 10.
cognoscantur heretici.
De authoritate traditionum non scriptarum. 11.
Ecclesiam habere potestatem iudicandi de scripturis. 12.
In cōcilys non semper adhibitas esse solas scripturas ad confutandas here- 13.
ses, ipsosq; hereticos se aduersus anabaptistas tueri sola authoritate Ecclesie.
Luterum ne ipsis quidem Apostolis parere, vt sua paradoxa stabiliat.
An omnia fidelium opera sint peccata, vt vult Smidelinus. 14.
Luterus qualis fuerit in principes Germania &c. Item non omnia qua sa- 15
cramentum Eucharistie concernunt, ab Euangelistis expressa esse.
Non arrogant sibi Catholici potestatem, quasi ex substantia panis & vini 16
conficiant ipsi corpus & sanguinem Domini, vt calumniatur Smidelinus: sed
hac transmutatio sit virtute verborum Christi, vt fuse declaratur. obiterq; re-
felluntur cauilli Smideliniani de transsubstantiatione aduersus Reuerend.
D. Georg. Lantherium.
In Consecratione cur aqua vino misceatur: exploditurq; de hac mixtione 17
commentum Smidelini.
Christum in cœna corporis & sanguinis sui oblationem docuisse, eademq; 18
obtulisse Deo Patri: ubi rursus obiter confutantur pleraq; ex libello Smideli-
ni de Missa aduersus R. D. Georg. Lantherium.
De communionē sub vtraque specie. 19
Aduersariorum testimonijs docetur, non esse necessariam vtriusque spe- 20
ciei communionem.
Confutantur argumenta Smidelini pro defensione vtriusque speciei. 21
Solos sacerdotes sacrificare, & sacramentum Eucharistie conficere posse. 22
Et an Christus secundum humanam naturam sit ubique, vt vult Smidelinus
contra Ingolstadianos.
Tonsuræ Ecclesiasticæ antiquitas demonstratur. 23
Canon Missæ quomodo à Lutero corruptus. 24
Excutitur copiosè controuersia de iustificacione. 25
De usu imaginum, efficacia signi Crucis, & habitu Missali. 26
De cultu, veneratione, & inuocatione Sanctorum. 27

Re-

28 Refelluntur Argumenta Smidelini in Reuerendiſſ. Hoſum & Bredenbachium contra inuocationem & venerationem Sanctorum.

29 An Romanus epiſcopus ſit purpurata meretrix, de qua in Apocalypſi, vt aſſerunt aduerſarij.

Epilogus.

PETRVS MORELIVS SLEIDANVS
in iuſtiſſimum clariſſ. viri D. Tilmanni Bredenbachij
Anthyperaſpiſten, optimi clariſſimiq; patris pietatis ergo.

EN tibi poſt cineres patrem clariſſima proles
Vindicat eximio ſacræ pietatis amore.
Scilicet hoc pietas & puræ ſanctio mentis
Exigit, vt patrios ſoueat poſt funera Mânes
Filius, & vani contemnat murmura vulgi.
Si meritò claros fidei veneramur Achates,
Qoi totum libris orbem excoluere beatis:
Cur non hæc eadem maneat præconia magni
Matthiæ gnatum, calamo qui ſepiùs vno
Perſonat Auſoniæ Graiaq; idiomata lingue.
Nunc lepidas inter Charites Parnaſidis vnda
Ora rigans, nunc ambigui per gramina campi
Ingenium exercens, ſtudijs dum conſulit aquis,
Inſtaurans lacere veterem pietatis honorem.
Sine graues cauſas calamo tractare ſoluto,
Seu volet ad certas arctare poemata leges,
Dexter vtrunque tenet iuſto moderamine Muſam.
Ergo feſta dies toto nunc panditur orbe,
Qua patris eximij mânes pietatis amore
Vindicat, ac hoſtem tota propellit arena,
Arma ferens claro ſempèr radiantia Olympo.
Maſte iſta pietate, leuis nec ſibila vulgi
Expendas, Tilmanne, tibi ſunt præmia certa.
Gloria perpetuis tibi ſtat decoranda triumphis.

ANTHY.

ANTHYPERA SPISTIS PRO VERA COMPO

nendorum Ecclesiæ diffidiorum ratione D. Mat-
thiæ Bredenbachij aduersus Iacobum Smi-
delinum,

LIBRI I. CAPVT I.

*Proœmium continens causam & occasionem scribendi
huius operis, & cur aduersus hæreses scribendum.*



A est Veritatis natura, vt licet plurimis
inimica sit, omnes tamen eam habere cō-
tendant. Et dum omnes decertant, nemo
nō ex hoc certamine aliquas exuias re-
portat. Alij enim falsam Veritatis imagi-
nem, alij præsumptam opinionem veri,
alij ipsum Veritatis corpus adipiscuntur.
Atque hoc initum semel inter mortales
certamen, in amplissimo hoc rerum hu-
manarum theatro adeo frequēs est & so-

Veritatis na-
tura.

lenne, vt æstus ille contentionis nunquā se remittat. Siquidem
in omnibus actionibus, tractatibus, pactis, conuentionibus & ne-
gocijs humanis, videre est athletas in hoc certaminis genere decer-
tantes. Qui enim inter mortales fraudibus, dolis, technis & impo-
sturis fratrem in negotio circumuenire moliuntur, falsam imagi-
nem Veritatis habere conantur, eamq; ostentant, vt loco Veritatis
præsumptam veri opinionem hauriat proximus. Et cum alij ad frau-
des, alij ad integritatem propēdeant: alij etiā seu mobilitate, seu
simplicitate animi ducti, fucatam veri speciem amplectantur: fit vt
fraudenti falsam Veritatis imaginem, mobiles & simplices præ-
sumptam veri opinionem, integri & cordati ipsum Veritatis cor-
pus obtineant.

Videmus illud luculentè in commercijs humanis & negocijs
A
cui-

ciuilibus: sed omnium luculentissimè in contentionibus & controuersijs Ecclesiasticis, in quibus catholica Dei ecclesia cùm varijs hæreticorum portentis iam inde ab Apostolorum temporibus luctata est, & nostra ætate nō septicipitem, sed innumerabilium penè capitum hydram experta est. Hæresis enim, inquit Ambrosius, velut hydra quædam crescit, & dum sæpè reciditur, pullulat, igni debito incendioque peritura.

Hæresis hy-
dri compa-
ratur.

Amb. lib. 1.
de fide Ca-
thol. cap. 4.

Hyperaspi-
stes Smide-
lini.

Causæ scri-
bendæ huius
defensiois.

Ex huius hydræ ceruicibus suppullulauit nupèr quidam Iacob Smidelinus, qui vt falsa & dolosa veritatis imagine præsumptâ opinionem veri imperitis & incautis ingerat, & ipsum veritatis corp⁹ Ecclesiæ Catholicæ veritatis colūnæ eripiat, paucis abhinc annis, incertum an dictante Brëtio, an suopte ingenio, fabricauit Hyperaspisten quendam τῶν παρολεγομένων Ioannis Brentij, aduersus librū de componendis dissidijs Matthiæ Bredenbachij, quem olim vt pientissimum non corpusculi duntaxat huius, sed & animi mei parentem ac formatorem, filiali affectu prosecutus sum: nunc quoniā fato nimium acerbo paucis abhinc annis nobis ereptus est, piam eius memoriam qua possum veneratione complector. Porro cū viri quidam doctrina & pietate præstantes, euulgato hoc Smidelini Hyperaspiste, viderent, venenatissimas vipers & aspides sub dolosis prestigijs simplicibus obtrudi, & iniuriā S. Martyrū, Orthodoxorum Patrum, atque adeo totius Ecclesiæ Catholicæ surda aure sustinere nequirent, quorum om̃ium sanctissima scripta, modò vt hominum commenta contemnit, modò impudentissima, & plusquàm sacrilega temeritate (vt suo loco planissimū faciemus) torquet, truncat, & deprauat hic siue conductitijs, siue personatus antagonista: scriptis literis & viua voce me hortati sunt, vt sepositis paulispèr translationibus & interpretationibus, alijsq; id genus studijs, (in quibus hactenùs pro ingenioli mei tenuitate, & collatæ à Deo gratiæ modulo non nihil deludāram) huius Thrasōnici hyperaspistis confutationem aggrederer. Diū sanè, illo qui me iudicaturus est, teste, reluctatus sum, meæ infirmitatis & Aduersariorū pertinaciæ conscius.

Verū cū viderem hanc lucubrationem me à cōsuetis sacrarum literarum studijs non abducturam, putavi tantorum virorum man-

mandatis, tum etiā pientissimis optimi parentis manibus, atque adeo vniuersæ Ecclesiæ Catholicæ tantillum obsequij & officij nõ esse denegandum. Nam quod olim solæ Imperatorum sanctiões ab hæredibus impetrarunt, vt famam testatoris sub hæreditatis amittendæ periculo legitima ratione vindicarent, id in primis à me impetrare debuit Catholicæ veritatis amor, filij in patrem charissimū pietas, & summa diuinorum eloquiorum, S. Martyrum, Catholicorumq; Doctorū iniuriā. Si referente M. Tullio, ea semper causa plurimū valuit, semper ea ratio accusandi fuit honestissima, pro socijs, pro salute prouinciæ inimicitias suscipere, ad periculum accedere, operam, studium & laborem interponere, putarim sanè defensionem pro optimo charissimoq; parente, pro Ecclesia Dei, pro religione, pro aris deniq; & focus, non solum summa cum honestate suscipi posse, sed & pietatis iure cogente omnino suscipi debere. Enimuerd sanè si priuatim duntaxat à Smidelino læsus esset Bredenbachius, facilè profectò id condonarem illis affectibus, quos omnia pseudeuangelicorum scripta resipiunt, quiq; à Philosophis non insipientibus inter morbos καὶ τὰ πάθη & perturbationes referuntur, quos si in consilium adhibeas, planè incōsultos cōsulueris consiliarios. Verū quia germanam illam auitam, & verè Catholicam apostolicamq; fidem, pietatem & religiōem, & in his ipsis pientissimam matrē Ecclesiam, quæ nos in aqua & spiritu regenerauit Christo, per optimi charissimiq; parentis latus fauciari videbam: perfidiam fore putauī, non patientiam, vno vnus maleferiati impetu matricidium simul & parricidium tentatum non prohibere, non pro qualibuscunq; viriculis, quas Deus Opt. Max. dedit, auertere: oppugnatam Veritatem à sycophantę morfu non vindicare.

Et quanuis metuendum nobis sit, nè Smidelini (vt plerunque omnium hæreticorum) vulnus sit insanabile, qui sciens, prudens, immò imprudens & vecors, plusquàm Sathanico ausu & scripturas sacras & Sanctorum Patrum eloquia manifesta impietate torqueat, corrumpat & adulteret (lubens hīc vanitatis notam sustinebo, amice lector, nisi temporis filia veritas iam iam producēda, suo irrefragabili testimonio turpissimas scelestissimasq; calumnias &

l. i. c. de his
quibus vt
indignis
&c. & ibi
Doct.

In Diuinat.
in Verrem.

Pseudeuā-
gelicorum
scripta affe-
ctibus sca-
tent.

Cur aduer-
sus hæreses
scribēdum.

deprauationes non vno aliquo, sed propemodum infinitis in locis detexerit, accusauerit, damnauerit) laborandum nihilominus duximus vel propter illos, quorum simplicitati calumniarum pseudologiarumq; vicinitas sic insidiatur, sic scabiem suam illis affricare conatur, ut contemni a nobis nullo modo debeat aut possit.

August. epi.
167. ad Fe-
stum.

Hoc consilio si D. Augustinus contra Donatistas & Circunceliones sibi dimicandum existimauit, nostra quoq; tenuitas tanti pugilis vestigijs, in tam sacra palæstra non detrectabit insistere. Itaq; iam nō equis lectoribus modò iudicare, sed tibi quoq; Smideline reputare promptum est, quot & quàm iustis rationibus coactus, in hoc certamen descēdam, si modò certamen dici meretur, lenis & modesta pressæ veritatis releuatio, simplexq; & moderata meæ aduersus calumniosas tuas criminationes innocentia defensio. Meā innocentiam dico, cui tanquā filio cum charissimo parente vnā personam Leges & Iura Cæsarea decernunt, quicum omnia mihi & natura & studijs & conuictu ita coniuncta fuerunt, ut quicquid dictum fuerit in illum, in me lubens recipiā. Iam verò quem animum in causa hac aduersum te suscipiēda semp̄ habui, eum ipsa quoquē a ctione testari atque approbare studebo: Faciam enim ut omnes intelligant, me non causæ modò iustitia & synceritate, sed & conscientie rectitudine, cordis integritate, styliq; & sermōis modestia & candore, multò superiorem. Verumenimuerò si conuicijs & oratione atroci & inhumana, quam Σκυθῶν ῥῆσιν non im-meritò appellāunt Græcorum filij, bellum mihi tecum suscipiendum foret, non inuitus herbam cum corolla tibi porrexero: declarasti enim te non solū inter Cares βαρβαροφάνους, sed omnes in vniuersum αἰσχρολόγους καὶ λογομάχους, inter calumniatores & cōuiciatores (nē quid acerbius dicam) principem tenere locum, & ad ipsum maledicentie fastigium prorepfisse. Luterum præceptorem tuum semp̄ excipio, qui ita in hac palæstra excelluit, ut tibi præriperit, nē maledicorum esses primus: tu vicissim effecisti, nē ille solus esset conuiciator. Et quanuis perpetuus ille cōuiciorum calumniarumq; fluor alijs sinistram de te opinionem suppeditet, ut eodem carbone te cum scurris, sannionibus, maledicis & conuiciosis rabulis notatum habeant: ego tamen Smidelinum existimo hominem

nem esse Euangelicum, verum studio & usu calumniandi, Christi-
anam modestiam, (quam in nobis notam & exploratam esse omni-
bus hominibus vult Apostolus) Euangelicasq; virtutes ei non ve-
nisse in mentem. Si in hoc elaboras, vt hac ratione à tuis in delicijs
habere, non puto defuturos, qui te decentè togatum inter *μαρο-
σφόρους καὶ γελωτοποιούς* admittāt. Sin tibi ipsi volupè est hoc pacto
lufitare, censebo quidem te ludere, sed quemadmodum solent pu-
eri, ranas lapidibus impetentes, vt inquit ille, Ludunt pueri, sed ra-
næ istæ seriò moriuntur.

Philip. 4

Ceterum tam furiosis conuicijs ludere, famam hominis tibi
ignoti labefactare, doctrinā Ecclesię Catholicę, qua nobis & omi-
bus pijs nihil antiquius, nihil sacratius esse debet, fraudibus, te-
chnis, imposturis, mēdacijs, & falsis ac destinata malitia corruptis
testimonijs vulgo deridēdam propinare, an hoc est hominis Euā-
gelici? an non potius spurcissimi tenebrionis, Corybantici furoris
contagio affecti, aut in Lapitharum symposijs enutriti? Si in re vul-
gari & profana eiusmodi lusum tibi permitteres Smideline, tamen
homines cordati indignum te iudicarent grauis viri appellatione.
Nunc quid minùs decebat eum, qui se pastorem Goppingensem,
& sacrosancti Euangelij præconem profitetur? Appellō tuam cō-
scientiam Smideline, tam serium, tam sanctum, tam arduum nego-
cium, quod vos moliri iactatis, talibus facetijs, technis & impostu-
ris peragendum censes? Liceat hūc mihi pace tua referre magni il-
lius Bataui de vestro instituto sententiam:

Si ex animo iudicatis esse pium quod tractatis, inquit, vtiquè cu-
pitis, vniuersos homines eodē pellicere. At quo pacto valeatis
optimum quenq; magis alienare? Sin persuasum quidem habetis
Dei esse negocium, non hominum, & tamen reclamante cōscien-
tia istis fucis hoc agitis, quo sitis multitudine incolumes, vt homi-
nes fallatis omnes: non veremini Deum, cuius vindictā nullus po-
test effugere? Si ille maledictus dicitur, qui opus Dei facit negli-
genter: quantò est execrabilior, qui facit fraudulentè? Christus
gloriam crucis non passus est tribui humanę sapientię: & illi volunt
eam ascribere talibus præstigijs? Quòd si rem ludicram creditis, &
aliud agitis sub Euangelij titulo, quem tandē speratis fore exi-
tum

Erasmus in
Epist. in
pseudoeuā-
gelic.

Iere. 48.

tum istius Tragœdiæ? Quem, nisi cruentum & infelicissimum? Hæc ille de vobis pronunciauit.

Cicero 3.
Offi. 9.
In virū bo-
num nō ca-
dit sui emo-
lumēti cau-
sa mentiri.

3. Tuscula.
Quæst.

Cicero cō-
tra Salust.

5. Tuscul.

An autem rectè pronuciārit, mores vestri docent: fallax & insidiosa doctrina, dolis & falsis testimonijs fucata, demonstrat: pij & cordati intelligunt, vniuersus Catholicæ & Apostolicæ Ecclesiæ Senatus iudicauit. Si Ethnicus ille Orator, sola naturæ scintilla p-
lucente, vidit & agnouit, in virum bonum non cadere sui emolu-
menti causa mentiri: neceſsè est, te hominem esse non bonum, qui
nobis & vniuerso orbi eiusmodi concatenata mendacia, velut pur-
rum putum verbum Dei, & infallibilem veritatē obtrudere mo-
liaris. Vis videri *δημωφελής*, & publicæ salutis vnicè studiosus? At
quo pacto? Sola duntaxat oratione. At virtus eiusmodi in actione
consistit. Actionis autem & studiorum tuorum successus declarāt
ijs te accersendum, de quibus M. Tullius: Sūt qui cū populi nō
solum commoda, verū etiā salutem oppugnant & impediunt,
oratiōe assequi volunt, vt populares esse videantur. C. Gracchus cū
largitiones maximas fecisset, & effudisset ærarium, verbis defen-
debat ærariū. Vt procacitate linguæ, vitæ sordes nō eluūtur, Smi-
deline, ita non ex singulis vocibus spectandi sunt philosophi, in-
quit idem alibi, sed ex perpetuitate atq; constantia, resq; spectari
oportet, non verba. Epicurus personam duntaxat philosophi in-
duebat, sibiq; hoc ipse nomen inscribebat, cū non multū dif-
ferret à iudicio ferarum, præsertim cū omne malum dolore, bo-
num voluptate definiret. Vestro gregi plausibilem Euangelij titu-
lum primus inscripsit Luterus, tuo quidem testimonio vir sanctis-
simus, aliorū verò Epicuri gregalis. An autē mores cum professi-
one conueniant, an verò titulus sit *Ἰουδαϊκῆς*, affingatque suæ
synagogæ Luterus, quod eidem non conuenit, alij præclaris volu-
minibus extra omnem aleam posuerunt: nos itidem breui hac lu-
cubratione planum faciemus, si vlli Neochristianorum Euangelij
titulus conuenire debeat, neutiquā tamen in Smidelinum ca-
dere posse: nisi fortè tale nobis Euangelium produxerit, quod ve-
ritatem damnet, technas, calumnias & mendacia commendet.

Cū hanc ad te responsiōem meditarer, Smideline, apud Bel-
gas in Academia Louanienſi degebam. Interea cū aliò vocarer,
fa-

facile mea mihi persuasit patientia, ut quæ meditatus eram, paterer delitescere, donec commodius his vacare possem. Iam tu mihi Smideline considera, quorsum euaserit vestra doctrina, quid moliantur vestri discipuli, quam verum sit quod ait Apostolus, Sermo illorum velut cancer serpit. Expende quid iam tot annis senserit Gallia, quanto cum terrore non cleri duntaxat, sed populi vniuersi nunc tumultuentur Belgæ. Rapine, vastationes, seditiosissimæ rebelliones, coniurationes, principumq; & legitimi Magistratus contemptus, sacrilegæ templorum basilicarumq; direptiones, & omne flagitij genus, Euangelij prætextu designare non erubescunt, adeo ut in prouincijs & ciuitatibus hætenus florentissimis, religiosissimis & optimè constitutis, nunc terribilis quædam formido, omnis legitimæ ciuilibusq; politiæ dissipatio, in Ecclesijs horrenda miserandaque desolationis abominatio conspiciatur. Expende, inquam, mihi, ex qua radice hæc proueniant, quis ad hanc defectionem primus classicum cecinerit, quis ante quadraginta annos huic tanto incendio fomenta ministrauerit. Dices more tuo, hanc esse fallaciam accidentis: accidere enim doctrinæ vestræ, ut homines seditiosi ea ad libidinem & licentiam abutantur. Certè siue per fallaciam accidat hoc doctrinæ vestræ, an secus, ego non disputo: illud constat, & verè & iustè vobis hanc discipulorum vestrorum perfidiam euenire, ut qui defectione schismatica peccastis, eadem nunc affligamini. Sic necessum est euenire, ut vbi semel à veritate recessum est, errorum dissidiorumq; fluctus ac procellæ magis ac magis inundent, cuius inundationis violentia quotidie eò inualescit, ut Calvinianismus, Anabaptismus, Atheismus, immò cæcus præcepsque & sathanicus furor, nec sacris nec profanis parcat. Quid enim vrbium opibus, rerum publicarum ærarijs, Principum fiscis, mercatorum scrinijs, priuatorum peculio parcant, qui in ipsa Dei Opt. Max. delubra, in ipsa adyta, totq; seculis loca reuerentèr culta, prophanis & plus quàm sacrilegis ausibus furiosissimè inuolant, diripiunt, lacerant, demoliuntur? Itaq; vides iam, quorsum euadat vestri Euangelij catastrophe, an vtilitatem publicam promoueatis, an non verè dixerit Sapiens: Fauus distillās labia meretricis, & nitidius oleo guttur eius: Nouissima autè illius amara quasi absynthium, & lingua

2. Tit. 2.

Pro. 5.

gua eius acuta quasi gladius biceps, vagi sunt gressus eius & inuestigabiles.

CAP. II.

Progreditur author ad defensionem, declarans quàm falsò dicat Smidelinus, deploratum esse in castris Catholicorū, eoq; sacrificos ad Bredenbachij patrociniū confugisse, obijciunturq; ei plurimi scriptores nostræ ætatis, quibus nihil responderunt aduersarij. Producitur etiā Brentius, qui in cōcilio Tridentino sæpius à Patribus compellatus, vt doctrinæ suæ rationē redderet, obmutuit. Deindè obiter refertur, quomodo fiat, quòd viri doctissimi quandoquē in hæreses prolabantur.

Bredenba.
in hyperaspiste cōtra
Pileum.

HAec breuiter simpliciterque præfati, ipsius Bredenbachij verbis hanc pugnam inchoabimus, & auspice, duce ac propugnatore Christo, ꝑ cuius gloria domoq; dimicatio hæc, non tam aduersus hominem, quàm aduersus crudelissimum teterrimumq; tyrannum diabolum, qui tales homines aduersus Deum & Ecclesiam eius excitat atq; instigat, suscipitur, in medium prodeò: nec tamen hoc animo, vt atroces illas iniurias ab homine, nullo vnquam verbo à Bredenbachio læso, sed sua ipsius malitia excæcato, ideoq; magis deplorādo quàm feriendo, illatas vindicē: sed vt veritatem & iustitiam aduersus iniquissimas calūnias, pro gloria Dei & publica Ecclesiæ pace defendam. Illa verò iacula, quæ Smidelinus per illud longum & fastu plenum rhapsodiæ suæ præludium, inter prodeundum ad pugnam eminens in Bredēbachium iaculatur, in aëra prouolare sinam, donec ultro in terram decendant: qualia sunt, quòd titulus operi minime respondeat, quòd in toto libello nulla sit veræ doctrinæ explicatio, quòd vndiquē horrendæ blasphemie in Deum & Ecclesiam, quòd veras dissidiorum causas prorsus non attingat, & quòd nullam ordinis rationem obseruet. Huiusmodi iaculis dum suas in-

struit

struit & educit copias, ad pugnam præludit, atq; dum præludere solum ad pugnam vult videri, nihilo secius ipso castello, hoc est, libello, quem oppugnare instituit, paululum prætermisso, protinus in ipsum Bredëbachium velut castelli præfectum, venenatam arundinem, ex apertis calumnijs ac dolo pessimo fabricatam, violentè dirigit, sperans ilicò bellum confectum, & paratam fore victoriam, si ipsum castelli præfidiarium ducem hoc suo telo prosterne-
re & confodere possit. Fingit enim desperatum & conclamatù in Papistarum castris, eoq; sacrificos ad Grammaticorù præsidia cōfugere. Tandem ventum esse ad Bredëbachium, qui oblatum precariò laborem non potuerit aut voluerit declinare, scilicet vt gratiam aliquam rependeret illis, (inquit Smidelinus) quorum fauore & ope, vt fama est, filijs suis opima contigere sacerdotia.

Hac tam insigni calumnia Bredenbachium adoritur, quem si hoc tam doloso & venenato iaculo non planè prostratum iri sperauit, tamen obtento & persuaso lectoribus tam impudenti mendacio, velut collem quendam castris suis faciendis mirè opportunum se adeptum putauit, ex quo vniuersas sycophantiarum copias in Bredëbachij castellum commodissimè produceret. Multum enim referre ex Rhetorum scholis didicit, quam Iudices de persona dicentis opinionem concipiant.

Sed quàm impudentem hęc agat calumniatorem Smidelinus, q velut triceps Cerberus, trigeminas calumnias vno rictu nimis impudentè exhalat, nemini obscurum esse potest, qui vel aliquid Iudicij habeat, & Bredenbachij libellum vel syncerè perlegerit, vel alioquì ipsius, filiorumq; statum aliqua ex parte perspectum habuerit. Nec minùs falsum est, quòd desperatum & conclamatum ait in Papistarum castris: quàm multos enim generosos & inuictos athletas habeat Catholica Dei Ecclesia, quorum ad præclara & ingentia volumina nequid adhuc responsum est à Protestantibus, nemo vel mediocritè harum rerum peritus ignorat. Quid enim solidum vestra factio respondit ad Roffenses, Fabros, Eckios, Cochleos, Hosios, Lindanos, Staphylos, Gropperos, Ruardos, Latomos, Canisios, Hesselios, Slottanos?

Quid Theologi vestri Tridentum missi, Concilij Patribus respon-

B

spon-

Brentius in
Cōcilio ro-
gat, vt do-
ctrinæ suæ
rationem
redderet, si-
luit.

sponderunt, cum eos sæpè amicè atq; beneuolè, ad disputationem & reddendam doctrinæ suæ rationem prouocassent? Nullam profectò vocem ab ijs extorquere potuerunt. Testis est Brétius tuus, qui Tridentinū ingressus, amicissimè exceptus, rogatus etiā sapiissimè, vt suam mentem patribus explicaret, vt sententiam diceret, in disputationis arenam per multos menses prouocatus, ex loquacissimo versus in Harpocratem, suæ causæ Pythagorico silentio consulendum putauit. Siluit, quousq; accepit Mauritium cum exercitu numerofo Oenipontum venisse, & quo tempore Concilij Patres, illius aduentu perturbati, nulla iam alia de re, quàm de fuga cogitabant, tum demum veluti ex aliquo gurgustio prodiēs acerrimus ille causæ vestræ propugnator, se audiri postulauit, cum audiri non potuit. Neq; tamen eo consilio petebat dari sibi locum dicendi, vt violatæ à se & dissipatæ religionis rationem redderet: sed vt interim patres ab hostibus intercepti, furentibus Mauritijs gladijs obijcerentur. Hæc ita esse scribit disertissimus vir Petrus Fontidoneus Theologus in Oratione contra Fabricium Montanum pro S. Concilio Tridentino.

Cur viri
eruditi qñ-
q; in hære-
ses labātur.

Deut. 17.

Quid nunc referam de alijs infinitis propemodum nostræ ætatis nō ineruditis, nec instrenuis Theologis, qui & stylo & viua voce vestras præstigias luculentissimè detexerunt & solidissimè confutârunt? vt nō parum multi summam illam vestram & inauditam pertinaciam summo cum stupore admirentur. Et minùs quidem mirandum est, imperitum & mobile vulgus, (quod ferè instâr arundinis, cuiusuis doctrinæ vento ἀγεται καὶ φέρεται) tum etiā popularitèr literatos his erroribus dementari: cæterum in studijs liberalium disciplinarum nō infelicitèr versatos, nec mediocribus ingenijs præditos, tam absurdis & iam olim damnatis, palamque improbis sectis sese dēdere, id est profectò, ad quod non paucos vidi obstupescere: ac tametsi quo ad ipsum populum, hanc rationem adferat Moses, Quia, inquit, tentat vos Dominus Deus vester, vt palàm fiat, utrū diligatis eum an nō in toto corde & in tota anima vestra: ad ipsos verò eruditos quòd attinet, causam non puto subesse aliam, quàm quòd omnium nouatorum ingenijs innatam videamus superbiam, fastū & φιλαυτίαν, qua inflati, dum in oculis suis

suis pulchrè sapientes sibi videntur, stulti fiunt, & obscuratur cor insipiens eorum, reprobumq; in sensum traduntur, vt velata facie veritatem nec velint, nec possint agnoscere. Abscondit enim Deus veram suorumq; mysteriorum cognitionem à sapientibus, & reuelat paruulis. Nec solum abscondit, sed & iusto suo iudicio homines fastu & superbia plenos indurari patitur, vt demonstratà ab alijs veritatem non suscipiant, immò aspernentur & reijciant, ipsosq; docentes, sanis, ludibrijs & rhonchis explodant.

Rom. I.

Matt. II.

Didicerunt hoc nostræ ætatis hæretici à magistro suo Lutero, qui (vt refert Naogeorgus) multos Theologiæ mystas cōtempnit ac dimisit absq; responso: Magnanimus enim erat, inquit, simulq; iucundus, atq; hilaris ingenij, nihilq; curabat huiusmodi culicum atque cimum morsus. Verum monetæ istius improbos libros iubebat in cœna sibi prælegi, vt risus materiam haberet. Hæc Lycæus ille poëtaſter de suo Lutero, cuius vestigijs quàm probè insistant eius discipuli, nostro hoc seculo abundè perspeximus, & adhuc quotidie perspicimus. Quorundam Catholicorum Theologorum præclara & ingentia volumina penitus dissimulârunt sectarum coryphei, videlicet nè si se illis opponant, mutua vtrorunque collatione populo innotescant Catholici, & agnoscantur præstigiæ hæreticæ. Aliorum verò scripta cum itidem solidis rationibus impugnare nequeant, rescriptis pontificijs falsò & mendacitè fabricatis eludunt: alios pasquillis, carminibus & libellis famosis, turpissimè ludificantur. Quàm minimè hîc mentiar, totus mundus testabitur. Ecce Smideline, talibus artibus, dolis & imposturis, nè dicam improbis mendacijs, olîm Cæsareis legibus rotis & ferro seuerè vindicatis, vestram illam, si dijs placet, Euangelicam doctrinam quomodolibet asserere & fucare conamini. Quod si à me falso dictum probare velis, vel vni duntaxat Catholicorum (vt cæterorū confutationem tibi remittam) constantè & solidè responde, non autem (vt hætenus consueuisti) diſterijs, scommatibus, conuicijs, & pasquillis, quæ morioſum improbiſſimorumq; nebulonum sunt propria, eos proſcinde & ludificare. Si dicas te respondisse Hofio, sanè ex ea tua responsione, si ludibria, risus, ineptissimèq; nugæ refecerentur, parum aut nihil solidæ responsionis remanebit. Sed du-

Thom. Naog. in lib. de compo. diss.

Contigit D. Groppero Card. design.

ram illam legem, fortasè arbitraberis tibi, quem Staphylus & Latomus hætenùs, & Academia Ingolstadiana etiamnùm insignitèr & egregiè fatigat, quorum iugo ferendo tuos illos, quantunùs Vulcanios, humeros nondùm pares esse magno tuorum dolore & *συνταλεια* conspicimus.

Cap. 3.

Quàm ineptè repellat Bredenbachium Smidelinus à studio Theologico, quòd sit coniugatus, cùm ipse cum omnibus Symmystis suis sit coniugatus. Multos deindè coniugatos tam in primitiua quàm nostra Ecclesia de rebus sacris quid conscripsisse. Ineptè præterea D. Barth. Latomum Rhetorem, Bredenbachium verò Grammaticum vocari à Smidelino, cùm ipse nec Rhetorem, nec Grammaticum se esse declaret.

Smidelinus
Bredenbachium
arcet à sacrarum
literarum
translatione,
quod sit
coniugatus.

Smidelinus
ipse cū omni-
bus suis
symmystis
coniugatus.

IAm & alterum telum quod huic præmisit, si consideremus, videbit pius lector, quàm absurdus & immemor suū sit Smidelinus, dum Bredenbachium arcet ab hoc tam sacro studio, quòd nō in cælibatu, sed matrimonio sit constitutus. Quæro hîc ex te Smideline, quo in vitæ genere te vnâ cum toto vestrorum Theologorum sacerdotumq; grege constitutum existimes? Hîc scio velles te Polypum agere posse, & matrimonium cælibatu aliquantispèr cōmutare, nè in hanc, quam ipse tibi tuisq; struxisti, decipulam, tam turpiter impingeres. Respondebis, in matrimonio. Si igitur, iuxta Paulum, quem tu hîc adduxisti, vxori alligatus, ea quæ mundi, & non quæ Domini sunt, curat: qua fronte vobis tantum ocium, tantam perspicaciam, tantum de scripturis iudicium vëdicatis, quo solos vos omnium cornicum oculos configere videmini, dum nouis paradoxis orbem vniuersum concutitis, eosq; omnes qui prioribus seculis Catholicæ fidei obseruantes vixerunt, aut etiamnū hodiè viuunt, erroris & inscitæ damnatis? Quis est in matrimonio constitutus, si vos non estis, quibus Luterus permisit, vt recusante vxore (sit honos castis auribus) aduocetur ancilla? Quis autem cō-
tro-

trouerfiarum difficilimarum de fide & religione nō solū expli-
 catiōem, sed etiā dijudicatiōem cōfidentiū suscipit, quā vos?
 Ecce Smideline, in quā prācipitia te cæca & vesana illa calumniā-
 di temeritas impellat. Illud quoq; ex te quæro, quid est quod ca-
 uilleris in professionem Bredenbachij. Cur minū illi scribendo,
 quā voce, docere permittis? Si tot annis vtriusq; testamenti scri-
 pturas, nullo reprāhendēte, explicuit, & prāclara volumina in eas-
 dem conscripsit, tu nunc repenti velut censorius Cato in eum ani-
 maduerter? fortassis veteris illius erga humaniores literas odij
 scintillā tuo in pectore etiā nū hārent, quā maiores vestri Phi-
 lippus & Carolstadius, Vuittembergensibus scholasticis persuase-
 runt, vt combustis humaniorum literarum libris, sibi quisq; cōue-
 niens aliquod opificium Mechanicum assumeret, quod Paulus ve-
 tet inanē Philosophiam sectari, & à Mose scriptum sit, vt homines
 vescantur in sudore vultūs sui pane suo. Vndē Carolstadius in p-
 xima quadam villa agri Vuittembergensis factus est agricola, cæ-
 densq; ligna, Vuittembergam vehebat, ibidemq; distrahebat: vini
 quoq; & ceruisiæ tabernam exercebat, vt de eo scribit Erasmus Al-
 berus, Philippus verò in pistrino pinsendi artem meditabatur. Sed
 ad Bredenbachium reuertamur: demus ipsum nihil vnquā antea
 sacrarum literarum professum, vtrū studia professionibus meti-
 enda sunt, an potius per se ipsa estimanda? Vtrū titulis, an ipso p-
 sectu ponderanda? Appellitas eum contempto (vt arbitraris) voca-
 bulo Grammaticum, Latomum autem Rhetorē, cum tu nec Gram-
 maticum, nec Rhetorem te esse demonstras. Neq; enim vel prima
 Grāmatice rudimēta calles, qui in Prisciani & Donati regulas tam
 turpiter impingis: Sicut filij huius seculi, inquis aduersus Hosium,
 sunt prudentiores filijs lucis, ita & seduliores. Vbi hanc didicisti
 Grammaticam? vt cæteris omissis taceam, quotiēs hæc vocabula,
 Aliquis & Quidam, turpissima grāmatice ignoratiōe cōfundas.
 Disce Grammaticam, ac tunc demū insultes Grammatico, for-
 tassis plus Theologicarum literarum habenti in recessu, quā pe-
 tāsatus ille præco Goppingensis. Sed nec Rhetoris appellationem
 mereris, quum Rhetor (quem eundem hīc dico cum Oratore) sit

Nota cæca
calumniādi
libidinem
in Smideli-
no.

Odium er-
ga humani-
ores literas
in Luterana-
nis.

Carolstadi-
us factus agri-
cola.

In lib. cōtra
execrabile
doctrinam
Carolstad.

Philippus
Melanc. sic
pistor.

pag. 87. li. 3.

vir bonus dicendi peritus, definiente Cicerone. Tu nec virum te esse bonum, nec dicendi peritum declarasti. Vir bonus nō tam improbè mentitur, nec calumnias machinatur. Dicendi peritus, non impingit in formulas Grammaticorum.

Etiam laici
religionem
scripto asse-
ruerunt.

Sed fortassè nouum putas, virum non sacerdotem, nec Theologum ex professo creatum, Theologiæ studiosum esse, & sacris de rebus quid conscribere? Sed erras toto cælo Smideline. Scripsit in Ecclesia primitiua Iustinus philosophus, qui nullo sacerdotio functus legitur, præclara volumina, quibus fidem Christianam contra Gentiles tutatus est. Scripsit & Apollonius vrbs Romæ senator. Scripsit Minutius Causidicus quidam Romæ. Scripserunt & alij multi, quos enumerat Hierony. lib. de viris Illust. Nostra etate Picus Mirandulæ Comes, & diligens ille Ciceronis imitator Christophorns Longolius, pluresq; alij.

Smidelinus
à calumnijs
exorsus, de-
monstrat
quid in se-
quentibus
ab ipso ex-
pectare de-
beamus.

Vides igitur iam hoc tuum ad sequentem pugnam præludium, ex meris calumnijs & mendacijs fabricatū: quod cum ita sit, haud obscurè demonstras, quid in sequētibus à te expectare debeamus, qui tam validos & cornutos calumniarum & sycophantiarū Achilles ex rei militaris & Rhetorices præceptis in prima acie constitueris. Perge itaq; iam, si placet, Smideline, & tuum istud tam fœcundum concute pectus, vt tandem vniuersę tuorum paradoxorum & sarcasmorum cohortes, velut ex equo Troiano turmatim profoliant.

Cap. 4.

Criminatur aduersarius Bredenbachium, quod apologū suo libello inferuērit: rursū demonstratur, apologos non in profanis duntaxat, sed sacris etiā literis esse vsitatissimos, atq; adeo ipsum Brentium, quem defendendum suscepit, sua prolegomena à fabula inchoasse.

P Rogreditur nūc Smidelinus ex vmbratili pugne sue præludio, ad ipsum agonem, ad quem pari festiuitate animo plus quàm gladiatorio se proripit. Atq; in primis non vno in loco falsè Bredēbachium ludificaris Smideline, quod vestris,

vestris, immò diaboli per hæreticos organa sua imposturis detegendis, apologum adhibuerit aptiorem, vestrasq; prestigias paulò manifestiùs demonstrantem, quàm vobis placeat. Porro vt Bredēbachius Ecclesiasticorum vitia in hoc Apologo non dissimulat, ita & suam tuorumq; vocem Smideline admodum graphice depingit, vt accommodatior Apologus haud faciliè inueniri queat. Hanc autem tuam tuorumq; nō minùs dolosam quàm blandam vocem, tu more tuo vix fortè attingis, & interea qualemcunque ansam nactus, immensam penè teterrimarum criminationū conuiciorumq; molem in pontifices, Episcopos & sacerdotes petulantissimè pfun-dis. Sed quia tam nequitè te tuosq; symmystas è scena subducis, necessum est, vt ego te tua clypeata manica arreptum, in theatrum producam.

Apologus à
Bredēbach,
adductus,
fuit accom-
modatissi-
mus.

Cūm hircum & agnum simul pascentes è suo latibulo prospice-
ret lupus, & hircum reformidaret, dolis rem agere instituit, aggre-
diturq; agnum his verbis: O tu infelix, quis te tam tenerum, atq;
tot naturæ ingenijq; tui gratijs, tam amabilem te coniunxit isti de-
formi, teterrimoq; hircō? Quin tu isto tali hīc in sylua relicto, re-
dis domum, ad matrem, quæ tu iam dudum dulci lacte distēto vbe-
re expectat? At ille memor mandati materni, respondet lupo: Ma-
ter mea, ô lupe, huic me commendauit: huic mei seruādi curam in-
iunxit. Mihi verò præcepit, nè vel tātillūm ab eo discedam. Matris
præcepto melius est me obtemperare, quàm subdolis tuis blandi-
tiji fidem habere. Intelligo quid tu captes, nimirum vt me ab hoc
meo custode abductum, tuo isto rapaci rictu comp̄hensum & san-
guinarijs dentibus discerptum deuores.

Verba Apo-
logi.

Vtinam, viri fratres, nos omnes ad illius agni exemplum sape-
remus, inquit Bredenbachius. Nam prorsus ad eundem modum
sanguinarius ille lupus, aduersarius noster diabolus nobis infidi-
atur, omnes dolos suos, omnes artes, quibus mille ad nocēdum in-
structus est, ad hoc expedit, vt nos à pastoribus nostris, quibus à
Deo patre nostro & matre Ecclesia, cura nostrī est commendata,
abducat, & in suam potestatem pellectos, sua illa inexplēbili vora-
citate deglutiat. Ad hoc, iuxta rationem nominis sui, Calumniarū
genus nullum omittit, omnia pastorum dicta factaq; obseruans, vt

Diabolus
calumnia,

fi

si quid inueniat quod repræhendere queat, quemadmodum lupus ille grauitatem odoris & pilorū horrorē in hirco, id tāta cum atrocitate exaggeret atq; amplificet, plurima interim admentiendo, (ab initio enim mendax est, atq; ipsius mendacij pater) vt imprudentibus facilè persuadeat, vt à talibus deficientes, se suosque pseudopphetas, quibus ad hoc abutitur, sequantur. Neque verò singulis duntaxat agnis de Christi ouili sic insidiatur, sed gregibus vniuersis, & præcipuè ducibus gregum arietibus. Hos quibusdam artibus, insidijs ac dolis captat, sic enim circunueniendos esse nouit. Nam alioqui si depræhendant insidias, statim in insidiantē cōuersi, cornū feriunt & ipsi. Hactenus Bredenbachius.

Ex quibus elucet, Apologum, quantunuis pro argumenti grauitate festiuum, appositissimè tamen ac felicissimè præsentī negotio accommodatum. Atq; vt quorundam Ecclesiasticorum vitam & mores æquo sordidiores, per hircum denotat: (Omnes enim episcopos & sacerdotes, tales esse quales vult Smidelinus, etiā si rumpatur, nunquā probauerit) ita per dolosas & fraudulentas lupi blanditias, diabolū eiusq; pseudopphetas hæreticos perquā graphicè & absolutè effigiat: id quod ex ipsorum scriptis & quotidianis concionibus liquet, in quibus passim instar lupi huius vluant, & in pōtīfices & episcopos adusq; auditorum nauseam plenis buccis destomachantur. Vides iam, Smideline, & vel inuitus iam olim proculdubiò vidisti, nec ineptè, nec inscitè hunc Apologum à Bredenbachio adductum. Quid igitur est, quòd maledicus ille animi tui Satyrus, hoc nomine tam petulātè in illum insurgit? An dolet Aesopum hominem tam monstrosū, vestras præstīgias iam olim quodammodò præuidisse, & tam exactè depinxisse? An verò putas nouū & ineptū, Apologos rebus grauib; & sacris admisceri, idque Bredenbachium nouo & sinè exemplo facere? Hoc si putas, vt certè putare videris, admodū te stupidū, & profanarum sacrarūq; literarū (quas tibi tantoperè vendicas) imperitissimū declaras. Nam vt notum Menenij Agrippæ apud Romanos exemplū prætermittam, & Themistoclis, qui Atheniensibus persuasit, nè nouarent magistratus, fabulā de vulpe muscis obsita: infinitos penè etiā in ipsis Dei oraculis, in prophetarū concionibus

onibus Apologos adspersos legimus, eò quòd per eiusmodi vela-
menta, Sacra illæ ac diuinæ tessellæ veluti auratagemmataque *κε-
μυλια*, per transfennam aut succina iucundissimè pelluceant. Hu-
mana facta vel dicta, inquit Augustinus, irrationalibus animanti-
bus & rebus sensu carentibus homines addiderunt, vt eiusmodi
fictis narrationibus sed veracibus significationibus, quod vellent
commendatiùs intimarent. Eiusmodi facetissimorū etiā Apolo-
gorum vnum aut alterum (si fortè, vt appàret, non legeris) in tuam
gratiam paucis recensebo.

Scriptura
sacra frequē
tèr vtitur
Apologis.

Aug. còtra
Mendac.
cap. 13.

In libro Iudicum, Cap. 9. Ioathan cùm septuaginta fratres suos
per Abimelech tyrannicè imperium sibi vsurpantem occisos, vin-
dicare institueret, hoc Apologo suam orationem exorsus est. Ie-
runt ligna vt vngerent super se regem: Dixeruntq; oliuæ: Impera
nobis. Quæ respondit: Nunquid possum deferere pinguedinē me-
am, qua & dij vtuntur & homines, & venire vt inter ligna promo-
uear? Dixeruntq; ligna ad arborem ficū: Veni, & super nos regnū
accipe. Quæ respondit eis: Nunquid possum deferere dulcedinem
meam, fructusq; suauissimos inter cetera ligna, & ire vt promoue-
ar? Locutaq; sunt ligna ad vitē: Veni, & impera nobis. Quæ respō-
dit eis: Nunquid possum deferere vinum meum quod lætificat de-
um & homines, & inter cetera ligna prououeri? Dixeruntq; omnia
ligna ad rhamnum: Veni, & impera super nos. Quæ respondit eis:
Si verè me regem vobis constituitis, venite & sub vmbra mea re-
quiescite: sin autem non vultis, egrediatur ignis de rhamno, & de-
uoret cedros Libani, & cætera quæ ibi sequuntur. Qui Apologus
quàm non infelicitèr cesserit Ioathan, sequentium verborum cō-
textus declarat. Similem Apologum habes 2. Paral. 25. & passim in
scripturis. Eas iam Smideline, & Bredenbachiiū fabulatorem ap-
pellites, eadem enim ratione & Deum ipsum & prophetas fabula-
tores dixeris, quod & blasphemum & impium fuerit. Quid quòd
& ipse Brentius tuus ea ipsa prolegomena sua, quæ tu defendenda
suscipis, à fabula exorditur? Adeò te transuersum agit calumnian-
di libido, vt quod Brentio vsitatum est, id ipsum in Bredenbachio
crimineris.

C

Cap.

Cap. 5.

Refutatur aduersarius, docens in Pastore requiri necessariò vitam probatā cum sana doctrina, ad hoc vt oves ei teneantur obedire.

PErgit iam Smidelinus occasione ab Apologo desumpta, & explicare cōtendit, num à Christo, inquit, siue à Matre Ecclesia eius sponsa, filij sint commendati curæ & custodia hirci, à cuius latere vtcunquē fœtidi non liceat recedere, nisi in lupi rapacissimi dentes sanguinarios peruenire velint.

Principiò, inquit, negare non possumus, & pastorem ouibus, & oves pastori deuinctas, certis tamen legibus. Sicut scriptura prohibet pastores nè dominantur in clerum Domini, ita oves cum pastores suum officium non fecerint, ad suum ius redeant. Quod vt rudiores intelligant, altiùs repetendum erit. In pastore ouium Dominicarum, hoc est, Ecclesiæ ministro, duo requiruntur, sana doctrina, & innocens inculpataq; vita, vt quod exhortando monet, exemplo persuadeat, vt doctrina sit sana & sincera. Hactenus Smidelinus, quibus aliquot scripturæ testimonia subiūgit, iisdemq; probat sanam doctrinam in omni pastore necessariam.

1. Timo. 3.
1. Pet. 5.

Heb. 13.

His enarratis, ad alterum membrum progreditur, scilicet vitam innocentem, citatq; Paulum ad Tim. 3. & ad Tit. 1. & pauca alia, docens pastores debere esse formam gregis, ad quam reliqui suos mores componant. His iam subiicit, inquiens: Cum igitur qui Ecclesijs præficiuntur, sanam adferunt doctrinam, consentientē doctrinæ propheticae & Apostolicae, & eam quoq; honesta conuersatione ornant, hi sunt de quibus Apostolus ad Hebræos scribit, Obedite p̄positis vestris, & subiecti estote eis &c. Magna me hercle Smidelinus in explicandis scripturis vitur *παρρησία*, qui suam sententiam nullis solidis argumentis sultam, iam audacter pronunciat. Sed vt iure consulti sine lege, ita Theologi sine certis scripturarum patrumq; orthodoxorum testimonijs loqui erubescunt. Vnde autem habes, Paulum ibidem de illis tantum pastoribus & p̄positis loqui, qui vita simul & doctrina doceant? Nam hoc te velle, fe-

sequentia declarant. Audio te citare Apostolum, sed Hieronymus docet, scripturas non in legendo, sed in intelligendo consistere. Unde autem huius scripturæ verum intellectum petemus? à te Smideline, an à priscis sanctisq; Ecclesiæ doctoribus? Equidem puto à doctoribus illis orthodoxis, totiusq; orbis iudicio & cōsensu iam olim receptis, petendum. Illis enim, utpotè Apostolorum temporibus maximè vicinis, & sanctimonia conspicuis, non potest obedientia & auditio, vel ipso Smidolino teste, sine crimine denegari: vult siquidem Apostolum præcipere, illis duntaxat præpositis obediendum, qui & sana doctrina, & vitæ exemplo doceant. Ignoscet igitur nobis, si eius expositione postposita, D. Chrysost. & Theophylacti interpretationes præferamus. Horum enim doctrina & sanctimonia publicè vniuersi orbis calculo probata & recepta est. Smidolini verò placita, quia à communi veterum omnium sententia longè lateq; recedunt, prorsus repudianda & exhibenda veniunt.

De sanctimonia verò & integritate vitæ eius, altum est adhuc apud omnes silentium. Sequamur igitur hac in parte Smidolini sententiam, & præpositos vitæ & doctrina incorruptos audiamus. Ex his primum constituamus D. Ioannem Chrysostomum, qui homilia 24. in cap. 13. ad Hebræos, Apostolicam hanc parænesin, hunc in modum nobis interpretatur. Quomodo (inquit D. Chrysostomus) dicit Paulus, Obedite præpositis vestris & obsecundate?

Hieron. aduersus Luciferianos

Quibus præpositis obediendum.

Quid ergò dum præpositus malignus extiterit, nū obediemus? Quomodo malum dicis? si quidem est in causa fidei, fuge illum & euita, non solum si homo fuerit, sed etiam si angelus de cælo descenderit. Si verò in vitæ moribus malignum dicis, noli curiosus esse: & hæc non ex me ipso dico, sed ex scriptura diuina: Audi enim Christum, dicentem: Super Cathedram Moisis sederunt scribæ & pharisæi. Et primò cū commemorasset de his multa mala, tunc dixit: Sederunt super Cathedram Moisis. Omnia, inquit, quæ dixerint vobis, facite: quæ autem fecerint, facere nolite. Habent, inquit, dignitatem, licet vitæ sint perditæ: veruntamen non ad vitam eorum, sed ad sermones intendite. Quantum enim ad mores attinet, nullus poterit lædi. quæ ratioe hoc? quia quæ facit, manifesta sunt omnibus. Et neque ipse, etiam si ad cacumen iniquitatis perueniat, poterit

Matt. 23.

terit alios mala docere. Cùm autem fidei causa vertitur, neq; manifestum est omnibus quod dicitur, neq; malignus dubitauit docere contraria: nam quod dictum est, Nolite iudicare, nè indice-mini: de vita dictum est, nõ de fide. Quod enim infertur, hoc manifestat. Quid enim vides, inquit, stipulam in oculo fratris tui, & trabem in oculo tuo non vides? Omnia ergò quæ vobis dixerint, inquit, vt faciatis, facite: facere autem, operis est, non fidei. Secundùm autem opera eorum nolite facere. Intueris quoniam non de dogmatibus, sed de vita & operibus sermo est? Hæc in hunc Apostoli locum Diuus Ioannes Chrysost. quæ omnia bona fide ascribere visum est, vt videat Smidelinus, quàm apertè à mendacio stet, & contra veritatem pugnet.

Iam & Theophylacti explicationem itidèm ascribere non gra-uabimur, si fortè illum sibi seruare, Ecclesiæ reconciliare, Christo autem lucrifacere queamus. Obedite præpositis vestris. Hoc loco, inquit Theophylactus, de episcopis disserit. Nam cùm prius eos sic inquit collaudasset fideles & dignos quos imitentur, & eis vt vtæ magistris intenderent, Obedite, adiecit. Num igitur erit omni principi obtemperandum? Ità quidem, vel si nequior sit ille & improbus, modò nè fidem obturbet, vel hanc vt deseras cogat. In ceteris verò nequitiam exercenti parendum censuerim. Ait nanque: Quæcunq; dixerint vobis vt faciatis, facite: secundùm illorū opera nolite facere. &c. Quod igitur nunc subdit Smidelinus, si fuerit vita scelerata & professione indigna, non audiendos pastores: id q̃ rectè asserat, iam euidentèr docuimus: à moribus enim ad doctrinam argumentum non valet, vt docet Augustinus contra Donatistas & de vnitæ Ecclesiæ. Et tractatu 5. in Ioānem August. Non exhorreat, inquit, columba ministerium malorum, sed respiciat voluntatem Domini: Quid tibi facit minister malus, vbi bonus est Dominus? Quid te impedit malitiosus præco, vbi beneuolus est iudex? Et cōtra Cresconium Grammaticum: Per ministros disparēs Dei munus est æquale, quia non illorum, sed eius est. Et contra Donatistas: Dicitur mihi, Ergò hæreticus dimittit peccata? Sic & ego vrgeo. Ergò qui cælestia mandata non seruat auarus, raptor, fœnerator, verbis, non factis, seculo renuncians, dimittit peccata?

Si

Si per vim sacramenti Dei, sicut & iste, ita & ille. Si per vitæ meritū, nec ille, nec iste. Ex his iam elucescit, ineptè allegare Smidelinum illud ad Thessal. Denunciamus vobis in nomine domini nostri Iesu Christi, ut subtrahatis vos ab omni fratre, qui inordinatè ambulat, si à fratre, inquit Smidelinus, multò magis à pastore. Eo enim loci à malorum consortio deterret Apostolus, iuxta illud Sapientis: Fili, si te lactauerint peccatores, nè acquiescas: & illud regij Psalmistæ, Cum peruerso peruertèris. loquiturque Apostolus, non de doctoribus, sed de plebeijs, quod in hunc locum Ambros. nō obscurè subindicat: Quoniam in omni plebe non omnes obediētes sunt verbo doctrinæ, non legis, sed suum placitum & cōsiliū sequentes, propter hoc declinandū ab his, præcepit, ut agnoscat semetipsos errare. Hæc Ambros. Nam alioquin si indistinctè Paulus nos ab omni hominis inordinatè ambulante voluisset subtrahere, esset illi D. Petrus contrarius, qui præcepit seruis, Obedite Dominis etiā dyscolis: Falsa igitur est Smidelini comparatio, si à fratre, multò magis à pastore: quod abundè nunc demonstratum est, & pluribus demonstrari posset. Videatur epistola pientissimi illius pontificis Nicolai primi, qui floruit ante annos septingentos sub Ludouico 2. Germanorū Imperatore III. Legimus, inquit, inter cætera, quòd Dauid percussit cor suum, eò quòd oram chlamydis Saulis abscidisset &c. Sic inquit, faciunt piæ subditorum mentes, si quandò contra prælatos suos, vix sese pro infirmitate sua continere valentes, leuia quædam loquuntur, eorum manifesta mala tenuitèr mordentes, utiq; ad semetipsos redeunt, sese vehementissimè vel de tenuissima verbi laceratione repræhendunt, facta quippe præpositorum, oris gladio ferienda non sunt &c.

Videatur D. Bernardus, etiā ab ipso Lutero in testem receptus, sermone 66. super Câtica: Iam verò, inquit, qui Ecclesiam nō agnoscunt, non est mirum si ordinibus Ecclesiæ detrahunt, si instituta non recipiunt, si sacramenta contemnunt, si mandatis non obediunt. Peccatores, inquiunt, sunt Apostolici, Archiepiscopi, Episcopi. Presbyteri, ac per hoc nec dandis, nec accipiendis idonei sacramentis. Nunquàm verò ista duo conuenient, episcopum esse, at peccatorem? falsum est. Episcopus erat Caiphas, & tamen

2. Thess. 5.

Pro. 1.
Psal. 17.
Ambros.

1. Pet. 2.

Vide dist.
32. c. ad hoc
verò
1. Re. 24.

quantus peccator, qui in Dominum, mortis dicebat sententiam? Si negas Episcopum, arguet te testimonium Ioannis, qui eum in testimonium sui pontificatus etiam prophetasse refert, Apostolus erat Iudas, & licet avarus & sceleratus, electus à Domino. An tu de illius Apostolatu dubitas, quem Dominus elegit? Nonne ego, inquit, vos duodecim elegi, & vnus ex vobis diabolus est? Audis eundem electum Apostolum, & exitis diabolus: & negas posse esse Episcopum, qui peccator est? Super Cathedram Moisis sederunt scribæ & Pharisei, & qui non obediunt eis tanquam episcopis, inobedientiæ rei fuerunt, etiam in ipsum dominum, præcipientem & dicentem: Quæ dicunt, facite. Patet, quanuis scribæ, quanuis Pharisei, quanuis videlicet maximi peccatores, propter Cathedram tamen Moisis, ad eos quoq; nihilominus pertinere quod idem dixit: Qui vos audit, me audit: & qui vos spernit, me spernit. Haec enus D. Bernardus.

Eas nunc Smideline, & tuos tuorumq; lynceos oculos iactites, qui ante annos quadraginta, Pontificum, episcoporum & sacerdotum impietatem primi conspexeritis, (nam huc spectat falsus ille tuus apologus de asino leonis exuijs larvato, & nunc primum per prominentes fortè aurículas deprehenso.) cum semper habuerit malignus ille Zabulus, accusator fratrum, & iuxta nominis sui *τρομον* calumniator, certa quædam organa, quæ aduersus legitimam potestatem à Deo ordinatam ad rebellionem instigaret, quod ex Cypriani, Chrysostomi, Augustini, Bernardi, aliorumq; Patrum lucubrationibus euidentè elucet. Eorundè rebellium vos non primi satores, sed pestilentissima estis genimina, qui tantò illis prioribus patribus vestris impotentiùs in legitimam potestatem insurgitis, quātò maior est hodiè, illius tenebrarum principis potestas. Nec rationes auditis, quia his apud parum sobrios nihil proficitur: nec scripturas, nisi deprauatas, recipitis, quia γνῶσις germaniq; Christiani non estis: nec Ecclesiam agnoscitis, quia pacifici non estis. Rectissimè igitur vos & patres vestros eodem in sermone D. Bernardus depinxit. Quantum ad istos, inquit, nec rationibus conuincuntur, quia non intelligunt: nec autoritatibus corriguntur, quia non recipiunt: nec flectuntur suasionibus, quia subuersi sunt: probatum

Serm. 66.
sup. Cant.

batum est: mori magis eligunt, quàm conuerti. Horum finis interitus, horum nouissima incendium manet. Quid igitur ô Bernarde superest remedij illis tam deploratis perduellionibus, qui nec rationibus, nec autoritatibus, nec suasionibus flecti aut corrigi sustinent? Respondet Bernardus: Meliùs proculdubiò gladio coercentur, illius videlicet, qui non sinè causa gladium portat, quàm in suum errorem multos trajcere permittatur. Dei enim minister Rom. 13. ille est, vindex in iram ei qui malè agit. Vides, Smideline, quò nos tuæ tam improbæ deducant sycophantiæ? scilicet tot iam târa doctrina & vitæ sanctimonia conspicui doctores, testes omni exceptione maiores, te tam irrefutabilibus testimonijs reum peregerunt, tam iusto & irretractabili iudicio damnârunt, tanta constantia & seueritate crucem tibi parârunt, ad quam nè à lictoribus, aut (quod horribilius est) à sæuissimis illis animarum tortoribus præter opinionem abripiaris, candidè & fraternè te moneo, vt à dogmatibus illis nimium extrauagantibus & absurdis, & pertinaci illorum defendendorum studio maturè ac temporè resipiscas, priusquàm in illud barathrum præcipiteris, vnde postea nunquàm fuerit spes emergendi. Quod vt faciliùs à te impetrem, (si modò impetrari possit) pergam hanc tuam telam tam infelicitèr, nè dicam improbè & blasphemè contextam, eo modo quo exorsus sum, retexere ac dissoluere, idque ea synceritate, fide & luculentia, vt vel agnito tuo errore, Christum & Ecclesiam, atq; in his ipsam veritatem nobiscum sis recepturus, vel reclamante iudicio & consciètia tua, spreta & abiecta veritate, in pertinacia & rebellionè tua sciens prudensq; perduraturus.

Cap. 6.

Explicantur canones prima fronte dissoni, an liceat audire Missam sacerdotis concubinarij.

A Sseruisti suprà in vero pastore & præposito, cui obediètia iuxta Apostolum debeat, requiri doctrinam sanam Heb. 13. & vitam inculpatam. Hoc κενόμμενον iam fidelitèr & luculentèr tractauim⁹, tuaq; interpretatiõe nonnihil postposita,

posita, veram germanamque Apostoli sententiam illuc, vnde peti debebat, produximus, Pergis iam Smideline, & vt tuam expositionem imperitis persuadeas, hoc assumentum annectis:

Nec id nouum (vt subtrahamus nos à fratre, multo magis à pastore inordinate ambulante) aut inauditum in auribus huius Grammatici, quum & ipsi pontificij suis canonibus arceant plebem, ab audiendis Missis, si à concubinario sacerdote celebrentur.

Vt nusquam non sibi similis est Smidelinus in citandis testimonijs, vt imperitorum ad stipulationem eliciat, quod vt manifestum fiat, rem paulò altius repetemus. Ante annos septingentos & ultra, Nicolaus I. Nicolaus eius nominis primus pontifex, (cuius & supra meminimus) consultus à Bulgaris, an à sacerdote in adulterio depræhensum, vel sola duntaxat fama de crimine infimulato, communio esset recipienda, Augustini & Patrum secutus doctrinam: Responsum, inquit, non potest aliquis quantumcunque pollutus sit, Sacramenta diuina pollueri, quæ purgatoria cunctarum contagionum existunt. Qualiscunque enim sacerdos sit, quæ sancta sunt, coinquinari non possunt: idcirco ab eo, quousque iudicio episcoporum reprobetur, communio percipienda est: quoniam mali bona administrando, se tantum lædunt: fax accensa sibi detrimentum præstat, alijs verò lumen in tenebris administrat: & vnde alijs lumen exhibet, inde sibi detrimentum præbet, &c.

32. dist. cap. nullus.

Eadem dist. C. præter hoc

Idem tamen pontifex Nicolaus aliud etià decretum rescripsit: Nullus, inquit, audiat Missam presbyteri, quem scit concubinam indubitanter habere. In quam sententiam Alexander secundus quoque respondit: Causam horum Canonum in sequenti libro refert Urbanus secundus: nimirum vt peccandi licentiam cæteris sacerdotibus auferrent, & huiusmodi fornicarios ad dignæ poenitentiae lamenta reuocarent. & in fine capituli: Prohibentur ergo, inquit, de manibus talium sacerdotum sacramenta suscipi: non quod non sint vera, quātum ad formam & effectum: sed quia dum huiusmodi sacerdotes à populo se contemptos viderint, rubore verecundie facilius reuocentur ad poenitentiam. Igitur Lucius tertius Pontifex canonem finalem Nicolai primi 15. q. 8. cum canon. Nullus, qui est eiusdem Nicolai, & cum Canone, Præter hoc, qui est Alexandri secundi,

secundi, 32. diff. non improbabilitè nec inscitè conciliat, in C. Vestra, de cohabitatione Clericorum & mulierum: Vestra duxit deuotio inquirendum. & inf. Alicubi dicitur, Nullus audiat Missam sacerdotis, quem scit indubitanter concubinam habere: alibi verò legitur, Non potest aliquis, quantumcunq; pollutus fuerit, diuina polluere Sacramenta, quæ purgatoria cunctarum contagionum existunt. Qualiscunq; enim sacerdos sit, quæ sunt sancta, co inquinari non possunt. Sumite ergò ab omni sacerdote Christi mysteria, quia omnia in fide purgantur. Cæterum aliud est crimè notorium, aliud occultum. Notorium definitur, de quo presbyter Canonice condemnatur: Occultum, quod ab Ecclesia toleratur. Cæterum aliud est, quando crimen notoriū non diffitetur presbyter, vel de ipso est canonice condemnatus: Aliud, quādò est penè occultum, quod ab ecclesia toleratur. Item aliud est, à talium officijs abstinere, vt peccandi licentia cæteris auferatur, & huiusmodi ad pœnitentiæ fructum trahantur: atq; aliud, si talium tanquàm in fornicatione iacentiū mysteria respuantur. Sinè dubitatione itaq; teneatis, quòd à clericis & presbyteris, quanquàm fornicarijs, quandiū tolerantur, ne habent operis euidentiam, licitè diuina mysteria audiantur, & alia recipiantur Sacramenta: Atque in hanc sententiam anno salutis 1415. in Concilio Constantiensi contra errores Ióannis Vuicleff & Ioannis Hufs (quibus hñc Smidelinus, vt in multis etiàm alijs, consentire videtur) statutum est, vt nemo deinceps à communione alicuius in Sacramentorum administratione vel receptione, aut alijs quibuscunq; diuinis tam internis q̃ externis, prætextu cuiuscunq; sententiæ aut censuræ Ecclesiasticæ à iure vel ab homine generalitèr promulgatæ teneatur abstinere, vel quemcunq; vitare, nisi in quem sententia vel censura huiusmodi fuerit à iudice publicata & promulgata speciatim & expressè, & excepto casu iniectionis manuum in clericum adeò manifestè, vt nulla possit tergiuersatione celari &c. Huic pulchrè cōuenit, quod refert D. Augustinus in sermōe 50. quinquaginta homiliarum: Nos communione prohibere quenquam nō possumus, nisi aut spontè confessum, aut in aliquo siue seculari siue Ecclesiastico iudicio nominatum atque conuictum. Et idem Augustinus

D

cap.

cap. 2. de fide & operibus, exponit: Nominatur, hoc est, noti famosiq; sunt: hos vitare oportet, non quia peccatores sunt, sed quia p Ecclesiæ sententiam prohibita est communio. Malorum enim peccata non coinquant quenquam, nisi illis consentiat & fauceat, inquit idem ad Donatist. epist. 166. Hæc in gratiam candidi Lectoris aliquantò exactiùs & fusiùs hîc recensenda fuerunt, ut quæ vel per ignorantiam nesciuit vel dolosè subticuit Smidelinus, notiora reddantur, manifestumq; euadat, hoc ex veteribus canonibus desumptum assumetum, non solum nō patrocinari Smidelino, verum etiã ex diametro aduersari.

Cap. 7.

Smidelinus vult pastorum doctrinam examinandam exemplo ciuium Berrhæensium in Actis Apostolicis: confutatur, quia Luterus suam doctrinam voluit ab hominibus, & angelis, & à Deo ipso habere iniudicatam: Deindè, quia Melanchthon voluit Ecclesiam veterẽ cõsuli in examine doctrinæ, non verò solam sacram scripturam, ut vult aduersarius.

QUod iam sequitur, filios matris Ecclesiæ non ad personas, sed ad verbũ domini alligatos esse, videbimus suo loco quousq; verbum Domini porrigatur. Quod autẽ ais, limitata est ergò eorum authoritas: quatenus verbum Dei adferunt, assentiendum est. Id quod videre est etiã in Apostolis, de quibus minimè dubium est, eorum doctrinam ex spiritu Christi profectam, sicut & D. Petrus de prophetis pronunciat: Non enim voluntate humana allata est aliquandò prophetia, sed spiritus sancto inspirati, locuti sunt sancti Dei homines. Cũ Paulus Berrhææ annuntiaret Euangelium, dignus erat cui fidem haberent, & quia Apostolis, & quia in tertium cælum raptus. Verũ eius loci homines, inquit Lucas, qui verbum domini cum aniditate susceperunt, quotidie scrutati sunt scripturas, si hæc ita se haberent. Quorum diligentia non offendit D. Apostolum, qui sibi non alia ratione assentiendum docuit, quàm si doctrinam suam ex prophetarum scriptis comprobaret. Quãto verò magis

2. Pet. 1.

Smidelinus
vult pasto-

-

nam suam ex prophetarum scriptis comprobaret. Quãto verò ma-

gis

gis opus est diligentia in examinanda eorum doctrina, quorum moris doctrinā res hircinos esse fatetur Grammaticus noster? &c.

ris doctrinā
examinādā.

Vtinam, Smideline, hoc discipulus magistro tuo Lutero persuadere potuisses. Admodum erat opus, doctrinam eius examinari, tum quia noua erat, & iam olim (eō quod veteres hæreses ante multa secula damnatas resuscitaret) condemnata, tum quia author neq; miraculis & signis (quæ vel ipso teste, in noua doctrina recipienda requiruntur) fidem faciebat, neq; vitæ sanctimonia & integritate satis commendabatur, qui tanto æstu, tamque impotenti affectu in libidinem erebatur, vt effractis monasterij claustris, abiecto habitu, excusso pudore, violato voto, sacris profanisque legibus spretis, contemptis & conuulsis, contra conscientia dictamen ad incestas, adulterinas, damnatas, eoq; nouas id temporis & penè mostrosas nuptias proueret. Talis magistri & doctoris noua & inaudita paradoxa, summè & vnicè necessum erat ad Lydium verbi Dei lapidem probari & examinari: factumq; est, probata & examinata sunt ab vniuersa Ecclesia, ab excellentibus doctrina & pietate viris Theologis, deniq; ab illis iudicibus, quos summus ille harmonistes Ecclesiae suæ pastores & doctores praefecit: & cognita sunt ad Ephe. 4. alterina, improba, hæretica, blasphema, eoq; vniuersae Ecclesiae Catholicae vnanimi censura & iudicio damnata. Quod cum Luterus animaduerneret, iactauit se veluti cælitus missum prophetam, cuius doctrina sine omni contradictione & examine, necessariò esset suscipienda omni salutem desideranti: voluitq; suam doctrinam non solum ab hominibus, sed etiā ab angelis, immò & à Deo ipso iniudicatam habere. scribit enim se suæ doctrinae nullum ferre iudicem, neq; hominem, neq; angelum, adeò vt etiā si ipse Deus de hac iudicare incipiat, tunc se dicturum illud non esse iudiciū, sed Luterus nullum suæ doctrinae iudicem sustinet. tentationem quandam, quali olim tentasse legitur patriarcham Iacob. Qualis autem, quā proteruus, quā arrogans, quā fastuosus, impius & blasphemus ille fuerit spiritus, qui hoc Lutero suggestit, tibi iam Smideline expendendum relinquo, qui commēdas primores Thessalonicensium, quod quotidie scrutabatur scripturas, an Apostolorum Pauli & Silæ sermo ita haberet. Et nè putes illud fortè per imprudentiam excidisse Lutero, (quanuis neq; hoc

Luteri doctrinam admodum necessum erat examinari.

Cōtra Thomam Muncerum.

Ephe. 4.

Luterus nullum suæ doctrinae iudicem sustinet.

prætextu satis posset excusari) alia duo loca proferemus planè huic similia: Prior est in prologo libri, què inscripsit aduersus falsò nominatum Ecclesiasticorum statum Papæ & Episcoporum: His, inquit, certiores vos facio, me de cæterò vobis non ampliùs cum honorem exhibiturum esse, vt me submitterem vel vobis, vel etià vlli angelo de cælo, ad iudicandum aut examinandum doctrinam meam. Nam stultæ humilitati satisfactum est iam teriò Vornatiæ, & tamē nihil prodest. Sed volo audiri, & iuxta doctrinam S. Petri, doctrine meę rationem ac fundamentum ostēdere coram vniuerso mundo, eamq; habere iniudicatam à quolibet, etià à cunctis angelis. Cū enim de ea certus sum, volo per eam & vester, & angelorum (vt Paulus ait) iudex esse, vt quisq; doctrinam meam non acceptauerit, saluari nō possit. Alter locus est cōtra Henricū VIII. Angliæ regem: Ego verò, inquit, aduersus dicta patrum, hominum, Angelorum, dēmonum pono non antiquum vsum, nō multitudinem hominum, sed vnius maiestatis eterne verbum, Euangelium quod ipsimet coguntur probare. Hic sto, hic sedeo, hic maneo, hic glorior, hic triūpho, hic insulto papistis, Thomistis, Hēricistis, Sophistis & omnibus portis inferi, nedū dictis hominum, quantūlibet sanctorū, & cōsuetudini fallaci. Dei verbū est super omnia, diuina maiestas mecum facit, vt nihil curem, si mille Augustini, mille Cypriani, mille Ecclesiæ Henricianæ contra me starent. Deus errare & fallere non potest. Augustinus & Cyprianus, sicut omnes electi, errare potuerunt, & errauerunt.

Eccè hæc sunt tui Luteri, viri, tuo iudicio, sanctissimi & innocentissimi verba. Quis vnquā audiuit vllum hominem superbius aut insolentiùs loqui? Se solum putat habere Dei verbum, solum sibi præsentem Deum, adēd vt ipse solus errare nō possit, cæteris omnibus, quantūvis sanctis & electis, errantibus. Et in eodem lib. Nos non sumus Papæ, sed Papa noster est: nostrum est, non iudicari ab ipso, sed ipsum iudicare. Spiritus em̃ nē nē nē iudicatur, & ipse iudicat omnes: quia verum est, Omnia vestra, etià papa.

Vides iam Smideline, cuius & qualis doctoris doctrinam tuo iudicio sanctissimi & innocentissimi, nobis & vniuerso orbi coneris obtrudere, quem tu hīc ipse tuis verbis tam apertè refellis & confutas:

futas: nec solum tu, sed & Philippus in lib. de cœna domini contra Anabaptistas: Meo, inquit, iudicio magna est temeritas, dogmata ferere non consulta Ecclesia veteri. Et in epistola quadã, anno quẽ ultimum vitæ habuit, scripta: Scio, inquit, carnificinam non solum sæuam, sed etiã perniciosam, esse dubitationẽ. Existimo autẽ ad confirmandas mentes, consensum vetustatis plurimũ conducere. Et alibi: Sententia diuini verbi, consensu Catholicæ Ecclesiæ perspicua est & illustrata. Plura id genus adducerem, nisi vitarem prolixitatem.

Ad Ioannẽ
Cratonem
medicum
Vratislaui-
ensem.

De causis
recusatæ
synodi.

Quis igitur sperauerit hostes Ecclesiæ, eidem reconciliari pos-
so, qui inter se instar Lapitharum iam pertinacitẽ digladiantur,
nisi quod in p̄scribenda Ecclesia vos nõnihil videamus συγχερι-
ξεν? Quis non videat, quã rectẽ Calvinus, quãtunvis iuratus ec-
clesiæ antidicus, vos & vestrum Luterum depinxit, dum vobis
furiosum impetum, nugatoriam leuitatem, cæcam temulentiam, ca-
ninam improbitatem, diabolicam superbiam tribuit? Et in Luterũ
quidem quã verẽ hæc competant, ipsius & vestra scripta modò
relata declarant. In vobis etiã quã nihil horum desideretur, p̄-
ter alias satis apodecticas demonstrationes, eadem etiã vestra
scripta non obscurẽ coarguunt, qui dum vestris sententijs Luteri
temeritatem, fastum & pertinaciam euidentẽ (vt nunc docuimus)
refellit, virum tamen sanctissimum & innocentissimum prædica-
tis, qui Euangelium tot seculis occultatum, ex angulis & latebris
reproduxit. Vbi tua mens, Smideline? vbi tua frõs? vbi illa The-
ologica & pastoralis grauitas? vbi dictorum factorumq; constan-
tia, quæ in vnoquoq; homine, nedũ in Euangelico præcone, re-
quiritur?

In vlt. ad-
monit. ad
Ioachimũ
Vuestphal.
edita anno
1557.

Cap. 8.

*Profertur genuina sententia loci Actuum 17. an cines
Berrhæenses hoc pacto scrutati sint scripturas, quasi de do-
ctrina Pauli dubitauerint.*

HActenũs tuum illud placitum, ex Act. 17. cap. productum, to-
lerauimus, nẽ vllam occasionem prætermitteremus tuos tam
absurdos & plusquã phanaticos errores tibi demonstrandi, vt vel

D 3

agnitis

agnitis illis tam deformibus & monstrosis portentis, ad Ecclesiæ Catholicæ (quæ basis est & firmamentum veritatis) gremium redeas, vel discas mendacem memorem esse oportere. Nunc superest, ut idem illud placitum tuum, ad veritatis normam paulò perscrutatus examinemus.

Cùm, inquis, Paulus Berrhœæ annuntiaret Euāgelium, dignus erat cui fidem haberent: & quia Apostolus, & quia in tertium cælum raptus. Verùm eius loci homines, inquit Lucas, qui verbū domini cum aviditate susceperunt, quotidie scrutati sunt scripturas, si hæc ita se haberent.

Quæ hæc est impudentia? Quorsum hæc Smideline? Scribitur in Actis, quod nobiliores eorum qui Thessalonicæ fuerunt, susceperunt verbum, scrutantes scripturas, si hæc ita se haberet. Quid hoc facit ad rem, de qua nunc agitur? Num ideo sibi de doctrina Apostolorum iudicandi potestatem arrogauerunt, quia scrutati sunt scripturas? Quam sæpè autem accidit, ut sermonem alicuius ex verbis ministris excipiat aliquis, & loca scripturarum si quæ per eum adferuntur, inspiciat, num ideo se iudicem illius doctrinæ constituit? Nemo prohibet, Smideline, quo minus vel tu, vel quicumque tandem alius velit, scripturas scrutemini: Sed si fortè interpreteris aliter, quàm vniuersa Ecclesia, omniumq; veterum patrum sensus eas intelligit, an propterea penès te erit potestas damnandi Ecclesiæ interpretationem? Id verò neutiq; ferendum putamus. Quin illud esse Christianæ modestiæ, fraternæq; charitatis existimamus, ut se potius aliquis propter ingenij tarditatem, pleraq; non assecutum credat, quàm ut cunctis sese anteponat, & à se solo processisse, aut ad se solum peruenisse Dei verbum, persuasum habeat. Hæc esse Euangelistæ sententiam, Oecumenius apertè testatur: Hi, inquit, non tanq̃ increduli indagabant siue scrutabantur scripturas, (iam enim crediderant) sed tanq̃ ignari traditionis veterum Prophetarum, & propterea fide robustiores effecti sunt, quum scrutarentur scripturas, & inuenirent veterum sermonibus consona esse opera dispensationis Domini in carne. Cui concordat paraphrastes Erasmus, quomodocunq; tu de illo sentias. Accedit q̃ Euangelista ibidem loquitur de primoribus Berrhœensium, non verò de

Oecumen.
in cap. 17.
A&A. Apost.

de infima vulgi plebe. Si autem tua hæc tam præpostera interpretatio vera esset, ut quilibet scripturas debeat scrutari, & suo pte ingenio interpretationem fabricare, censuramq; & iudicium de illis proferre: rursus, ut hæc tunc fecisti, à te ipso dissideres, qui paulò antè citasti illud Malachiae: Labia sacerdotis custodiunt sciētiam, & legem requirent ex ore eius, quia angelus Domini exercituum est: postea autem rursus non vnumquenq; de plebe, sed principes, controuersiae iudices statuis, ut nusquam non prominentes auriculæ prodant Midam. Smidelinus hîc nihil aliud molitur, quàm ut sub dolo verbo Dei prætextu, nunc principibus, nunc promiscuæ multitudini persuadeat sacrarum literarum scrutationem, Canonumq; & decretorum, Traditionumq; Ecclesiasticarum examinationem, ac dijudicationem, cum sciat, neq; hoc ad ipsos pertinere, neq; si demus aliquo modo pertinere, illos per arduas consultationes & quotidianas, quibus principes implicantur, occupationes, hos per domestica negocia & iudicium imbecillius præstare posse. Neque enim spiritus vni alicui priuato in dirimendis controuersijs, sed toti Ecclesiae promissus est, ut cunq; tu illud exhibiles, & scripturarum interpretatio, singulare donum fuit in Ecclesia primitiua, quod tibi Smideline meritò os debuisset obstruere, qui nusq; non ad scripturam prouocas. Comparat enim Apostolus Ecclesiam corpori humano, in quo multa sunt membra diuersum actum habentia, volensq; docere, vnumquenque in ea vocatione qua vocatur, sic manere debere, nec ἀλλοτριωσις κοινῶν, ait, si totum corpus oculus, vbi auditus? si totum auditus, vbi odoratus? Quod si omnia essent vnum membrum, vbi corpus? Hoc est, vbi aliquam corporis Christi, quæ est Ecclesia, formam aut faciem cōspiceres, si vniuersum corpus vnum esset membrum, quod iam in vestris ecclesijs videmus, vbi neq; caput, neq; aures, neq; manus, neq; pedes, sed vniuersa corporis moles reliquis omnibus membris trunca & mutila, non iam vnum aliquem aut binos, sed, pmodum infinitos oculos exhibet, quemadmodum de Argo refertur. Atq; hinc iam suppullulat illa discors confusio, & confusa discordia, qua oculi vestri dum alios parum prospicere & cæcutire, se autem lynceos autumant, à se inuicem dissident, & in mutuam perniciem conspirant, quod

Mal. 2.

1. Cor. 12.

1. Cor. 12.
Ephes. 4.

Ezec. 13.

quod nec tu Smideline hîc dissimulare potes, vbi de vestrorû discordia refers, & vniuersus orbis conspiciat. In Ecclesia verò Catholica sempèr viguit atq; etiamnùm viget, quod nunc apud Apostolum sequitur: Nunc autem multa quidem membra, vnum autem corpus. Et quosdam quidē posuit Deus in Ecclesia, primùm apostolos, secundò prophetas, tertio doctores, deindè virtutes &c. gubernationes, genera linguarum, interpretationes sermonum. Nunquid omnes Apostoli? Nunquid omnes prophetæ? nunquid omnes doctores? Nunquid omnes linguis loquuntur? Nunquid omnes interpretantur? Atq; in hunc Apostoli locum omnes veteres docent, non esse cuiusvis scrutari scripturas, aut de earum sententiâ definire. Hinc enim fit, vt tu & tuî similes, tam improbè, sacrilegè, & blasphemè eas contrectent. Quin & magis socordem & stupidû facis Deum quouis populari patrefamiliâs: hic enim sua inter domesticos munia partitur ac distribuit, alium Oeconomix, alium thesauris, alium grammatophylacijs præficiens. Tu autem ità loqueris, quasi putes Deum neq; vidisse, neq; videre, quàm necessarium sit, in magna illa sua domo ecclesia non omnes interpretari, non omnes gubernare, non omnes esse pastores & doctores? O impietatem plusquàm ethnicam: O impudentem blasphemiam, & blasphemiam impudentiam. In quem rectiùs competit illud, quod tu huic tam impio & absurdo paradoxo nunc tam inauditè & abscondè subnectis, & suprà non semèl inculcâsti: Sed licèt nos, aut angelus è cælo euangelizet vobis, præterquàm quod euangelizauimus vobis, Anathema sit? In quem, inquam, rectiùs competit, quàm in te, qui tam ab Euangelica & Apostolica doctrina dissentaneum, pugnans & contrarium Euangelium euangelizas? In quem rectiùs dicitur illud prophetæ, Væ prophetis insipientibus, qui sequuntur spiritum suum, & nihil vident, quàm in te tuosq; lanios, cerdones, tonfores, fabros, textores, ganeones, quibus tam impiè persuades, vt scripturas scrutentur, quò scilicet spiritum suum sequentes, nihil videant, incidantq; in errores & tenebras palpabiles, prout illos magno nostro omnium dolore, vnà cum suis magistris prolapsos conspiciamus? In vos igitur quadrat, si cæcus cæco dux est, ambo in foueam cadunt. Sed hæc infra suo loco absolutiùs.

Cap.

Cap. 9.

*Quomodo Pastoris queat examinari doctrina, ut non viole-
tur charitas Christiana.*

Sequitur nunc apud Smidelinū: Vides nunc Christiane le-
ctor, quomodo Ecclesiæ filij alligati sint euangelio & non
homini, cuius voluntas cum sit inconstans, ab eius latere re-
cedere licet, cum diuersam à Christo tradit doctrinam, cui
etiā non nisi doctrinæ ratione addictus es.

Hoc ut aliquo modo tibi concedamus, quando quidem non re-
petis quod supra dixisti, etiā propter vitam doctrinæ non cōfor-
mem, à pastoribus recedendum, eoq; languidā, mutilam & imper-
fectam complexiōem colligis, nōsti tamen vel ex Ethnicorum, qui
naturæ ratioisq; solius ductum sequuti sunt, præceptis, quā sit pi-
culosum, Maiorum præscripta curiosius perscrutari: eoq; Plato po-
pulares ab exactiori legum scrutinio repellit, eo q; discordiæ & pri-
uatæ cuiusdam sapiētiae, arrogantisq; philautiæ seminarium pbeat.
Quin & magnam generare potest anīam dubitationis & perplexi-
tatis, quā rectè carnificinam vocat Melanchthon, & quodammo-
dō doctores & iudices faciemus illos, quos oportebat esse discipu-
los & auditores.

Noluit S. Bernardus (quem tu etiā nō *ἐπισκοπος* non semel di-
uum appellas) in monasticis institutis examinandis, aut iudicādis,
quēuis è fratrum sodalitiō temerè quicquam pronūciare, nisi eos,
quibus id posse videre datum, & prouidere creditum est: quāto iu-
stius est eos pēfare & probare doctrinam præconis Euāgelici, qui-
bus examinandi facultas, & iudicium datum est, collatāq; potestas
& authoritas ipsis ouibus de fideliore pastore prospiciendi? Quōd
si quis sit ex ipso grege, qui iudicium habeat, huic nemo prohibue-
rit priuato studio pastoris doctrinā expēdere & cognoscere: quā
si fortē non per omnia sanam comperiat, iam fuerit fraternæ eharī-
tatis & Christianæ modestiæ, non priuata authoritate in pastorem
insurgere, sed vel familiaritē, vel amicē submonere, vel ad illos re-
ferre, ad quorum cognitionem pertineat præsentis causæ cognitio.

E

Nec

Bernardus in
lib. de pcep.
& dispēsat.

Cōc. Nice-
ni Can. 5. &
in Cōcilio
Chalcedo-
den. can. 19.

Ad. 17.

Nec solum in doctrina, sed in vita quoq; & morib; si fortè quid in his luxatum aut vitiatum esset, hæc ratio charitati fraternæ & Euāgelicæ doctrinæ prorsus consentanea posset obseruari, atq; etiam- nūm à pijs, bonis & pacificis obseruatur. In hūc enim finem annu- as synodos in vnaqua; diocesi Catholica instituit Ecclesia, vt si vitiosæ doctrinæ corruptorumq; morum sentes & tribuli suppullu- lent, protinūs omnium patrum suffragijs & censuris pestilens loli- um, synceræ & fraternæ disciplinæ sarculo extirpetur. In quo tamē optandum esset, illos paulò esse vigilantiores, quorum est officij in huiusmodi zizania animaduertere. Tuum verò Smideline consili- um, quo suades, vt oues priuato arbitrio à pastore recedāt, nec qd deindè remedij quærendum sit demonstras, nisi vt palantes errēt tanquām oues non habentes pastorem, quām auspicatum & salu- tare futurum sit, si recipiatur, nemo non vel communi iudicio præ- ditus, facilè perspicit. Quin & te ipsum iam appello Smideline: pro- fer ingenue, quid dicturus eris, si quis ex infima cerdonum aut tō- forum fœce tibi obluetetur, tuamq; doctrinam examinare ac dāna- re instituat, turbas, schismata & seditiones excitet, & bonam gre- gis tui partem abducat? Quid, inquā, dicturus eris? Concedis, im- mō stylo & viua voce passim doces & scriptitas, examinandam pa- storum doctrinam ab ouibus, exemplo illorum qui Berrhœæ scru- tabantur scripturas, an Pauli & Silæ doctrina itā se haberet. Exa- minant oues doctrinam tuam, refellunt, explodunt. Quid dicturus es? Respondebis, te iuxta præceptum Apostoli, paratum esse redde- re rationē omni poscenti &c. Sed producūt aduersus te scripturas: tu vicissim scripturas opponis? Quid, inquā, nunc futurum est? Nascetur proculdubio implacabile dissidiū & ἀσπονδος πόλεμος, prout hætenūs vos irreconciliabilibus contentiōibus & schisma- tīs dissidere, rabiosis conuiciosisq; diſterijs proſcindere, mutuisq; vulneribus conficere spectauimus. Iam & hoc Smideline confide- ra, si ouibus, si discipulis, si plebeijs hominibus doctrinæ pastoralis examen concedis, quām impudens hæc inconstātia, & quām incō- stans impudentia, quòd Bredenbachium Brentij doctrinam publi- cæ pacis & tranquillitatis inuestigādæ desiderio, modesta & sobria διατριβή examinantem, tanto cum strepitu & clamore, tot rhōchis, con-

cōuicijs, scōmatibus explodis? Sed de hoc populari & democratico iudicio, de scripturis & fidei controuersijs, infrā suo loco copiosius: nunc, vt tuo verbo utar, saltem delibare volumus, istud tuum tam ineptum, absurdum & monstrosū paradoxon, quo tam impiè, profanè & impudètèr ab vniuersa Ecclesia, ab Euāgelica & Ecclesiastica doctrina, immò à magistro tuo Lutero, ac deniquè à te ipso dissides.

Cap. 10.

Nouè & ineptè Smidelinum comparare Romanum Pontificem meretrici Babylonicae, & meretricis nomen potius in ipsos competere, cū in sacris literis per meretricem plerūq; intelligatur doctrina hæretica, veterūq; nemo locum Apocalypseos ita sit interpretatus, vt eum exponit aduersarius.

HOC primò in Bredenbachium, ipsiusq; libellum impetu facto, nunc deinceps nonnihil respirat Smidelinus, & remisso aliquantulum vehemētiori illo certaminis æstu, ad *σκιωμαχίαν*, leuemq; & vmbrailem digladiationem se recipit, nè (quod turpe est histriōi) in arena constitutus, nullā omnino gesticulationem spectatōribus exhibeat. Intereā tamen, vt spectantium applausum & risum eliciat, (quod itidē scenicis est solenne) vnum insignem & verè theatricum saltum facit. Et gesticulationes quidem sunt, dum attingit de arietum & principum officio, de Homeri sentētia ad commendādam monarchiā, de meritis Brentij erga Ecclesiam, de historia Socratis, de persona Therisitæ. Sequitur iam velut horum omnium condimentum gladiatorius ille & penè magicus saltus, quo omnium Veterum Neotericorumq; expositiones admirabili præcipientia transilit, & suam de capite decimoseptimo Apocalypseos, nouam interpretationem mira alacritate & festiuitate depromit. Ait enim per meretricem Babyloniam circumdatam purpura & coccino, & inauratam auro & lapide precioso & margaritis, ebriam sanguine sanctorum & sanguine martyrum &c. designari Pontificem Romanum. Et quanquā D. Augustin⁹, Aretha Cæsareæ Cappadociæ Episcopus, Lyranus, glos-

Videat pius
Lector de
hac materia
latius in cap.
penul. li. 4.

sa Ordinaria, Isidorus Clarius, alijq; pbatiores interpretes, longè secùs exponant, vnus tamen Smidelinus, vt vel risum mouèdo aliquem, è puluere theatro gratiam reportet, nouā & ridiculā mythologiam ex tempore in proscenio inter saltandum comminiscitur, nulla vllius solidi & probati interpretis ad stipulatione fretus, quo vel hoc veluti scipione fultus, illum tam verè histriòicum saltum feliciùs expeditiusq; perficeret. Cùm igitur extra communè naturalium saltatorum mensuram & terminum saltet, (non enim contines te intra terminos, quos patres posuerunt) sinemus simplicem plebeculam (quæ funâbulos & circumforaneos vnice solet admirari, cùm reuerà sint meri præstigiatores) ad hunc quoq; nimiū transcendentem & Metaphysicum saltum stupere, cùm alij paulò oculatiores ita te saltare videant, vt omnes veteres interpretes calcibus ferias & cõculces. Sanè si vsquàm est Babylon, ea vt apud vos sit necessum est, vbi tanta conspicitur dogmatum confusio & opinionum diuersitas ac pugnantia, vt ipsissimam Babylonem apud vos conspiciamus, quod iam pridem toti orbi planissimum fecit Staphylus. Quin & meretricis nomē in sacris literis ad hæreses referri, palam est. Quemadmodum autem lasciuie & prostituti pudoris certum argumentum est in fœmina, alieni viri muneribus & literis gaudere, & animum pariter & amorem à marito auertere, vt ait D. Augustinus lib. 14. cap. vlt. contra Faustum, ita meretricis animos in vobis coarguit, quod cuiuslibet doctrinæ lenocinijs delibuti, ab Ecclesia ad Luterum, à Lutero ad Zuinglium, ab hoc rursus ad Calvinum, & id genus infinitos vestri cõplexus riuales animum adijcitis, vt liquidò in vobis appareat illud artis meretriciæ: Sub omni ligno frondoso diuarcasti pedes tuos.

Ier. 2.

Adde quod nec Apocalypsin agnouerit Magister tuus Luterus: nunc verò quia qualem cunq; præbet ansam calumniandi, maxime tibi est authentica. Rursùm hic monendus es, mendacem memorè esse oportere.

Cap. xj.

Dea

Declaratur, quanto dolo Smidelinus Bredenbachij ordinem peruertat, & obiter progreditur author ad explicatiōem istius monostichi, Tu supplex ora, tu protege, tuq; labora: quem versum velut absurdè adductū criminatur aduersarius, prætermisissis solidissimis argumentis, ex quibus hic versus suam lucem & robur accipiebat.

Nunc iterum Smidelinus ad pugnam præludit, atq; eminus tela quædam in aërē iaculatur ex apertissimis mendacijs fabricata, quibus quoniam abundat, minus admiramur eum passim intermissa pugna, ad huiusmodi vanas, ludicras, & irritas eiaculationes se proripere, & contra morē gladiatorum, iacula inutilitèr & incassum profundere. Cuiusmodi sunt, quod ait, ea quæ de Arrio & Lutero recensuit Bredenbachius ad institutum prorsus nō pertinere, q̃ in officiorum limitibus definiendis toto cælo erret, quod reuocata ab initio in memoriam summa sacrorum bibliorum, declaratoq; ordine, politia siue ceconomia domūs Dei, simplicibus fucum faciat, & illorum oculis nebulas offendat. His igitur omnibus prætermisissis, seriam confutationem aggreditur à quodam monosticho, ac deinde à iudicio Caiaphæ contra Christū. Hic obsecro & obtestor pium & veritatis studiosum Lectorē, vt obseruet, videat & agnoscat impudentissimi saltatoris nimis apertas & dolosas præstigias, quibus ea quæ ad causam omnium maximè pertinet, tanta saltandi & mētiendi libidine, tam fraudulentè ac dolosè trāsilit & eludit. Suggillauit suprà Bredenbachium, quod nullam ordinis rationem obseruārit, eoq; se nullum ordinem obseruare posse. Atquē tam ordinata, expedita & composita methodo vtitur, vt eam quo constructa est ordine, Smidelin⁹ neutiquā dissoluere ac demoliri possit. Tam enī firma est, tam solida, tam firmitèr compacta & consolidata totius structuræ compages, talibusq; ac tantis propugnaculis, ex solidissimis scripturarum & Ecclesiasticorum scriptorum petris extructis munita, vt eo ordine quo oppugnanda esset, minimè eam oppugnare, nedū expugnare queat. Hoc dum animaduertit Smideli-

Simili stragemate
vritur aduersus
Hosium.

E 3 nus,

nus, vndiq; sese vertit ac tergiuersatur, huc illucq; machinas suas ferens ac transferens, & maxima castelli, hoc est, libelli parte prætermissa, protecta quædam siue *ταίριχα* fortè aliquantulum prominentia petit. Et nè lectorem hoc tanto & tam improbo saltu & tergiuersatione offendat, simulat se vti strategemate gladiatorio, & in aliud tempus aliumq; locum prætermissæ partis oppugnationem reijcit, eo consilio, nè pugnae spectator, hoc est, lector, videns Smidelinum ad solidissima illa & inexpugnabilia munimenta, machinas & arietes suos admoventem, hominis temeritatem & insaniam rideat, & spreto nugatore recedat. Atq; vt hoc quaecunq; strategema lectori persua-deat, præclarum adducit prætextum, se priusci-piò libelli statum velle confutare, ac postea ad prætermissa redire, quæ omnia qua fide & integritate præstet, luculentè patebit illi, qui vtriusque, Bredenbachij inquam & Smidolini, scripta inter se contulerit: & nos, quantum per temporis & ocij inopiam licebit, planù faciemus. Latet præterea & illud sub hoc strategemate mysterium, quòd dum Smidelinus Bredenbachij libellum non ex ordine confutat, sed passim, velut per satyram nunc hunc, nunc illum locum allatrat, dolosè impedit lectorem, nè possit faciliè mutua vtriusq; libri, Smidolini inquam & Bredenbachij, collatione, argumentorum pondera pensare. Primum igitur nunc arietem ad-mouet isti ἀδύλαχον monosticho:

Tu supplex ora, Tu protege, Tuq; labora.

Quod, inquit, æquipollere videtur ei, quod Ioannis cap. 7. scriptū est: Nunquid ex principibus aliquis credit in eum, aut ex pharisæis? Sed turba hæc quæ non nouit legem, maledicti sunt.

Vide, q̄so pie lector, impudentiam & vecordiā Smidolini. Quid illud Ioannis? quomodò æquipollet? Demonstrauerat Bredenbachius ex Genesi, ex Leuitico, ex numeris, Ecclesiasticum & ciuile ordinem ab ipso generis humani exordio semper fuisse distinctos, semper extitisse homines cultui diuino & sacrificijs offerendis singularitè à Deo destinatos, ante legem, sub lege, & post legem in Euangelio: eumq; ordinem, vt ante legem & sub lege ex præcepto Dei obseruabatur, ita & necessum esse porro deinceps, & nunc post legem obseruari in Euangelio, in quo nouum sacerdotium, nouū sacri-

sacrificium, nouam cathedram, nouum magistratum Deus instituit, erexit & creauit. Demonstrauerat, inquam, Bredēbachius, statim in initio subolescentis generis humani Abelem sacris & sacrificijs præfectum. Cainum verò agriculturæ mancipatum, ipsoque Abele à fratre per huius honoris inuidiam interfecto, Seth illi suffectum, atq; in eius posteritate sacerdotium permāsisse, ex qua etiam fuerit patriarcha Noë: dignumq; obseruatu, quod hi qui à Seth descenderunt, dicti sint filij Dei: illi verò qui à Cain, filij hominū. Gen. 6. Atq; deinde superueniente propter hominum malitiam Cataclysmo, & Noe cum sua familia seruato, dignitatē & munus sacerdotij mansisse in familia Sem filij Noæ, inter tres natū maximi. Quod sacerdotij munus quanto in honore & reuerentia habitum fuerit, præclaro Melchisedech & Abrahæ exēplo declarauerat, quomodo Melchisedech rex Salem & sacerdos Dei altissimi, proferēs panem & vinum, benedixit victori Abrahæ & Deo excelsō, quo Gen. 14. protegente, hostes in manibus eius traditi sint, præludens videlicet ad sacrificium quod obtulit, atq; discipulos offerre docuit ille, qui est sacerdos in æternum secundum ordinem Melchisedech: Quomodo vicissim Abraham ciuilem gladium strinxerit, hostes prostrauerit, captiuum Loth liberauerit, vniuersam prædam quam rapuerant hostes, reduxerit, decimas de omnibus dederit. Ecce hanc domūs Dei tam pulchrā, tam politicā, tam ordinatā, tam benè ab ipso Deo constitutam œconomiam, quæ non solum ante legem, sed & sub lege, & post legem in Euangelio hucusq; durauit, & duratura est, protegente Deo, ad consummationem seculi, quantunuis insaniat Smidelinus: hanc, inquam, œconomiam, quam alij sunt sacerdotes & pontifices, alij principes & magistratus ciuiles, alij vtrique huic magistratui parent, Bredenbachius eleganti & succincta sacrorum biblicorum ἀνακεφαλαιώσει demonstrauerat, & q̃ pulchrè floritura esset Respublica, si ad hanc œkonomiā se quisq; componeret. Quo luculentissimè verissimeq; ex diuinis oraculis demonstrato, accinit illud incerti auctoris non inscitum monostichon:

Tu supplex ora, Tu protege, Tuq; labora.
Quasi iam diceret: Tu Melchisedech sacerdos Dei altissimi, cum
toto

Omnes orthodoxi patres referunt hoc de Melchisedech ad sacrificiū Missæ. vide copiosè apud Ioannem Fabrum Hailbrūn. in Ioelem.

Rom. 13.

Gen. 3.

toto tuorum sacerdotū senatu, supplex ora: preces & sacrificia tua (quoniam sacerdos es Dei altissimi) Deo purè, deuotè, & suppliciter offeras. Tu Abraham, qui princeps à Deo constitutus, gladium habes, non sinè causa gladium portas, sed vindex es in iram ei qui malum agit: protege igitur bonos, vlciscere malos, hostes prosterne. Tu autem qui huic Abraham subiectus es, qui gladium non habes, qui non imperare, sed parère: non ducere, sed duci: nō regere, sed regi debes, tu labora: Tu qui es membrum mystici corporis Christi, nec tamē es oculus, sed auris: nec os aut lingua, sed pes, sed manus, labora: atque ita labora, non vt agro, opificio, mercatura, negociatione tua deserta, in Ecclesiasticis munijs obeundis, sacramentis dispensandis, verbo ministrando, scripturis explicandis labores & fatigeris: hoc ipsi Melchisedech sacerdoti DEI altissimi committe. Tu igitur labora, cui cum vniuerso genere humano dictū est: In sudore vultus tui vesceris pane tuo. Laborat & Melchisedech, preces & sacrificia purè & rectè offerendo, & vigilando, tamquam pro te rationem redditurus. Laborat & Abraham, hostes prosternit, bonos tutatur, vindex est in iram ei qui malè agit. Tu autē in ea vineæ parte labora, in qua te paterfamilias cōstituit. Ecce hoc monostichō, sub cuius humili & obscuro cortice, tam graphicè, tam commodè, tam verè, tam luculentè & succinctè ea quæ Bredenbachius paulò fusiùs & explicatiùs ex biblica doctrina pduxit, quasi vno pugno comprehensa continentur, visum fuit Bredenbachio prædictis accinere, quibus ipse versiculus, alioquin nonnihil obscurus, tam euidentè illustrabatur: atq; ita iam illustratè, prædictis vicissim aliquod lumen accommodabat: Hoc iam monostichon à præcedenti sacrorum biblicorum lumine abstractum & auulsum, inuadit aduersarius, huic per se nonnihil infirmæ turriculæ machinas suas admouet, insigni illo & munitissimo propugnaculo ex solidissimis petris ex ipso Genesios lib. defossis, extracto, & in tãtam, tamq; præclaram, tam solidam, tam benè & firmiter compositam & deductam altitudinem euecto: hoc, inquam, tam in expugnabili propugnaculo dolosè prætermisso, cum si legitimo & militari modo, in huiusmodi certaminibus obseruari consueto, hanc oppugnationem

onem voluisset instituire, nullus aditus ad huius versiculi turriculam illi patere potuisset.

Cap. 12.

Criminatur aduersarius sacerdotes, quod sibi vendicent cultum diuinum: refellitur & rationibus, & SS. Patrum testimonijs.

HOc tam præpostero & portentoso ariete tam præpostere & monstrosè detorto, illam Bredenbachij turriculam quatere pergit huiusmodi ictu: Nota est sacrificulorum arrogantia, qui suas preces venditant, non aliter quàm si prorsus alienum esset ab officio principum & subditorum, orare: Vos cum sitis laici, inquit, & alijs rebus occupati, non vacare potestis orationi: Vos Principes, gubernate Rempublicam, iudicate inter causam & causam &c. Rustici, instar iumentorum laborate, Nobis verò committite cultum Dei, qui nostris precibus & oblationibus vobis DEVM placare possumus. His præstigijs hætenus principes cum subditis sunt miserè decepti. Sed cum sit politico ordini suus restitutus honos, quæ impiè obscurauit hoc ociosum genus hominum: ita didicerunt etiam laborare rustici, ut precibus impurissimorum sacrificulorum, non amplius ea securitate committant animas suas, qua stulta credulitate illis hætenus numerarunt argentum, sed non in panibus, ut Esaias loquitur: & laborem suum, sed non in saturitate. Cum enim omnem substantiam erogarunt miselli rustici sacrificulis ad pacificandas conscientias, inanes tamè sunt dimissi, edocti scilicet nescire hominè, an odio vel amore Dei dignus: incertiores, ut ille apud Comicum ait, quàm antea. Quare hoc dictum, seruiès impietati & ocio sacrificulorum, & obscurans ordinem politicum, explodatur.

Hic tandem cessat Smideliani arietis quassatio. Tibi autem pie & cordate lector, considerandum & æstimandum relinquo, an hæc Smidelini sententia isti æconomix & ordini politico, quem ut iam auditum est, Deus ipse in Ecclesia sua instituit, conseruando magis conueniat, Christianæ & fraternæ charitati magis deferuiat, Euan-

F

gelicæ

1. Tim. 2.
Sacerdotes
etiā voca-
ri mediato-
res & recō-
ciliatores.
Cypria, lib.
1. epist. 3.

Sacerdos
eum Chri-
sto offert,
seque media-
torē facit.

Hieron, in
Malac, cap.
2,

gelicæ & propheticæ doctrinæ, immò ipsi rectæ rationi magis cō-
gruat, an verò hæc Bredenbachij & nostra. Quod autem ait de sa-
cerdotibus, Nobis verò committite cultū Dei, q̄ nostris precibus
& oblationibus vobis Deum placare possumus, & paulò suprā, Nō
aliter, inquit, quā si prorsus alienū ab officio principum & sub-
ditorum sit, orare: tametsi iam cordatus lector abundè ex superio-
ribus perspiciat, quomodò huic tam dolosæ vulpeculæ debeat os
obstruere, nihilo secius, ut vndiq; munita sit veritas, primitiæ Ec-
clesiæ doctorum, sacrarumq; scripturarum testimonia proferem⁹,
propriū & peculiare sacerdotum officium esse cultui diuino va-
care, obsecrationes, orationes, postulationes, gratiarum actiones p̄
populo ad Deum profundere. Totus certè orthodoxorum patrum
cætus, luculentè id ipsum attestatur, qui & sacerdotes mediatores
& recōciliatores appellauerunt. Inter hos primū audiamus san-
ctum illum martyrem & Episcopum Cyprianum. Sacerdotibus,
inquit, maior labor incumbit, in asserenda, propicianda & procu-
randa Dei maiestate. Apertius autem D. Gregorius Nazianzenus,
in Apologetico suo, cum graues ob causas oblatum detrectasset
sacerdotium, quis ex luto quodā quasi fingat, inquit, veritatis an-
tistitem, & cum Angelis statorem, cumq; Archāgelis collaudatorē,
& in altare illud superius hostias destinantem, καὶ τῷ χριστῷ συνιερού-
νται, vnā cum Christo sacrificantem? Subijcit postea: Priusquā
autem illam materiam ad inferiora detrahentem supprimat, quo-
ad eius fieri potest, ac mēs idoneè repurgetur, atq; supra alios exi-
miè Deo vicina reddatur, ἡ ψυχῶν προσεσίαν δεῖξασθαι, ἡ μεσιτείαν θεοῦ
καὶ ἀνθρώπων (τοῦτο γὰρ ἴσως ὁ ἱερεὺς) aut animarū præfecturā suscipe-
re, aut inter Deum & homines intercessionem atq; mediationem
(siquidem hoc verum est, sacerdotem esse) haudquaquā tutum
esse cognosco. Rursū ad Simpliciani hæreticam epist. 8. D. Basili-
um præclaris in cælum vsq; euehens encomijs, inter alia τὸν τῶν θε-
ραπείων καὶ μέγαν ἀρχιερέα, τὸν τοῦ θεοῦ καὶ ἀνθρώπων μεσίτην, καὶ τοῦ
πνεύματος καταγωγίον appellat, Moisi & Christo cōparans fidelē mi-
nistrum, & magnum sacerdotum Principem, Deiq; & hominis me-
diatorem, & spiritus sancti domicilium. Hunc Nazianzenum præ-
ceptorem suū secutus Hieronymus, vocat sacerdotem Dei se-
questrum

queltrum & hominum. Et æqualis horum Ambrosius, Iesum alloquens: Quoniam, inquit, me peccatorem inter te & eundem populum medium esse voluisti, licet in me boni operis testimonium nõ agnoscas, officium dispensatiõis non recuses, nec per me indignũ famulum tuum, eorum salutis pereat precium, pro quibus eorum victima factus salutaris, dignatus es esse redemptio. Ad eundẽ modum Ioannes quoq; Chrysostomus, medium stare dicit sacerdotẽ inter Deum & humanam naturam, illinc veniẽtia beneficia ad nos deferentem, & nostras petitiones illuc proferentem, Dominũ iratum vtriq; naturæ reconciliantem, & nos qui offendimus, ex illius manibus eripientem.

Ambrosius, in oratione prioris præparatoria ad Missam,

Chrysostomus, de verbis Esaiæ, homil. 5.

Vides Smideline quid iste sacerdoti tribuat? Sed audi quid alio loco dicat: Sacerdotem enim ait, pro vniuerso orbe legatum intercedere, deprecatorẽq; esse, apud Deum, vt hominum omnium non viuentium modò, sed etiã mortuorum peccatis propicius fiat. Itaq; quasi mundus vniuersus illi concreditus, atq; omniũ sit pater, sic ipsum ad Deum accedere. Ac paulò post: Cũ autem ille & spiritum sanctum inuocauerit, sacrificiumq; illud horrore ac reuerentia perfecerit, communi omnium Domino manibus assistẽduẽ pertractato, quẽro ex te, quoto illum in ordine collocabimus? per id tempus & Angeli sacerdoti assident, & cælestium Potestati vniuersus ordo clamores excitat, & locus altari vicinus, in illius honorem qui immolatur, angelorum choris plenus est. Et qui fuit ijs omnibus vetustior Anacletus, quartus à Petro pontifex Romanus: Sicut, inquit, ipse filius dei mediator fuit Dei & hominum, ita & vos eius vice in Ecclesia estis constituti, vt inter Deum & homines legatione fungamini. Hæc ille, scribens ad episcopos per diuersas regiones constitutos. Et qui fuit successor eius Cælestinus: Cũ, inquit, sanctarum plebium præfules, mandata sibi legatione funguntur apud diuinam clementiam: humani generis agunt causam, & tota secum ingemiscẽte Ecclesia postulant & precantur, vt infidelibus donetur fides. Vides Smideline, quemadmodum ij omnes & mediatores & reconciliatores & sacerdotes ac legatos & intercessores vocant eos, de quibus tu tam profanè blateras: **NON BIS** committite cultum **DEI**, qui nostris Precibus & Oblationibus

Idem lib. 6. de sacerdotibus,

Obseruet hæc tremẽdi Euchariæ sacrificij contemptor Smidelinus.

Anacletus, Pontifex,

Cælestinus episcopus, l. ca. 12.

nibus vobis Deum placare possumus? Atq; huc pertinet, quod legimus primitiæ Ecclesiæ procures instituisse septē distinctos gradus illorum, qui tanquā *θεγαμευται* & cultores, cultui diuino exercendo peculiaritèr mancipabantur. Hi erant, cantores, lectores ostiarij, acolythi, subdiaconi, diaconi, presbyteri: quorum tribus posterioribus gradibus coniugio interdictum erat, nè in cultu diuino, in quo iam velut ascriptitij & censiti erant, (vt de villicis & agricolis refert Impator) impedirent. Hinc Iustinianus in authēt. Multò magis C. de episcopis & clericis, inqt: Multò igit magis cessant eorū cōiugia: soli em̄ lectores & cantores nuptias contrahere permittūtur: alijs autē om̄ibus penitūs interdicimus: veruntamen si & illi ad secūdas peruenerint nuptias, nequaquā ad sacerdotij culmen ascendant: vbi notandum, digamos id temporis, propter suspectam lasciuia, ad sacerdotium non admissos, de quo (iuxta veterum interpretationem) Apostolus ad Timotheum. Sed de hac quæstione infrā suo loco.

Cap. 13.

Demonstratur scripturis, sacerdotes mediatores, reconciliatores, intercessores, dispensatores mysteriorum DEI ab ipso Paulo & Prophetis, vetustissimisq; Patribus appellari: Item quomodò sit mediator Christus, & quomodò mediator sacerdos. Refellūtur deindè cauilli Smideliani de sacerdotum officio in ministerio reconciliationis, quos obiecit Reuerendissimo Hosio.

Sacerdotes
esse media-
tores & re-
conciliato-
res, ex S. li-
teris docet.

IAm videamus ea, quæ in veteri Testamento de Leuitis & sacerdotibus Aaronis leguntur, qui comedebant peccata populi, qui offerebant holocausta, victimas, & propitiatoria pro populo, qui adolebant thymiamata &c. Sic legimus Leuitici 4. cap. Si omnis turba filiorū Israel ignorauerit, offeret pro peccato suo vitulum. Subsequitur: Et rogante pro eis sacerdote, propitius erit eis Dñs. Item: Si peccauerit princeps, offeret hostiam corā Domino, hircū de capris, rogabitq; pro eo sacerdos & pro peccato eius, & dimit-
tetur.

retur. Repetuntur eadem verba sub finem eiusdem cap. ac denud
 5.6.9. & 14. cap. Si illi qui umbram duntaxat futurorum habuerunt,
 rogare Deum & placare potuerunt, cur noui testamenti sacerdoti-
 bus hanc functionem & facultatem tam insulsis contumelijs adi-
 mere conatur Smidelinus? Iam ad noui testamenti scripturas de-
 scédamus. Paulus Apostolus, quem D. Chrysostomus appellat tu-
 bam Euangelicam, sic inquit ad Corinthios: Deus nos reconcili-
 auit per Christum, & dedit nobis ministerium reconciliationis: 2. Cor. 5.
 quoniam quidem Deus erat in Christo, mundum reconcilians si-
 bi, & non reputans illis delicta ipsorum, & posuit in nobis verbum
 reconciliationis. Pro Christo ergo legatione fungimur, tanquam
 Deo exhortante per nos: obsecramus pro Christo, reconciliamini
 Deo. Quid autem dixit aliud Apostolus, quam quod antea dixe-
 rat ipse Christus? Pax, inquit, vobis. Sicut misit me pater, & ego mit- Ioan. 20.
 to vos. Quam autem ad rem Deus pater misit filium, nisi ut inter
 Deum & homines pacem faceret? Ad hanc ipsam rem suos quoq;
 misit filius in vniuersum orbem sacerdotes & episcopos, ut eorum
 ministerio reconciliaretur Deo, si qui se ab illo disunxissent, pec-
 catisq; suis eum offendissent. Quod ergo dixit Christus, Misit me
 pater: idem est cum eo, quod dicit Apostolus, Deus erat in Christo
 mundum reconcilians sibi. Quod verò subiungit, Ità & ego mitto
 vos: idem est cum eo quod idem dicit Apostolus, Posuit in nobis
 verbum reconciliatiōis: Pro Christo legatione fungimur: & obse-
 cramus pro Christo, Reconciliamini DEO. Quamobrēm nō cō-
 tentus semel dicere, dixit repetita vice, Pax vobis: ut indicaret se &
 pacem illis fecisse, & pacem per illos mittere nobis. Vbi est huius
 pacis exemplum aut documentum? Subiungit Christus: Accipite
 spiritum sanctum: quorum remiseritis peccata, remittuntur &c. Hoc
 ne est genuinum pacis documentum, maximè, cum nemo magis à
 deo & à seipso dissideat, quam qui læsam habet & irrequietam cō-
 scientiam? Iam & D. Iacobus docet: Infirmatur quis in vobis? indu Iac. 5.
 cat presbyteros Ecclesiæ, & orēt super eum &c. Sequitur iam pax,
 quam per sacerdotes consequitur infirmus: Et oratio fidei, inquit,
 saluabit infirmum, & alleuiabit eum Dominus: & si in peccatis sit,
 remittentur ei. Prætereo hinc qd Christus, præter Apostolos, LXXII.

In lib. off.
cap. 41.

Quo medi-
ator Chrs,
& quò sit
mediator
sacerdos.

pag. 80. ad-
uersus D.
Stanislaum
Hosium.

Iac. 5.

discipulos elegerit: quòd Lucas referat in Actis, Apostolos elegisse septem diaconos, id est, ministros Ecclesiæ & cultui diuino mancipatos, quod ex mille testibus vel vnus Ambrosius probauerit, & de Sixto pontifice & Laurentio diacono referens, introducit Laurentium ita queritantem & lamentantem: Quò pater sinè filiò progredieris? quò sacerdos sancte sinè diacono? nunquàm sacrificium sinè ministro offerre consueueras. Porrò nè tritum illud & vobis vsitatissimū Apostoli obijcias Smideline, Vnus est mediator Christus &c. tamen si responsio ex supradictò Apostoli loco sit manifesta: Respondeo tamen Christum esse Sacerdotem, Mediatorem, Legatum, Reconciliatorem virtute sua, qui per sanguinem suum nos Deo patri reconciliauit: In homine sacerdote, nihil esse præter ministrandi potestatem.

In hoc eodem themate superatus ab Hosio Smidelinus, tandem de pertinaci sacerdotalis officij & intercessionis oppugnatione non nihil remittens, inquit: Non enim mediatoris, sacerdotis & reconciliatoris nomina derogamus ministris, si de ipsorum ministerio intelligatur &c. sed res in controuersiam venit, an vllius hominis operibus Deus placari possit, hoc est, an homo suis operibus in gratia vel extra gratiam Dei factis, remissionem peccatorum mereri possit &c. Ad hoc respondeo, de operibus hominum inter Smidelinum & Bredenbachium hoc loco non esse controuersiam. Proinde hæc Smidolini aduersus Hosium responsio, non labefactat id quod nos illi de sacerdotum officio (quod est orare, intercedere, ministerio reconciliationis apud Deum fungi pro populo, cultui diuino iugiter vacare, Deum placare &c.) tam proteruè blateranti (Nobis committite cultum Dei) nunc respondimus. Porrò si verè dicit aduersarius, se non derogare sacerdotibus nomine mediatoris & reconciliatoris, cur rem ipsam, hoc est, intercedere pro populo, cultui Diuino vacare, &c. tam inuidiosis vocabulis conatur ipsis adimere? cur mediatoris, intercessoris & reconciliatoris officium in illis criminatur? Deinde quod ait, inter Brentium & Hosium hoc controuerti, an vllius hominis operibus deus placari possit, Smidelinum cum Brentio suo manifestè confutat ipse D. Iacobus Apostolus iam supra à nobis adductus: Infirmatur, inquit, quis in vobis?

vobis? Inducat presbyteros Ecclesiæ, & orent super eum: & oratio fidei saluabit infirmum, & alleuiabit eum Dominus: & si in peccatis sit, remittentur ei. Item quod in Numeris legimus, & commemoratur à Psalmista, Et iritauerunt eum in adinventionibus suis, & multiplicata est in eis ruina: & stetit Phinees, & placuit, & cessauit quassatio. Et in Leuitico, vbi legimus de expiatio leproso, commemorantur ea quæ ad expiationem vsurpabit sacerdos, vt placet pro eo Dominum. Quod igitur scriptura tribuit veteris testamenti sacerdotibus, cur tu Smideline noui testamēti ministris adimes? cur in hunc petulantem cachinum erumpis, Nobis committite cultum Dei, qui nostris precibus & oblationibus vobis Deū placare possumus? Hæc, candide Lector, ad falsum illud Smidelini scomma paulò fusiùs respondere visum est, quo sacerdotes ludificatur, Nobis committite cultum Dei &c. vt hæc nebulæ, quas simplicium oculis offundit, penitus discuterentur, & veritas euidentius elucesceret. Interea quemadmodum nemo rectè dixerit, principes & plebeios non debere orare, ita Smidelinus nō rectè dixerit, eos ita ad orationem & cultum Dei adstringi, ita eidem vacare posse ac debere, vt illos qui ad Ecclesiasticum ministerium adsciti sunt, posse ac debere demonstrauius. Talium enim cū sit soli Deo militare, nou est secularibus negocijs implicari. Qui verò ad secularia negocia à Deo vocati, his, tanquàm manus & pedes, implicantur, etiā Deo militant, & suæ militiæ brabeum ab agonothete Christo consequuntur, si (vt monet Apostolus) omnia ad gloriam Dei faciant, si in laudis Dei propagationem Reipublicę Christianæ & proximi vtilitatem, suamq; salutem fixè & perpetuò veluti in scopum colliment. Iam obsecro pium & cordatum lectorem, vt diligentèr consideret & expendat, an ipsa veritas de his rebus aliter loqui & sentire possit, quàm nuuc à nobis demonstratū est: videat quæso & conferat hæc nostra cum illo monstroso, impio & blasphemio Smidelini portento, quo omnem æconomiam sustollere, omnem ordinem & politiam subuerrere, sacra prophanaque miscere, sursum ac deorsum omnia iactare, concutere & confundere cōtendit, vt deinceps neq; in ciuili, neq; in Ecclesiastica Reipub. vllus ordo, vlla Reipub. facies, vlla munium officiorumq; distinctio,

Num. 25.
Psal. 105.

Leu. 14.

Luterus in
respons. ad
Amb. Ca-
tharin. tom.
3. fol. 147.

stinatio, sed horrendum chaos, palpabiles tenebræ, ac teterrima confusio conspiciatur. O infelicem hominem, & omni lachrymarum fonte plangendum, qui hæc dicens, hæc docens, hæc scribēs, non intelligat, non agnoscat, non sentiat se infernalibus furijs exagitari. Iam quod scribis, politico ordini suum esse restitutū honorem, id quàm verè tu dicas, ego nō disputo. Si tamen verum esset, sanè vestræ illud & Luteri doctrinæ acceptum ferri non posset. Quibus enim elogijs ille decorauerit Germaniæ principes, notum est. Nec ignoramus quàm non obscurè omnem iurisdictionem cōuellere & labefactare conatus sit. Euangelium, inquit, & Ecclesia nesciunt iurisdictiones, quæ sunt nisi hominum tyrannicæ inuentiones, &c. subiungit: Nihil enim aliud commentis iurisdictionis agit Satanas, quàm vt Tyrannis illis impunitatem peccandi & licentiam auctoritatemq; præbeat extinguendi euangelij. Hæc ibi & alijs in locis Luterus. Ipse ergò Luterus potius nescit quid dicat Euāgelium, quid doceat Paulus ad Corinth. & ad Romanos, de iudicijs & potestate &c. Ecce sic vos ordini politico suum restituitis honorem.

Cap. 14.

Confutatur diuinis Apostolicisq; literis, adeoq; ipsius Luteri testimonio aduersarius, docēs hominem debere certa fide credere se indubitato saluum fore: doceturq; Christiano etiā necessarium esse pium timorem: & id quamobrēm, scripturarū Patrumque doctrina luculentè & copiosè demonstratur.

Vide latius
epist. nostrā
ad D. Mar-
tinum Ei-
sengreiniū
annexā epi-
stolis Mat-
thiæ Bredé.
de negot.
religion.

EX eodem spiritu profectū est, quod sequitur. Cū enim omnem substantiam erogarunt miselli rustici sacrificulis ad pacificandas conscientias, inanes tamen sunt dimissi, edocti scilicet nescire hominem an odio vel amore DEI dignus &c.

Equidem paucos, immò nullos esse puto rusticos, qui omnem substantiam erogauerint ad pacificandam conscientiam: & si quid fortassè olim pio affectu Ecclesiæ obtulerunt, nouum id non fuit, cū idem in primitiua Ecclesia, ac temporibus Apostolorum non semel

semel factitatum legimus, conscientiam si pacificare, & criminibus exonerare cupuerunt, in eo illos desiderij sui cōpotes factos, atq; etiam nūm hodie fieri non dubito, (quantum quidem Religio & fides Christiana permittit) modò eam conficiētiā pacem debita ac legitima ratione sibi comparare studeant. Quotquot enim pio proposito & religioso affectu, de appropinquante cælorum regno, & reddenda villicationis ratione cōgitanter, resipiscētiā meditantur, vitam in melius commutant, peccatorum veniam deprecantur, & dignos pœnitentiæ fructus faciunt: Qui conuertuntur ad Deum in toto corde suo, in ieiunio & fletu & plāctu: qui se reprahendūt agentes pœnitentiam in fauilla & cinere: qui dum peccarunt, non adiiciunt iterū, & de præteritis deprecantur Dominum, hos Ecclesia de bonitate & misericordia sponsi sui confisa, semper in gratiam recipit, & de peccatorū venia benè sperare iubet. De talibus enim loquitur D. Petrus: Sic abundantè ministrabitur vobis introitus in regnum æternum Domini nostri Iesu Christi. Tales in spem consequendæ salutis erigit Iudas Apostolus: Expectantes, inquit, misericordiam Domini nostri Iesu Christi in vitam æternam.

Quoniam autem non Ecclesia, sed solus Deus cor & renes scrutatur, ita vt certò diffinire nequeat, veramne an falsam pœnitentiam egerit peccator, & an verè proponat prioribus peccatis non adijcere ampliùs, non solet Ecclesiæ huic vel illi certā iustificatiōem addicere, cū non iudicet de occultis: hoc enim soli Deo concedit. Verū si talis sit pœnitens, qualem suprà descripsimus, accepta solutionis clauē pœnitentem absoluit, & quatenus veram pœnitentiam egerit, de misericordia sponsi sui bonam spem concipere iubet. Atq; id non ex inclementia, sed ex mandato sponsi facit, dicentis: Cū feceritis omnia quæ præcepta sunt vobis, dicite: Serui inutiles sumus. Et per Sapiētem: De propiciato peccato noli esse finē metu. Præuū est cor hominis & inscrutabile, quis cognoscet illud? Nescit homo utrū odio an amore dignus sit. Si voluero me iustificare, os meum condemnabit me: si innocentem ostendero, præuū me comprobabit: etiam si simplex fuero, hoc ipsum ignorabit anima mea. Sed respondebit Smidelinus: Hæ sententiæ non refutant certitudinem salutis quam habemus in Christo per fidē,

An homo
teneat cre-
dere certò
sibi remissa
peccata, &
certo salutē
se adepturū

Luc. 3.
Matt. 3.
Ioel. 2.
Iob. 42.
Ecc. 21.

Luc. 17.

Ecc. 5.
Hier. 17.

Ecc. 9.
Iob. 9.

G

sed

sed humanorum operum meritum solum condemnant, ut discant in solius Christi merito acquiescere. Verum dic mihi, Smideline, cur Apostolus Petrus tam grauiter monet, ut satagamus per bona opera certam facere vocationem nostram? Quare alibi ait, Christum ita passum esse pro nobis, ut sequamur vestigia eius? Cur Christus ipse toties monet vigilandum? Quare D. Paulus castigat corpus suum, & in seruitutem redigit? cur metuit ne reprobis efficiatur? Si Paulus qui erat omnium firmissimus, (inquit Chrysostomus) formidauit, quidnam nos dicemus? An putas Apostolum non habuisse fidem in Christum? Certè tantam habuit, quantam alius quisquam. Cur non maluit excitare certam de habenda per Christum salute confidentiam, idque in ieiunijs, in vigilijs multis, atque ut alibi refert, castigare corpus suum, ne reprobis efficeretur? In quo si tu cum tuis gregalibus imitari málles Apostolum, quàm salutem per Christum fidem concipere, pauciores proculdubio sua opinione deciperentur. Decipi enim plerisque hac sua stulta confidentia, tu duobus in locis asseris, aduersus D. Stanislaum Hosium. Sed audiamus quàm bellè incertam hanc certitudinem excuses. Si quis opinione sua decipiatur, fallacia est accidentis. Non opinamur, sed scimus quòd filij Dei simus, cum alij sua opinione decipiatur. Verum quæro ex te Smideline causam huius deceptionis: Quid facilius, quàm stulta confidentia credere se filium DEI habiturum se salutem per Christum? An ideo plerique vestrum decipiuntur, quia hanc confidentiam arripere noluerunt? an verò, quia non potuerunt? Si dicas noluisse, ineptum est, si dicas non potuisse tantundem. Oportet igitur longè aliam esse huius deceptionis causam, nimirum quia non imitati sint Apostolum in coercendis carnis affectibus, ne reprobi efficerentur: non præcinxerint lumbos suos, non habuerint lucernas ardentes in manibus suis, & oleum in lampadibus, id est, ut interpretatur Chrysostomus & Theophylactus, non habuerint bona opera, non sategerint per hæc ipsa certam facere vocationem suam. An illi non habuerunt fidem in Christum, qui dicebāt, dñe dñe, nonne in nomine tuo prophetauim⁹, dæmonia eiecimus, & virtutes multas fecimus? Quid verò audiērent à Chro? discedite à me operarij iniquitatis. Traducis nos Smideline, quasi potissimā

no-

nostram spem & fidutiam collocemus in meritis bonorum operū. Sed non ignoras te hic improbè mētiri. Christi merito primas tribuimus, nō nobis, vt ex nobis, vt loquitur Augustin⁹ & ipse Apostolus, & scimus non esse aliud nomen sub celo, per quod oporteat nos saluos fieri, quā in nomine Iesu: sed quia nemini, tametsi omnem fidem in Christum collocanti, ocioso & rerum omnium securo salutem obtingere, ex sacris literis didicimus, mālumus inuocato Dei auxilio per bona opera certiozem facere vocationem nostram, quā vobiscum stulta confidentia incertam salutis certitudinem amplecti: nē vbi tecum decepti fuerimus, dicas id fieri per fallaciam accidentis. Ibunt enim hi qui mala egērunt, in resurrectionem condemnationis: qui verò bona, in resurrectionem vitæ, non qui confidenter apprehenderunt spem salutis per Christum. Non idem est, Smideline, credere nos perseuerantiæ præmium habituros per solum Christum: & credere nos in Christo perseueraturos. Quorum hoc posterius dum negamus certò credendum, tu vnā cum Brentio tuo in nos insurgis, quasi negemus salutem quæ nobis obtingat, per Christum obtingere. In quo sanè quanta fide nobiscum agatis, æquus lector non obscure perspicit. Dicimus cū Augustino: Sancti licet de suæ perseuerantiæ præmio certi sint, de ipsa tamen perseuerantia sua reperiuntur incerti. Quis enim hominum se in actione profectuq; iustitiæ perseueraturum vsque in finem sciat, nisi aliqua reuelatione ab illo fiat certus, qui de hac re iusto latentique iudicio non omnes instruit, sed neminem fallit? Hæc ille. Quæ si vera nō sunt, quæ Apostolus ad Hebræos inquit: Timeamus, nē fortè relicta pollicitatione introeundi in requiem eius, existimetur ex nobis aliquis deesse: si enim qui per angelos dictus est sermo, factus est firmus, & omnis præuaricatio & inobedientia accepit iustam mercedis retributionem: quomodò nos effugiemus, si tantam neglexerimus salutem? Et idem Apostolus ad Romanos: Tu autem fide stas, noli altum sapere, sed time. Si enim Deus naturalibus ramis non pepercit, nē fortè nec tibi parcat. Vide ergò bonitatem & seueritatem Dei, in eos quidem qui ceciderunt, seueritatem, in te autem bonitatem Dei, si permanseris in bonitate: alioquin & tu excideris. Ecce hūc timorem & rectè agendi

2. Cor. 3.

A&. 4.

Ioan. 5.

In lib. aduersus D. Stanislauum Hosium.

lib. II. de ciuitat. Dei cap. 12.

Heb. 4.

Rom. II.

De correp.
& gra. ca. 13.

2. Cor. 12.
Ioann. 15.

Esa. 1.

De bonop.
seuerat. ca.
13.
Rom. 11.

Iob 2.

solicitudinem passim inculcant sacra litera, quem timorē illa securitas & stulta persuasio funditus euertit. Rectius igitur Augustinus in supradictum Pauli ad Romanos locum: Quod perseveraturis sic ista dicuntur, inquit, quasi eos perseveraturos, habeatur incertum: non aliter hoc audire debent, quibus expedit non altum sapere, sed timere. Quis enim ex multitudine fidelium, quandiu in hac mortalitate viuitur, in numero prae destinatorum se esse praesumat: quia id occultari opus est in hoc loco, ubi sic cauenda est elatio, ut etiam per satanae angelum, ne extolleretur, tantus colaphizaretur Apostolus? Hinc & Apostolis dicebatur: Si manseritis in me, dicente illo, qui illos utique sciebat esse mansuros. Et per Prophetam: Si volueritis, & audieritis me. Cum sciret ipse, in quibus operaretur & velle. Et similia multa dicuntur propter huius utilitatem secreti, ne forte quis extollatur, sed omnes etiam qui bene currunt, timeant, dum occultum est quod perueniat. Propter huius ergo utilitatem secreti, credendum est, quosdam de filiis perditionis non accepto dono perseverantiae usque in finem, in fide quae per dilectionem operatur, incipere vivere, & aliquandiu fideliter & iuste vivere, & postea cadere, neque de hac vita, priusquam hoc eis contingat, auferri. Quorum si nemini contigisset, tandiu haberent homines istum saluberrimum timorem, quo vitium elationis opprimitur: donec ad Christi gratiam, qua pie viuitur, peruenirent, illo deinceps iam securi, nunquam se ab illo esse casuros. Quae praesumptio in isto tentationum loco non expedit, ubi tanta est infirmitas, ut superbiam possit generare securitas. Haec ibi D. Augustinus. Et rursus alibi: Quos, inquit, praedestinauit, ipsos & vocauit, vocatione illa de qua dictum est: Sine poenitentia sunt dona & vocatio Dei, ad quam vocationem pertinere nullus est homo ab hominibus certa asseueratione dicendus, nisi cum de hoc seculo exierit: in hac autem vita humana, quae tentatio est super terram, qui videtur stare, videat ne cadat. Ideo quippe non perseveraturi perseveraturis providentissima Dei voluntate miscentur, ut esse discamus non alta sapientes, sed humilibus consentientes, & cum timore & tremore nostram ipsorum salutem operemur. Similia videre est apud Chrysostomum in 3. cap. Epist. ad Philipp. Falsò igitur & improbe

sa-

facerdotes criminariis, Smideline, quod non eo modo pacificant
 conscientias, & iustificant, quo vos vultis: hoc enim est fenestram
 aperire ad omne scelerum & improbitatis genus. Impia hæc est &
 plusquam pharisaica arrogantia, purum se credere à peccatis, cum
 dicat Ioannes: Si dixerimus quia peccatum non habemus, ipsi nos 1. Ioan. 1.
 seducimus, & veritas in nobis non est. Vos igitur estis, qui iustifi-
 catis vos coram hominibus. Deus autem nouit corda vestra: quia
 quod hominibus altum est, abominatio est apud Deum. Neq; so- Matt. 23.
 lum vos tam estis puri & mundi Dei filij, in quibus macula non in-
 uenitur: sed & Zuingliani, sed & Anabaptistæ hanc tam blasphemã
 superbiam vobiscum sibi communem habent. Et vt hæreticorum
 proprium est superbire, ita iam olim ante annos mille quidam qui
 se Catharos, hoc est, mundos dicebāt, hac superbia sese extulerūt,
 de quibus apud Epiphanium. Quemadmodum igitur Euphorbus
 (referente post Nasonem Hieronymo) in Pythagora renatus phi- Contrà Vi-
gilantium,
 betur, ita in vobis blasphema Catharorum superbia reuixit, qui iu-
 stificatis vos coram hominibus, qui nullis pœnitentiæ fructibus ege-
 tis, qui non opus habetis conuerti ad Dominum in ieiunio, in fle-
 tu, in planctu, qui non opus habetis vereri omnia opera vestra, qui
 non opus habetis cum Niniuitis in cinere & cilicio pœnitentiam
 agere, quibus sufficit stulta confidentia apprehendere iustitiam &
 puritatem. Vos estis illorum serpentina progenies, de quibus Sapi- Ecclef. 8:
 ens: Sunt impij, inquit, qui ita securi sunt, quasi iustorum facta ha-
 beant. Et sanctus ille martyr Cyprianus, Datur, inquit, opera nè sa- li. 1. epist. 34
 tisfactionibus & lamentationibus iustis delicta redimantur, nè vul-
 nera lachrymis abluantur. Pax vera falsæ pacis mendacio tollitur
 &c. Et paulò pòst: Ira Dei est, non intelligere delicta, nè sequatur
 pœnitentia, sicut scriptum est: Et dedit illis spiritum transpunctio- Rom. 11.
 nis, nè reuertantur scilicet & curentur, & deprecationibus & satis-
 factionibus iustis peccata sanentur. Primus felicitatis gradus est, nõ
 delinquere: secundus, delicta agnoscere &c. Hæc ibi Cyprianus
 lib. 1. epist. 3. quem Philippus vester atro admodum & verè Melan-
 chthonico carbõe pstrinxit, q̃ vrgeat pœnas canonicas: vtpotè pœ-
 narum & pœnitentiæ, tanquam gnifius deorum filius, certus de
 hæreditate cælesti, pertæsus. Popule meus, qui te beatum dicunt,

Esa. 3. ait Propheta, ipsi te decipiunt, & viam gressuum tuorum dissipant. Si cadere non possumus, inquit Hieronymus lib. 2. aduersus Iouinianum, quid sibi vult scala illa in Bethel, per quam angeli descendunt atq; ascendunt, qui de cælis ad terram veniunt? Certè ad dextram stabant dum ibi essent. Angeli de cælis descendunt, & Iouinianus de eorum possessione securus est? Hæc sunt sibila serpentis antiqui, his consilijs draco de paradiso hominem expulit. Nam & ille repromisit eos immortales futuros, quasi nunquam possent corruere: & dum diuinitatem æqualem deo pollicetur, expulit eos de paradiso: vt qui nudi & expediti, Domini consortio fruebant, deiectione in vallem lachrymarum, tunicis confutis & pelliceis vestirentur. hæc ille. Vtinàm cū Paulo dicere possemus: Nihil mihi cōscius sum: libentè & alterum diceremus, Sed non in hoc iustificatus sum. Vos si omnia feceritis, dicite vos viles seruos, iustificate vos coram hominibus: Deum tamen non iridebitis, qui suo tempore reuelabit & iudicabit abscondita cordium. Cæterum ex te quæro, qui iam alterum pedem habes nescio in quo cælo, quomodo cum hac salutis & gratiæ certitudine cohæret tui magistri Luteri doctrina, qua docet, In omni opere bono iustū peccare: Opus quantumvis bonum, esse veniale peccatum: Item, neminem certum esse se non semper peccare mortalitèr? Quod postremum iisdem argumentis propugnat, quibus ego vestram certitudinem oppugno. Hic articulus non est meus, inquit Luterus, sed Iob 9. Etiam si simplex fuero, hoc ipsum ignorabit anima mea. Et Gregorius ibidem super illo, Verebar omnia opera mea, sciens quoniam non parcis delinquenti, dicit: Quia quæ apertè egerim, video: sed quæ intus latentèr pertulerim, ignoro. Et paulò post subnectit Luterus: Dāna mi Papa, damna hos sanctos viros Iob & Gregorium. Adde his ea quæ dicta sunt à Dauid: Nō iustificabitur in conspectu tuo omnis viuens, vt & te damnet Dominus Iesus propediem. Hæc ibi Luterus, cum quibus quæ bellè vestra doctrina cohæreat, vel cæco fuerit perspicuum. Sic sanè necessum est euenire, vt discipuli à magistris dissentiant, quandò & ipsi magistri à veritate recedunt.

Cap. 15.

Ex-

Explicatur fusè & eleganter locus Deuteronomij 17. cap. Indicabunt tibi iudicij veritatem, esseq; hæc verba non mādātī, (vt vult aduersarius) sed promissionis, idq; docetur ex Græco, Hebræo & Chaldæo textu.

Vidisti nunc, pie Lector, Smidelinianam arietationē cōtra illud monostichon, Tu supplex ora &c. vidisti insuper depulsionem nostram. Opinor autē te iam ex hac pugna nostræ prothasi animaduertere soliditatem & firmitudinem istius castelli, libelli (inquam) de componēdis diffidijs, vtpotē quod ne illis quidem in partibus luxari aut labefactari potest, quæ hosti videntur maximē infirmæ. Progreditur nunc ad proximam ferē turrim, petris Mosaicis, immō diuinis, ex cap. 17. Deuteron. petitis extructam, eamq; tāto furiosius oppugnat, quāto maiorem mentiendi & calumniadi opportunitatem senactum arbitratus est. Ac tametsi pium lectorem, qui Bredenbachij libellū perlegerit, hæ tam longæ, plixæ, & fastu plenæ præstigiæ nihil mouere possint, nihilo secius pauca etiā adferemus, quibus fraudulentæ Smidelini sycophantiæ aliquātō euidētius elucescant. Principiō ait, Bredenbachium deprauare sententiam Moisis, dum eam tanquā promissionem, & non tanquā mandatum Domini vult intelligi: postea multis paginis eum blasphemix accusat, qui dixerit, etiā penēs iniustos Christi iudices iudicij veritatem fuisse.

Vtrunque, videlicet promissionem, & iudicij veritatem, solidis argumentis probauit Bredenbachius, & ferē iisdem postea vsus est amplissimus Dominus Stanislaus Hosius, propter admirabilem & multijugam eruditionem, cum Heroicis virtutibus & vitæ sanctimonia coniunctam, iam olim ex Episcopo in Cardinalitium ordinem allectus, cuius tam exacto iudicio & doctrinæ, expositionem & sententiam Bredenbachij per omnia conuenire videbit pius Lector. Attamen nē pugnam detrectare videamur, pauca ad defensionem veritatis in medium proferemus. Quæ vt pio lectori clariūs sese exhibeat, principiō LXX. iuterpretes consulemus, deindē ad fontem ipsum, hoc est, Hebraicam veritatem recur-

re-

lib. 2. cōtra
Prologe-
menon
Brentij,

Deut. verba
cap. 17. Indi-
cabunt tibi
iudicij veri-
tatem, esse
pmissionis,
& non mā-
dati.

remus: postremò Chaldaicam quoq; interpretationem adhibebi-
mus. LXX hūc locū Græcè ità reddiderūt: Εὰν δὲ ἀδυνατήσῃ ῥῆμα ἀπὸ
σοῦ ἐν κρίσει ἀνὰ μέσον αἵμα αἵματος, καὶ ἀνὰ μέσον κρίσις κρίσεως, καὶ
ἀνὰ μέσον ἀφ᾽ ἀφ᾽ ἑσ, καὶ ἀνὰ μέσον ἀντιλογία ἀντιλογίας, ῥήματα κρίσεως
ἐν ταῖς πόλεσί σου, καὶ ἀναστὰς ἀναβήσῃ εἰς τὸν τόπον, ὃν ἀνέκλεξτε κύριος ὁ
θεός σου ἐπικληθῆναι τὸ ὄνομα αὐτοῦ ἐκεῖ. καὶ ἐλεύσῃ πρὸς τοὺς ἱερεῖς τοὺς
λεβίτας, καὶ πρὸς τὸν κριτὴν ὃς ἀν γένηται ἐν ταῖς ἡμέραις ἐκείναις, καὶ ἐκζη-
τήσαντες ἀναγγελοῦσί σοι τὴν κρίσιν, καὶ ποιήσεις κατὰ τὸ ῥῆμα ὃ ἀν ἀναγ-
γείλωσί σοι ἐκ τοῦ τόπου ὃν ἀνέκλεξται κύριος ὁ θεός σου καὶ φυλάξεις σφό-
δρα ποιῆσαι κατὰ πάντα ὅσα ἂν νομοθετήσῃ σοι. κατὰ τὸν νόμον καὶ κατὰ τὴν
κρίσιν ἣν εἰπῶσι ἀν σοι ποιήσεις, οὐκ ἐκλινεῖς ἀπὸ τοῦ ῥήματος οὗ ἀν ἀναγ-
γείλωσί σοι δεξιὰ οὐδὲ ἀριστερά. καὶ ὁ ἄνθρωπος ὃς ἀν ποιήσῃ ἐν ὑπερφανίᾳ
τοῦ μὴ ὑπακοῦσαι τοῦ ἱερέως τοῦ παρρηκότος λειτουργεῖν ἐπὶ τῷ ὀνόματι
κυρίου τοῦ θεοῦ σοῦ ἢ τοῦ κρίτου ὃς ἀν γένηται ἐν ταῖς ἡμέραις ἐκείναις, καὶ
ἀποθάνειται ὁ ἄνθρωπος ἐκεῖνος, καὶ ἔχαρεῖς τὸ πονηρὸν ἐξ Ἰσραὴλ.

Quæ Latinè sic ferè ad verbum exprimuntur: Si autem impossi-
bile fuerit verbum à te in iudicio inter sanguinem & sanguinem,
& inter iudicium & iudicium, & inter lepram & lepram, & inter cō-
tradictionem & contradictionem, verba iudicij in ciuitatibus tu-
is: furges & ascendes ad locum quem elegerit Dominus Deus tu-
us ad inuocandum nomen eius illic. Et venies ad sacerdotes Leui-
tas, & ad iudicem qui fuerit in diebus illis: & exquirentes annun-
ciabūt tibi ipsum iudicium, & facies secundum verbum quod an-
nunciabunt tibi ex loco quem elegerit Dominus Deus tuus, & cu-
stodies valdè, vt facias iuxta omnia quæcunq; sancita fuerint tibi.
Non declinabis à verbo, quod annunciārint tibi, ad dextram nec
ad sinistram. Et homo qui fecerit in superbia, nē audiat sacerdotem
stantem ad ministrādum in nomine Domini Dei tui, aut iudicem
qui fuerit in diebus illis, morietur ille homo, & auferes malum ex
Israel.

Hebraicā porrò veritatem hunc in locum ità ad verbum reddi-
dit Ioānes Stunica Hispanus, vir trium linguarum peritia insignis,
at Hebraicæ inprimis (teste Alberto Pighio, qui Romæ familiari-
tèr cum eo vixit) peritissimus. Stunica etiā consentit Ioannes Be-
nedictus in marginalib. Bibliorū annotatiōibus in cap. 17. Deut.
Cūm

Cum abscondita fuerit à te res, deducta ad iudicium inter sanguinem & sanguinem, inter causam & causam, inter lepram & lepram, verbaq; contentium in portis tuis: surges & ascēdes ad locum, quem elegerit Dominus Deus tuus in eo, & venies ad sacerdotes Leuitas, & ad iudicem qui fuerit in dieb^{us} illis, & requires, & annūciabunt tibi verbum iudicij. Et facies iuxta verbum quod annūciabunt tibi, de loco quem elegerit Dominus, & custodies vt facias iuxta omne quod te docuerint. Iuxta legem quam docuerint, & iuxta iudicium quod dicent tibi, facies. Non discedes à verbo quod annunciauerint tibi, ad dextram aut sinistram. & vir qui fecerit in superbia, nē audiat sacerdotem stantem vt seruiat ibi domino Deo tuo, aut iudicē, morietur vir ille, & auferes malum de Israel.

Et hīc nota q̄ simplici-
ter & sinē
vlla condi-
tione parē-
dum sit sa-
cerdotali

Et hinc nota
q̄ simplici-
ter & sine
vlla condi-
tione parē-
dum sit fa-
cerdotali
iudicio.

Hæc est eius loci iuxta Hebraicam veritatem ad verbum expressa sententia, editioni Septuaginta Interpretum per omnia conformis, nisi quod est aliquanto clarior & apertior. Interpretatio verò Chaldaica Pentateuchi, iuxta translationem, quam imprimendam curauit Reuerendiss. quondam D. Franciscus Cardinalis Toletanus, habet in hæc verba: Si difficile tibi fuerit verbum iudicij inter sanguinem & sanguinem, inter causam & causam, inter plagam lepræ & plagam lepræ, & fuerint verba iudicum discordantia in ciuitatibus tuis, consurges & ascendes in locum, quem elegerit dñs Deus tuus, & venies ad sacerdotes Leuitas, & iudicem qui fuerint in diebus illis, & quæres ab eis, & annuntiabunt tibi verbum iudicij. Et facies secundum verbum quod nunciârint tibi de loco quẽ elegerit Dominus. Et custodies vt facias iuxta omnia quæ docuerint te. Iuxta præceptum legis quod docuerint, & secundum iudicium quod dixerint tibi, facies. Non declinabis à verbo quod iudicauerint tibi, ad dextram, neq; ad sinistram. Vir autem qui malignè egerit, vt non obediat sacerdotibus, qui stant ibi vt ministrèt coram Domino Deo tuo, aut iudici, occidetur vir ille, & auferes facientem malum de Israel. Et omnis populus audient & timebunt &c.

Vides in his omnibus clarissima legis verba, quæ superbis & inobedientibus nullam excusationem relinquunt. Quin & diligen-

H tèt

tèr tuo isti, Smideline, tam fanatico errori occurrūt, quo pulcher-
 rimum illum tabernaculi ordinem planè inuertere moliris, & ipsos
 litigantes & iudicium petentes, iudices constituis, contra mani-
 festam DEI legem & rectam rationem. Præuidit sanè diuinus spi-
 ritus, hæc nouissima tempora, in quibus doctrinam sanam reiectu-
 ri essent homines, & ad sua desideria coaceruaturi sibi magistros
 prurientes auribus, eoq; dixit, Et facies iuxta verbum, quod annū-
 ciabuut de loco quem elegerit Dominus, & custodies valdè, vt fa-
 cias secundum omnia, quæ te docuerint. Neq; addit hīc tuā illā limi-
 tationem, tuum inobedientiæ subterfugium, vt ea tantum iubeat
 facere, quæ nos docuerint iuxta legem Domini, sed simpliciter iu-
 bet diligentèr valdè obseruare, vt faciamus secundum omnia quæ
 nos docuerint. ibi enim diuisa est sententia, tam apud Septuaginta,
 quam in Hebraica veritate. Statuit autem ubiq; duo hæc eregio-
 nē, ea coniungens diuersitatis copula, videlicet, vt faciamus iuxta
 verbum (hoc est, præceptum aut iudicium) quod nunciauerint, &
 iuxta doctrinam quam docuerint. Quorum primum, ad supremā
 illam iudiciariam auctoritatem pertinet: secundum verò, ad illam
 facultatem definiendi dubia, circa legem & religionem incidentia.
 Nec cōtentus semèl hæc dixisse, iterum iterumq; inculcat ac repe-
 tit: Iuxta legem, inquit, quam docuerint, & iuxta iudicium, quod
 dicent tibi, facies. Quandò de legis præceptis cæremonijsq; est
 quæstio & ambiguitas, tunc iuxta legem quam docuerint, facies:
 hoc est, quicquid illi legis esse docuerint. Cū verò ambiguum
 aut difficile est iudicium cuiuscunq; alterius negocij, quod intrā
 portas tuas ritè expediri non potuit, quodcunq; tuncius aut iudi-
 cium dixerint, facies: nihil tuo in his omnibus iudicio, nihil tuæ
 sententiæ reseruatum volo. Nec enim declinabis, inquit, à verbo
 quod dixerint tibi, ad dexteram aut sinistram. Quòd autem istorū
 seu iudicium seu doctrinam, perindè à nobis accipi voluerit, tanq̃
 suum ipsius de loco illo per os eorum nobis loquētis, indicat hor-
 ribilis pœna, quam in rebelles & inobedientes constituit: & vir, in-
 quit, qui fecerit in superbia, nè audiat sacerdotem, stantem vt ser-
 uiat ibi Domino Deo tuo, seu (vt habet nostra translatio) Qui su-
 perbiērit, nolens obedire sacerdotis imperio, qui eo tempore mi-
 ni-

nistrat Domino Deo tuo, ex decreto iudicis morietur homo ille,
& auferes malum de Israel.

Cap. 16.

*Demonstratur idem ex Iudæorum Rabbiniſ & alijs ratio-
nibus.*

Vides iam Smideline, te cum tuo Lyrano nimis delirasse, quando tam absurdam eius loci interpretationem adducis. Quem tuum tam delirum errorem, cum pluribus tibi demonstrare cogitarem, (tamenſi hæc abunde ſufficiant) commodum incidi in Epistolam præſtantiffimi cuiusdã ac trium linguarum callentiſſimi viri, olim à viro quodam docto mihi communicatam, in qua veram huius loci ſententiam ex Hebraica veritate & Iudæorum Rabbiniſ produxit. Si earum rerum, inquit, quæ apud tuum tribunal agitantur, vlla apud te dubia erit, quo ad iudicium inter ſanguinem & ſanguinem, inter cauſam & cauſam, & inter plagam & plagam, tunc ſurges & aſcendes in eum locum, quem elegit Dominus Deus tuus. Et venies ad ſacerdotes Leuitas, & ad iudicem qui erit illo tempore. Et interrogabis, & ſignificabunt tibi quod in eo iudicio erit agendum. Et facies iuxta id quod ſignificabunt tibi ex loco eo quem elegit Dominus. Et obſeruabis vt facias iuxta omne id quod docuerint te, iuxta legem quam te docebunt, & iuxta iudicium quod tibi dicent, facies: nõ declinabis ab eo quod dicent tibi, neq; ad dexteram, neq; ad ſiniſtram. Et quiſquis per ſuperbiam &c. Hic ego legem, hoc eſt, **וְיָדָעְתָּ** non pro Moſis lege accipio, tamenſi exiſtimem Deum, vt vulgò dicimus, præſupponere illos qui ſummo tribunali præſunt, nihil contra Moſis legem acturos. Sed legẽ hĩc dici videre videor, id quod inferioribus & interrogantibus iudicibus à ſummis illis reſpondetur, & agendum præſcribitur. Nam hoc Deus tam vult eſſe ratum, vt tandem capitale etiam pœnam addat. Neq; enim memini (ſed facit hæc ægritudo infirmiſſimam & minimè promptam memoriã meam) in ſacris biblijs vocem **וְיָדָעְתָּ** ſimpliciter poſitã, pro Moſis lege in uſu eſſe, ſed in illis perpetuò aliquid adiſci, ex quo certũ

H 2 con-

constat de hac lege agi, veluti loquente DEO, legem meam, legem quam dedi vobis &c.

Item lex Dei quæ scripta est in libro hoc, & his similia. Et ut cōcedam, אשר hoc loco pro lege Mosis accipi, tamen hoc certū erit ex his verbis, ipsam legis interpretatiōem penēs supremos iudices esse, quam interpretationem qualem cūq; reddiderint, inferiores illi pro oraculo amplecti debeant. Iam verò quod Lyranus conditionem affingit, hoc mihi non videtur interpretari textum, sed novum textum texere. Nam neq; ipsa etiā verborum series vllō modo conditionem admittit, nisi omnia sursū deorsū misceas atq; pervertas. Quòd porrò hunc quidam nostro tempore libetèr hoc vno loco sequantur, faciunt fortassè, ut suis erroribus præsidium quærant. Equidem ridiculum etiā puto, eos iam iudices atq; cēsores facere de responso supremi tribunalis, sitne secūdū legem, an minimè, qui ignari quid lex de pposita rei specie cēseret, ipsum illud tribunal consultum venerant. Sed quid meis verbis, te distineo? Rabbinorum sententiam petijsti. Igitur R. Moses filius Nechmanni hæc ferè in hunc locum scribit: Etiam si putes illos errare, & te tam esse certū, q̃ es discriminis inter dexterā tuam sinistramq;, tamen obtemperandum tibi est illorum præcepto. Neq; dicas, quī possum hunc hominem innocētē interficere? sed sic dicas, Is qui est Dominus præceptorum, iussit me facere iuxta omnia quæ docuerint me ij, qui stant coram ipso in loco quem elegit, & pro illorum sententia mihi legem dedit, etiam si errent. Quomodo cūq; enim illi legem intelligant, obsequendum tibi est, quia spiritus Dei est super ministros sanctuarij sui, neq; destituet sanctos suos, in seculum custodientur ab erroribus, &c. Rabbi verò Salomon Galus, quod quidem ad rem faciat, sic ait: Et ad iudicem qui erit illo tempore, etiam si non fuerit, quales fuere iudices ante ipsum, tamē tu debes ipsi obtemperare. Neq; enim alium habes iudicem, quā eum qui tuo tempore est, ad dexteram aut sinistram, hoc est, tametsi dixerit dextrum esse sinistrum, aut sinistrum dextrum. Hęc ille.

Rabbi Leui,

Rabbi deniq; Leui, Gersonis filius, hæc ferè scribit, quæ huc spectare possunt: Et significabunt tibi &c. ut ipsis videtur, siue ex traditione, siue ex sua ipsorum opiniōe. Et obseruabis ut facias, Ostēdit

Deute. verba esse pro missionis, nō mādātī, doceēt sententijs Rabbinorum.

dit nos illorum verba sequi debere, non aliter atque Moïsis legem, præterea etiam illorum interpretationem legis nõ declinabis. Monet nullo modo transfiliendum esse id, quod illi aut suis dictis, aut ex legis interpretatione nobis præscripserint. Hoc Leui. Quibus Pauli Fagij, hominis mihi quãdò vivebat amicissimi, quem honoris causa nomino, explicationem libenter adjicio. Scribit autem in hunc locum, ex Chaldaeo à se versum, hæc: Tria genera doctrinarum ac sententiarum veteribus fuerunt. Primum, quod receptum credebatur à Mose ac prophetis, cabalam vocant. Secundum, quod opinione iudicum constitit, ut in scripturæ locis enarrandis: Deinde in sententia ferenda, & respondendo de lege, sæpissimè coniecturis connixi sunt. Et tamen quod sic erat pronunciatum, pro lege recipiebatur. Tertium genus, quod statuunt ultra legem, quasi legis sepem. Hoc Christi Dñi ætate inuerterant: nã propter traditiones suas legem Dei reliquerant. Tria autem genera traditionum, hoc loco Lex dicuntur. Et paulò pòst: In Thalmud scribitur, Christum illis esse damnatum. Cæterum accusationem falsò intèderunt, quia nunquàm voluit pontificum & Phariseorum, tãquàm iudicum auctoritatem esse conuulsam, sed stabilitam potiùs, Mat. 23. Hæc Fagius ferè, quanquàm multa prætermiserim, scitè & doctè ab eo illic dicta, nè longior fierem. Cum quibus ferè Chaldaica editio: neq; vllum vidi, quod memini, qui conditionem illam ponat. Hactenùs Epistola illius *τηγλῶττου*.

Tria gĩa
doctrinarũ
apud Iudæ-
os.

Cap. 17.

Non esse nouum aut impossibile, Cathedram Moïsis in Causarum iudicijs non potuisse errare, cùm non sit de promittentis Dei fide dubitandum, & vnicuiq; mystici corporis membro instilletur à capite facultas suam functionem exequendi, quod veteris testamenti exemplis docetur, multoq; magis hanc facultatem collatam summo illius Cathedræ præfidi.

H 3

Exi-

EXistimo me hunc nodum, quem delirus cum suo Lyrano Smidelinus, tam infelicitè cōnexuit, satis planè dissoluissè: non enim truncata aut obliquè detorta legis verba produximus, sed quod erat subdititium & adulterinum, & à sciolo aut etià falsario quopiam dolosè infartum, contumaciæ & superbix ansam præbens inobedientibus, refecauimus. Si de iudiciij veritate dubitas, respondet tibi ille, cuius verbo cæli firmati sunt, qui nec falli, nec fallere potest, cui nemo dicere potest, cur sic præcepisti? respondet, inquam, te diligentè custodire debere, vt facias secundum omne quod te docuerint, nè declines aut discedas à verbo, quod annunciârint tibi, ad dexteram aut sinistrâ. Hæc enim est singularis illius Cathedræ, quam Dominus elegit prærogatiua, vt ex Dei promisso semper iudicet iudiciij veritatem, aut (vt habent LXX) ipsum iudicium quod quærebatur. Nunquid de promittentis fide dubitabimus? An verò metuimus, nè sequendo erremus? Certè si errauerimus, non dubitabo ego cum Augustino dicere: Dñe, tu decepisti me. Quòd si vita te offendat præsidetium, habent illi iudicem suum. Tu verò audisti quid te oporteat facere. An verò nouum est in auribus tuis, Smideline, quòd promittat deus præsides illos iudiciij veritatem iudicatuos? Nouum sanè esse nō potest, quod iam ex Hebraica veritate, ex LXX. interpretibus, ex Chaldaica translatione, ex præcipuis Iudæorum Rabbinis demonstrauimus. Sed fortassè nouum est, si dicamus iudices illos singulari quodam spiritu & diuinæ auræ particula dotatos à Deo, vt in iudicijs quæ recta aut praua, æqua aut iniqua sint, perspicere ac diffinire queât. Atquì mi Smideline, si vel primis labijs sacra biblia delibâsti, nouum hoc tibi esse non potest, cum tam multis in locis legamus vnicuiq; etià membro mystici corporis specialem quandam facultatem & energiam à capite instillari ad functionem suâ propriam legitimè exequendam. Neq; tantum membris illis principalibus, sed & inferioribus. Vis hoc Smideline tibi demonstrari? In exodo de institutione tabernaculi ita loquitur Dominus ad Moysen: Eccè vocaui ex nomine Beseleel filium Huri, filij Hur de tribu Iuda, & impleui eum spiritu Dei, sapientia & intelligentia & scientia in omni opere, ad excogitandū quicquid fabrefieri potest

ex

Vnicuiq;
mystici
corporis
membro
instillatur à
capite facultas
functionem suâ
exequendi.

Exod. 31.

ex auro & argento & ære, marmore & gēmis, & diuersitate lignorum, dediſq; ei ſocium Ooliab filium Achifamech de tribu Dan, & in corde omnis eruditi poſui ſapientiam, vt faciant cuncta quę præcepi tibi. Audis Smideline, ſpiritum Dei illos impleuiſſe ſapientia, & intelligentia & ſcientia, non ad gubernandum populum illum Domini, non ad docendam legem & eius cæremonias, ſed ad excogitandum in opere mechanico, quę fabrefieri poſſent ex auro, argento, reliquaſq; ad uſum tabernaculi & ornatus eius neceſſaria materia. Rursus cum grauaretur Moſes regimine tantę, cui præerat, multitudinis, nec ſolus ferendo eſſet tam immenſo oneri par, petiſſetq; à Domino ſibi ea in re dari coadiutores ſocios: Congre. Num, 113
ga, inquit illi Dominus, mihi ſeptuaginta viros de ſenibus Iſrael, quos tu nō ſti, q̄ ſenes populi ſunt & magiſtri, & duces eos ad oſtium tabernaculi ſcēderis, faciesq; ibi ſtare tecum, vt deſcendam & loquar tibi, & auferam de ſpiritu tuo, tradamq; eis, vt ſuſtentent tecum onus populi, & tu non ſolus graueris. Vides & hos electos à Moſe coadiutores ad ciuile regimen, gubernationemq; populi, accepiſſe etiā gratiam ſpiritūs, non ad quiduis, ſed illud officiū implendum, ad quod peculiaritèr aſſumpti ſunt: Tradam, inquit, eis de ſpiritu tuo, vt ſuſtentent tecum onus populi. Et iterum: Ioſue, Deut, ult.
cum committeretur ei ducatus populi, repletus eſt ſpiritu ſapientię, quia Moſes poſuit ſuper eum manus ſuas. Simili modo deinceps à ſacerdotibus inūcti ſunt reges oleo ſacro ſuper populū dñi. Nec vana fuit eiufmodi vnctio, neq; nugator Deus, qui eādē fieri præcepit & inſtituit, ſed internam ſpiritūs gratiam per illam contulit: qua freti & ſulti, regnum cui præſciebantur, adminiſtrare & gubernare poſſent. Itaq; mox vt à Samuele Saul, quantumuis poſtea reiectus à Deo, in regem inunctus eſſet, Immutauit, inquit, ei 1. Reg. 10.
Deus cor aliud, & inſiluit in eum ſpiritus Domini &c. Similitèr cū idem Samuel vnxiſſet Dauid in regem in medio fratrum ſuorum, Directus eſt, inquit, ſpiritus Dñi à die illa in Dauid & deinceps. Quod ſi Deus ad mechanica illa opera deſtinatos cōgrua ſpiritūs gratia præuenit, ſi electos ad prophanū populi principatū gerendū ſpiritu ſapiētīę & fortitudinis, p̄ impositionē manuū ſacerdotaliū aut vnctionē ſacri olei repleuit, nunq̄d inane reliquit ſummū illud
&

Deut. 21.
Mala. 2.

& supremū tribunal, de quo dixit, Iudicabunt tibi iudicij veritatē, non discedes à verbo, quod annunciauerint tibi, ad dexteram aut sinistram? Nunquid inanes reliquit illos, de quibus & alibi dixit: Ad verbum eorum omne negotium pendet? Nunquid inanis erit Malachias, inquitens: Labia sacerdotis custodiunt scientiam? Nunquid inane erit pactum quod pepigit Dominus cum Leui, hoc est, ordine sacerdotali? (nam Leui aliquot annorum Centenarijs præcesserat vniuersum illud vetus sacerdotium) Pactum meum fuit cū Leui, dicit Dominus exercituum: pactum meum fuit cum eo vitæ & pacis, lex veritatis fuit in ore eius, & iniquitas non est inuenta in labijs eius, in pace & æquitate ambulauit mecum, & multos auertit ab iniquitate: Labia enim sacerdotis custodient scientiam, & legem requirent ex ore eius, quia angelus Domini exercituum est. Vides ex pacto dei, quod postea exprobrat indignis sacerdotibus, legem veritatis fuisse sacerdotum Leuiticæ tribus, nec iniquitatē inuentam in labijs eius. Non dicit, in manibus eius, sed in labijs. Labia enim sacerdotis custodire scientiam: vnde & legem requirendam ex ore eius, nou autem ex operibus.

Cap. 18.

An tunc demum Iudæi suo iudici parere debuerint, si iudicaret secundum legem Dei, & quatenus legis diuinæ scientia à populo requiratur, cum aduersarius indistinctè velit, populum omnino teneri ad scientiam legis diuinæ. explicaturq; obiter locus Deut. 6. quem ad hoc corruptè adducit.

Non igitur sunt friuolæ illæ ratiões, vt tu cauillaris, quas Bredenbachius adduxit, videlicet, si Lyræ sententia constaret, incertam fieri promissionem: sed friuolum est, apertoq; legis textui planè repugnans, quod tu mandatum, nō verò promissionem, in hac lege contineri asseris, quando vides ipsam legis sententiam, tuam illam tam deliram expositionem prorsus refellere. Nec friuola est altera illa Bredenbachij ratio, qua ait: Si non est promissio, sed mandatum: sequeretur, illos qui veniunt ad iudicem, non venire tanquàm hos, qui iudicium petant,

petant, sed tanquàm iudices sententiæ ipsius iudicis: quo quid potest dici absurdius? Nōne enim absurdum, immò ridiculum est, eos iudices atq; censores facere de responso supremi tribunalis, sit ne secundùm legem, an minimè, qui ignari quid lex de proposita rei specie cēferet, ipsum illud tribunal consultum venēre? Hæc nimis ridiculam absurditatem vt aliquo colore fucet & exornet Smidelinus, ita subiungit: Non enim tollitur iudicis officium, sed confirmatur, cū etiam ipsi subditi, inter quorum causam & causam summus Pontifex iudicat, legem adferant ad suæ causæ bonitatem comprobendam. Et cū secundùm legem, siue ex lege iudicium formare cogatur summus pontifex, legis autem cognitio etiam à populo exigatur Deut. 6. &c. Præclarum scilicet pallium, quo nescio an obstinatum illam deplorati animi sui malitiam magis tegat, an potius summam vecordiam & inscitiam detegat. Quæ vesania mentem tuam exagitat Smideline, vt in re tam seria tam turpiter & impudentè nugeris? Legis verba, de quibus nunc controuertimus, sic habent: Si difficile & ambiguum fuerit iudicium &c. venies ad sacerdotes Leuitici generis. Sin de legis sententia constat, si causæ definitio in promptu est, non est iudicium ambiguum: nec opus est ab inferioribus iudicibus intrā portas ciuitatū constitutis prouocare ad summum tribunal. Quod autem ais, Et cū secundùm legem iudicium formare cogatur summus Pontifex, audiuiisti quid iam tibi responderim. Illud verò quod nunc subiungis schediasma, legis autem cognitio etiam à populo exigatur Deut. 6. tuam siue malignam imperitiam, siue imperitam malitiam nimis manifestè coarguit. De qua lege tu mihi narras Smideline? Ille Deuteronomij locus quem tu hic citas, de nulla alia lege tractat, quàm Decalogo, atq; etiam de illa lege, quæ totius decalogi atq; omnium Prophetarum summa est, Diliges Dominum Deum tuum ex toto corde tuo &c. Huius legis cognitionem etiam nos à populo exigimus, iuxta illud Domini mandatū: Docete filios vestros, vt illa meditetur. Docemus & monemus patresfamilias, vt suos pueros doceant orationem dominicam, Salutationem angelicam, Symbolum, Decalogum: sed an idcirco necessum est, omnes cum Paulo ad pedes Gamalielis in legum nodis & ænigmatibus

Deut. 17.

Legis cognitio an & quatenus à populo requiratur. Deut. 5.

Deut. 6.

Deut. 11.

Ioan. 7.

Aug. de ver.
Apost. ser.
20.1. Cor. 8.
lib. 3. confess.
cap. 8.Irenæus
lib. 2. ca. 45.

Luc. 7.

Hilari^o lib.
3. de Trini.August. c6.
tra epist. Ma
nichæi, quâ
vocant fun
damentum,
cap. 4.

tibus discutiendis erudiri? Omnes oportet esse legisperitos & Rab-
binos? In hoc iterum tuo more nimium deliras. Documento no-
bis esse potest, veteris testamenti populus, cuius maxima pars rudis
fuit legis Mosaicæ, quod vel illa Phariseorum verba (quæ mirum
est te hic noluisse advertere, cum paulò antè citaueris) planum fa-
ciunt: Turba hæc quæ nō nouit legem, maledicti sunt. Atq; ex hac
turba multi saluati sunt, ex Phariseis illius temporis nō vsq; adeò
multi. Ex hac turba sibi Dominus elegit Apostolos, rudes piscato-
res: ex Phariseis ad munus Apostolicum adsciuit neminem. Quæ
stulta sunt mundi, elegit Deus, vt confunderet sapientes. Tu ve-
rò Smideline vis tuos omnes esse sapientes, vis esse doctores, vis
esse iudices & decisores? Sed audi quid ab Augustino scriptum est:
Melior est, inquit, fidelis ignorantia, quàm temeraria scientia. Sci-
entia enim inflat, Charitas ædificat. Surgunt indocti, (dicit idem
alio loco) & rapiūt cælum, & nos cum doctrinis nostris sinè corde,
eccè vbi volutamur in carne & sanguine. Ante quem etiàm Irenæ-
us: Melius est, inquit, nihil omninò scientem quempiam credere
DEO, & perseuerare in eius dilectione, quæ hominem viuificat:
nec aliud inquirere ad scientiam, nisi Iesum Christum filium Dei,
qui pro nobis crucifixus est: quàm per sermones & multiloquium
in impietate cadere. fides tua te saluum fecit, inquit Christus, nō
exercitatio scripturarum. Habet, inquit Hilarius, nō tam veniam,
quàm præmium, ignorare quod credis: quia maximum fidei stipē-
dium, sperare quæ nescias. Tantum abest vt ij præstantes doctrina
& pietate viri, iudicandi decidendiq; potestatem de causa fidei, vul-
go tribuendam esse putauerint, vt eius ignoratiam nō venia mo-
dò, verum etiàm præmio dignam iudicauerint. Nō enim habet ne-
cessè quiuis de vulgo nōsse omnia mysteria fidei: Charitatem illi
habere necessarium est. Turbam quidem, vt rectè dicit D. Augu-
stinus, non intelligendi viuacitas, sed credendi simplicitas tutissi-
mam facit. Præclare idem Augustin^o: si propter eos solos Christus
mortuus est, qui certa intelligentia possunt quæ ad fidem pertinet,
discernere: penè frustra in Ecclesia laboramus: plures enim sunt
qui non possunt. Idem D. Aug. lib. 14. cap. 1. de Trinit. explicans il-
lud Pauli 1. Cor. 12. Alij datur sermo scientiæ, alij sapientiæ: Aliud
est,

est, inquit, scire tantummodò quid homo credere debeat propter adipiscendam vitam beatam, quæ non nisi æterna est: aliud autem, scire quemadmodum hoc ipsum & pijs opituletur, & contra impios defendat, quæ proprio appellare vocabulo sciētiam videtur Apostolus. Hęc ille. Quare nihil dubitandū est, quin simplices in suæ fidei simplicitate & morum exactiori scientia saluētur. Quod etiā figuratum esse docet Gregorius in eo, quod scribitur in lib. Job: Job 11 Boues arabant, & asinæ pascebantur iuxta eos: Asinæ, inquit, quosdam significant simplicitē viuentes, quæ rectē pasci iuxta boues dicuntur, quia mentes simplicium, etiā cū alta capere nō possunt, eo magis vicinæ sunt, quo & fraterna bona, sua per charitatē credunt: cumq; inuidere alienis sensibus non possunt, quasi in pastu se minimē diuidunt. Simul ergo se asinæ cum bobus reficiunt, 5 quia prudentibus coniuncti tardiores, eorum intelligentia pascuntur.

Neutiquā igitur idiotæ necessum est, omnes legis difficultates habere perspectas, sed in his potiùs audiat Catholicam Ecclesiam, & quicquid ab ea traditur, id pro certo & indubitato habeat. Absit autem ut de doctrina illius, quam in omnibus assequi nō potest, iudicare velit: quin se potiùs, quātusquātus est, illi iudicio submittat, nec secus aliquid, q̃ ab ea traditum est, vnquā sentiat. Vides iam Smideline, quā absurdè tu legis cognitionem à populo exigas, neq; eam simplicem, sed exactam ac tantam, ut discernere ac iudicare possit, an summus sacerdos etiā in ijs quæ difficulta & ambigua sunt, iudicauerit iudicij veritatem, eoq; malignè ac dolosè detorques illud Deut. 6. Diliges Dominum Deum tuum ex toto corde tuo &c. Hanc enim legem nemo dubitat omnibus cognoscendam & faciendam, ex qua pendet vniuersa lex & Prophetæ: ad quam cæteræ omnes constitutiones veluti scopum referuntur. Quin etiā si purè & simplicitē tibi cōcedamus, legis cognitionem à populo exigi: non tamen ilicò concesserimus collatā populo iudicandi facultatem. Præcepit Christus audiendos illos, qui in Cathedra Moïsis sedent: non autem adiecit, ut, si doctiores & in lege versatiores inueniantur, illorum iudicium subeamus. Hic māllem audiri Gregorium Nazianzenum: Non cuiusuis est,

inquit, o viri Christiani, de Deo disputare: non, inquam, cuiusvis: non adeo hæc res vilis, & eorum qui etiamnum humi serpentes, terrenis studiis occupantur. Et paucis interiectis: Non omnium quidem, quando eorum tantum est, qui inter multos habito delectu, ad tantum munus videantur idonei, quiq; contemplandi acumine cæteris antecellant &c. In eandem sententiam D. Bernardus serm. 1. in Cantica. Et grauitèr D. Hieron. ad Paulinum, Hugo Victorinus lib. 1. de sacrament. Basilius etiã Imperatoris œconomus respondit: Tuum est pulmenta Cæsari preparare, non Euangelium exponere. Non ergo requiritur à vulgo scientia, sed bona vita, vt inquit Greg. lib. 1. Mor. ca. 25. D. Gregorius. Rectè alicubi queritur Bernardus: Multi, inquit, q̄runt scientiam, pauci conscientiam.

Cap. 19.

Vriæ facinus, & prophetarum querelas de sacerdotibus & scribis, nihil derogare veritati, quam Deus in ore iudicis Moisaici fore promisit, neque assistentiam Dei promitti in factis Pontificum, sed in iudicijs iudiciali more requisitis, atque in hisce etiã improbos Pontifices semper indicasse iudicij veritatem.

VRiæ exemplum, quod hîc adducit Smidelinus, absurdum est: neq; enim ad legitimi iudicij, de quo Deut. locus loquitur, formam spectat. Nec in factis Pontificum perpetua Dei assistentia, vt sic loquar, promittitur, sed in illorum consilio de quæstionibus religionis. Hinc Scholastici distinguunt inter errorem personalem, & iudiciale: ille in pontificem cadere potest, hic minimè. Esaiæ, Ieremiæ & Ezechielis querelæ, si verum dicere velit Smidelinus, ad reges maximè pertinent. Iere. 22. 23. &c. tũ etiã ad pseudo prophetas & sacerdotes illos, qui nulla legitima vocatione aut successione, ad sacerdotium perueniebant, sed à malis & idololatriis regibus constituebantur, & sacris præficiantur, sicut apertè legimus in lib. Regum: Fecit Iero-boam phana in excelsis, & sacerdotes de extremis populi, qui nõ erant de filiis Leui. Et quoniã maxima Iudaicorum Regum pars, reli-

3. Reg. 12.

relicto vero Dei cultu, ad idolomaniam declinavit, vt testantur
 historiæ biblicæ: quid mirum, si etiam veris sacerdotibus relictis
 & contemptis, alienorum Deorum sacrificijs peragendis alienos
 sacerdotes & pseudomystras præfecerint? vnde laudatur Iosaphat,
 q̃ in Ierusalem constituerit Leuitas & sacerdotes & principes fa-
 miliarum ex Israel, alienis illis & adscititijs sacerdotibus & pseu-
 doprophetis, cum lucis & idolis suis eiectis, 2. Para. 19. Hi enim sa-
 cerdotes Legem Dei, prophetias & visiones mendaciter sibi ven-
 dicabant, subinde vociferantes, Verbum Domini, Os Domini lo-
 cutum est, hæc dicit Dominus, cum tamen hæc Dominus locutus Hier. 23. 14.
 non esset, quæ ipsi dicebant. Vnde Hierem. illos fures verborum 27. & 29.
 suorū appellat. Hinc & Ezechiel inquit: Vt Prophetis insipientib⁹, Eze. 13.
 qui sequuntur spiritum suum, & nihil vident. Hi erant, de quibus
 conqueritur Dominus per Prophetam: Ipsi currebant, & ego non Hier. 23.
 mittebam illos. Ardua semper fuit veris verbi Dei præconibus lu-
 cta cum pseudoprophetis. Et quoniam velut umbra corpus quo-
 dammodò repræsentat, ita synagoga Iudaica Christianam Eccle-
 siam adumbravit. Videmus quàm neq; hac in parte synagoga Ec-
 clesiam inscitè referat, cum in vtraq; tam multos cōspiciamus pseu-
 doprophetas, qui splendido quidem, sed dolo, verbi DEI præ-
 textu per dulces sermones & benedictiones olim seduxerūt, atq; Rom. 16.
 etiam nūm seducunt corda simplicium. Querebātur olim prophe- Eze. 13.
 tæ, pseudoprophetas linire parietem absq; temperamento: loqui
 illos pacem, cum non esset pax. Atq; inter cætera clarum & illustre
 exemplum legimus de Achab & Michæa. Achab in Ramoth Gala-
 ad ascensurus ad prælium, consulit quadringentos prophetarum 3. Reg. 22.
 viros: respondent: Ascende, & tradet Deus in manu Regis. Cæte-
 rum pius ille Iosaphat rex Iuda, agnoscens fraudulentam & per-
 nicialem illorum maledulcium sermonum & benedictionū dulce-
 dinem, nec esse eos veros Prophetas animaduertens, ait: Nunquid
 non est hic propheta Dñi, vt ab illo requiramus? Et ait Achab rex
 Israel ad Iosaphat: Est vir vnus à quo possumus querere volunta-
 tem Domini: sed ego odi eum, quia non prophetat mihi bonū, sed
 malum omni tempore. Est autē Michæas filius Iemla &c. Nōne
 in Ecclesia Christiana per omnia similiter accidit? Nota est hæreti-

Ioan. 13.
Ser. 66. sup
Cantica.
Ioan. 15.

Esa. 3.

Hiere. 18.

Vide Atha-
nas. orat. 1.
contra Ar-
rianos.

Corum doctrina, quam vel ob id solum plurimi amplectuntur, quod ad omnia flagitiorum genera frenum impunè relaxet, & nihilominus doceat hominem certa indubitataque fiducia apprehendere debere, se esse filium Dei, esse in gratia Dei, quasi ita simus in filios Dei adoptati, ut nullis sceleribus commeteri possimus abdicationem & exheredationem, cum Iudas à Domino electus in Apostolum, paulò post transformatus sit in diabolum, ut inquit D. Bernardus. Et Christus: Vos amici mei estis, inquit, si feceritis quod precipio vobis. Nulla est promissio vitæ æternæ, quæ non habeat annexam conditionem observationis mandatorum Dei, & nescio an vlla sit hæresis impudentior & perniciosior. Popule meus, inquit Esaïas, qui te beatum dicunt, ipsi te decipiunt. Promissa erat Israelitis terra Palæstina, & tamen præter Iosue & Caleph, nemo eam pedibus suis calcavit. Quæ fuit causa? Murmuratio & inobedientia populi. Si dominus, resipiscente populo, potest agere poenitentiam super malo quod propter peccata cogitavit ut faceret ei, an non eodem in peccata relabente, poenitentiam agere poterit super bono quod ei promiserit? Homo testator promissa, fidei commissa, legata, immò & hæredis institutionem reuocare, mutare & retractare potest usque ad extremum vite spiritum: & nos Deum in illam servitutem adstringemus, ut mutare nequeat testamentum suum, ut filios etiam degeneres, rebelles, immorigeros, acolastos, nolens volens ad hæreditatem cogatur admittere? ô stultam, impudentem, & execrabilem confidentiam. Ut igitur ad institutum reuertamur, in vos Smideline competunt istæ prophetarum querele, qui tam similes estis illis pseudoprophetis: venientes in vestimentis ovium, habentes speciem pietatis: dicentes, Hæc dicit Dominus: crepantes, Verbū Dñi, verbum Domini, Evangelium Evangelium, cum intrinsecus sitis lupi rapaces, deprauantes verbum domini in verbū diaboli, in occasionem & laqueum mortis.

Atquæ hæc tibi responsa sint ad querelas Prophetarum. Quod si omninò velis contendere, eas ad summos sacerdotes Leuiticos pertinere, ne hoc quidem obtento, continuò triumphaueris. Fatemur non esse improbabile, multos inter eos fuisse malos, & horum malitiam, avaritiam, ambitionem, inuidiam, superbiam, iniustitiam

stitiam fuisse à prophetis repræhensam. Neq; diuina illa assistentia, ita promittitur sacerdotibus Leuiticis, vti suprà diximus, vt peccare nequeant, & contra suam ipsorum conscientiam, ob spem quæstus priuata aliqua iudicia malè decernere. Non in factis sacerdotum perpetua fuit Dei assistentia, sed in illorum consilio de quæstionibus religionis. Multa homo facit, multa etià dicit, quæ cōtra veritatem & conscientiam sunt, de quibus seridè rogatus, aliter iudicaret. Etsi igitur demus propheticas illas querelas ad sacerdotes quoq; pertinere, illud tamen considerandū est, non sic in omnes eius temporis pastores & sacerdotes conuertendas, vt nullus intelligatur exceptus. Hunc enim habent morem concionatores, vt quod plerosq; tangit, id ita enuncient, quasi omnes tangat. Sic aliquandò totus ille populus ab Isaia. repræhenditur, tanquàm in eo à planta pedis vsq; ad verticem capitis, nō sit inuenta sanitas: & tamen idē propheta viros aliquos iustos relictos esse fatetur, inquit: Nisi dominus Sabaoth reliquisset nobis semen &c. Sic Helias in omnes inuehitur, quasi relictus sit solus. Sed respondit illi dñs, Reliqui mihi septem millia virorū &c. Præterea si D. Hieronymo credimus, referente D. Melchiorre Cano, quæcunq; legūtur generales prophetarum in sacerdotes querelæ & comminatiōes, ad tēpus dominicæ passionis potissimū referendæ sunt, quo sacerdotalis authoritas & veritas debilitari cœpit, ac tandē abrogata Mo sis Cathedra, penitus illis ablata est, & ad sacerdotes Noui testamēti translata. Quod autem ante factam hanc abrogationem summi Iudæorum pontifices ac sacerdotes legitimè tanquàm iudices & legis custodes consulti, veritatem non responderint summi pontifices, non poteris vllō exemplo solidè & verè demonstrare. Ego verò non paucis tibi declarauero, multos Leuitici generis pontifices etià pessimos, veritatem in arduis causis respondisse. Quis ignorat, quales fuerint sacerdotum principes & scribæ temporibus Herodis? qui vbi nasceretur Christus interrogati, semota quauis cunctatione, dixerunt: In Bethlehem Iudæ. Caipha quid potuit esse nequius? qui quem sceleratè nactus erat Pontificatum, precio redemptum gessit etià sceleratius: & tamen cū pontifices & scribæ collegissent concilium de capiēdo & occidendo Christo,

Cai-

Esa. 1.

3. Re. 19.

In Isa. 3. 56.
57. 59. & 63.
cap.In locis the
olog. lib. 5a
cap. vlt.

Matt. 2.

Caiphas summus pontifex respondit: Expedi vobis ut vnus moriatur homo pro populo, & non tota gens pereat. Cur homini scelerato Deus contulit spiritum prophetiæ? Respondet Euangelista, quia pontifex erat anni illius, idcirco prophetauit, non ob vitæ sanctimoniam, quam sola præstat innocentia, sed propter sanctitatem vñctionis, qua etiã malos pontifices rectè sanctos vocari asserit Augustinus, quemadmodum & Saul cum à Samuele vñctus esset, non in pontificem, sed in prophanum regem, insiluit in eum spiritus Domini, & connumeratus est inter Prophetas.

Cōtra literas Petilian. lib. 2. ca. 48.

2. Reg. 19.

Cap. 20.

Exemplum Phassur ex Hieremiæ cap. 20. non labefactare hanc iudicij veritatem, cum Phassur non fuerit summus sacerdos, sed præpositus templi: obiterq; declaratur, non esse idẽ officium Pontificis & præpositi templi, ut per imperitiam putat aduersarius.

Rom. 15.

Deut. 17.

Isa. 54.

Sed imaginemur Smidelinum docere posse, summos sacerdotes Aaronicos non semper iudicasse iudicij veritatẽ: quid tandem effecerit? Quæcunq; Iudæis scripta ac promissa fuerunt, ad nostram doctrinam scripta, ad nostram consolationem promissa fuerunt. Illi vmbra duntaxat habuerunt illius veritatis, quæ nobis illuxit per Iesum Christum: eoq; dicimus, eam de iudicanda veritate promissionem magis apertam & euidentem habere cœtum pontificum Christianorum, quàm habuerit synagoga pontificum Iudeorum: immò eas ipsas promissiones Iudæis factas, potissimùm ad Christianos pertinere. Nam sicut illustriora nunc sunt fidei mysteria, velo scisso, Christianis, quàm quibus velata cuncta fuerunt, Iudæis: sic promissiones de præsentia Christi & spiritus sancti olim factæ Iudæis, longè illustrius nunc sese produnt, quãdò remotis vmbis Iudaicis, & nube illa sub qua fuerunt, nunc discussa, patefacta nobis est veritas. Quin & potissimas veteris testamenti promissiones, ad Ecclesiam Christianam pertinere, atq; in eadem suam vim habere, patet illi qui veteris instrumẽti promissiones accuratiùs cõsiderauit. Feriam domui Israel, inquit Isaias, & domui

domui Iuda fœdus nouum, non secundum pactum quod pepigi cum patribus vestris, quod irritum fecerunt. Et paulò post: Hæc dicit Dominus, qui dat solem in lumine diei: si defecerint leges istę coram me, tunc & semen Israel deficiet, vt non sit gens coram me cunctis diebus &c. Item, Feriam illis pactum sempiternũ, & timorem meum dabo in corde eorum, vt non recedant à me. Item, Percutiam illis fœdus pacis, pactum sempiternum erit eis. Item: Montes commouebuntur, & colles contremiscent: misericordia autem mea non recedet à te, & fœdus pacis meæ non mouebitur. Hæ & similes promissiones in nouo demum Testamento vim suam exercuere, & quicquid de doctrinæ veritate habenda & similibus dei donis promissum est per Prophetas, id longè illustrius sese prodit sub Nouo Testamento in Ecclesia Catholica.

Quòd de Phassur sacerdote refert, iniuste illum percussisse Hieremiam, & misisse in neruum, nihil conuellit illam promissionem, Iudicabunt tibi iudicij veritatem. Nam neq; hîc vides legitimam formam iudicij, in quo actor & reus definitiuam iudicis sententiã solent postulare, neq; Phassur ille fuit summus Põtifex, sed textus refert illum fuisse sacerdotem, & constitutum principẽ templi, quẽ tu ineptissimè putas eundem esse cum summo pontifice. In quo te per incitiã tuam vehemètèr errare patet indè, quia nec Iosephus, nec commentator Biblicus in pontificum Catalogo hunc Phassur cõmemorat. Huc accedit quòd cùm Hieremias de captiuitate Babylonica vaticinaret, ipsumq; Phassur cum omni familia vinctum abducendum, propter quod percussus est à Phassur, capta iam vrbe, legamus non Phassur tanquã pontificem, sed Iosedech summum sacerdotem cum rege Sedechia captiuum abductum in Babylonem. Necessum igitur est, differre prapositum domũ Domini à summo pontifice, quemadmodum Iairus princeps synagogæ, de quo apud Lucam, haud dubiè non erat summus sacerdos.

Videtur autem officium prappositi domũ Domini fuisse, ea cura re, quæ ad oleum luminaris & vñctionis & aliorum in sanctuario pertinent, quod officium Numer. 4. datur non Aaroni, sed Eleazar filio eius, cui committitur

וְיָשִׁיר אֶת־הַנֶּחֱמָה וְיָשִׁיר אֶת־הַנֶּחֱמָה id est, prappositura

Hiero. 32.

Eze. 37.
Hiero. 31.

Hiero. 20.

Iose. lib. x.
anti. cap. x.
In li. 2. Machab. cap. 3.
1. Par. 6.

Iose. & cõmentat. biblicus loco citato.
Luc. 8.

Prappositi templi, à summo pontifice differentia.

K

Iere. 37.

tura totius habitaculi: Vocula פֶּסֶדָה id est, Præpositura, ducitur ab eadem radice פֶּסַד vnde פֶּסֶדִיד quod in Hieremia translaturum est, præpositus, cum dicitur Phassur, præpositus domus Domini. Si obijciatur fortasse, quod Iudicum 20. legimus, Phinees filius Eleazari filij Aaron, præpositus domus, sciendum ibi in Hebræo loco (præpositus domus) esse עֹמֵד לְפָנָיו בַּיָּמִים הָהֵם id est, stans ante faciem eius in diebus illis: hoc est, Phinees, qui eo tempore erat summus sacerdos. Sed ut vel externis sensibus videas & persentias tuam imperitiam, recensebo tibi principium cap. 3. lib. 2. Macha. Cum sancta ciuitas habitaretur in omni pace, leges autem adhuc optimè custodirentur propter Oniæ pontificis dispositione & pietatem, & animos odio habentes mala, fiebat ut & ipsi reges & principes locum summo honore dignum ducerent, & templum maximis muneribus illustrarent, ita ut Seleucus Asiæ rex, de redditibus suis præstaret omnes sumptus, ad ministerium sacrificiorum pertinentes. Simon autem de tribu Benjamin, præpositus templi constitutus, contendebat, obfistente sibi principe sacerdotum, iniquum aliquid in ciuitate moliri &c. Hic vel manibus tuum errorem, vel potius inscitiam palpare queas Smideline: quam obrè definas posthac velut gnosticus quidam & omnium θεολογῶν αὐτοῦ, alijs tam petulantè insultare.

Quòd ex decimo octauo cap. Hieremiæ adducis illud, Venite, & cogitemus contra Hieremiam cogitationes: rectè hoc ipsum à D. Hieronymo contra tuas tuorumq; gregalium peruersas machinationes producit. Sic enim inquit in eum locum Hieronymus: Ista & tunc Iudæorum contra Hieremiam siue Dominum saluatorem, & hodiè hæreticorum contra seruos eius cogitatio est, ut calumnias struant, & sanctos viros accusatione præueniant: nec cogitant quid illi veritatis loquantur, sed quid ipsi struant mendacij &c. Notum est, quales sacerdotes constituerint reges idololatræ. Non est mirum, huiusmodi idolorum pseudomystas, ira, odio & inuidia madere. Et si omninò velis contendere, quid mirum, etià Leuitas & sacerdotes priuatis odijs accēfos, iniqui aliquid proponere? Promissio Deut. 17. de iudicanda iudicij veritate, loquitur de diffi-

ficilibus & ambiguis, & iubet vt in huiusmodi recurratur ad sacerdotes Leuitici generis, atq; ita iudicandi forma consultos, iudicatos ipsum iudicium quod quæritur, vt habent LXX. Tali modo consulti, semper iudicauerunt iudicij veritatem, vt supra docuimus. Mali enim, immò pessimi, fuerunt sacerdotes temporibus Herodis, vt ibidem diximus: attamen consulti, vbi nasceretur Christus, coacto concilio responderunt, In Bethleem Iudæ. Sic enim scriptum est per Prophetam: Et tu Bethleem terra Iuda, nequaquam minima es in principibus Iuda: ex te enim exiet dux, qui regat populum meum Israel. In hoc iudicio stupendam & inuiolabilem diuinæ promissionis veritatem cōspicimus. Malus erat consulēs Herodes, qui idcirco sacerdotes de Christo interrogabat, vt posset eū interficere. Mali erant ipsi consulti sacerdotes: malum in finē querebatur iudicij veritas, & tamen iniqui iudices, iniquissimo quæstori, in scelerata causa, iudicij veritatem, vero scripturarum intellectu confirmatam, responderunt: quam tamen ipsi postea priuatis odijs & inuidia excæcati, non agnoscere, non recipere sustinebāt.

Matt. 24.

Mich. 3.

Cap. 21.

Demonstratur, qua ratione dici possit iniquissimo iudicio Caiaphæ contra, Christum, etiā fuisse pronunciatam veritatē iudicij secundum promissionem illam Dei, factam in Deuter. cap. 17. Iudicabunt tibi iudicij veritatem.

Progreditur nunc Smidelinus ad clauum huius quæstionis de iudicanda iudicij veritate, ad iudicium Caiaphæ & sacerdotum de Christo. Quod iudiciū vt mirabili & stupendo modo promissionis veritatem coarguit, & vel maxime hæreticorum imposturas confutat: ita Smidelinus omnium impotentissimè illud oppugnat, commodam se naetum occasione ratur Bredenbachium exagitandi, quandoquidem simplicium auribus paradoxon videtur, sceleratos & iniquos iudices iudicij veritatem protulisse contra filium Dei. Quocirca Smidelinus scurrilem illam petulantissimæ linguæ suæ dicacitatem hoc in loco enixè in Bredenbachium exercet, declarans quantum maledicen-

K 2 do

lib. 2. pro-
pugnatio fi-
dei cathol.
Iudices ini-
q. quò iudi-
caverint iu-
dicij verita-
tem.
Pfal. 50.

do præstare possit, si seriò se ad hanc Rhetoricam componat. Ego verò pium lectorem oro & obsecro, vt Bredëbachij scripta in huc Deuteron. locum & de iudicio Caiaphæ, cum Smidelinianis præstigijs conferat, & videbit quàm improbè, mendacitè, & calumni- osè Bredenbachium impietatis & blasphemix suggillet, quòd vi- detur Christo aliquid detrahere, in quem nemo vnquàm fuit con- tumeliosior & magis blasphemus, quàm hic obturbator, qui (refe- rente Staphylo) non veretur palàm docere, Christum Dei filium æternos inferorū cruciatus perpeßum. Hic est qui Bredenbachii impietatis & blasphemix accusat, cum os ipsius impudentissimum plusquàm sacrilegis blasphemijs scateat. Ac tametsi nulla híc ege- at defensione Bredenbachius, cum tam euidenti discrimine docu- erit, quo pacto iudicij veritas ab iniquissimis iudicibus prolata fu- erit, tamen quia & Brentius & Smidelinus vno impetu híc in Bre- denbachium insurgunt, audiemus quid insignis ille doctrina & pi- etate vir D. Stanislaus Hosius Cardinalis, de hoc pontificum iudi- cio aduersus eundem Brentium scripserit, vt hac sponsia vtriusq; calumniatoris adspergines abstergamus. Quid autè Brenti, inquit, si quo tu exemplo in Euangelica historia producto tibi places ma- ximè, id tuam causam oppugnet maximè? Quid si nihil potuit ad- ferri validius ad eam, quam nos tuemur sententiam cõfirmandam? Quòd si vsquàm alibi, híc maximè iustificatur in sermonibus suis Deus, vt vincat, cum à vobis impijs iudicatur. Quid enim est quod vel tu conaris, vel Calvinus, vel Ioānes à Lasco, vel quicunq; tan- dèm alij, qui locum hunc tanquàm Achillem quendam in acie p- ducunt, ad eam quæ propria est Episcoporum, iurisdictiõem euer- tendam? Quid aliud vultis, quàm ostendere falsum esse, quod di- xit Deus de sacerdotibus Leuitici generis, Ipsi iudicabunt tibi iu- dicij veritatem? Atqui ô mirabile quoddam ac stupendum diuinæ sapientiæ cõsiliu. Nusquàm illustrior apparuit, quàm híc, diuinę promissionis veritas: nusquàm cõuincuntur magis mēdaci, quàm hoc loco, qui falsitatis veritatem arguere non verentur. Híc vel ipsa luce clariùs Deus demonstraui, nullam esse posse tantam hominū iniustitiam, quæ iustitiam ipsius in gubernatione suæ ciuitatis, quæ est Ecclesia, quæ promissionum ipsius veritatem labefactare que- at.

at. Quid esse potuit Anna & Caiapha sceleratius? quid iniustius? & horum tamen scelus ac iniustitiam conuertit Deus in occasionem gloriæ iustitiæ suæ. Noluit morti adiudicari, nisi per horum sententias: noluit redemptionis nostræ beneficium absoluere, nisi per horum ministerium: Horum iudicij exitum ad generis humani salutem deduxit, ac veram esse promissionem suam declarauit, quæ dixit de sacerdotibus Leuitici generis: Qui iudicabunt tibi iudicij veritatem. Nam in hoc etiã quanlibet iniusto iudicio fuit nihilominus iudicij veritas. Paradoxon hoc tibi videtur, Brëti, quod iniustum fuisse iudicium, iudicij nihilominus in eo fuisse veritatẽ affirmamus? Sed nihil est factu facilius, quàm vt hoc tibi manifestissimis argumentis demonstremus. Quod iniustum fuerit iudicium, concedis tu quoq; & clamat hoc res ipsa: iudices fuerunt iniustissimi: testes, qui producebantur, falsi: crimina quæ proferebantur, falsa. Nam neq; populum seduxerat Christus, neq; cẽsum dari Cæsari prohibuerat, neq; blasphemauerat, neq; de templo demoliendo vel cogitare illi in mentem venerat, & tamen in hoc iniusto iudicio, per iudices iniustissimos, veritas iudicij iudicata est, vera sententia fuit pronunciata. Quænam illa? Reus est mortis. Hanc sententiam à spiritu sancto profectam fuisse, dubium nõ est. Vndẽ autem istud tibi probabimus? Non recipis nisi scripturas Canonicas. Atqui principem inter eas locum tenet Ioannis Euangelium, in quo consilium illud pontificum & pharisæorum de Christo comprehendendo describens Euangelista, narrat dixisse Caiapham: Ex- Ioan. 11, pedit vt vnus moriatur homo pro populo, & nõ tota gens pereat. Ac mox subdit: Hoc autem à semetipso nõ dixit: sed cum esset pontifex anni illius, prophetauit. Vides Brëti, quẽadmodum hoc ipso Euangelista teste, non defuit sacerdotio Leuitico spiritus propheticus, spiritus sanctus, spiritus veritatis, ad id vsq; tempus, quo se ipsum Christus cruentum sacrificium offerens Deo patri, sacerdotio & sacrificio illi finem imposuit. Tunc enim primũ spiritu prophetico destitui cœperunt, cuius rei figura fuit velum templi scissum Christo mortuo. Simul testata est hoc vox Christi, dicẽtis: Ecce dimittetur domus vestra deserta. Nec verò dubiũ est, quin ipse Caiaphas verba sua non intellexerit: eius nihilominus lingua, cum

Ioan. 11,

Matt. 23.

K 3

pon-

pontifex esset, ea proferri Deus voluit: & sicut cymbalum, sic ille magnum quendam & sonorum tinnitum edidit, quem tamen ipse non sensit. Sed expectas ut hoc tibi demostremus, quomodo verè pronunciari potuerit, eum fuisse mortis reum, quem constat peccatum nullum fecisse, nec inuentum esse dolum in ore eius? Paucis reus mortis rem accipe. Ex quo tempore primus parens noster, nihil interdictū dici possit. Dei reueritus, de vetito ligno gustauit, factus est mortis reus Christus Dei filius. Non quod ipse mortem commeruerit, qui fuit ipsa innocentia, sed quod reatum & maledictionem peccato primi parentis debitam, quod ad omnes pertransijt in condemnationem, in se suscepit, ut eam coram Deo expiaret, eadem ac reum se pro nobis ipse constituit, ut pœnam solueret, cui obstricti eramus. Itaque sic ipso volente, posuit in eo Deus iniquitatem omnium nostrum. Nostra fuit maledictio, nostra fuerunt peccata, quæ pertulit ille in corpore suo super lignum: quamq; pœnam debebamus nos, eam ipse pro nobis tolerauit: ut sicut per inobedientiam vnius hominis peccatores constituti fueramus, sic per vnius ipsius obeditionem iusti constitueremur. Itaq; sicut in Apocalypsi scriptum legimus, ab origine mundi occisus est agnus hic innocens, quin potius præcognitus ante mundi constitutionem. Siquidem ab æterno fixum fuit & immobile patris decretum, ut proprio filio non parceret, sed pro nobis omnibus eum traderet morte turpissima condemnandum. Cui decreto se filius vltro submisit. oblatu est em̃, quia ipse voluit, & factus est obediens patri vsq; ad mortem, mortem autem crucis. Decretum igitur hoc, quod ante mundi constitutionem in mente fuit & idea diuinæ præsentia, per legitimos iudices, hoc est, per sacerdotes Leuitici generis, pronunciari Deus voluit, & horum iudicio, quanlibet impij, qualibet nefarij fuerint & scelerati, se tamen Dei filius vltro subijcere dignatus est, ut exemplo suo doceret, suum in cathedra legitima sedentibus, qualescunq; tandem hi forent, honorem habendum esse. Nec falsum illud fuit quod dixerunt: Nos legem habemus, & secundum legem (hanc) debet mori. Fuit enim reuerà lex illa Dei patris, quam vltro suscepit filius, ut moreretur pro peccatis nostris. Quæ lex ex decreto pōtificū, cum cruci Christus affigeretur, fuit consummata. Quod ipse confessus

eti-

Quo Chrs
reus mortis
dici possit.

1. Pet. 2.

Esa. 53.

1. Pet. 2.

Rom. 5.

Apo. 13.

1. Pet. 1.

Rom. 8.

Esa. 53.

Phil. 2.

Ioan. 19.
Chrs secū-
dum legem
debebat
mori.

etiã est Christus, cùm pendens in cruce, iam iam inclinato capite spiritum traditurus, dixit: Consummatum est. Consummatum est, Iohn. xix. Cõsummatum est, cur quod lex & prophetæ futurum prædixerunt, iam vmbra sublata, in cruce dixerit Christus, quo solo reconciliari Deo mundus potuit. Neq; moriens hoc solus, ita dixit Christus, verum etiã cùm à mortuis surrexisset, ac se comitem duobus illis in Emaus euntibus adiunxisset: O stulti, inquit, & tardi corde ad credendum in omnibus quæ locuti sunt prophetæ. Nonne hæc oportuit Christum pati, & ita intrare in gloriam suam? Et incipiens à Mose & omnibus prophetis, interpretabatur illis in omnibus scripturis, quæ de ipso erant. Iam ex ijs, Brenti, perspicis, quàm stupendo miraculo suam Deus iustitiam & veritatem inuiolatam cõseruet in illorum iudicijs, quos ipse in Cathedris ad iudicandum constituit, quanlibet hi sint ab omni iustitia veritateq; remoti. Hactenus ille incomparabilis Catholicæ veritatis propugnator Hosius, & his multò plura, quæ vt prolixitatẽ vitemus, cõsultò præterimus. Nec egeret hac tam fusa declaratione p̃sens controuersia, nisi criminantis calumniatorisq; partes mallet agere potius aduersarius, quàm boni viri: cùm abundè satis declaratum sit, quo animo dictum sit, impios iudices iudicasse iudicij veritatem. Quis non execratur traditoris Iudæ flagitiũ? Et tamen si nusquàm dicentis animum spectare velimus, sed inuidiosam verborum significationem potius vrgere, Iudæ flagitium Vulcanus ipsi quoq; DEO patri impinget, de quo refert Apostolus, quod proprio filio non pepercit, sed pro nobis omnibus tradidit illum: Hoc fecit ipse Deus pater, quod & Iudas: vterq; tradidit Christum, si traditio Christi, & nõ tradentis animus cõsiderandus est. vt inquit Augustinus. Porro quod Reuerendiss. D. Hosio occlamat, hæc duo simul subsistere non posse, vt iudicij veritas sit in iniusto iudicio & iniustis iudicibus, absurdum est, quum vna eademq; res diuersa ratione siue respectu aliter atq; aliter afficiatur. Affatimque demonstratum est, quo respectu iniustis iudicibus attributa sit iudicij veritas: & nisi calumniatorem agere mallet Smidelinus, quàm virum bonum, nullius impietatis Hosium, Sotum, & Bredenbachiu sūgil-

Iohn. xix.

Cõsummatum est, cur

in cruce dixerit Christus,

quo solo reconciliari Deo mundus potuit.

Neq; moriens hoc solus,

ita dixit Christus,

verum etiã cùm à mortuis surrexisset,

ac se comitem duobus illis in Emaus euntibus adiunxisset:

O stulti, inquit,

& tardi corde ad credendum in omnibus quæ locuti sunt prophetæ.

Nonne hæc oportuit Christum pati,

& ita intrare in gloriam suam?

Et incipiens à Mose & omnibus prophetis,

interpretabatur illis in omnibus scripturis,

quæ de ipso erant. Iam ex ijs,

Brenti, perspicis,

quàm stupendo miraculo suam Deus iustitiam & veritatem inuiolatam cõseruet in illorum iudicijs,

quos ipse in Cathedris ad iudicandum constituit,

quanlibet hi sint ab omni iustitia veritateq; remoti.

Hactenus ille incomparabilis Catholicæ veritatis propugnator Hosius,

& his multò plura, quæ vt prolixitatẽ vitemus, cõsultò præterimus.

Nec egeret hac tam fusa declaratione p̃sens controuersia,

nisi criminantis calumniatorisq; partes mallet agere potius aduersarius,

quàm boni viri: cùm abundè satis declaratum sit,

quo animo dictum sit, impios iudices iudicasse iudicij veritatem.

Quis non execratur traditoris Iudæ flagitiũ?

Et tamen si nusquàm dicentis animum spectare velimus,

sed inuidiosam verborum significationem potius vrgere,

Iudæ flagitium Vulcanus ipsi quoq; DEO patri impinget,

de quo refert Apostolus, quod proprio filio non pepercit,

sed pro nobis omnibus tradidit illum: Hoc fecit ipse Deus pater,

quod & Iudas: vterq; tradidit Christum, si traditio Christi,

& nõ tradentis animus cõsiderandus est. vt inquit Augustinus.

Porro quod Reuerendiss. D. Hosio occlamat, hæc duo simul subsistere non posse,

vt iudicij veritas sit in iniusto iudicio & iniustis iudicibus,

absurdum est, quum vna eademq; res diuersa ratione siue respectu aliter atq; aliter afficiatur.

Affatimque demonstratum est, quo respectu iniustis iudicibus attributa sit iudicij veritas:

& nisi calumniatorem agere mallet Smidelinus, quàm virum bonum, nullius impietatis Hosium, Sotum, & Bredenbachiu sūgil-

Luc. 24.

Rom. 8.

Aug. in Psal.

93.

gillaret. Caiaphas, cū diceret, Expedi vobis vt vnus moriat ho-
mo pro populo: nihil aliud molitus est, quā homicidium & mor-
tem Christi Domini: & tamen ea ipsa verba ex spiritu sancto, quia
pontifex erat, proloquutus est. Quin igitur eodem iure insurgis in
spiritum sanctum, quod homicidij machinationem Caiaphæ sug-
gesserit? Videlicet diuersum vt hic respectum admittamus oportet:
quatenus enim ex spiritu sancto fuit, prophetia fuit: quatenus à
Caiapha non intellecta, & nil aliud ab ipso tractatum, quā vt cru-
cem moliretur Christo, nil aliud fuit, quā homicidij machinatio.
An & hic dices, Manifesta est contradictio, fuisse prophetiam spi-
ritus sancti, & homicidij machinationem, & cōtraria in eodē sub-
iecto simul esse non posse? si negare pergas, tuis te verbis iugula-
uero. Quod docet, inquis aduersus Reuerendiss. Hosium, menda-
cium & veritatem non posse esse simul in eodem homine, fallacia
est consequentis. Et si enim contraria sint, in eodem tamē homine
simul esse possunt, sed non respectu eiusdem. Sicut enim peccatum
& iustitia sunt in eodem homine, peccatum in carne, iustitia in spi-
ritu &c. ita etiā de veritate & mendacio dicendum est. Mendaci-
um in corrupta natura hæret, Veritas autem per spiritum sanctum
subindē in nobis instauratur &c. Sic igitur & nos dicimus, q̄ iniu-
sti fuerunt iudices Caiaphas & Annas: ipsorum odijs & malitia fa-
ctum esse, quod iudicij veritatem protulerunt, longē diuersam ra-
tionem habet, scilicet ex decreto Dei patris, cui vtrō se filius tanq̄
fideiussor submisit, & quoniam iuxta veteris legis figuras, & pphe-
tarum vaticinia, oportebat Christum pati, q̄ posuerat in ipso Deus
iniquitates om̄ium nostrū. Iudicij igitur veritatem prolatam ef-
se ab iniustis iudicibus, non est quod vsque adeo paradoxon vide-
atur huic homini. Nec satis apparet, quomodo sibi constet, quod
ait, mendacium & veritatem per spiritum sanctum instauratam, si-
mul in eodem homine subsistere posse, quodq̄ rursū alio in lo-
co declamitat: Quid magis absurdum quā dicere, hominem pos-
se habere spiritum sanctum, etsi ipse sanctus non sit? Est enim con-
tradictio manifesta. Quod posterius nē nobis itidē obijciat, D. Au-
gustinum illi opponem. Afferbat cum Smidelino Petilianus, Nē,
inquit, vos sanctos esse dicatis: Primū illud dico, quia qui nō fuit
rit

fol. 109.

fol. 96. ad-
uersus Hof.lib. 2. cōtra
liter. Petili.
cap. 48.

rit innocens, non habet sanctitatem. August. respondit: Ostende nobis tribunal ubi sedisti, ut ante te staret orbis terrarum, & quibus oculis non dico conscientias omnes, sed vel actus inspexisti & discussisti, ut eum perdidisse innocentiam iudicares. Ille qui raptus usque in tertium cælum, dicit: Sed neque ego me ipsum dijudico, & tu de vniuersa terra, qua hæreditas Christi dilatatur, audes ferre sententiam? Deinde, si satis absolutum tibi videtur quod dixisti, Qui non fuerit innocens, non habet sanctitatem: Quæro, si non habebat Saul sacramenti sanctitatem, quid in eo Dauid venerabatur? Si autem habebat innocentiam, quare innocentem persequabatur? Nam eum propter sacrosanctam vñtionem & honorauit viuum, & vindicauit occisum. Et quia vel panniculum ex eius veste præscidit, percussio corde, trepidauit. Ecce, inquit August. Saul non habebat innocentiam, & tamen habebat sanctitatem, non vitæ suæ, sed vñtionis. Hæc ille. Quid igitur homo vanissime Reuerendissimo Hosio insultas dicenti: Nihil igitur impedit, quo minus habeat spiritum sanctum episcopus aut sacerdos, quod, si minus ipse sanctus est, sanctos tamen alios faciat, vel docendi, vel baptizandi ministerio? Habent sanctitatem, quam vocat Augustinus Vñtionis, etiam si vitæ sanctimoniam quandoque destituatur. Præterea quomodo non à teipso diffides, dum alibi tuam & omnium hæreticorum auctoritatem vindicans, Cypriani errorem carpis, dicentis hæreticos baptizare non posse, quia spiritum sanctum non habeant? Si hæretici in baptismi ministerio spiritu sancto non destituuntur, cur eundem sacerdotibus, vitæ sanctimonia destitutis, adimes? cum tamen Catholicus quispiam quocumque, etiam vitij & criminibus scateat, quouis hæretico plerumque sit melior, eo quod hæretici ferè sint carnales & animales, ac per hoc æmuli, animosi, inuidi & inimici ipsi veritati, ut alicubi disputat Augustinus.

1. Cor. 4.

Sanctitas
alia vitæ,
alia vñtionis,lib. 4. de
bapt. cont.
Donat. cap.
20.

Cap. 22.

Declaratur, quàm falsè Smidelinus contra Bredenbachium concludat.

L

Iam

Ioan. II.

IAm vltro euanescent illę sophisticę nebulę, quas hęc simpliciũ oculis offudit calumniator, dum ex vniuerso illo demonstrationis corpore, quam Bredenbachius huic Hosianę declarationi per omnia conformem, huius iudicij veritati demonstrandę adhibuerat, vnum aut alterum syllogismum sophisticę colligit. Tamen em̃ Caiaphas Christum morti adiudicans, non respexit ad peccata Christi, quę nulla erant, nec ad peccata nostra, nihil hoc impedit veritatem iudicij. Ac tamen Caiaphas volens sublatum Christum, vitia pontificum repręhendentem, & nouam Cathedram meditatem, non idem voluit quod Deus, volens per mortem Christi, vitę restituere mundo: ideone non potuit iudicare iudicij veritatę Caiaphas? Sed heus Smideline, nẽ ita triumphes, nẽ ita furiosorum Corybātum more tuis illis fabrilibus, immo satanicis turpissimorum conuiciorum malleis tympanum pulsites. Moderare paululũ turgentem illum fastu & superbia pectoris tui follem tantum non rumpentem. Quid tibi videtur? Caiaphas, cũ collecto pontificũ & pharisęorum concilio, consultaret cum vniuerso sacerdotũ Senatu, an tollendus esset ẽ medio Christus: cũ, inquam, Caiaphas rebus omnibus consideratis, responderet: Vos nescitis quicquam: expedit vobis vt vnus moriatur homo pro populo, & non tota gēs pereat: putasne Caiapham idem sensisse, idem voluisse quod sentiebat, quod volebat Deus, quod volebat spiritus sanctus? Hoc nulli persuaseris, etiam si ad insaniam vsq; vocifereris. Et tamẽ idem ille sceleratus Caiaphas longẽ aliam à Dei voluntate mentem habens, teste Euangelistã, hoc à semetipso non dixit: sed cũ esset Pontifex anni illius, prophetauit. Eccẽ Smideline iam vniuersa illa tuorum syllogismorum tam mendax & incõdita strues, funditũs corruit: quare amantẽ & benignẽ te admoneo, vt vel nunc tandem semel discas mendacium, quantunũ fucatum, quantunũ palliatũ, diũ consistere non posse. Cur ad has pręstigias, ad has imposturas confugis, stultẽ confidens te sub hoc tam vano prętextu tutò latitaturum, sub hac ouilla larua, lupina rapacitate in ouili Christi impunẽ grassaturum? Quid iam tibi superest pręsidij Smideline? Quò te recipies? quo te subduces? quò confugies? Vides iam omnia tua tela confracta & collisa, omnes illos tuos arietes, quantunũ mendacijs

dacijs scabros, asperos & cornutos, validissimè depulso, immò in tuum ipsius iaculatis caput retortos. Quid igitur iam superest? Restat vltima tui exercitus acies, quam bellè admodum & planè militari gladiatorioq; more institutam, nunc in palæstram producis. Sequitur enim nunc blateratorum, ganeonum, profugorū, & stigmaticorum colluies: illa, inquam, furiosa cōiicia, lædoriæ, sannæ, risus sardonici, calumniæ, scommata, mendacia. Hæc iam manus pro patria, immò contra patriam pugnabit. Iam in arenā prodeunt Faliscorum pueri, iam Bredenbachius est calefactor, proditor, pontificius adulator, furiosus, mente captus, blasphemus, indignus quæ terra sustineat. Hæ sunt postremæ Smidolini copię. Quibus ego iā similem cohortem optimo iure possem opponere, immò has ipsas copias tuas cæsas & in fugam versas, in tuam ipsius perniciem agere & impellere: sed malim vincere malum in bono, quàm conuicium conuicio retaliare. Nolo hîc Camillum contra te accersere, qui non simplici fustigatione dignus es: nolo te calefactorem appellare, qui tales fumos, tales imposturas in causæ deploratissimæ patrociniū adhibes. Nolo te dicere proditorem, qui miseras & incautas animas propter pugillum hordei, propter momentaneam & inanem gloriolam interficis quæ non moriuntur, & viuificas quæ non viuunt, mentiens populo Domini credenti mendacijs. Non dicam te blasphemum & indignum quem terra sustineat, quæ tam impiè & blasphemè à fide vniuersi orbis Christiani apostatantem, indignum suo gremio censet catholica Dei Ecclesia, quem omnes boni velut Ethnicū & publicanū suo consortio censent indignū.

Ezec, 13.

Matt, 18.

CAP. 23.

Docetur, cur Christus docuerit cauendum à fermento Pharisæorum, hancq; Christi doctrinam non pertinere ad seditiōnem, vt temerè desciscamus à nostris præpositis. Deindè non omnia, quæ Deo permittente fiunt, esse probanda.

QUæ nunc apud Smidelinum sequuntur, non egent anxia responsione, & ex ijs quæ iam dicta sunt, facilè dissoluuntur. Loci apud Matthæum, Super Cathedram Moſis ſederunt scribæ & phariſæi &c. genuina ſententia milliès à Catholicis explicata,

Eze. 7.

Luc. 12.

plicata, & suprà à nobis tractata est. Quæ illi priuatis odijs accensi, contra Christum machinati sunt, fatemur ex Cathedra Mosis non esse profecta, & proindè rectè non præstitam illis auditionē. Quin etià implebatur illud vaticinium, Peribit lex à sacerdote, & iam iam abolenda erat Cathedra Mosis, & nouum sacerdotium instituendum secūdum ordinem Melchisedech. Cuius sacerdotij cum planè rudes essent, neq; agnoscerent aut intelligerent mysterium crucis, non est mirum, si in illis quæ ad hoc mysterium spectabant, cæci fuerint & cæcorum duces. Sedebant illi in Cathedra Mosis: earum igitur quæstionum, illius iudicij quod ad legem Mosaicam pertinet, veritatem ab illis require. Veniente Christo, q̄ de Christo controuertebantur, ad nouam Christi Cathedram pertinebāt: & subolescente iam luce Euangelica, vmbra Mosaicæ euanescebant, vnaq; cum vmbis lex ab ore sacerdotis Leuitici expirabat. Tametsi & aliquam de Christo cognitionem ex lege & Prophetis habuerunt, cum responderent nasciturum Christum in Bethleem Iuda, & pleniorē habere potuissent, si vt mandabat Christus, diligenter scrutati essent scripturas: sed quia maleuolam habebant animam & faciem velatam, mysterium crucis, & latentem illum in Christo Silenum non potuerunt compræhendere. Sed Petrus iam ex discipulo factus doctor Euangelicus, & spiritu sancto perfusus, in solenni illa concione, ea quæ ad Christi diuinitatē & crucis mysterium spectabant, publicitus prædicauit Act. 2. Rectè etià Christus à fermento pharisæorum cauere iubet, quod erat hypocrisis, dilatabant enim phylacteria sua, volebant primos accubitus, simulabant magnam sanctimoniam, cum essent sepulcra dealbata, cum intus auaritia, odio, inuidia & ambitione fœterent. Neq; solum ab hoc hypocriseos fermento rectè cauere iubet Apostolos Christus, verum etià à superstitionis doctrina, veluti in obseruatione ciborum &c. Hanc superstitionem dedocendi erant discipuli veritatis Euangelicæ, quum ea quæ in lege de his præcepta sunt, non habebant propriè ciborum condemnationem, sed mysteria rerum spiritualium. Cætera quæ contra legem Dei docebant Pharisei, veluti illud de corban, fatemur tecum Smideline & cum Theophylacto, non ex cathedra Mosis, sed ex auaritia & malitia eos docuisse. Fatetur

tetur idem Bredenbachius in commentarijs suis in Matthæum, & in libro de componendis diffidijs, hunc Matthæi locum de pharisæis in cathedra Moſis ſedentibus eò refert, nè detrectemus obedientiam, propter peccata ſacerdotum, aut etiã pontificum improbitatem. Exempla biblica de Cain, Loth, Noe, Dina & reliqua quæ hîc operoſè enumerat Smidelinus, ineptiùs allegantur, quàm vt accuratam reſponſionem mereãtur. Nemo enim uſque adeò deſipit, vt omnia ea quæ Deo permittente fiunt, probanda exiſtimet, tametſi quædam ex illis toleranda ſint. Permittit Deus regnare hominem hypocritam, nemo tamen probat hypocriſin. Nihilò ſeciùs hanc ipſam hypocriſin Deus conuertere nouit in occaſionem iuſtitie ſue, vt puniat peccata populi, nec vult temerè magiſtratu etiam iniquo rebellari, quantumuis ipſa iniquitas probari non poſſit. permiſit improbos phariſæos ſedere in cathedra Moſis, nec tamen eorum opera commendat, nihilò ſeciùs præcipit, vt quæ ſedentes in Cathedra dicunt, faciamus. Voluit tolerari, immò & audiri phariſæos, quantumuis malos: ubi autem legiſti Deum velle impunitum homicidium, fornicationem, ebrietatem, proditionem &c? Nò eſt nouum, ſi malo & refractario populo præſtituat Deus malos ſacerdotes, principes tyrãnos, & hypocritas, præpoſitos dyſcolos, & tamen his obedientiam præſtare, non autem eorum tyrannidem præbare, iubet Apoſtolus. Sed ad hoc non opus eſt pluribus reſpondere. Eat nunc Smidelinus, & glorietur ſe demonſtrãſſe, quàm horribilitè locus Moſis Deut. 17. deprauatus ſit à Bredenbachio. Opinor te candide lector intelligere, nò eſſe neceſſum vt Smidelinus de hac victoria magnum canat triumphum. Eſt ſanè quoddam malam illis gratiam referat, qui ei fuerunt authores, vt in hoc Deuteron. loco Lyrani deliria ſequeretur, neglecta interpretatione LXX, veritate Hebraica, & verſione Chaldaica.

FINIS.

L 3

AN-

86 ANTHYPERASPISTIS
LIBER SECVNDVS,
DE ORDINE ET HIERARCHIA ECCLESIAE
CATHOLICAE.

Cap. I.

Complectitur παρασκευὴν & preparationem libri secundi, & quid in eo tractandum sit, breuiter exponit.

Deut. 17.

politia ciuitatis Dei à Christo instituta.

Iohann. 21.

DEmonstrato ordine & Hierarchia in Republica Israelis, ac declarato, quo pacto in difficilibus & ambiguis quæstionibus ab inferioribus iudicibus ascendebatur ad sacerdotes Leuitici generis, itemq; quomodo synagoga summum aliquem inter reliquos sacerdotes habuerit pontificem, cuius imperio si quis non obediret, eum ex decreto iudicis è medio tollendum: transibat nunc Bredenbachius ad Politiam ciuitatis Dei, quam ipse Christus, abrogatis umbris synagogæ Iudaicæ, in Ecclesia sua instituit. Atq; hinc docebat Bredenbachius, quæ admodum in synagoga vnus perpetuò præfuit summus pontifex, atq; huic adhibiti fuerunt sacerdotes Leuitæ, tanquam Senatores, ita Christum in Ecclesia & ciuitate sua quendam ordinem & Politiam instituisse, quæ ciuilis alicuius siue urbanæ ac benè constitutæ œconomix formam ac faciem repræsentaret. Et quoniam inter omnes politix species nulla, testantibus scriptoribus, & quotidiano rerum vsu docente, monarchiæ præferatur, (quam etiã in synagoga instituit, & obseruari voluit Deus) eapropter, Christum pulcherrimam quandam ciuitatem erigere volentem, quæ esset vel. uti castrorum acies ordinata, quamq; sibi in sponsam vnicè adamatam deligeret ac desponsaret, monarchicam quandam œconomiam in eadem sua ciuitate instituisse. Cuius ciuitatis tamen ipse primarium fundamentum & caput supremusq; princeps esse volebat, tamen quia sciebat se peregrè in longinquam regionem profecturum, & ad patrem reuersurum, nec amplius eo modo, quo apostolis conuixerat, cum filiis sponsi conuersaturum, delegisse sibi quosdam senatores, videlicet Apostolos suos, atq; inter hos vnum velut consulem præfecisse Diuum Petrum. Hanc Senatoriam digni-

gnitatem Apostolis collatam, & inter hos Petri eminentiam euidētissimis Christi & Euangelistarum verbis demonstrabat Bredenbachius. Nec solū Petri eminentiam docebat, sed & clauēs huius ciuitatis ei datas, & quomodō magistratum aditurus, inauguratus sit, quanta cum autoritate & maiestate, & quā praeclaro successu magistratum suum administrauerit, quomodō velut os totius senatus omnium nomine vocem suam extulerit: quomodō subindē senatum conuocauerit, & exorientes controuersias definiuerit, quomodō de nouo senatore eligēdo agere cōperit: Hęc inquam Ioan. 21. Bredenbachius ipsis Christi & Apostolorum verbis & actibus luculentissimē & irrefutabiliter demonstrabat, Patrumq; testimonijs & expositionibus confirmabat. Quid autem ad hęc Smidelinus? Fascinatus splendore Pontificio, inquit: fingit Diuum Petrum cōstitutum à Christo ciuitatis Dei, hoc est, Ecclesię consulem, cui clauēs portarum cæli dederit: Huic reliquos Apostolos tanquā senatores adhibuerit &c. Obsecro te pie lector, considera hic blasphemam vanissimi hominis impudentiam. Quid est fingere, si hoc non est fingere? Cur non eadem opera dicit Euangelistam, immō Christum ipsum fingere, dicētem: Tibi dabo clauēs regni cælōrū? Matt. 16. Ecce quo nō adigit hominem pertinax & obstinata malitia? Quid non audebit negare, quem dicere non pudet Christum fingere? Quid enim aliud dicit, cū Bredenbachium Christi verba proferentem, fingere asserit? Eiusdem est impudētia, quod sequitur: Sed ad ea quę præcedunt, inquit, quid opus est prolixē respōdere? Hęc enim est pontificiorum vetus cantilena, & à nostris & scripturæ & S. Patrum testimonijs ita confutata, vt si quid ipse melius adferre coner, soli lumen mutuare videar &c. Nihil facilius est, quā huiusmodi strophis & sycophantijs apertam veritatem eludere. Sed vt impudētissimas imposturas detegamus, Patres orthodoxos has ipsius Christi & Euangelistarum de primatu Petri sententias vnanimi consensu explicantes, in medium proferemus. Et quoniam paulō pōst Smidelinus hęc tria probare conatur, principiō (quod iam ex ipso diximus) Petrum non habuisse primatū super reliquos Apostolos, & Ecclesiam Christi, qualem ei attribuit Bredenbachius, Deindē si maximē talem potestatem adeptus esset Petrus, nihil ad

ad Romanum Pontificem pertinere. Postremò, quoniam Christus nulli Apostolorum primatum concefferit, non expedire, vt in Ecclesia Christi summa potestas vni deferatur: vt commodiori ordine & vna opera hæc tria paradoxa confutemus. Principiò, quanta poterimus breuitate & luculètia docebimus, quo signo vera Christi Ecclesia demonstrari possit, & quòd in hac necessarium sit, vnū aliquem generalem gubernationem & hierarcham præesse. Deinde, hunc gubernatorem à Christo peregrè proficiscente, & ad patrem reuertente, constitutum esse D. Petrum. Postremò, necessum esse, vt D. Petro iam olim glorioso martyrio, è terris in cælum sublato, vnus aliquis in generalem illam gubernationem successerit, atq; hunc successorem aliū esse non posse aut fuisse, quàm Romanum Pontificem. Hæc vbi (quod bona fide faciemus) demonstrauerimus, vltro euanesceat Smideliani fumi, quos è sua officina simplicium oculis offundit, tametsi & eos ipsos peculiari confutatione refellemus, nè Smidelinus putet suis artibus & suis se laqueis iugulari, quibus pro more habet proposita argumenta non idonea solutione dissoluere, sed paucula in speciè contraria obijcere, cum vsitatum sit in dialecticis disputationibus axioma: multiplicare, inconueniens non est soluere.

Smidelinus
proposita ar-
gumèta nõ
dissoluit,
sed multi-
plicat incõ-
ueniens.

Cap. 2.

Quomodo Ecclesia Dei Catholica sit visibilis & inuisibilis, & cur ab hæreticis non videatur Ecclesia.

Matth. 5.
August. lib.
3. cõtra epi-
stolam Par-
meniani. Et
lib. de vni-
tate Eccle-
siæ cap. 14.
Matt. 18.
Actor, 20.

Longiùs hæc paulò repetenda sunt, vt veritas fiat manifestior. Ac principiò nè putet aduersarius nos rem quampiã demonstraturos, quam ille cum præceptore suo Brentio dicit inuisibilem, quanuis in libro contra Hosium videatur de huius placiti pertinaci defensione non nihil remisisse, dicimus non posse abscondi ciuitatem supra montem positam. Dicimus cum D. Augustino, hanc ipsam ciuitatē esse Ecclesiā. Dicimus cum Christo: Si peccauerit in te frater tuus, dic Ecclesiæ. Quomodo dicit, si videri non possunt illi quibus dicit? Dicimus cum Apostolo: Spiritus sanctus posuit Apostolos regere Ecclesiam dei. quos regent? num eos quos non vident? Scribit idem se Ecclesiam

Dei

Dei persecutum: poteratne persequi quam non videbat? Vndè melanchthon rei absurditate victus, sententiam mutauit, pfitens Ecclesiam esse visibilem, cui etià consentit Calvinus capite octauo institutionum. Ac tametsi dicamus in symbolo, Credo: non autè, video & sentio Ecclesiam: multa tamè complectitur hic articulus, quæ credimus & non videmus, licèt Ecclesiam quam credimus, videamus. Qui sint electi in hoc cœtu vocatorum, quem Græci vocant ἐκκλησίαν, nec videmus, nec agnoscimus, quantumuis se certò electum perquàm arrogantè videri velit Smidelinus, cùm solus Dominus nòrit qui sint eius: credimus nihilominùs firmitè, neminem electorum catalogo ascribi posse, nisi huic cœtui vocatorum associetur. Credimus etià hanc ecclesiam regi spiritu sancto, eamq; ob causam errare nò posse: credimus eam, dicente Apostolo, esse firmamentum & columnam veritatis. Hæc & alia multa credimus, quæ tamen non videmus neq; sentimus, quantumuis ipsos qui ad hunc cœtum vocatorum, ad hanc Ecclesiam pertinent, videamus & sentiamus. Sic D. Gregori⁹ in illud, Quia vidisti me, Thomas, credidisti: Aliud, inquit, vidit Thomas, aliud credidit: Vidit Christum, credidit Deum &c. Ait Esaias, Erit in nouissimis diebus manifestus mons domus domini, paratus in cacumine montium. In quem locum D. Augustin⁹: Quid, inquit, tam manifestum, quàm mons? Sed sunt & mōtes ignoti, quia in vna parte terrarum positi sunt. Quis vestrū nouit Olympum montem? quomodò ibi qui habitant, Giddabam nostrum non nòrūt? In partibus sunt isti mōtes. Ille autem mons non sic, quia impleuit vniuersam faciem terræ: & de illo dicit, Paratus in cacumine montium. Mons est super cacumina omnium montium. Et congregabuntur, inquit, ad eum omnes gentes. Quis errat in hoc monte? Quis frāgit faciem offendendo in illum? Quis ignorat ciuitatem super montem constitutā? Sed nolite mirari quia ignoratur ab istis, qui oderunt fratres: quia in tenebris ambulant, & nesciunt quò eant, quia tenebræ excæcauerunt oculos eorum. Montem non vident? nolo mireris, oculos non habent. Vndè oculos non habent? Quia tenebræ excæcauerunt eos. Vndè probamus? Quia fratres oderunt, quia cū offenduntur in Afros, separant se ab orbe terrarum, quia non tolerant

In locis cōmunibus, & in cap. 8. ad Romanos.

Quomodò Ecclesiam simul videmus & credamus. Matt. 22.

2. Tim. 2.

Esa. 2.

August. in epist. Ioan. tractat. 1.

Hæreticis? cur ignota & inuisibilis Ecclesia.

M

pro

pro pace Christi, quos infamant, & tolerāt pro parte Donati quosdamnant. Hæc ille. Vos ergo dum Ecclesiā inter nescio quas imaginarias ideas collocatis, & inuisibilem ignotamq; dicitis, non habendi estis pro legitima Christi sobole, pro germanis Ecclesiæ Christi sponsæ castissimæ filijs, sed pro nothis & exposititijs diaboli, ex meretrice seditiosa secta. Cuius enim infantix est, nō nouisse matrem, tam beneficam, tam mobilem, tam illustrem? Cuius cæcitatis, non videre montem super omnia omnium montium cacumina eminentem? non agnoscere ciuitatem illam, cuius fundamenta in montibus sanctis?

Cap. 3.

Quo signo vera & visibilis & Catholica Christi Ecclesia verissimè cognosci possit, nempe si digito DEI demonstretur, esseq; Ecclesiam catholicam digito Christi nobis demonstratam.

Signū quo
certò demō
stratur Ec
clesia.

ARgumenta igitur & signa, quibus Ecclesia ista visibilis demonstrari potest, etsi multa sint, nullum tamen commodius traditur, quàm id quod per se clarum est. Signū enim notius esse debet illa re, quæ per id declarat. Proinde ut res visibilis cognoscatur, non est danda nota inuisibilis. Quemadmodum enim fieri non potest, ut ad aliquem hominē cognoscendū adstringar, multoq; minùs ex ore eius doctrinā percipiendam, nisi certiora suppetant indicia, quibus illum agnoscere possim: ita nec ad Ecclesiam venire, & ab ea doctrinam petere, eiusq; legibus obtemperare cogemur, nisi certis & manifestioribus signis illa demonstretur. Ideo quippè Ecclesiam cognoscere tenemur, ut sciamus cui congregationi debeamus adiungi, cuius legibus parere, & cuius præsidibus obedire, non idè tantum, (ut docuit Luterus) ut sciamus cui debeat euangelium prædicari, cum id nō solum in Ecclesia, verum etiā extra Ecclesiam infidelibus, ut ad Ecclesiam veniant, sit denunciandum. Ut igitur cognoscamus verum Ecclesiæ signum, in primis adnotandum est, non posse manifestius dari, quàm si digito Christi demonstretur. Atq; hoc cum factum

factum sit Apostolorum tempore, quibus dixit, Vos estis lux mundi. Et Ioan. 20. Sicut misit me pater, & ego mitto vos. & iterum alibi: Qui vos audit, me audit, &c. non erit nobis dubitandum, quin fuerint membra veræ Ecclesiæ. Caterum quia hodiè talis demonstratio fieri non potest per Christi digitum, illud nobis sufficere debet, ut signum aliquod inueniamus, quod nostra hæc Ecclesia eadem sit cum illa, quam demonstraui Christus digito suo. Hoc porro signum aliud esse non potest, quàm si demonstretur, Ecclesiam aliquam huius temporis derivatam esse ab Ecclesia Apostolorum, perpetuo quodam ordine supremorum episcoporum & capitum, deinceps sibi in eodem munere & eiusdem doctrinæ professione succedentium, quem veræ & incorruptæ historiæ monumenta confirmant. Quod signum quoniam euidentè cognoscimus hodiè competere in Ecclesiam, quæ Episcopo Romano vero & legitimo Petri successori, tanquæ vicario Christi parèt: idè certa fide tenemus, solam hanc veram esse Christi Ecclesiam, solam veros & legitimos habere ministros, qui suam originem ad Apostolos referant, à quibus per legitimas & continuatas ordinationes ortum duxerunt, solam deniq; puram Euangelij doctrinam & legitimum Sacramentorum usum docere. Non latuit hoc signum vetustissimos Theologos, qui cum de Ecclesiæ unitate aduersus hæreticos disputabant, semper se ad hoc tanquàm ad arcem tutissimam, vnde profigare hostes facillè possent, recipiebant. Videre hoc licet in Irenæo lib. 3. cap. 3. quo loco aduersus hæreses Valentini summorum Pontificum Roman. vsq; ad sua tempora ordinem recenset. Cuius enumerationis meminit etià Eusebius lib. 5. Ecclesiæ. historiæ capite 6. Dicit idem Irenæus lib. 4. cap. 33. & 63. Eis tantum obediendum esse, qui successionem haberet ab Apostolis. D. Augustinus epist. 165. eadè doctrinam habet, ubi à D. Petro vsq; ad Anastasium sui temporis Pontificem, omnes enumerat Romanos episcopos. Videatur idem contra Epist. Fundamenti, capite 4. ubi inter cætera de Ecclesiæ signis loquens, ita dicit: Omittès synceram sapientiam, quam in Ecclesia esse Catholica non creditis, multò sunt alia, quæ in eius gremio me iustissimè teneant. Tenet consensus populorum atq; gètium, tenet autoritas miraculis in-

Matt. 56

Lucæ 106

M 2 cho-

Ioan. 21.

choata, spe nutrita, charitate aucta, vetustate firmata: tener ab ipsa sede Petri Apostoli, cui pascēdas oues suas post resurrectionē nŕs commendauit, vsq; ad præsentem episcopatum, successio sacerdotum. Videatur liber de vtilitate credendi cap. 17. & 46. Item in qŕst. vet. & noui testamenti, qŕst. 110. Præterea Optatus Mileuitanus cōtra Parmenianum scribens, lib. 2. contra Donatist. enumeratis Pōtifi. Rom. vsq; ad Syricium, qui tum sedebat Romæ, rogat vt etiā Donatistæ cathedræ suæ originem redderēt. Multa de hac re scripserunt Tertullianus de præscrip. hæret. Cyprianus lib. primo epistola 3. & 6. lib. 2. epist. 10. lib. 3. epist. 2. & maximè libro de simplicitate Prælat. Itē Origenes in princip. *περί ἀρχῶν*, vbi inter cætera sic ait: Seruetur Ecclesiastica prædicatio per successionis ordinem ab Apostolis tradita, & vsq; ad præsens in Ecclesijs permanens: atque illa sola veritas esse credatur, quæ in nullo ab Ecclesiastica discor-dat traditione. Videatur & libellus Vincentij Lirinensis, quem ante annos mille aduersus hæreses scripsit.

Ex quibus omnibus facillè colligere licebit pio Lectori, (in cuius potissimū gratiam hæc altius repetimus) successionem constantem & non interruptam Romanorum Pontificum in eadem fide & doctrina ab Apostolis vsq; ad hæc tempora, verum esse & manifestum inueniendæ Ecclesiæ documentum. Hæc enim successio docet, hanc nostram Ecclesiam eandem esse cum illa, quam digito suo nobis Christus demonstrauit. Porro nè quod suprà dixim⁹, in eadem fide & doctrina, calumniatur Smidelinus, quanuis temporum, morum & hominum mutatione cogente, Pontifices & cōcilia, pleraq; mutauerint, quod & ipsos Apostolos fecisse legimus, ipsam tamen primariam fidē, eaq; ipsa in quibus hæc sita est & versatur, integra, incōcussa & illabefacta, vnā cum hac perpetua & cōtinuata successiōe ad nos deriuata esse, oīe Catholicorū lucubrationes & patrum orthodoxorū monumenta clarè ac dilucidè ostēdunt. Quorum illos, quoniam Smidelinus cum suis gregalibus diŕterijs & conuicijs repellit, hos pro suo arbitratu vel sibi fauentes tanq̃ sanctos Patres recipit, vel contrarios tanquā homines reijcit: facillè patet, istam Philistæorum cohortem non moliri aut conari, vt arcam Domini defendāt, ac sartam teŕtam conseruent, sed rapiant,

rapiant, diripiant, lacerent, ac conculcent. Hæc est igitur Ecclesia, hæc est successio sacerdotum, Smideline, de qua nos cum uniuerso illo sanctissimorum doctorum Senatu & Martyrum agmine gloriamur: quam sempiternæ spiritus sancti præsentis promissionis habere, persuasum firmiter habemus, quam vos heri (quod aiunt) & nudius tertius nati, cum proferre non potestis (quod & Optatus Mileuit. & D. Augustinus exprobrat Donatistis) mirandum non est, si in ea oppugnanda neruos vestros omnes contenditis. Neque verò negamus etiam verbum Dei verum esse signum, quo cognoscatur Ecclesia, sed hoc ipsum & synceram huius sapientiam, ut ait Augustinus, in Ecclesia esse Catholica non creditis. Qua autem fronte illud vobis vendicatis? Si olim in Ecclesiæ sinu nati, si vberum eius lacte nutriti, aduersus eam gladium leuatis, reddite quod accepistis, & estote, si potestis aliter, Christiani. Ideo ne synagogæ vestræ (multæ enim sunt) ius & nomen & hæreditatem inuadent Ecclesiæ, quia quod huic eripuitis, vestrum esse gloriamini? Quo iure demum, aut quo titulo possessio verbi Dei ad vos deriuata est? An vobis licere ducitis, quod ne in prophanis quidem possessionibus ulli hominum conceditur? Iustus ibi titulus & causa possidendi legitima requiritur. Vnde autem vobis competit scripturarum possessio? Hunc gradum obstruimus, inquit Tertullianus, non admittendi eos ad illam de scripturis disputationem, si hæc sunt illæ vires eorum, ut ne eas habere possint. Dispici debet cui competat possessio scripturarum, ne is admittatur ad eandem, cui nullo modo competit. Et paulò post: Ordo rerum desiderabat illud prius proponi, quod nunc solum disputandum est: quibus competat fides ipsa, cuius sint scripturæ, à quo, & per quos & quando, & quibus sit tradita disciplina qua fiunt Christiani. Hæc ille. Siue ergo veram Ecclesiæ notam asseras verbum Dei, siue perpetuam illam & admirabilem sacerdotum successionem, siue populorum & gentium consensionem, siue auctoritatem miraculis inchoatam, spe nutritam, charitate firmatam, (quæ omnia D. Augustinum in Ecclesiæ gremio iustissimè tenuerunt) siue inquam hæc singula, siue horum aliqua proferas, nostra sunt, Catholicorum sunt, Ecclesiæ sunt, & eorum qui hanc pro matre & Christi fidelissima sponsa agnoscunt. Sit fusca,

M 3

sit

cap. 4. cont.
epist. fundamenti.De præscript.
hæret.

Neceſſum
eſſe, vt viſi-
bili eccleſie
viſibile ca-
put & gene-
ralis guber-
nator pſit.

ſit nigra, decolorauerit eam feruens tribulatiōum tentationumq;
ſol, & quotidianę militiæ caſtrorumq; puluis, mater tamen eſt oīum
in Chriſto viuentiū, & à veris, gniſijs, germanijsq; filijs mater agno-
ſcitur. Sed nunc primi illius articuli membrum tractabimus, vide-
licet, neceſſum eſſe huic iam à nobis demōſtrata viſibili Eccleſiæ,
viſibile etiā caput, taquā generalem gubernatorem & hierar-
cham, præeſſe.

Cap. 4.

*Viſibili Chriſti Eccleſiæ neceſſum eſſe viſibile quoddā ca-
put, & generalem gubernatorem præſci ad vitanda ſchi-
ſmata.*

Vide Augu-
ſtinum di-
ſſertē de his
differentem
in pſal. 86.
in verbis il-
lis, Funda-
menta eius
in montib;
ſanctis.
Matth. 5.

TAmetsi Smidelinus Bredēbachium, præter caput Eccle-
ſiæ Chriſtum, vicarium adhuc caput conſtituentem Pe-
trum & ſucceſſorem Petri, criminetur, quaſi hoc pacto
biceps monſtrum obtrudat Eccleſiæ, (tam reuerentē de
re tam ſacra & ſeria loquitur) nihil tamen vetat, quo min⁹ hanc
Bredenbachij & vniuerſæ Eccleſiæ Catholiciæ doctrinam tuea-
mur. Fatemur Chriſtum Eccleſiæ caput, fatemur & fundamentum.
Sed rurs⁹ fatendum eſt Smidelino, Apoſtolos quoq; duodecim,
dici duodecim Eccleſiæ fundamēta in Apocalypſi. Fatemur Chri-
ſtum eſſe paſtorem, atq; adeò ἀρχιποιμένα & paſtorem magnū oui-
um: ſed fateatur & Smidelinus Apoſtolum dicere, Dedit alios pa-
ſtores & doctores. Solus Chriſtus eſt vera illa lux, quæ illuminat
omnem hominem venientem in hunc mundum, & tamen ad Apo-
ſtolos dicit, Vos eſtis lux mundi. Non igitur nouum eſt, ſi dicamus
Chriſtum eſſe primarium Eccleſiæ caput.

Cæterū quia nunc peregrinatur, nec eo modo in terris con-
uerſatur, quēadmodū olīm cum Apoſtolis cōuerſatus eſt, (tāet-
ſi potentia ſua vbiquē ſit incircuſcriptiue, vt loquuntur ſchola-
ſtici, & gratia & ſpiritu ſuo penēs Eccleſiam ſit, & permanebit vſq;
ad conſummationem ſeculi) rectē dicimus, magnam illam ciuitatē
Dei, cuius fundamenta in montibus ſanctis, quam iam non inuiſi-
bilem ſub modio latere, ſed viſibile & ſupra montem poſitam eſ-
ſe declarauimus: rectē, inquam, dicimus hanc ciuitatem habere ſu-
oſ

os Senatores, suos Magistratus, suos Episcopos, præfectos & principes. Et quemadmodum in benè constitutis imperijs vnum aliquem imperatorem & Monarcham præesse videmus: ita in hac ciuitate summè necessarium dicimus, vnum aliquem præesse consulem, in quo veluti vertice & cardine totius gubernationis moderamen & potestas versetur & consistat. Nam tametsi Smidelinus Aristocratiam, vel (quod ex multis euidèter patet) anarchiam potius præferre conatur, monarchia tamen extra cōtrouersiam optima est, & publicæ paci conseruandæ commodissima, quod ante tot secula summus ille philosophorum princeps Aristoteles animaduertit, asserens in vna multitudine necessum esse, vt cuncta regulentur ab vno *ἡγεμονικῷ*, vt ipse loquitur, aut principante, sinè quo nemo diu aut constanter faciet, quod est sui officij, sed quisq; p suo arbitrio & libidine vsurpabit officium alterius, atq; ita necessariò dissoluetur societatis vnitas. Quam etià dicit demonstrari à natura in animantis corpore, cui conformitèr habere se debet omne corpus vnità & confociatà multitudinis. Nisi enim in vno corpore vnum esset motuum principium membrorum omnium, nunq̃ conspirarent omnia in vnum & totius vtilitatem: immò vno hac, altero mouente in contrarium, foret schisma in corpore, & mutuo se membra impedirent. Vnum sanè caput omnia membra longè commodius potest in vnitate, pace, atq; concordia conseruare, & ad vnum finem dirigere, quàm plura capita, quorum cū diuersæ subindè sint sententiæ, non rarò fieri solet, vt membra diuersis adhæreant, & ad diuersum finem respiciant, ac dissensionibus vnitatem diuidant, quod in hæreticorum Ecclesijs euidentèr conspiciamus.

Vnitatem porrò conseruat Monarcha non per absentiam, sed quia præsens easdem omnibus leges & idem institutum proponit. Proindè vt vnitas ista Ecclesiæ conseruaretur, vno pastore visibili opus fuit, qui omnes Christi fideles in eiusdem fidei vnitate cōseruaret, & ad eūdem scopum perduceret, nè diuersis supremis capitibus constitutis, diuersa fides atq; Religio in Ecclesiam induceretur: vt prærerèa vnus iudex visibilis esset, qui omnium subditorum & aliarū potestatu causas definiret, & dissensionē compo-

ne-

neret, nè nullus esset, qui diuersa capita nonnunquam (vt fit) dissidentia, ad vnitatem & concordiam reuocaret. Nam licet Christus (vt dictum est) Ecclesie sue semper presens fuit, non tamen per se (vt experimur) quæstiones quæ occurrunt soluit, aut inter dissidentes iudicat, quantumvis ineptè ad iudicium Christi prouocet Smedelinus in huiusmodi causis: sed quemadmodum in Sacramentorum administratione hominum ministerio utitur, ita etiam in unitatis Ecclesiasticæ conseruatione. Hinc rectè beatus Hieronymus aduersus Iouinianum ita loquitur: Inter duodecim vnus eligitur, vt capite constituto, schismatis tollatur occasio. Et rursus in capite 2. Esaia: Super vnum montium Dominus fundauit Ecclesiam suam, & loquitur ad eum, Tu es Petrus &c.

Hieron.

Cyprianus.

D. Cyprianus præterea tractatu 3. de simplicitate Prælatorum: Exordium, inquit, ab unitate proficiscitur, vt Ecclesia vna mōstretur. Idem octaua epistola lib. 1. Vnus est Deus & Christus vnus, Ecclesia vna & cathedra vna, supra Petrum Domini voce fundata. Et rursus eiusdem libri epist. 3. Neq; enim aliud hæreses obortæ sunt aut nata schismata, quam indè quod sacerdoti Dei non obtemperatur, nec vnus in Ecclesia ad tempus sacerdos & iudex vice Christi cogitatur. In eadem sententiam lib. 4. epist. 9. Indè schismata & hæreses obortæ sunt & oriuntur, dum Episcopus qui vnus est, & Ecclesie præest, superba quorundam præsumptione contemnitur, & homo dignatione Dei honoratus, indignus hominibus iudicatur. Et Hieron. Ecclesie salus in summi sacerdotis dignitate pēdet, cui si non exors quædam & ab omnibus eminens detur potestas, tot in Ecclesijs efficiuntur schismata, quot sacerdotes.

Hierony.
aduersus
Luciferia-
nos.

In synago-
ga vnus fuit
summus sa-
cerdos.

In Ecclesijs
particulari-
bus vnus su-
perior.

Proindè vetus synagoga vnum habuit supremum sacerdotem, quemadmodum suprà declaratum est ex Deut. 17. qua cum nō sit deterior, immò excellentior & magis ordinata Ecclesia Catholica, haud dubiè vnum etiam erit caput in ea relictum. Huc accedit qd in particulari qualibet Ecclesia vnus sit superior, qui eam moderetur & regat: ergo etiam in vniuersali Ecclesia vnus erit superior, qui vnitatem totius corporis conseruet. Præterea in Ecclesia triūphante in celis vnum est caput nobis inuisibile, ergo in Ecclesia militante in terris atq; visibili vnum est caput visibile, quia Ecclesia q̄

in

in terris degit, imitatur ordinē Ecclesiæ cælestis. Hinc beatus Bernardus ad Eugenium Pontificem: Non vilem, inquit, reputes formam hanc, quæ in terris formam habet in cælo. Vidit hoc qui dicebat, Vidi ciuitatem sanctam Ierusalem nouam, descendētem de cælo. Sicut enim Angeli, Archangeli, Virtutes, Potestates, Throni, Dominationes, Cherubin, Seraphin sub vno sunt capite Deo, ita & hic Patriarchæ, Archiepiscopi, primates, Episcopi & reliqui sub vno sunt Pontifice summo. Neq; est paruipendendum, quod Deum habet authorem, & de cælo ducit originem.

Apoc. 21.

Cap. 5.

D. Petrum constitutum esse Christi vicarium, & generalem Ecclesiæ gubernatorem, quod multis Euangelij & Patrum testimonijs declaratur.

QUandò igitur apertè docuimus, in Ecclesia vnū esse relictum, qui tanquā Christi Vicarius, totius Ecclesiæ curam gerat: nunc deinceps explicandum venit, quisnam ille fuerit, cui Christus seruator tantam curam im-

posuit. Illum autem fuisse D. Petrum, loca à Bredēbachio citata manifestè coarguunt. Ac tametsi Smidelinus suis strophis hæc omnia eludat, asserens hæc à suis esse confutata, quā uerè istud iactitet, vel vnus Matthæi locus, paulò pensculatiùs examinatus, facile declarabit. Beatus es Simon Bariona, inquit Christus, quia caro & sanguis non reuelauit tibi, sed pater meus qui est in cælis: & ego dico tibi, quia tu es Petrus, & super hanc petram ædificabo Ecclesiam meam, & tibi dabo clauēs regni cælorū: & quodcunq; ligaueris super terram, erit ligatum & in cælis: & quodcunq; solueris super terram, erit solutum & in cælis. In his verbis duo quædam inueniuntur, videlicet, commendatio personæ, & promissio committendæ potestatis. In vtraq; autem parte notandum est, totum sermonem ad personam Petri referri: ob hanc enim causam, non solum nomen eius, sed & patris nomen exprimitur. Et præterea additur, Et ego dico tibi. Quasi dicat, inquit Hieronymus: Tu dixisti mihi. Iam ego vicissim dico tibi, quia tu es petrus, & super hanc Petram ædificabo Ecclesiam meam. Quod interpres Græcus

Petrus cō-
stitutum es-
se Christi
vicarium.

Matt. 16.

N

&

& Latinus petram transtulerunt, hoc Chaldaei vocant **ܩܝܢܐ**. Vnde Petrus Cephass dicitur, significaturq; ea voce suxum inges aut rupes, cui commodè inniti possit ingens aliquod ædificiū. Vult itaq; Christus Dominus Ecclesiam suam super Petrum ædificare, hoc est, eius humeris totius Ecclesiæ curam imponere, vt ipsam non solum in fide instituat atq; sustentet, sed etiã cura & administratione gubernet. Atque hoc est quod post trinam amoris Petri stipulationē, Dominus tẽr ad ipsum responderit, Pasce oues meas: vbi textus Græcus significantioribus verbis vtitur: *βόσκει τὰ ἀγρία μου, ποιμαίνει τὰ πρόβατα μου*. id est, Pasce oues meas, Rege oues meas: quod in suis annotationibus obseruasse videmus Erasmus. Iam autem quod his verbis non esse Primatum Petro collatū, tam confidenter asserit Smidelinus, ne illum optimo iure repræhenderit Sapiens ille Paræmiographus: Nè innitaris prudentiæ tuę. Quod verbum tractans Hieronymus in parabolis, (vt refertur de constitut. cap. Nè innitaris) Prudentiæ suæ innititur, inquit, qui ea quę sibi agenda vel dicenda videntur, Patrum decretis anteposit. Nos igitur spreto illo non minùs temerario quàm superbo Smidelini spiritu, quo sibi soli rectam huius loci intelligentiam tam arroganter vendicat, Patrum Orthodoxorum sententias audiamus. Inter hos primum faciamus D. Clementem Pontificē & martyrem, atq; ipsius D. Petri primi pontificis discipulum: Notum tibi facio Dñe, inquit, quia Simon Petrus verę fidei merito & integrę prædicationis obtentu fundamentū Ecclesiæ esse definitus est. Qua de causa etiã Domini ore cognominatus est Petrus. Petra quidem dictus est Christus. A petra cognominatus est Simō Petrus, vt in hac ratione edoceamur, petrum Christi vicem in terris habiturū, cuius nomen & accepisse cognouimus, & eundem petram vocari, supra quam fundanda erat Ecclesia.

Cyprianus. Cyprianus episcopus & martyr, tam multis in locis euidentissimis verbis petri primatum attestatur, & Ecclesiam supra ipsum fundatam. Videatur liber de simplicitate prælatorum, Epistola ad Iubaianum, Tract. 2. de habitu virginū, & ad Fortunatum de exhortatione ad martyrium. Ex plurimis vnum duntaxat locum producemus ex epistola aduersus Nouatianum de vnitatem Ecclesię: Loqui-

In cap. 21.
Ioan.

Pro. 3.

S. Patrum
sententię
de primatu
Petri.
D. Clemens
martyr
Epist. 1. ad
Iacobū fra-
trem Dñi.

quitur Dominus ad Petrum, Ego dico tibi, quia tu es petrus, & super istam petram ædificabo Ecclesiam meam &c. Et eidem post resurrectionem dicit, Pasce agnos meos, pasce oues meas. Super vñ ædificat Ecclesiam, & illi pascendas oues committit &c.

Hilarius quoq; in 16. cap. Matt. sic de D. Petro loquitur: O in nuncupatiōe noui nominis felix ecclesiæ fundamentum, dignaq; ædificatione huius petræ, quæ infernas leges & tartari pœnas, & oīa mortis claustra dissolueret. O beate cæli ianitor, cuius arbitrio clauēs æterni aditus traduntur, cuius terrestre iudicium præiudicata autoritas fit in cælo, &c.

In eandem sententiam Cyrillus Episcopus Hierosolymitanus: Nec Simon fore sibi nomen, inquit, sed petrus, prædicit, vocabulo ipso cōmodè significans, quod in eo tanquā in petra lapideq; firmissimo suam esset ædificaturus Ecclesiam. D. Ambrosius serm. 16. petri præconium sic cecinit: Audistis frequenter ipsum Petrum à Domino petram nuncupatum &c. Si ergo, inquit, petrus petra est, super quam ædificatur Ecclesia: rectè prius pedes, scilicet clau- di ex vtero matris, sanat, vt sicut in Ecclesia fidei fundamentum continet, ita & in hoc membrorum fundamenta confirmet. Rabanus quoq; de petri primatu in hanc sententiam scribit: Qui regem cælorum maiori præ cæteris deuotione confessus est, meritò præ cæteris collatis clauibus regni cælestis dotatur.

Sed quid rem tam passim & vbiq; in patrum monumentis obuiam, ac tantis iam olim testimonijs illustratam, pluribus demonstrare conor? Videatur Anacletus tertius post D. Petrum pontifex, in epistola ad episcopos Italiæ & ad vniuersos toto orbe sacerdotes, D. Ambros. serm. 47, Tertull. de præscript. hæreticorum, Cyprianus lib. 1. epist. 3. ad Corneliū. Quid ad hæc Smidelinus? Hæc est, inquit, pontificiorum vetus cātilena, & à nostris & scripturæ & SS. patrum testimonijs confutata. An cuiquam probauerit Smidelinus, se testimonijs patrum diuersum ostendere posse? An sanctissimos illos laudatissimosq; præfules, Martyres & doctores, mendaces, vanos & sibi contrarios probabit? an verò seipsum potiùs, tam temerè de sanctis Patribus pronunciantem, vanum & mendacem ostendet?

Hier. 3.

Responsio

Quo petrus
dicat Apo-
stolorum
princeps, &
quo Apo-
stoli fuerit
pares.

Rom. 16.

Demonstrauimus haec tenens, quomodo scripturas tractauerit: nunc, ut se diuina simul & humana pollueret & promiscua habere ostendat, etiam uniuerso illi sanctissimorum patrum senatui hanc ignominie notam inurere conatur, quasi aut sibi contraria scripserint, aut Petri eminentiam & principatum negauerint, cum id ipsum tam multis iam ipsorum verbis à nobis demonstratum sit. Verè tibi frons meretricis, frons impudētissimi ganeonis, facta est, nesciens erubescere. Sed fortassis Origenē & sibi & ceteris omnibus contrarium declarare conabitur, qui tractat. i. in Matt. non solum Iacobum & Iohannem filios tonitruui, sed & quenuis fidelem dicere videtur petram, cui non pualere possunt inferorum porte. Verū eo loci Origenes suo more typicā adfert expositionem secundum allegoriam. Quod vel ex illo manifestū est, quod portas inferi, peccata: clauēs regni celorum, virtutes interpretetur. Alioquin multis in locis secum ipse dissideret Origenes, cum alibi, tum homil. 17. in Lucam, dicat illum Apostolorum principem.

Porro quia non diffitemur, quandoque legi pares fuisse Apostolos honore & dignitate, ut pius Lector intelligat, quo pacto hæc cū p̄dictis conciliari possint, breuem & luculentam distinctiōem adferemus. In Apostolis duo considerata sunt: alterum, quod Apostoli fuerint: alterum, quod fuerint episcopi, pastores & p̄positi certarum Ecclesiarum. Quatenus Apostoli fuerunt, eandem habuerunt auctoritatem & facultatem docendi omnes gentes, perferendi legationem, & ἀποστολὴν εἰς ὅσα κολὴν πιστεύουσιν, ut ait Paulus ad Romanos. Sic Petrus tametsi fuerit Apostolus circumcisionis, vocauit tamen & gentes. Quatenus autem fuerunt Episcopi, vnum habuerunt inter se caput & Primatem petrum, quem D. Clemens signiferum, Chrysostomus verticem, caput & principalem magistrum Apostolorum & totius orbis, Origenes principem Apostolorum, Cyprianus vnicę Ecclesię exordiū vocat, Basilii & Tertullianus magnū Ecclesię fundamentum appellant, Ambrosius præcipuū Apostolorum: Gregorius Nazianzenus, Hic, inquit, petra vocatur, & illi Ecclesię fundamēta cōcreduntur: D. Augustinus immobile fidei fundamentum nominat.

Quatenus igitur fuerunt Episcopi, singularem & particularem
fin.

singuli habuerunt Ecclesiam. Sic Iacobus Hierosolymorum epi-
 scopus fuit, atq; aded singuli suas prouincias, suosq; Episcopatus
 habuerunt: & hac ratione sub Petro tanq̃ vertice & principe fue-
 runt: vt, quemadmodum Cyprianus ait, vnitas Ecclesiæ manifesta-
 retur: & dicente Hieronymo, vt capite constituto, schismatis tol-
 leretur occasio. Aut hæc est verissima de primatu Petri sententia,
 aut adferat Smidelinus meliorē, qua & ipsi Petro & Apostolis sal-
 ua conseruetur authoritas, & verborum Christi, doctrinēq; Eccle-
 siasticæ sibi constet veritas. At nè hanc distinctionem veluti nouā
 quis suspectam habeat, audiamus D. Iohannem Chrysost. hunc in
 modum de Petro & Petri successoribus loquentem: Quisnam fi-
 delis seruus & prudens? non hoc ait, quod ei ignotus sit fidelis ac
 prudens seruus, sed quod exprimere velit tum hoc opus quàm
 rarum sit, tum quæ sit functionis huius amplitudo. Contemplare
 itaq; & præmium quantum: super omnia, inquit, bona constituet
 eum. Etiam nè nunc nobiscum contendes, fraudem istam tibi nõ
 benè ac feliciter cessisse, qui per eam vniuersis Dei Opt. Max. bonis
 sis præficiendus? quum præsertim ea agas, quæ cum Petrus ageret,
 illum Christus authoritate præditum esse voluit, ac reliquos item
 Apostolos longè præcellere &c? Ecce, ait, quæ cum Petrus ageret,
 id est, quum amplam illam functionem sustineret, cum esset æco-
 nomus totius domûs Dei, authoritate præditum fuisse, & reliquos
 apostolos longè præcelluisse. Vis apertius hoc tibi demonstrari,
 Smideline? Audi sanctum pontificem & martyrem D. Anacletum:
 Beati Apostoli inter se statuerunt, vt episcopi singularum scirent
 gentium, quis inter eos primus esset, quatenus ad eum potior eorū
 sollicitudo pertineret. Nam & inter beatos Apostolos quædam fu-
 it discretio. Et licet omnes essent Apostoli, Petro tamen à Domi-
 no est concessum, & ipsi inter se id ipsum voluerūt, vt reliquis omi-
 bus præesset Apostolis, & Cepha, id est, caput & principium tene-
 ret Apostolatûs. Qui & eandem formam suis successoribus, & re-
 liqui Apostoli Episcopis tenendam tradiderūt. Et non solum hoc
 in nouo testamento est constitutum, sed etiã in veteri fuit. Vndè
 scriptum est, Moses & Aaron in sacerdotibus eius, id est, primi in-
 ter vos fuerunt. Hæc & multò plura ibi D. Anacleus, scribitq; simi-

Aduersus
 Nouatianũ
 de vnitatē
 Ecclesiæ.

lib. 2. de sa-
 cerdotio,
 circa prin-
 cipium.

epist. 3. de
 patriarchie
 & primati.

Ioan. 20.

lia in epistola præcedenti. Clemens quoq; in epist. ad Iacobū fratrem Dñi: Nec inter Apostolos, inquit, par institutio fuit, sed vnus omnibus præfuit &c. Iam & Cyprianus in tract. 3. de simplicitate p-latorum, posteaq; multa de ecclesiæ vnitatē & auctoritate Petri dixisset, ita subiungit: Et quanuis Apostolis omnibus post resurrectionem suam parem potestatem tribuat, & dicat: Sicut misit me pater, & ego mitto vos: accipite spiritum sanctum &c. tamen vt vnitatem manifestaret, vnitatis eiusdem originem ab vno incipientē, sua auctoritate disposuit. Hoc erant vtq; & cæteri Apostoli, quod fuit Petrus: sed exordium ab vnitatē proficiscitur, vt Ecclesia vna monstretur.

Similia scribit sanctissimus pontifex Leo ad Anastasium: Sicut in vno corpore multa membra habemus, omnia autem membra non eundem actum habēt: ita multi sumus vnum corpus in Chro, singuli autem alter alterius membra. Hæc cōnexio totius quidem corporis vnitatem requirit, sed præcipuē exigit concordia sacerdotum. Quibus tamen si sit sacerdotij dignitas cōmunis, nō est tamē ordo æqualis. Quoniam & inter beatissimos apostolos in similitudine honoris fuit quedam discretio potestatis: & cū omniū par esset electio, vni tamen datum est, vt cæteris præmineret. De qua forma episcoporum quoq; est orta distinctio, & necessaria dispensatione prouisum, nē omnes sibi omnia vendicarent, sed essent in singulis prouincijs singuli, quorum inter fratres haberetur prima sententia: & rursus quidam in maioribus vrbibus constituti, solitudinem susciperent ampliorem, per quos ad vnā Petri sedem vniuersalis Ecclesiæ cura conflueret. Hæc ille Leo.

Cap. 6.

D. Petrum in hac generali cura successorem aliquem necessariò habere.

D. Petrum
in hac gñali
cura success-
sorem ali-
quē neces-
sariò habere.

Petrum igitur reliquis Apostolis in munere pastoralis parē non fuisse, sed longē illis præcelluisse, generalemq; hierarcham, ac domus Dei œconomum primarium constitutum, nunc in confesso est: superest vt demonstramus, eum in hac generali cura successorem aliquem necessariò habere.

Quod

Quod commodè facturi videbimur, si officiorum distinctionem præponamus. Officia autem alia ordinaria, alia non ordinaria constituiamus. Non ordinaria dicimus, quæ vel ad vitam tantummodò, vel ad tempus iuxta superioris arbitrium conceduntur, atq; hæc quidem successorē habere non solent, cuiusmodi est officium legati, commissarij &c. Ordinaria sunt quæ semper durant, quandoquidem perpetua sunt illa ad quæ referuntur, cuiusmodi sunt Imperator, Rex, Dux, & id genus alia. Imperium enim, regnum, Ducatus, per mortem Imperatoris, Regis, Ducis non intereunt. Huc etiā pertinet officium pastoris: quia enim oves perpetuò manēt, fit vt necessariò etiā pastor officium habeat perpetuum, quod in successorem transeat. Cum igitur Petrus pastor Ecclesiæ à Christo sit constitutus, qui oves eius pascat & regat: necessariò efficitur, eius officium perpetuum esse, quia oves nunquā deerunt, ac p- inde B. petro aliquem in generali hac pastoris cura succedere debuisse. Atq; hæc sit vna ratio, cui secundam hæc adijcere licebit. D. Petrus non in suam vtilitatem generalis pastor constitutus est ecclesiæ, sed in vtilitatem ecclesiæ. Ecclesia autem non minùs hoc tempore vno pastore indiget, quā Apostolorum temporibus, immò multò magis. Si igitur primitiua Ecclesia vnum pastorem habuit, utiq; & nunc habebit Ecclesia in vergenti ætate constituta, quando non minùs hanc amore prosequitur Christus, quā illā, vnoq; sanguinis sui precio vtrinq; redemit. Neq; minùs hodiè opus habet ecclesia ædificatione, doctrina, optima gubernatione, quā dō latè diffusa est per vniuersum orbem, vt faciliè schismati & dissensionis locus inueniretur, quā olim, cum pauculæ essent & illæ sanctissimæ & perfectissimæ oves, quales erant Apostoli atq; discipuli Domini. Proinde si tunc monarchica gubernandi ratio in Ecclesia tanquā optima instituta est, etiā modò eadem ratione gubernabitur. Huc accedit, quòd in veteri synagoga Aaron summus sacerdos vsq; ad Christi tempora successorem habuerit. Synagoga autem vmbra Ecclesiæ Christianæ representauit. Nec prætereundum, quòd Christus petro oves suas gubernandas committens, vt non aliquas aut paucas ei commisit, ita nec opposita conditiōe presentes duntaxat, sed & futuras ei commendasse putandum est, quibus

Officia alia
ordinaria,
alia nō or-
dinaria.

Secūda ratio, Petrus
in vtilitatē
ecclesiæ ge-
neralis pa-
stor consti-
tutus.

bus quandoquidem obstante mortalitate semper adesse non potuit, successorem habere oportuit. Agnouerunt ista quotquot in Ecclesia vixerunt sanctissimi Patres, quemadmodum ex præcedentibus colliquescit, & pluribus demonstrari potest.

Adrianus primus Pontifex epistola, quam imperatoribus scripsit, quæ in 7. generali synodo lecta & approbata est, de B. Petro sic ait: Nam ipse princeps Apostolorum B. Petrus, qui primitus Apostolica sedi præsedet, sui apostolatûs principatum & pastoralis curæ successoribus suis, qui in sua sanctissima sede successuri sunt, penitus dereliquit.

Rursus Ignatius patriarcha Constantinopolitanus, cuius epist. in generali octaua synodo extat, ita ad Adrianum Pontificem scribit, postquam verba hæc, Tu es petrus, & super hanc petram &c. proposuisset: Tales inquit, beatas voces non secundum quandam utique sortem Apostolorum principi petro solum scripsit & definiuit, sed per eum omnes qui post illum secundum ipsum efficiendi erant summi pastores, & diuinissimi sacriq; Pontifices senioris Romæ. Videantur ea, quæ pulcherrimè tradit Chrysost. lib. 2. de sacerdotio circa principium. Has rationes candido & veritatis studio Lectori satisfacere existimamus, ad probandam vnus alicuius generalis successoris in Cathedra petri necessitatem: contentiosis & pertinacibus nemo vnquam satisfecerit.

Cap. 7.

Romanum Episcopum esse D. Petri successorem, varijs rationibus ac testimonijs demonstratur.

Nunc deinceps quisnam in vniuersali hac totius Ecclesiæ cura D. petro successerit, declarandum restat. Hoc autem cognoscemus, si cogitemus in ordinarijs huiusmodi officijs successorem illum esse, qui in locum demortui substituitur. Ac tametsi Seruator in Euangelio nullum D. petro successorem deputauerit seu nominauerit, quoniam tamen ordinarium istud officium instituit, simul etiam voluit ut in locum demortui ille totius Ecclesiæ curam gereret, qui illi Ecclesiæ præesset, in cuius administratione D. petrus moreretur.

Quis cuius
successor
existiman-
dus.

Con-

Constat porrò, D. Petrum Romanum Episcopum fuisse, atq; in eo episcopatu à Nerone interfectum esse, què admodum illud postea luculentè docebimus: ex quo manifestè consequitur, successorem D. Petri, non alium quàm Rom. Pontificem esse. Si enim Antiochiæ mortem obiisset, eius successor Antiochenus episcopus fuisset: si rursus Hierosolymis occubuiisset, nulla sibi particulari Ecclesia adiuncta, talis aliquis successor eius fuisset, qui nullius particularis Ecclesiæ curam gereret. Nam pōtificatus iste totius orbis, personæ, non autem loco, commissus est. Non enim ad Roman. urbem generalis hæc cura est alligata, quin ab ea separari possit. Si em̃ capta Roma, aliò pontifici commigrandum foret, aliam sibi ecclesiam adiungens, eius administratiōem, cum vniuersali totius Christiani ouilis cura suscipere deberet. Pontifex enim ubi moratur, perpetuò secum vniuersalem hanc curam circumfert, quanuis facile locus mutandus, nō sit: quia, vt inquit Marcellus pontifex epist. 1. ad episcopos Antiochiæ, iubente Domino, petri sedes Romanam translata est. Et Egesippus lib. 3. excidij Hierosolymit. cap. 2. narrat D. Petrum dum ad necem quæreretur, rogatu Christianorū Roma discessisse, illiq; fugienti Christum occurrisse: ex quo cum Petrus quæreret, quōnam proficisceretur, Dominum respōdisse, Romam vado iterum crucifigi: quibus verbis non obscure significauit, vel se vt Romę Petrus occumberet, vtq; Rom. episcopus ei in generali totius Ecclesiæ cura succederet. Hanc veritatem tot veterū sententiæ cōfirmant, vt eas enumerare difficile sit. Atq; in primis nulli vnquàm fuerunt Rom. pontifices, qui hanc generalem curam & administrationē non agnouerint, eamq; suis scriptis epistolis atq; per vniuersum orbem missis, declararint: (nam quæ Smidelinus hic obmurmurat, suo loco cōfutabimus) quos si heretici suspectos habeant, tanquàm quibus in causa propria credendum non sit: maximè sanè mirum videri debet, si falsò sibi tantam authoritatē arrogauerint, nunquàm ab Apostolorum temporibus, inter tam sanctos patres, confessores atque martyres quenquam inuentū fuisse, qui eos vel falsitatis arguerit, vel aliquo saltem modo reprehēderit: quin potius ad vnum omnes tantam authoritatem in Rom. pontifice agnouerint. Nam & episcoporum confirmatio, à Roma-

no pontifice petita est. Episcoporum causæ ab eodem sunt definitæ: alij deniq; cuiuscunq; ecclesiæ episcopi ab ipso confirmati sunt, & re exigente, episcopatibus suis submoti.

Sæpius legimus Constantinopolitanos à Rom. pótifice damnatos, sæpius Alexandrinos & Antiochenos. Alexandrinum autem episcopum à Romano episcopo confirmatum fuisse, satis indicat D. Athanasius epist. ad Felicem pontificem missa. In epistola, quam Synodus Constantinopol. 2. ad Damasum misit, satis etiã indicatur, à romano pontifice episcopos solitos esse confirmari, quando in ea petitur confirmatio Constantinopolitani, Hierosolymitani, atq; Antiocheni episcoporum.

Sylverius Romanus, & post eum Vigilius, quoniam Antemium Constantinopolitanum, nunquã in episcopatu confirmare voluerunt, nuquã potuit is firmam Constantinopolis sedem habere. Similitèr † Achatus, qui Imperatoris Zenôis opera, in Alexandrinam sedem Petrum quendam hæreticum introducere voluit, à Rom. pontifice repulsam passus est: nunquã enim Petrus ille, sed potiùs Ioannes quidam, in Alexandrina sede est constitutus. Causas porrò episcoporum sempèr ad pontificem Romanum pertinuisse, indicat Sozomenus lib. 4. Tripart. Historiæ cap. 15. referēs D. Athanasium Alexandrinum, Paulum Constantinopolitanum, & aliquot alios Episcopos Romam ad iudicium confugisse: atque cognoscens, inquit, Rom. episcopus crimina singulorum, tanquã omnium curam gerens propter sedis proprię dignitatem, omnes in communionem suscepit, singulisq; suas reddidit Ecclesias. Præter Rom. pontifices, alij etiã doctores, ob insignem vitę sanctimoniã & multijugem doctrinam, publicoq; totius orbis testimonio receptissimi, veritatem hanc in scriptis suis testatam reliquerunt. Videatur D. Athanasius in epistola ad Felicem, & alia ad solitariã vitam agentes. Cyprianus lib. 1. epist. 3. & 8. lib. 3. epist. 11. & alibi sæpius. D. Hieronymus epist. ad Damasum: Faceßat, inquit, invidia romani culminis, recedat ambitio: cum successore piscatoris & discipulo crucis loquor. ego nullum præuium nisi Christum sequens, beatitudini tue, id est, Cathedrę petri communionem consocior. super illam petram edificatã ecclesiam scio. Et post pauca: Quicunq;

tecum

† Acacius

Causæ episcoporum à pont. Rom. cognitæ & iudicatæ.

Patres agnoscunt Rom. episc. D. Petri successorem.

tecum non colligit, spargit: hoc est, qui Christi non est; antichristi est. Et epistola sequenti ad eundem: Ego interim clamito: si quis cathedræ Petri iungitur, meus est. Et rursus: Hæc est fides, Papa beatissime, quam in Catholica didicimus Ecclesia, quamque semper tenuimus, in qua si minus peritè aut parùm cautè fortè aliquid positum est, emendari cupimus à te, qui Petri sedem & fidem tenes. Si autem hæc nostra confessio, Apostolatûs tui iudicio comprobatur: quicumque me culpæ voluerit, se imperitum vel maleuolû, vel etiã non Catholicum, sed hæreticum comprobabit.

D. Ambrosius in cap. 3. epist. prioris ad Timoth. Cùm, inquit, totus mundus Dei sit, Ecclesia tamen domus eius dicitur, cuius hodiè rector est Damasus. D. Augustinus sepè successionem Rom. pontificum recenset, ut etiã Irenæus & Eusebius, quemadmodû supra declaratum est, qui omnes agnoscunt Rom. pontificem D. Petri successorem. Idem Augustinus Romanæ sedis dignitatem in multis suis libris agnuit. Videatur epist. 106. ad Paulinum, & epist. 162. Item lib. 2. contra Donatistas cap. 1. & præfatio in libros contra duas epistolas pelagianorum. Ambrosi.
Augustin.

Rursus D. Basilius epist. 52. & 57. D. Bernardus etiã libro 2. de consideratione ad Eugenium: & reliqui patres, quos omnes longû esset enumerare. Omnes quippè agnoscunt, Rom. episcopum cæteros omnes autoritate & dignitate præcedere. Idem confirmât Concilia generalia, quæ nunquàm rata habita sunt, nisi à Romano Pontifice confirmarentur. Basilius.
Bernard.

Cap. 8.

Confutantur argumenta Smidelini cōtra Primatum Romani episcopi, & primò, an Christus prohibens discipulis de Primatu contendere, omnem primatum Petro abrogauerit, solâque eminentia quædam donorum fuerit, non etiã potestatis inter Apostolos, ut vult aduersarius.

Hæc sunt piè Lector, ex plurimis paucissima, quæ ad istius potestatis à Bredenbachio assertæ (quam conuellere & confunde-

re conatus est Smidelinus) restorationem aut potius conseruationem pertinere iudicauimus, quibus veluti faculis adhibitis, vniuersa illa Smidelini fuligo facile discutitur. Nunc superest, vt quæ obmurmurauit, paucis examinemus. Quod Christus reliquis Apostolis Petrum non præfecerit, (inquit Smidelinus) tanquam cōsulem, quæ apud Lucam extat, grauiſſima admonitio testatur. Nam cum discipuli de primatu contenderent, quis illorum esset habendus maior, Christus ab huiusmodi vanis & pontificalibus, hoc est, superbis cogitationibus eos auocat, dicens: Reges gentium dominantur &c. Vos autē nō sic &c. Quid hinc infers Smideline? Prohibet hūc Apostolis aliquam eminentiam? Nihil minùs. Nam & ipse erat rex regum, & Dominus Dominantium, & vertex ille Apostolorum Petrus suos discipulos & neophytos vocat genus electum & regale sacerdotium. Quæ verba considerans Origenes, si illos dicimus reges, inquit, qui per verbum ipsorum crediderunt, quantò magis ipsi reges habendi sunt, qui faciunt reges? Si reges à regendo dicuntur, omnes utiq; qui Ecclesias Dei regunt, reges meritò appellabuntur Ecclesiæ. Et propter hoc meritò Dominus rex regū dicitur. Nisi enim isti & cæteri, qui eos imitantur, reges fuerint, ille nō videbitur rex Regū &c. Rex igitur fuit Christus, Reges fuerūt Apostoli. Quò? Nōne ait Christus, reges gentiū dñantur, Vos autē nō sic? Facile est hūc nodū ex patrū orthodoxorū cōmentarijs dissoluere. Sed quia Bredenbachiiū oppugnat Smidelinus, ipsum Bredenbachium in cōmētarijs suis in Mattheum, audiamus: Ethnica tyrannidis est, inquit, affectare potentiam atq; dominiū, vt alios pro tua libidine cogas tibi inferuire, te metuere ac formidare. Christianæ pietatis est atq; modestiæ, omnibus inferuire, de omnibus benè mereri, nemini tete præferre. Quod si diuina ordinatione contigerit te præfici alijs, eo magis etiā animum submittere, vt sub onere grauiori. Non quod non debeat præfectus sua vt auctoritate, cum opus est, cum dicat Apostolus, Peccantes, corā omnibus argue, vt & cæteri timorem habeant. Et qui enormiter peccauerint, tradendi interim Satanæ sunt in interitum carnis, nequaquā crudelitate tyrannica, sed potius charitate Apostolica, vt spiritus saluus sit in die Domini nostri Iesu Christi. Nam hoc ipso minister fit

Reges Apo-
stoli.

1. Ti. 6.

Bredēba. in
ca. 20. Mat.
& cap. 18.

1. Tim. 5.

fit omnium etiã illorum, in quos videtur sũire. Haftenũs Bre-
denbachius.

Voluit igitur Christus his verbis non damnare principatum, sed
superbam dominandi ambitionẽ: qua (pleni adhuc, vt aiunt Chry-
sost. & Theophylactus, carnalibus affectibus) plerique discipulorũ
volebant sedere à dextris & sinistris: alij inuidebant Petro hanc p-
rogatiuam, quod dixerat Christus ad Petrum, Staterem illum su-
mens, da eis pro me & te: alij, vt Lucas commemorat, audiẽtes do-
minum dicentem, Ecce manus tradentis me, mecum est in mensa,
cœperunt quærere inter sese, quisnam esset ex ipsis, qui hoc factur-
us esset, atq; indẽ (vt Theophylactus ait) eò peruenerunt, vt dice-
rent, Ego sum melior, ego sum maior, & similia. Quid igitur, Dñs?
Comprimit, inquit Theophylactus, tumultum hunc duobus exẽ-
plis: Vno gentilium, quos abominabantur, ostendẽs, quod illis af-
similandi sint, si sapiant similia: altero autem, suo exemplo. Chry-
sostomus dubitat, an verẽ contentiosis verbis contenderint, atq;
itã tumultum excitauerint: an verò tacitè duntaxat secum cogita-
uerint: vt ut sit, omnium commentarij testantur, Christum nõ prin-
cipatum siue eminentiam his verbis abrogasse, sed ambitiosum af-
fectum, qui tum adhuc in ipsis viuebat, redarguisse: quod ipsa Chri-
sti verba luculentè testantur, dicentis: Qui maior est in vobis, fiat
sicut minor: & qui p̃cessor est, sicut ministrator. Ex quibus li-
quet, fuisse inter Apostolos aliquem maiorem, aliquem p̃cesso-
rem: sed tamen hunc ipsum, animi demissioẽ & humilitate, se oĩm
ministram p̃bere debere. Qui sibi arrogat, inquit Chrysostomus,
is verẽ humilis nõ est: q̃ verò humilis est, is ad verã sublimitatis ca-
cumen volauit. Sic multis in locis scripturæ damnantur opes tanq̃
materiæ summi mali: nõ quod malus sit eorum vsus, sed quod fre-
quentissimus & pessimus sit earum abusus. Admodũ igitur fra-
gile est & planè ficulneum, immò absurdum hoc Smidolini argu-
mentum, quo primatum D. Petro abrogari nimis ineptè & impu-
dentè affirmat: cùm & Euangelista Christum ambitionem dun-
taxat & fastum gentilem & honoris inuidiam carpere demõstret,
omniumq; veterum interpretationes in hanc sententiam consen-
tiant.

Mat. 20.

Matt. 17.

Luc. 22.

In 20. cap.
Matth.Chrs non
eminentiã,
sed emine-
di affectum
apostolis
prohibuit.

Smid.

Bred.

Vide cap.
5. huius lib.

Sequitur nunc apud Smidelinum: Si quæ inter discipulos fuit maioritas, donorum fuit, non potestatis, quæ omnium erat similis & vna, ligandi scilicet & soluendi. Vetus hæc est Protestantium cantilena, (vt verbis utar Smidolini) & sæpius à Catholicis refutata, vt actum agere videamur, si operosè respondeamus. Data fuit omnibus ligandi & soluendi potestas: sed Petrus in administranda & gubernanda ecclesia, tanquàm vnus & summus nauclerus, tanquàm vertex, princeps & signifer fuit electus, vt capite cōstituito, schismatis, non quidem inter Apostolos, quorum tāta erat cōcordia, sed potius inter posteros tolleretur occasio. Quòd non sola fuerit donorum inter discipulos maioritas, abūde nunc demonstrauimus, quanquàm & hac ratione Petrus tam acris, tam vehementis, tam fidelis & ardentis in omnibus animi, cæteros longè præcelluit, tametsi & cæterorum nonnulli præcipuis quibusdam virtutibus polluerunt, veluti Iohannes peculiaritèr à Deo adamatus, & Paulus vas electionis appellatus, Petrum tamen vnicum domini Achaten & Apostolorum Coryphæum fuisse, tot iam & tam illustribus testimonijs probauimus, vt Smidelinus eorum autoritatē huiusmodi ineptijs nunquàm eleuauerit. Hoc erant utiq; Apostoli cæteri, inquit Cyprianus, quod fuit Petrus: sed exordium ab unitate proficiscitur, vt Ecclesia vna monstretur.

Cap. 9.

Non omnes illos esse Petri successores, quot quot à D. Petro ordinati sunt episcopi, vt falsò asserit aduersarius.

Smid.

QUod nunc sequitur, planè absurdum est & ridiculum. Etsi maximè obtineant, inquit, Petrum principem apostolorum fuisse, quod nunquàm probabunt, potestate scilicet alijs superiorem fuisse, (sicut videre est in epist. ad Galatas, quòd à D. Paulo in faciem fuerit repræhensus) quid hoc ad Roman. Pontificem? Non enim solùm Romani episcopi, si tamē, sed alij quoq; sunt D. Petri successores, quos passim Ecclesijs præfecit.

Bred.

Quauis apertæ sycophantiæ nullam responsionem mereantur, examinabimus tamē & hoc *παράδοξον*. Potestate superiorem fuisse

fe

se Petrum, nunc (vti dicimus) demonstratum est. si piget ad ea recurrere, lege quæ habet Chrysost. lib. 2. de sacerdotio circa principium, De reprehensione Pauli suo loco dicemus. Quod alij à D. Petro constituti & passim Ecclesijs præfecti, ipsi Petro in Cathedra successerint, vt simpliciter dicam, apertum est & nimis impudens mendacium. Chrysostomus memorato loco Rom. episcopum Petri successorem vocat, itidemq; alij doctores passim: quibus omnibus prætermisiss, (vt prolixitatem vitemus) ipsum D. Petrum iam in extremo vitæ actu constitutum, loquentem audiemus, referente ipso Clemente. In ipsis, inquit, diebus, quibus vitæ finem sibi imminere præsensit Petrus, in conuentu fratrum positus, apprehensa manu mea, repente confurgens, in auribus totius ecclesiæ hæc protulit verba: Audite me fratres & conserui mei: quoniam sicut edoctus sum ab eo, qui me misit, Domino & magistro Iesu Christo, dies mortis meæ instat, Clementem hunc episcopum vobis ordinabo, cui soli meæ prædicationis & doctrinæ cathedram credo, qui mihi ab initio vsq; ad finem comes in omnibus fuit, & per hoc veritatem totius meæ prædicationis agnouit. Qui in omnibus temptationibus meis socius extitit, fideliter perseverans, quem præ cæteris expertus sum Dominum colentem, homines diligentem, castum, discendi studio deditum, sobrium, benignum, iustum, patientem, scientem ferre nonnullorum, etiam ex his qui in verbo Domini instruuntur, iniurias. Propter quod ipsi tradidit à Domino mihi datam potestatem ligandi, & soluendi, vt de omnibus quibuscunq; decreuerit in terris, hoc decretum sit & in cælis. Ligabit enim quod oportet ligari, & soluet quod oportet solui, tanquam qui ad liquidum ecclesiæ regulam nouerit. Ipsum ergo audite, scientes quæ quicunq; contristauerit doctorem veritatis, peccat in Christum, & patrem omnium exacerbat Deum, propter quod & vita carebit. Ipsum autem qui præest cæteris, oportet medici vicem agere, & non feræ bestię furore commoueri. Hæc eo dicente, ego procidens ad pedes eius, rogabam excusans me, & declinans honorem cathedre vel potestatem. At ille respondens: Pro hoc, inquit, nè rogaueris. Hoc enim fieri statutum est mihi, & eo magis, quo te excusas, quia hæc cathedra eum, qui cupit eam & audacter expetit, non requirit, sed

Clemens
epist. 1. ad Iacobum fratrem Dñi.

sed ornatum moribus, & in verbis eruditum. Quòd si esset alius melior, si quis mihi alius adiutor tam sedulus adstitisset, si quis tam plenè doctrinæ meæ rationem cepisset, sed & ecclesiasticas dispositiones à me tam plenè didicisset, habens alium talem, non te cogere opus bonum suscipere nolentem. Superfluum est ergò aliū querere, quum primitias eorum, qui ex gentibus per me saluātur, & præcipuè huius vr̄bis, te primum obtulerim deo. Sed certus esto quòd necesse est te suscipere omne periculum, quia nec ego pro salute omnium ab obsecrando cessabo &c. Hæc ibi D. Clemens.

Platina in
Lino.

Irenæus lib.
2. ca. 3.

In Panopl.
Euāgelica.

Quin & hoc tibi probandum incumbit, Smideline, quis episcoporum vel seipsum dixerit, vel ab alijs agnitus sit D. Petri successor præter Romanum episcopum. Si obijciat Linum, deindè Cletum, ac postea demum Clementem Petro successisse, iam olim responsum est, Linum & Cletum Chorepiscopos, non autem ordinarios & diametrales Petri fuisse successores, tametsi & alij aliter respondeant. Platina ait, Clementem tantè fuisse modestiæ, vt coegerit Linum & Cletum ante se munus pontificatûs obire, nè posteris hæc principatûs ambitio perniciosi exempli haberetur. Sed nec paulò post Platina conuenit cum Irenæo, qui Lino successisse Anacletû, Anacleto Clemētem, huic Euaristum asserit. Atq; rursus ipse Anacletus in prima epistola sua, Clementem prædecessorem suum appellat. Irenæo suffragatur Eusebius.

Quòd ait Smidelinus, Proceres autem Ecclesiæ & pastores non possunt à suis aliquam exigere obedientiam, nisi quatenus indubitatum Dei verbum adferunt: quousq; se porrigat verbum Dei, demonstravit Bredenbachius in libro contra Henricum pileum. Demonstravit & infatigabilis ille & inuictus Ecclesiæ hyperaspistes D. Stanislaus Hosius in libro de expresso verbo Dei: docuit & explicuit idem præclaro & illustri volumine D. Vuilhelmus Lindanus, propter admirabilem eruditionem cum vitæ integritate coniunctam, nupèr creatus episcopus, vt alios innumerabiles taceam, quibus vestri ne iota quidem responderunt.

Cap. 10.

An

*An rectè faciat Smidelinus, quòd suam suorumq; perui-
ciam vocet constantiam: an rectè neget à Luteranis eiectos
esse Catholicos episcopos.*

P Rosequitur nunc: Quæ summus pontifex impia præcipit, Smid.
ut eadem quoq; faciant, quibus imperat, huic obedire est
extrema impietas. Fatemur tecum, in huiusmodi præce- Bred.
ptis pontifici parendum non esse: sed quæ vos seditiosis

clamoribus impia esse contenditis, nos negamus, & solidis ratio-
bus ab impietate vindicamus. Hominibus seditiosis & aduersus le-
gitimam potestatem rebellibus nihil vilitius est, quam ut magi-
stratum iniquitatis impietatisq; suggillant. Omnes præterea hære-
tici, præpositis ecclesiasticis, episcopis, & plerunq; episcopo Roma-
no dogmatum impietatem impegnerunt, ut hac ratione plebem ad

seditiosam defectionem sollicitarent. Vnde D. Augustinus Petilia-
num obiurgans, Cathedra, inquit, quid tibi fecit Ecclesiæ roma-
næ? Donatistæ quoq; cum à Melciade Romanæ urbis episcopo er-
roris & schismatis damnati essent, (ad ipsum enim iam inde ab ini-

tio semper Ecclesiasticarum controuersiarum, & religionis iudici-
um relegatum est) illi repudiato Melciadis iudicio, ad Constanti-
num prouocârunt. Sic rebelle illud hæreticorum vulgus, ut suis erro-
ribus patrocinium quærat, legitimis ecclesiæ præsidibus atq; adeò

toti Ecclesiæ catholicæ impietatem impingit. Longè sanctius & ho-
norificentius præclarum illud Ecclesiasticæ vnitatis exemplar D.

Cyprianus explicaturus symbolum, cum retulisset, in quibusdâ ec-
clesijs quædam verba ipsi symbolo adiecta, in ecclesia tamen urbis
Romæ, inquit, hoc non deprehenditur factum, quod ego propter
eà esse arbitror, inquit, quòd neq; hæresis illa illic sumpsit exordi-
um, & mos ibi seruatur antiquus &c. Quæ de piorum, hoc est, ve-
strorum, sic enim vis intelligi, constantia memoras, hanc scilicet
peruicaciæ nomine traduci, nō eget prolixo responso. Si pium est,
scripturas torquere, deprauare, mutilare, easq; spretis omniū ve-
terum interpretum expositionibus, tanquam commentis humanis,
ex proprio arbitrio instar cerei nasi flectere & reflectere: si piū est,
tam conuiciosus dictarijs, famosis libellis, pictis imaginibus passim

lib. 2. ca. 51.
cont. li. Pe-
til.

Vide Aug.
epist. 162.

Cypr. in ex-
posit. symb.
Apost.

P in

Num. 16.

in omnes debacchari & scurrari: si pium est, spreto Mose & Aarone, hoc est, legitimo Ecclesie magistratu, cum Core, Dathan, & Abiron clamitare, Nonne omnis multitudo sanctorum est? cur eleuamini super populum Domini & si pium est, damnatos & rebelles hæreticos ab vniuersa Ecclesie iudicio ad principes laicos prouocare, cum & horum supremus princeps & Imperator Carolus V. cum tot laudatissimis Regibus, Ducibus & Principibus doctrinam seditiosam, rebellem & hæreticam cum ipsis authoribus condemnauerit, cum in plerosque, vestrum gladio à Deo accepto animaduernerit: si pium est, eos qui disputante & suggerente diabolo, noua, inaudita, profana, schismatica, impia, blasphemata & seditiosa dogmata carni adlubescencia, prurientibus auribus ingerunt, qui turpissima libidine æstuant, ubi tot & tam infinita & præclara extant continentie & cælibatus exempla, effractis monasteriorum claustris, ad incestas, adulterinas & sacrilegas nuptias, velut equi hinnientes prouunt: si pium est, disruptis omnibus Ecclesiasticarum legum ac disciplinæ repagulis, contemptis ieiunijs, explosis horarijs, combustis ac concrematis maiorum sanctionibus, direptis ac spoliatis Ecclesijs, furiosam quandam belluinam & planè Satanicam licentiam sub blasphemio Euangelij prætextu, voce & stylo passim proclamitare, & exemplo docere, deliciarum, in monacharum sacrilegis complexibus incestuosè voluptuari, carnis curam ad concupiscentias agere, quibuslibet, quomodolibet, quandolibet vesci, nè petulantissimæ carnis desiderijs quicquam negetur: si, inquam, hoc pium est, si hi sunt digni pœnitentie fructus quos docuit Ioannes, si hoc est seminare in lachrymis: si hoc est, operari salutem cum timore & tremore, si hoc est præcingere lumbos, si hæ sunt lucernæ ardentes, atque interea se iactare filium Dei, certum de hæreditate cælesti, à qua nullo pacto possis exhæredari: si, inquam, hoc pium est, fatendum est, Christianos in primitiua ecclesia (de quorum diurnis & nocturnis precibus, vigilijs, ieiunijs, solitudine, vitæ asperitate, continentia & perpetuo contra carnis, diaboli & mundi irritamenta certamine, tam multa extant testimonia, de quorum gloriosa victoria tam præclara trophæa, tam illustres conspiciuntur triumphus, de quorum plerisque dixit ille: Surgunt indocti, & rapiunt cælum)

Aug. de D.
Antonio
Anachoret.
li. cōf. ca. 8.

lum) veram pietatem nesciuisse: fatendum est, illos vehementer despiciisse, qui tanta cura, tanta solitudine, tot precibus & lachrymis, tam asperis ac duris cilicijs, tanta vitæ austeritate satagerint certam facere vocationem suam: immò fatendum est, Christum falso nobis hunc metum inieciisse, quòd regnum cælorum vim patiatur, & violenti rapiant illud. Oportet igitur aliud esse cælum, in quod cum noua hac vestra pietate trāsferamini, cum illi qui hactenus ad cælum tetenderunt, longè alia via inceserint, aliam doctrinam professi sint, alia pietate præditi fuerint. Porro noua hæc vestra pietas comitem habet etiā nouam constantiam, hoc est, vt simpliciter dicam, summæ & inaudite impietati inauditam coniungitis peruicaciam, fastum & superbiam, qui tam peruicaciter, tam fastuosè & superbè solis vobis veram & genuinam scripturarum intelligētiam vèdicatis, (quorū præceptor, velut entusiasmo percitus, & æstro lymphatus, non erubuit publicitus proclamare: Hic sto, hic sedeo, hic maneo, hic glorior, hic triumpho, hic insulto Papistis, Thomistis, Henricistis, Sophistis, & omnibus portis inferi, nedum dictis hominum quantunlibet sanctorum, & consuetudini fallaci. Dei verbum est super omnia. Diuina maiestas mecum facit, vt nihil currem, si mille Augustini, mille Cypriani, mille ecclesiæ Henricianæ contra me starent. Deus errare & fallere non potest. Augustinus & Cyprianus, sicut omnes electi, errare potuerunt, & errauerunt:) qui post annos mille quingentos, velut è cælo prolapsi doctores, nūc primū docere conamini, quæ antea nesciuimus: qui scripturas planas & faciles esse dicitis, & nihilominus tanta contentione, tam dissonis, pugnacibus & contrarijs clamoribus de recto earum intellectu cōtenditis, qui à iudicibus Ecclesiasticis ad principes, à principibus ad vulgus, à vulgo ad scripturam, à scriptura ad tribunal Christi tam procaciter & incōstanter prouocatis, qui dum cuilibet ex populo doctrinæ Ecclesiasticæ examen & iudiciū conceditis, immò non petentibus obtruditis: Latomum & Bredenbachium, tanquā Rhetores & Grammaticos, ab examine dogmatum vestrorum, tam peruicaciter, tanto cum supercilio arcetis: & vt semel dicam, qui aliud stantes, aliud sedentes ex eodem ore modò calidum, modò frigidum, stolidum, ridendum & plusquā anile le-

In lib. contra
regē Angliæ

Hieron. ad
Pammach.
& Ocean.

uitate, sinè omni pudore, sinè omni verecundia, sinè omni fronte, tanto cum nominis vestri dedecore, vestroq; & publico totius orbis malo profertis, docetis & scribitis. Eas nunc Smideline, & tuam tuorumq; pietatem & constantiam iactites. Si nobis persuadere poteris, hanc non esse summam impietatem. summam & plusquam diabolicam peruicaciam: si, inquam, hoc nobis, aut ulli, vestris prestigijs nondum penitus fascinato, persuaferis, dixerò te non simplicem esse præstigiatores.

Smid. Pergit Smidelinus: Quod de consule ciuitatis Dei adfert Grammaticus, prorsus ineptum est, absurdum & insulsum. Sed audiamus quid absurdi protulerit Bredenbachius: Quod si quis, inquit,

Bred. fortè Magistratus iniquior sit in aliquem ciuem, aut etià in totum populum, non tamen propterea cuiquam concessum est, in ipsum magistratum insurgere, populum ad seditionem conuocare, sibi sumere potestatem deturbandi de sua sede illum, quem constituit rex aut princeps, dominus videlicet ciuitatis. Si quid iuste querelæ est, ad principem ciuitatis dominum referendum est, ut is Magistratum iniquum ad æquitatem redigat, in malitia pertinaci mittat successorem iustum. Ità se planè habet in Repub. Christiana, si quoniam pontifices, episcopi, cæteri; quibus cura huius Reipubl. commendata, incipiant esse tyranni, aut alioquin negligentes officij, nõ est nobis imitandus Martinus Luterus, ut nos commoto orbe turbemus omnia &c.

Smid. Adhuc Smidelinus, paulo superius: Hoc, inquit, prorsus dissimile est. Alia enim ratio sumus subiecti politico magistratui, & alia presbyteris, hoc est, Ecclesiæ pastoribus. Quamobrè Smideline? Vt cunque enim, inquit, iniqua onera subditis imponat magistratus, populus propter conscientiam tenetur obedire, Rom. 13. Et si hæc quoq; ipsorum potestas sit limitata, si quid cõtra manifestum verbum Dei præciperet, magis obediendum est Deo &c.

Bred. Eadem profectò ratione subiecti sumus Ecclesiastico magistratui, cui impunè non paretur, si quid contra expressum Dei verbum præcipiat: si quid verò iniuriarum aut grauaminis inferat, non facillè rebellandum. Sic Paulus, iubente Anania summo pontifice in os percussus, cum ignorans eum esse pontificem, grauius ferret iniuri-

amp

Act. 23.

am, monitus respondit: Nesciebam fratres, quia princeps est sacerdotum. scriptum est enim: Principem populi tui nō maledices. Fal- Exod. 22.
sō igitur absurditatis arguit Bredenbachium Smidelinus.

Cap. II.

In Cathedra Moſis aut Petri ſedentes, licet non æquēt Moſen aut Petrum ſanctimonia, tamen audiendos eſſe.

Sequitur apud Smidelinum: Iuſtè punitos eſſe Core, Abirō Smid.
& Dathan cum ducentis quinquaginta viris, non negamus,
quòd Moſi & Aaroni reſtiterunt, ſuum officiū facientibus.
Sed vtrunq; probandum incumbit Grammatico, ſuos ſa-
crificulos conferri ipſi Aaroni & Moſi. Et principes qui ſanctam
Euangelij doctrinam tuentur, ſimiles eſſe ſeditioſis & maledicis
Core & Abiron & Dathan. Probenſt priùs ſeſe Moſen &c.

Milliès iam dictum eſt, non excuſari rebelles ſubditos à rebelli- Bred.
one, etiamſi præpoſiti non ſint per omnia tales quales eſſe deberēt.
Non erant Moſes nec Aaron Scribæ & Phariſæi, & tamen, quia ſu- Matt. 23.
per cathedram Moſis ſedebant, iubebantur diſcipuli illis præſtare
obedientiam. Ac tametſi odioſa ſit in huiusmodi comparatio, cer-
tum nihilominùs eſt, vt ſuprà docuimus, ſi non omnes Pontifices
ſanctimonia æquentur Aaroni aut Moſi, ſedere tamen eos non in
Moſis aut Aaronis, ſed Petri cathedra per Chriſtum erecta. Quòd
autem per Core, Dathan & Abiron non illi qui ſanctam euangelij
doctrinam tuentur, ſed qui ſub huius prætextu ſchiſmata & hære-
ſes diſſeminant, intelligantur, ipſa hiſtoria & crebra patrum uſur- Orig. hom.
patio declarat. Core, inquit Origenes, figuram tenet eorum, qui 9. in Num.
contra Eccleſiaſticam fidem & doctrinam veritatis inſurgunt. Idē Cypria. li. 1.
docet Cyprianus multis in locis. Porrò ſi hæreticorum etiā ap- cap. 4.
pellationem in vos competere negatis, appellate & oſtendite vos Idem tract.
catholicos, oſtendite Eccleſiam veſtram per orbem totum radios 3. de ſimpli.
ſuos porrigere, oſtendite illam per vniuerſam terram ramos ſuos prælat.
copia vbertatis extendere, oſtēdite vos non à Lutero Luteranos, Augli. 3. ca.
ſed à Chriſto Chriſtianos nūcupari. Hac ratione olim n. Auguſti- 1. cōtra Gau-
nus Gaudentiū Eccleſiā Catholicā ſibi ſuisq; vēdicantē refutauit. dentium.
Hieron. cō.
Lucifer.

Proſequitur Smidelinus: Cæterū putida eſt criminatio, Epi. Smid.

scopos à nostris eijci, vt illorū cathedras conscendāt principes &c.
 Bred. Vtiq; putida hæc est Smidolini criminatio, cum nusquam queratur Bredenbachius, Principes Cathedras conscendere, sed vestra potius & præceptoris vestri rebellionem & seditiosos violentosq; contra Ecclesiasticam potestatem insultus redarguit, sic enim inquit: Si, quibus cura huius ecclesiasticæ Reipub. cōmendata est, incipiant esse tyranni, aut alioquin negligentes officij: nō est nobis imitandus Martinus Luterus, vt nos commoto terrarum orbe, turbemus omnia, atq; illis reiectis, nos cathedras ascendamus, nos regimen ipsi arripiamus, & constituamus nos ipsos rectores Ecclesiæ Dei &c. An verò iniuste hīc queritur Bredenbachius? An negabit Smidelinus, Luterum eiecisse legitimè vocatos, & per solēnia scrutinia electos episcopos? Atquē totus mundus diuersum testatur, nec opus vt longè facti documenta petantur. Magno piorum oīm dolore vita functus est incomparabilis heros D. Iulius Pflug episcopus Numburgicus, vir eruditionis, virtutis & pietatis spectatissimæ. Quo pacto Luterus & Saxo illū tractauerint anno 1542. malim ipsius Sleidani, quā meīs verbis referre. Paulō sub hoc tempus, inquit, mortem obiit Episcopus Numburgicus, in eiusque locum à collegio fuit cooptatus Iulius Pflugius: Elector autem Saxonix princeps, non hoc licere collegio, nisi de suo consensu contendebat, & reiecto Pflugio, Nicolaum Amstdorffium ex nobilitate Theologum Vuitenbergicum instituit, inaugurāte Lutero mense Ianuario, qui post eius rei librum edit lingua populari &c. Porro libri (quantū memoria repetere licet) initium erat huiusmodi: *Wir k̄eher haben abermal ein grosse mißthat begangē/ daß wir einn neuen Bischoff in dem Stiffte Numburg eyngewielt haben on ther/schmer/sals/ schmals/ speck vnd kolen &c.*

In epist., in
pseudoeuā.

Præclara meherclē inauguratio. Dignus erat inaugurator, cui perpetuò res esset cum carbonibus & axungia, qui legitimam electionem, sacrum & antiquissimum Chrismatis vsum & sacramenta Ecclesiastica tam improbè profanabat. Nō igitur est quod vsq; adeò te tuosq; gregales excuses, quasi nullam vnquā Episcopis vim feceritis. Excusistis, inquit Erasmus, aliquot locis episcopos, Canonicos & monachos, sed muscas iam propemodū saturas, ac
 pro

pro his siticulosas adsciuitis: hæc sunt renascentis Euāgelij vestri præclara auspicia. quid imminet malorum, vos diuinate &c. Hæc ille. Nec omnino vanum est, principes & reges quosdā vestros, cathedras conscendere, dum immediatē se post Christum Ecclesiæ capita constituunt, quæadmodum non sine dolore vidimus Henricum VIII. Angliæ regem fecisse, qui obtruncato Iohanne Fischerio episcopo Rossensi, sanctæ memoriæ præfule & martyre, se ab vniuersa ecclesia Catholica per factionem & schisma segregauit, adsciscens sibi doctores, qui scabrum & insanum aurium pruritus scaberent. Quid est cathedras conscendere, si hoc non est?

Cap. 12.

Declaratur, quàm falsò & malignè deprauauerit Smidelinus verba Cypriani, vt seditionem excitet in Ecclesia Catholica, & quòd Cyprianus planè ei sit contrarius, videlicet plebem non debere temerè à suo pastore desciscere, quòd Cyprianum dicere vult Smidelinus.

PRogreditur nunc Smidelinus ad alium paragraphum: Quòd Smid. verò, inquit, non tantum magistratui suum ius in Ecclesia, derogat à Domino concessum & imperatum, sed vniuersam Christi Ecclesiam suo priuilegio spoliatur, quod iam inde ab Apostolorum temporibus obtinuit, id nullo modo ferendum est. Nam quòd ecclesiæ liceat remouere ab officio docendi indignos & sceleratos ministros, si de hac re meam auersatur sententiam Grammaticus, audiat D. Cyprianum loquentem: Propter quod, inquit, plebs obsequens præceptis Dominicis & Deum metuens, à peccatore præposito separare se debet, nec se ad sacrilegi sacerdotis sacrificia miscere, cum ipsa maximè habeat potestatem, vel eligendi dignos sacerdotes, vel indignos recusandi. Quod & ipsum videmus de diuina authoritate descendere, vt sacerdos plebe præsentē, sub oīm oculis deligatur, & dignus atq; idoneus publico iudicio ac testimonio comprobetur. Hæc ille. Quæ Grammaticus noster cum suo figmento de consule conferens, videbit mendacium & veritatem simul consistere non posse. Quæ immanè esset in Ecclesia tyrannis,
cam

eam licentiam sacrificulis concedere, utcumq; enormitèr peccent, impia doceant, & flagitiosè viuant, ut Ecclesiæ non liceat à latere tam foetidi & malè olentis hirci recedere?

Bredenbachij scopus erat, non facilè insurgendum in Magistratum, quantunvis fortè iniquiorem, nec populum ad seditiõem cõmouendum, ut sibi sumat potestatem deturbandi de sua sede illum, quem constituit rex aut princeps, dominus videlicet ciuitatis. Ità, inquit, se planè habet in Repub. Christiana &c. Nunc examinemus argumentum Smidelini ex Cypriano desumptum. Vult docere Smidelinus, posse Ecclesiam ab officio docendi remouere indignos & sceleratos ministros. Quæso te, ubi hoc negauit Bredenbachius? De officio magistratûs ciuilis in Ecclesia post videbimus. Quis autem fuerit Bredenbachij scopus, modò dictû est: huic nihil obstat illa propositio, licere Ecclesiæ remouere ab officio docendi indignos & sceleratos ministros, & ad hanc propositionem probandam nihil cõfert locus Cypriani, qui ne meminit quidem eo loci Ecclesiæ, sed plebis. Plebis autem appellatione Ecclesiam contineri non posse, non vno in loco asserit Smidelinus. Si enim plebis appellatione intelligi potest ecclesia, ubi frons, ubi mens, ubi ratio tua Smidine, cum paulò post dicis: Deindè etià hoc præposterum est, quòd ait Ecclesiam in ipsis Apostolis & episcopis fuisse, ut suum figmentum de stercore vaccino stabiliat &c. Sanè si in Apostolis & episcopis tanquàm capitalibus & præcipuis Ecclesiæ membris, non fuit Ecclesia, longè absurdus, si dicamus eam in inferioribus membris, in ipsa plebe consistere. Sed ut pius Lector plenius perspiciat malignum & seditiosum Smidelini animum, volentis hoc Cypriani dicto, plebem incitare ad seditionem & rebellionem contra magistratum Ecclesiasticum, paucis aperiemus scopum illius epistolæ & sententiam Cypriani. Triginta sex episcopi numerantur in epistolæ ἐπιστολῇ Felici presbytero & Paulo diacono rescribentes, Martiali & Basilidi hæresiarchis episcopatum gerere & sacerdotium Dei administrare non licere. Epistolæ exordium sic habet: Cum in vnum conuenissemus, legimus literas vestras, fratres dilectissimi, quas ad nos per Felicem & Sabinum cõepiscopos nostros pro fidei vestræ integritate & pro Dei timore fecistis:

Cypria. vera
ba falso &
deprauatè à
Smidel. ad-
ducta.

cistis: significātes Basilidem & martialem libellis idololatriæ com-
 maculatos, & nefandorum facinorum conscientia vinctos, episco-
 patum gerere & sacerdotium Dei non administrare oportere. Et
 desiderāstis rescribi ad hæc vobis, & iustam paritèr & necessariam
 sollicitudinem vestram, vel solatio, vel auxilio nostræ sententiæ sub-
 leuari &c. Hæc & sequentia verba paulò attentius consideremus:
 & dilucidè videbimus, nullum penè argumentum validius contra
 rebellem & seditiosam Smidelini opinionem adferri posse. Prin-
 cipidè videmus Felicem presbyterum & Paulum diaconum ple-
 bemq; ipsis commissam, oblato hoc nonnihil difficili & ambiguo
 iudicio de Martiale & Basilide hæresiarchis, & idolorum sacrifi-
 cijs contaminatis, an in episcopatu quem sibi vendicabant, & ad
 quem admitti volebant, tolerandi essent, non spontè, non tumultu-
 antè, non seditiosè, non autoritate priuata & manu populari
 eos Episcopatu deturbasse, quantunvis manifesti essent idolola-
 træ, sed conscripta ad magistratum ecclesiasticum, hoc est, vniuer-
 sum illum episcoporum senatum epistola, petiuerunt sollicitudinè
 suam vel solatio vel auxilio sententiæ episcoporum subleuari. Epi-
 scopi consulti principidè ex sacris vtriusq; testamenti literis, demō-
 strant, quales oporteat esse sacerdotes, quomodò non eligèdi sint
 ad sacerdotium impuri, vitiiati, profani, idololatræ. Nec plebem sibi
 blandiri debere, quasi immunis à cōtagione esse delicti possit, cum
 sacerdote peccatore communicans, & ad iniustum atque illicitū p-
 positi sui Episcopatum, consensum suum accommodans. Quod, in-
 quiunt, in Numeris manifestari inuenimus, quandò Core & Da-
 than & Abiron contra Aaron sacerdotem sacrificandi sibi licen-
 tiam vendicauerunt: illic quoq; per Moysen præcepit Dominus, vt
 ab eis populus separaretur, nè facinorosis coniunctus, eodem faci-
 nore & ipse perstringatur. Separamini, inquit, à tabernaculis ho-
 minum iniustorum durissimorum, & nolite tangere ab omnibus q̃
 sunt eis, nè simul pereatis in peccatis eorum: (sequuntur iam, quæ
 Smidelinus à superioribus defalcavit) Propter quod plebs obse-
 quens præceptis Dominicis, & Deum metuēs, à peccatore præpo-
 sito separare se debet, nec se ad sacrilegi sacerdotis sacrificia misce-
 re, cum ipsa maximè habeat potestatem vel eligendi dignos sacer-
 dotes,

Num. 16.

Ibid. 16.

2

dotes, vel indignos recusandi. Hæc Cyprianus. Videmus hîc plebem nihil temerè fecisse, sed episcopos suos consuluisse, & ex eorû sententia à concionibus & sacrificijs Basilidis & Martialis abstinuisse, quod Smidolini proposito ex diametro repugnat. Quis iam non admiretur, quis nō excretur extremam & desperatam huius hominis malitiam, qui tot pientissimorum episcoporum plenā sacri consilij, plenam prudentiæ & pietatis epistolam, quæ integrè citata, tam manifestè seditiosum ipsius conatum refellit: hoc, inquā, tam venerandum sanctæ illius synodi rescriptum, truncatū & mutilatum ad scelus suum stabiliendum nequissimè detorquet, quasi liceat plebi priuata & populari autoritate in præpositum Ecclesiæ insurgere, & ab eo deficere? Hîc profectò videor mihi audire ipsum D. Cyprianum, cum vniuerso illo laudatissimorum episcoporum senatu, huiusmodi expostulatione in hoc Smidolini sceleratum facinus destomachantem: Quousq; tandè Smideline scriptis nostris abutere? quandiū nos iste furor tuus suggillabit? quem ad finem sese effrenata iactabit audacia? nihil te manifesta nostri rescripti sententia? nihil contraria & repugnans tuo flagitioso conatui doctrina, tam passim, tam multis in locis & alibi etiā à nobis testata, nihil hic amplissimus tot episcoporū senatus: nihil horum ora vultusq; mouerunt? Patere tua consilia non sentis? contractam omnium horum conscientia teneri sceleratam malitiam tuam non vides? O tempora, O mores. Magistratus hunc falsarium esse intelligit, Principes vident, Episcopi exploratū habēt, hic tamē viuit, viuit? immò verò cathedram conscendit, seditiosa verba declamitat, scriptis mendacibus veritatem oppugnat, catholicos calumnijs grauat, cōuicijs laceffit, falsis testimonijs psequitur, neq; viuis, neq; mortuis parcens. Nostros quoq; mānes sollicitat, notat & designat vnumquenq; nostrū, quasi sceleris sui participem & defensorem. Hæc sceleratissimi falsarij improbitas, qua tanto iam tempore incautos oculos nostris nostrorumq; falsò & mendacitèr prolatis testimonijs fascinauit, qua dolos & imposturas suas fucauit, qua veritatem elusit: hæc tanta tamq; scelestā improbitas, non verbo, sed ferro: non votis, sed rotis vindicanda erat. Quis iam nō horum tantorum episcoporum tam iustæ expostulationi applaudat?

dat? quis non pedaneis suffragijs in eorum sententiam concedat? quis non de crimine falsi accusatum, conuictum & iudicatum, sua etiã ad stipulationem condemnet? Pudeat tam aperti mendacij pconem Evangelicum: erubescere tandẽ mendacijs veritatẽ oppugnare. Vtinã exurgat Deus, & dissipentur inimici eius, & fugiãt, qui oderunt eum, à facie eius. Iustissimus dolor has querelas nobis extorquet, quod videamus huiusmodi mēdacijs & imposturis simplicium corda seduci. Sed vincet tandẽ veritas, quæ premitur quidẽ ad tempus, nunquã tamen opprimitur. Obrepere si hominibus possunt, inquit ibidẽ Cyprianus, DEO non possunt, cùm Lib. 1. ca. 4. Gal. 6. scriptum sit, Deus non irridetur.

Sed vt Cypriani locũ penitus examinemus, patet quo pacto ipsi episcopi, de Basilide & Martiale consulti, rescripserint Felici presbytero, Paulo Diacono, &c. vt plebs segregetur, nec sacrilegi sacerdotis sacrificijs sese misceat. Vndẽ iam euidentẽ liquet, impudentissimẽ & falsissimẽ hunc locum eò detortũ à Smidelino, quasi plebs propria & plebeia auctoritate, statim cõtra pastorem aut episcopum insurgere debeat, cùm hic tam apertẽ legamus, plebem illam, de qua Smidelinus ex Cypriano refert, nihil priuatim, temerẽ aut inconsultẽ molitam, sed per Felicem presbyterum & Paulũ diaconum, consuluisse Cyprianum & reliquos Episcopos, quid de Basilidis & Martialis episcopatu & sacrificijs admittendis statuerẽdum aut sequendum esset. Qui igitur Cypriano teste niteris, Cypriano teste mentiris. Neque spoliatur Ecclesiam suo privilegio Bredebachius, vt suo more falsẽ criminatur Smidelinus. Ab ipsis apostolorum temporibus vsq; in præsentem diem, semper fuit habitus delectus in ordinandis sacerdotibus, eoq; nunquã nisi præmissio examine, in loco publico, in Ecclesia Metropolitana, in conspectu totius populi ordinantur & consecrantur, vt nisi idoneam & sufficientem habeant eruditionem, aut alicuius criminis accusentur & conuincantur, à sacerdotio repellãtur. Atq; hoc est quod Apostolus Timotheum suum de ordinandis Ecclesiæ præpositis 1. Tim. 3. & ministris instruens, inquit: Oportet autem illum testimoniũ habere bonum ab ijs qui foris sunt, vt non in opprobrium incidat. Sic Apostoli, delecturi Diaconos, inquit: Considerate, fratres, Act. 6.

Q 2

viros

Plebis assensus etiã nũ adhibetur in eligendis sacerdotibus.

1. Tim. 5.

Plebis assen-
sus cur in
eligendis sa-
cerdotibus
adhibeatur.

viros ex vobis boni testimonij septem, plenos spiritu sancto &c. Vi-
dua quoq; debebat eligi, in operibus bonis testimonium habens.
Iam si sacerdos ordinandus sit aliquis, testis & latentia crimina in
recessu habens, de quibus Ecclesia iudicare non potest, cum de oc-
cultis non iudicet, uti supra dictum est, & interea plebs vel aliquis
ex plebe istorum criminum conscius sit, tenetur ex officio, habita-
ratione salutis publicæ, quæ suprema lex est, monere ordinantem
Episcopum, nè temerè hominem flagitiosum ad sacerdotium ad-
mittat. Hoc est quod ait Cyprianus, cum ipsa plebs maximè habeat
potestatem vel eligendi dignos sacerdotes, vel indignos recusandi.
Quamobrem Cyprianus respondet paulopost, Quia plebs singu-
lorum vitam plenissimè nouit, & vniuscuiusq; actum de eius con-
uersatione perspexit. Longè igitur diuersa sunt, eligere & electiõis
assensum præbere, ac bonum testimonium perhibere, electum de-
niq; ordinare & consecrare. Sed & hanc rationem habet plebis as-
sensus, ut sacerdotes & episcopos suos maiori amore & obseruan-
tia prosequatur, ut potè in quorum electiõem communibus & cõ-
cordibus suffragijs consensit. Hoc enim est quod beatissimus Leo
scripsit ad Anastasium: Nè, inquit, ciuitas episcopum non optatum
contemnat & oderit, & fiat minùs religiosa, quàm conuenit, cui non
licuit habere quæ voluit. Atq; hinc etiam nũm hodiè apud Catho-
licos in loco publico, ut diximus, & in æde Cathedrali ordinantur
sacerdotes, ut quilibet habeat facultatem vel indignorum susce-
ptionem consentiendi, vel indignos, propalato crimine, recusandi.
Quod si latentèr fortè irrepperint indigni, & flagitiosè viuendo
perrexerint se præbere indignos: alterum superest remediũ, anna-
les vel etiã semestres prouinciarum & diocesium synodi, parti-
cularia deinde singulorum collegiorum comitia, conuentus seu
(ut vocant) capitula, in quibus deferendæ sunt huiusmodi quere-
læ ad synodi præsides, exemplo huius plebis, de qua loquitur Cy-
prianus, quæ, cum Basilides & Martialis hæresiarchæ obrepissent
ad episcopatum, per Felicem presbyterum & Paulum Diaconum
hanc rem detulerunt ad Cyprianum & reliquos episcopos: non au-
tem, ut mendacitèr probare conatur Smidelinus, statim seditiosè,
non expectata episcoporum sententia, se separauerunt. Ecce hæc
est

est genuina & manifesta Cypriani sententia, apostolicæ doctrinæ & publicæ tranquillitati cōseruandæ per omnia cōformis & cōsentanea. Smidelin⁹ verò impudentissimè & falsissimè Cyprianū deprauans, ad dissidia, seditiōes & schismata classicū canit. Huic iam sentētię, de nō insurgendo facilè contra sacerdotes & Magistratus Ecclesiasticos, appositè conuenit quod à Bredenbachio ex Luca allatum, Smidelinus simpliciter dissimulauit. Apud Lucam quid minatur (Domin⁹) Petro, inquit, si alius esse incipiat in suo Pontificatu, quàm debeat? Quod si dixerit seruus ille in corde suo, Moram facit Dominus meus venire: & cœpit percutere seruos & ancillas, & edere & bibere & inebriari, veniet Dominus serui illius in die qua nō sperat, & hora qua nescit, & diuidet eum, partemq; eius cum infidelibus ponet. Eccè non dicit, Potestas erit cæteris seruis & ancillis insurgendi in illum seruum tam malè regentem domum absente Domino, & illum deturbandi, seq; in loco eius constituēdi: sed Dominus ipse veniet, &c. Hæc Bredenbachius. Intelligitur autē hic locus de præpositis Ecclesiasticis, teste Ambrosio & Theophylacto, & reliquis in 12. cap. Lucæ.

Lucæ 12.

Cap. 13.

Non ineptè adductum à Bredenbachio locū Pauli, Tu quis es qui iudicas alienum seruum? ibidē grauiſſimus locus ex Chrysostomo adducitur, quo arguuntur illi, qui temerè in pastores Ecclesiasticos insurgunt. Itemq; memorabile dictum Constantini Magni.

QUOD Bredenbachius non inſcitè allegauerit locū Pauli, Tu quis es qui iudicas alienum seruum, (vt falsò calumniatur Smidelinus) elegantè & copiosè declarat Chrysostomus hom. 2. in cap. 1. epistolæ 2. ad Timoth. Quem locum tametsi prolixum, semel tamen ascribere visum est, vt impurum os Smidelini, totiès in impuros sacrificulos expuētis ac deblaterātis, semel obstruatur: & simpliciores, quibus hæc grandia volumina nec habere, nec legere datum est, hac

Rom. 14.

Q 3

vel-

Grauiſſima
 Chryſoſto-
 mi ſentētia
 de malis ſa-
 cerdotibus.
 Matt. 10.
 Etiam ma-
 lus ſacerdos
 honorandus
 propter de-
 um.
 Sacerdos
 angelus dñi
 Deus tam p
 indignos, q
 dignos
 opatur.
 Matt. 7.
 Præpoſito-
 rum vita cu-
 rioſè diſcu-
 tienda non
 eſt.

veluti ſpongia aduerſus calumniantiū adſpergines inſtruatur. Qui
 honorat ſacerdotes, inquit Chryſoſtomus, Deum quoq; honorat:
 qui verò ſacerdotem ſpernit, ad id ſenſim prolabitur, vt in Deum
 ipſum aliquñ cōtumelioſus euadat. qui vos, inquit, ſuſcipit, me ſuſci-
 pit. Et ſacerdotes, ait, ei in honore habete. Hinc Iudæi Deū aſper-
 nari didicerunt, quia Moſen contempſerunt, quia lapidibus illum
 impetebant. Nam qui piè ſacerdoti afficitur, longè maiore pietate
 Deum reueretur. Etſi enim malus fuerit ſacerdos quiſpiam, attē-
 dit Deus, quòd ſui gratia illum etiā qui dignus honore non eſt,
 obſequijs foues, ipſeq; tibi præmia exoluet. Si enim qui Prophetā
 in nomine Prophetæ ſuſcipit, mercedem prophetæ accipiet: pfe-
 ctò & qui cedit & obtemperat ſacerdoti, mercede ſua non deſtitu-
 etur. Nam ſi vbi de hoſpitalitate agitur tantum, vbi, quem ſuſcipis,
 ignoras, tantum præmiorum accipis: ſi ei ſubijciaris, cui imperat
 Deus, non multò magis mercede donaberis? Super cathedram in-
 quit, Moſis ſederunt ſcribæ & Pharifæi: omnia ergò quæcunq; di-
 xerint, facite: ſecundum autem opera eorum nè faciatis. An igno-
 ras quid ſit ſacerdos? Angelus utiq; Domini eſt. Non ex ſeipſo lo-
 quitur: ſi deſpicias, non illum deſpicias, ſed Deum qui illum ordina-
 uit. Sed vndè, inquires, conſtat, Deum fuiſſe illius ordinationis au-
 thorem? Nempè niſi tu hanc habeas opinionem, ſpes tua inanis fa-
 cta eſt. Nam ſi nihil per illum operatur deus, neq; lauacrum habes,
 neq; myſteriotum particeps es, neq; benedictionibus fruieris. Non
 ergò Chriſtianus es. Quid ergò? Deus omnes ordinat, per omnes
 ipſe tamen operatur, ſalutem populi moliens, non illorum intuens
 merita. Nam ſi per aſinæ os, ſi per Balaam ſceleſtum hominem po-
 puli cauſa locutus eſt, multò magis loquitur per ſacerdotem ple-
 bis ſuæ gratia. Quid enim non agit Deus ſalutis noſtræ cauſa? quid
 non loquitur? per quem non operatur? Si enim per Iudam opera-
 tus eſt, & per prophetas, quibus diſturus eſt: Non noui vos, diſce-
 dite à me qui operamini iniquitatem: Perq; illos qui dæmones in
 nomine ſuo eiecerunt, non magis per ſacerdotes diuino myſterio
 famulantes operabitur? Nanq; ſi præpoſitorum vitas diſcutere p-
 gimus, ipſi doctores noſtros ordinare contendimus: peruerſoque
 ordine naturali, quæ ſuprà ſunt, infrà eſſe volumus, vt ſuperius pe-
 des,

des, inferius verò sit caput. Audi quod Paulus dicat: Mihi autem p
 minimo est, ut à vobis iudicer, aut ab humano die. & iterum: Tu
 quid iudicas fratrem tuum? Si fratrem iudicare non expedit, quā-
 to minùs magistrum? Nam si quidem hoc statuit Deus, benè fa-
 cis, peccasq; nō facias: sin verò contraria præcipit, noli præsumere,
 neq; ea coneris, quæ super te sunt. Insurrexerunt aduersùs Aaron,
 post vituli formatam effigiem Core, Dathan, & Abiron. Quid er-
 gò? nōne illi perièrunt? Quilibet, quæ ad se pertinent, sollicitè curèt.
 Nam si quidem fidei dogma peruertat, etiam si angelus sit, obaudi-
 re noli: sin verò recta docet, noli vitæ, sed verbis intendere. Habes
 Paulum verbis te operibusq; moderantem. Non distribuit paupe-
 ribus, inquires, non benè dispensat Ecclesiæ res. Vndè tibi id con-
 stat? Noli illum culpāre antequā discas. Reatum caue. Plurima
 quippè ex simplici suspitione iudicantur. Imitare Deum tuum: au-
 di ipsum dicentem: Descendens videbo, si secundum clamorē suū
 consummatur: sin autem, ut sciam. Quod etsi didicisti & examinā-
 sti & vidisti, iudicem sustine. Noli præripere Christi iudicis ordinē:
 illius est munus, ista discutere, non tuum. Tu seruus vltimus, non
 dominus es. Quis ipse es, pastorem noli curiosè discutere, nè eius
 quoq; criminis reus tenearis, quòd illum accusare psumis. Et quo-
 modò, inquires, ipse mihi dicit, quod ipse non facit? Non tibi ipse
 dicit: nam si illi obtemperas, mercede priuaris. Christus hæc admo-
 net. Plus aliquid dicam, ne Paulo quidem obedire oportet, si quid
 dixerit proprium, si quid humanum, sed Apostolo Christum in se
 loquentem circumferenti. Non igitur aliena iudicemus: sua quisq;
 discutiat, vitamq; diiudicet suam. At debet ille, inquires, melior ef-
 se, quā ego. Cur obsecro? Quia sacerdos est. Et quid non habet il-
 le ampliùs quā tu? Non labores, non angores, non æumnas? De-
 bet esse te melior? Quid ergò? Nisi sit melior, te ipsum perdis ac pi-
 mis? Sunt verba ista plena arrogantia. Vndè enim nōsti illum te nō
 esse meliorem? Furatur, inquires, & sacrilegus est. Vndè hoc nōsti ò
 homo? cur te ipsum per præcipitia impellis? Nempè si quis dixerit,
 ille purpuram habet, quanuis id scias, aurem obruis: et si arguere
 possis, protinùs resilis, teq; scire dissimulas, nolens gratis subire pi-
 culum. Quid ergò hoc in loco periculum minimè necessarium sus-
 cipis?

Aliàs & qd
habet.

Matt. 12.

cipis? Non carent reatu hæc verba. Audi quid dixerit Christus: dico autem vobis, quòd omne verbum ociosum, quodcunq; locuti fuerint homines, reddent rationē de eo in die iudicij. Cur te ipsum quouis arbitraris esse meliorem? Cur nō ingemiscis magis, ac petus tundis, atq; in humum respicis, imitando felicem publicanū? Etsi enim melior sis, hac fœda existimatione tua cuncta perdidisti. Melior es? tace, vt persistas esse melior: quòd si loquaris, omnia exinanisti. Si te putas esse, desisti: si non putas, multum sanè profecisti. Si enim qui peccator aduenerat, vbi confessus est, iustificatus descendere meruit: qui peccator non est, & esse se putat, quid (oro) non lucrabitur? quantū ex ea humilitate suis adiciet commodis? Vitam tuam diligentius discute. Fur non es? at rapis, at violas, at innumera huiusmodi perpetras: neq; id, vt furtum probem, dixerim. Absit: immò illud valdè execror, & eum qui est huiusmodi, valdè defleo: nam dici non potest, quàm sit sacrilegium malum. Sed vobis parco. Nolo enim virtutem vestram alios accusando minuere. Quid, oro, publicano deterius? At cū esset innumeris peccatis obnoxius, pharisæusq; id solū diceret, Nō sum sicut publicanus iste, omnia perdidit. Tu de sacerdote dicis, Non sum sicut iste sacrilegus, & non omnia prorsus amittes? Ista necessariò dicere, ac plurimis verbis prosequi cogor, non sacerdotum tantū gratia, sed vestri. Nam vereor, nè hac elatione virtus exhauriatur vestra, in iudiciumq; decidatis. Audi deniq; qd dicat admonēs Paulus: Opus autem suum probet vnusquisq;, & tunc in semetipso tantū habebit gloriam, & non in altero. Nam dic, oro, si faucius proficiscaris ad medicum, num omīssa cura vulneris tui, studiosè medicum percōtaris, vulnus ille habeat nec ne? An verò etsi ille sit faucius, vulnus tuum idcirco non curas, dicisq; sanū illum esse oportuit, medicus cū sit? Quandò verò sanus medicus non est, abscedo, vulnus mecum insanabile referens? Nunquid enim, si sacerdos malus, indè solatium capiet subditus? Nihil minùs. Ceterū dabit ille quidam scelerum suorum debitas pœnas, dabis autem & tu tuorū criminum pœnas. Etenim magister solum iam ordinem implet. Erūt enim, inquit, omnes docibiles Dei, neq; dicent, agnosce Dominū. Omnes enim agnoscent me à minimo vsque ad maximum eorum.

Luc. 18.

Cuius

Ioan. 7.

Esa. 51.

Hier. 31.

Cuius ergò rei gratia, inquires, præsidet? Cur p̄positus est? Nè, q̄so, Doctores nostros maledictis impetamus, vt nè nosmet potius ledamus. Nostra, vt dixi, omnia discutiamus, & neminē penitus maledicemus. Reueremur diem illam, qua illuminati ab illis sumus. Patrem qui habet, etsi mille patiatur incommoda, omnia patris reuerentia conteget. Noli enim, inquit, gloriari in ignominia patris tui: neq; enim tibi tam gloria, quàm probrū est. Et si sensum amiserit, veniam habe. Lōgè hæc magis in patre spiritali dicēda sunt. Reuerere illum, quòd tibi diebus singulis diuina ministrat, scripturas relegi facit, tuī gratia exornat domum: propter te vigilat, propter te vota persoluit, pro te Deum precaturus adstat, tuī causa preces exoluit, pro te apud illum religio, cultusq; & obsequiū est, pro te ista omnia. Reuerere hæc ergò atq; considera: accede ad eam cum summa reuerentia. At malus ille est, & hoc ad te quid? Nunquid enim qui malus non est, ipse tibi magna ista & diuina largit? Absit. Fides enim tua ad omnia valet, neq; tibi iustus quispiam pderit, nisi ipse fidelis sis: neq; nocebit malus, si fueris ipse fidelis. Per vaccas in arca operatus est Deus, cū populum saluare vellet: num enim sacerdotis vita, num virtus tantum conferre potuisset? Non possunt, quæ Deus ipse largitur, veluti sacerdotali virtute p̄fici: omnia quippè diuinæ sunt gratiæ. Huius tantum munus est, aperire os: ceterum Deus cūcta operatur: symbolum iste tantummodò implet. Intuere quātum inter Iohānem & Iesum interest, & audi dicentē Ioannem: Ego opus habeo à te baptizari: &, Non sum dignus soluere ipsius corrigiam calceamenti. Sed tamen, cū tantum interest, descendit spiritus, quem non habebat Iohannes. De plenitudine enim, inquit, ipsius nos omnes accepimus. Prius tamē quàm baptizaretur, non ille descendit, neq; Iohannes ipsum descendere fecit. Cur ergò istud fit? Vt scias sacerdotem symbolum implere tantummodò? Nemo hoīm tantum distat ab homine, quantum à Christo Iohannes. Descendit tamen spiritus, vt discas Deū omnia operari, Deum omnia facere. Volo quiddam adijcere planè mirabile, & nolite mirari neq; turbemini. Quid verò istud est? Sacra ipsa oblatio, siue illam Petrus, siue illam Paulus, siue cuiusvis meriti sacerdos offerat, eadē est, quā dedit Christus ipse discipulis, quamq;

Non gloriandum in ignominia patris.

I. Reg. 6.

Matt. 3.

Ioann. I.

Hæc animaduertat Missæ mastix Smidelin.

R

sa-

sacerdotes modò cōficiunt. Nihil habet ista, quàm illa, minus. Cur id? Quia non hanc sanctificant homines, sed Christus, qui illā antè sacrauerat. Quemadmodum enim verba quæ locutus est Christus, eadem sunt quæ sacerdotes nunc quoq; pronūciant: ita & oblatio eadem est, eademq; baptismi ratio est: adeò omnia in fide consistunt. Cornelium spiritus repentè repleuit, quia ipse priùs alacritatem voluntatis ostenderat, fidemq; plenissimæ deuotionis obtulerat. Et hoc igitur Christi corpus & illud est: qui autè hoc illo minus aliquid habere putat, ignorat Christum esse, qui nūc etiā ad est atq; operatur &c. Hæc ibi D. Ioannes Chrysof. Ex quibus manifestum euadit, non ineptum nec insulsum esse, quod Bredenbachius ex Paulo ait, de iudicio in alienum seruum. Docemur etiā quo spiritu agitetur Smidelinus, & quid huic respondendum sit, dum nulla non in pagina sacerdotes & præpositos Ecclesiasticos allatrat, vitamq; & mores eorum velut hircinos impotētissimè seditiosissimeq; traducit. Audiat quid pientissimus Imperator Constantinus in cōfessu Patrum Concilij Niceni dixerit: Si in episcopum incideret alienum coniugium violantem; se purpura sua piaculum id obtekturum esse, nè tam fœdū facinus spectatoribus occasionem mali crearet. Porro quòd impotentissimus calumniator non mores duntaxat episcoporum, sed & doctrinam eorum & totius Ecclesiæ Catholicæ impietatis & superstitionis nomine sugillat, quo iure hoc faciat, infra videbimus, & hætenus, vt sperò, luculentè & fidelitè demonstrauimus.

Cap. 14.

De ordine hierarchico Ecclesiæ Catholicæ, eoq; nō facile turbando.

Smid. **P**ergit iam Smidelinus, & concedit ordinē in Ecclesia nō esse turbandum. Verū in hoc ordine, inquit, mitratos vestros & impuros sacrificulos contineri pernegamus.

Bred. Quàm p̄clara & necessaria sit res in Ecclesia & ciuitate Dei politicus ordo, non eget magna declaratione: docent ciuitatū benè constitutarum exempla, docet ipsa rerum naturalium constitutio, in quibus pulcherrimus ordo conspicitur. Refert Paulus in Ecclesia

Ecclesia quosdam datos Apostolos, quosdam autem prophetas, alios verò Euangelistas, alios verò pastores & doctores ad con-
 summationem sanctorum, in opus ministerij, in ædificationē cor-
 poris Christi &c. Alibi refert, quomodò per ciuitates constituerit
 Episcopos. In Actis legimus Apostolos elegisse Diaconos, atq; ità
 statim quendam hierarchicum ordinem vnà cum subolescente ec-
 clesia natum & institutum, ex Euangelicis & Apostolicis scripturis
 manifestum euadit. Neq; hic episcoporum, sacerdotum & Diaconorum
 ordo cum Apostolis expirauit, sed procedente tempore &
 coalescente Christianismo, magis ac magis instauratus & excultus,
 atq; ità excultus, vt etià D. Clemens adhuc cunabulà & primordia
 duntaxat Ecclesiæ conspiciens, comparauerit Ecclesiæ statum
 magnæ naui, quæ per vndosum pelagus diuersis è locis & regionibus
 viros portat, ad vnā potentis regni vr̄bem properare cupientes.
 Sit ergò, inquit, nauis huius Dominus, ipse omnipotens Deus:
 gubernator verò sit Christus: Tum demùm proretæ officium episcopus
 impleat, presbyteri nautarum, diaconi dispensatorum locū
 teneant: hi qui catechizant, nautologis conferantur: epibatis autē,
 totius fraternitatis multitudo similis sit: ipsum quoquē mare, hic
 mundus habeatur, &c. Huius apud Clementem similitudinis me-
 minit quoq; D. Anacletus epist. 1. ad omnes Ecclesias scripta. Iam
 verò paululū maturescens & velut pubertatem ingressa, quā formam
 habuerit, luculentè describit ipse D. Anacletus epist. 3. cui
 titulus, De Patriarchis & primatibus & reliquis episcopis, & quòd
 Ecclesia Romana cardo sit & caput omnium Ecclesiarum. In hac
 epistola recenset de primatu Ecclesiæ Romanæ: quam, inquit, beatissimi
 Petrus & Paulus suo martyrio consecrauerunt. Secundam autem
 sedem esse apud Alexandriam, Tertiam apud Antiochiam. Refert quoq;
 de patriarchis, primatibus, archiepiscopis Metropolitanis, episcopis &c.
 Tum etià difficiliore causas Romæ tractādas. Ecce talem ordinem,
 talem œconomiam statim ab Apostolorum temporibus habuit
 Ecclesia Catholica, principio quidem pusilla & humilis instar
 grani illius sinapis, cui Christus eam comparat. quod acceptum
 misit homo in hortum suū, & creuit, factumq; est in arborem
 magnam, ità vt volucres cæli veniētes in ramis eius

Ephe. 4.

Ordo eccle
siæ.In epist. 1.
ad Iacobū
fratrē Dñi.

requiescerent. Hūc ordinem semper in Ecclesia fuisse, atq; etiā-
nūm esse, omnes historiarū vno ore testantur, & res ipsa clamat.

Cyprianus
tract. 3. de
simpli. præ-
latorum.

In authent.
Quo oportet
episco.

Ex hac continuata episcoporum mutuo sibi succedentium se-
rie & propagine Catholicos episcopos & Pontifices omnes, quot-
quot vnquam fuerunt, atq; etiānū hodiē sunt, descendere ac
prouenire, salua verecundia & veritate, nunquam poterit inficiari
Smidelinus, quantunūc nunc ex mera cauillandi & mentiendi li-
bidine peruicaciter perneget. Nec posset ornatio & magis com-
positus ordo inueniri aut optari, quā in Ecclesia Catholica, tum
inter ipsos Ecclesiasticos præpositos, tum politicos & ciuiles magi-
stratus, institutum conspiciamus. Habet enim imperium suos gra-
dus, suūq; fastigium. Habet vnum & generalem monarcham, cui
subsunt reges, regibus Duces, ducibus Barones, Satrapæ &c. Sic
& Ecclesia magna illa domus & ciuitas Dei, vnum habet hierar-
cham, cui subsunt primates, primatibus archiepiscopi, archiepisco-
pis episcopi, præpositi, decani. Hunc ordinem & hanc constructi-
onem, qua tandem gradibus quibusdam ad vnitatem deuenitur,
considerauit Cyprianus, cū ecclesiæ vnitatē comparat modò ra-
dijs multis solaribus ab vno sole promicantibus, modò ramis ex
vno truncopullulantibus, modò etiā riuīs ex vno fonte proflu-
entibus, Hunc quoq; ordinem & hanc hierarchiam, quam etiā-
nūm in Ecclesia Catholica conspiciamus, præuidens olim in spiritu
Sapiens, exclamat: Quæ est ista, quæ ascendit quasi aurora confur-
gens, terribilis vt castrorum acies ordinata? Hic ordo quā diū in
vtraq; tam Ecclesiastica, quā ciuili Republ. conseruatur, facit vt
pulcherrima quædam in rebus humanis consonantia reluceat, re-
ferente Iustiniano Principe: Magna sunt in hominibus dona Dei,
inquit, à suprema collata clementia, Sacerdotiū & Imperium: illud
quidem diuinis ministrans, hoc autem humanis præsidens ac dili-
gentiam exhibens, ex vno eodemq; principio, vnaq; prouidentia
humanam exornans vitam. Nam si sacerdotium inculpabile sit vn-
diq;, & apud Deum fiducia plenum: Imperium autem rectè & com-
petentèr exornet traditam sibi Rempub. erit cōsonantia quædam
pulcherrima, omne quicquid vtile est humano generi conferēs. Ta-
lem ac tam felicem florentemq; consonantiam multis seculis vi-
dit

dit Ecclesia Catholica, nec vnquam descripta est nisi per hæreticos, seditiosa doctrina concitantes populū aduersus legitimos ecclesiæ & Imperij Magistratus, vt profani sibi vendicarent ea, quæ sunt sacerdotum: subditi quæ præpositorum, rudes & idiotæ quæ doctorem & eruditorum. Atq; huiusmodi seditiosam istius cõsonantiæ, istius compositissimi ordinatissimiq; ordinis commissionē & perturbationem, ipsissimam esse causam omnium horum dissidiorum, inter alia multa luculentissimo & efficacissimo D. Cypriani testimonio¹ declarauit Bredenbachius. Cyprianus cū alijs multis in locis, tum verò in tractat. 3. qui inscribitur, de simplicitate prælatorum, & in epist. 3. lib. 1. quæ est ad Cornelium Papam, ita scribit: Neq; enim aliundè hæreses abortæ sunt, inquit, aut nata sunt schismata, quàm indè, quòd sacerdoti Dei non obtemperatur, nec vnus in Ecclesia ad tempus sacerdos, & ad tempus Iudex vice Christi cogitatur. Cui si secundum magisteria diuina obtemperaret fraternitas vniuersa, nemo aduersum sacerdotum collegiū quicquam moueret: nemo post diuinum iudiciū, post populi suffragium, post coepiscoporum consensum, iudicem se iam non episcopi, sed Dei faceret: nemo dissidio vnitatis Christi Ecclesiā scinderet, nemo sibi placens ac tumens, seorsim foris nouam hæresim conderet. Nisi si ita est aliquis sacrilegæ temeritatis, ac perditæ mentis, vt putet sinè Dei iudicio fieri sacerdotē, cū Dominus in euangelio suo dicat: Nōne duo passeresset ueneunt, & neuter eorū cadit in terram sinè patris vestri voluntate? Cū ille nec minima fieri sinè voluntate Dei dicat, existimat aliquis summa & magna, aut non sciēte, aut non permittente Deo in ecclesia fieri, & sacerdotes (id est, dispensatores) eius nō de eius sentētia ordinari? Hoc est fidem non habere qua uiuimus, hoc est, Deo honorem non dare, cuius nutu regi & gubernari omnia scimus & credimus. Hæc Cyprianus.

Quod tam illustre, de nō turbando ordine & præstāda vni sacerdoti obedientia, testimonium, audiamus quæso, quàm ineptis sycophantijs conetur eludere noster Goppingēsis. Eo in loco magis Cypriano propositum fuerat, petulantiam quorundam, reprimere, qui sinè causa metropolitanis contradicentes, nihil non sibi

R. 3 in

in Ecclesia licere arbitrarentur. Immò Smideline indè natas hæreses ait S. Martyr, quòd vnus in ecclesia ad tempus sacerdos, & ad tempus Iudex vice Christi non cogitatur: de metropolitanis verbum nullum. Super vnum ædificat Ecclesiam, & illi pascèdas oues committit, inquit in libro de vnitae Ecclesiæ. Et Hierony. ait, capite còstituto schismatis tolli occasiõẽ. Considera, quæso cådide lector, còsidera, inquã, quid potuit clarius & veri⁹ à S. Martyre dici de origine & causa hæresum, & non perturbãdo ordine illo hierarchico in ciuitate Dei ecclesia? Quod argumentũ pleni⁹ ac solidi⁹ obstruere potuit impurum illud os Smidelini, dum peruicacitè oblatrat: Verũ in hoc ordine mitratos vestros & impuros sacrificulos contineri pernegamus &c. Ille verò quemadmodũ suprà impudentissimè & mendacissimè deprauauit apertè sibi repugnantem D. Cypriani sententiam, ità hunc quoq; Cypriani locum, qui velut herculeæ claua vno impetu vniuersam Smidelini & omnium hæreticorum Babylonem fundit⁹ prosternit, ineptissimis strophis & aperto mendacio conatur eleuare. Iam eidem Cypriani sententiæ pulcherrimè accinit Chrysostomus: Hoc nempe est, inquit, malorum om̃ium causa, quòd rectorum autoritas perijt, nulla illis reuerentia habetur, nullus honor, nullus metus. Ob audite, inquit Apostolus, præpositis vestris, & subditi estote illis. At nunc peruersa & confusa sunt omnia, &c. Et D. Hieronymus: Ecclesiæ salus in summi sacerdotis dignitate pendet, cui si nõ exors quædam & ab omnibus eminens detur potestas, tot in ecclesijs efficiuntur schismata, quot sacerdotes. Eiusmodi sententiæ passim apud Patres occurrunt. Videatur D. Cypriani tractatus 3. de simplic. prælatorum. D. Anacletus in epistola prima ad omnes Ecclesias scripta, & epistola 2. de ordinatione Archiepiscoporum. (Item epist. Clemēt. 3. de officio sacerdot. & clericorum. Iam cum his cõferatur illud classicum Luteri in lib. ad regem Angliæ: Nos nõ sumus Papæ, sed Papa noster est: nostrum est, nõ iudicari ab ipso, sed ipsum iudicare. Si hæc Luterus protulit suggerente spiritu sancto, fatendum est, Patres Orthodoxos habuisse spiritum non sanctum: sin autem hi spiritum sanctum habuerunt, quorum sanctimoniam non catholici duntaxat, verũ etiã hæretici suspiciunt & veneran-

Heb. 13.
In 2. Timo.
ca. 1. hom. 2.
Hieron. ad
uersus Lusi-
ciferianos.

rantur: quæ (malum) dementia, quæ peruiçacia, tam seditiosa paradoxa velut purum putum verbum Dei, voce & stylo, clamoribus & conuicijs, calumnijs & falsis allegatiõibus mordicis velle tueri ac defendere? Video me multò diutius his inuorari, quàm decreueram, & quàm dignum fuerit nugacissimis istis nugis refutandis inhærere: attamen quia fateri cogitur ordinem non esse turbandum, & ab hoc ordine mitratos (vt vocat) episcopos, cum vniuersa Catholica & Apostolica Ecclesiæ hierarchia, sinè omni ratione excludit: visum est in gratiam Lectoris, re paulò altius repetita, manifestum calumniatorem euidenti demonstratione refellere. Quem, quæso, ordinem putas non esse turbandum Smideline? de quo ordine mihi narras? Nõne de ecclesiastico? Vtiq; nam de hoc potissimum cõtrouertimus. Iam autem Ecclesiam vtriq; sibi vendicât, Catholici, & vos hæretici. Si vestræ Ecclesiæ ordinem nõ esse turbandum concedis, quid (quæso) nobis concedis? An putas quempiam turbare posse illud, quod non est in rerum natura? Si negas, da nobis vllum ordinis vestri documentum. Vbi est corporis Ecclesiæ vestræ caput? Vbi oculi? Vbi os & lingua? Vbi manus & pedes? Nõne omnia hæc sunt apud vos confusa? Nõne omnes vultis esse scripturarum interpretes, & controuersiarum diremptores? omnes prophetare & linguis loqui? Nõne omnem sacri & profani, sacerdotum & populi differentiam tollitis? puerum & mulierem eiusdem esse potestatis, iuxtà posse absoluere (vtor verbis Luteri) atquæ Papam? Nõne Ecclesiam vestram, haud septicipitem tãtùm hydram, sed Hecaten, immò monstruosissimum innumerabiliũ penè capitum portentum, oculis nostris conspiciamus? Notius hoc est, quàm vt exemplarem demonstrationem requirat. Non potest igitur apud vos turbari ordo hierarchicus seu Ecclesiasticus, quæ nec habetis, nec recipitis, qui dum caput habere non vultis, etiã inuiti, nihil ferè nisi capita habetis, eaq; sinè cerebro: immò, vt veriùs dicam, non parùm cerebrosa, pugnacia, seditiosa, rebellia. Cùm igitur concedas ordinem non esse turbandum, nolens volens cõcedere cogeris hanc hypothesin, Ordinem hierarchicum Ecclesiæ Catholicæ non esse turbandum.

CAP.

Cap. 15.

De diuersa Principum & Episcoporum functione: & opus bonum, quandoquē ex personæ vel tēporis circumstantia malum reddi.

Smid.

Pergit in eodem tenore Smidelinus: Ad exempla Ozæ & Oziz nihil prorsus nunc respondebo, cū tanta audacia & impudentia prætereat silentio, quæ Brentius ad Sotū de his scripsit, quasi non legisset, quā dissimile sit illorum facinus, quod ipse in pios principes torquet &c.

Bred.

Quid dicat Brētius, ipse viderit. Nobis abūdē satisfacit historia Biblica, tam hoc in loco euident, vt vetustissimi ecclesię doctores his exemplis perpetuō vsi legantur cōtra præposteram Principum in gubernandis Ecclesijs curam. Et nē nimis sibi blandiatur Smidelinus de authoritate Brentij, nos Iohanni Brentio Diuum Iohānem Chrysostomum doctrina, sanctimonia & antiquitate venerandum episcopum, opponimus homil. 4. de verbis Esaiaē tomo 1. vbi eleganter demonstrat, alios esse terminos regni, alios sacerdotij. Non negamus piam quodammodō videri posse principum sollicitudinem: sed quia principum est, territorij, vrbibus, pagis &c. præficere prætores, præfectos &c. non autem agere harmostas & diribitores prouinciarum ac diœcesium episcopaliū, constituere episcopos, ordinare sacerdotes, ex proprio arbitratu nouam religionem inducere, non consultis, immō contemptis illis pastoribus & doctōribus, quos Deus ecclesię suę præfecit, hæc principum sollicitudo, quantumvis decepti a pseudoprophetis, rectē & piē se facere existiment, Deo ingrata est, atq; idē ingrata, quia præposterā, quia termini Regni eousquē se non protendunt. Audiamus hac de re D. Basilium: Potest, inquit, fieri, vt sit aliquid propria sua ratione & voluntas Dei, & bonum: quando verō præter personæ vel temporis rationem vsurpatur, iam Deo acceptum nō sit. In eandem sententiam Dionysius Arcopagita in epist. 8. ad Demophilū.

Basil. in regul. cōtrac. regul. 276.

Si hæc apud te nihil habent ponderis, Smideline, vel sola Dialectica tua, quam tanto operē iactitas, docere te debebat, quanta sit in huiusmodi, immō rebus humanis vniuersis vis & potestas τῶν πᾶν

81-

πιστάσεων. Sed hæc suo loco, ubi de officio Principum dicemus, latius tractabimus, nè sequentes ductum Smidelini, omnia cōfundamus, qui ferè nulla non in pagina de officio Principum, & impuris sacrificulis tollendis, inculcat.

Cap. 16.

An episcopi habeant potestatem iudicandi causas seculares, & potestatem gladij. Itemque D. Augustinum & alios episcopos eius temporis, non raro aut accidenter, sed totos dies, idq; frequenter exercuisse iudicia secularia, quod in nostris episcopis malignè criminatur Smidelinus.

Progreditur Smidelinus: Hoc saltem licet in illum retorqueretur. Smid. Pre, inquit, cū Grammatico tam ingens & inexpiabile scelus sit, quando pij principes de institutione Ecclesiarum sunt solliciti, & quod in ipsis est, salutem ipsarum procurant, quæ de Ozia & Oza adduxit, videat nè in suos episcopos rectius torqueri queant, qui prætextu Apostolici muneris verè sunt ἀλλότριοι ἐπισκοπῶν. Si enim vel ipso Grammatico teste, diuersæ sunt functiones episcoporum & Principum, quo iure licet episcopis ciuilia exercere iudicia, quibus ministerium euangelij commendauit Dominus? Num metuunt sibi defuturos Principes, qui hanc administrationem suscipiāt, sicut Oza, nè corrueret arca? aut, quæso, quæ ratio, nisi ambitio, ad hunc dignitatis gradum eos euexit, &c?

Tandiū triumphat mendacium, donèc patefcat veritas: tenebrę, Bred. donèc exoriat Lucifer. Nusq̃ suæ indormit occasione Smidelinus, vt legitimam potestatem conuellat, mendacijs & contumelijs mobili populo exosam reddat. Caterū nos, adhibita veritatis luce, mendaciorum contumeliarumq; tenebras discutiamus. Criminatur Smidelinus Ecclesiasticos Præsules, quod exerceant ciuilia iudicia, cū illi ciuiles principes arceant à cognitione causarū Ecclesiasticarum. Si tibi nouum videtur, Smideline, quod episcopi arceant principes ab ecclesiastica gubernatione, non legisti illud D. Ambrosij episcopi Mediolanensis ad Valentinianum Imperatorem: Noli te grauare, Imperator, vt putes te in ea, q̃ diuina sunt,

S

impe-

xj. q. i. c.
quicunq;

imperiale aliquod ius habere. Ad imperatorem palatia pertinent, ad sacerdotem Ecclesiæ &c. Non legisti quid Hosius episcopus Cordubensis dixerit Constantio? Non legisti quid Diuus Hilarius scripserit ad eundem Constantium? Sed planè nouum est quod tu Principibus ecclesiasticis conaris eripere potestatem administrandi iudicia ciuilia, quam semper eos habuisse patet ex rescripto laudatissimi Imperatoris Theodosij: Quicunq;, inquit, litem habens, siue petitor fuerit, vel in initio litis, vel decursis temporum curculis, siue cum negociū peroratur, siue cum iam cœperit promi sententia, si iudicium elegerit sacrosanctæ sedis antistitis, ilicò sinè aliqua dubitatione, etiam si alia pars refragetur, ad episcoporum iudicium cum sermone litigantium dirigatur. Omnes itaq; causæ, q̃ prætorio vel ciuili iure tractantur, episcoporum sententijs terminatæ, perpetuo stabilitatis iure firmentur, nec vltèrius liceat retrahari negocium, quod episcoporum sententia deceditur &c.

Hæc si quis antiquata contendat, quia in Iustinianæo codice nō inueniuntur ista inserta, per Carolum Magnum renouata cognoscat, qui in suis Capitularibus sic ait inter cætera: Volumus atq; precipimus, vt omnes nostræ ditioni subiecti, tam Romani, quàm Frâci, Alemani, Bauari, Burgundiones, Saxones, Turingi, Frisones, Galli, Britones &c. quocunq; legis vinculo videantur adstricti, vel consuetudinario annexi more, hanc sententiam, quam 17. Theodosius c. videlicet xj. ad interrogata Blaniij ducis, quam illi & omnibus per scripturam misimus, & inter nostra capitula pro lege tenenda, cōsulto omnium fidelium nostrorum, posuimus, p̃ lege cuncti perpetua teneant, id est, quicunq; litem habens siue petitor &c. vt̃ suprà ex Theodos. retulimus.

Euseb. Hist.
Eccles. lib. 10.
ca. 2. Nicæ.
lib. 8. ca. 16.

In vita Au-
gustini,

Ex his arbitror luculentèr constare, antiquissimum eum esse in Ecclesia morem, vt Ecclesiastici Primates etiã ciuiliū iudiciorum administrandorum potestatem habeant, quod etiã præclara illa Constantini Magni Imperatoris sententia referri potest, qua ad Episcopos Concilij Niceni vsus est: Deus, inquit, constituit vos sacerdotes, & potestatem vobis dedit de nobis quoq; iudicandi: & idèd nos à vobis rectè iudicamur, &c. Quod si hæc non satisfaciunt Smidolino, audiat quid de beatissimo illo præfule D. Augusti-

stino scribit Possidonius: Interpellatus, inquit, beatus Augustinus à Christianis, vel à cuiuscunq; sectæ hominibus, causas audiebat diligenter ac piè. Et paulò pòst: Et eas aliquandò vsq; ad horam refectionis, aliquandò autem tota die ieiunans, semper tamen noscebat & dirimebat.

Si nec Possidonio credit, vel ipsi Augustino fidem commodet, cuius hæc sunt verba: Multò mállem per singulos dies certis horis, quantum in benè moderatis monasterijs constitutum est, aliquid manibus operari, & certas horas habere ad legendum & orandum, aut aliquid de diuinis literis agendum liberas, quàm tumultuosissimas perplexitates causarum alienarum pati de negocijs secularibus, vel iudicando dirimendis, vel interueniendo præcidendis, quibus nos molestijs idem affixit Apostolus non utiquè suo, sed eius, qui in eo loquebatur, arbitrio: quas tamen ipsum perpeffum fuisse non legimus: aliter enim se habebat Apostolatus eius discursus. Et paucis interiectis, Quem tñ laborem nò sinè còsolatione Domini suscipimus pro sp̃o vitæ æternæ, vt fructum feramus cum tolerantia. Hæc Augustinus.

Non est igitur quòd adeò deblateret in episcopos Smidelinus ciuilia iudicia exercètes, cum & ipse D. Augustinus totos dies hifce insumpserit, atq; adeò vitæ æternæ præmium indè expectàrit. Si quemadmodum aduersus Staphylum agit, ita & hic librum hunc non esse Augustini clamitauerit: sciat, ipsum Augustinum suis lucubrationibus huc librum accèfere. Sed & Synesius ille, cuius eruditionem, vt refert Nicephorus, Græci plurimū sunt admirati, cum à Theophilo Alexandrino Episcopus Ptolemaidis Cyrenaicæ regionis designatus esset, in epistola ad Eutropium fratrem sic ait: Et constantiam, si Deus voluerit, obtinebo, atq; quanuis à curis alienus, macerabor, causarumq; & negociorum, quantunuis gtaue ministerium hoc, Deo confusus, sustinebo, &c.

Porro quàm graue illud causarum ministerium fuerit, alibi declarat D. Augustinus, explicàs illum Psalmi locum, declinate à me maligni. Maligni, inquit, exercent ad facienda mandata, à scrutandis autem auocant, non solùm cum persequuntur, aut litigare nobiscum volunt, verùm etiàm cum obsequuntur & honorant, & ta-

De opere
Monacho.
cap. 39.

Lib. 2. Re-
tract. ca. 27.

Lib. 14. cap.
55. Eccl. hist.

August. in]
Psalm. 118.

men suis vitiosis & negociosis cupiditatibus adituandis vt occupemur, & eis nostra tempora impendamus efflagitant, aut certè infirmos premunt, vt causas suas ad nos deferre compellant: quibus dicere non audemus, sic homo, quis me constituit iudicem aut diuisorem inter vos? Cõstituit em̃ talibus causis ecclesiasticos Apostolus cognitores, in foro prohibens iurgare Christianos. Nè illis quidem qui non aliena rapiunt, sed sua cupidè repetunt, dicimus:

Luc. 12. Cauete ab omni cupiditate, constituentes eis ante oculos hominẽ cui dictum est: Stulte, hac nocte auferetur à te anima tua: quæ præparasti, cuius erunt? quia & quandò dicimus, non recedunt, nec declinant à nobis, sed instant, vrgent, precantur, tumultuatur, extorquent, vt ipsis potiùs ad ea quæ diligunt, quàm scrutandis Dei mādatis, quæ diligimus, occupemur. O quanto tædio turbarum turbulentarum, & quanto desiderio diuinorum eloquiorum dictum est,

Psal. 118. declinate à me maligni, & scrutabor mandata Dei mei. Ignoscant obedientes fideles, qui pro suis secularibus causis rarò nos quærunt, & iudicijs nostris faciliè acquiescunt, nec nos cõterunt litigando, sed obtemperando potiùs consolatur. Certè propter eos qui & inter se pertinacitè agunt, & quandò bonos premunt, nostra iudicata contemnunt, faciuntq; nobis perire tempora rebus eroganda diuinis: certè, inquam, propter istos, & nobis liceat exclamare in hac voce corporis Christi, Declinate à me maligni &c. Et

Psal. 118. Episto. 147. rursùm alibi, inuitans Proculeianum ad ineundam concordiam: Homines, inquit, causas suas seculares apud nos finire cupientes, quandò eis necessarij fuerimus, sic nos sanctos & Dei seruos appellant, vt negocia terræ suæ peragant: aliquandò agamus & negocium salutis nostræ & salutis ipsorum, non de auro, non de argento, non de fundis & pecoribus, pro quibus rebus quotidie submisso capite salutamur, vt dissensiones hominum terminemus, sed de ipso capite nostro tam turpis inter nos & perniciofa dissensio est. Quantunlibet capita submittant, qui nos salutant, vt eos concordēs in terra faciamus, de cælo vsq; in crucem submissum est caput nostrum, in quo concordēs non sumus &c Hęc ibi D. Augustinus.

2. Tim. 2. Neque verò Paulus ipse, dum ait: Nemo militans Deo, implicat se negocijs secularibus: non, inquam, videtur episcopis prorsus oẽm rerum

rerum secularium curam & administrationem p̄scindere, sed eos notare, de quibus D. Cyprianus: Vidimus, inquit, episcopos plurimos, quos & ornamento esse oportebat ceteris & exemplo, diuina procuratione neglecta, procuratores rerum secularium fieri, derelicta cathedra, plebe deserta, per alienas prouincias oberrantes, negociationis quætuosæ nundinas aucupari. Esurientibus in ecclesia fratribus habere argentum largitèr, velle fundos insidiosis fraudibus parare, vsuris multiplicantibus fœnus augere &c. quem locum contra Cresconium adducens Augustinus, Nunquid, inquit, talium ille (Cyprianus) communicabat peccatis? Nunquid eorum sectam sequebatur? Et tamen cum eis in eorundem Sacramento- rum communione persistebat, quia illa Sacramenta non ipsi instituerant moribus suis, sed ad pœnam sibi valere faciebant moribus malis. De huiusmodi, inquam, videtur Paulus loqui, totos se curis secularibus implicantibus, id est, irretientibus & immergentibus, vt nunquam aut rarò iisdem sese explicent, & ad spiritualium tractationem emergant. Quod verò ad gladium ciuilem pertinet, pientissimum Antistitem D. Bernardum proferemus, quem adeò nihil auribus Pontificum & episcoporum dedisse, & ad gratiam locutum esse constat, vt etià liberè & securè ad Eugenium Papā scripserit: Quid tu, inquit, denuò vsurpare gladium tentas, quem semel iussus es reponere in vaginam? Quem tamen qui tuum negat, non satis mihi videtur attendere verbum Domini, dicentis: Conuertere gladium tuum in vaginam. Tuus ergò, & euaginandus ad tutum nutum: alioquì si nullo modo ad te pertineret & is, dicentibus Apostolis, Ecce duo gladij hîc: nō respondisset Dominus, Satis est: sed, nimis. Vterq; est ergò Ecclesiæ, & spiritualis & materialis. Sed is quidem pro Ecclesia, ille verò ab ecclesia exercendus, ille sacerdotis, is militis manu, sed sanè ad nutum sacerdotis, & iussu Imperatoris. Hæc D. Bernardus.

Cyprianus
in ferm. de
lapsis.

Ioan. 18.

Matt. 26.

Luc. 22.

Cum autem præpositi quidam Ecclesiastici, ciuiles Principatus ac dominia ab Imperatoribus, Regibus ac ducibus sibi donata habeant, utiq; mirum non est, si eorum ratione gladium ciuilem habeant, quod nec ipse Melanchthon inficiatur. Si quam habent, inquit, episcopi potestatem gladij, hanc non habent vt episcopi ex

mandato Euangelij, sed iure humano donatam à regibus & Imperatoribus ad administrationem ciuilem suorum bonorum.

Hæc quoniam non ignorauit Smidelinus, vidēs nimirum quosdam vicinos sibi principes Ecclesiasticos nōnunquam gladio animaduertere in facinorosos, & scabiosas pecudes ab ouili Christi refecare: ipse, inquā, sui quoq; tam seditiosi & rebellis animi scabiem agnoscens, suæ rebellionis improbitatē hoc sophismate, nō nihil fucare & condulcare conatur: sed itā, vt vulneris crudelitatem magis exasperet, quā sanet. Nec tamen, inquit, Principibus episcopis quidquam ademptum volumus, modò omnes intelligant, ratione muneris Apostolici nihil minùs esse, quā principes. Quis teneat tam versipellem Protea?

Quo teneā
vultus mu-
cātem Pro-
tea nodo?

Cap. 17.

Reddit Smidelinus causam suæ defectionis à Catholica fide, nempe propter quorundam peccata & falsam doctrinam. Hic autem ipsius Luteri verbis confutatur, quò scilicet, Luthero teste, ipsius doctrina exorta, omnia vitia sumpserint incrementum, & hæreses antiquæ sint renouatæ.

Smid.

Bred.

Prosequitur nunc, & reddit causam suæ defectionis ab ecclesia Catholica, videlicet propter manifesta quorundam peccata, & potissimum propter falsam doctrinam & idolatriam plusquā Ethnicā. Sed hoc tibi probandum restaret, immò Catholici præclaris voluminibus vestram doctrinā nouam, seditiosam, rebellem, & hæreticam demonstrarunt, quam tamen pertinacissima & plusquā satanica insolentia stimulante, deprauatis scripturarum testimonijs, & falsis sanctorum Patrum allegationibus utrunq; palliare conamini. Si negaueris, responde ad loca utriusq; testamenti, quæ tam nequitè, tam corruptè, tam dolosè à te producta declarauimus. Si conuicijs agere instituas, tuo quidem more facies: perges esse cōuiciator, sannio, maledicus: sed non defines esse falsarius, infamis & stigmaticus. Vnicum dūtaxat superest remedium, vnica via, qua hæc tanta turpitudine aboleat, qua omnium tuorum scelerum ἀμνηστία consequare, nimirum vt
refi-

resipiscas, vt à mendacio ad veritatem reuertaris, vt cum Paulo ex persecutore & hoste fias tutor & defensor, aut etiã clientulus dūtaxat Orthodoxæ & Catholicæ Ecclesiæ. Quod vestrorū quoq; vitia & errata agnoscis, miror tuæ pertinaciæ æstus tantum deferbuisse, vt hanc concessionem facere sustinueris: sed perspectū habuisti, factum difficilius negari, vtpotē multorum oculis expositū: veritatem non æquē, quæ externis oculis (quos solos penē in testimonijs & iudicijs recipiunt idiotæ) conspici nequeat, & quā multorum opiniones frequentē obscurant. Sunt igitur & vestrorum gregalium vitia & errata, eaq; non simplicia, sed enormia & immania. Si rursū neges, audi oraculum vestri Idoli Islebici: Mundus, inquit, indiēs fit deterior. Sunt nunc homines magis vindictæ cupidī, magis auari, magis ab omī misericordia remoti, magis immodesti & indisciplinati, multoq; deteriores, quā fuerint in Papatu.

Alio verō loco suos increpans, decies eos esse dicit Sodomitis peiores. Hæc est tui Luteri de vestro grege testimoniū, quod dum declinare nequis, protinūs ad tua topica recurris, inquiens: Post propagatam Euangelij doctrinam, populum in multis locis deteriorem factum, passim docet Luterus. Sed fallacia est accidētis. Accidit enim doctrinæ nostræ, quæ eius leuitatis nullo modo est causa, sed hominum peruersitas, qui Euangelij libertate ad licentiam carnis abutuntur &c.

Mirum est, Luterum, cū huiusmodi doctrinæ suæ fructus sibi à Catholicis obijceretur, non animaduertisse hanc fallaciam. Sed falsissimus hic malleator mirē sibi in huiusmodi fallaciarum animaduersione placet, quemadmodū & suprà dixit, si quem salutis spem certō concipientem decipi contingat, fallaciam esse accidentis. Certē metuendum est, nē & Smidelinus hac in parte cum omnibus suis fallacijs miserē fallatur. Quandō fideles docentur opera omnia, quantūvis bona, esse peccata: solam fidem iustificare, certos nos esse de regni cælestis hæreditate: quā non ex accidenti proueniat hominum malitia, sed ex ipsa tam pestilentis doctrinæ indole & natura promānet, vel cæco perspicuum esse potest: eoq; Tigurinæ Ecclesiæ ministri apertē pronūciāt, Luterum non prophetam fuisse, sed ex ore ipsius satanam, non Dei spiritū,

Luterus in
Postilla sup
Euang. dñi-
cæ 1. Aduert.

Aduersus
Hosiū fol.
112.

locutum esse. Neq; tantum causa est hæc tam pestilens Luteri doctrina, quod populus multis in locis factus sit deterior, sed & seminarium & scaturigo quædam fuit, ex qua velut ex equo Troiano monstrosissimæ pugnantissimæq; hæreses repente prodiêrunt. Nam quod Calvinus id alicubi excusare contendit, non minus videlicet Luteranos nunc in culpa esse, quàm fuerint olim Apostoli, quando quidem horum tempore hæreses extiterint, haud paulò quàm nunc sunt, rariores, quis non videt, quàm sit ineptum? Vndè enim Anabaptistæ antiqui Donatistici erroris cadaver effodierunt? Ex quadam Luteri ad Vualdenses epistola, in qua ille scribit, Omitti præstare in paruulis baptismum, quàm illos baptizare absque fide.

Talibus elo-
gijs Luteri
decorat
Principes
Germaniæ.

Vndè Munzerus traxit exordium tumultus rusticani, nisi ex Luteri? Vetuit hic Principibus obedire, vetuit ferre opem contra Turcas, quem decies probiorè esse scripsit, quàm stulti & insani Principes nostri. Vndè Carolstadius materiem arripuit resuscitandæ hæreseos Berengarianæ? Ex commentario Luteri in Iohannem, & ex versione huius dicti, ἡ σὰρξ οὐκ ὠφελεῖ οὐδέν. Atq; hæ nobiliores duntaxat sunt sectæ: idem de reliquis omnibus finè magno negotio demonstrari potest. Sed ad suprâ commemoratas Luteri querelas reuertamur. Eas fortassis de ipso discipulorum grege tantum receperit Smidelinus, se verò cum suis pastoribus esse sanctæ & honestæ vitæ: sic enim continuò sequitur apud Smidelinum: Hoc tamen verè pronunciare possumus, munus docendi, quantum fieri potest, non solere committi, nisi idoneis, & qui sana doctrina & necessarijs donis instructi sunt, ut populum docere queant, & qui sint honestæ vitæ &c.

Smid.

Bred.

Equidem Smidelinum nunquam sciens vidi, neque de vitæ eius honestate studiosè inquisivi: quæ aliquândò obitèr audiui de eo referri, & quæ Staphylus refert eum cum virginibus monialibus designasse, cum non sint plausibilia, tacere malim: neq; enim ipsi sum inimicus, quomodocunq; etiàm tractauerit charissimum mihi parentem Bredenbachium: sed eius tot modis hæreticam & seditiosam doctrinam non possum non exosam habere, & iuuâte Deo exosam habebo, donèc spiritus hos reget artus. Quod igitur refert, nullis committi munus docendi, nisi idoneis & honestæ vitæ: quod

tidi-

tidianæ rerum experientiæ manifestè repugnat, & D. Stanif. Hosius euidentibus exemplis contrarium demonstrat. Possem, inquit, historiam tibi proferre Brenti, de quodam, qui cùm trium superstitum vxorum esset maritus, à vestris tamen magno cum applausu fuit exceptus, & in precio habitus, ob hoc solùm, quòd contraria Christianæ fidei Luterana vestra dogmata in vulg^o spargebat. Possem & alium, inquit, in eadem ciuitate nominare, de quo publica fuit fama, quòd è schola carnificis profectus, itidè nō vnus vxoris esset maritus. Quauis autem vnā tantum secum adduxisset, vnde cunq; tandè raptam, (nam variè res narratur) inter scorta nihilominus perpetuò volutabatur, vxore etiā inspectate. Adeò nec vxoris commercium, vllum ei contra fornicationem attulit remedium: fuit tamen habitus preclarus & idoneus cūprimis Euāgelij vestri minister. Hæc ille non minùs fide & sanctimonia, quàm multijuga doctrina cōspicius Antistes D. Stanislaus Hosius, quomodocunq; eum tu impudentissimo ore tuo traducas. Quorum ipse ego non admodum nupèr à viris fide dignissimis prorsus similia audiui, nec dubito plurimorum testimonijs cōfirmari posse.

Lib. 2. pp. 149.
gnat. fidei
Catho. cōt.
Brétiū, fol.

Cap. 18.

Confutatis quibusdam sophismatib; demonstratur, quàm improbè obmutescat aduersarius ad Bredenbachij argumenta.

IAm quòd fraudes fraudibus connectens, subiungis, si qui minùs respondent nostræ expectationi & spei, hoc imputandū est vestræ disciplinæ, in qua adeò impunè illis licuerint omnia, vt iuxta Comici sententiam, non fuerit flagitium, scortari, helluari, fores effringere, &c. Smid.

Cùm Catholici doceant ex doctrina Apostolica, satagendum, Bred. vt per bona opera certam faciamus vocationem nostram: vos aut spretis operibus, salute per fidem siue confidentiam potius apprehensa, hominem iustificari contendatis, vides te meris in nos debacchari calumnijs. Si apud nos dicis non esse flagitium, scortari, helluari, fores effringere, nimis impudentè mentiris: sin apud vos flagitium esse contendis, facis tantundem. Quomodò enim scortatio

T

tatio

Rom. 6.
Esa. 59.
Apo. 21.

Pro. 18.

tatio apud vos est flagitium, quibus permissum est adulterium? An non egit publicum lenonem, an non prostituit coniugum pudicitiam, an non ad adulteria classicum cecinit Luterus, docens & scribens, Si nō vult vxor, veniat ancilla? Iam & hoc considerandum est, si vt fateris, vos quoq; estis in vitijs & erratis, quomodo rursū tibi constas, dum ais vos certō esse in gratia Dei? Nōne stipendium peccati, mors? Nōne peccata diuidunt inter Deum & hominem? nōne coinquinatus non intrabit in cælestem Hierusalem? Et tu dicis, te tuosq; pastores esse vitijs & peccatis coinquinos, & nihilominus certos esse de hereditate cælesti? Vide Smideline, quā turpitē vbiuis locorum impingas. Vbiq; naufragium facis, mare vndiq; & vndiq; pontus, in quo iam miser errabundus fluctuans, in tot tuorum mendaciorum scopulos tanto cum sonitu, vt vniuersus orbis sentiat & intelligat, imegisti: tot iam tuarum antilogiarum, imposturarum fraudumq; turbulentissimis & mutuō se collidentibus procellis concussus es, vt metuēdum sit, nē in altissimā vel desperationis, vel contemptūs & peruicaciē voraginem, quæ te iam diū immani suo hiatu sorbere cœpit, magis magisq; subsidas, (iuxta illud, Peccator cū in profundum venerit, contemnit) donec tandem aquarū concursibus & profluuijs planē obrutus, spem non habeas emergendi. Nulla autem spes superesse potest ex hoc tam atroci naufragio, (quo dubius adhuc sustinēte illo cui fluctus & maria obediunt, huc illucq; iactaris) enatandi, nisi ad cor redeas, nisi salutarem pœnitentiam velut alteram tabulam appræhendas, & ad portū Ecclesiæ Catholicæ, ex qua temerē in hoc tam vastum & vndosum pelagus te præcipitasti, remis velisq; reuoles. Ad locum D. Bernardi à Bredenbachio adductum, quomodo respondeat Smidelinus, æquus lector facilē æstimauerit. Demonstrauerat Bredenbachius, quā improbē hic locus ab aduersarijs sit mutilatus: ad hoc nihil quicquam respondet, quum pectus illud suum quantunius fœcundum, nihil suppeditare possit, quo tātā deprauationem excuset.

Similitēr dicendum de parabola zizaniorum, quam omēs tam veteres quā neoterici Catholicæ Ecclesiæ doctores, in eundem finem & scopum allegant, in quem à Bredenbachio adducta est.

Quod

Quòd rursus Lectorem obtundit de officio Magistratùs, postea examinabimus, nè omnia passim & quasi per satyram tractado, methodum confundamus.

Cap. 19.

Quàm ineptè & calumniosè aduersarius accuset Paulum Tertium Pontificem, quòd sua suorumq; peccata, publica querela defleuerit, idq; omnibus Prophetis & Sanctis fuisse familiare.

Progreditur Smidelinus: Cùm, inquit, Adriani sexti Cō-
fessionem, & pontificis Pauli tertij & Cardinalium de-
letorum consilium admittat, scimus in quo numero sacri-
ficulos habere debeamus &c.

Adriani Pontificis & Legatorum Pauli tertij querelæ fuerunt de Bred.
corruptis moribus Ecclesiæ, petentes à Patribus, vt his mederi stu-
derent. Illorum simul & D. Bernardi querelis, cùm Brentius in p-
legomenis episcopos & sacerdotes omnes in odium, inuidiam &
contemptum omnium adducere conaretur, an in hoc rectè fece-
rit, Bredenbachius declarauit, & nos suprà docuimus ex Chryso-
stomo, non esse omnium, censuram sumere de vita & moribus pa-
storum. Quid verò tu ad hæc Smideline? Scilicet vt tibi & Brentio
similis esse pergas, magno cum fastu! & arrogantia censorem agis in
vitam Pauli tertij pontificis, eumq; & legatos ipsius enormium fla-
gitiorum infimulas, quod ipsum in causa diuisionis sue defenden-
dæ, sempèr hæreticis vsitatum & solenne fuisse, alicubi scribit Au-
gustinus. Et Hieronymus, Propriū est hereticorum despicere ec-
clesiasticos, & in eorum ruina gaudere. Cur autem non à Paulo
Apostolo potiùs exorsus est calumniator, quòd sic iam indè à Pauli
temporibus episcopos scelatos fuisse, atq; ideò syncerum nò ha-
buisse iudicium demonstraret? Nam & ipse de ijs, qui suo tempore
Dei regebant Ecclesiam, ad eundem propè modum, quo Adria-
nus & legati pontificis Pauli tertij, questus est. Cùm enim dixisset,
Spero me Timotheum citò mittere ad vos, vt & ego bono animo Phil. 2.
sim, cognitis quæ circa vos sunt: subiunxit euestigiò, Neminem enī
T 2 ha-

- Phil. 2. habeo tam vnanimem, qui sincera affectione pro vobis sollicitus sit. Mox & rationem addit: Omnes enim, inquit, quæ sua sunt querunt, non quæ Iesu Christi. Vides quod eadem ferè fuit Pauli de suis collegis querimonia. Neq; tamen ideò tales omnes fuerunt, qui cum Paulo tum erant. Erat enim cum eo Lucas & Epaphroditus, quos constat non quæ sua sunt, quæsiuisse, sed quæ Iesu Christi: sed quia plures eiusmodi fuerunt in eius societate, nimirum Demas, qui dereliquerat eum, diligens hoc seculum: Hymenæus, Alexanderarius, qui multa mala ei ostēderat, & alij, quorum in hac ipsa meminit epistola, qui ex contentione Christum annunciabant nō sincerè, existimantes pressuram se suscitare vinculis eius: ideò, qui scripturæ mos est, dixit de nonnullis, tanquàm de omnibus, quemadmodum etiàm Hieremiam fecisse legimus: A minore vsque ad maiorem, inquit, omnes auaritiæ student: & à propheta vsque ad sacerdotem, cuncti faciūt dolum. Quid ergò dicemus? quia tales etiàm erant Pauli Apostoli temporibus magna ex parte verbi ministri, num ideò iugum eorum tanquàm non habentium graue & syncerum iudicium, (vt tu loqueris) fuit ab ouibus excutiendum? Non ità docuit Apostolus, sed cū questus esset de ijs, qui Christū ex contentione prædicabant non sincerè, Quid enim, inquit? Dū omni modo siue per occasionem, siue per veritatem Christus annūciatur, & in hoc gaudeo, sed & gaudebo. Qui tum annunciabāt Christum, faciebāt id animo minimè Christiano: nihil enim aliud spectabant, quàm vt capto vinculoq; Paulo, maiorem adderent afflictionem, vt ex Euangelij profectu maius illi conflarent odium, & eum in vitæ suæ discrimen adducerent. Neq; tamen ideò Paulus eos audiri prohibuit, quin quacunq; tandè occasione Christum pereos annunciari gaudebat. Huius exemplum imitari te decebat Smideline, vt gauderes potiùs cum Paulo, si vel per occasionem Christus annūciatur. Quid autem in hac Legatorum Pontificis querela rephēdis? Si Deus pro meritis nos castigaret, iam pridem sicut Sodoma & Gomorrha fuissēmus. Hi scilicet sunt legati & Pontifices, exclamat Smidelinus, qui querelis suis testantur, quàm graue & syncerum habeant iudicium.
- Bred. Si vera fuit eorum querela, quid (obsecro) aliud fecerunt, quàm
san-

sanctam illam matronā olīm fecisse legimus? Peccauimus, inquit, cum patribus nostris, iniuste egimus, iniquitatem fecimus. Quid aliud dixerunt, quā sanctus ille Propheta Esaias? Nisi Dominus exercituum reliquisset nobis semen, quasi Sodoma fuisset, & quasi Gomorrha similes essemus. Quid aliud questi sunt, quā Esdras conqueritur? Deus meus, confundor & erubescō leuare faciē meam ad te, quoniam iniquitates nostræ multiplicatæ sunt super caput nostrum, & delicta nostra creuerunt vsq; ad cælum à diebus patrum nostrorum. Sed & nos ipsi peccauimus grauiter vsq; in diem hanc, & in iniquitatib; nostris traditi sumus ipsi &c. Taliū querelarum plena est scriptura. Si obijcias, quid tu talium Pontificum querelas cōfers cum querimonijs sanctorum Prophetarum? Vt nihil illorum sanctimonix detractum volumus, ita verissimo illius Prophetæ eloquio nihil derogare possumus, Omnis homo mendax, id est, peccator. Et illius, Si iustum me dixerō, os meum cōdemonabit me. Si nostrorum Pontificum & legatorum peccata prægrauant peccatis Prophetarum, immō si fuerint sicut pannus menstruatus, si fuerint sicut coccinum, nōne dicente Propheta, si qui escant agere peruersè, si quærant iudiciū &c. quasi nix dealbabitur, & si fuerint rubra quasi vermiculus, velut lana albā erunt? Si qui stat, potest cadere: qui cecidit, non poterit resurgere? O iniquum & seuerum cēsorem, immō iniquissimum improbissimūq; criminatorem. Quā bellum se declarat Luteri discipulum, dicētis, Papa noster est: nostrum est non iudicari à Papa, sed iudicare ipsum. Quid vides festucam (immō videas trabem licet) in oculo fratris, & trabem in oculo tuo non vides? Hypocrita, eijce primū Matt. 7. trabem ex oculo tuo, inquit Dominus apud Euangelistam. Vis tibi hanc trabem demonstrari? Dolauimus eam suprà ex idoli tui Islebici scriptis. Mundus, inquit, indiēs fit deterior. Sunt nunc homines magis vindictæ cupidi &c. magis immodesti & indisciplinati, multoq; deteriores, quā fuerint in Papat. Et alio loco suos increpans, dicit eos decies Sodomitis peiores. Qua fronte igitur audet ille talium discipulorum gregalis Smidelinus, se & suos decies Sodomitis peiores obtrudere Ecclesiasticę doctrine iudices, & eos reijcere, quorum hoc proprium semper in Ecclesia fuit munus, in

cuius possessione plusquam mille quingentis annis fuerunt? quin-
 immò si spectes Iudæorum etiã sacerdotes, plusquam bis totidẽ
 alijs annis? Nam ex quo tempore sacerdotium Iudæorum sumpsit
 originem, ad hunc vsq; diem, nunquam apud omnes eos qui vel in
 venturum, vel in eum qui iam venit, Christum crediderunt, penes
 alios quam penes episcopos & sacerdotes de religionis doctrina iu-
 dicandi fuit potestas, nõ autem penes solam scripturam, vt vultis,
 quam illi non minùs quam nos, habuerunt. Idem etiã gentes, so-
 lum naturæ & rationis ductum sequentes, obseruasse testatur Pó-
 ponius in 2. ff. de origine iuris: Omnium, inquit, harum legũ & in-
 terpretandi scientia & actiones, penes collegium Pontificum erãt,
 ex quibus constituebatur quis quoq; anno præesset priuatis. Dum
 tanto cum supercilio, tanta petulantia & procacitate linguæ in Pau-
 lum tertium Pontificem & legatos eius insurgis, certum nobis &
 vniuerso orbi præbes argumentum, qualis spiritu exagiteris. Omne
 superuacuum pleno de pectore manat, inquit Horatius. Christi sen-
 tentiam exprimens apud Lucam 6. Et alibi Dominus: Progenies
 viperarum, quomodo potestis bona loqui, cum sitis mali? Si dicas,
 Christum & Apostolos etiã corripuisse pontifices & Phariseos,
 quis non videt, quam longè alia via hoc fecerint? Et quis es tu, vt
 hac in parte compares te Christo & Apostolis? Data fuit Christo
 omnis potestas in cælo & in terra: missus erat à patre in doctorem
 gentium, & sicut missus erat, misit Apostolos suos, atq; ita nõ sub-
 diti erant amplius phariseis, qui in nouam iam Christi cathedram
 collocati, subditos sibi habent phariseos. Et tamen quãtunus ab-
 rogata iam Mosis Cathedra, in tam sublime διχασθήριον, in tantam
 maiestatem euecti essent Apostoli, nihilo seciùs gētium ille doctor
 & vas electionis, cum ante summi Pontificis Ananiæ tribunal sta-
 tueretur, acerbiori verbo fortè imprudētèr plato, respōdit: Nescie-
 bam, fratres, quia pontifex est: scriptum est enim, Principi populi
 tui non maledices. Ecce quãuis Domino iam crucifixo, sacrilegi
 & impij & cruenti illi esse cœpissent, nec iam quicquam de sacer-
 dotali honore & autoritate retinerent, tamen ipsum quãuis in-
 ane nomen & vmbram quandam sacerdotis cogitans, expauit, in-
 quit Cyprianus. Si vt dicit Sapiens, qui detrahit fratri suo, peccat:
 detra-

Matt. 12.

Mat. 28.

Act. 23.

Exod. 22.

Lib. 1. epist.
3.

detrahare autem nō est falsa proferre, hoc enim est mētiri, sed vera: si libelli famosi authorem suum capite plectūt, quid de tali cō-
 uiciatore dicemus? nūquid non meritō ad rotas & coruos relega-
 beris? Tu qui pastorem te dicis, si quempiam tuorum in concione
 publica nominatim pstringeres, vitii & flagitia eius operosè enu-
 merares, quid ipsum reum, quid ipsam vniuersam circumsidētium
 coronam dicturam existimas? aut quo iure factum tueberis? Iam
 vice versa si in eodem cœtu ouis in te insurgat, dicat te scurram,
 scortatorem, adulterum, pæderasten, quid dicturus es? Etsi vera
 dicat, ferres manifestum detractorem? Si nec tibi oues, nec ouibus
 te hoc pacto tractare licet: tu virum Christianum, immō pontificē
 & successorem Petri, (non negare potes, etiam si rumparis) de suis
 suorumq; peccatis exemplo omnium Prophetarum tam piè dolē-
 tem & ingemiscentem, de reformandis vniuersæ Ecclesiæ morib;
 tam sollicitum, in vniuerso orbe conuocando, & consilia in com-
 munem omnium vtilitatem conferendo tam strenuum, sagacem,
 industrium, tam in omnia se vertētem, vt opportunum cibū daret Matt. 24.
 suis domesticis in tempore: talem, inquam, ouilis Dominici pasto-
 tem itā ludificaberis? tam atrocibus cōuicijs proscissum scurris &
 sannionibus deridendum propinabis? nullo die dicto, indicta cau-
 sa, tu iudex simul & testis improbissimus cōdemnabis? Dices, Apo-
 stolus inquit, peccantes coram omnibus argue. Sed vt hoc conce-
 damus, & ambiguam distinctionem dissimulemus, permittit quidē
 Apostolus, dicente Theophylacto, peccantem etiā in propatulo,
 si delinquere perseveret, redargui. Verūm cui hoc dictum est? Ti-
 motheo dictum est, episcopo dictū est. Tu si pastor es, ratiōe sum-
 mi pastoris, ouis es, si tamen ouis, qui non es in ouili Dominico, si
 non vulpes, si non lupo, qui maceriam huius ouilis tam improbē
 demoliri conaris. Si dicas nos docere nemini detrahendum, & ni-
 hilo seciūs Catholicos in Luterum & discipulos eius insurgere,
 quis nō videt, quā iustē id faciant? Proruitis ad incestas nuptias,
 noua, absurda & hæretica dogmata passim disseminatis, docetis &
 scribitis, ac de his principiō amantē admoniti, vt desisteretis, non
 solum nō paruistis, sed & flagitia vestra pertinacitē defendere cō-
 tendistis, errantes, & in errorem mittentes corda simplicium. Scri-
 psit

Lib. de ca-
ptiuit. Bab.

psit Luterus, si non vult vxor, veniat ancilla: conjugij vsum tam esse necessarium, vt cibi & potus: non teneri monachos ad votū castitatis, atque itā ad diuortia, repudia, pellicatus, incestus & adulteria pestilentissimam aperuit fenestram, ad quam tam multos ex subitanea rei nouitate simul & blanda licētia pellectos procurrisse, transcendisse, & in omnium flagitiorum lacunam præcipientes descēdisse, quotidiana experientia compertum habent Catholici. Atq; hāc Luteri doctrinam, vitæ quoq; eius exemplo confirmatam, tu tuiq; symmystæ tanquā sanctam, piā & Euangelicam pertinacissimē defenditis, & ad meliora inuitantes, tot conuiciorum, mendaciorum & calumniarum plaustris inuaditis, obruitis, conculcatis, vt miseram plebē in erroribus demersam detineatis, nē vnquā possit assurgere, & tu postulabis à nobis, vt ad tam indignam, flagitiosam & detestabilem doctrinam, quæ tantam perniciem, tantas turbas, tam atrocia dissidia inuexit in orbem penē vniuersum: ad hāc (inquam) doctrinam, ad hec flagitia, quæ tanta pertinacia defenditis, vis nos acclamare εὐγε εὐγε? vultis agnosci, quales vos nusquā non iactatis, pro certis & indubitatis Dei filiis, cū dicat Apostolus: Qui talia agunt, regnum Dei non possidebūt? Sanē si quæ sunt inter Catholicos vitia, non defendimus, sed deploramus, & deplorauerunt legati Pontificis Pauli tertij: doctrinam autem Catholicā etiam si diabolus cum suo exercitu eam vsq; ad insaniam, si tamen sanus est, oppugnet, defendem⁹ donē expugnetur Veritas, donē videamus collabescere verbum Domini: Petre, ego rogauī pro te, nē deficiat fides tua. Porro quantō modesti⁹ vobis in religionis negotio versentur Catholici, nemo ignorat, adeo vt quidam etiā Lutero addictissimi, maledicentiam ipsius summoperē detestati sint. Tu quoq; quā conuiciosum agas rabulam contra laudatissimum præfulem D. Stanislauum Hosiū, nemo ignorat, qui vel paucas scurrilis tuæ refutationis paginas perspexit, cū tamen ille modestissima confutatione Brentij prolegomena examinauerit.

Gal. 5.

Lucæ 22.

Cap. 20.

An

*An quia Paulus dicat se Gentium, Petrum verò circum-
cisionis Apostolum fuisse, ideò Paulus Petro par fuerit: &
Pauli locum ab aduersario adductum, ipsi maximè aduer-
sari.*

Nunc tandem prosequitur Smidelinus suam arietationē
contra Primatum Romanæ Ecclesiæ, quem nos superi-
us (secuti ordinem Bredenbachij in libro de compo-
nendis dissidijs, quia Smidelinus suam oppugnationē
illic ordinis ratione postulante inchoabat) plenè demonstraui-
mus, pluribus demonstraturi, nisi temporis angustia prohiberemur. Igno-
scet autem hic nobis candidus lector, quòd ad hanc quæstionem
rursùm reuertamur: sequenda enim fuit Lesbia Smidelini rhapso-
dia, quam tam infeliciter & distortè consuit, ut nullam legitimæ &
methodicæ confutationis faciem habeat. Hic igitur est aries Smi-
delini.

Cum Christum respuat Iudicem, inquit, videamus quibus argu- Smid.
mentis iudicium solis pontificibus & episcopis ascribat. Omnia
autem hoc fundamento innituntur, Episcopi & Pontifices & sa-
crificuli sunt Apostolorum successores: Ergò quicquid iudicant,
huic sinè contradictione, nulla disputatione habita, est obtempe-
randum. Postea promissionibus Christi Apostolorum amplificat
potestatem consulis Petri, & reliquorum tanquàm senatūs, quib⁹
etiā Phariseos adiungit, ut magis confirmata sit authoritas. Qui
vos audit, me audit: Quorum peccata remiseritis, remissa erunt: Ti-
bi dabo clauēs regnī, cælorum &c. Nos, quoad eius fieri poterit,
breuitati studebimus, Principiò demonstrantes Petrum non ha-
buisse primatum super reliquos Apostolos & ecclesiā Christi, qua-
lem illi affingit noster Grammaticus. Deindè, si maximè talem po-
testatem adeptus esset Petrus, nihil ad Roman. pōtificem pertine-
re. postremò, quoniam Christus nulli Apostolorum primatū con-
cesserit, nō expedire ut in Ecclesia Christi summa potestas vni de-
feratur, parem fuisse D. Petro Apostolo paulum, aut etiā prope-
modum superiorem, quæ ad Galatas extant scripta, docent. Verba

V

Apo-

I Apostoli sunt: Cognoscentes quòd mihi concreditum sit Euangelium præputij, sicut Petro circumcisionis. Nam qui in petro efficax fuit ad Apostolatam circumcisionis, efficax fuit in me erga Gêtes. Et paulò pòst: Iacobus, Cephas & Ioannes, qui videbantur esse columnæ, dextras dederunt mihi ac Barnabæ societatis, vt nos in gētes, ipsi verò in circumcisionem Apostolatu fungerentur. Hic loc⁹ apertè demonstrat, D. paulum autoritate & potestate parem fuisse D. petro, nec passum vt aliquā super ipsum iurisdictionē vsurpasset. Haftenus Smidelinus.

Smid.

Lib. 3. cōtra
Marcionē.
Aspis à vi-
pa venenū
mutatur,

De iudicio Christi videbimus suo loco. Quòd ad pauli locum attinet, iam demum verissimū illud Comici agnosco: Nihil dictū, quin dictum sit prius. Huius enim tui tuorumq; argumenti absurditatem iam olim ante annos penè triginta luculentè demonstrarunt scriptores catholici: sed vt Tertullianus ex Græco poëta refert, quemadmodum ἀπὸ τοῦ πάρος ἐχιδνὸς φάρμακον δαμνίεται, ita Smidelinus non desinit ex damnatis magistrorum suorum libris hæreticæ doctrinæ toxicum mutuari & coaceruare, quantunvis nos eiusmodi amuletis & antidotis armatos & instructos nōrit, vt venenata illa contagia nihil quicquam nobis queant officere. Igitur aduersus cicutā illam quā Smidelinus ex gregalium suorum plantatione, quam non plantauit pater cælestis, vndiquè corrasit, nos Catholicorum & Orthodoxorum fragrantissimum pulegiū, seu m̄uis odoriferam moly herbam producemus.

Vt autem pius lector paulinæ sententiæ scopum plenius assequatur, origo & occasio horum pauli verborum breuiter referenda est: pseudoapostoli, siue (vt paulino verbo vtamur) ψευδάδελφοι quidā insimulauerāt paulum, quòd diuersum doceret ab eo, quod p̄dicabant ac docebant Apostoli, cum scilicet hi permetterent circumcisionem, paulus verò circumcisionem damnaret. Detrahebant insuper ipsius Apostolatu, quasi à Christo apostolus delectus non esset, nec Apostolorum doctrinæ consentanea doceret. principiò igitur docet, se non ab hominibus, neq; per hominem, sed per Iesum Christum & Deum patrem creatum Apostolum. Deindè paucis de Iudaismo, persecutione & cōuersione sua expositis, quomodo ad varias gentes concesserit, eisq; Christum euangelizauerit, enar-

enarrat. Quomodo exinde semel atque iterum Hierosolymam ascendit ad Petrum & Iacobum fratrem Domini, & contulerit cum illis Euangelium quod predicabat in gentibus. Apostoli autem Paulo conceditum esse Euangelium præputij, & gratiam ei datam cognoscentes, euestigio Iacobus & Cephas & Iohannes dextras societatis dederunt Paulo & Barnabæ, hoc est, ut inquit Theophylactus, conuenire illi secum & per se tulerunt, eis esse oblectamento, quod Paulus predicabat, quando quidem Pauli prædicatio nihil ab eorum prædicatione dissentiebat, iam, quæso te, pie lector considera, cuius sit impudentiæ, ex hoc Pauli loco velle probare æqualitatem Apostolorum? Legat & relegat Smidelinus omnium veterum commentaria & orthodoxas expositiones: nullum comperiet suis hæresibus vel in minimo suffragari. Quinimodò si penitus hunc locum expendamus, illustrem nobis præbet confutationem eorum, quæ Smidelinus tam temerè, tam insulsè & arroganter ubiq; inculcat. Consideremus hic Apostolum paulum semel atque iterum Hierosolymam ascendisse ad petrum. Quamobrè? An quid humani passus est paulus? Audiamus de hoc D. Hieronymum. Neque enim puto, inquit Apostolicæ fuisse grauitatis, ut post tantam triennij præparationem, humanum aliquid voluerit in petro adspicere, sed his oculis adspexit eum, quibus & modò in epistolis suis videtur. Iuit autem non quidem discendi studio, qui & ipse eundem habuerat doctorem & magistrum sanctum spiritum, sed honoris deferendi gratia, adeò (inquit Theophylactus in dictam pauli epistolam) illum venerabatur & colebat. De hac eius profectio, in eandem epistolam ita scribit sacer Ambrosius: Dignum fuit, inquit, ut cuperet videre petrum, quia primus erat inter Apostolos, cui & delegauerat saluator curam Ecclesiarum, non utique, ut ab eo aliquid disceret, qui iam ab eodem authore didicerat, à quo ipse fuerat instructus petrus, sed propter affectum Apostolatûs, & ut sciret petrus hanc illi datam licentiam Euangelium prædicandi, quam ipse acceperat. Veniens ergo ad eum, hospitio receptus est, & mansit apud eum diebus quindecim, tantum vnanimis Apostolus. Hoc ideo manifestat, ut ostendat se concordiam cum Apostolis habuisse, nec in aliquo ab eis dissensisse, sicut de eo susurrabant pseudoapostoli, ut eum apud gentium diffama-

rent Ecclesias, & sua mala simplicioribus infererent, dicētes ea cō-
uenire cum doctrina maiorum Apostolorum. Vides igitur, quā
falsò & infelicitè tu colligas ex hoc loco, paulum parem, immò fe-
rè maiorem, fuisse petro, quem è tam longinquo visitauit honoris
deferendi gratia tanquā primum inter Apostolos, cui delegaue-
rat Saluator curam Ecclesiarum omnium. porrò & aliud præclarū
& insigne documentum hoc suo exemplo nobis præbuit Aposto-
lus, quod D. Augustinus iam olim obseruauit contra Fauſtum Ma-
nichæum, lib. 28. cap. 4. & in quæstionibus euāgelicis lib. 3. cap. 40.
Non dubitabat S. Apostolus de sua doctrina, vtpotè θεοδιδάκτορ & à
spiritu sancto edoctus: attamen nè qua ratione per pseudoaposto-
los eius prædicatio redderetur inefficax, qui vbiq; calumniabant
doctrinam eius improbari ab Apostolis, & nè hoc pacto offendicu-
lum præberet infirmis, ascendit Hierosolymam, conferens suum,
quod prædicabat, Euangelium cum Apostolis. Iam vide Smideli-
ne, quā illustre, quā opportunum, quā efficax contra temet-
ipsum protuleris testimonium, qui in rebus fidei recusas suscipere
authoritates hominum, vel etiā definitiones ac decreta generali-
um conciliorum, sed vnumquenq; sequi debere, quod intra se sen-
tit. Vide quā verè dixerit propheta, Incidit in foueam quam fe-
cit. Sed inquis, ex hoc pauli loco manifestum euadere, petro com-
missas fuisse non oues vniuersas, sed eas tantū, quæ ex circunci-
sione. Siquidem circuncisiōis Apostolum eum paulus vocat, se ve-
rò gentium.

Psal. 7.

Gal. 2.

Cap. 21.

*Cur Petrus circuncisionis Apostolus dictus, & Paulus
Gentium.*

Matt. 15.

Matt. 10.

CAeterum cur Petrus circuncisiōis Apostolus dictus sit
à Paulo, qui se gentium gloriatur Apostolum: haud dif-
ficultè intelliges, si perpendas illud quod de seipso te-
stificatus est Seruator, dicens: Non sum missus nisi ad
oues, quæ periērunt, domūs Israel. Tum quòd Apostolis præcepit,
cū daret eis potestatem spirituum immundorum, & vt curarent
omnem languorem & omnem infirmitatem, videlicet nè abirēt in
viam

viam gentium, nec Samaritanorum ingrederetur ciuitates: sed ite
 potiùs inquit, ad oues perditas domus Israel, quas suum populum
 & oues gregis sui peculiaritèr sæpè vocat Deus in scripturis. Quo-
 rum Christi mandatorum memores Apostoli, etià diu post acce-
 ptum spiritum intra solius Iudææ limites sese continuerunt, donèc
 viso admonitus Petrus, primùm omnium susciperet Corneliū Cē-
 turionem gentilem & incircuncisum hominem ad Baptismum. Ad
 hoc igitur vsq; temporis tam Petrus, quàm vniuersi cum eo Apo-
 stoli, solis Iudæis euangelizabāt verbum fidei. Vndè nihil mirum,
 si Petrus eatenus circuncisorum præcipuè diceretur Apostolus, ad
 quos solos missum se dixerat CHRISTVS, missi etià principiò
 Apostoli, ita quidem, vt, tametsi ante receptum spiritum sanctū au-
 diuerant à Christo: Ite in orbem vniuersum &c. diu tamē post ac- Mar. 16.
 ceptum paracletum non reuelaretur illis communicandum etià
 gentibus Euangelium in salutem. Cuius cū tempus iam adesset
 opportunum & placitum Deo, (liquidem satis iam diuulgato Iudæ-
 is Euangelio) non Paulo, aut Iacobo, non Ioanni, sed Petro, nimi-
 rum summo pastori totius Ecclesiæ (quæ eatenus circuncisorum
 duntaxat fuerat) visio de cælis apparuit, qua positus in mentis ex-
 cessu, vidit apertum cælum, atq; indè vas quoddam veluti linteum Aët. 10.
 magnum, quatuor initijs alligatum, demitti in terram, in quo erāt
 omnis generis quadrupedia terræ, bestiarq; & reptilia & volatilia
 cæli, & facta est vox ad eum: Surge Petre, occide & manduca. Quo
 viso, vt pòst intellexit, admonebat etià gentes incorporare Chri-
 sto. gentium enim immunditiæ per quadrupedia, terræ bestias, re-
 ptilia, volatiliaq; significabantur, Quas Deus intra linteum Eccle-
 siæ recipere iam existimans opportunum, Petro præcepit primùm,
 vt eas mactaret verbo Dei quouis gladio vtrinq; incidente pene-
 trantiori: deindè vt māducaret, hoc est, cibi more in Ecclesiæ cor-
 pus trajceret, sibiq; tanquàm Ecclesiæ fundamento cōglutina-
 ret. Et nè vanum somniantis phantasma reputaret, tertiò repetita vo-
 ce admonitus est: nec multò post visionem venerunt à Cornelio
 quidam eius accersendi gratia, vt ipsum Cornelium erudiret in ijs,
 quæ pertinebant ad salutem. Cum quibus proficisci iussus à spiri-
 tu, vt accessit ad Cornelium, eidem cum omni domo sua annun-
 ciauit

A. 15.

A. 13.

ciauit regnum Dei, hunc in modum exorsus: Re ipsa comperio, q̄ non sit personarum acceptio apud Deum, sed in omni gēte, qui timet ipsum, & operatur iustitiam, hic acceptus est illi &c. Et cū adhuc eo loquente cecidisset spiritus sanctus super omnes, qui audiebant sermonem, obstupefactis miraculo his qui ex circumcisione venerāt cum petro, iussit eos baptizari in nomine Domini. per hūc itaque petrum totius Ecclesiæ caput & magistrum, didicerunt primò & cæteri Apostoli, quòd & gentibus concesserat Deus pœnitentiam ad vitam. Quare & exorta postea disceptatione non exigua, an gentes onerandi essent oneribus legalibus, in apostolorum habito de hac quæstione concilio, surgens petrus, dixit ad eos: Viri fratres, vos scitis, q̄ ab antiquis diebus deus inter nos elegit, vt per os meum audirent gentes verbum Euangelij & crederent. Audis quòd hīc dicat petrus, Deum videlicet ab antiquis diebus elegisse, vt per os ipsius inter omnes Apostolos audirent gentes verbum Euangelij & crederent, vt qui antea fuerat solius circumcisionis pastor & Apostolus, quippè quæ sola in ouili Dominico eatenus cõtemnebatur, efficeretur etiā pastor gentium, quas cū placuisset Deo etiā in ouile suum adducere, & ad agnitionem veritatis venire, elegit hoc fieri ministerio petri, vt velut prauidens istorū calumnias, Dominici gregis magis commendaret vnitatem, contestatumq; faceret, vnicum ouile, sub vnico pastore esse oportere. Quòd verò paulus se gentium, petrū verò circumcisionis facit Apostolum, non eò pertinet, quasi gentibus tantū ipse euangelizauerit. Siquidem & ipse primū semp̄ euangelizauit Iudæis per synagogas, sed cū ipsi penè vbiq; ab illis contradiceretur, dixit vnā cum Barnaba: Vobis oportebat primū loqui verbum DEI: sed quoniam repulistis illud, & indignos vos iudicatis æterna vita, ecce conuertimur ad gentes. Meritò igitur se gentium gloriatur apostolum, ex quibus præcipuum laboris & plantationis suæ fructum & incrementum retulit. De Iudæis gloriari non audet, à quibus penè vbiq; malè acceptus est. At petro, cui totius ouilis cura commissæ est, æquus penè fructus fuit & in Iudæis & in gentibus. Sed quoniam Iudæis primū loqui oportuit verbum Dei, primus quoq; labor eius ad Iudæos in ouile Christi, sibi commissum, introducēdos

dos maximo cum fructu ac prouentu defudauit, adeò vt vnico primoq; eius sermone, quem ipso die Pentecostes habuit, tria millia circiter animarum conuerterentur ad Christum. Quarè ea ratione in illo principio meritò vocatus est à Paulo circuncisionis Apostolus, in qua tum fructus eius cernebatur maximus. Sed postea nihil feciùs, nec minori cum fructu laborauit in gentes, quàm antè in circuncisionem fecerat. Cùm enim (vt beatissimi Leonis verbis dicamus) apostoli duodecim, accepta per spiritum sanctum omnium locutione linguarum, imbuendum Euangelio mundum distributum sibi terrarum partibus suscepissent, & beatissimus Petrus princeps Apostolici ordinis, iam populos, qui ex circuncisione erant, erudièrat, Antiochenam ecclesiam, vbi primùm Christiani nominis dignitas est orta, fundauerat, & Pontum, Galatiam, Cappadociam, Asiam atq; Bithyniam legibus Euangelicæ prædicationis impleuerat, ad arcem Romani destinatur imperij, vt hinc sicut esset terrenus imperator & rector orbis, ita & ibidem præficeret hic pastor, qui præsul esset & caput Ecclesiæ totius. Hæc D. Leo.

In serm. de
Petro &
Paulo,

Hinc Iustinianus Imperator Romam vocat patriam legum, fontem sacerdotij. D. Leoni inter alios plurimos ad stipulatur Eusebius ille Cæsareensis, enarrans historiam Simonis Magi ex Iustino & Irenæo, & quemadmodum maleficis suis artibus ita demetauerat Romanos, vt diuinos sibi honores impenderent. Sed non in longum, inquit, permanet fraude quæ sita diuinitas. Continuo namq; in ipsis Claudij temporibus, clementiæ diuinæ prouidentia, probatissimum omnium populorum & maximum fidei magnificentia, virtutis meritò primorem principem Petrum ad urbem Romam, veluti aduersus humani generis communem perniciem repugnaturum deducit, ducem quendam & magistrum militiæ suæ scientem diuina prælia & virtutum castra ducere. Idem in Chronicis suis in Claudij Cæsaris annum secundum, scribit his verbis: Petrus natione Galilæus, Christianorum pontifex primus, cùm primùm Antiochenam fundasset Ecclesiam, Romam proficiscitur, vbi Euangelium prædicans, vigintiquinque annis eiusdem urbis perseuerat Episcopus. Audis igitur Smideline, Christianorum omnium, non Iudæorum, pontificem primum Petrum, qui Romanæ urbis, orbis

In authent.
vt Eccles.
Rom. 100.
annor. præter
gaudeat.
Ecclesiæ, hist.
lib. 2.

&

& gētium dominæ, annis viginti quinque; Episcopatum tenuit. Cuius curæ ut vniuersa Christi ecclesia commissæ est, ita quomodo sese huius curæ amplitudo per vniuersum orbem diffuderit, nolo meis, sed Hugonis Etheriani verbis clariùs intelligas, qui Emanuelis Constantinopolitani Imperatoris temporibus suos Græcos à schismate ad matris gremium reducere satagēs, de Petro & eius successoribus Romanis Pontificibus scribit in hæc verba: Ex ipsa, inquit, rei euidentia liquidò apparet, quod Petrum eiusque successorem Christus principem & caput non modò Latinorum, Græcorum, Occidentis & Septentrionis vniuersi: verum Armeniorum, Arabum, Iudæorum, Madianitarum, Amalechitarum, & totius Oriētis & meridiani climatis in perpetuum constituit. Ob quam rem occidui solis limites vniuersi, Petri successorem usque; nunc sibi Dominum recognoscunt, & sub illo præfule diriguntur. Quod omnem ab utero & gremio matris errantem facere opportunum est. Petrus enim magnus Christi Apostolus in omnibus ferè ciuitatibus Syriæ, Capadociæ, Phrygiæ, Macedoniæ, Elladis, Epiri, Siciliæ, Italiæ, Galliæ, Hispaniæ ac extremitatum episcopos ordinauit. Etenim Iacobus eius fauore Hierosolymorum thronum tenuit: deinde Euodius Antiochiæ ordinauit, Tarſi Vrbanum, Epaphroditum Lyciæ, Figellum Ephesi, Smyrne Apellem, Philippis Olympam, Thessaloniciæ Iasonem, Silam Corinthi, Patris Erodiona, Tauromenij Magnum, Alexandriæ Marcum &c. Hactenus Etherianus ille.

Cuius pium studium utinam æmulari potiùs conarètur, qui euangelium iactitant, quàm addere ignem incendio, & labefactatâ vnâ cum Ecclesiasticæ hierarchiæ vigore religionem Christianam funditus euertere, prudentes facti illorum miserando deplorandoque; exemplo, quos iam dudum dedit Dominus in direptionem nationum barbararum, & in conculcationem omnium bestiarum agri, & abiecit à facie sua, eò quod deseruerunt Ecclesiastici edificiij fundamentum quod separati sunt à Cathedra petri, sicut quoddam Israel à domo Dauid.

Cap. 22.

An

An Petrus à Paulo verè fuerit repræhensus? Et si verè repræhensus, non ob hoc imminui authoritatem Petri.

Pergit Smidelinus: Vt taceam, inquit, D. Petrum ab Apostolis repræhensum, quod non rectè ambularet ad veritatem Euangelij, quæ quomodò cum Petri consulatu & Primatu conueniant, Grammaticus viderit: superiorè enim repræhendi & coerceri ab inferiore, etià ipsi ἀποστολὴν videbitur.

Smid.

Bred.

Lib. 1. Eccl.
hist. ca. 14

De hac reprehensione, Clementis est sententia, referente Eusebio, non fuisse hunc Petrum Apostolum, sed unum ex 70. discipulis, Petri cognomine. Cæterum ut refert Claudius Guiliardus, hæc præpostera Petri defensio refellitur ab Hieronymo. Dicit igitur Hieronymus, & cum illo Chrysostomus & Theophylactus, hanc Pauli reprehensionem non seriam, sed simulatam, fuisse. Contrarium defendit Augustinus. Hieronymo patrocinatur ipse Paulus, qui similia identidem fecisse legitur Act. 16. circumcidit Timotheum propter Iudæos. Act. 18. totondit sibi caput in Cenchreis, & habebat votum. Et cap. 21. cum viris quatuor habentibus votum super se, intrauit templum, & sanctificauit se cum illis, & oblatio facta est pro eo. Item suo ipsius testimonio 1. Cor. 12. Factus sum Iudæis tanquam Iudæus. Dicimus igitur Paulum hæc dixisse non condemnandi Petri gratia, sed ob futurum mox profectum in Iudæis, noua pugnandi arte, noua simulatione usum. Videntes enim Iudæi Petrum reprehendi, & in disputatione de legalium obseruatione superari, statim agnouerunt, suam quoque pertinaciam, qua legalium obseruatione urgebant, redargui. Atque hoc est, quod ait Oecumenius, palam & non priuatim Paulum restitisse Petro, ut videtes qui ex Iudæis crediderant, ipsum præceptorem suum Petrum palam argui, quod non cum præputiatis conuersaretur, nec contradicentem agnoscerent, quod non esset deinceps necessaria legis obseruatio post fidem. Quia verò hoc dispensatoriè agebatur, manifestè venit Paulus ad hos sermones cum Petro, ut audientes fideles qui ex circumcissione erant, mutarent legis obseruationem. Quod si vera fuisset ira, oportuisset priuatim ipsos apud se mutuo differere. Hæc Oecumenius.

Atque ita videmus non tam Petrum, quam supersticiosos Iudæos

X

obli-

In libris de
considerat.

Luc. 22.

obliquè repræhendi. Disertè examinat Græcum textum & phra-
ses Hebræas D. Adamus Sasbout, ad què lectorè remittimus. Ve-
rùm si demus seriam fuisse repræhensionem, an continuò suâ acti-
onem probauerit Smidelin⁹? an quicquam derogauerit Petro? Nō
enim absurdum est, non est ἀτοπον, vt ait, superiorem ab inferiore
repræhendi, quandoquidem & summi Ecclesiæ præpositi delin-
quere possunt, cū & ipsi cum vniuersa Adami posteritate obno-
xij sint peccatis, & hæc eorum peccata fraterna correptione redar-
gui possunt etiā ab illis, qui sunt inferiōres, non autem temerè &
conuiciosè à quibusuis. Sic D. Bernardus Eugenium pontificè nō
minùs liberè repræhendit, quā fraterne & amantè admonet. Idē
ad Archiepiscopum Coloniensem magna vitur dicendi *παρηγορία*.
Sed reuocemus ad incudem & quodammodò ruminemus aliquā-
to exactiùs hoc Smidelini argumentum. Contendit Smidelinus
Petrum à paulo repræhensum. Quid Petrus? Obtulit, filuit, obtem-
perauit, æquissimo animo sustinuit. Iam tu Smidine considera,
quā opportunum, quā vrgens telum, tu imprudēs, dum aërem
verberans, in incertum quodammodò pugnas, in tuum Luterum,
atq; adeò in teipsum, Luteri defensorem, iaculatus sis. Ille doctri-
nam suam non solū ab hominibus, verū etiā ab angelis, immò
à Deo ipso iniudicatam habere voluit. petrus apostolorum vertex,
cui commiserat Dominus pascendas oues suas, cui dederat claues
regni cælorum, cui dixerat, Tu aliquandò cōuersus, confirma frā-
tres tuos: hic, inquam, petrus, tam patientèr, tam benignè, tam ve-
rè Christianè corripientem sustinet fratrem. Nōne potuisset dice-
re cum Lutero? Non curo: verbū Dei mecum facit: Dominus ipse
tanto tempore mecum conuersatus est, docuit, instruxit, paracletū
suum visibili forma mihi infudit. Quid tu me instruis? quid tu me
corripis, qui Dominum in carne nunquā vidisti? Hanc tam ad-
mirabilem petri modestiam olim obseruauit & nobis imitandam
proposuit D. Cyprianus in epist. ad Quintinum de hæreticis: Nec
petrus, inquit, quem Dominus primum elegit, & super quē ædifi-
cauit ecclesiam suam, cū paulus de circuncisione postmodū
disceptaret, se vindicauit, seu aliquid insolentèr aut arrogantèr as-
sumpsit, vt diceret se primatum tenere, & obtemperari à nouellis
& po-

& posteris sibi potius oportere. Nec despexit Paulum, q̄ Ecclesiæ prius persecutor fuisset &c. Idem obseruauit Augustinus lib. 2. cōtra Donatist. cap. 1.

Si igitur Petrus in hac sua lenitate & mansuetudine spiritū habuit Apostolicum & Euangelicum, necessariò sequitur, Luterum & te Smideline, in quo Luterus adhuc magna ex parte uiuit, longè diuersum habere spiritum. Illud quoq; hīc non incōmodè animaduerti potest, ex ijs quæ suprà diximus, patere, quanta prudentia, quanto moderamine, quanto & quàm sollicito scandali & offensionis metu aggressi sint Apostoli prædicationē doctrinæ Euangelicæ, quomodò præbuerint lac infirmis, solidum cibum adultis, quomodò nonnunquàm iudaizauerint, quomodò instar Chamæleontis in omnia sese verterint, & veluti protea quendam Euangelicum agentes, facti sint omnia omnibus, vt vndiq; aliquid lucrifacerent Christo. Quàm dissimili ratione, quàm inuerso cōsilio suum Euangelium exorsus est Luterus, quo impetu, quanto cum furore, statim omnia sustulit, conuulsi & cōfudit? quo fremitu, quibus verborum cōuiciorumq; tonitruis palàm & vbiq; debacchatus est in p̄positos ecclesiæ? Apostoli visibili forma acceperunt Spiritum sanctum. Luterus in forma visibili disputauit cum diabolo. Paulus optat oēs esse sibi similes nō cōiugatos: Luterus docet impossibilem continentiam, omnes vult esse coniugatos. Sed vt ad propositum redeamus, vides Smideline, quomodò nusquàm non impingas, quomodò tuis ipsius telis, nos non modò nō lædas, sed præter opinionem tuam excēcantem oculos tuos hæretica cōtendendi libidine, te ipsum conficias. Ad locum Lucę 22. de contentione discipulorum de primatu, suprà tibi responsum est, vbi eandem nobis cramben coxisti.

Cap. 23.

An Petri eminentiam minuat, quòd scribit Lucas eum à reliquis Apostolis missum esse in Samariam.

Sequitur nunc: Petrum à reliquis Apostolis cū testetur Lu- Smid.
Scas missum esse in Samariam, quàm nihil sibi arrogauerit sup

reliquos Apostolos, quibus sese subiecit, manifestè apparet: siquidem inferioris non est mittere superiorem, nisi fortè protestatiõe prius facta de suo Primatu, Petrus collegarũ siue Senatũ sui precibus obtemperauit. Hæc missio adeò non derogat authoritati Petri, vt eandem etiã apertissimè comprobet. Nam licet prædicante Philippo recepisset Samaria verbum Dei, & per eundem multa ibidẽ signa ederentur, nondũ tamen spiritum sanctum acceperant. Quod cũ audissent Apostoli, qui erant Hierosolymis, miserunt ad eos Petrum & Ioannem, vt maiori quadam authoritate confirmarentur nouitè conuersi ad fidem. Miserunt autem veluti si decerneret senatus fore ex Republica, vt non prætor, non legatus, non proconsul, sed ipse per se consul, senatus, princeps administraret difficilem periculosamq; aliquam prouinciam, aut bellũ gerat. Quod nequaquã fuisse insolens aut nouum, Romanæ doctent historiæ. Nec tamen propterea non erat penes ipsum suprema authoritas & consularis potestas.

Si idem ex sacra historia tibi m̃lis comprobari, audi quid scriptum sit Iosua 22. Cũ reuerterentur filij Ruben & Gad & dimidia tribus Manassæ à filiis Israel de Silo, vt intrarent Galaad terrã possessionis suæ, quam obtinuerant iuxta imperiũ Domini, in manu Mosi ultra Iordanem, cũ venissent ad tumulos Iordanis in terram Chanaan, ædificauerunt iuxta Iordanem altare magnitudinis infinitæ. Quod cũ audissent filij Israel, & ad eos certi nuncij detulissent, cõuenerunt omnes in Silo, vt ascenderent & dimicaret contra eos, & interim miserunt ad illos in terram Galaad Phinees sacerdotem magnum in lege, filium Eleazari, filij Aaron maximum & dignissimum in populo, & cum eo decem principes de singulis tribubus. Nunquid propterea desijt Phinees esse (quod de eo scribitur) dux eorum eorum Domino? aut nunquid illi decem principes tribuum, propter hoc principes non fuerunt, quòd à tribubus missi sunt?

Luc. 22.

Nihil igitur hæc Petri missio authoritatem eius imminuit, nec imminuere debet, si fortè submissiũs & modestiũs sese gessit, memor mandati Dominici: Qui maior est in vobis, fiat sicut minor: cũ nihilominus eminentiæ & potestatis suæ memor fuerit, quotiès

tiēs Ecclesiæ utilitas, aut aliorum ædificatio requirebat. Testantur hoc satis Ananias cū vxore Saphira, in quos exiguæ pecuniæ fraudem, in aliorum exemplum, horribili mortis sententia ultus est.

Tract. 21. in
Iohannem.

Audi quid D. Augustinus dicat in illud Iohannis, Qui non honorificat filium, non honorificat patrē: Ecce, (inquit aliquis) missus est filius, & maior est pater, quia misit. Recede à carne. Vetus homo suggerit vetustati, tu in nouo agnosce nouitatem: nouus tibi, seculo antiquus, perpetuus, æternus, reuocet ab hoc intellectu. Minor est filius, quia missus dictus est filius. Missionem audio, nō separationem. Sed hīc, inquit, videmus in rebus humanis, quia maior est qui mittit, quanquā & ipsæ res humanæ dicant contra te testimonium, velut verbi gratia, si quis vxorem vellet petere, (inquit D. Augustinus) & per se non posset, amicum maiorem mittit, qui ei petat. Et sunt multa, in quibus ipse maior eligitur, qui mittatur à minore. Quid ergo calumniam vis facere, quia ille misit, ille missus est? Sol radium mittit, & non separat: luna splendorem mittit, & non separat: lucerna lumen fundit, & non separat. Video ibi missionem, & nullam video separationem. Nam si de rebus humanis quæris exempla, ô hæretica vanitas, quanquā sicut paulò antè dixi, & ipsæ res humanæ in quibusdam exemplis coarguūt & vincunt te, tamen attende quā sit aliud in rebus humanis, vnde vis exempla ducere ad res diuinas &c. Hæc ibi D. Augustinus, Arriū cum Smidelino eodem tefo confodiens.

Iam & tempora nobis distinguenda sunt, vt scripturas concordemus. Nam tam erat in illo nascentis Ecclesiæ principio tempus moderandi ordinandiq; Ecclesiam illa hierarchia, quam disposuerat sacer spiritus, & cuius caput Petrum iam dudum constituerat Christus, quā congregandi Ecclesiam illa hierarchia ordinandā, & in quam Petri authoritati, eiusq; exercitio locus fieret. Quare & omnes tunc manibus pedibusq; quod dicitur, in hoc annexi sunt, vnde cunq; potuerunt, dispersas palantesq; oues cōgregare in ouile Christi, Petro commissum. In quas iam congregatas & introductas locus erat exercitio authoritatis Petri. Et statim post tempora Petri euidentius eluxit illa Ecclesiæ hierarchia sub Clemente & Anacleto, vt suprà ex eorum scriptis declarauimus.

X 3

Cap.

Cap. 24.

An ideò biceps monstrū obtrudatur Ecclesie, vt vult Smidelinus, si dicamus post primarium caput Christum, etiā secundarium caput datum esse Ecclesie Petrum Apostolum.

Progreditur Smidelinus: Ac nisi pro Ecclesia Christi biceps monstrum nobis obtrudat, Christo qui Ecclesie caput est, nullum potest constituere summum vicariū, cū ipse suæ ecclesie adlit vsq; ad consummationem seculi: vicaria autem opera omnium Ecclesie ministrorum vtitur, qui passim in toto orbe dispersi, per spiritum Christi coniuncti, idem sentiunt & docent.

Non imus inficiās, Christum esse ecclesie caput, vndè vitalis ille influxus spiritusq; deriuatur in membra reliqua. Nec tamen idcirco bina capita & biceps monstrum, vt tu vis, aut, vt Flaccus ait, belluam multorum capitum, obtrudimus, cū alia ratione Christus, alia Petrus sit caput Ecclesie. Erat Christo redeundum ad patrem post peracta salutis & redemptionis nostræ mysteria. At eius Ecclesia, quæ ex omnibus populis, nationibus, linguis, Apostolorum suorum congreganda erat ministerio, requirebat necessariò secū manens in terris caput *ὁμογεγεον*, quod gubernaret atq; in vnum cōtineret molem compaginēq; tam vasti illius, immensiq; corporis, sinè quo nulla prorsus futura erat Ecclesia. Atq; hæc fuit ratio, secundū veterum Patrum sententiam, cur Petrum potiùs quàm se ipsum Christus ecclesie suæ fundamentum pronunciauerit. Porro nè quid nouum hac in re aut ab hominibus confictum te audire existimes, sed potiùs hanc Ecclesie hierarchiam euidentibus typis & figuris olim præfiguratam cognoscas, vmbra illā veteris synagoge paulispèr nobiscū cōtemplare, in qua nostræ Ecclesie haud obscuram aut cōfusam, sed expressam distinctamq; est videre imaginem, adeò vt conferenti vmbra vniuersam ad suum corpus, partesq; partibus adhibenti, haud sit difficile & inuenire & cernere, quam nostræ Ecclesie partem, quælibet vmbre illius portio adumbret, figuret, & exprimat. Nam si Pharaonem illum, si captiuum Iudeorum populum, si durissimam illam seruitutem Aegyptiacā, si exitum

exitū ab Aegypto, si agnū & phasē, si mare rubrū, si iter per desertū annorum 40. laboriosissimum sanè & tot calamitatibus, tot tentationibus, tot afflictionibus, tot pugnis plenum, si deniq; ipsam promissionis terram considerauerimus, requiramusq; eorum singulorum solidam veritatem in corpore ecclesiæ nostræ Catholicæ, & in ijs quæ ad hoc corpus pertinent, videbimus. Huius corporis partes iam olim per vmbra illius lineamēta, veluti penicillo quodam expressissimè distinctissimeq; depictas ac delineatas. Quare & Moses illius populi nomothetes, & Aaron summus sacerdos, à quo in synagoga illa sacerdotium cœpit, quod solidæ veritatis in Ecclesia nostra adumbrauerint & expreserint, nunc considerandum venit. An ne & in Ecclesia Catholica inuenire est Mosen & Aaronem? Vtiq; Noster Moses, noster legislator, Christus est: noster Aaron, Petrus est. figurauit quidem Aaron etiā Christū, quē admodū & Petrus in cura pastorali suppleuit vices Christi: & vterq; tam Moses, quā Aaron, erāt sacerdotes, iuxta illud psalmistę: Moses & Aaron in sacerdotibus eius: non tamē sub Aarone Moses, sed potius contrā, cū tam Aaronem sacerdotem summū & filios eius inferioris ordinis sacerdotes, ipse Moses cōsecrauerit, suæ interim ipsius ordinationis nullum alium, quā Deum authorem habēs. In omnibus quoq; ad Deum pertinētibus negocijs ipse prior erat, Deoq; proximior, ac velut inter Aaronem & Deum mediator quidam & internuncius. Sed & passim scripturæ Mosen Aaroni pręferunt, quemadmodū & alio loco apud eundem prophetam: De-
duxisti, inquit, populum tuum in manu Moſis & Aaron. Summus ergo vterq; sacerdos, & Moses & Aaron, quanuis sub Mose Aaron. Attamen non à Mose, sed ab Aarone deducitur illius sacerdotij principium, indeq; porrigebatur continua serie, nec sacerdotij Moſis, sed Aaronis successores sequentes ex ordine facti sunt. Noster igitur Pontifex Christus est. Habentes enim, inquit Aposto-
lus, pōtificem magnum, qui penetrauit cēlos, Iesum filium Dei, teneamus spei nostræ confessionem. Non enim habemus pontificem qui non possit compati infirmitatibus nostris. Sed & nobis pontifex Petrus & pontifex summus, quemadmodū suprā declaratū est, à quo sacerdotalem ordinē Christus in sua Ecclesia instituit &

quā aptā
cōueniant
figura &
veritas.

Psalm. 98.

Psalm. 76.

Heb. 4.

in-

Heb. 7.
Psal. 109.

Matt. 28.

Dan. 2.

Psal. 86.

1. Cor. 3.

Apoc. 21.

Iohan. 8.

Iohan. 1.

inchoauit. Non tamen sub eo, sed supra eum Christus, qui non semetipsum clarificauit ut pontifex fieret: sed ille, qui per Prophetam dixit, Tu es sacerdos in æternum secundum ordinem Melchisedech. Hic itaq; à solo Deo patre pontificatum & sacerdotij honorem adeptus, Petro sacerdotij sui vicarium honorem cõtulit, quem in Ecclesia gererent, tam ipse, quàm qui ei legitima ordinatione succederent. Quem non à se, sed à Petro potius, atq; ab illo eius originem deriuari voluit. Non enim dixit, Super me ædificabo ecclesiam meam: sed, Tu es Cephas, tu saxum aut rupes, super quam ædificabo ecclesiam meam, ut disertè annotauit Cyrillus. Vides ergò in nostra Ecclesia Moysen, vides Aaronem, vtrunq; sacerdotem, vtrunq; summum: sed ille noster legislator, qui à Deo patre suo clarificatus, ut esset pontifex & sacerdos in æternum, hunc pro se vicarium nobis constituit, cum nomine suo etià potestatis principem facies, ipse reuersus ad patrem, ut esset nobis apud eum & aduocatus & mediator. Itaq; iam, opinor, intelligis, in noua lege à Petro initium fecisse Christum sacerdotalis dignitatis, quemadmodum in veteri, ab Aarone Moyses, quanuis & in illa supra Aaronem etià sacerdos Moyses, & in hac nostra quoq; supra petrum sacerdos pontifexq; Christus. Quod tamen nec illam veterem synagogam, nec nostram ecclesiam monstrosam aut dicephalem facit, sed sub Christo caput Petrus, immò Christi apud patrem existentis vices inter nos gerit Petrus. An idè nefas est petrum nominare caput huius ecclesiæ, quæ adhuc militat in his terris, quòd Christus sit totius ecclesiæ tam triumphantis quàm militantis caput supremum? Verùm huiusmodi tropi sacris literis sunt familiarissimi. Nonne enim Christus est ille mons, quem Daniel propheta vidit ex vna petra sinè manibus de monte abscissa, excrefcere in montem tantum, ut operiret vniuersam terram? Et tamen Apostoli & horum successores dicuntur montes Ecclesiæ à Dauide propheta, cum ait: Fundamenta eius in montibus sanctis. Et cum Paulus dixerit, fundamentum aliud nemo potest ponere, præter id quod positum est, quod est Christus Iesus: nihilominus tamen Apostoli dicuntur in eo psalmo & in Apocalypsi, fundamenta. Sic Christus est illa lux vera, quæ illuminat omnem hominem venientem in hunc mundum, & Deus pater, est ille lumi-

minum pater nihilominus ad Apostolos dicit: Vos estis lux mundi. Quod verò ais, cum ipse suæ Ecclesiæ adsit ad consummationem usque seculi, miror qua ratione tibi constes, cum passim & ubique declamites, Ecclesiam hucusque horrendis tenebris immerfam fuisse, à temporibus tenebrosis (ut inquit Calvinus) Gregorij Magni. Si responderis, semper fuisse in Ecclesia quosdam, qui veram doctrinam sectati sint, cum quibus fuerit Christus: probes nobis, qui demum illi fuerint, qui ante Luterum, vestram doctrinam professi sint, nisi fortè per longa temporum intervalla nunc Iovinianum, nunc Vigilantium, nunc Berengarium, nunc Iohannem Hussum proferas. Sed Brentius tuus cliens, in epistola contra Stanislauum Hosium apertè refert, Luterum Euangelij doctrinam primum reproduxisse, secutus videlicet illorum magisterium, de quibus ait Augustinus: Ipsum testamentum vos à flamma conservasse gloriamini.

Aug. lib. 1.
contra epist.
Parmeniani

Cap. 25.

An quia Christus vicaria opera omnium sacerdotum utitur, ideo nullus inter eos eminere debeat. Item episcopi à sacerdote differentia, veterum quoque sacerdotum in veteri lege distinctio.

ATque hoc quidem ad priorem emblematis tui partem responsum volumus, Smideline: nunc ad posteriorem progrediamur, quæ habet: Vicaria autem opera omnium Ecclesiæ ministrorum utitur Christus, qui passim in toto orbe dispersi, per spiritum Christi coniuncti, idem sentiunt & docent.

Smid.

Hic nonnihil incipis tibi esse dissimilis, cum tandem veritatem Bred, aliquo modo profitearis. Dicis Christum vicaria uti opera omnium Ecclesiæ ministrorum, qui passim dispersi, per spiritum Christi coniuncti, idem sentiunt ac docent.

Haftenus plurima contra te ipsum produxisti argumenta & probationes: nunc posteaquam ipse testis reum te tot modis peregisti, iudicis quoque partes suscipis, & prolata sententia te tuosque gregales condemnas, scilicet ut verum in te fiat, Ex ore tuo condemna-
Y beris,

Matt. 12.

Tit. 3.

Episcopus
an à presby-
tero diffe-
rat.In cōpend.
concertat.
tit. II.

beris, & illud Apostoli: Hæreticum hominem deuota &c. cum suo iudicio sit condemnatus. Vos enim quia nec idem sentitis, nec idē docetis, nec idem scribitis, ut ipse alicubi profiteris, & res ipsa clamat, per spiritum Christi coniuncti non estis. Atque idē Christus vestra vicaria opera non vitur, quia cum ipse sit charitas, nullū habet commercium cum dissidio. Vitur autem Christus vicaria opera omnium Ecclesiæ ministrorum, in ministerio reconciliatiōis peragendo, in precibus & sacrificijs offerendis, in legatione perferenda: quod autem inter hos ipsos vicarios suos, nullū eminentiæ aut hierarchiæ ordinē constituerit, aut gradus distinxerit, id verò cum omnibus Ecclesiæ patribus ac doctoribus pernegamus. Confundit quidem Paulus apostolus nonnunquam appellationem episcopi & presbyteri: sed ex eo velle contendere, nullum esse discriminē inter episcopum & presbyterum, id demum hæresim ante multa secula damnatam resipit. Aëtius enim quidam, ambiens episcopatum, neque valens obtinere, docuit nullum esse discrimen inter episcopum & presbyterum. Quem errorem deinde sopitum, resuscitauerunt Vualdenses, quos imitati sunt Martinus Paduanus, Hieronymus de Praga, & Iohannes de Vuesalia, ut refert Ioannes Boderius. Errorem autem hunc facile refellit D. Anacletus pontifex & martyr, tertius D. Petri successor, in epistola de ordinatione Episcoporum, archiepiscoporum & presbyterorum. A B. Petro Apostolo, inquit, & reliquis Apostolis, ac à B. Clemente nostro predecessore & martyre accepimus, quod episcopi Apostolorum Domini, presbyteri quoque septuaginta discipulorum locū teneant. Episcopi autem non in Castellis aut modicis ciuitatibus debent constitui, sed presbyteri per castella & modicas ciuitates atque villas, debent ab episcopis ordinari & poni, singuli tamen per singulos suos titulos, ne vilescat nomen episcopi &c.

Pergit ibidem quoque recensere, quo pacto episcopus non nisi à tribus episcopis sit ordinandus. Reliqui verò sacerdotes ab episcopo suo proprio. Jam quod si rursus umbram illam, hoc est, veteris synagoge formam cōsideremus, mirabilem quoque hac in parte umbræ & veritatis paritatem & consensum animaduertemus. Euidēs erat sacerdotum in veteri lege distinctio. Siquidem Aaron sum-
mus

mus erat sacerdos, filij autem eius, sacerdotes minores & inferiores: ipsorumq; officium, dignitas & habitus, magno interuallo à summi pontificis munere, eminentia & ornatu distabat. Alijs utebatur vestibus summus sacerdos, & solus ipse intrabat sancta sanctorum, ipsius erat celebrare expiationis festum &c. quæ alijs sacerdotibus peragere non concedebatur. Eleganter hanc diuersitatē Mosaicorum sacerdotum beatissimus Leo in Euangelicis quoque & Christianis sacerdotibus obseruauit ac descripsit: In diuinis literis, inquit, præcipiente Domino, solus Moses in tabernaculo erexit altare, solus ipse vnxit, qui vtiq; summus Dei sacerdos erat. Ideoq; id, quod tantum facere principibus sacerdotum iussum est, quorum typum Moses & Aaron tenuerunt, omnino decretum est, vt coepiscopi vel presbyteri, qui filiorum Aaron figuram gestant, accipere non præsumant. Haftenus Leo.

Quin & maior solennitas iam inde ab Apostolorum temporibus obseruata est in ordinandis Episcopis & pontificibus, quam in presbyteris: suntq; propria illorum præ sacerdotibus munia. Ad hoc enim pertinet ordinare & constituere ceteros in suis gradibus ordinis ecclesiastici: Confirmationis quoque sacramento baptizatis abundantiorē spiritus gratiam tribuere, præterea dedicare & consecrare templa, altaria & vasa, & quæcunque diuino mancipata cultui: Ad hæc sacræ vnctionis charisma, cuius in illis omnibus usus est, conficere & consecrare: Insupèr & oleum sanctificare & benedicere in varios usus ecclesiæ. Hæc magno totius per orbem consensu Ecclesiæ, Pontificalis tantum apicis munia sunt, nec aut requiruntur, aut administrantur ab inferioris gradus sacerdotibus. Neque hoc episcoporum fastu & usurpatione potius quam iure factum est, vt impudenter criminatur Smidelinus, cum hæc hierarchica distinctio ab Apostolorum temporibus ad præsentem vsq; diem, in Ecclesia Catholica sit obseruata, eiusq; umbrā habuit olim Synagoga Iudaica. Posset hoc infinitis testimonijs probari: sed vt breuitati studeamus, remittimus Lectorem ad epistolas D. Anacleti, ad Dionysium Areopagitam, ad Iustinianum Imperatorem in authent. de sanctissimis episcopis &c.

Cap. 26.

Rursus ineptia quædam Smidelini refutatur contra Primatum Petri.

Smid.

Pergit Smidelinus: Quàm verò D. Petrum Apostolus etiã in ordinem redigat, & omnibus ex æquo omne dominium in ecclesia adimat, ministerium attribuens illis erga Dominam Ecclesiam, 1. Cor. 3. docet: Omnia, inquit, vestra sunt, siue Paulus, siue Apollo, siue Cephas, siue mundus, siue vita, siue mors, siue præsentia, siue futura: omnia enim vestra sunt, vos autem Christi, Christus autem Dei. Et Petrus 1. capite 5. Non dominantes, sed forma facti gregis.

Bred.

Si quis nesciret, quid apud veteres fuerit τὸ σοφιστεῖσθαι, aut etiã verè ineptire, Smidelinò docente non difficultè cognosceret. Sed quid si suis ipsius verbis hominem refutemus? Stanislaus Hosius Brentium, adducentem hunc eundem Pauli locum ad fabulam suam constabiliendam, in qua episcopos seruis comparat, eosq; seruos esse ex hoc Pauli loco docere studet, dum de hoc probationis gradu deijcit, audiamus quæso, quibus verbis ipsum excipiat Smidelinus: Manifesta, inquit, est scripturæ deprauatio, quòd ex loco D. Pauli colligit: Omnia sunt Corinthiorum, ergò illis omnia subiecta. Plus enim est in conclusione, quàm erat in præmissis.

pag. 32.

His profectò verbis nò Hosium, sed teipsum vnà cum tuo Brètio sic argumentantem, tu opte iaculo confodis. Patere igitur nunc legem quam ipse tulisti. Rectè enim iudicasti, plus esse in conclusione, quàm in præmissis. Si hæc te scripsisse negaueris, (quod non arbitror) & ex hoc Apostoli dicto, Petro primatū abrogare contendas, eadem ratione & Christum in ordinem redégeris. In corpore humano varia sunt membra, nec vnum actum habentia: quod operantur manus, quod vident, quod obseruant oculi, quod audiunt aures, quod disponit ac discernit mens & ratio, vniuersum cedit in vtilitatem vel veram vel præsumptam totius corporis: nec tamē idcirco capiti & membris illis principalibus sua adimitur eminentia, qua inferioribus præpollent. Si Paulus, si Apollo, si Cephas nostri sunt, quòd industria sua nobis & toti Reipublicæ commodant: utiq;

vtique & Christum maximè & propriissimè (vt ità dicam) nostrum dicemus, qui non operam duntaxat & auxilium suum, sed semetipsum nobis impendit: nec tamen idcirco dicendum, Christum nulla maiestate, nulla excellètia Paulo, Apollini aut Cephæ præfulgere. Ambitionem dominandi nemo bonus nec in profano quidem principe probare potest: sed quemadmodum affluètes diuitias nõ iubemur omninò respuere, sed cor illis non apponere: ità quantum dignitate cæteris præstes, nihilo seciùs formã gregis te exhibere potes, & ambitiosum dominandi affectum exuere. Porro nec integra satis fide illud Petri hìc adducis, cum ille dicat: Non vt dominantes, *μηδὲ ὡς κατακυριεύοντες*: tu verò mutilatè profers, *1 Pet. 5.* dominantes. Neq; enim dominatione euertit hoc loco Apostolus, cum alibi tam seuerè increpet illos, q (vt hæreticis solène est) dominationem & præpositos suos contemnūt. Nouit Dominus, inquit, *2. Pet. 2.* pios de tentatione eripere, iniquos verò in diem iudicij reservare cruciandos: magis autem eos, qui post carnem in concupiscentia immunditiæ ambulant, dominationemq; contemnunt, audaces, sibi placentes, sectas non metuunt introducere blasphemantes. & paulò post: Libertatem ipsis promittètes, cum ipsi sint serui corruptionis. Ecce quàm graphicè idem D. Petrus tuam omniumq; rebellium indolem depinxit, quàm grauitèr in vos omnis aliene dominationis cõtemptores inuehitur: Alienæ, inquam, quia dum aliorum eminentiam inuidiosè criminamini, ipsimet imperium cum dominatione affectatis: & qui nupèr angusto Pastoris Goppingensis titulo arctabatur, nunc dilatatis phylacterijs gaudet appellari præpositus & cancellarius Academiae Tubingensis. Quam appellationem cum ipsi non inuideamus, rectè fecerit, si nec ipse alijs honorem suum inuideat.

Quod igitur nunc sequitur apud Smidelinum, Ex his (vt opinor) liquidò constare videtur, nec à Christo diuo Petro aliquod attributum dominium aut consulatum, nec D. Petrum usurpasse, nec reliquos Apostolos sese illi tanquàm consuli subiecisse, sed parem potestatem datam omnibus, quam pro diuersitate donorum sunt executi: posset quis optimo iure admirari impudentè Smidolini temeritatem, qui tam siculneis, tam friuolis & ineptis argutationibus

Vide, obsecro, lector, ea, q̃ habet Bredenb. in epist. de negotio religio. ad consulem N.

Bred.

culis illud conuellere præsumit, quod vniuersa per orbem terrarum hucusque credit, confitetur & obseruat Ecclesia, quod tam magnificis, tam præclaris, tam augustis & irrefutabilibus testimonijs fultum & constabilitum demonstrauius.

Iam quod adhuc tacitè secum demurmurare pergit, Pro bent prius neceſſè est, oues Christi pascere, idem esse, quod potestatem in omnes Ecclesias habere &c. ex supradictis facile euaneſcit. Item,

Aut reliqui Apostoli non pauerunt, inquit, aut petro hisce verbis nulla data est super collegas potestas &c. Vt demus, reliquos Apostolos verè & fidelitè pauisse, nihil tamen vetat, quo minùs inter multos pastores vnus eminere possit, cui sinè vlla exceptione omnes in vniuersum oues commissæ sint, adeò vt etià ipsos Apostolos tanquàm oues sibi subiectos habuerit Petrus cùm audiret, Cõfirma fratres tuos. Vndè D. Leo sermone tertio in anniuersario suo: De toto mundo vnus Petrus eligitur, qui & vniuersarum gentium vocationi & omnibus Apostolis, cunctisq; Ecclesiæ patribus præponatur. Pascunt igitur & pascuntur Apostoli. Præſunt omibus suis, & subsunt petro. Petrus præest omibus suis, & subest Christo. Hoc est quod ait idem beatissimus Leo, quanuis multi in populo Dei sunt sacerdotes, multiq; pastores, omnes tamen propriè regit Petrus, quos principalitè regit & Christus. Vndè Apostolus Christum vocat magnum pastorem ouium, & Chrysostomus petrù Apostolorum verticem & coryphæum, vt videlicet, referente Hieronymo, capite constituto, schismatis tollatur occasio.

Luc. 22.

Heb. 13.

Smid.

Transit nunc Smidelinus à D. petro ad Romanum pontificem. Sed vt demus, inquit, D. Petro aliquam vel potestatem vel auctoritatem consularem tributam super collegas suos Apostolos: quid hæc ad Roma. Pontificis faciet conprobendam tyrannidem? Si nobis successionem proferant, sciant non immeritò in dubium vocari, an vnquàm Petrus Romam venerit. Et si nulla consequentiæ ratio est, Petrus Romæ est martyrio coronatus post professionem Euangelij, Ergò Rom. pontifices potestatem habent super omnes totius Christiani orbis ecclesias. Quod si verò hominum auctoritatè opponat, parta nobis est in hac parte victoria.

Bred.

Hæc iam nulla confutatione egent, cùm & per se sint manifestè ab-

absurda, & illustribus testimonijs suprà declarata. Quòd de hoīm
 auctoritate commemorat, miror impudentiam Smidelini, qui &
 hucusq; sua paradoxa Cypriani & aliorum patrum testimonijs sta-
 bilire conatus sit, & continuò pòst ad conciliorum decreta consu-
 git, quibus oppugnare molitur Cathedram Romani pontificis. Si
 vniuersos patres orthodoxos, quorū multi martyrio, plurimi mi-
 raculis, omnes admirabili doctrina & vitæ sanctimonia conspicui
 fuerunt, & ipsis etiā tyrannis, quantunū potentibus, formidinē
 incutiente virtutum & pietatis maiestate & reuerentia, venerabiles
 & formidabiles: si illa lumina & columnina, illos quorum generoso
 & inuictō sanguine, quorum strenua & intrepida confessione glo-
 riatur, ouat & triumphat vniuersa Ecclesia Catholica, quos ipse eti-
 ā Smidelinus fatetur sponsi amicos: si, inquam, hos Smidelini er-
 roribus contrarios tanquā homines, tanquā erroneos, ad placi-
 tum suum modò velit reijcere, modò recipere, præsertim in illis, in
 quibus velut generosæ aquilæ ad corporis Ecclesiæ doctrinā, vno
 volatu, paribus votis & concordibus animis cōuolant, (quod nuf-
 quā non faciunt, tametsi in interpretationibus & ijs quæ directē
 fidem non concernunt, nonnunquā dissentiant) probet se non
 hominem, vel (quoniā ex parte illud hætenū fecit) probet se De-
 um. Illos, sanctos dei homines fuisse, & spiritu sancto inspiratos (vt 2. Pet. 3.
 ait scriptura) locutos, tot argumentis, tot testimonijs, tot irrefuta-
 bilibus & verè apodicticis demōstrationibus & vniuersi orbis cō-
 sensu exploratum & certum habemus. Te verò, Smideline, nullus
 hominum adhuc in illorum catalogum retulit aut recepit: et si re-
 ceptus esses, putāsne solum te tam fore venerabilem, vt tua solius
 auctoritas cæteris omnibus præponderare deberet? Parta igitur
 nunc est non tibi, sed nobis, sed vniuersis Catholicis, in hac parte
 victoria.

Porro quod ait Smidelinus, non immeritò in dubium vocari, an
 vnquā Petrus Romam venerit, nouum est, apertissimūq; men-
 dacium. Quotquot enim hætenū scripserunt doctores & histori-
 ci, (nam seditiosos vestri ordinis rabulas inter hos nō agnoscim⁹)
 omnes in eo conueniunt, q̃ D. Petrus Romæ fuerit, & ibidē mar-
 tyrio sit coronatus. Eusebius Cæsareēsis lib. 2. cap. 25. existimat su-
 per-

Vide Tert.
 lib. de p̃scr.
 hæretic.

peruacaneum esse illud exemplis externis probare, cùm in hodiernum vsq; diem, in ipsa vrbe non exigua monumenta illud testentur. Scribit tamen Simeon Metaphrastes in vita B. Petri, non semper eum Romæ hæsisse, sed constitutis sibi coadiutoribus Lino & Cleto atq; Clemente, per varias Occidentis partes etiã apud Hispanos esse vagatum, ibiq; fidem Christi prædicasse: quo fieri potuit, vt cùm D. Paulus ad Romanos epistolam daret, & Romam veniret, Petrus Romæ non esset, sed in alijs partibus prædicaret. Atque proindè (quod aduersarij obijcere solent) nõ opus fuit vel D. Paulum in sua epistola, vel D. Lucam in Actis Apostolicis B. Petri mentionem facere, cùm & ipsam horum apostolorum passionem non commemoret, nec tamen ideò passos eos quisquam negauerit.

Cap. 27.

Declarantur canones quorundam conciliorum, qui videbantur obstare primatui episcopi Romani: eorumq; genuina sententia explicatur.

Smid.

P Rogreditur nunc Smidelinus ad concilia, atq; illis labefactare nititur Cathedram ecclesię Romanæ. In Constantinopolitano, inquit, Concilio cap. i. sic legimus: episcopi quibus sua diocesis attributa est, nè in ecclesias que extra fines suos sunt, se inferant, nève Ecclesias confundant, sed secundum canones, Alexandrię quidem episcopus, ea tantum que in Aegypto sunt, gubernet: Orientis verò episcopi solùm Orientẽ administrant &c.

Bred.

Cur non eodem modo allegauit Smidelinus decreta Romanorum pontificum, Calixti, Cælestini, item Concilium Antiochenum, quorum omnium eadem est cum Constantinopolitano concilio sententia? Videlicet si illorum pontificum decreta recensuisset, potestas eorum in reliquos Episcopos patuisset. Omnes enim illi sanciant, vt episcopi & Archiepiscopi suas dioceses exactè gubernent, & in alienam messem falces suas non immittant, & nè quis ab episcopo non suo ordines ecclesiasticos suscipiat. Nulla autem hęc mentio fit Romani Pontificis. Verùm si Smidelinus voluisset bona fide agere, nec instar falsarij sequentes eiusdem Concilij Constantin-

stantinopo. canones dolosè & fraudulentè Smidelinus allegas cōcilium
 dissimulare, facile perspexisset Rom. Ponti- Constantinopolitani, eo ipso
 ficis eminētiam. Sequitur enim statim in ca- impudentissimæ vanitatis &
 none 5. Constantinopolitanæ ciuitatis episcopum habere oportet malitiæ arguitur.
 primatūs honorem post Romanū episcopum, propterea quod sit
 noua Roma. Eccè quis nō deploret tam apertam, tam effrenē hui-
 us hominis malitiā, qua & semetipsum sciens prudensq; perdit, &
 simplicium oculos tam falsis & fraudulentis præstigijs perstringit,
 & contra legitimam potestatem excitat? Cui vel mansuetissimo tam
 effrenis & pertinax malitia bilem nō concitaret? Quis vel scintillā
 habens zeli illius Dauidici, non ingemiscat, non indoleat, per ta-
 les tam improbos & dolosos cuniculos, vulpes & lupos irreperere,
 infilire & irruere in ouile Dominicū, deuastare maceriem, & sim-
 plices ouiculas tam seditiosè dispergere, tam crudeliter mactare &
 perdere?

Dist. 21. can.
 Constanti.

Psal. 79.

Iam quod Smidelinus ait, Cōstat autem ex Chalcedonenfis cō-
 cilij cap. 12. Metropoles, quas sic appellabant Græci, principum ar-
 bitrio ac voluntate in singulis prouincijs constitutas esse: nihil vel
 addit vel detrahit causæ: nisi fortasè hanc collectionē faciat Smi-
 delinus, constitutis Metropolitanis ciuitatibus, ipsos etiā Me-
 tropolitanos episcopos à Cæsaribus constitutos: quod vt infinitis
 testimonijs falsum & absurdum conuincitur, ita vnus Ioan. Stur-
 mius non instrenuus Luteranarum partium propugnator, errorem
 hunc facile confutat, dum inquit: Capita etiā ciuitatum Cæsares
 constituerant, quas Græcorum more metropoles vocabant, quod
 nomen libenter in Ecclesijs vsurpabant, & facti sunt metropolita-
 ni episcopi in his ciuitatibus, quas quasi principes Romani Impe-
 ratores declarassent: hi cæteris omnibus eiusdem prouinciæ & re-
 gionis episcopis præerant &c. Postea subiungit, quomodo episcopi
 à Clero & populo creati sint, quod nos suprā fusè declarauimus.
 Porro canon 12. Concilij Carthaginensis 2. manifestè statuit nullū
 esse episcopum ordinandum in consulto Metropolitano.

In epist. ad
 Iacob. Sado-
 let. Cardi-
 nalem.

Cap. 28.

Declaratur Canon Concilij Antiocheni.

Z

Ag-

Smid.

Aggreditur iam aliud schema Smidelinus: Potissima, inquit, adulatorum Rom. Pontificum ratio est, ad stabiliendam eorum potestatem & auctoritatem, quam sibi falsò arrogant, nullum fore controuersiarum & disceptationum in ecclesia finem, nisi vnus aliquis ad eas dirimendas in ecclesia præsit, à cuius sententia non liceat prouocare cuiquam. Sed eius vanitatem redarguit concilium Antiochenum cap. 16. Si pares sunt, inquit, episcoporum sententiæ, vt alij damnent, alij absoluant, metropolitanus episcopus ex propinqua prouincia quosdam episcopos de eo iudicatu aduocet, qui ambiguitatem tollentes, cum prouinciæ episcopis, quod alteri parti visum fuerit, confirmant. Vbi, quæso, relictus est Romanus episcopus, ad quem ex tua sententia summum iudicium referendum est?

Bred.

Quid, quæso, præsidij Smideline tuæ causæ ex hoc argumēto putas accedere? Scis & fateris orbem Christianū in prouincias & dioceses distributum, singulis ditionibus præfectos esse episcopos. Quare hoc? nōne vt singuli suarum prouinciarū curam & respectum habeant? Vtiq;. Necessum igitur est, vt hic respectus certum modum & rationem habeat, iuxta quam omnes causæ & controuersię expediantur. Hanc rationem & formam varij variorū Conciliorum canones præscripserūt, quos si tu Smideline fidelitèr obseruare & adducere voluisses, facile vidisses, vbi relictus esset Romanus episcopus. Ex his canonibus hunc vnum tu adducis, qui decreuit vt quoad fieri possit, episcoporum inferiorum causæ Metropolitanis aut propinquæ prouinciæ episcoporum iudicio terminentur. Sed quid si contingat reum, episcoporum illorum aut Metropolitanis iudicio non esse contentum? an ne ad supremum Romani episcopi tribunal prouocare poterit? Demonstrauimus hoc supra ex D. Anacleto, ex D. Athanasio, alijsque permultis: sed nè hinc quoq; nostro desimus officio, audi canonem 7. concilij Sardicē, de quo in historia tripart. lib. 4. ca. 21. Placuit vt si episcopus accusatus fuerit, & iudicauerint congregati episcopi regionis ipsius, & de gradu suo eum deiecerint, si appellauerit, qui deiectus est, & confugerit ad episcopum Romanæ Ecclesiæ, & voluerit se audiri, si iustum putauerit vt renouetur iudicium vel discussionis examē, scribe.

bere his episcopis dignetur, qui in finitima & propinqua prouincia sunt, ut ipsi diligentèr omninò requirant, & iuxta fidem veritatis definiant. Quòd si is qui rogat causam suam iterum audiri, deprecatione sua mouerit episcopum Romanum, ut è latere suo presbyterum mittat: erit in potestate episcopi, quid velit & quid æstimet. Et si decreuerit mittendos esse, qui præsentes cum episcopis iudicent, habentes eius auctoritatem, à quo destinati sunt, erit in suo arbitrio. Si verò crediderint episcopos sufficere, ut negotio terminum imponant, faciet quod sapientissimo consilio iudicauerit. Concordat cum hoc canone Gaudentius episcopus in can. 4. eiusdem Concilij. Vides, Smideline, ubi relictus sit Romanus episcopus? Iam & in concilio Romano cui præsedit Syluester, cui subscripserunt 284. episcopi, diaconi 45, item Cōstantinus Augustus, & mater eius Helena, ità statutum legitur: Nemo iudicabit primā sedem, quoniam omnes sedes à prima sede iustitiā desiderant temperari. Neq; ab Augusto, neq; ab omni clero, neq; à regibus, neque à populo iudex iudicabitur. Quemadmodum igitur in veteri synagoga, non perpetuò quibuscumque causis & cōtrouersijs fatigabatur supremi pontificis tribunal, sed tū demum, si quid difficile aut ambiguum emerisset, ità ordinis & politię Ecclesiasticę ratio postulat, ut non passim omnium altercationes ad Romanum episcopum deferantur: sed tū demum, si nec episcoporum, nec Metropolitanorum iudicio sopiri queant, prout ex Concilio Sardicensi declarauimus. Atq; hoc est, quod D. Anacletus ait: Si quę verò alię causę difficiliores inter vos ortę fuerint, ad huius sanctę sedis apicem eas quasi ad caput referre oportet, ut Apostolico terminentur iudicio &c. Interim tamen non diffitemur, canonem 17. Chalcedonenſis concilij cum paucis alijs definire, ut Si quis putauerit se à proprio Metropolitano grauari, apud Primate[m] diocesios, aut apud Constantinopolitanę ciuitatis sedem agat negotium &c. in quo canone licet non fiat aperta mentio Romani episcopi, non est tamen obscura eius rei ratio, videlicet ut quoad fieri possit, ad proximum iudicem deueniatur, nec controuertentes ad transmarina quibuscumque de causis peregrinari permittantur, ut colligitur ex canone 22. Concilij Mileuitani. Deniq; ut cauillos litium protelati-

Appellatur
ad Rom.
Pontificem,

Can. 80.

Deut. 17.

Epist. 3.

Z 2 oni-

onibus occasio succidatur, quemadmodum docet Imperator in L. properandum, C. de iudicijs. Frustrà igitur & absurdè accinis illud epiphonema: Vbi, quaeso, relictus est Romanus episcopus? cum infiniti penè canones, tum etià Patrum orthodoxorum attestationes & imperatorum rescripta, passim occurrant de primatu sedis Romanæ.

Cap. 29.

De Ioanne Constantinopolitano episcopo, vocante se patriarcham œcumenicum, & Gregorio episcopo Romano, ambitionem Ioannis reprimente. Romanosq; episcopos iam olim agnitos & nominatos fuisse vniuersalis Ecclesiæ episcopos.

Smid.

Pergit Smidelinus: Post translatam sedem Imperij Constantinopolitani, ambitione incensus eius loci episcopus Ioannes, quibus potuit rationibus conatus est sibi eam eminentiam super ecclesias asserere, quam multis annis Tyrannus Romanus exercuit. Sed quib⁹ titulis eum exceperit Rom. Episcopus Gregorius, eius epistolæ testantur &c.

Bred.

Si non legisti Smideline, quid iam olim Catholici ad hoc responderint, nimis imperitum & stupidum te declaras: sin autem legisti, demiror obduratam animi tui malitiam, qua ad agnitam veritatem oppugnandam tam improbè exagitaris. Agè igitur proferamus ex Catholica veritatis assertoribus ea, quæ tu vel per oscitantiam & incuriam aut etià contemptum non legisti, aut lecta dolosè & malignè dissimulasti, scilicet vt vel ad pauxillum temporis, huiusmodi præstigijs inanem & momētaneum simplicis & imperitæ plebis applausum eliceret.

Perpetua ferè Romani culminis æmula fuit Constantinopolitana sedes, quòd ea vrbs imperiali residentia decoraretur. Ac tametsi diù resisteret Apostolica sedis authoritas, tandèm tamen accedente & interueniente principum fauore, secundum locum post Romanum episcopum obtinuit Constantinopolitanus, cum priùs inter principes illas sedes, Romanam scilicet, Antiochenam, Alexandrinam & Hierosolymitanam, Constantinopolitana non numeraretur.

retur. Postea temporibus Pelagij Pōtificis Romani & Mauritij Imperatoris, Ioannes quidam Constantinopolitanus episcopus, cō prorupit vefaniæ, vt conuocato episcoporum aliquot sibi consentientium concilio, in eo œcumenicum, hoc est, vniuersalem se pronunciaret patriarcham & episcopum. Aduersus cuius insolentiam idem insurgens Pelagius, cōcilium illud sua & Apostolicæ sedis auctoritate deduxit in irritum, & episcopis qui in eo conuenerant, stultæ illius elationi consentire atq; assentari sub anathematis interminatione interdixit: Addens, tam prædecessores illius, quàm illum ipsum etiàm Ioannem. suis literis & epistolis proprio roboratis sigillo & chirographo, Apostolicæ sedis auctoritatem sæpè recognouisse, & publicè confessos fuisse super vniuersam Christi ecclesiam, seipsos etiàm successoresq; suos, si aduersus eiusdem sedis auctoritatem se vnquàm efferrent, constringētes anathematis vinculo, seipsos (proprijs manibus confessiones suas suaq; scripta roborantes) constrinxerunt. Hæc ille Pelagius ad episcopos, qui ad illicitam vocationem Ioannis Constantinopolitani episcopi conuenerant. Quo paulò pōst sublato è viuis, eadem tempestas excepit D. Gregorium, qui, quòd Ioannis illius ambitioni aduersaretur, etiàm Mauritij Imperatoris grauissimas inimicitias ptulit. Cui quadam epistola respondens, non suam eam causam esse, sed DEI & totius ecclesiæ, contestatus est. Quia, inquit, piæ leges, quia venerandæ synodi, quia ipsa Domini nostri Iesu Christi mandata superbi & pompatici cuiusdam sermonis inuentione turbātur. Cunctis enim Euangelium scientibus liquet, quòd voce dominica sancto & omium Apostolorum Petro principi Apostolo, totius ecclesiæ cura commissæ est. Ipsi quippè dicitur: Ecce satanas petijt cribrare vos sicut triticum: & ego rogaui pro te Petre, vt non deficiat fides tua: & tu aliquandò conuersus, confirma fratres tuos. Ipsi dicitur: Tu es Petrus, & super hanc petram ædificabo ecclesiam meā, & portæ inferorum non præualebunt aduersus eam. Et tibi dabo clauēs regni cælorum: & quodcunq; ligaueris super terram, erit ligatum & in cælis &c. Ecce potestas ei ligandi soluendiq; tribuitur, cura ei totius ecclesiæ & principatus committitur: & tamē vniuersalis Apostolus non nominatur. Et vir sanctissimus confacerdos

Luc. 22.

Matt. 16.

Z

3

meus

meus Ioannes, vocari vniuersalis episcopus conatur? Exclamare compellor & dicere: O tempora, ô mores. Ecce cuncta in Europæ partibus barbarorum iuri sunt tradita, destructæ vrbes, euersa castra, depopulatæ prouinciæ, nullus terram cultor inhabitat, sæuiūt & dominantur quotidiè in necem fidelium, cultores idolorum: & tamen sacerdotes, qui in pauimento & cinere flêtes iacere debuerunt, vanitatis sibi nomina expetunt, & nouis ac prophanis vocabulis gloriantur. Hæc ille Gregorius ad Mauritium imperatorem, illius scandali authorem, aut certè patronum. Aduersus quem cum diuina ultio suæ vindex Ecclesiæ, Phocam tandem excitasset militari tumultu imperatorem creatum, idem post sublatum cum coniuge & liberis Mauritium, etiàm scandalum illud ab ecclesia sustulit, atq; imperiali edicto Constantinopolitani episcopi insolentiam coërcuit, vetuitq; nè quis alius nominaretur vniuersalis Ecclesiæ patriarcha aut episcopus, quàm vnus Romanæ Ecclesiæ Pontifex: quæ vt semper caput fuit Ecclesiarum omnium, ita & hic Ecclesiasticæ hierarchiæ princeps semper est habitus. Et hic indocti quidam & stupidi alicubi breuiter annotatum legentes in chronicis, constitutum à Phoca, vt solus Rom. Pontifex vocaretur œcumenicus, Romanq; ecclesia agnosceretur caput ecclesiarum omnium, putant à Phoca primò hoc datum Rom. ecclesiæ & eius pontificibus, quod eisdem competisse ab initio, suprà ex D. Anacleto, Cypriano, Origene, Basilio, Gregorio Nazianzeno, atq; vniuerso sanctorum patrum choro, satis superq; pro instituto nostro demonstratum est. Certè idem Gregorius tam in memorata ad Mauritium Imperatorem, quàm in alijs ad Eulogium Alexandrinum & Anastasium Antiochenum episcopos epistolis, affirmat à frequentissima illa Chalcedonensi synodo atq; adeò à Catholica (cuius sensum illi exprimebant) Ecclesia beatum Leonem Apostolicæ sedis pontificem, recognitum & appellatum fuisse patriarcham œcumenicum. Quàquàm ipse etiàm sibi conuenientem & ab vniuersa Ecclesia delatam appellationem eiusmodi, velut inuidiosam aut certè onerosam fugiens, quo ambitiosum illum & insolentem ab vspatione sibi non competentis honoris suo reuocaret exemplo, nō œcumenicum se episcopum, sed seruum vocauit seruorum DEI.

Quem

Quem morem etiā successores eius ferè retinuerunt, tametsi ab alijs sibi congrua appellatione & ante & post Gregorium semper honorati sint. Omnes enim ab initio gesserunt curam episcopatumq; totius ecclesiæ. Et ante annos mille quadringentos quoties id res exigebat, nihil dubitauerunt seipsos nominare & scribere episcopos vniuersalis apostolicæ ecclesiæ, toto orbe approbante: **Sixtus I.** testes sunt, primò Sixti primi sub Hadriano principe ad episcopos totius orbis epistola, quæ sic incipit: Sixtus vniuersalis Apostolicæ Ecclesiæ episcopus, omnibus episcopis in Domino salutem. Quæ aliquantò ante annos M.CCCC. scripta est. Deindè illa Victoris, non multò post scripta ad Alexandrinum Theophilum, in hæc verba incipiens: Victor Romanæ & vniuersalis ecclesiæ archiepiscopus, Theophilo episcopo & cunctis fratribus in Alexandria Domino famulantibus. Ità quoq; B. Pontianus martyr & pontifex, ante annos M.CCC. vniuersis Christi fidelibus scribens, sic orditur: Pontianus sanctæ & vniuersalis ecclesiæ episcopus, omnibus rectè Dominum colentibus &c. Beatus etiā Stephanus (ad quem extant S. Cypriani epistolæ) paulò citra annos mille trecentos, in hæc verba scribit omnibus toto orbe episcopis: Stephanus sanctæ apostolicæ & vniuersalis ecclesiæ episcopus, omnibus per diuersas prouincias constitutis episcopis in Domino salutē. Ità Marcellinus ad Solomonem episcopum, Marcellus ad Maxentium tyrannum, & alij ad alios, (nè frustra sim prolixior) Apostolicæ vniuersalis ecclesiæ se scribunt episcopos. Et hi omnes ante Constantinum & Nicenum concilium. Iam & tempore eiusdem concilij B. Syluester in edicto Constantini Imperatoris, nunc summus, nunc vniuersalis nominatur pontifex. Et à B. Athanasio Alexandrino & vniuersis Aegyptiorum episcopis, Marcus Rom. & apostolicæ atq; vniuersalis ecclesiæ Papa scribitur. Ad Damasum quoq; Stephanus archiepiscopus & caput concilij Mauritanæ, vnà cum vniuersis episcopis trium conciliorum Africane prouinciæ scribentes, eundē patrem patrum & summum omnium præfulum pontificem consalutant. Et vt semel finiam, à DC.XXX. episcopis, qui ex toto orbe in Chalced. synodum conuenerant, B. Leo simili appellatione decoratur.

Victor I.

Pontianus.

Stephanus I.
Marcellinus

Marcellinus I.

Syluester I.

Marcus
Damasus I.

Leo I.

coratus est, nè fortè crederes ipsos tantum in suis literis sibi hoc usurpasse Roman. Pontifices. Et hæc omnia quanto tempore ante Phocam & Bonifacium tertium? Ità ut me planè pudeat stupendæ impudentiæ & ignorantie illorum, qui prædicta annotantes & proferentes contra antiquitatem authoritatis sedis Apostolicæ, sibi tamen vehementer eruditi videntur. Quod verò negat Gregorius quenquam etiam prædecessorum suorum (quibus solis hoc competere videbatur) usum fuisse illo vniuersitatis vocabulo, Ioannis illius ea in re stupiditatem taxat, qui imitari volens appellationem & titulos Rom. Pontificum, vniuersalem seipsum faciebat episcopum, quod à nullo illorum præsumptum legitur, nec à Romanis quidem episcopis ambitiosè vnquam affectatum est, ut contra ambitiosam illam affectationem agat Gregorius, à qua si semper alieni fuerint Rom. episcopi, multo magis inferiores episcopi alieni esse debebant. Vnde Gregorius vniuersalis episcopi appellationem refugit humilitatis causa, quam opportunè ambizioso homini suo exemplo imitandam proposuit.

Cap. 30.

Cypriani verba deprauatè, concilij Niceni falsè ab aduersario adducta, demonstratur.

Cypriani verba in Concilio Carthaginensi, ubi ait, Neque enim quisquam nostrum se episcopum episcoporum constituit, aut tyraunico terrore ad obsequendi necessitatē collegas suos adegit, &c. non eò spectant, quasi nullum in ecclesia catholica primatū agnoscat Cyprianus: hoc enim quàm euidenter faciat, clarè superius à nobis demonstratum est. Porro quod hic ait Cyprianus: Neque enim quisquam nostrum episcopum se episcoporum constituit. quis non videt sanctum martyrem in concilio prouinciali constitutum, loqui de se suisque collégis? Nam inter episcopos Africanos nemo vnquam fuit, qui episcopum se episcoporum vel dixerit, vel constituerit, id est, maiorem aliquam definiendi hanc de rebaptizandis hæreticis quæstionem, authoritatem vindicauerit sibi præ reliquis collégis & episcopis Africanis: hoc enim est, quod ait Cyprianus: Aut tyrânico terrore ad obsequendi

sequendi necessitatem collégas suos adegit. Porro quòd ibidè
 subiungit Cyprianus, Sed vniuersi expectemus iudicium Domini
 nostri Iesu Christi &c. Vbi statim exclamat Smidelinus: Ex hoc
 loco Cypriani, si libet, potest etià Grammaticus sumere respon-
 sum ad ea quibus D. Brentium irridet, qui iudicium Christi expe-
 ctandū docet, cū neutra pars litigātium de sua opiniōe quicquā
 vult cōcedere. O argutū disputatorē. Quid ais inuidiosè gram-
 matices flagellator? Tu ne solus ex Grammaticis in Theologum
 euectus es? Videamus igitur, quantum hīc se Theologum præstet
 homo supra miraculum *φίλαυτος*. Ea ne mēs Cypriani, vt nullū ni-
 si Christum in religionis controuersijs iudicē agnoscat? Quid igi-
 tur est, quod alibi tam grauitèr pronūciat: Non aliudè hærefes ob-
 ortas, quàm quòd sacerdoti Dei non obtemperetur, nec vnus in
 Ecclesia ad tempus sacerdos, & ad tempus iudex vice Christi co-
 gitetur, cui si secundū magisteria diuina obtemperaret fraterni-
 tas vniuersa, nemo aduersū sacerdotum collegiū quicquam mo-
 ueret &c? Quòd itaq; synodus cum Cypriano tradit, episcopum de
 episcopo cognitionem non habere, sed causam ad iudicem Christū
 reiiciendam: in his causis obtinet, quæ adhuc totius Ecclesiæ iudi-
 cio non sunt constitutæ ac definitæ. In quem etià sensum D. Au-
 gustinus pluribus in locis hæc Cypriani verba cōmemorat & ex-
 ponit. Recitatis enim Cypriani verbis, quibus ait Episcopum ab
 alio episcopo iudicari non debere, sed expectandum Christi iudi-
 cium opinor utiq; inquit, in his quæstionibus quæ nōdūm eliqua-
 tissima perspectione discussæ sunt. Et idem alibi: Quibus eius ser-
 monibus satis appāret, illo tēpore ab eis ista esse tractata, quæ non
 dūm declarata, sinè ambagine hauriebantur, sed adhuc clausa, ma-
 gno molimine quærebantur. Hæc ille. An igitur mens Cypriani fu-
 it, vt etià ecclesiæ & concilijs œcumenicis adempta autoritate,
 vellet in omnibus fidei controuersijs solius Christi iudicio (tam-
 etsi ecclesiæ iudicium, spiritussancti, & per hoc etià Christi, iudi-
 cium sit) stādum esse? Cur igitur postmodū Ecclesia plenario cō-
 cilio hanc quæstionem diremit? Cur ibidè subnectit Augustin⁹.
 Nos ergò iam de baptismi simplicitate vbiq; agnoscenda consue-
 tudinem vniuersæ ecclesiæ etià concilijs vniuersalibus roboratā

li. 1. epist. 3.

li. 2. de bap̃
cap. 2. lib. 3.
cap. 3. lib. 6.
cap. 7.Lib. 3. ca. 3.
de baptis.
Li. 6. cap. 7.lib. 6. cap. 7.
de Baptis.

A A

tene-

Vide Cypr.
epist. 4. li. 1.

Euagr. li. 1.
cap. 4.

Epist. 3. de
patriarchis
& primati.

Deut. 17.

Mal. 2.

tenemus &c? Sanè si hisce Cypriani verbis om̃em iudicandi facultatem episcopis ademptam putat Goppingensis, & in ecclesiasticis controuersijs solius Christi iudicium expectandum: quid restat, q̃ vt heretici & apostatę episcopi liberè in ecclesiam grassentur? Cuiusmodi tamen Cyprianum exauthorasse, aliosq; in eorum locum substituisse constat. Patres quoq; in tertia synodo generali Nestorium hæreticum episcopatu submouerunt. Accedit quoddam episcoporum causę iudiciales, quàm religionis controuersię difficili-ores, perpetuò ad Romanum Põtificem delatę legantur, quod absurdum foret, si vt ex contortis Cypriani verbis asserere conatur aduersarius, Christi iudicium foret expectandum. D. Athanasius & vniuersi Aegyptiorum, Thebaidos & Libyę episcopi, euidentèr satis illud probant, dum aiunt: Similitèr à supradictis patribus Nicenis consonantèr definitum est, vt si quispiam episcoporu aut metropolitano aut comprouinciales vel iudices suspectos habuerit, vestrā sanctā Romanam interpellat sedem, cui ab ipso Dño potestas ligandi ac soluendi speciali est priuilegio super alios concessa. Et his omnibus lógè vetustior Anacletus: Si quę, inquit, alię causę difficiliore inter vos ortę fuerint, ad huius sanctę sedis apicem eas, quasi ad caput referte, vt apostolico terminentur iudicio.

Pergit adhuc secum demurmurare Smidelious: Testatur, inquit, Prophetarum & Apostolorum præter Christum exēpla, quàm non sit nisi vana hominum cogitatio, qui hominum iudicio de religione controuersias committendas putant. Cũ ἁσωνδοσ πόλεμος esset & apostolis & prophetis cū summis sacerdotibus de vero Dei cultu, quis præter Deum ipsum definiuit contentionem?

Quę mihi exempla narrat hic antagonista? Veteris testamenti? Atquē istic expressè legimus, oblato difficili iudicio, eūdum ad sacerdotes Leuitici generis, & ad iudicem qui fuerit eo tempore, qui iudicaturus sit iudicii veritatem. Et alibi: Labia sacerdotis custodient scientiam, & legem requirent ex ore eius. Extant quidē prophetarum, Isaie, Ieremię &c. querelę. caterũ hę ad reges idololatrias maximè pertinent, tũ deindè ad pseudopphetas & sacerdotes illos, qui nulla legitima vocatione aut successione ad sacerdotium peruenerāt, sed ab idololatriis regibus cõstituti erāt, & sacris

eris præfecti, vti legimus in libris Regum: Fecit Ieroboam fana in excelsis, & sacerdotes de extremis populi, qui non erant de filiis Leui. Quod autem cum ipsis summis sacerdotibus ἀσπονδον πόλεμον & implacabile bellum habuerint Prophetæ de vero Dei cultu, illudq; diffidiū semp̄ ab ipso Deo definitum sit, affirmat quidem Smidelinus, verū nullo exemplo demonstrat. Nam quod Eliam legimus concertasse cum prophetis Baal, positisque duobus bobus, illum fuisse agnitum verum Deum, qui exaudiuit per ignem, missaq; cælitus flamma holocaustum consummauit, nihil ad summos sacerdotes pertinet, sed ad pseudopphetas. In luxum, ambitionē & auaritiam sacerdotum si quandoq; destomachati sunt, nō inficiamur: sed notandum est quod alicubi refert Augustinus: Si, inquit, licuit regi Dauid, Samueli, Esaia, Ieremia, Zacharia, cæterisque sanctis ac prophetis inter contemptores legis Dei mandata seruare, atque in illos ipsos mandati transgressores multa digna & vera verba iaculari &c. nec tamen sibi alterum populum quasi purgatū & liquatum separatione sacrilega constituere, quomodō nobis nō liceat nec facta nescio quorum, quæ magis obijcitis, quā probatis, imitari, nec tamen ab ea, quæ in vniuerso mūdo (sicut Apostolus dicit) fructificat & crescit, sancta ecclesia separari?

2. R. c. 12.

3. Reg. 18.

Lib. 3. ca. 38.
cont. Cresc.

Atq; hæc tibi responsa sint de prophetis: de Christo autē & Apostolis nunc videamus. Quid ais? Christus & Apostoli, spreta cathedra, ad solius Dei iudicium prouocârūt? Quid igitur Christus tam grauiter præcepit Apostolis, vt scribas & pharisæos sedentes in cathedra Moſis, in omnibus quæ dicerent, audirent? Qua Cathedra iam per Christum abolita, soluendi ligandiq; potestatem tradidit Petro, & fratrem coram duobus vel tribus correptum nōdū obaudientem, ecclesiæ listi voluit. Deniquē cū ἀσπονδος πόλεμος, vt tuis verbis vt̄ar, inter Iudæos & gentes, & (vt Lucas ait) non minima seditio facta esset Antiochiæ, Iudæis nimirū volentibus gentes, ad Christum conuersas, circumcidi, quid? an ad Christum prouocârunt? an ipsius miraculosam definitionem expectârunt? Neutiquā. Sed Paulus & Barnabas rem ad Apostolos referunt: qui post Petri & Iacobi suffragia communi decreto statuunt, gentes conuersas nō ligari lege Moſis: Visum est spiritui sancto & nobis,

Act. 15.

A A 2

in-

Matt. 18.
Luc. 10.

Num. 16.

Act. 5.

inquiunt Petrus &c. Eadem ratione iam indè ab Apostolorum temporibus hæc praxis perpetuò in Ecclesia Catholica obseruata est, vt exorta difficili quæstione, & in fide ac religione controuersia, exemplo apostolorum, eorundem discipuli & successores conuenirent, & collatis suffragijs præmissa spiritus sancti inuocatione, rem vniuersam definirèt. Sic Eutyches, Nestorius, Arrius, Donatus, Pelagius, & reliqua hæreticorum colluies, Conciliorum autoritate perpetuò repressa est, non autem miraculosa aliqua Christi cælitus definientis sententia. Alioqui frustra tam grauiter videbitur præcepisse Christus, vt qui Ecclesiam nõ audièrit, habeatur pro ethnico & publicano. & alibi, Qui vos audit, me audit: qui vos spernit, me spernit. Quòd si seditiosis, rebellibus, & schismaticis faciamus copiam prouocandi ad iudicem Christum, mox videbimus vniuersa seditionibus, rapinis & sceleribus inundare. Quæ vt auertantur, non sine summa ratione duplicem gladium ecclesiæ suę tribuit supremus ille pater familiæ peregrè profecturus, constituens Apostolos, pastores & doctores, regere ecclesiam Dei: & magistratus, ad coercendos facinorosos. Atq; vt rarò quidem, attamè vehementer horrendo exemplo semel demonstraret illos, qui contra legitimos præpositos suos insurgunt, eorum sententias & iudicia contemnunt, & Deum ipsum velut iudicem seditiosè appellant, (vt tu hic facis Smideline) aperta est terra, & deglutiuit Core, Dathan & Abiron. Hoc quidem exemplum adducere potuisses Smideline, quò probares Deum sua sententia contumaces compescuisse, sed videbas è diametro tuo seditiosissimo pposito aduersari. Sic Ananiam & Sapphiram volètes fraudare Petrum, subitanea morte percussit, vt discamus in præpositis nostris, non ipsos, sed illum qui illos rectores & iudices nobis & ecclesiæ suæ constituit, formidare. Eas nunc, & cum tuis gregalibus, Core, Dathan & Abiron à Mose & Aarone, id est, legitimis ecclesiæ præpositis, Deum iudicem appelles, quem quia non audis sacerdotem facientem, senties sacerdotem suum vindicantem. Quòd concilium Nicenū non agnoscat Romani Pontificis primatum, quàm falsò asserat Smidelinus, clarissimè docuit D. Vuilhelmus Lindanus in sua panoplia. Cùm prætereà Iustinianus Imperator quatuor illa concilia, Nicenū, Cō-

stan-

stantinopolitanum, Ephesinum, & Chalcedonense, velut quatuor
 Euāgelia recipiat & veneretur, qua fronte idem laudatissimus Im-
 perator tot in locis ausus esset agnoscere primatum episcopi Ro-
 mani, (vti alibi, eum facere declarauimus) si sciuisset eum à concilio Niceno explosum? Vt autem omnis tollatur ambiguitas, & im-
 pudencia Smidelini detegatur, audiamus verba concilij Niceni: Ipsa
 Apostolica sedes Romana, inquit, cui singulari priuilegio euange-
 licis & Apostolicis atq; Canonicis concessum est institutis genera-
 les conuocare Synodos, eiusq; episcopum à minore non posse iu-
 dicari, omnibus maior & prælata est Ecclesijs, quæ non solummo-
 dō Canonum & Sāctorum patrum decretis, sed Domini Saluato-
 ris voce singularem obtinuit principatum: Tu es, inquit, Petrus, &
 super hanc petram ædificabo ecclesiam meam, &c. Hæc tametsi in
 viginti illis vulgatis Nicenæ synodi canonibus, qui hodiè extant,
 non inueniantur, plures tamen atq; aded in vniuersum septuagin-
 ta illius concilij canones fuisse, extra controuersiam est. Porro quæ
 suprâ recensui, verba esse concilij Niceni, indè colliquescit, quòd
 ea recitans D. Iulius Rom. Pōtifex, ad eos scripserit episcopos ori-
 entales, Antiochiæ in synodo congregatos, qui vnà cum ipso, san-
 ctissimo illi Niceno concilio interfuerant. Vbi si hæc constituta
 non fuissent, quid quæso sanctissimo viro inueniatur vanius, stul-
 tius, infanius? maximè cum hæc scribat, seuerè eos repræhendens,
 quòd Athanasium episcopum contra Nicenos Canones sua fue-
 rint ausi eiicere Ecclesia? Confirmat idem D. ille Athanasius vnà
 cum episcopis per Aegyptum, Thebaides & Libyam in epistola ad
 Felicem Romanum de infestationibus Arrianorū: A patribus Ni-
 cenis consonantè definitum est, vt si quispiam episcoporum aut
 Metropolitanum aut comprouinciales aut iudices suspectos ha-
 buerit, vestram sanctam Romanam interpellet sedem, cui ab ipso
 Domino potestas ligandi ac soluendi speciali est priuilegio super
 alios concessa. Accedit præterea, quòd Niceni concilij patres ca-
 nonum suorum confirmatiōem à Syluestro pontifice Roman. pe-
 tauerunt. Hosius enim ille Cordubens, vel ipsi Smidelino verè
 & sanctus, vnà cum Macario Cōstantinopolitano & Victore Vin-
 centioq; presbyteris, synodi huius præfides, Syluestro Romano

In Via re-
gia.

Matt. 16.

AA 3

scri-

scripserunt, rogantes: Quicquid, inquiunt inter alia, constituimus in cōcilio Niceno, precamur, vestri oris consortio cōfirmetur: Data 8. calend. Iulias, Paulino & Iuliano Coss. Quod si quis de huius epistolæ fide ambigat, eam tamen si facile confirmet phrasis & character priscum redolens seculum, attestatur tamen idem D. Isidorus priscarum & Ecclesiasticorum rerum inprimis peritus, Synodum Nicenam regulas edidisse: quas, inquit, præfati Concilij Niceni Romana suscipiens confirmavit Ecclesia. Pari modo concilium Constantinopolitanum à Damaso, Ephesinum à Cælestino, Chalcædonense à Leone confirmata sunt. Atq; hæc in præsentiarum de æconomia Catholice Ecclesiæ, & primatu episcopi Romani, dicta sufficiant.

ANTHYPERASPISTIS LIBER TERTIVS,

De legitimis Ecclesiasticarum controuersiarum iudiciis.

Cap. I.

DEO punienti peccata nostra, an sit resistendum.



Edit nunc denuò ad ingenium Smidelinus, & multas paginas implet criminatōibus & conuicijs, partim in præpositos & pastores ecclesiæ, partim in Bredēbachium: quibus ego in præsentiarum, neq; conuicia regeram, neq; operosum responsum reddam. Videat pius Lector ea, quæ suprâ ex Chrysost. in epistola ad Timotheum produximus, quæ abundè satisfecerint. Doceat ac verè demōstret Smidelinus, Romanam & Catholicam ecclesiam impia docere, ac tunc demùm seriò triumphet. Quid si Deo placeat, per horum iniustitiam atq; tyrannidem punire in nobismetipsis ea, quæ ipsi ad-

mitti-

mittimus &c. inquit Bredenbachius? Quid verò ad hæc Smidelinus? Conuolat ad argutias suæ sophistices, in cuius fallacijs mirificè versatum se passim declarat. Consequentia ratio vt sit plana, inquit, in formam redigamus argumentum. Deo punienti peccata nostra, non est resistendum: Deus per sacrificulorum impuritatem & impietatem punit peccata nostra, ergò Deo in illis non est resistendum.

Dic pantalabe, vbi Bredenbachius illam Maiorẽ vsurpauit, quã tu hîc falsissimè affingis? An verò peccatum est à Bredenbachio, cùm dixit: quid si placeat Deo, per horum iniustitiam ac tyrannidem punire in nobismetipsis ea, quæ ipsi admittimus? Si nunquàm eiusmodi quid factitatum est, cur scriptum legimus, Qui regnare facit hypocritam hominem propter peruersitatem populi? Cur de populo Israel dicit Deus, Dedi eis regem in ira mea? Et Apostolus Omnis, inquit, potestas à Deo est. Iniustum non est, inquit alibi Augustinus, vt improbis accipientibus nocendi potestatem, & bonorum patiẽtia probetur, & malorum iniquitas puniatur. Sane per potestatem diabolo datam, & Iob probatus est, vt iustus appareret, & Petrus tentatus est, vt non de se præsumeret, & Paulus colaphizatus, nè se extolleret, & Iudas damnatus, vt se suspenderet. Cùm igitur tam malorum quàm bonorum potestas à Deo sit, & propter peruersitatem populi nonnunquàm regnent hypocrite, & tamen tam dyscolis quàm bonis dominis parere iubeat Apostolus, cur hoc Bredenbachij dictum, ex scripturarum testimonijs prælatum, tam proteruo ore exagitas, atq; vt hoc tibi quodammodò licere putemus, absurdam propositionem comminisceris? Sic sanè decet veteratorem nusquàm ab ingenio suo recedere. Et vt tuum commentum Bredenbachio impingas, dissolutum cachinnũ eructans, exclamas: Ità me Deus amet, sic argumentatur furiosus Grammaticus. Si ità te Deus amat, vt tu hîc peruersè mentiris, tu opte iurando scimus, quanto perẽ à Deo diligaris. Cur nõ eodem iure ipsis diuinis scripturis hanc maiorem affinxisti, vt & illas tua audacia furoris insimulares? Cur non furiosus tibi censetur Chrysostomus, vbi de malis præpositis propter peccata populi à Deo datis, nec tamen temerè à populo iudicandis, inquit: Et si didicisti, inquit,

Iob 34.

Ose. 13.

Rom. 13.

De natura
boni ca. 32.

Ruffi, lib. 10.
hist. eccles.
cap. 20.

Deo puniē-
ti peccata,
an sit resistē-
dum.

quit, & examinasti, & vidisti, (flagitia & improbitatem sacerdotis aut episcopi) iudicem sustine. Noli præripere Christi iudicis ordinem: illius est munus, ista discutere, non tuum &c. Et laudatissim⁹ imperator Constantinus: Deus, inquit, vos constituit sacerdotes, & potestatem vobis dedit de nobis quoq; iudicandi, & ideò nos à vobis rectè iudicamur. Vos autem non potestis ab hominibus iudicari. Propter quòd solius Dei inter vos expectate iudicium &c. Quin & ipse Smidelinus semetipsum furoris notauerit, quum suprà dicat, Vt cunq; iniqua onera subditis imponat magistratus, populus propter conscientiam tenetur obedire, Rom. 13. Neque verò (vt diximus) Bredenbachius illam maiorem propositionem habet, Deo punienti peccata nostra non est resistendum. Etsi enim hæc eo casu, quem Bredenbachius adduxit, verissima sit, non tamè est genericè vera. Quocircà te quidem hîc falsitatis, tuum verò Luterum furoris arguas, qui olîm publicè docuit & asseruit, Turcæ non esse resistendum, eò quòd Deo punienti peccata nostra non sit resistendum. Quæ sanè doctrina manifestam continet absurditatem, cùm & per morbos & alia incommoda Deus puniat peccata hominum: & tamen nemo sanæ mentis negauerit, quin his mederi & succurrere liceat. Quòd autem in iniustis magistratibus & hypocritis, quos Deus regnare facit propter peccata populi, locum habeat hæc propositio, iam ex parte probauimus etià ex ipso Smidelino, & magnificè demonstrat D. Conradus Brunus lib. 1. de seditionis cap. 8. vbi docet, Omnibus potestatibus tam iustis, quàm iniustis, obedientiam exhibendam, nimirum in his quæ Deo non aduersantur, nam quòd tu ex Bredenbachij verbis colligis, pseudoprophetis non esse resistendum, mendacia mendacijs accumulans, miror hominem tantoperè Euangelicum, tam apertam calumniam ebuccinare. Quid enim in eo ipso libello aliud conatus est Bredenbachius, quàm vt pseudoprophetarum vestrorum fraudes detegeret, eorumq; malitiosis artibus & voce & stylo resisteret? Tertia huius loci calumnia est, quòd ea quæ Bredenbachius de morum improbitate ac tyrannide præpositorum dixit: tu ad doctrinâ rapis, quasi impia docentibus non sit resistendum: quod tametsi tu nostræ parti gnauitèr impingas, ea ipsa tamen toties iam à calumnijs ve-

js vestris tam solidè asserta ac defensa est, vt vel cuilibet euidentissimum sit, iniquè vos gloriari quasi diuinas scripturas à flāma conseruaueritis, quod de Donatistis refert Augustinus. Semp̃er enim hæreticis solenne fuit, Ecclesiæ doctrinam erroris & impietatis insimulare.

Cap. 2.

Quatenus hæretici sacramenta, & quæ possint administrare. Item Smidelinum non esse sacerdotem ordinatum, vt ipse confitetur aduersus Staphylum, eoq; ipsum potius quàm Ecclesiam fraudare populum non altera, sed vtraque specie sacramenti, atq; adeò toto sacramento. Deniq; quis sit funiculus hereditatis Smidelini.

Pergit Patalabus: Quòd verò blaterat, nostros nullo modo Sacramenta administrare, quòd non sint ab episcopis rasi & vncti, miror quomodò sui hunc sycphantam ferre possint. Non enim ignorat hunc esse Cypriani errorē, quem grauitèr confutauit Augustinus, Sacramēta scilicet non pēdere ex persona ministrātis, sed verbo Domini: quod si ritè obseruetur, etiā ab hæreticis baptismum conferri.

Suprà docuimus, sacerdotum proprium esse orare, sacrificia offerre, obire ministerium reconciliationis, esse dispensatores mysteriorum Dei. Hæc nemo obire potest, nisi legitimè missus sit. Quid autem tu hīc allegas quæstionem de baptismo hæreticorum, olim inter Cyprianum & reliquos Ecclesiæ proceres agitatam? Nō loquitur Bredenbachius de baptismo, quem etiā quilibet Iudæus aut Sarracenus, obseruata verborum forma, ritè conferre potest, propter ineuitabilem sacramenti illius necessitatem: sed de sacramento corporis & sanguinis Dominici. Sic enim inquit: Ij qui non perceperunt Sacramentum huius missionis, (Ordinem vstita loquendi consuetudine cum Ecclesia dicimus) hi neque idonei sunt ad annunciandum Euangelium populo, neq; ad consecrandum panem & calicem Domini, neq; ad reliqua, quæ propriè sacerdotum sunt, peragenda. Proptèrèa suprà dixi, id quod tales popu-

Vide latius
infra lib. 4.
cap. 21.

Io ministrant nomine cœnæ Dominicæ, nihil minùs esse quàm eucharistiam, nihil minùs quàm corpus & sanguinem domini. Ideoq; hos esse, qui miserum populum toto hoc Sacramento fraudât, Ecclesię interim falsissimè impingentes, quòd eum dimidia eius parte fraudet. Hæc Bredenbachius.

Hom. de p-
ditiõe Iudę.

In 2. Timo.
homil. 2.

Der Smid
lin ist vnges-
salzen vnd
vngeschmal-
zen. insul-
lus suo pte
testimonio.

lib. 1. epi. 12.

Quam eius sententiam, præter alia infinita testimonia, luculen-
tè cõfirmat conciliũ Lateranense celebratum anno Domini 1215.
cui interfuerunt patriarchæ Hierosolymitanus & Constantinopo-
litanus, septuaginta Archiepiscopi, quadringenti Episcopi, duode-
cim abbates, octingenti priores conuentuales, Græci & Romani
imperij legati Regum verò Hierusalem, Franciæ, Hispaniæ, Anglię
& Cypri oratores. Docet hoc concilium, neminem sacramentum
Eucharistiæ cõficere posse, nisi fuerit sacerdos ritè ordinatus. Vn-
dè Chrysost. Sacerdotis ore verba proferuntur, & Dei virtute cõ-
secrantur & gratia. Et alibi: Sacra illa oblatio, siue illam Petrus, siue
Paulus, siue cuiusvis meriti sacerdos offerat, eadem est, quã dedit
Christus discipulis suis, quamque sacerdotes etiã nunc confici-
unt. Ineptissimũ igitur est, quod tu hîc adducis illud de hæretico-
rum baptismo apud Cyprianum & Augustinum: cõcedimus enim
cũ vniuersa ecclesia Catholica eos verè baptizare, sed neutiquàm
cõsecrare, nisi antea à magistratu ecclesiastico legitimè missi & or-
dinati fuerint, qualem tu te non esse palàm professus es contra Sta-
phylum. Ego, inquis, illi (Staphylo) vt laicus respõdebo. Ego enim
à nullo sacerdote, neq; sale conspersus, neq; liquamine delibutus
sum &c. Vndè nõ est mirum, te tam ineptum, tamq; insulsum esse,
cũ te ipsum *vngesalzẽ/vñ vngeschmalzẽ* pronuncies: his enim epi-
thetis te decorasti. Tu igitur cũ non legitimè missus, Sacramen-
tum eucharistiæ administres, rectè dixit Bredenbachius, te tuique
similes populum toto Sacramento fraudare. Sed tamen demus
Cyprianum in eo quoq; ante Ecclesiæ definitionem pio zelo hal-
lucinatũ, vt negaret hæreticos reliqua etiã Sacramenta admi-
nistrare posse: inquit enim alicubi: Nec vnctio spiritalis apud hære-
ticos potest esse, quandò constet, oleum sanctificari & eucharisti-
am fieri apud illos omninò non posse: non tamen hinc corrui as-
sertio Bredenbachij, qua docet, eos qui non perceperunt Sacra-
men-

mentum huius missiōis, (Ordinem v̄itata loquendi consuetudine cum ecclesia dicimus) neq; idoneos esse ad annunciandum populo Euangelium, neq; ad consecrandum panem & calicem Domini &c. eoq; quod tales ministrant nomine cœnæ Domini, nihil minus esse quàm Eucharistiam. Hæc enim cū per solos sacerdotes, vt antè demonstrauius, conficiatur, rectè dixit Bredenbachius, te cum tuis, qui ordinis sacramentum cum sacerdotio legitimaq; ecclesiæ missione contemnitis, populum toto Sacramento fraudare. Neq; enim regula, neq; consuetudo tradidit, inquit canon concilij Niceni, vt hi qui *μὴτε ἐξουσίαν ἔχουσι προσφέρειν*, neque sacrificij offerendi habent potestatem, id est, diaconi, his qui offerunt, corpus Christi porrigant. Et Oecumenius: Non de illa, inquit, semel immolata à Deo hostia dixisset in æternum, sed ad sacerdotes nostri temporis respiciens, per quos medios Christus ipse sacrificat & sacrificatur, qui Christus ipse modum eis in mystica cœna tradidit istiusmodi sacrificij. Videatur Cyprianus epist. 3. lib. 2. & cap. 21. infra lib. 4. De hoc themate cū aliquandò sermo incidisset apud ciuem quendam Agrippinensem, ingenio, rerum usu, & varia eruditione præstantē, quiq; tecum Smideline, in diuersorio Goppingensi aliquandò communem mensam habuit, intelligeretq; idem, te tuopte testimonio crudum esse & insulsum, *vnge salzen vnd vnge schmaltzen*, nec legitimo ecclesiæ modo sacramentum ordinis in Catholica ecclesia percepisse, dixit: Tanto ad laqueum esset aptior & expeditior. Mihi porro causam sciscitanti, incunctanter respondit: Quoniam ad degradandum verè & legitimè ordinatū presbyterum, multi ac diuersi actus cum sumptuum grauitatē requiruntur. Porro an talis esse debeat funiculus hæreditatis tuæ, ego non disputo. Paulus Apostolus satis euidentè pronunciat: Irritam quis faciens legem Moisis, sinè vlla miseratione duobus vel tribus testibus moritur: quantò magis putatis deteriora mereri supplicia, qui filium Dei conculcauerit, & sanguinem testamenti pollutum duxerit, in quo sanctificatus est, & spiritui gratiæ contumeliam fecerit? Huic spiritui & gratiæ, de qua etià dixit Apostolus: Noli negligere gratiam quæ in te est, quæ data est tibi per prophetiam cum impositione manuum presbyterij, contumeliam facit Smidelinus,

Can. 14.

In cap. 5. ad
Hebr.

Heb. 10.

1. Tim. 4.

B B 2 dum

dum ordinis sacramentum, manuum impositionē, sacratum chrismā, quibus gratiam spiritus sancti consecutus est Timotheus, contemnendo negligit, & negligendo contemnit, polluto ore cōspurcat, & sacrilega lingua blasphematur. Ad hæc igitur supplicia, de quibus dixit Apostolus, cū tam expeditus sit, optauerim illi meliorem mentem, nē huiusmodi hæreditatis funiculum faciliē consequatur, de quo ciuis Agrippinensis.

Cap. 3.

De chrismate probatur, eius vsum fuisse antiquissimū in Ecclesia Catholica, quem dum idoneis argumentis nō potest confutare Smidelinus, mauult vniuersam primitiuā Ecclesiam erroris accusare, quā suum errorem confiteri.

Porro quod tam reuerentē de vnctione & consecratione sacerdotali loquitur Smidelinus, dum sacerdotes contemptim vocat rasos & vnctos, in hoc signum Luteri discipulum declarat, qui sacrum chrisma rancidum oleum, & sacerdotes, vnctos rasosq; per contemptum appellat. Cæterum q̄ longē aliter vniuersi ecclesiæ proceres & SS. patres de eo loquantur, præclarē demonstrat Albertus Pigius lib. 2. hierarchiæ ecclesiasticæ cap. 9. D. Stanislaus Hosius lib. 2. propugnatiōis fidei catholiciæ de legitimis iudiciis ecclesiæ, & D. Vuilhelmus Lindanus. Audiamus quid iā olim docuerit in ecclesia primitiua D. Anacletus: Ordinationes, inquit, episcoporum auctoritate Apostolica ab omnibus, qui in prouincia sunt, episcopis sunt celebrandæ: qui simul cōuenientes, scrutinium diligentē agant, ieiuniumq; cum omnibus celebrent precibus, & manus cum sanctis euangelij, quæ prædicantur sunt, imponentes, dominica die hora tertia orantes, sacraque vnctione exemplo Prophetarum & regum, more Apostolorum & Moysi vngentes, quia omnis sanctificatio constat in spiritu sancto, cuius virtus inuisibilis sancto chrismati est permixta, & hoc ritu solennem celebrent ordinationem. Et qui præcessit eum Clemēs: Omnis, inquit, Pontifex sacro chrismate perunctus, & in ciuitate constitutus, scripturis sacris eruditus, charus & preciosus hominibus

Epist. 2.

Chriftatis
vsum in ec-
clesia semp
obseruatus.

Epist. 2 ad
Iacobū fra-
trem Dñi,

bus oppidò esse debet, quem quasi Christi locum tenentem honorare debent omnes, eiq; inservire & obedientes ad salutem suâ fidelitèr existere, scientes quòd siue honor, siue iniuria, quæ ei infertur, in Christum redundet, & à Christo ad Deum. D. Cyprianus integrum sermonem conscripsit de vnctiōe chrismatis. Fatemur quidem nihil in lege noua de chrismate scriptum inueniri. Verùm absit, vt nihil nisi quod scriptum est, sicut hæretici docent, recipiendum esse putemus. Non ità nos docuit Apostolus: State, inquit, & tenete traditiones, quas accepistis siue per sermonem, siue per epistolam nostram. Et scriptas, & non scriptas traditiones vult teneri. Esse autem hanc apostolicā traditionem, inter alios Basilius quoq; testatur. Fabianus verò inuictissimus martyr & sanctissimus pontifex, qui annis circitèr ducentis post Petrum Romanæ & vniuersali ecclesiæ præfuit, iuxta morem Ecclesiasticæ discipline super ecclesiasticis quibusdam negocijs ab Oriētis episcopis cōsultus, hac de re scribit in hæc verba: Literis vestris inter cætera insertum inuenimus, quosdam regiōis vestræ episcopos non per singulos annos in cœna Domini chrisma conficere, sed duos aut tres annos confectiōem sancti chrismatis semel actam cōseruare. Errāt qui talia excogitant. Siquidem in illo die Dominus Iesus postquàm cœnauit cum discipulis suis, & lauit pedes eorū, sicut à sanctis apostolis prædecessores nostri acceperunt, nobisq; reliquerunt, chrisma conficere docuit. Cuius diei solennitas sicut per singulos annos est celebranda, ità ipsius sancti chrismatis confectio per singulos annos est peragenda, quia nouum Sacramentum est per singulos annos & iam dicto die innouandum, & vetus in sanctis ecclesijs cremandum. Vndè hæc habes, Fabiane, cūm nihil de eo præceptum sit in scripturis? Subiungit D. Fabianus: Ista à sanctis Apostolis & eorum successoribus accepimus, vobisq; tenenda mandamus. Hæc S. Rom. & Antiochena Ecclesia à tēporibus Apostolorū custodit. Hæc hierosolymorū & Ephesiorū tenet, in quib; Apostoli præsidentes, hæc docuerunt. Vides hīc Smideline, q̄ reuerētèr, q̄ grauitèr & piè tantus pōtifex & martyr de chrismatis vnctiōe scribat, quam tu tam improbè tam contumacitèr & petulantèr ludificaris. Vides quoq; mandandi auctoritatem in Rom. Pontifice, qua

2. Theff. 2.

Basil de spir
ritu sancto
cap. 28.Fabiā. epist.
2. ad episco.
Orient.
De cōsecra
dist. 3. cap.
literis.

BB 3

ab

ab vniuersi Orientis episcopus consultus, omnibus mandatū vniuersale rescribit. Vides etiā traditionis non scriptæ authoritatē. Quod si vt Hosio, ita nobis obgannire pergas, repudiandum esse charisma, quia non probamus à Christo institutum, equidem D. Fabiano, Cypriano, totiꝫ; S. Patrum Senatui hoc disertè asserenti credere mālīm, quā Smidelino, cuius mendacia & imposturæ nō vno in loco deprehensæ sunt.

Smid.

Longè maiorem improbitatem sapit, quod aduersus Hosiu fol. 202. nimis manifestis patrum testimonijs conuictus, ipsam ecclesiā primitiuam prodigiosissimorum errorum insinulat. Quid mirum, inquit, quod à multis patribus chrisma celebratū sit, cum nō is solūm, sed alij quoq; errores tum in ecclesia inualuerint? Ea verò nunc tueri ac defendere, de quibus patres admoniti, fortassis emēdāssent, mirandum est. Non enim potest negari, nimium tribuisse maiores nostros huic oleo, à quo proculdubiō alienissimi fuerunt S. Patres.

Bred.

Mirum est profectō, quod Christus hunc fabrilem doctorem non miserit Patribus ante annos mille trecentos, vt errorum suorum admonerentur. O fanaticum obturbatorem, qui & Orientale & occidentalem ecclesiam errorum & inscitiae arguere instituit, se verò solum in scrinio pectoris sui habere patefactam veritatē. Certè & apud Græcos simul & Latinos frequentissimus fuit perpetuō Chrismatis vsus. Meminerūt enim eius Dionysius Areopagita Pauli discipulus, Tertullianus, Chrysostomus, Gregorius Nazianzenus, Augustinus, Ambrosius, Theophylactus, & vix quisquam est veterum scriptorum, qui Chrismatis mentionem non faciat, ac pleriq; non sinē honoris præfatione. Si hæc velut hominum dicta repudians, idem mihi occinas, quod pientiss Hosio, Quid opus est, ais, in coaceruatione tot testimoniorum frustra laborari? te rursūm contra te produco, dūm in eadem conuiciorum tuorum farragine proclamitas, Sed venenata ac diabolica calumpnia est, inquis, cum crasso mendacio coniuncta, quod Brentio imputat: Hos, inquit, tu omnes (Athanasium, Hosium Cordubensem, Hilarium, Ambrosium) scelerata mancipia vocabis? O verè sceleratū, ais, Satanæ mancipium Hosii. De his enim nunquā in mentem venit Brétio, quorum &

Eccle. Hier.
cap. 7.
De carnis
resurrect.

fol. 135.

fol. 33.

rum & pietatem & doctrinam veneratur, quæ apostolicum spiritum sapit. Hæc tamen istic Smideline. Quorum te memorem esse oportebat, dum eorundem pientissimorum virorum spiritumq; apostolicum habentium scripta, velut hominum commenta passim, ubi tibi commodum est, reijcis, & suprà reiecisti. Vide num ex tua sophistica hanc, qua tecum ipse diffides, dissonantiam conciliare queas. Dices forsân esse fallaciam accidentis, accidere enim tibi, quandoquæ, vt ex eodem ore calidum & frigidum spires. Porro vt ad institutum reuertamur, plerumq; fit vt plurimi non sapiant quæ sunt spiritus, vndè omnia ferè mysteria, cum vniuersa disciplina ecclesiastica in summum venerunt contemptum, quæ sanè mysteria, si in villo alio visibili signo, tum in ista chrismatis vnctione plurima concurrunt, quemadmodum elegantè id declarat laudatissimus præsul D. Michael episcopus Merspurgenſis in suis concionibus Catharticis, nupèr à nobis Latinitate donatis. Certè quid aliud, baptisma suscepturus, quàm Christo nomen dat, non vt ocio marcescat, sed vt sub signis illius militet? Quamobrem sicut ante certamè vnguntur athletæ, quò sint ad luctandum expeditiores, ità oleo Chrismatis vngitur baptizandus, vt sibi tanquàm athletæ spirituali luctandum esse sciat contra diabolum. Maius autem certamè incumbit ijs, qui sacris initiantur, qui reges quidam sunt spirituales, quamobrem iterum atq; iterum vnguntur. Est autem in oleo fructus, est & pinguedo: ramus cum fructibus, quasi pacis interpres: pinguedo, luminis est ministra. Cum itaq; sacerdos sit pacis & reconciliationis minister, vt suprà declarauimus, cum idem cæcorum quoq; lumen esse debeat, per vnctionem hanc, quæ fit chrismatis oleo, sui muneris admonetur, vt ministerium pacis & reconciliationis frequentet, siue populo voluntatem Dei annuncians, vt scire possit, quæ sit reconciliationis ratio: siue pro populo preces & sacrificia offerens Deo, quibus propitius reddi queat: simul etiàm quasi lucernam gestas manibus, & doctrina & exemplo populo præbeat, viamq; salutis commonstret. Miscetur autem oleo balsamum, cuius arbor cum primis est odorifera, quo meminerint sacerdotes ità se gerere, sic vitam suam inter homines instituere, vt cum Paulo dicere possint: Christi bonus odor sumus DE O in omni loco. 2. Cor. 4.

Quod

Mysteria
chrismatis

In concionibus de Sacram. confirmationis & ordinis.

Lib. 4. Pa-
nop. Euan.
cap. 36.

Sic garrit
Smidel. ad-
uersus Ho-
siū pag. 135.

Epist. 2.

Quod nemo nisi præditus virtute, cuius odor fragrantissimus est & suauissimus, rectè sibi potest vsurpare. Vnū adhuc ex D. Optato episcopo Mileuitano subnectam: Narrat hic libro 2. de schismate Donatistarum, (referente D. Vuilhelmo Lindano) Vrbanum formensem & Felicem Idicrensem Donatistarum episcopos, sacrum chrisma impiè violasse in Mauritania: Et quod vobis, inquit, leue videtur, facinus immane commissum est, & omnia sacrosancta supra memorati vestri episcopi violârunt. Iusserunt eucharistiam canibus fundi, non sinè signo diuini iudicij. Nam iidem canes accèsi rabie, ipsos dominos suos tanquàm ignotos & inimicos laniauerunt. Ampullam quoq; chrismatis per fenestram vt frangerent, iactauerunt: & cū casum adiuuaret abiectio, non defuit manus angelica, quæ ampullam spiritali subuectione deduceret: Proiecta, casum sentire non potuit, Deo muniente, illæsa inter saxa consedit. Quid aduersus hanc tãtorum testium nubem opponet hic obturbator? An quia Paulus ad Titum & Timotheum scribès, quales esse debeant episcopi, non meminit rasuræ & vnctionis, idè Apostolos chrismate non vsos dicemus? Vbi hâc didicisti dialecticam? An tu nunc primùm à pronuntiatis negatiuè nos docebis argumètarî? Paulus eo loci non quæ ad ordinis sacramētum, sed quæ ad mores episcopi pertinent, describit. sed hanc impudètem sophisticam ex magistro suo Brentio exuxit, qui non minùs impudentè in hūc modum argumentatur: Paulus ad Timotheum & Titum scribens, commemorat dotes, quibus is qui episcopatu dignus est, ornatus esse debet: Non præfractus, inquiens, non iracundus &c. Quòd si is episcopus, qui tantum semèl eum qui baptizatur, mergit, meretur ab episcopatu deijci, an non debuisset Paulus in hoc virtutum catalogo addere, mergens eum, qui baptizatur, non semèl tantum, sed tèt? Sic sanè decet aspidem à vipera venenū mutuari. Jam quid causæ est, quòd eisdem in sordibus, eodem inquam in loco Reuerendissimum D. Hosium calumniaris, dicentem, virtutem spiritus sancti inuisibilem permixtam esse oleo? Non istud Hosij, sed Anacleti Pontificis verbum est, quod improbè hîc dissimulasti, vt pientissimo viro calumniam strueres. Dicis, nulla est mixtio rerum caelestium & terrestrium in sacramentis. Cur igitur asseueratis, in,

sub,

sub, & cum pane esse Christi corpus in Sacramento? cur hic ipsum Christum Dominum terrestri materia commiscetis? Cur non simili audacia declamatis, in baptismo spiritum sanctum non conferri, quia terrestri aqua non possit commisceri res caelestis? Negas à Christo institutum chrismatis sacramentum, frustra; laborari in coaceruatione tot testimoniorum. Scilicet propter tuam perfidiam periclitabitur sacramentum, & ob tuam pertinaciam corruet fides totius ecclesiae? *ἡς κόρα καὶ σ* cum hoc obturbatore. In hoc vnguento (inquit D. Augustinus, exponens locum Psalmi, Sicut vnguentum quod descendit in barbam &c.) Sacramentum chrismatis vult interpretari, quod quidem in genere visibilium signaculorum sacrosanctum est, sicut ipse baptismus. Vtri fidem habebimus? tibi ne, an D. Augustino? Ait idem alibi: Si ad hoc valet quod dictum est in Euangelio, Deus peccatorem non audit, ut per peccatorem sacramenta non celebrentur, quomodo exaudit homicidam deprecantem, vel super aquam baptismi, vel super oleum, vel super eucharistiam, vel super capita eorum quibus manus imponitur? Audis hic sacramenti sanctitatem & appellationem tribui his quatuor, Baptismo, Oleo, Eucharistia, manuum impositioni: audis in proximo adducto loco sacramentum chrismatis, & tu rem tam sacratam, & iam inde ab Apostolorum temporibus pro sacramento eucharistiae habitam, spurco & blasphemio ore exhibilabis? Manuum praeterea impositionem dices nunc esse rem adiaphoram? Credo vobis ita videri: sed inter sacramenta censetur ab Augustino, atque adeo ipse Paulus Apostolus solenniter meminit manus impositionis: Noli, inquit, negligere gratiam quae in te est, quae data est tibi per impositionem manuum mearum. Sanè, teste Paulo, gratia datur per impositionem manuum. Et D. Augustinus dicit: (lib. 3. de baptismo, cap. 16.) Neque enim temporalibus & sensibilibus miraculis attestantibus per manus impositionem modò datur spiritus sanctus, sicut antea dabatur ad commendationem rudis fidei & Ecclesiae primordia dilatanda. Quis enim nunc hoc expectat, ut ij quibus manus ad accipiendum spiritum sanctum imponitur, repente incipiant linguis loqui? Sed inuisibiliter & latentè intelligitur per vinculum pacis eorum cordibus diuina charitas inspirari. Hæc ille.

CC

Ac

Ag. 9.

In Panopl.

fol. 135. ad-
uer. Hosii.Aduersus
Luciferian.

Ac licet manus impositio ad varia fieri consueuerit, interdum enim non baptizatis adhibebatur, uti Paulo ab Anania: interdum infirmis ut conualescerent, interdum poenitentibus & haereticis ad ecclesiam redeuntibus: plerumque tamen pro sacramento usurpatur a patribus, uti nunc ex Augustino declarauimus, & pluribus demonstrat D. Vuilhelmus Lindanus. Cum igitur spiritus sancti gratia per manus impositionem detur, referente Augustino, tamen huic Maleatori est adiaphora. Credo huic homini tam blasphema proclamanti etiam ἀδιάφορον & indifferens fore, siue in caelum deueniat, seu ad inferos deturbetur, ubi non sacro chrismate, sed pice & sulphure delibutus suauiter vngatur. At non inuenitur chrismatis vocabulum in literis Euangelicis: Multa sunt quae vniuersa tenet Ecclesia, & per hoc ab Apostolis praecepta bene creduntur, inquit D. Augustinus, lib. 5. cap. 23. de baptis. contra Donatistas, quamquam scripta non inueniantur. Porro quod aduersus eundem Reuerendissimum blaterat, nos, quos inuiso vocabulo papistas passim appellat, plus tribuere huic oleo, hoc est, chrismatis sacramento, quam baptismo, impudens est calumnia, cum nusquam non doceamus, & vniuersa ecclesia Catholica hucusque docuerit, baptismi sacramentum esse necessitatis, & ianuam qua sola ad primam vitae renouationem peruenitur. Nec quicquam derogat baptismi, quod ait ob-
turbator: Docent enim quod illa (unctio) summorum pontificum manibus peculiariter administretur, baptismus ab omnibus vulgaribus sacerdotibus distribuatur: unde enim ecclesia eam habeat consuetudinem, & quam obrem, expressè docuit D. Hieron. Quod si hoc loco quaeris, inquit, quare in Ecclesia baptizatus, nisi per manus episcopi non accipiat spiritum sanctum, quem nos asserimus in vero baptismate tribui, discite hanc observationem ex ea autoritate descendere, quod post accessum Domini spiritus sanctus ad apostolos descendit. Et multis in locis idem factitatum reperimus, ad honorem potius sacerdotij, quam ad legis necessitatem. Ecclesiae salus in summi sacerdotis dignitate pendet, cui si non exors quaedam & ab omnibus eminens detur potestas, tot in ecclesijs efficientur schismata, quot sacerdotes. Hæc ille. Ad honorem igitur sacerdotij pertinet hæc episcoporum prerogatiua, quod ab ipsis Apo-
stolis

stolis ad nos deriuatum, constat ex Luca, qui referens baptizatos esse à Philippo diacono Samaritas, subiungit, missos istuc Petrum & Ioannem: qui cum venissent ad eos, orauerunt pro eis, ut acciperet spiritum sanctum. An & Apostolos dices plus tribuisse sacramento Cōfirmationis, quam Baptismo? quia diaconus potuit baptizare, non autem manus imponere? Nec est quod cauilleris Melchias pontificis dictum, dicentis, Scitote vtrunque magnum esse sacramentum, (baptismum scilicet & confirmationem) sed vnum maiori veneratione tenendum. Maius enim dicit sacramentum confirmationis, inquit Petrus Lombardus, sed non ob maiorem virtutem, & vtilitatem quam conferat, sed quia à dignioribus datur. Et hoc est quod supra diximus ex Augustino, sacramentum chrismatis in genere visibilium signaculorum sacrosanctum est, sicut ipse baptismus. Si dignitas ministri huius sacramenti cōfirmationis nō potius auget honorem sacerdotij, ut loquitur Hieronymus, quam ut baptismo quicquam deroget, eadem ratione Epiphanius insul-
de cōf. di. 5.
C. de his.
lib. 4. dist. 72
§. 6
Li. 3. cōt. lit.
Peti. ca. 104.
Hereti 75.
li. 3. tom. 1.
taueris, qui dum episcopatus dignitatem contra Aërium vindicat, sacramenti ordinis administratiōem solis episcopis tribuit, baptismi verò cuilibet presbytero. Dicere ipsum episcopum & presbyterum æqualem esse, inquit, quomodo erit possibile? Episcoporum enim ordo, patrum generator est: Patres enim generat Ecclesiæ: presbyterorum verò, non potens generare patres, per lauacri regenerationem generat filios ecclesiæ: non tamen patres aut doctores, &c. Vide Smideline, in quos perplexitatum mæandros te cæcus error & conuiciandi libido impellat.

Cap. 4.

Ob hanc pertinaciam non posse Smidelinum haberi pro Christiano & Catholico.

Quandò igitur tu Smideline non modò non obseruas, verum etiam fastu quodam intolerabili reijcis & aspernaris, quicquid est rituum, quibus homines Christiani fidem suam erga Christum orbi testatam faciunt vniuerso, ipsamq; Ecclesiam primitiuam, eiusque doctores cum ipsis Apostolis conuersatos, abominandorum errorum & in-

scitiæ accusas: tibi verò soli cum tuis gregalibus veritatis lumen post mille quadringentos annos reuelatum arrogantissimè vendicas: non habes iam cui potius imputes, quàm tibi ipsi, quòd inter ecclesiæ membra non censearis, quòd inter Christianos non numereris, sed pro schismatico, pro rebeli & seditioso, pro Ethnico & publicano habearis. Nolo iam meis verbis quicquam in te acerbius dicere, quem (quantunvis petulantissimè insultaueris parenti meo Bredenbachio, & vniuersæ Ecclesiæ Catholicæ) respicientem, facta omnium præteritorum amnestia, libentèr vt amicum, immò vt fratrem complectar. Sed D. Cyprianum loquentem audiemus: Auerfandus talis atque fugiendus, inquit, quisquis fuerit ab ecclesia separatus. Peruersus est huiusmodi, & peccat, & à seipso damnatus. An esse sibi cum Christo videtur, qui aduersus sacerdotes Christi facit? qui se à cleri eius vel plebis societate secernit? arma ille contra ecclesiam portat, contra DEI dispositionem repugnat: hostis altaris, aduersus sacrificium Christi rebellis, pro fide perfidus, pro religione sacrilegus, inobsequens seruus, filius impius, frater inimicus: contemptis episcopis, & Dei sacerdotibus derelictis, constituere audet aliud altare, precem alteram illicitis vocibus facere, Dominicæ hostiæ veritatem per falsa sacrificia profanare: nec scire, quoniam qui contra Dei ordinationem nititur, ob temeritatis audaciam diuina animaduersione punitur. Et alibi: Concilio frequentèr actò, non consensione tantum nostra, sed & comminatione decreuimus, vt pœnitentiam fratres agerent, vt pœnitentiam non agentibus nemo temerè pacem daret: illi contra Deum sacrilegi, contra sacerdotes Dei impio furore temerarij, de ecclesia recedentes, & contra Ecclesiam parricidalia arma tollentes, &c. Habere iam non potest Deum patrem, qui ecclesiam nō habet matrem. Si potuit euadere, qui extra arcam fuit & qui extra ecclesiam foris fuerit, euadet. possidere non potest indumentum Christi, qui scindit & diuidit ecclesiam Christi, &c. Quandò iam, Smideline, vsum huiusce vñctionis sacerdotalis ex veteri testamento, ex vetustissimis sanctissimisq; Ecclesiæ Patribus demonstrauimus, & longè fusiùs demonstrârunt DD. Stanislaus Hosius, Lindanus, & Albertus Pigius locis citatis: tu autem hæc omnia cum vniuersis Eccle-

clesiæ Catholicæ & Apostolicæ traditionibus & cæremonijs intoleranda audacia & fastu cõtemnis, tu ipse te talem pronũcias, qualem te D. Cyprianus descripsit. Ipsa veritas, ipse spiritus sanctus, qui vt olim per prophetas, ita hucusq; per eiusmodi sacratissima organa sua loquitur, te erroris, impietatis, rebellionis, schismatis & blasphemix reum peragit. Blasphemum te pronunciat venerandus ille Pontifex Damasus, etiã Brentij tui iudicio sanctus. Blasphemare spiritum sanctum, inquit, non incongruè videtur, qui contra sanctos canones patrum, qui spiritus sancti instinctu dictati sunt, libentè aliquid aut proteruè agunt, aut loqui præsumunt, aut facere volentibus spontè consentiunt: talis enim præsumptio manifestè vnum genus est blasphemiarum in spiritum sanctum.

Cap. 5.

Theodosius Imperator præcepit Canones pristinos obseruari, & an iudex fuerit in Concilio Theodosius, vt vult Smidelinus.

ET quoniam ad principes prouocat Smidelinus, audiat laudatissimos Imperatores Honorium & Theodosium: Omni in nouatione cessante, inquit, vetustatem & canones pristinos ecclesiasticos, qui vsq; nunc tenuerunt, etiã per omnes Illyrici prouincias seruari præcipimus, vt si quid dubietatis emerferit, id oporteat conuentui sacerdotali, sanctoq; iudicio reseruari. Hæc Impp. Honorius & Theodosius Iunior. Vndè mirum iam est, Smidelinũ tam pertinacitè tanto cum fastu tam effusè & iactabundè gloriari de historia Socratis, quasi in causa fidei iudex inter episcopos fuerit Theodosius. Mirum est sanè, quòd Theodosius iunior, hinc tam apertè, tam categoricè, tam planè & sinè vlla conditione, tanta cum autoritate præcipiat canones ecclesiasticos obseruari: & si quid dubietatis emerferit, id oportere conuentui sacerdotali sanctoq; iudicio reseruari. Mirum quoq; est, si potuit hoc Ambrosium latere, qui vixit eodem illo tempore, qui funebrem etiã orationem illi cõscripsit. Qua confidentia ausus ille fuisset scribere Valentiniano, qui Theodosio successit, (Quandò, inquit, audiuiſti Imperator, in

In l. omni in-
nouatione.
C. de sacro-
sanct. eccle.

causa fidei laicos de episcopo iudicasse) si quid eiusmodi factum à Theodosio fuerat? Nonne respondere potuisset Imperator, Audiui quòd fecerit hoc antecessor meus Theodosius? Deindè verò, hoc ipso Theodosio imperante, fuit habitum concilium Aquileiense, priusquàm œcumenicum illud Còstantinopoli, ubi hæc Imperatoris verba recitantur: Ambigua dogmatum reuerentia, nè dissideant sacerdotes, quamprimùm experiri cupientes, conuenire in Aquileiensem ciuitatem episcopos iusseramus, neq; controuersia dubia sententia rectius poterant experiri, quàm si oborta altercationis iudicium in interpretes ipsos constituissemus Antistites, vt videlicet à quibus proficiscuntur instituta doctrinae, ab eisdem discordia eruditionis solueretur. Quæ cum essent lecta, dixit Ambrosius, qui præsens illi interfuit Concilio: Ecce quid Christianus constituit Imperator, noluit iniuriã facere sacerdotibus, ipsos interpretes constituit episcopos. Hic laudat eo nomine Theodosium Ambrosius, quòd is non alios quàm episcopos, iudices esse voluerit, quod idè, paucis interiectis, facit Eusebius quoq;. Indè coniecturam facere licet, qd sibi in causa fidei, nūquàm iudicium arrogauerit Theodosius, qui qd sui, qd Episcoporū esset muneris, vel ex his quæ gesserat antea Imperator Còstantinus antecessor eius, (cuius verba suprà recitauimus) cognoscere potuit. Quid igitur de historia Socratis dicemus? inquit D. Stanislaus Hosius. Quòd si Brentius & post eum Smidelinus, ea fide qua oportuit, Socratis verba recitassent, nec præteritis quibusdã ea sola produxissent, quæ ad suum institutum probandum facere videntur, facile cuius perspicere licuisset, nihil præter officium suum Imperatorem fecisse. Nam in exordio capitis illius, ex quo nonnulla proferunt Brentius & Smidelinus, omnia Theodosium de Nectarij Còstantinopolitani episcopi consilio fecisse scribitur: ex quo perspicuum illud fit, quòd non sibi de causa fidei iudicandi potestatem vllam Imperator vsurpauerit, sed quod à Catholicis episcopis præscriptum fuit & iudicatum, id pro Catholici Imperatoris officio & ipse ratū habuerit, & ab omnibus sibi subiectis haberi ratum, inuiolateq; seruari iusserit. Quicquid igitur à Theodosio factum esse scribit Socrates, iuxta Nectarij consilium, ex autoritate Damasi Papæ factū est:

est: quæ etiã fuit causa, vt vnã cum collégis suis Gratiano & Valentiniano ediceret, vt in tali religione cuncti populi sibi subiecti versarentur, quam Pontifex Damasus sequeretur. Subscripsisse etiã leguntur illi Constantinopolitano concilio centum quinquaginta episcopi: quodd verò Imperator subscripserit, in actis non inuenitur.

Cap. 6.

Praxis & mos veteris ecclesiæ in iudicandis religionis controuersijs.

QVOD si hæc vt insignis est omnium hæreticorum pertinacia, nondum satisfaciunt, obseruemus non iure canonico duntaxat, sed & iure ciuili & Imperatorum rescriptis, iam olim ante annos mille sancitum esse, vt ecclesiæ & clericorum causæ non nisi in foro Ecclesiastico à iudice ecclesiastico decidatur, idq; in hodiernum vsq; diem perpetuò vsurpatum. Obseruemus præterea morè & praxim veteris ecclesiæ in iudicandis fidei controuersijs. Eam nos supra, ubi de authoritate Romani episcopi diximus, non nihil attigimus, & illustri demonstratione declarat idem D. Hosius, cuius tam insignes & passim ab omnibus prædicatas lucubrationes, optarem omibus orthodoxæ veritatis studiosis quàm familiarissimas: Nos vt studiosum lectorem non planè fraudemus, ex plurimis paucissima decerpemus. In concilio Niceno ante mille trecentos annos congregato, in quod ex vniuerso terrarum orbe trecenti decem & octo patres conuenerunt, qualem se præbuerit, quàm humilem, quàm demissum, quàm verè pium Constantinus Imperator, refert Eusebius lib. 3. de vita Constantini, Socrates lib. 1. cap. 8. Theodoretus lib. 1. cap. 7. Augustinus epist. 166. & epist. 48. Rufinus lib. 1. cap. 2.

li. 2. ppugn.
fidei Catho
lice fol. 174.

Retulit idem in suo de componendis dissidijs libro Bredenbachius, & nos supra obiter attigimus. In secunda synodo, quæ enumeratur inter œcumenicas, Constantinopolitana, nihil aliud actum est à Patribus, quàm quodd sententiam Damasi, quam ille paulò antè congregato Romæ concilio, contra Macedonium, Sabellium & Eunomiū tulerat, probarunt & eam sunt secuti. Quo nomine scrip

ptis

ptis ad Damafum literis, vt sibi cōgauderet, ab eo poposcerūt. Iam autem qualem se in hac synodo præbuerit Theodosius, ex integro historiæ Socratis capite perlustrato audiuius, & pulchrè declarauit in suo libro Bredenbachius. In tertia synodo, quæ fuit habita Ephesi, Cælestini Romani Pontificis nomine præfuit Cyrillus Alexādrinus, ac lecta fuit epistola Cælestini, quam sequuti patres, Nestorium condemnauerūt, & ab episcopali dignitate, vniuersoq; sacerdotij collegio alienum esse decreuerunt, sicut in historia sua scribit Euagrius. Ad hanc synodum imperator Theodosius misit loco suo Candidianum. Sed nunquid vt iudicaret de causa fidei? Audi Smideline scribentem ipsum, qua de causa miserit. Deputatus est, inquit, Candidianus magnificus comes strenuorum domesticorum, transire vsq; ad sanctissimam synodum vestrā, ac in nullo quidem, quæ faciendæ sunt de pijs dogmatibus quæstiones, cōmunicare. Illicitum nanq; est, eum qui non sit ex ordine sanctissimorum episcoporum, ecclesiasticis immisceri tractatibus.

Euagr. lib. 1.
cap. 4.

Vide Smideline, quemadmodum ipse Theodosius formulam à se deputato præscripserit, vt nè se tractatibus ecclesiasticis immisceret, nè de causa fidei sibi iudicium arrogaret, sed tuendæ tantum tranquillitatis causa synodo interesset. Vides etiā quemadmodum illicitum esse iudicauerit, Imperatorem se Ecclesiasticis negocijs immiscere. Vides deniq; qua ex causa Imperatores Concilijs adhiberi soleāt, & clariùs videbis ex eiusdem Theodosij epistola ad Elpidium Comitem & Eulogium tribunum, quos mittere se scribit, non vt de causa fidei iudicent, sed volentes, inquit, nostris iussionibus ministrare de ijs, quæ in Epheso à sancta synodo fuerint constituta, & nullum fieri tumultū permittere: sed & si quæ videritis conturbationibus & tumultui studentem ad læsionē sanctæ fidei, hunc custodiæ mancipare.

Extat eiusdem Imperatoris epistola ad Cyrillum, quæ habetur in operū Cyrilli tomo quarto, cuius hæc verba sunt: Nos sanè non patiemur, vt simul & vrbes & ecclesiæ turbentur, neq; vt inexcussa nobis sit ea doctrina, cui dijudicandæ præfici oportet eos, qui circunquaq; sacerdotio præfident, & per quos in sententia veritatis firmiores sum⁹ & posthac erimus. In hac quoq; tertia synodo subscri-

scripserunt ducēti episcopi: quod subscripserit Imperator, ex actis non apparet. Ad hæc respondet Smidelinus, mirè Hosium se torquere in tertia synodo: ego verò dixero, mirè hoc exēplo torqueri aduersarios Hosij & catholicæ veritatis. Quid enim hic est quod Hosij & Ecclesiæ Catholicæ causam non euidentèr propugnet? In quarta synodo generali Chalcedonensi, in quinta quæ est Constantinopolitana secunda, in sexta quæ fuit Constantinopolitana tertia: in septima quæ habita est iterum Nicæ, in octaua quæ fuit Constantinopolitana quarta, in his, inquam, synodis œcumenicis, quomodò se gesserint Imperatores, quàm nihil sibi arrogauerint iudiciariæ potestatis in rebus Ecclesiasticis: magnificè, copiosè & luculentèr recenset idem Antistes loco memorato, quem si veritatis studiosi legere nō grauabuntur, velut face adhibita, omnes hereticorū prætigias instar fumi euanescere conspicient. Porro nè causeris nos dissimulantibus oculis præterisse, quod aduersus Reuerendiss. Hosium scribis, quanta scilicet in Chalcedonensi synodo fuerit magistratūs authoritas, & q̄ eius partes, Actiōe 2. synodi docetur &c. Similiter in actiōe prima scribitur, quod iudices & senatus post causæ cognitiōem & iudicium, vindicauerint Flavianū & Eusebium episcopum, qui iniuste damnati erant. Sed libet verba eorum, inquis, actioni primæ inserta recitare: Gloriosissimi iudices & amplissimus senatus dixerūt: De recta quidem & Catholica fide perfectiūs sequenti die conueniente concilio, diligentiorē examinationem fieri oportere perspicimus. Quoniam verò Flavianus religiosæ memoriæ, & Eusebius Reuerendiss. episcopus ex gestorū & cognitionū scrutatione & ipsa voce quorundam qui tunc synodo præfuerunt, confitentium se errasse, & frustra eos damnasse, quia nihil circa fidem monstrantur errasse, ostenduntur iniuste depositi: Videtur nobis, (si placuerit Domino nostro) eidē pænæ Dioscorum Reuerēd. episcopum Alexandrig, & Iuvenalem Reuerend. episcopum Hierosolymorum, & Thalassium Reuerēd. episcopum Cæsareæ Cappadociæ &c. qui potestatem & principatum tunc synodi tenuerunt, subiacere, & à sancto concilio secundū regulas ab episcopali dignitate fieri alienos, omnibus quæ acta sunt, ad sacrum apicem referendis. Orientales & qui cum ipsis

D D

Reue-

Bred.

Reuerendi episcopi dixerunt: Hoc iustum iudicium &c. Et post pauca: Quid ad hæc Hosius dicere potest? Iudices & senatus Politici erant, non Ecclesiastici, hi non solum audiunt, sed etiam quosdam iudicant, quosdam absoluentes & vindicantes, quosdam damnantes. Respondemus tibi Smideline, ex his nihil aliud colligi posse, quam hosce iudices, cognita concilij definitione, nihil aliud præstitisse, quam executionem definitionis, & pœnæ irrogationem. Sic enim aiunt: Quoniam Flauianus & Eusebius &c. ostenduntur (scilicet à concilij patribus) iniuste depositi, videtur nobis eidem pœnæ Dioscorum &c. subiacere. Id ita esse, atq; vniuersam rem ex patrum iudicio, & imprimis illorum qui vices episcopi Romani tenuerunt, gestam esse, clarè liquet ex Actione 3. eiusdem concilij. Et in Actione sexta legimus, Martianum Imperatorem hæc verba in confesso Patrum protulisse: Pia & Catholica fide à sancta & vniuersali synodo secundum patrum expositionem declarata, iustum simul & expediens esse nostra tranquillitas approbavit, oem deceterò contentionis occasionem de sanctæ fidei religione penitus amputari. Sequitur iam executio concilij, & pœnarum interminatio. Si quis igitur idiota, inquit Imperator, vel militaris, seu clericus publicè de fide turbam congregans sub obtentu disputationis tumultum fecerit, sciat quia si quidem idiota sit, ab vrbe regia expelletur: militaris verò & clericus, gradus sui periculum sustinebunt, & pœnis alijs subiacebunt. Vides hinc luculentè, concilij patres catholicam fidem sua expositione declarasse, ac quid sequendum fuerit, definiuisse: Martianum verò Imp. fanciuisse, vt in posterum ea fides obseruaretur, & pœnis idoneis in rebelles animaduertetur. Itaq; iudicium fuit episcoporum, executio facta est per imperatorem. Idem videre licet in Actione octaua eiusdem concilij, vbi iudices seculares dixerunt: Omnis iam dubitatio de Theodoro reuerendo est soluta &c. Deest igitur vt sententia proferatur à Deo: amabilitate vestra, vt cuncta sua prius & ecclesiam recipiat, sicut & sanctiss. Leo archiepiscopus iudicauit. Ac mox omnes reuerendiss. episcopi clamauerunt: Theodoretus dignus est sede ecclesiæ &c. Post Deum Leo iudicauit. Eadem deniq; sententia ab reliquis episcopis prolata, tandem & gloriosissimi iudices dixerunt: Secundum decre-

decretum sancti concilij Theodoretus sanctiss. episcopus Ecclesi-
am ciuitatis Cyrrici recipiet. Atque hinc videmus, quid discriminis
fuerit inter seculares & ecclesiasticos iudices, vt videlicet hi de-
cernerent, quid credendum, quidve faciendum esset: illi vt quod ab
eis decretum foret, executioni demandarent. Et hoc est, quod
Philippus Melanchthon alicubi dicit, Principes custodes tantum
esse primæ & secundæ legis tabulæ, qui gladio animaduertant in
legum violatores. Dioscorus igitur & Eutyches hac synodo Chal-
cedonensi condemnati sunt, factaq; sunt omnia iuxta sententiam
quæ fuit ante synodum lata per Leonem primum Pontificem Ro-
manum. Ac tametsi legati Paschasius, Lucentius & Bonifacius Ro-
mani Pontificis locum tenuerint, nihilo secius missum fuit ad pō-
tificem, & a synodo petiit, vt quæ fuerant à Patribus constituta,
confirmaret, quod & fecit. Cæterum decretum illud quo Constā-
tinopolitanum archiepiscopum proximum à Romano Pontifice
locum habere pronunciatum est, præter legatorum suorum consen-
sum, ratum non habuit. Iam & illud hinc mihi monendus es Smide-
line, in hac eadem actione, huius concilij prima, quam tu tam opo-
sè adduxisti, pontificem Romanum vocari caput omnium ecclesi-
arum, grauiusq; accusatum Dioscorum, quod synodum ausus sit
facere sine auctoritate sedis Apostolicæ, quod nunquam ritè factū
sit, nec vnquam licuerit, vt habent verba actionis primæ. Præterea
vocari hinc episcopum Romanum vniuersalis ecclesiæ episcopum,
quæ cum tu nusquam non impugnes, hinc conuiuentibus oculis p-
terijsti: scilicet moris est tibi, ea quæ tuis vsibus seruire videntur,
decerpere, reliquis intactis aut dolosè dissimulatis. Sed vt ad insti-
tutum reuertamur, si principes non tam executores quàm iudices
in concilijs fuerunt antiquitus, qua fronte laudatissimus Athana- Epist. ad so-
lit. vitæ agē.
sius tam acriter expostulans inquit: Quomodo conuentum syno-
dum appellare audent, cui comes præsedit? & alibi, Quando à cō-
dito tuo auditum est, quod iudicium ecclesiæ auctoritatem suam
ab Imperatore accepit? aut quando hoc pro iudicio agnitum est?
Plurimæ quidem synodi fuere, multa iudicia ecclesiæ habita sunt,
sed neq; patres istiusmodi res Principi persuadere conati sunt, nec
princeps in rebus ecclesiasticis se curiosum præbuit. Verum statu-
amus,

amus, principes aliquas iudicandi partes in concilijs habuisse, quid hinc probauerit aduersarius? scopus huius disputationis de legitimis Ecclesiasticarum controuersiarum iudicibus eò tēdit, an principes priuata auctoritate, citra præsidum ecclesiasticorum consensum, Religionis dogmata vel nouare, vel mutare, vel abolere queant, uti nonnullos hac tempestate fecisse constat. Illud est quod præcipuè in controuersiam venit, quodq; ex veterum annalibus aut concilijs probandum restabat aduersario. Legimus quidem illud machinatum fuisse Constantium: sed quibus elogijs eum Athanasius Catholicæ fidei vindex exceperit, non ignoramus, dum scribit illum Antichristi imaginem induisse: scimus præterea, quibus verbis Basilius, Ambrosius, & pleriq; alij plerosque principes ab eiusmodi institutis submouerint. Quod igitur vel vnus aliquis Princeps eam iudicandi auctoritatem vsurpauerit, quam hodiè nonnulli vsurpant, ut scilicet spretis ecclesiæ præpositis, ipsi pro suo arbitratu religionis nouatiōem legitimè instituerint, quæ Religio p̄ sana, recta & catholica sit agnita & recepta: illud, inquam, est quod probandum incumbit Smidelino, ut hanc facultatem principibus asserat, quam nullo vnquàm tempore catholicum principem sibi vendicasse patet ex veteri definiendarum controuersiarum cōsuetudine: quam ut nunc prosequamur, quintum exemplum profereamus, si priùs telū, quod iam videre videor moliri Smidelinū, auertero. Confugiet fortassis ad veteris testamenti synagogam, dicetq; Iosaphat abstulisse excelsa & lucos de Iuda &c. Ac licet ego noui testamenti exempla requiram ab aduersario, facilis tamen est responsio etiā ad synagogæ exempla. Abstulisse igitur Iosaphat excelsa & lucos concedimus: verū id nec inuitis, nec exclusis sacerdotibus fecit, nec vllum de religiōe iudicium vsurpauit, sed iisdem, de quibus dixi, sacerdotibus inuiolatum permisit. Sic enim legimus 2. Para. 19. Cōstituit Iosaphat Leuitas & sacerdotes & principes familiarum ex Israel, ut iudicium & causam Domini iudicarent, præcepitq; eis: Omnem causam quæ venerit ad vos fratrum vestrorum, vbicunq; quæstio est de lege, de mandato, de cæremōnijs, de iustificationibus, ostēdite illis &c. Amarias autem sacerdos & pontifex vester, in ijs quæ ad Dominum pertinent, præsidebit.

Porro

Porro Zabadias filius Ismael, qui est dux in domo Iuda, sup̄ ea opa erit, quæ ad regis officium pertinet. Similia ferè leguntur de Ezechia & Iosia. Verum quid aliud hi fecerunt, quàm quod Martianum Imperatorem & plerosq; alios fecisse legimus, qui Dioscorum, Eutycheten, atq; alios id genus velut excelsa quædam, (dum videlicet vniuersali ecclesiæ sese opponebant.) audita concilij sententia, suis episcopatibus submouerunt, legibus & pœnis in rebelles & hæreticos promulgatis? Hoc scilicet est officium magistratus, ut in excelsa illa, in illos superbix & rebellionis spiritus, gladio animaduertant. Nunc ad quintum exemplum progrediamur. De Valentiniano igitur Imperatore scribit Zosomenus, cum per episcopum Hy-
 pacianum verbis episcoporum per Hellespontum & Bithyniam agē-
 tium fuisset rogatus, ut episcopis ad corrigendum dogma conuenire permitteret, sic eum respondisse: Mihi qui sum in sorte plebis, fas non est talia curiosius perscrutari: sacerdotes, quibus ista curæ sunt, inter seipsos quocunq; loco voluerint, conueniant. Hic est ille Valentinianus, qui nec interesse voluit, cum Sixto Pontifici quædam crimina fuissent obiecta: sed surgens à Concilio, dedit in arbitrio Sixti episcopi, ut iudicaret iudicium suum. Simile quiddam à Carolo Magno factum fuisse dicitur in causa Leonis tertij Pontificis.

Li. 6. cap. 7.
Eccl. histo.

Cap. 7.

Ne hæreticos quidem Imperatores Ecclesiasticas causas iudicare voluisse.

Vsq̄ adeo autem Imperatores Catholici, iudicium in Ecclesiasticis causis sibi non arrogarunt, ut ne hæretici quidem id facere voluerint. Vnus fuit Valentinianus iunior Imperator, qui Iustinæ matris impulsu, cum adhuc puer esset propemodum, sibi de fide iudicium usurpare conatus est. Sed ab Ambrosio correptus, pœnituit eum facti: tanto in Ambrosium affectu post incubuit, ut quem antea persequeretur, eum diligeret: quem antea ut aduersarium repellebat, eum ut parentem putaret, sicut ipse in quadam epistola scribit Ambrosius. Non dissimile quiddam ausus fuit etiam Imperator ille & re & nomine Basiliscus

Amb. epi. 34.
lib. 5.

DD 3

liscus

Lib. 3. ca. 4.
Hist. eccle.

Basiliscus, qui circulares dedit literas, quibus Chalcedonense concilium & Leonis libellum per anathema damnauit. Quod tamen ipsum fecit, Episcoporum suorum, qui non pauci numero fuerunt congregati, sententiam secutus, qui circularibus etiam literis eiusmodi subscripserunt, ut magis exequutoris, quam iudicis officio functus videri possit. Sed has tamen ipsas literas circulares non ita multo post aboleri & eis contrarias scribi iussit, sicut apud Euagrium, Liberatum, Nicephorum legimus. Ad eundem modum & Constantius, quo nihil in religione fuit inconstans, qui primus ex Imperatore Christiano factus erat Arrianus, quicquid egit contra Catholicos, non propria sua, sed episcoporum autoritate, quos frequentè conuocabat, faciebat, & quotannis ferè nouam fidem cudi procurabat.

Atha. in epi-
ad solitaria
vitam agen.

Quauis autem autoritate synodi iam fuerat Athanasius condemnatus, tamen vide Smideline, quantum ille positum putabat in vno Pontifice Romano Liberio, quem partim vi & minis, partim etiam pollicitatione munerum, sicut ipse scribit Athanasius, pertrahere conabatur, sed frustra tamen, ut Athanasij damnationi subscriberet. Tam ardenti desiderio tenebatur autoritate episcopi Romanæ urbis firmari, quod iam impletum esse sciebat, sicut ab Ammiano quoque Marcellino memoriæ proditum est. Intelligebat enim irrita fore omnia, quæcunque acta ab alijs fuissent, nisi Romani Pontificis consensus accessisset. Athanasius autem ferendum non esse putauit, ut quicquam sibi iuris arrogaret Imperator in Synodis episcoporum. Qui sic alicubi scribit: Qua fronte talem conuentum synodum appellare audent, cui Comes præsedet? Et in epistola ad solitariam vitam agentes: Obtendit, inquit, in speciem Episcoporum iudicium, sed interim facit quod illi volupè est. Si istud est iudicium episcoporum, quid commune habet cum eo Imperator? Quandò à condito æuo auditum est, quòd iudicium Ecclesiæ autoritatem suam ab Imperatore accepit? aut quandò vnquam hoc pro iudicio agnitum est? &c. Vides Smideline, quæ fuerit Athanasij sententia: vides etiam Constantium Imperatorem quantunus hæreticum, agnouisse iudicium Episcopi Romani. Quin & crudelissimus ille Catholicæ fidei persecutor Hunericus legitur cau-

sæ Ecclesiasticæ iudicium ad episcopos relegasse. Idem refertur de quodam Imperat. Theodorico Arriano.

Cap. 8.

Smidelinus conuictus, quod principes non sint legitimi iudices causarum Ecclesiasticarum, respondet, tametsi Principes doctorum iudicio ducantur, non tamē eos sinē iudicio suæ conscientie illis assentiri. obiterq; demonstratur, quā vanē hisce technis effugere queat in summas angustias redactus.

HAec ex D. Stanislao Hosio, fusiùs hæc omnia pertractante, visum est breuiter decerpere, & summa sequi fastigia rerum, quod aduersariorum importunitatem euidentissimè conuincant. Quibus cū Smidelinus se arctari & constringi videret, tandē in refutatione sua contra Hosium cristas nonnihil remittens, sic ait: Sed cum quo contendit Hosius? Smid. quem sibi antagonistam fingit Hosius? Brentius certē non est qui contradicat. Si enim controuersia aliqua exoritur in doctrina religionis, ad quē rectiùs reiicietur eius examē, quā ad ecclesiæ ministros? qui, sicubi in phrasi obscuritas est, præsidio cognitionis linguarum respondere possunt: si sententia obscura est, alijs apertioribus verbis declarare possunt. In tali episcoporum confesso, si maximè sedeant vel principes vel reges vel Imperatores, audire malunt, quā pronunciarē: dijudicatione verò audita & cognita, quā ex collatiōe scripturarum profectam vident, suum quoq; consensum adiungunt: vt quauis iudicio doctorum ducantur, non tamē sinē iudicio suæ conscientie illis assentiuntur. Hæc Smidelinus.

Mirum quod iam tādē aliquid de sua pertinacia remiserit homo pertinacissimus, & episcopis aliquas in iudicando partes dederit. Sed Brentius in epistola contra Petrum à Soto, episcoporum non meminit. Verū quid tibi vis, Smideline, dum ais, Principes tametsi iudicio doctorum ducantur, non tamen sinē iudicio conscientie suæ assentiri? An sinē ratione & iudicio conscientie suæ episcopos & præpositos Ecclesiæ videntur audire principes, quādo ex omnibus terrarum plagis conuocati, & de religionis negocijs in

js in œcumenico concilio consultantes, & quid sequendum credendumve sit definientes, audiunt & sequuntur? An ne magno cum iudicio conscientia suæ tibi agere censebitur princeps ille, qui vniuersæ Ecclesiæ decreto acquiescit, qui hanc, & in hac ipsa ipsum spiritum sanctum loquentem audit? An ne ἀλογιστῶν & omni rationi è diametro contrariū fuerit, Principem ciuilibus causis perpetuò occupatissimum, ad sui iudicij examē velle reuocare, quod amplissimus & facerrimus ecclesiæ præsidum Senatus, immò quod ipsa Ecclesia, ipse Spiritus sanctus sua inuiolabili sententia extra omnem controuersiam constituit, decreuit ac definiuit? Hoc si concedendum sit, quid superest aliud, quàm vt quilibet Arrij, Nestorij, Eutychetis, Pelagij, Iouiniani, Manis, ac Donati, reliquorūq; heresiarcharū damnatas hereses ab inferis resuscitet, ad incudē reuocet, suo iudicio discutiatur, & si videbitur, denuò in concionē producat, quemadmodum multis in locis factitatum conspiciamus? Nōne ante triennium in quodam Morauia oppido Sternberg (vt refert D. Fredericus Staphylus in Apologia sua) quidā Euangelicū concionator docere cœpit Christū non esse Dei, sed Ioseph & Mariæ filium, quē non hunc solū, sed complures etiā alios filios peperit: Ioannis Euangelium, esse figmentum Platonis: Baptismū, inuentum satanæ: in Deo nullam esse Trinitatem, incertumq; utrū hæc mas sit, an fœmina? Sunt etiā in Vngaria, qui baptizantes, filij nomen penitus omittunt. Sunt Seruetiani, qui S. Trinitatem (horresco referens) vocant tricipitem Cerberum. Refert ibidem Staphylus ex quodam Stanislao Barone Polonico, in Polonia oppido Pintzou, quendam Georgium Brandatā & Petrum Statorium publicè docere, non vnum, sed tres esse deos, qui equè à se sint diuersis essentijs diuisi, ac tres separati homines. Itaq; non vnam esse diuinitatis essentiam, sed tres essentias, tres discretas actiōes, tres voluntates, filiumq; esse patre minorem: Symbolum verò Athanasij, meritò debere symbolū Sathanasij appellari. De his tantis in Deū blasphemijs, cū Brandata & Statorius essent admoniti & rogati, quorum freti autoritate, talia auderent spargere: eos respondisse, primū autoritate Caluini, Vuolffgangi Musculi, Petri Martyris, Bullingeri & similibus, qui planè idem sentiant ac profiteantur:

De-

Deindè euidèntia veritatis diuinæ, quæ hætenùs occultata latue-
rit, iam verò diuinitùs sit reuelata. Adiungit & illud, ante bienniū
exortam esse hæresim in Boëmia, quæ palàm dicat, omnes reliquas
opiniones de Deo, de cultu diuino, de fide, de bonis malisve ope-
ribus, ac de ipsa deniq; salute hominum, aniles & friuolas esse fabu-
las: hanc vnicam legem ratam esse firmamq; præ om̃ibus, hominis,
cū mortuus sit, & corpus & animam penitùs interire, nec post
mortem vllum animæ sensum relinqui.

Idem nunc in Anglia plurimos sentire, & à multis audiui, & cū
istic agerem, non obscurè perspexi. Quæ autem est horum mōstro-
sissimorum errorum causa? Quæ alia, quàm quòd illis quæ semel
rectè definita sunt, nō acquiescimus, q̃ nullis decretis sinè nostro
iudicio volumus assentiri? Sed vt ad principes reuertamur, si prin-
ceps episcoporum & conciliorum decreta tutò sequi non poterit,
sed suo ea iudicio examinabit, non potest non vanum esse & com-
mentitium, quod D. Paulus ad Ephesios scribens, ex Psal. 67. pro-
fert: Ascendens Christus in altum, captiuam duxit captiuitatem:
dedit dona hominibus. Quæ autem sint illa dona, subiungit Apo-
stolus: Et ipse dedit quosdam quidem Apostolos, quosdam autem
prophetas, alios verò Euangelistas: ab hac enim triplici functione
& ministerio, nempe Apostolorum, Prophetarum, & Euangelista-
rum, scriptura sacra ex Sanctispiritus instinctu confecta est. Porro
cū eadem multis scateat mysterijs, eam ob rem Christus Domi-
nus non modò Apostolos, Prophetas & Euangelistas, sed præterea
etiàm pastores & doctores dedit, qui Apostolicæ & ppheticæ do-
ctrinæ verum germanumq; sensum populo tradant & explicent, nè
sint paruuli fluctuantes, & circūferantur omni vento doctrine. Al-
terutrum igitur dicendum fuerit, vt vel pastores & Doctores insti-
tuant principes, eisq; diuinorum mysteriorum explicationem tra-
dant, vt vult Apostolus, aut vt hi iudicis & doctoris personam sus-
cipiant in illos. Eligat ex his Smidelinus vtrum volet: mihi sanè
sententia est, Apostolo subscribere, cū scriptura sacra propria in-
terpretatione non fiat, vt loquitur D. Petrus: & Prophetæ abomi-
nantur illos, qui sequuntur spiritum suum. Hinc enim fit, vt si prin-
ceps vel præfectus aliquis sit Suencfeldianus, eandem etiàm reli-

Eph. 4.

2. Pet. 2.
Eze. 13.

E E

gio-

gionem docere cogatur Ecclesiastes. Si verò Zuinglianus vel Osiandrinus, vel Anabaptisticus vel Illyricanus &c. iam plebs repudiata priori religione, nouam fidei formam amplecti compellitur. Nos igitur, expulso hoc Smidelini seditioso schediasmate, apostolicam doctrinam amplectimur, ex qua discimus, ex institutione diuina quosdam doctores & pastores in ecclesia constitutos. Deinde nihil dubitamus de certissima promissione Christi, qua promissit se ecclesie suae, id est, iuxta D. Chrysostomum, pastoribus & prepositis eius, adfuturum usque ad consummationem seculi. Scimus præterea, quàm seuerè præceperit ut Ecclesiam audiamus, cuius umbram synagogam sinè omni tergiversatione voluit audiri, nec sustinuit prolatam à sacerdote sententiam ulteriori examine discuti. Si umbram ecclesiae tantam auctoritatem obtinere voluit, utique maiorem aut certè non inferiorem ipsi ecclesiae tribuisse dicendus est.

Matth. 28. Quæ igitur semel patefacta sunt quærere, inquit beatissimus Leo, quæ perfecta sunt retractare, quæ definita sunt conuellere, quid aliud est, quàm de adeptis gratiam non referre, & ad interdictæ arboris cibum, improbos appetitus mortiferæ cupiditatis extendere? Et inuictissimus ille Christi diuinitatis vindex Athanasius, Apologia 2. Quæ nunc, inquit, à tot ac talibus episcopis probata sunt ac decreta, superuacaneum esse denuò reuocare in dubium, nemo nõ confitetur. Facile hoc agnouerunt pientissimi Imperatores Valentinianus & Martianus, loquentes de concilio Chalcedonensi: Verè impius atque sacrilegus est, inquiunt, qui post tot sacerdotum sententiam opinioni suæ aliquid tractandum relinquit. Extremæ quippe dementiae est, in medio & perspicuo die commentitium lumen quærere &c. Accedit huc, quòd concilia Oecumenica legitime conuocata, vniuersam repræsentant ecclesiam, quæ cum sit columna & fundamentum veritatis, cum promissionem habeat à Christo, portas inferi aduersus eam non præualituras, utique errare non potest. Huius igitur decretis qui obtemperare nolit, qui priuato iudicio sanctiones illius discutere & examinare contendit, nec assensum suum præbet, nisi suo ingenio per omnia satisfactum sit, an nõ verè impius atque sacrilegus erit, uti pientissimi Imperatores pronunciant, qui post tot sacerdotum sententiam suæ opinioni aliquid tra-

Epist. 78. ad
Leonem Augustum.

1. Tim. 3.

tractandum relinquit? Per illos enim vniuersam ecclesiam loquentem audit. Plenarij concilij sententia, inquit D. Augustinus contra Donatistas, totius ecclesie consensus est. Sic in libris Regum legimus, omnis ecclesia Israel stabat, id est, maiores & primores Ecclesie. Porro si concedis, Smideline, Episcopos & Ecclesie ministros 3. Reg. 8. controuersiarum religionis esse iudices, ita tamen, vt principes sine iudicio sue conscientie non teneantur assentire: quid, quaeso, nobis concedis? Quid si Arrius aliquis exurgens, controuersiam de diuinitate Christi resuscitet, Ecclesie ministri tueantur τὸ ὁμοούσιον & consubstantialitatem, Arrius reclamet, Constantius adstipuletur Arrio? Quis tandem erit contendendi finis, si ecclesie proceres pedebunt ab assensu & voluntate Constantij? Vides Smideline, tuorum paradoxorum absurditatem. Recte igitur Augustana Confessio sine vllius conditionis additamento, ecclesie ministros doctrinę ecclesiasticę censores & iudices pronunciauit. Disertis verbis in ea confessione scriptum continetur: Secundum euangelium seu (vt loquuntur) de iure diuino nulla iurisdictio competit episcopis vt episcopis, hoc est, ijs quibus est commissum ministerium verbi & sacramentorum, nisi remittere peccata, item cognoscere doctrinam, & doctrinam ab euangelio dissentientem rejicere, & impios quorum nota est impietas, excludere à communione ecclesie. Vanissimum autem est, quod tu Hosium, hoc placitum vestrum adducentem, calumnie redarguis.

Augustana, inquis, Confessio docet, ad episcopos non pertinere ius gladij, sed ministerium docendi Euangelij. Ex hoc sese probare confidit Hosius, ad principes non pertinere iudicium & cognitionem, quod authoribus confessionis nunquam in mentem venit. Sed quem mendaciorum non pudet, quomodo pudere posset deprauationum & calumniarum? Haftenus tua verba Smideline.

Vbi rursus insignem illam tuam impudentiam satis admirari nequeo. Qua fronte enim dicere audes, authoribus Confessionis Augustanę nunquam venisse in mentem, ad Principes non pertinere iudicium & cognitionem, cum disertis verbis, etiam te ibidem recitante, dicant episcoporum esse cognoscere doctrinam, & rejicere

cere doctrinam ab Euangelio dissentientem, nisi tu fortè principis & episcopi munus confundas? Vbi frons? vbi mens tua? Neque verò dissentit ab hac sententia Philippus in breui quodā scripto, quod de hac ipsa materia edidit, vbi non permittit principibus de doctrina iudicādi potestatem, verū custodes eos tātū esse vult primæ & secundæ legis tabulæ, hoc est, sicut Catholici interpretantur, vt meminerint se non sinè causā gladium portare, præbeāt sese ecclesiæ vindices & aduocatos, nè sustineant hæreticos pro DEI verbo sua commenta simplici populo venditare, vt eos quos ob notam impietatem & manifestam pertinacemq; hæresim Ecclesiæ præpositi à communione ecclesiæ excluderunt, (vtor verbis Confessionis Augustanæ) pergentes tumultuari & seditiones excitare, ense recidant, nè pars syncera trahatur.

Cap. 9.

Brentius quomodo iudicium causarum Ecclesiasticarum inuoluat. Item ne Ethnicos quidem Imperatores vsurpasse sibi iudicium causarum ecclesiasticarum.

IAm & ipse Brētius quomodo inuoluat iudicium causarum ecclesiasticarum, quomodo nunc principes, nunc quemuis ex plebe, nunc scripturam ipsam, nunc quemcunq; verbum Dei adferentem, nunc spiritum sanctum intrinsecus in cordibus nostris certificantem, nunc Christum iudicem constituat, nōrunt illi qui legērunt epistolam eius ad illustriss. Ducem Vuirtemb. contra Petrum à Soto. Quorsum opus est, tot tamq̃ue incertis & friuolis ambagibus, vbi & sacræ literæ, & veteris synagogæ obseruatio, & perpetua praxis & vsurpatio vniuersæ Ecclesiæ Catholicæ ab Apostolorum temporibus ad hodiernum vsq; diem, vbi constans ille & concors vetustissimorum ecclesiæ doctorum cōsensus, vbi tot doctissimorum virorum luculenta testimonia, vbi tam multorum laudatissimorum Principum exempla & edicta, immò & Senatūs populiq; Lutherani placita breuissimo certissimoq; compendio demonstrāt, qua via, qua methodo insistendum, quo ordine & modo in eiusmodi controuersijs agendum? Brentius hæc ridere, Smidelinus criminari,

minari, hæreticus execrari potest, veris & iustis rationibus refelle-
re non potest. Vis iam Smideline, vt etiã Ethnicorum exemplo
demonstremus, fas non esse, quod tu fas esse ducas, vt secularis ma-
gistratus (ad quod tam gladiatorio animo classicum canis) Ecclesi-
asticis se causis immisceat? Difficile quidem id esse videtur, sed pi-
culum tamen faciemus. Fuerat à Catholicis episcopis propter he-
resim ex communione piorum eiectus & episcopatu priuatus Pau-
lus Samosatenus, quo tempore Imperij gubernacula tenebat Au-
relianus Imperator Christianæ fidei persecutor. Paulus, quoniam
videbat Imperatorem Ethnicum, episcoporum decretum contem-
psit, nec ab Ecclesiæ domo voluit abstinere. Quid facerent catho-
lici? Confugerunt ad Imperatorem ethnicum. Ille verò quanuis
Ethnicus, intelligebat tamen sui muneris non esse, vt inter episco-
pos iudicaret. Sed conuenientissimè decreuit, sicut scribit Euse-
bius, vt illis ea domus adiudicaretur, quibus episcopi Italia & Ro-
mæ in dogmate concordēs scriberent. Ità Paulus per summā igno-
miniam Ecclesia pulsus est. Vides quemadmodum nec Ethnicus
Imperator licere sibi putauit, vt episcoporum se ducem constitue-
ret, verum ad suos iudices eos remiserit. Vides non modò Catho-
licos, verum ne hæreticos quidem, quantunlibet nonnullos eorum
sæuissimos tyrannos, quin etiã ne graues quidem Christianæ fi-
dei persecutores Imperatores Ethnicos, fas esse sibi putasse, vt in-
ter Episcopos de causa fidei cognoscerent: & tu Smideline illud
modò regibus & principibus, modò etiã cuilibet ex infima vulgi
fæce licitum & integrum esse cõtendis? Quæ est hæc animi tui tam
effrenis impotentia? quod est istud tam ardens Apostolicæ sedis
& Catholicorum episcoporum odium, vt & superioris & huius æta-
tis nostræ hæreticos pertinacia, Principes tyrannos crudelitate, im-
peratores Ethnicos peruersitate superare coneris, dum modò odio
tuo plusquàm Vatiniano satisfacias? Hoc quod iam retulimus ex-
emplum, inter cætera quoq; refert Hosius, quod tu tanquàm elu-
be & ineptū exhibilas, videlicet nō esse mirum si Impatores Ethnici
causas religionis, quam illi repudiabāt, ad episcopos relegauerint:
quod tamen si ita sit, dignum tamen obseruatu est, nec ad vesaniam
vestram, qua in Romanam ecclesiam insurgitis, confutandam parū
effi-

Nicep. li. 6.
cap. 29.
Eusebius lib.
7. ca. 26. Ec-
cle. hist.

efficax, quodd Aurelianus controuersia definitionem eorum iudicio episcoporum præcipuè commiserit, qui Italiæ & Romæ præficerent, quibus dum tu petulantissimè insultas, nunc antichristos, nunc idola eos appellitans, audi quid D. Cyprianus Pontifex & Martyr Nouatiano episcopos iudicare volenti, respondeat: Ad hoc deponenda est Ecclesiæ Catholicæ dignitas, & plebis intus positæ fidelis atq; incorrupta maiestas, & sacerdotalis quoq; autoritas ac potestas, vt iudicare velle se dicant de Ecclesiæ proposito extra ecclesiam constituti? de Christiano hæretici? de sano sauci? de integro vulnerati? de stante lapsi? de iudice rei? de sacerdote sacrilegi? Tibi dictum hoc esse putes, Smideline, tibi qui tanto & tam Satânico odio Romanam & Catholicam Ecclesiam, eiusq; episcopos & Pontifices persequeris, qui te ipsum accusatorem, testem ac iudicem totius Ecclesiæ Catholicæ constituis. Tibi quoq;, etiam nūm hodiè in scriptis viuens ac loquens, dicit D. Augustinus: Cathedra quid tibi fecit Ecclesiæ Romanæ, in qua hodiè Anastasius sedet? (in qua hodiè Pius V. totius orbis testimonio laudatissimus Pontifex sedet?) Videlicet hoc est quod ardentissimo odio Cathedram Romanam persequimini, vt quemadmodum Epicurei eam quam vehementer reformidabant diuinam prouidentiam, nullam esse dicebant, vt liberiùs ipsi in illo turpissimo voluptatum cæno volutarètur, ita vos, gubernatore sublato, atrocius circa Ecclesiæ naufragia grassemini.

Augu. lib. 2.
cōt. lit. Peti-
lia, ca. 51.

Cap. 10.

Ab exemplo Caroli Quinti & Ferdinandi Imperatorum demonstratur, quorsum pertineat iudicium causarū Ecclesiasticarum: & obiter nonnihil de historia Socratis, & iudicio Theodosij.

Sed vt à tuo tam deliro & arroganti iudicio, ad principes reuertamur, quod vis illustrius ac præclarius exemplū Christiani Principis, quàm nostra hac tempestate in Illustrissima Austriacæ domus familia? Obserua qualem se præbuerit D. Ferdinandus Augustus, qualem inuictissimus pientissimusq; eius frater

frater Imperator Carolus Quintus, quod iam non meis, sed Hosij Antistitis verbis tibi recitare pergam: Non, inquit, te clam est proculdubio, quemadmodum Leo decimus Pōtifex Romanus, Martinum Luterum ante annos plus minus triginta sex, errantem in viam reuocare conatus fuerit. Apud quē cū nihil paternis adhortationibus profecisset, de consilio patrum amplissimorum, & eorū qui sacrarum literarum doctrina præstabant, Martinum vestrum hæreticum pronunciauit. ac misso nuncio ad vnum omniū Christianissimum Imperatorem, vereq; Catholicum Regem Carolum, postulauit ab eo tanquā primario filio & aduocato, vt sedis Apostolicę sententiam secutus, pœnas contra eum decerneret, quibus hæretici condemnari consueuerunt, iuxta morem à priscis Imperatoribus Christianis & orthodoxis obseruari solitum. Quid ad hæc pientissimus Imperator, auitæ religionis & puri verbi DEI pugnator acerrimus? Minimè grauatim se facturum ostēdit, quod à primario ecclesię filio & aduocato factum oportebat. Quoniam verò nonnulli vehementer instabant, vt prius hominem ad se vocaret, quā ad executionem decreti à sancta sede Apostolica lati processisset, nec illis negare, nec aliquid quod personę suę nō esset, admittere voluit. Quamobrem nē secus aliquis factum hoc illius interpretari posset, in suo proscriptionis edicto, quod promulgari fecit, causam, cur eum accersiri voluerit, ijs verbis ascripsit: Non vt nos, inquit, de negotio hoc iudicemus aut cognosceremus, cū id proculdubio ad Rom. Pontificem & sedem Apostolicam pertineat; neq; res sacrosanctę fidei nostrę tandē post tot secula per nouas altercationes, cum magno fidelium scandalo & perturbatione ac infidelium derisione in controuersiam vocari pateremur, sed vt cum vulgi & plurimorum itā petentium satisfactione hominis animum percontantes, eum bonis monitionibus & suasionibus ad rectam semitā, si fieri posset, reduceremus. Vides quēadmodum & hic non obscure p se tulerit, sui non esse muneris de doctrina religionis cognoscere? Clarius autem etiā id ostendit, cū ei ante annos vigintiseptem libellus Augustanę confessionis oblati, iudiciūq; fuisset illius requisitum: tum enim nulla circuitiōe vsus, respondit his, qui hoc à se postulauerunt, non velle se quic-

quicquam determinare, neq; posse concludere de negotio religionis, verum apud Pontificem Romanum pro officio suo diligenter se daturum operam de cōgregando Concilio generali. Agnoscis, opinor, verba vestre Confessionis Augustanæ. Sic sibi religiosissimus Imperator nihil eorum vsurpare volebat, quæ sui non esse muneris intelligebat. Haftenus ille.

Eas iam Smideline, & iactes historiam Socratis, quam si non vidit Bredenbachius, vidit tamen illa, quæ de hoc laudatissimo Imperatore Theodosio probatissimi quique historici commemorant, ad quæ rursus tu more tuo prorsus obmutescis, ut interim quod li. 12. ca. 15. Sacrates à plurimis improbetur, hic prætereā. Vidit quæ Nicephorus in eadem cum Socrate sententiam scribit, quibus bona fide recitatis, respondet: Ostendimus, inquit, ex Nicephoro, quomodo Theodosius in eo concilio non sit nixus suo ipsius consilio & iudicio, sed semper habuerit sibi coniunctum episcopum suū Nestarium, tanquam generosus aries in grege suum pastorem: huius consilij atq; illius Sisinnij, illa quæ diximus, gessit. Huius, inquam, Nestarij præiudicio fretus, ecclesiæ catholicæ sententiā amplexus retinuit, & cum summa admiratione veneratus est. Haftenus ille.

Ad hæc, tum etiā ad gesta verè Magni illius Imper. Cōstantini in Cōcilio Niceno, respondere te oportebat Smideline, quod quia nulla veritate, quantumvis fucata, facere potuisti, neq; unquam poteris, illis planè dissimulatis, præ nimia animi tui impotentiā excandisti, & velut enthusiasmi cuiusdam paroxysmum sustinens, plenis conuiciorum plaustris Bredenbachio insultasti: quibus si ego te vicissim petere vellem, neq; occasio, neq; materia me destitueret. Verum satis habeo tuas calumnias cum veritate refutasse. Conuicij & contumelij in Catholicos profusis, fortassè tuorum aures demulces: veritatem tamen orthodoxam, quam sola habuit, habet & perpetuò habitura est Ecclesia Catholica, non expugnas, immò ne ledis quidem, sed instar rubiginis ferrum consumētis, vestram ipsorum causam afflictio rem reddis, spirituumq; vestrorum (quos p. 1. Iohan. 4. bari vult Apostolus, an ex Deo sint) nativam indolem testatam & apertam facis.

Cap. xj.

Cap. xj.

*Quàm malè sibi consulat Brētius, quòd talem elegerit ad-
uocatū, qualis est Smidelinus.*

P Rosequitur Smidelinus: Sed ut donemus, inquit, tibi Smid. ignorantiam, qua abundè te ipsum hoc libello commendas, quæ causa tibi fuit debacchandi aduersus innocentè Brērium, de Republica Christiana optimè meritum? &c.

Videri posses ex hoc quidem gustu vir non per omnia pessimus, Bred. videlicet amicitiae cultor. Sed Marcus Tullius & Aristoteles tuentur, non esse inter malos amicitiam: Vos autem an mali dicendi sitis, quos vniuersa ecclesia, & quidem illa quæ ab Apostolorum temporibus vocata fuit Catholica, cognouit, pronunciauit, ac damnavit hæreticos, cuiusvis æqui rerum arbitratoris esto iudicium. Cæterum multi suspicantur, Brentium sub Vulcania larua latitantem, suam hinc innocentiam, eruditionem, probitatem & merita sibi reuindicare & orbi commendare. Quæ si putat se verè unquam possedisse aut possidere, non est quod metuat per vllius hominis sinistram opinionem vllum dispendium acceptura, nedum per Bredembachium, quem de Lutero potius eo loci commemorasse non improbabiliè dixerimus, qui primus omnium se censorem totius orbis constituit, quiq; plusquam lupina rabie concitatus, seipsum vrsam & leonem Catholicis fore pollicetur. Luterum, inquit, habebitis vrsam in via, & leonem in semita. Quod cum re ipsa presterit, non est quod indigneris illum cum suo dissertatore Diabolo lupum nominari. Sin autem Brentius hanc purgationem per conductitium aliquem rabulam expedire, & tua dicacitate ad delicias suas abuti maluit, Smideline, iam non Bredenbachius, sed ipse Brentius suam ipsius existimationem etià apud illos, qui hactenus fortassis præclare de ipso senserunt, vehementer ambiguum & suspectam reddit, qui causæ societatem cum te tali (nolo enim hinc personæ tuæ adiacentia, connexa, aliorumq; pronunciata oppositis commemorare) non erubescat contrahere, cum nōrit vulgò dictitari, aues eiusdem coloris, plerunquē simultaneo volatu deletari. Si Dion Prusensis Homerum semper ferè mendacio dele-

Vide Rosæ.
in plogo
defensiois
assertionis
regis Angliæ.

FF

Sta-

ctatum, ex eo collegit, quòd Vlyfsem illum erronem delicias suas omnia ferè mentientem inducit, possent homines arguti, Brentij ingenium ex tuo iudicio, quem pro se loquentem inducit, qui in dolis, technis & mendacijs fabricandis Vlyffis ingeniũ bellè æmulatus videris, vt Brentio fidelitèr feruias. Proindè rectè in te exclaimare videtur Lyricus: O imitatores seruum pecus.

Cap. 12.

Ecclesiam militantem non carere maculis suis, & Euangelicos falsò suum negocium comparare causæ Apostolorum.

QUòd ad vitia & abusus, quos tu iam hìc denuò obmurmuras, attinet, fatemur cum Bredenbachio, immò & tecum, ecclesiam ab his non esse immunem: sed neq; fuit etià in ipsis primordijs, vt suprà docuimus, nec erit vnquàm ab huiusmodi prorsus immunis, quàm diù militat & peregrinatur in huius mundi deserto. Hìc enim locum habet illud ipsius sponsæ, Nigra sum, sed formosa. Nunc in loco pegrinationis suæ, si diceret, inquit D. Bernardus, quia nigredinè nò haberet, seipsam seduceret, & veritas in ea non esset. Sed erit tempus, vt dicat iuxta Prophetã, Repète vastata sunt tabernacula mea, subito pelles meæ. Priùs igit nìgra sicut vilissima tabernacula Cedar, postea formosa sicut pelles glorioli Salomonis. Nunquàm perfectò tam felicitèr actum est, cum rebus humanis, quin vel exigua aliqua hominum societas, malorum admixtu vitaretur. Notum est inter Apostolos fuisse Iudã, & tu inter tam multos, in tam magna Dei domo nulla sustinebis vasa lignea aut fictilia incontumeliam? nullam admittes in spòsa maculam aut rugã, nihil nigricans, nihil fuscum, quæ iam tanto tempore consistit in palæstra, versatur in agone, donèc bonum certamen certauerit, donèc cursum felicitèr consummauerit, doacè accepta corona exultet, gloriètur & triumphet cum sponso in æternum? Iam quid de vestris moribus attinet dicere? Quàm latum, quàm spatiosum dicendi campum mihi hìc præberent vestri adulteri, incestuosi, polygami, scortatores, temulenti, perfidi, proditores, perduelliões, aleatores, decoctores, & alijs mille flagitijs infames? Notiora sunt hæc, quàm vt exemplo

ege-

Can. 1.
Ser. 25. in
Cant.
Ierc. 4.
Can. 1.

egeant. Nimis prò dolor notum, nimis immane & luctuosum est, quod nupèr acerba bonorum omnium detestatione sensit Her-
 bipolis. Nolo plura id genus scelera, proditones & perfidias com-
 memorare, quæ velut densissima quædam seges, promicante hoc
 Euangelio, ita repente suppullulârunt, vt omnem omnium seculo-
 rum memoriam atrocitate & immanitate longè excedat. Dices,
 Christi & Apostolorum doctrinâ secutos esse tumultus & rumo-
 res bellorum. Longè, quidem aliud hoc est, Smideline: sed quæso
 te, quorsum ista vobis tam solennis & frequens comparatio? Quid
 Christi & Apostolorum causâ cum vestro illo tragico motu habet
 commune? Quis vnquàm propheta prædixit futurû, vt mox penè
 ab Apostolorum temporibus totus orbis ignoraret Christum, ac
 pro Deo coleret idola? tum quotquot in Apostolorum vicem suc-
 cessissent, excæcati nihil viderent in sacris literis? tādè verò post
 mille trecentos annos, à vobis nouis Euangelistis ad veritatis co-
 gnitionem reuocaretur? Videbatur sapientibus & prudentibus ab-
 surda Christi & Apostolorum doctrina, & verè arduum negocium
 moliebantur. Vos autem, si verum dicitis, certè causam longè dif-
 ficiliorem sustinetis, quàm olim habuerūt Apostoli. Nec enim pau-
 lò facilius erat, Iudaicos abrogare ritus, ac gentium superstitiõem
 destruere, quàm ea conuellere, quæ Ecclesiæ proceres magno cõ-
 sensu tot sæculis vt oracula Dei coluerunt, docuerūt, ac tenuerūt,
 hodieq; tenent. Nam gentium religio tantum habebat absurdita-
 tis, vt etiã qui inter illos literas scirent, aut paulò essent cordati-
 ores, intelligerent esse mera figmenta, quæ de dijs ferebantur, à cal-
 lidis hominibus in hoc excogitata, vt incõdita multitudo quæ phi-
 losophiæ rationibus gubernari nõ poterat, deorum metu vtcunq;
 contineretur. Sic Numa Pompilius Ageriæ Nymphæ familiaritatẽ
 simulabat, vt vel inanem religionis persuasionem incultis & fero-
 cientibus Romanorum Sabinorumq; animis ingereret. Homerus
 quoq; tametsi passim infinitam illam gẽtilium idolorum πολυθεϊαν
 suo assensu comprobare videretur, tectè tamen in Iliade, qua erga
 eiusmodi indigetes religione duceretur, insinuauit per catenam
 auream è cælo per Iouem demissam.

Herbipolis

FF 2

Cap.

Cap. 13.

Nihil unquam à prophetis prædictum, quòd mundus tantis tenebris obrueretur, uti obrutum esse iactant Euangelici, easq; ab ipsis illustrandas. Præterea Christi apud Matt. 24. de venturis pseudoprophetis, & Pauli ad Thessal. de Antichristo vaticinia, non de Catholicis & Romano Pontifice prædicta, ut contra Hosium adstruit Smidelinus, sed de ipsis potius hæreticis, verissimis antichristi præcursoribus, ac deum de ipso Antichristo.

I Am & prædictum erat Prophetarum vaticinijs, futurum ut gentes, relicto dæmonum & simulacrorum cultu, verum Deum agnoscerent, quemadmodum & de Iudaicis cæremonijs prædictum erat, futurum ut ad coruscantem Euangelij lucem velut umbræ euanescerent. At in his quæ vos conuellitis, si simplici & incorrupto oculo rem consideretis: quid, obsecro, absurdum aut ridiculum? Vbi deinde Prophetarum vaticinia de obruturis uniuersum orbem tenebris, & suborituro splendore Euangelij vestri, quæque abolita Cathedra Petri & episcopi Romani, nouam ecclesiæ reformationem auspicaturus esset Christus per Luterum? mox deinde Luteri doctrinam mutilandam & penè extinguendam per doctrinam Caluini? Nam quod Christus prædixit pseudoprophetas venturos, de vobis, totaq; hæreticorum colluie pronunciatum est, qui iam inde ab Apostolorum temporibus Ecclesiam oppugnaverunt: non de nobis, quotquot Ecclesiam Catholicam & huius doctrinam sequimur, tametsi tu aduersus Reuerendissimum Hosium, illud Christi locum apud Matthæum, Multi pseudoprophetæ surgent & seducant multos &c. in Catholicos torqueas. Pro pseudoprophetis hinc, semper habiti sunt hæretici, cuiusmodi fuerunt in primis Ebion, Cerinthus, Marcion, Nouatus, Manes, Arrius, Pelagius, Iovinianus, Nestorius, Heluidius, Vigilantius, Aërius, Donatus, & id genus pestes, à quibus omnibus oppugnata fuit ecclesia Catholica, & sincera Christi doctrina. Quæro iam ex te, Smideline, contra quos hi pseudo-

pag. 341.

Matt. 24.

pseudoprophetae surrexerunt? Contra vestram Ecclesiam, an nostram hanc Catholicam? Si contra vestram, dic ubi terrarum ea tunc fuerit, quos episcopos & praesides, quem clerum, quos populos, quas vrbes habuerit, in quibus agnita fuit. Iam si extra controuersiam est, hos fuisse pseudoprophetas, & certum est, vos eadem cum ipsis docere, eandem cum ipsis ecclesiam oppugnare, vides quos pseudoprophetas Christus notauerit. Porro quod eandem cum ipsis doctrinam profiteamini, itidem extra controuersiam est. Manes & Faustus Manichaeus, Cathari atque item Vigilantius calumniabantur Ecclesiam Romanam & catholicos, quod reliquias & sepulcra Martyrum venerarentur, quod Sanctos inuocarent. Eodem nomine & vos Catholicam ecclesiam idololatriam accusatis. Nouatus ac Donatus sacrum Chrisma & Confirmationis sacramentum contumaciter respuebant, teste Theodoro. Eandem impietatem tu Smideline, cum tuis foues. Aërius, teste D. Augustino & Epiphanio, docebat non esse sacrificandum pro defunctis. Idem tu cum tuis gregalibus passim declamitas. Porphyrius, Eunomius, & Eustathius miracula ad martyrum sepulcra designata, dicebant praestigias demonum: eandem blasphemiam tu isto ore tuo eructare non erubescis. Iouinianus virginitatem docebat non praestare matrimonio, nec maioris meriti existimandam. Idem tu cum tota fere subantiu symmystaru cohorte. Simon Magus, teste Theodoro & Ireneo, dictitabat, non per opera nos saluari, sed per fidem. Itidem & tu cum tuis dogmatizas. Possem id genus plures damnatae memoriae haereticos, etiam a teipso ac tuis, pro haereticis habitos, hic recensere, quibus cum causa ac doctrinae communionem habes, quiq; propter hanc ipsam doctrinam quam tu cum illis foues, ab vniuersa ecclesia Catholica damnati, a vobis etiam inter haereticos & pseudoprophetas censentur. sed de his fortasse dabitur aliam vberior dicendi locus. Vides igitur Smideline, & vel inuitus videre cogeris, te cum hisce pseudoprophetis ab ipso Christo notatum, nosq; admonitos, ut a te tuisq; magistris pseudoprophetis caueamus. Si vaticinijs delectaris, in vos & Luterum vestrum illud Ioannis competit: Et data est ei clavis putei abyssi, & apuit puteum abyssi, & ascendit fumus putei, sicut fumus fornacis magnae, & obscuratus est sol & aer de fumo

Hieron. contra Vigilantius

Hieron. aduer. Iouin. Lut. in epist. thalamio Confessiois Vuirtemb.

Apo. 9.

FF 3

pu-

putei. Hęc clauē habuit Luterus vester, vt errores penitus demersos atq; iā defossos, vti nunc auditū est, eruendo, tāta caligine orbē obduceret, vt vel lucē ipsam tenebris circūfudisse videretur. Sed quē admodū post nubes ac nebulas sol plerunq; maiori cum splendore prorupit: itā fugatis ac discussis hęreticarum conflictationū nebulis, illustrior redditur fides Catholica. Ad Pauli locū ad Thesalonicensēs, à te hīc adductū, illud respondeo, mirari me impudentem illam tui oris improbitatem, quōd Pauli locum manifestē

2. Thes. 2.

de antichristo illo sub consummationem seculi venturo, in Romanū pontificem torqueas. Cū enim D. Paulus de vno tantū homine loquatur, ac tot post D. Petrum extiterint Pontifices, necessum est eos vel omēs vel plurimos pro Antichristis habere. Adducas vel vnum aliquem ex veteribus & receptis Ecclesię interpretibus, qui hunc locum sic interpretatus sit, & credemus tibi. Sed libuit tibi in hac scena constituto iam impiam fabulam agēti, rursum aliquem insignem ac theatricū saltum tuis spectatoribus exhibere, ac transfiliendo terminos quos Patres posuerūt, vniuersos huius loci interpretes conculcare. Docent autem hi omnes, hęreticos esse pęcursores antichristi illius, de quo Paulus Apostolus & Daniel vaticinati sunt, qui ex Iudęa in tribū Dan oriundus erit & regnabit annis tribus, mensibus sex, quo tempore tolletur iuge illud sacrificium. Triplex autem sacrificium in Ecclesia Catholica definiuit Chrysostomus, sacrificium laudis in voce, sacrificiū iustitię in operibus, & sacrificium pacis per eucharistiam. In dimidio hebdomadis, inquit Chrysost. hoc est, tribus annis & sex mēsis hoc sacrificium Christianorum tollendum est ab Antichristo. confugientibus Christianis ante eum per loca deserta, non erit qui aut Ecclesiam intret, aut oblationem offerat Deo. Quomodō autem hęc conueniunt Romano pontifici? Quomodō nō vobis potiūs, ad hoc iuge sacrificium per Antichristum abrogandum, viam pęparantibus? Verē igitur vos estis Antichristi huius prodromi & pęcursores, qui hanc abominationem desolationis, iam in aliquot ecclesias inuexistis. Quām desolatas, quām vastatas, prophanatas, & quiduis potiūs quām Dei templa quibusdam in locis videamus ecclesias, adeo vt ne sacrę crucis quidem vllum videas vestigium, loquuntur

Her. in ca.
n. Danielis.
Aug. li. de
bñdic. Ia.
cob. & trac.
de Antichri
sto.

quantur pleræq; ditiones ac regna, præcipuè Anglicanum, & insignis illius Londini Ecclesiæ, quarum horrendam ac miserabilem prophanationem, abominabilemq; desolationem, nemo pius sine gemitu ac lachrymis conspiciere queat. Quid est antichristi præcurso-
rem agere, si hoc non est? Et tamen huic tam horrendæ Anglicanarum Ecclesiarum desolationi vehementer applaudit Smidelinus aduersus Hosium, quasi nunc respirare & amissum donum recuperare cœperit, cum tamen Luterus apertè dixerit, phanaticos esse spiritus, qui tãtis tumultibus in templis diruunt altaria & statuas evertunt, ac pictas imagines ex mutis & miseris parietibus eradunt &c. Lut. in cap. De iugi ac tremendo Eucharistiæ sacrificio, quod à vobis nunc plerisq; in locis abolitum, & ab Antichristo delebitur, postmodum verius dicemus. Non igitur est, o tu Antichristi prodrome Smideline, quod Romanum Pontificem blateres Antichristum esse, cuius certissimos vos esse præcursores, vero verius est, nec est quod Pauli ad Thessalonicen locum pro tua impietate huc torqueas, qui de solo illo atq; unico Antichristo, imminente iam consummatione venturo, ac annis tribus & mensibus sex duntaxat grassaturo, iugeque altaris sacrificium abrogaturo, loquitur. Nec veniet hic Antichristus prius, quam Romanum Imperium sit sublatum, teste Chrysostomo. Donc enim imperij illius timor fuerit, inquit, nemo antichristo statim subdetur: quando verò istud fuerit destructum imperium, vacatè imperij principatum inuadet, & tentabit ad se rapere & hominum & Dei imperium. Hæc ille. Porro, in quem verius competat illud Pauli, qui aduersatur & extollitur supra omne quod dicitur Deus, in Luterumne, an in Romanum pontificem, satis luculentè demonstravit colendus mihi parens Bredenbachius in epist. ad Consulem N. de negocio religionis.

Verum si pro tua impudentia contendas Christi prophetiam Matt. 24. de venturis pseudoprophetis, in Catholicos competere, quantulo quæso tempore lux Euangelij luxit post Christum, cum apertissimis S. Patrum testimonijs, qui ab Apostolorum temporibus ad hoc usque seculum vixerunt, probemus nos eandem cum ipsis Patribus & Apostolis doctrinam tradere? Si nos sumus illi pseudoprophetæ, cur tot seculis tamq; varijs hostibus oppugnata hucusq;

Lut. in cap.
1. Ionæ.

In 2. Thess.
cap. 2.

Vide Matt.
Bredenbach.
epist. 1. de
negoc. religi.
G. 3. 4. & 5.

Aug. de ca-
techizand.
rudib.

de omnibus hæresibus Catholica & Romana Ecclesia triumphat. vestri verò patres & antesignani, Nouatus, Manes, Donatus, Iouinianus, Vigilantius &c. iam olim cum sonitu perièrunt, ac vestro quoq; ipsorum iudicio damnantur. Omnia, quæ hucusq; euenerunt, atq; adeò ipsa schismata & hæreses prædictæ sunt, vt pulchrè declarat Augustin. vbi autem errores & tenebræ, quibus obrutam hucusq; Ecclesiam fuisse iactatis, prædictæ sunt? Adde quòd Apostolorum prædicationi fidem adstruebat perpetuus dogmatum in ipsa fide consensus, (nam Petri & Pauli dissensio, si nò simulata fuit, vt pleriq; existimant, Petrus tamen nec voce, nec calamo factum suum pertinacitè defendit, vt solenne est Euangelicis, mutuo sese tantum non diserpentibus) ac deindè stupenda miracula, vos autem non solum dissentitis inter vos, sed iidem subindè nouatis ritus ac dogmata, altera verò parte omnino estis destituti. Arbitror autem nec miracula tantum attulisse momenti ad nouadum mundum, quantum Euangelistarum mores vndiquaq; puros & inculpato. Et auocabant illi quidem à solitis, sed adducebant ad longè meliora. Vos strenuè clamatis in luxum sacerdotum, in ambitione Episcoporum, in tyrannidem Romani Põtificis, & zizaniam euellit cum tritico, immò triticum potius euellitis pro zizania. At qd interim nobis profertis melius & Euangelio dignius? Fieri potest, inquit ille, vt mea hæc sit infelicitas, quòd hucusq; neminè ex vobis conspiciere datum sit, qui ex Euāgelij vestri doctrina seipso melior effectus sit: sed vereor, immò non dubito, quin hæc infelicitas mihi sit cum toto orbe communis. Iam si particulatim & velut gradatim enumerare pergam, quid abrogatis imaginibus, excussis solennibus precibus, antiquatæ missæ, explosis ritibus & cæremonijs Ecclesiasticis, cõfessionis sacramentali, ieiunijs & ciborum delectui, monasticæ disciplinæ, melius & Christiana pietate dignius succederit, quis non videt quàm amplam, idoneam & iustam dicendi occasionem vestrum illud nouandi studium mihi subministret?

Cap. 14.

*Declaratur, quomodò Euāgelici corruerint verba Ly-
rani, vt eum contra Catholicos possint producere.*

Pergit

Pergit Smidelinus: In fine huius materiæ, Lyræ interpretatiōem carpit, qua sensum verborum Christi reddit, Smid. Tu es Petrus &c. ut principes summo s. Rom. Pont. subiiciat, nè quid in religione sinè eius cōsensu statuunt. De quo in p̄sentia nihil dicemus, q̄ nihil p̄sūs adferat noui, quod nō pridem grauitè sit confutatum, sicut suprà demonstratum est.

O bellum hyperaspisten. Sic sanè decet rebelles caballos, immò Bred. pigritantes asinos, omne frenum potiùs excutere, quàm mordere. Illustri declaratione docuerat Bredenbachius absurditatem sententiæ Lyrani, aliquòt paginis in ea consumptis, eamq; absurditatem augeri corruptis & truucatè citatis Lyrani verbis. Et illa quidem, quæ à vobis producantur Lyrani verba, in speciem videntur Petri eminentiæ nonnihil derogare, eamq; ob causam tam operosè, tantaq; contentione à vobis allegantur: sed ut ipsi scissi estis ab Ecclesia, ita quasuis quorunvis sententias insolentissima audacia, nè quid acerbius dicam, improbissimè scinditis, & quæ calumniæ materiam subministrant, fastuosè profertis: cætera fraudulento silentio dissimulatis. An quisquā putat talium artium administratos & magistros habere fidem Euangelicam? Sanè hoc facinus cū Apostolorum moribus collatum, si velim consuetis rationibus amplificare, vides quàm fœcundam habere materiam. Neq; verò hîc tantum desidero simplicitatem columbinā, sed humanam etiā prudentiam. Facile diuinare poterat Brentius, rem ipsam confutaturā esse mendacium. Non derogat Primatui Petri Lyranus, quod illa coronis adiecta satis indicat, qua dicit: Licet petro principalius, inquantum erat aliorum capitaneus. Iniuriā facit lupo, inquit Bredenbachius, non solum nobis, quos autoritate Lyrani premere aggreditur, verum etiā ipsi Lyrano, quod huic affingit id, quod nunquā sensit. Vides Smideline, vter carpat, vter iniuriam faciat Lyrano, tūne cum Brentio, an Bredébachius. Vides etiā nos technas & imposturas tuas animaduertere, quibus hunc tam durū tibi & ineuitabilem scopulum voluisti eludere. Quid igitur iam percepisti? temporariam eius fuci vsuram? At cum fœnore recedit deprehensa vanitas, efficietq; aut iam dudum effecit apud omnes cordatos, ut ne vera quidem dicentibus habeatur fides. Is enim est

GG

ge-

genuinus mendacij fructus, vt refert Aristoteles. Immanè, quàm hæc non sapiunt Euangelicum spiritum quem iactatis.

Cap. 15.

Luculenta & copiosa declaratio, quatenus debeat fides adhiberi testimonijs SS. Patrum, in definiendis Religiois cōtrouersijs.

Smid.

Admouet nunc Smidelinus machinas & arietes suos ad labefactandam S. Patrum autoritatē. Iam quod subiungit de patribus, inquit, hoc saltē obseruādum censeo, cū S. Patrum interpretationem: tanquā indubitatam veritatis regulam proponat, quæ in omnibus sequenda sit, quā sibi non constet, quod ait, non eodem modo scripturam à S. Patribus explicari &c.

Bred.

Hoc tametsi tam simpliciter non dicat Bredenbachius, si tamen diceret, nihil peccaret. Hæc enim amissim velut indubiā veritatis regulam iam olim ante annos mille perpetuò obseruârunt orthodoxi in genuinis & legitimis Ecclesiæ Catholicæ dogmatibus agnoscendis. Si qua noua exurgeret quæstio, inquit Lirinensis ille Vincentius, vbi vniuersalis Concilij decretum minimè reperitur, recurrendum ad S. Patrum sententiās, eorum duntaxat, qui suis quique temporibus & locis in vnitae communiōis & fidei permanentes, Magistri probabiles extitissent. Et quicquid vno sensu atque consensu tenuisse inuenirētur, id Ecclesiæ verum & Catholicum absque vllō scrupulo iudicaretur. Quod nē præsumptione magis nostra, quā auctoritate Ecclesiastica promere videremur, exemplum adhibuimus sancti Concilij, quod ante triennium fermè in Asia apud Ephesum celebratum est, viris clarissimis Basso Antiochoque Coss. Vbi cū de sanciendo fidei regulis disceptaretur, nē qua illic forsitan prophana nouitas in modum perfidiæ Ariminensis obreperet, vniuersis sacerdotibus, qui illò ducenti ferè numero conuenerant, hoc Catholicissimum, felicissimum atque optimum factu visum est, vt in medium Sanctorum Patrum sententiæ proferrentur, vt scilicet ritè atque solennitè ex eorum cōsensu atque decreto antiqui dogmatis religio confirmaretur, & prophanæ nouita-

uitatis blasphemia condemnaretur. Et paulò superiùs: Quorum beatorum Patrum sanctum Catholicumq; consensum, nè quis sibi temerè fortè contemnendum arbitretur, ait in prima ad Corinthios Apostolus: Et quosdā quidem posuit Deus in ecclesia, primum Apostolos, quorum ipse vnus erat: secundò Pròphetas, qualem in Actibus Apostolorum legimus Agabum: tertio doctores, qui tractatores nunc appellantur, quos hic idem Apostolus etiā Pròphetas interdum nuncupat, eò quòd per eos Prophetarum mysteria populis aperiantur. Hos ergò in Ecclesia Dei diuinitus per tempora & loca dispensatos, quisquis in sensu Catholici dogmatis vnū aliquid in Christo sentientes contempserit, non hominem contemnit, sed Deum. Hæc ille.

1. Cor. 12.
Eph. 4.

Act. 11. & 21.

Meritò igitur magna cum veneratione quotquot Catholici sumus, eorum sententias recipimus, quandò verò legitimoq; volatu, velut Iouis alites & generosæ aquilæ ad corpus Ecclesiæ cõuolant, certoq; deprehendimus ibi esse ecclesiæ corpus, vbi eiusmodi aquilæ congregantur, indicante id ipsum ac demonstrante Christo, qua de re latius diximus alibi. Congregantur autem nõ quidẽ hoc pacto, vt omnes diuinæ legis quæstiones eodem modo explicent, sed vt fidei regulam consono ore profiteantur. Antiqua S. Patrum consensio, inquit, idem Lirinentis, non in omnibus diuinæ legis quæstiunculis, sed solum certè præcipuè in fidei regula magno nobis studio & inuestiganda & sequenda est. Quòd autè Smidelinus Patrum authoritatem libentè cõuellit, in eo & magistrũ suum Luterum, & reliquos hæreticorũ primipilares imitatur. Semper enim atq; adeò ab ipso Catholicæ Ecclesiæ exordio, eo fuerũt ingenio hæretici, vt spretis & conculcatis Maiorum præceptionibus & institutis, nouas (vt inquit Epiphanius) fabulas comminiscantur. De Arrio eiusque discipulis sic refert Alexander Alexandriæ episcopus apud Theodoretum: Hic qui contra Deitatem filij Dei castra constituunt, neque contra nos ingratas calumnias exercere formidant, quoniam nec Priscorum quempiam dignatur sibimet comparare, neq; præceptoribus se, à quibus nos ab infantia eruditi sumus, æquari patiuntur, neq; comministrorum quenquam nũc ubiq; consistentium in mensura sapientiæ reputant, quasi soli sa-

Epiph. li. 2.
tom. 1.
Hist. tripart.
li. cap. 14.

Heret. oīm
qualis inter
se affinitas.

Hist. tri. lib.
12. cap. 4.

Hist. Eccl.
lib. 7. ca. 26.
lib. 4. ca. 29.

pientes, & nihil habentes, atq; nouorum dogmatum inuentores, & quibus solis reuelata sint, quæ à nullo altero sub sole intellecta non scuntur. O scelestæ superbia, immensa vesania, vanæ gloriæ furor, sapiētia satanæ, in animas eorum nequissimas vehementer infiliēs. Non deterruit eos antiquarum scripturarum Deo amabilium explanatio, non ministrorum consors reuerentia de Christo ferocitatem eorum mansuefecit &c. Ecce depictam Arriani ingenij imaginem, in qua velut in speculo contemplari licet, quantam affinitatem cum Arrianis habeat factio Euangelica, (sic enim appellari volunt) quantunvis hanc Arrianorum cum Luteranis factam à Bredenbachio collatiōem, ægerrimè cōcoquat Smidelinus cum suo Naogeargo. Eadem affinitate deuincti sunt omnibus quot quot fuerunt hæreticis, ita vt hac in parte secretam quandam communionem & inuiolabilem syncretismum inter vniuersos conspiciamus.

De Nestorio refert Historia Ecclesiastica, quod libris antiquorum interpretum dedignabatur incumbere, omnibusq; se meliorem putabat esse. Eadem indole fuit Paulus Samosatenus, auctore Eusebio, & Seueriani, vt refert idem alibi. Cum huiusmodi quem admodum Luterani sese ab ecclesia Catholica segregant, ita artes eorum libenter vsurpant.

Sed audiamus, quos tādē argumentorū arietes ad euertendā Patrum auctoritatem producant. Citatur ab illis Augustinus diuersis in locis, ex epist. 19. ad Hieronymum, ex procemio lib. 3. de Trinitate, ex lib. 2. contra Donatist. capite 3. His enim locis Augustinus ait, se interpretes & scriptores, qui Canonici non sunt, ita legere, vt quantalibet sanctitate ac doctrina præpolleant, non idē verum putet, quia ipsi ita senserunt, sed quia per auctores Canonicos vel probabili ratione, quod à vero non abhorreat, persuadere potuerunt. Hæc Augustini verba, qui in hunc finem adducunt, vt Patrum auctoritatem ita labefactent, nē eorum testimonijs vrgeatur, nē ad solidam probationem admittantur, (non vt inquit Vincentius, in omnibus diuinæ legis quæstiunculis, sed ad fidei regulam comprobendam) parū videntur mihi animaduertere & verba & scopum verborum Augustini. Loquitur enim ibi Augustinus.

nus non de fidei regula, sed acutioribus scripturarum quæstionibus, cuiusmodi est illa, quam ibidem mox subiungit, an verè Paulus, an verò simulatè Patrum reprehēderit. De huiusmodi (inquā) nodis & argutijs ibi differit Augustinus, quod & præcedentia declarant, quibus ait ad Hierony. Hoc ipsum edoce, obsecro te, quoniam modo assequi valeamus, ut cū fortè aliquid nos mouet, quod nobis etsi non cautiùs attendentibus, certè tardiùs intelligētibus, non probatum est, & quid nobis videatur, contrā conamur asserere, si hoc aliquantò securiore libertate dicamus, non incidamus in suspicionem puerilis iactantiæ &c. Hæc ille.

Cæterum in fidei regula, quicquid non vnus aut duo tantum, sed omnes paritèr vno eodemq; consensu apertè, frequentèr, perseuerantèr tenuisse, scripsisse, docuisse cognouerimus, id absque vlla dubitatione credendum est, inquit Vincentius. Hunc nō vnus aut alterius, sed omnium consonum & constantem consensum quisquis in fidei negotio sequitur, an tibi sinè probabili ratiōe (ut inquit Augustinus) quæ à vero non abhorreat, in persuasione adducitur? An eorum qui tunc de ista causa iudicauerunt, quādò (ut inquit idem Augustinus) nemo potest dicere eos perperam cuiquā vel aduersari vel fauere potuisse, quippè vobis nondum existentibus, an (inquam) eorum putatis testimonia exhibilanda, quia uec à nobis, nec ab Augustino in omni quæstionum genere comparantur authoribus Canonici? Quòd si vnum vel alterum Augustini dictum, in eam, quam antè retuli, sententiam ab ipso prolatum, id efficiet, ut concordem & consonam Patrum doctrinam ad vestras cunctorumq; hæreticorum profanas nouationes confutandas nō liceat adducere: quā immemorem sui fuisse dicemus Augustinū, qui dum hæc ad D. Hieronymum & Donatistas scriberet, Iulianū Pelagianum ipsius Hieronymi, Irenæi, Nazianzeni, Basilij, Hilarij, Chrysostomi, Ambrosij & Innocentij Romani sententijs confutauit, atq; ita confutauit, ut in cōsono & vnanimi eorum iudicio certissimam victoriam collocaret? Obmurmurabis rursū illud Augustini: Sanè cū in omnibus literis meis, non solūm pium lectorem, sed etiā liberum correctorem desiderem, multò maximè in his, ubi ipsa magnitudo quæstionis vtinā tam multos inuentores.

GG 3.

Gal. 2.

Epist. 19.

Li. 2. cōt. Iulianū Pelag. cap. vlt.

In præmio li. 3. de Trinit.

res habere posset, quàm multos contradictores habet: sed ego vicissim admonéo te eius, quod ibidem subiungit Aurelius: Veruntamen, inquit, sicut lectorem meum nolo mihi esse deditum, ita correctorem nolo sibi. Ille me non amet amplius, quàm Catholicam fidem: iste se non amet amplius, quàm Catholicam veritatem. Sicut illi dico, Noli meis literis quasi scripturis Canonicis inservire: sic in illis & quod credebas, cum inueneris, incunctanter crede: in istis autem quod certum non habebas, nisi certum intellexeris, noli firmiter retinere. Ità illi dico: Noli meas literas ex tua opinione vel contentione, sed ex diuina lectione vel inconcussa ratione corrigere &c. Quando igitur tu Smideline, vel alius quispiam, profers Augustinum, ut patrum auctoritatem eleues, primum id mihi monendus es: esto in Ecclesia, quam constat tenuisse ac prædicasse Augustinum, & tunc aude velut fauentem tibi Augustinum nominare. Imitare pietatem humilitatemq; Augustini, & tunc profer consilium Augustini. Esto lector, esto corrector Augustini, aliorumq; Patrum, sed non ex tua opinione vel contentione: illum non plus diligas, quàm Catholicam fidem: te non plus ames, quàm Catholicam veritatem. Si placet humilitas humiliter de se sentientis Augustini, displiceat fastus & arrogantia inaudita superbissimi magistri tui Luteri, qui non solum ab hominibus, quantunlibet sanctis & eruditis, sed & ab angelis, immò etià ab ipso Deo doctrinam suam vult habere iniudicatam. An hæc sunt hominis diligentis Catholicam veritatem, & non iudicantis ex opinione vel contentione priuata, qualem vult Augustinus? an non potius deliratis & planè insani? Profectò non est sani, nedùm Christiani pectoris, multo minus doctoris Euangelici, spretis & conculcatis omnibus omnium Orthodoxorum scriptorum lucubrationibus, quas in summa veneratione tot seculis habuit vniuersa ecclesia, commoto stomacho & rabiosa lingua proclamitare: Diuina maiestas mecum facit, ut nihil curem, si mille Augustini, mille Cypriani contra me starent. Augustinus & Cyprianus, sicut omnes electi, errare potuerunt, & errauerunt. Huius insaniam ut in alijs, ità hinc quoq; te Smideline cum tuis gregalibus imitatum video: tu enim Catholicum vetustissimumq; S. Chrismatis usum impugnans, vniuersorum ecclesiarum primitiæ

In lib. cõt.
Regē Angliæ & alibi

Eure, in lib.
cõt. Regem
Angliæ.

mitiæ patrum, Clementis, Anacleti, Fabiani, Cypriani, Tertulliani, Augustini atq; aliorum testimonijs erroris conuictus, eos potius vniuersos inscitæ & erroris maluisti insimulare, scilicet non eundem taxat, sed & alios errores id tēporis irrepsisse in ecclesiā, (agnoscis tua verba) quàm tuam impietatem agnoscere. Brētius verò tuus exclamat, Relégant nos ad Patres, sed quales? Cyprianus anabaptizat, Tertullianus Montanizat, Hieronymus Origenizar, Augustinus retractat &c.

Agnosceamus primogenitos Cham, vnde cunquē occasionem captantes, vt sanctissimorum patrum nuditatem patefaciant. Ad hūc ^{Hof. li. 3. p. 2} Cananæum ructum disertè satis respondit Reuerendiss. Hofius: ^{pug. catho- fidei.} Quanto autem cum salutis tuæ emolumento Smideline tibi ego exoptarem, si quemadmodum Cyprianus ita anabaptizat, vt referente Augustino charitatis vnitatem pacemq; Catholicam ineffabili cum laude retineat: ita tu quoq; sic Luterizes, vt Ecclesiā Dei non scindas. Cyprianus, quem vt pacis vnitatisq; seruantissimum, magnis præconijs extollit Augustinus (lib. 1. 2. & 3. de baptis. contra Donatistas,) seruato vnitatis vinculo, dicebat: Neminem iudicantes, aut à iure communionis aliquem, si diuersum senserit, amouentes. Tu tibi tuisq; solis veritatem vendicans, vniuersos primitiæ ecclesiæ patres, atq; adeò ipsam ecclesiam in re grauissima turpiter errasse contendis: & magister tuus Luterus publicitè proclamauit, quisquis doctrinam suam non acceptaret, eum saluari non posse. Cyprianus quidem anabaptizat, sed sinè dubio sua opinione cessisset, si (vt inquit Augustinus) iam illo tēpore quæstionis huius ^{Li. 2. cap. 2.} veritas eliquata & declarata, per plenarium conciliū solidata fuisset: nec tamen ab Ecclesiæ vnitatem separatus est, donèc illud quod aliter saperet, Deus illi reuelaret. Vos autem separatione sacrilega pacis vinculum dirupistis. Aliter sapere, quàm se res habet, humana tentatio est: Nimis amando sententiam suam vel inuidendo vsq; ad præcidendæ communionis & condendi schismatis vel hæresis sacrilegiū peruenire, diabolica præsumptio est. In nullo autem aliter sapere, quàm se res habet, angelica perfectio est. Qui itaq; homines sumus, sed spe angeli sumus, quibus equales in resurrectione ^{Matt. 22,} erimus, quandiu perfectionem angeli non habemus, præsumptionem

nem diaboli non habeamus, ait idem Augustinus. Proinde non est, quod tanti martyris qualemcunque errorem vestro schismati pretere conemini: cuius error si quid vestris paradoxis patrocinetur, longè profectò grauius constans & humilis obseruatiã fraternæ charitatis vestram separationem condemnat. Non sinè summa & arcana quadam ratione plerunque doctioribus minùs aliquid reuelat Deus, inquit Augustinus, vt eorum patiens & humilis charitas, in qua fructus maior est, comprobetur: vel quomodò teneant vnitatem, cum in rebus obscurioribus diuersa sentiunt? vel quomodò accipiant veritatem, cum contra id quod sentiebant, declaratum esse cognoscunt? Huius humilitatis & fraternæ charitatis, quando inimicos vos declaratis, siue apertè foris sitis, siue intùs esse videamini, pseudochristiani estis & antichristi. Inuentis enim occasionibus foràs exitis, sicut scriptum est: Occasiones querit, qui vult discedere ab amicis. Vt igitur sanctissimorum Patrum suspicienda auctoritas semel & simul à purulenta sycophantiarum vestrarum adspergine vindicetur, hac distinctione commodissimè vtemur. Alij eorum magno & indefatigabili studio ecclesiam iuuarunt, & in ea tuenda & asserenda perstiterunt, cuiusmodi sunt veteres penè oēs: alij in nonnullis ab ecclesiæ decretis descuerunt, vt Origenes & Tertullianus. De prioribus illis bifariam loqui possumus: primò, vt singulatim ex sua opinione & priuato sensu loquuntur: deinde, vt ex communi ecclesiæ consensu & doctrina. Rursùm, quod ad Patrum scripta attinet, eorum quædam ad fidem fideiq; nectissitatè pertinent, vt necesse sit illa ad salutem credere: alia ad pietatè duntaxat referuntur, vt *βίος* & historiæ sanctorum: alia ad philosophiam humanam spectant. Primum membrum secundaria quadã sectione rursùm diuidi potest: eorum enim quæ ad fidem respiciunt, alia sufficientè ab ecclesia definita sunt & declarata ad fidem pertinere: alia adhuc in dubio versantur, vt illud tempore Cypriani de baptizandis hæreticis. Hæc distinctio ex ijs quæ supra commemorauimus, magnam lucem capit, & pluribus illustrari potest. Eorum enim, qui magno & indefatigabili studio Ecclesiam constantè tutati sunt, tunc potissimum inuiolabilis erit & sacrosancta auctoritas, quando non ex priuata sententia, sed communi Eccle-

sua

comoda distinctio ad inuestigandam & asserendam S. Patrum auctoritatè.

fræ consensu, doctrina ac definitione, ea quæ ad fidei necessitatem
 pertinent, proferunt. Hi ex illo numero sunt, inquit D. Augustin⁹,
 de quibus prædictum est: Pro patribus tuis nati sunt tui filij, con-
 stitues eos Principes super omnem terram. Ex qua (ecclesia) filij re-
 generati sunt, ut hæc discerent: eius patres facti sunt, ut docerent.
 Talibus post Apostolos sancta ecclesia plantatoribus, rigatoribus,
 edificatoribus, pastoribus, nutritoribus creuit. Hi sunt illi pastores
 & doctores, quos ecclesiæ suæ Christum dedisse scribit Apostolus,
 non ut vocali duntaxat prædicatione illustrarent Ecclesiam, sed
 etiã ut publicis eorum scriptis edocta posteritas, nosset exortis fi-
 dei controuersijs, notham & adulterinam doctrinam à germanis
 & genuinis veteris Ecclesiæ dogmatib⁹ secernere. Hos ergò in Ec-
 clesia Dei diuinitus per tempora & loca dispensatos, quisquis in
 sensu Catholici dogmatis vnum aliquid in Christo sentientes cõ-
 tempserit, eum non hominem contemnere, sed DEVM, verissimè
 dixit ille Vincentius, cuius autoritas si minùs apud te ponderis
 habet Smideline, eorum etiã pondus appendemus, quorum tan-
 ta sit grauitas, ut sub pondere eorum sis laboraturus. D. Clemens
 ad discipulos Hierosolymitanos sic ait: Relatum est nobis, quòd
 quidam in vestris partibus commorantes, aduersantur sacris do-
 ctrinis, & prout eis videtur, non secundum traditionem Patrũ, sed
 iuxta suum sensum docere videntur. Multas enim quidam (ut au-
 diuimus) vestrarum partium ingeniosi homines, ex his quæ legũt,
 verisimilitudines capiunt: & ideò diligentèr obseruandum est, ut
 lex Dei cum legitur, non secundum propriam ingenij virtutem vel
 intelligentiam legatur vel doceatur. Sunt enim multa verba in scri-
 pturis diuinis, quæ possunt trahi ad eum sensum, quem sibi vnus-
 quisq; spontè præsumperit, sed non oportet: non enim sensum ex-
 trinsecus alienum & extraneũ debetis quærere, ut quoquomodò
 ipsum ex scripturarum autoritate confirmetis, sed ex ipsis scriptu-
 ris sensum capere veritatis oportet. Quod postremum nè tu Smi-
 deline sanctissimo martyri perueritas, quasi tecũ sentiat, ex mutua
 scripturarum collatione semper veram interpretationem percipi
 posse, & cum magistro tuo Lutero, omnes θεοδιδάκτους esse, nec Pa-
 trum expositione egere, velut in spiritu vestram hanc vesaniam p-

HH

ui.

Lib. 1. cõtra
Iulian. ca. 2.
Psal. 44.Aug. lib. 2.
cõtra Iulian.
cap. ult.

Ephes. 4.

Vincen. Lir-
in lib.
de prophã.
heres. no-
uat.Clemens
Epist. 5.

uidens, subiungit: Et ideo oportet scientiam ab eo discere scripturarum, qui eam à maioribus secundum veritatem sibi traditā seruat, ut & ipse possit ea quæ rectè suscepit, cōpetentè asserere. Hactenus laudatissimus ille Pontifex & inuictissimus martyr, qui lib. 10. Recognitionum testatur se ab ipso Petro Apostolo præceptore suo documentum hoc accepisse.

Irenæus. Accedit huc locupletissimus testis D. Irenæus lib. 3. cap. 3. & lib. 4. cap. 63. ubi docet expositionem legitimam scripturarum per traditionem maiorum accipiendam.

Epiphanius quoq; volens refutare hæresim eorum qui se vocabant Apostolicos: Oportet, inquit, & traditione uti, non enim oīa à diuina scriptura accipi possunt.

Ambrosius. D. Ambrosius, quem tot elogijs euehit D. Augustinus, tertio ad Gratianum libro de fide, sic ait: Seruemus præcepta maiorum, nec hereditaria signacula ausi rudis temeritate violemus. librum sacerdotalem quis nostrum resignare audeat, signatum à confessoribus, & multorum iam martyrio consecratum? Succedat hic indefessus ille sacrarum scripturarum scrutator D. Hieronymus, qui iam olim

Hierony. te tuosq; gregales, Smideline, calami sui penicillo exactissimè depinxit: Scripturæ, inquit, sanctæ intelligentiam absque dei gratia & doctrina maiorum sibi imperitissimi vel maximè vendicant. Et in celebri illa ad Paulinum epistola, multis testimonijs & rationibus docet, neminem in scripturis sacris, sinè præuio & monstrante, semitam ingredi posse.

August. Consonat his quod ait D. August. ad Honoratum, qui cum sacros libros sinè aliena ope & legere & intelligere se posse arbitretur. Iræne est? ait Augustinus. Nulla imbutus poetica disciplina, Terentium sinè magistro attingere non auderes. Asper, Cornutus, Donatus, & alij innumerabiles requiruntur, ut quilibet poeta possit intelligi, tu in sanctos libros, sinè duce irruis, & de his sinè præceptore audes ferre sententiam? & cap. 17. Si vnaquæq; disciplina, inquit, quanquàm vilis & facilis, ut percipi possit, doctorē aut magistrum requirit: quid temerariæ superbiæ plenius, quàm diuinorum sacramentorum libros ab interpretibus suis nolle cognoscere? De diuis Gregorio Nazianzeno & Basilio scribit Ruffinus, q
diuina.

diuinarum scripturarum intelligentiam non ex propria præsumptione, sed ex Maiorum scriptis & autoritate secuti sunt, quos & ipsos ex Apostolica successione intelligentiæ regulam suscepisse constabat.

D. Leonis primi temporibus cùm incarnatio Christi Domini ^{D. Leo epi. 33. ad Theodof. Imp.} rursùs in dubium vocaretur, beatissimus Põtifex Imperatori Theodofio rescripsit, vt Catholicorum Patrum professio seruaretur.

D. Cyrillus quoq; suũ prædictis suffragium accõmodat in epist. in prima actione Synodi Chalcedonensis: Sacræ fidei ratio, inquit, insinuabitur rectè exposcentibus veritatem, si Sanctorum libros voluentes, magni eos momenti habeamus, & probantes nosmet ipsos, si minùs in fide, illorum rectis & irrepræhensibilibus definitis, nostros sensus benè atque optimè robaremus. Vides nunc Smideline, quàm verè dixerit Lirñensis ille Vincentius: Quisquis orthodoxos patres in sensu Catholici dogmatis vnum aliquid in Christo sentientes contempserit, eum non hominem, sed Deũ cõtemnere. Quemadmodũ enim populus Israeliticus in veteri testamento suberat Moysi, Aaroni, Samueli & sacerdotibus Leuiticis, ità in nouo Testamento populus Christianus subiectus est Apostolis, eorumq; discipulis & successoribus: vndè toties monet Apo. Heb. 13. stolus, vt obseruemus præpositos nostros. Et quemadmodũ illi audientes Moysen & Aaronem & Samuelem, ipsi Deo paruerunt: ijs verò spretis & reiectis, ipsum Deum spreuerunt & reiecerunt: ità ad noui testamenti ministros & Christianæ Ecclesiæ Præsides & præpositos dictum est: Qui vos audit, me audit: & qui vos spernit, me spernit. Rursùs, quemadmodũ, non minùs habendus est tanq̃ Luc. 10. Ethnicus & publicanus, qui non audiẽt Ecclesiam, quàm ille qui Apostolorũ & Prophetarum reijcit scripturas: ità eiusdem impietatis est, Patrum orthodoxorum sententias non ex priuata ipsorũ opinione, sed Ecclesiæ Catholicæ consensu prolatas, temerario ausu reijcere, cuius est vel ecclesiam non audire, vel Canonicas scripturas conuellere. Quod nẽ tuo more cum stomacho excipias, & malignè suggilles Smideline, eorum quæ dicimus, rationem attende. Ea autem est, quòd dum Patrum sententias eo quo dixi modo prolatas, eadem cum scripturis veneratione suscipiendas dicimus,

HH 2

non

non ided hanc illis tribuamus authoritatē, quia ipsi dicūt, sed quia fidem & consensum vniuersalis Ecclesiæ proferunt, quem non suscipere, Ethnici est & Publicani. Eiusmodi vnanimem orthodoxorum Patrum consensum, ea qua dixi veneratione suscipiendum esse, tametsi multis iam & illustribus argumentis abunde demonstratum sit, si quis tamen plura desideret, ei vel ipsam ecclesiam, in plenario Concilio loquentem, audire licebit.

Oecumenica synodus Tridentina sessione 4. Decreuit, inquit, sancta synodus ad coercenda petulantia ingenia, vt nemo sue prudentiæ innixus, in rebus fidei & morum ad ædificationem doctrinæ Christianę pertinentium, sacram scripturam ad suos sensus cōtorqueat, aut contra eum sensum, quem tenuit & tenet sancta mater ecclesia, cuius est iudicare de vero sensu & interpretatione sanctarum scripturarum, aut etiā contra vnanimem consensum patrum, ipsam sacram scripturam interpretari audeat. Quod tam sacri & venerandi confessus, atq; aded ipsius Christi Ecclesiæ decretum, si tanquā recens ac nouitium eleuare contendis, scias idem iam olim à synodo Trullana cap. 19. & à concilio Meldensi cap. 11. alijsq; quamplurimis cōcilijs definitum. Eoq; D. Augustinus, cum aduersus Iulianum consonas plurimorum Ecclesiæ Patrum sententias produxisset, Audis, inquit, omnes vno corde, vno ore, vna fide id ipsum dicere: & mox subiungens, dicit, hanc esse Catholicam fidem, non dissonantē contestatione firmatam. Quid iam vltius à nobis requiris Smideline, vt Patres Orthodoxos, vt ecclesiam, eiusq; Doctores vniuersos reijciamus? id quā alienum sit à Christiano, nūc audisti: an prouocabis ad scripturam? Atqui hæc docet, q̄ quēadmodū Deus ecclesiæ sue dedit pphetas, Apostolos & euāgelistas, à quibꝰ sacra scriptura ex instinctu Spiritus sancti cōfecta est, ita & pastores & doctores quosdam dederit, qui prophetica & Apostolica doctrinā multis arcanis mysterijs nonnunquā obumbrata, verum germanūq; sensum populo tradant & explicēt, idq; non vna duntaxat & vocali prædicatione, sed & publicis librorum monumentis posteritatem edoceant, quo pacto nouis circa fidem exorientibus controuersijs, veram veteris Ecclesiæ doctrinam agnoscere possint, nè sicut paruuli fluctuantes, circumferantur

Ephe. 4.

rantur omni vento doctrinæ. Vndè manifestum euadit, vnanimè
 S. Patrum auctoritatem, & scripturis interpretandis, & controuer-
 sis dogmatibus discutiendis & probandis, & hæresibus confutan-
 dis idoneam, opportunam & efficacem. Eoq; hanc praxim & con-
 suetudinem in omnibus ferè concilijs ab ecclesia Catholica obser-
 uatam legimus, vt & scripturarum interpretationes & controuer-
 siarum discussiones, hæresumq; confutationes ex conformi vete-
 rum Patrum sententia vtplurimum desumeret. Pulchrè illud de-
 clarat Lirinenfis ille, exemplo Concilij apud Ephesum sua ætate ce-
 lebrati: In quo omibus hoc Catholicissimum, felicissimū, atq; opti-
 mum factu visum est, vt in medium Sanctorum patrum sententiæ
 proferrentur, quorum alios Martyres, alios Confessores, omes ve-
 rò Catholicos sacerdotes fuisse & permanisse constaret, vt scilicet
 ritè atq; solennitè ex eorum consensu atque decreto antiqui do-
 gmatæ religio confirmaretur, & profanæ nouitatis blasphemia cõ-
 demnaretur. Idem factum est in conc. 3. Constantinop. Similitèr
 in 2. Niceno. Idem cõsiliū facundus ille & eruditus Sisinnius di-
 aconus Nectario episcopo subministravit ad confutandam hære-
 sios Arrianæ vesaniam. His igitur nunc tot ac tam varijs, tamq; il-
 lustribus & sacrarum scripturarum & sacrorum Oecumenicorum
 Conciliorum, beatissimorumq; ecclesiæ Patrum testimonijs ad-
 ductis, pergesne tuis blandiri erroribus Smideline? Perges vni-
 mem clarissimorum Ecclesiæ procerum consensionem, velut hu-
 manam conspirationem eludere? Perges ab istis tam strenuis, tam
 incorruptis Catholicæ vnitatis & veritatis assertoribus, ex diuersis
 orbis terrarum plagis admirabili fidei concordia inter se congru-
 entibus, in tam magna causa, qua de Christianæ religionis summa
 controuertitur, qua non leuia & ludicra petuntur præmia, sed no-
 stra de vita & sanguine certant, ex qua vel immortalis gloria & in-
 effabilis beatitudo, vel æterna ignominia & sempiternum exitium
 imminet tot millibus animarum: pergesne, inquam, cæca stultissi-
 maq; philautia excæcatus, ab vniuerso orbe non solū dissentire,
 sed etiā erroris, superstitiōis & inscitæ eos omes damnare, quo-
 rum memoria tanto tot seculorum applausu, sempèr apud omnes
 summè illustis, quorum auctoritas sacrosancta, maiestas augusta,

Psal. 33.
Apoc. 6.

sanctitas & doctrina semper veneranda fuerunt? Si φιλαυτον esse delectat, si tete amare volupè est, & illorum sanctæ & suspiciendæ auctoritati, & tuæ saluti parce: sic enim verè te amaueris, nè fortè qui dicente Propheta protegit omnia ossa illorum, qui vindicat sanguinem & honorem sanctorum suorum, tibi fortè non parcat. Si eorum tot modis probata sanctitas, doctrina & integritas, hoc à te nequit impetrare, ut mecum, immò cum ecclesia Catholica sentias, saltem illud curato, nè ob nostram dissensionem ab illorum incorruptissimo iudicio dissentias. Quanquàm nò video quomodò non dissentias, si in absurdissimis illis erroribus permanear. Tantùmne apud te possunt Luterus & Brentius, ut à solis ortu vsq; ad occasum, tot ac tantos Catholicæ fidei doctores ac defensores nò solum deserere, sed etiàm erroris & superstitionis suggillare audeas? Miror tam improbam audaciam ex ore tuo potuisse procedere, quam tamen ut comprimas, scimus errorum tuorum prauitatè non permittere. Mirum prætereà, in hominis facie tantum esse interual- lum inter frontem & linguam, ut in tam graui causa frons non coerceat linguam. Sed ut semel finiamus, illud obiter monendus es Smideline, nihil SS. Patrù auctoritati derogare, quod scripsit Bredenbachius, non eodem modo scripturam à patribus semper explicari: huiusmodi enim dissonantia in ijs duntaxat conspicitur, q̃ ad res fidei non pertinent, sed ad argutiores diuinæ legis quæstiones, vel si omninò pertinent ad fidem, nondùm ab ecclesia id temporis fuerunt definita, nec hæc priuatas opiniones ita fouent, ut à pacis & vnitatis vinculo recedant. Vndè verissimum est, quod ait Augustinus: Alia sunt in quibus inter se aliquandò etiàm doctissimi atque optimi regulæ Catholicæ defensores, salua fidei compage, non consonant, & alius alio de vna re melius aliquid dicit & verius. Hoc autem vndè nunc agimus, ad ipsa pertinet fidei fundamenta. Hæc ille.

Li. 1. aduer.
Iulian, ca. 2.

Quòd si vel Cypriani errorem, vel Augustini retractationes vestris plusquàm feralibus dissensionibus ac dissidijs prætexere conemini, cui non erit detestabilis vestra malitia, qui clarorum virorum quædam non rectè facta, ad peruicacitatis & contentionis vestræ patrociniū adhibere non erubescitis, à quorum virtutibus alic-

alienissimi estis? Quid enim vetat, quò minùs & Petro Apostolo comparemini, dum Christum negatis, dum illius vocem & spiritù per ecclesiam Catholicam loquentem non recipitis? & Gentium Doctori Paulo, quia Christi ecclesiã persequimini? Vestra dissensio & crebra placitorum innouatio, adeò ambiguos & perplexos reddit simplicium animos, vt quid de Deo rebusq; diuinis sentire, cui parti in tam monstrosa & multiformi religionum doctrinarumq; diuersitate se addicere debeant, vel omninò non, vel difficultè perspiciant. Patres verò orthodoxi dum quædam scripturarum loca diuersimodè interpretantur, adeò non impediunt piorù lectorum animos à vero scripturæ sensu, vt etiã plerunq; non parum adiumenti eis conferant, & ad fidei veritatem confirmandam & ad pietatem exercendam. Huiusmodi enim diuersæ interpretationes fidei regulis consentientes, sunt veluti varia quædam & diuersis delicatisq; condimentis apparata fercula, quibus piorù animi suauitèr pascuntur, & mirandum in modum salubritèr reficiuntur. Quid enim in diuinis eloquijs, largiùs & vberiùs potuit diuinitùs prouideri, vt inquit D. Augustinus, quàm vt eadem verba pluribus intelligantur modis, quos alia non minùs diuina constantia faciant approbari? Nam quandò ex ijsdem scripturæ verbis non vnum aliquid, sed duo vel plura sentiuntur, etiã si latet quid senserit ille qui scripsit, nihil periculi est, si quodlibet eorum veritati congruere ex alijs locis sanctarum scripturarum doceri potest, id tamen eo conante, qui diuina scrutatur eloquia, vt ad voluntatem perueniatur authoris, per quem scripturam illam sanctus opatus est spiritus: siue hoc assequatur, siue aliam sententiam de illis verbis quæ fidei rectæ non refragatur, exculpat. Hæc ille. Cuius tanti doctòris & præfulis verba alio iam è loco recitare pergam, si fortè te mihi & ecclesiæ reconciliare, tibi verò seruare & Christo lucrifacere queam. Te in Iuliano còpellat Augustinus: Vestra, inquit, apud competens iudicium communium episcoporum modò causa finita est. Nec ampliùs vobiscum agendum est, nisi vt prolatã sententiam cum pace sequamini. Cur graue tibi, cur iniquum censes, Smideline, inuitanti his verbis ad pacem Augustino dextram porrigere? Dices fortàs è illud Salustij: Nemo de rebus dubijs bene

Lib. 3. de
doct. Christi
cap. 27.

Aug. lib. 3.
còt. Iulianũ
cap. 1.

nè consultat, nisi qui ab odio, ira & amicitia vacuum pectus attulerit: talesq; non fuisse qui de vestra causa in Tridentino Concilio iudicauerunt, qui prius eam oderint, q̃ cognouerint. Verum mi Smideline, si pacis studio teneris, utiq; audires respondentem tibi Augustinum: si tales, inquit, iudices quales definiuit Salustius, q̃reretis: sancto Ambrosio & coepiscopis eius, patribus (inquam) orthodoxis & primitiuae ecclesiae Doctoribus, (quorum omnium consentientibus calculis vestram doctrinam velut haeticam condemnari, & haftenus copiose, & sequenti libro copiosius demonstrabimus) qui de hac re ab odio vestri, vel amicitia, vel ira, vel misericordia pro vobis vel contra vos vacuum pectus habuerunt, quando de rebus a vobis in controuersiam vocatis, veras tranquillitasq; sententias protulerunt, utiq; cederetis. Illis si humiliter & pacifice cederes Smideline, non nos petulanter & conuiciosè cederes. Illis si acquiesceres, a deploratissimae causae defensione quiesceres. Sed nec parum vobis est, illos iudices nolle, nisi insuper velut erroris & superstitionis reos accusetis. Quam verè, quam scitè, quam graphice vestram indolem & ingenium iam olim velut in speculo contemplandum exhibuit Catholicus ille Vincentius, qui prophanas oim haesum, nouationes velut in vnum iugulum conflatas, breui quidem & expedito, attamen strenuo & praclaro congressu fortissime iugulauit: Hoc, inquit, apud omnes ferè haeses quasi solenne est ac legitimum, ut semper prophanis nouitatibus gaudeant, antiquitatis scita fastidiant, & per oppositiones falsi nominis scientiae, a fide naufragent. Contra verò Catholicorum ferè proprium, deposita sanctorum patrum & commissa seruare, damnare prophanas nouitates: & sicut dixit & iterum dixit Apostolus, si quis annunciauert, praeterquam quod acceptum est, anathematizare. Huiusmodi antiquitates & sanctorum patrum deposita, si nobiscum amplecti sustineretis, Smideline, facilimo negotio & vobis & nobis & vniuerso orbi Christiano optata pax & tranquillitas restitueretur. Sed iam dudum mihi videor videre & audire illam vestrorum errorum latebram, sub qua latitantes, inamabilem illam vestrae puicaciae amaritudinem non nihil edulcare conamini. Cur, inquis, scripturae iudicium exhorrescitis, quae errare non potest? nec enim alia-

Vincent.
Lirinen.

Gal. r.

aliatenus nos audiri desideramus, nisi quatenus scripturarum testimonij nostra confirmamus. Sed audi Smideline, quid sagacissimus ille speculator Vincentius tibi respondeat, quomodo veluti minimè mutus canis, generoso latratu vestras versutias detegat. Responso.

Vtuntur, inquit, & hæretici scripturæ testimonij, & quidem vehementer: nam videas eos volare per singula quæq; sanctæ legis volumina, per Moysen, per regnorum libros, per Psalmos, per Apostolos, per Evangelia, per prophetas. Siue enim apud suos, siue alienos, siue priuatim, siue publicè, siue in sermonibus, siue in libris, siue in conuiuijs, siue in plateis, nihil vnquam penè de suo proferunt, quod non etiã scripturæ verbis adumbrare conentur. Hæc ille. Quid porro aliud faciunt vestri non solum primipilares, sed & gregarij, dum illi in concionibus, in conuiuijs & plateis, hi in constrictis, strutinis, nauigijs, vehiculis & symposijs arrogantissima philautia nihil aliud crepant, quàm Euangelium & epistolas Paulinas? Sed tanto magis pertimescendi estis, inquit Vincentius, quanto occultius sub diuinæ legis vmbraculis latitatis. Sciunt, inquit, fœtores suos nulli ferè citò esse placituros, si nudi & simplices exhalentur, atque idcirco eos cælestis eloquij velut quodam aromate adspargunt, ut ille qui humanum faciliè despiceret errorem, diuina non faciliè cõtemnat oracula. Ergò quotiescunq; vel pseudoapostoli, vel pseudoprophetæ diuinæ legis sententias proferunt, quibus malè interpretatis, errores suos adstruere conentur: non dubium est, quin auctoris sui diaboli (nam & ille scripturis dominum adortus est) calidissima machinamenta sectentur, quæ ille nūquàm profectò commisceretur, nisi sciret omninò nullam esse ad fallendum faciliorem viam, quàm ut ubi nefarij erroris subinducitur fraudulētia, ibi diuinorum verborum prætendatur autoritas. Si igitur diuinis eloquijs diabolus & discipuli eius hæretici vtuntur, quid facient Catholici homines & matris Ecclesiæ filij? quonam modo in scripturis veritatem à falsitate discernent? Hoc facere magnoperè curabunt, ut diuinum canonem secundum vniuersalis Ecclesiæ traditiones, & iuxta Catholici dogmatis regulas interpretentur, in qua item Catholicæ Apostolicæq; ecclesiæ sequantur necesse est Vniuersitatem, Antiquitatem, Consensionem Hæc & his longè plura

Matth. 4.

ibi pientissimus ille Vincentius. Equidem quod ad Sanctorum Patrum auctoritatem attinet, & qua via in dirimendis controuersijs ecclesiasticis commodissime verissimeq; procedi possit, pro instituto nostro satis dictum esse existimo.

Cap. 16.

Philippi Melanchthonis de Patribus censura, ineptissima simul & impietatis plenissima.

In li. de eccle. & patribus.

1. Cor. 3.

Qui Patres quid à Melanchthone perpessi.

Quadragesimæ antiquitas.

IAm quod falsè ridet Bredenbachium Smidelinus, quod dicat, non in omnibus eodem modo scripturam à S. patribus explicari: si hic grauitè eum deliquisse existimat, quo gradu constitutus est Melanchthon, qui admodum rigidum & seuerum, immò ridiculum & arrogantè agit omnium Orthodoxorum patrum censore, & posteaquàm multis auctoritatem eorum labefactare conatus est, inter cætera ait, Patres sepe numero commodius sensisse quàm dixisse, consuetudine victos esse, vt ad errores conuiuerent &c. Et quidem vt concedamus oscitantibus scriptoribus nonnunquam, vsu venire, vt commodius sentiant, quàm dicant: de Patribus tamè illud nemo ante Philippum pronunciauit, saltem eum in finè, vt hæretica temeritate auctoritatem eorum eleuaret. Quod si omninò hoc dictum extra culpam velis constitutum, obserua, quàm graue & syncerum idem Philippus de singulis ferat iudicium, quomodò veluti Rhadamanthus quispiam tribunal conscendat. Et quidem vt paucis rem in summam contrahamus, profert illum Apostoli locum: Fundamentum aliud nemo potest ponere &c. per fundamentum intelligit articulos fidei, per stipulas, opiniones falsas. Orditur nunc censuram ab Ambrosio. Vt Ambrosium, inquit, existimo esse verum membrum Ecclesiæ. Is tamen inquit de ieiunio Quadragesimæ: Cætera ieiunia sunt voluntatis, hoc necessitatis est. Hæc opinio est stipula addita doctrinæ fidei. Atquæ, mi Philippe, vix vnū ex patribus etiàm antiquissimis reperiēs, qui non meminerit Quadragesimæ: meminerunt præterea Imppp. Valentinianus, Valens, & Gratianus in l. Quadraginta diebus. & Impp. Honorius & Theodosius in l. Prouinciarum Præsides. C. de ferijs. Item Ignatius in epist. ad Philippens. August. epist. 119. cap. 15. Hieronymus ad Marcellam.

cellam Theophil. Alexand. lib. 1. & 2. Paschali. Omnes illi superædificârunt stipulas, tu verò solum aurum? Hic non possum non Philippum in Philippo desiderare, quantūvis ob singulares quasdam ingenij ipsius dotes, pleriq; non omninò malè de ipso sentiât. Sed pergamus audire nigricantem Melanchthonis calculum. Sic Basilius, inquit, addidit monasticen tanquàm stipulas, & laudat hoc genus vitæ immodicis & falsis præconijs &c. Cyprianus, inquit, vrget pœnas canonicas, quarum tunc erat vsus, & confirmat opiniones, quasi sint necessarie, & propter eas remittantur peccata, interdum inquit ab solutionem sinè illis inutilem esse. Fortassis sentiebat commodiùs, quàm locutus est: tamen illi errores nò sunt leues, sed admodum densæ stipulæ, obscurantes puram doctrinam de beneficijs Christi, & de fide. Hæc ille.

Iam quid attinet referre, quibus censuris excipiat Dionysium Arcopagitam, D. Antonium, (cuius suprà ex D. Augustino meminimus) Synodum Nicenam, aliasq; synodos, Chrysostomum, Nazianzenum, Irenæum, Hieronymum, Augustinum, item dogmata & traditiones ecclesiasticas? Ecce Smideline, sic tuus Philippus sensit non solum de Cypriano & Basilio. quos tu non semel Sanctos vocas, sed vniuerso Patrum senatu, atq; adeò tota Ecclesia, vt vehementer obstupescam, tantum ingenium eò vesaniæ & temeritatis potuisse prolabi. Sanè si patres commodiùs senserunt, quàm locuti sunt: si consuetudine victi, ad errores conniuerunt: quid aliud hoc est dicere, quàm quòd impudentèr mentiti sunt in re longè grauissima? O impudentiam singularem, ô nimis atrum & improbum Melanchthonis calculum. Et hætenus quidem de Philippo:

Cap. 17.

Smidelinus volens vaticinari de excidio Papatûs & catholicismi, vanitatis conuincitur.

Vergit nunc ad conclusionem Smidelinus, Rhetoricis epiphonematis & ampullis, immò grandibus conuictorum & contumeliarum tonitruis rursùm in sacrificulos, in episcopos & pontifices detonās: hortaturq; principes, vt tollant eos potius, quàm tolerant, atq; huiusmodi selectis.

simis quibusq; flosculis binas aut ternas paginas conspergit. Et ut lectorem non solum inani colorum superficie & forma verborum tinnitu afficiat & delectet, (si tamen quisq; bonus eiusmodi scurrilibus facetijs delectatur) verum etiam concepta certitudinis aliquius & fidutiæ spe moueat, atq; hoc veluti hamo inescatum in suam sententiam pelliciat, vaticinium ex prophetico suo pectore depromit:

Smid. Nec opus puto, inquit, aliqua confutatione, sed certò statuant omnes Christi fideles, iamiam imminere ac præ foribus esse Antichristi & Papatûs etiam externam ruinam, de qua apostoli sunt cõcionati.

Bred. Hæc est Smidolini prorsus prophetica conclusio. Similem egit prophetam præceptor eius Luterus, cum diceret: Pestis eram viuus, moriens tua mors ero, Papa. Scilicet magnû attulit papatui exitium obitus Luteri. Similis præterea vates fuit superioribus annis Basileæ Dauid Georgius, vaticinans se post triennium cum anima & corpore resurrecturum, nec fefellit eum spiritus propheticus, cum triennio elapso, nec corpus putidum, nec blasphemus animus resurgeret: Magistratus sacrilega ossa ex sarcophago effodi, & in facinorosorum cœmeteriû inter rotas & cruces trãsferri curauit. Sic nimirum decebat resurgere tantû Prophetam. Eiusmodi præposterum prophetam videtur hic agere Smidelinus: speramus enim deum propitium, & ad infinitam misericordiam suam, exuperantem omnia opera eius, respicientem, aliquandò visitaturum vineam suam, eiecturû esse per legitimos ciuitatis suæ Magistratus, istos singulares feros, frendentes apros, vlulantes lupos, gånientes vulpes, diuerso & vario impetu maceriam vastantes, ipsamque vineam demolientes. Nec desunt præclara auspicia, & lætæ plurimorum bonorum ominationes: quin & ipsa rerum humanarum scena, Deo ductore & chorago, videtur sese non ad Tragicam, sed Comicam, sed lætam, festiuam & Christo dignam catastrophem inclinare. Habemus ex summo supremi numinis beneficio Pontificem Maximum Pium Quintû, re & nomine verè pium & sanctum, atq; aded etiam vestrorum testimonio commendatum. Habemus D. Maximilianum Rom. Regem Augustum, atq; item Ph ilippum Hispaniarum

arum Regem Catholicum, agnita iam plurimis argumentis religionis Catholica, virtute bellica, clementia summa Principes commendatissimos. His Atlantibus, horum plusquam herculeis humeris, vniuersus orbis Christianus, Deo disponente, incumbit, atque ita incubit, ut illis superstitibus æthereaq; aura vescentibus, nunquam luxandum, nedum lapsurum, omnes boni confidant. Hos, pontificem dico & Imperatorem, meritò dixerim duos Cherubin, vnum in latere vno, alterum in latere altero, vtrunq; latus arcæ dominicæ expansis alis tegentes, & operientes Ecclesiā Dei, respicientesq; se mutuò, versis vultibus in propitiatorium. Quod nā mihi narras propitiatorium? Et videtur, inquit Origenes, propitiatorium hoc, de quo scriptum est in Exodo, ad nullum nisi ad saluatorem dominum retulisse, cum dicit (Apostolus) quia hunc posuit Deus propitiatorium per fidem. Et quia in propitiatorium hoc iuxta Catholicam & à maioribus velut per manus traditam religionem synccero & flagranti studio, vnoq; obtutu respiciunt, pulcherrimam quādam in ipsa arca, in ipsa ecclesia & ciuitate Dei consonantiam, pacē & tranquillitatem mutuis auxilijs, hic suppliciter orando, ille fortiter & fideliter protegendo fouent & conseruant: hoc enim est mutuò sese respicere, versis vultibus in propitiatorium. Et quandiu eiusmodi mutuo respectu piē & Christianē respexerunt, uti etiam nūm hodiē summo dei beneficio omniumq; piorum magnifico applausu sese respiciunt, tandiu semper verum fuit quod ibidē subiicit Dominus: Indē præcipiam & loquar ad te: supra propitiatorio scilicet, ac medio duorum Cherubim, qui erunt super arcam testimonij, cuncta quæ mandabo per te filijs Israel. Vbi pulchrè Origenes: Non solum Moysi, inquit, sed vnicuiq; sanctorum, qui famulus Dei est, non aliundē innotescit Deus, nec aliundē cognoscitur, nisi de propitiatorio isto, & de medio Cherubim. Huc & istud Abacuc propheta referri posset: In medio duorum animalium cognoscēris: dum appropinquant anni, cognoscēris: & cum affuerit tempus, ostendēris. Iam cum his duobus Cherubim quā multi serenissimi Reges, Reuerendissimi Illustrissimiq; principes, Magnifici & strenui heroēs, suæ consonæ & vniformis pietatis expeditæ voluntatis & parati patrocinijs serenissimas alas coniungunt, easque

Exod. 25.

In epist. ad
Rom. cap. 3.
lib. 3.

Exod. 25.

Abac. 3.

itā expandunt, vt suorum præsidiorum tectorio ipsam Catholicā Ecclesiā arcam mirificè obumbrent, tueātur, sartamq; & tectā cōseruent? Nihil ergo dubitamus de bonitate Dei, de qua & certè confidimus, vanum te Smideline fore augurem, vtī & hucusq; fuisti. Aut si non omninò vanum, certè præposterum te videbimus vatem, vt dij prius omen in ipsum te conuertant, vt pulsus & discussus aliquandò venenatis illis vaporibus & nebulis, quas tu tuiq; magistri & gregales hætenus, permittente Deo, ebulliuitis & exhalastis, pristinam serenitatem & tranquillitatē recuperet Ecclesia Catholica, suiq; immobili firmitudine & constantia vestro Antichristianismo etiā externam ruinam maturè sit allatura. Vanum igitur, & si Luteri verbis vt illicet, concacatum prophetam te agnoscimus Smideline, cū signum illud quo (Domino docente) pseudoprophetæ cognoscendi sunt, in te cōspiciamus: Quod in nomine Domini propheta ille prædixerit, & non euenerit, hoc Dominus non est locutus, sed per tumorem animi sui propheta confinxit, & idcirco non timebis eum. Atq; hæc sunt, quibus Smidelinus statum libri de componendis dissidijs se probè confutasse gloriatur. Quod qua fide, industria & strenuitate fecerit, non eget nunc accuratiori commemoratione.

Smidlinū esse
se vate concacatum.

Deut. 18.

ANTHYPERASPISTIS LIBER QVARTVS.

De ecclesiasticis controuersijs.

Cap. I.

De votis. Item quibus modis castitas possit conseruari. Nec esse impossibile castitatis conseruationem, Catholicorū hæreticorumq; testimonijs docetur. Dictum Christi, Nō omnes capiunt verbum hoc, luculentè explicatur.

Pro-



Rogreditur iam ad alteram libri sui partem, quā inchoat his verbis: In libello de componendis diffidijs duo præcipue in Lutero sanctæ memoriæ Dei viro reprehendit, Vitam scilicet & doctrinam &c. Quod vitam monasticam deseruerit, & uxorem duxerit, Embricensi Grammatico scelus est non nisi morte expiandum: siquidem vota reddenda sunt Domino &c. infertq; Smidelinus, Bredenbachium veram votorum rationem non intelligere, cum ea tantum vouenda sunt, quæ in nostra sunt potestate: Non autem esse in nostra potestate virginitatem custodire castam, ipsius Christi testimonio docet, Non omnes capiunt verbum hoc.

Monet sapiens paræmiographus, Nè dederis os tuum vt peccare facias carnem tuam: quo arguuntur hi, inquit Hieronymus, qui de vitio carnis queruntur, & aiunt se corporis necessitate compulsoe ea facere, quæ nolint. Eodem modo Smidelinus vt Lutero viro Dei sanctissimo (si dijs placet) patrocinetur, verbum Dei deprauat in verbum malitiæ, ad excusandas excusationes in peccatis: os enim impiorum operit iniquitatem: improborum est, semper aliquid causari, quo flagitijs suis præsidium quærant.

Quid igitur restat aliud, quàm vt tyrannica votorum lex semel & simul in vniuersum abrogetur, cum non omnium sit continere?

Sed diu meliora. Absit vt orbis Christianus, vt vniuersa Christi Ecclesia Catholica, iam inde ab Apostolorum temporibus ad hanc ætatem vsq; legem tyrannicam cuiquam præceperit. Absit vt D. Hieronymus tyrannidem suo assensu fouerit, dum inquit: Christus virgo, virgo Maria, vtriusque sexus virginitatem dedicauere. Apostoli, vel virgines, vel post nuptias continentes: episcopi, presbyteri, diaconi, aut virgines eliguntur, aut vidui, aut certè post sacerdotium in æternum pudici &c. Ad sacerdotium adspirantibus, inquit Bredenbachius, eam constituit Ecclesia ætatem, in qua nemo non sibi notus esse potest: vt sciat an castè viuere possit, nisi quod nemo nostrum quicquam boni potest præstare sine gratia & auxilio Dei: tamen ea ætate si quis in se descendat, motus carnis suæ obseruet, & gratiam spiritus diuinitus sibi datā, aduersus illos motus

Smid.

Bred.

Eccēs 5.

Pro. 10.

Smid.

Bred.

In apol. aduers. Iovin.

Cōt. Henr. Pileum.

Iohan. 15.

tus studeat excitare, hunc ego omninò mihi persuadeo facilè inuenturum esse, quid de gratia Dei, quantum ad continentiam vitæ attinet, sperare debeat. Quòd si videatur sibi infirmior esse, quàm vt continere possit, aut non sit eius sententiæ vt velit, iam nè voueat Deo, nè promittat ecclesiæ, nè recipiat in se sacerdotium, ad quod multis grauissimisq; de causis Ecclesiæ voluntas est, neminem admittere, nisi qui iam in animo suo decreuerit castè viuere. Sed nò omnes, inquis, capiunt verbum hoc. Audi quid Bredenbachius, cuius hostem te profiteris, interiectis alijs, quæ studio breuitatis omittimus, respondeat: Demus illos, inquit, non posse: tamè si hoc præsciuerunt, & tamen vouerunt, vt hac ratione irreperent in sacrosanctum illud sacerdotium, vt habeant vndè viuant in ignauo & execrando ocio: quomodò possunt effugere iustum iudiciũ dei, & pœnam suę perfidię debitam? Veruntamen ego, inquit, ostendā rationem, vt possint præstare, quod vouerunt, si modò velint. Principiò confugiant ad illum cui vouerunt: ab hoc supplices petant auxilium ac vires vt possint: nimirum de quo Paulus Apostolus, ingenti concepta fiducia, inquit: Omnia possum in eo qui me confortat. Impossibile autem est, vt hic supplices, rem tam honestam, piam, sanctam & salutarem à se petètes, repellat. Ecquis tam impiè de æterna eius veritate sentit, vt putet non præstiturum, quod toties tam sanctè promissit? Nónne autem verbum promissionis eius est: Omnis qui petit, accipit: & qui quærit, inuenit: & pulsanti aperietur? Cuius verbi sententiam tot locis tam seriò & grauitèr repetitam legimus, vt de veritate eius dubitare nihil aliud esse queat, quàm ipsum Deum abnegare. Quamobrè faciamus quod monet ac hortatur Apostolus, vt adeamus cum fiducia ad thronũ gratiæ eius, vt misericordiam consequamur, & gratiam inueniamus in auxilio opportuno. Nè verò petamus tanquàm ignaui, & quasi nihil ipsi velimus præstare laboris in resistendo hosti. Tales enim non exaudit, sed eos, qui inter implorandum auxilium etiam ipsi in armis sunt, in acie stant, hosti resistunt. Militia enim est hominis vita super terram, inquit insignis ille miles Iob: & qui certat in agone, nò coronabitur, nisi legitimè certauerit, inquit Apostolus. Omnis autè qui in agone contendit, inquit idem alibi, ab omnibus se abstinere: & il-

li

li quidem, vt corruptibilem coronam eccipiant, nōs autem incorruptam. Ego igitur sic curro, non quasi in incertum: sic pugno, non quasi aërem verberans: sed castigo corpus meum, & in seruitutem redigo, nē fortē, cū alijs predicauerim, ipse reprobus efficiar. Non statim despondendus est animus, non abijcienda arma, nō dextra herbave porrigenda hosti, si Deus videatur differre auxilium, quō magis exerceat, illustrioremq; reddat nostram virtutem. D. Apo- 2. Cor. 12. stolo Paulo datus fuit stimulus carnis, angelus satanæ qui eum colaphizaret: & cū tēr Dominum rogasset, vt discederet à se, audiuit: Sufficit tibi gratia mea. Nam virtus in infirmitate perficitur. An putamus illis solis amplectendum esse cælibatum, qui nullos sentiunt motus carnis? Quænam (obsecro) laus est, quæ gloria tales manere cælibes, & viuere castē? Non est gloria apud Deum, esse Eunuchum, vel manibus hominum, vel natura castratū: sed semetipsum Mat. 19. castrasse propter regnum Dei, hoc gloriosum est in conspectu dei. Quī fieri putamus, vt in tanta sacerdotum turba vix paucos inuenire sit, qui viuant castē? In promptu causa est, quia ne semel quidem dant operam, vt castē viuant. hæc & his multō plura grauissimē iam olim differuit Bredenbachius aduersus ὁμοεργον tuū Henricum Pileum: ad quem auidum lectorem remittimus. Iam si ad veterum patrum monumenta accedamus, si eos consulamus, qua ratione continentiam tueri queamus, quibus modis verbum hoc capere possimus, quantus aperietur nobis dicendi campus? Neque enim vllus ferē est, qui non de virginitate differat, qui non ad continentiam exhortetur, qui non demonstret, quo pacto cælibes castum cælibatum agere queant. Audi quid Rustico monacho faciundum præscribat Hieronymus, vt in sancto vitæ instituto sanctē vsque ad finem perseuerare possit. Nunquā de manu & oculis tuis recedat liber, discatur Psalterium ad verbum, oratio sinē intermissione, vigil sensus, nec vanis cogitationibus patens. Corpus paritē & animus tendatur ad Deum. Iram vince patiētia. Ama scientiam scripturarū, & vitia carnis non amabis. Nec vacet mens tua varijs perturbationibus. Quæ si pectori infederint, dominabūtur tuī, & deducunt te ad delictum maximum. Facito aliquid operis, vt te semp̄r diabolus inueniat occupatum. Vel si cellam texe iunco,

K K

vel

Quibus modis castitatem tueri queamus.

Eccī xj.
Pro. 6.

1. Cor. 7.

vel canistrū lentis pleſte viminibus: ſarriatur humus, areolę equo limite diuidantur. Inſerantur infructuoſę arbores vel gemmis, vel ſurculis, vt paruo poſt tempore laboris tui dulcia poma decerpas. Apum fabricare aluearia, ad quas te mittunt Salomōis proueria, & monaſteriorum ordinem ac regiam diſciplinam in paruīs diſce corporibus. Texantur & lina capiendis piſcibus: ſcribantur libri, vt & manus operetur cibum, & animus lectione ſaturetur. In deſiderijs eſt omnis ocioſus. Aegyptiorum monaſteria hunc morem tenent, vt nullum abſq; operis labore ſuſcipiant, non tam propter victūs neceſſitatem, quā propter animę ſalutem. Nē vagetur p- nicioſis cogitationibus mens, & inſtār fornicātis Hieruſalem, omī tranſeunti diuaricet pedes ſuos. Verūm dic agē Hieronymē, tūne τὸ πρὸς οὐρανὸν, de quo Paulus, in te ſenſiſti? Sentiens autem, nunquid protinūs abiecto clypeo, carnis prurigini te ſubieciſti? Audiamus quid reſpōdeat. Dum eſſem iuuenis, inquit, & ſolitudinis me deſerta vallarent, inſcentiua vitiorum ardoremq; naturę ferre nō poteram: quem cū crebris ieiunijs frangerem, mens tamen cogitationibus aſtuabat. Ad quam edomādā cuidam fratri, qui ex Hebræis crediderat, me in diſciplinam dedi &c. refertq; mox de quodam adoleſcente Græco, qui cū in monaſterio exiſtēs, nulla cōtinentia, nulla operis magnitudine flammam poſſet carnis extinguere, idq; pater monaſterij comperiret, inſigni ſtrategemate effuſum & exaſtuantem adoleſcentis affectum moderatus eſt, inſtituta videlicet contra eum graui quadam accuſatione, eaq; teſtibus firmata, atq; itā cū toto penē anno ſummo in luctu ac diſcrimine vixiſſet, propter inſtitutam contra ſe actionem, poſteā rogatus an moleſtiam aliquam ex carnis rebellionē ſentiret, reſpondit: Pape, Viuere mihi non licet, & fornicari libeat? Hęc ibi Hierony. Sane non Aetnæ ignes, non Vulcania tellus, non Veſuuius & Olympus tantis ardoribus eſtuant, vt iuueniles medullę, præfertim eorū, qui non ab omnibus ſe abſtinent, quæ illud incendium adaugere poſſunt. Cur non eiſmodi faces & fomenta ſubtrahere mauult Smidelinus carnis prurigini, quā ſtatim herba porrecta amori & libidini ſuccumbere? nimirū vt demonſtret ſe Iouiniani aſſectā, & illorum pseudoprophetarum gregalem, quos depinxit ſermo Apo-

Apostolicus: Veniēt in nouissimis diebus illufores seducentes, iuxta propria desideria ambulantes. Atq; item illorum, quos D. Augustinus Paternianos vel Venuſſianos dici ait, qui aſſerebant à lūbis vſque ad pedes, diabolū feciſſe corpus hominis: ſuperiores verò partes, Deum velut ſupra baſin aliquā collocāſſe, addebantq; nihil ab hominis ſtudio requiri, quā vt anima, quā in ſtomacho & capite habitare dicebant, munda ſeruetur: pubem verò, ſi omniū flagitiorum ſordibus oblinatur, aiebant ad ſuam non pertinere curam. Quanto rectiūs ipſe Dominus & ſeruator: Attēdite, inquit, vobis, nè fortè grauētur corpora veſtra crapula & ebrietate & curis huius vitæ. Et Apoſtolus: Nolite inebriari vino, in quo eſt luxuria. Nec mirum, hoc figulū ſenſiſſe de vaſculo, quod ipſe eſt fabricatus, cū etiā Comicus, cuius finis eſt humanos mores nōſſe atq; deſcribere, dixerit: Sinè Cerere & Baccho friget Venus. Vndè Hieronymus ad Furiam de viduitate ſeruanda, ſcribit, vt ſi ſtomachi firmitas patitur, donè puellares annos tranſeat, aquam in potu ſumat, q̄ natura frigidiffima eſt. Deindè in ipſis cibis calida quæque deuilet. Quicquid facit ſeminarium voluptatum, venenum putet. De ſcripturis ſanctis, inquit, habeto fixum verſuum numerū, iſtud penſum Domino tuo redde: nec antè quieti membra concedas, q̄ calathum pectoris tui hoc ſubtegmīne impleueris. Poſt ſcripturas ſanctas Doctorum hominū tractatus lege &c.

Eccè per eiufmodi tramites D. Hieronymus ad continentiam nos contendere iubet, quos ſi quis obſeruet, & ſeriò caſtitati ſtudeat, haud difficultè obtinebit quod deſiderat. Vnum eloquentiæ ſtudio, Cicero ſatis firmum caſtitalis argumentum putauit in M. Cælio: nos, qui præter ſeruens ſacrarum literarum ſtudio, tam multa pietatis habemus exercitia, quibus affectuum tumultus cōprimamus, quid cogit, vt animos deſpōdeamus? Pythagoras adoleſcentem amore lymphatum, muſica harmonia ad modeſtiam reuocauit. M. Tullius quoq; gentilem illam ſuam philoſophiā, animorum medicinam appellauit: & nos dubitabimus eadem hæc p̄cipi poſſe ex ſtudio ſacrarum literarum? Anna Prophetiſſa ab adoleſcentia vſq; ad octoginta quatuor annos viduitatis onus ſuſtinuit: an quia nō ſenſit in ſe rō *αυτοῦσθαι*? Nequaquā, ſed nō recede-

KK 2

bat

2. Pet. 3.

Cōt. Iulian.

Pelagia. lib.

5. cap. 5.

Luc. 21.

Ephē. 5.

Terent. in

Eunuch.

Augu. cōtra

Iulian. Pelag.

li 5. ca. 4.

Cice. in

Tuſcul.

Luc. 2.

bat de templo Dei, diebus ac noctibus insistens ieiunijs & obsecrationibus. Simile de Iudith vidua legimus. Hoc est quod D. Hieronymus ad Demetriadem de seruanda virginitate scribit: Præter psalmorum & orationis ordinem, quod tibi hora tertia, sexta, nona, ad vesperum, media nocte, & manè semper est exercendum: statue quot horis sacram scripturam ediscere debeas. Cumq; hæc finiëris spatia, & frequenter ad figenda genua sollicitudo animæ suscitauerit, habeto lanam semper in manibus, vel staminis pollice fila deducito &c.

Similia habet D. Augustinus lib. de bono viduitatis cap. 21. Deliciæ, inquit, spirituales delicijs carnalibus in sancta castitate succedant: lectio, oratio, psalmus, bona cogitatio, bonorum operum frequentatio, spes futuri seculi, cor sursùm, ieiunia quoq; & vigiliæ &c. Si te voveris Deo, inquit Origènes homilia 24. in Num. imitandus tibi est vitulus, quem non licet humanis operibus deseruire, nihil facere quod ad homines & ad præsentem vitam pertinet: sed quicquid ad animam pertinet, & ad diuini cultûs obseruantiam, hoc & agendum, & cogitandum tibi est.

Similia apud Athanasium refert D. Antonius ad suos anachoretas. Prætereo nunc quæ Cyprianus, Damasus, Ambrosius, Tertullianus, alijq; complures de virginitate & eius custodia præclare scripserunt, quos longè alio spiritu ductos patet, quàm lasciuentem illum Veneris maritum Vulcanum Goppingensem. Sed non oēs capiunt verbum hoc, inquit aduersarius, sed quibus datû est. Abundè iam ad hoc responsum est. verùm vt vndiq; prominètia cornua prodant petulatem Satyrum, nolo dicere Beanum, (licet hoc titulo Reuerendissimum præfulem Hosium irreuerentèr decoret) audiamus quid D. Hieronymus in eum locum referat. Nemo, inquit, putet sub hoc verbo vel fatum vel fortunam introduci, quod hi sunt virgines, quibus à Deo datum sit, aut quos quidam ad hoc casus adduxerit: sed his datum est, qui petièrunt, qui voluerunt, qui vt acciperent laborauerunt. Omni enim petenti dabitur, & quærēs inueniet, & pulsanti aperietur. De talib⁹ loquitur D. Augustinus: Non eos terreat sarcina conscientiæ: leuis erit, si Christi erit: Christi erit, si fides aderit, quæ impetrat à iubente, quod iusserit.

Idem

Idem D. Augustinus cap. 4. de libero arbitrio: Non omnes, inquit, capiunt verbum hoc, sed quibus datum est: quibus enim non est datum, aut nolunt, aut non implent quod volunt, &c.

Theophylactus quoque in Matthæum: Non omnibus datum est continere, illis autem datum est qui petunt.

In eandem sententiam Chrysost. hom. 17. in epist. ad Hebræos: Non oportet, inquit, dicere, Non possum continere &c. Multi non possunt, quia non volunt. Si enim voluerint, omnes potuerint. Propterea & Paulus ait: Volo omnes esse sicut meipsum, quia sciuerat quod omnes poterant esse sicut ipse. Non enim, si impossibile fuisset, hoc dixisset. ut autem tales simus, & voluntate & conatu opus esse, cōsequēter demonstrat Isidorus lib. 2. de summo bono cap. 40.

A Deo datur continentia: sed petite, & accipietis: tunc autem tribuitur, quando Deus gemitu interno pulsatur. Consentit his Euthymius in 19. cap. Matth. in illa verba, Non omnes capiunt &c. Solum illi sermonem hunc suscipiunt & ferunt, inquit, quibus datū est hoc donum à Deo. Datum est autem his, qui petiuerunt &c. non autem simpliciter, sed feruenter & perseueranter, & ut semel dicā,

sicut oportet. Pulchrum est quod ait Origenes: Si offeramus ei corporis castitatem, accipiemus ab ipso ipsius castitatē. Hoc est quod in eundem ipsum locum idem Origenes: Quoniam, inquit, quidā calumniantur, quod Christus ait, Quibus datum est: quasi excusationem habentes, & volentes quidem esse in castitate, non autem prauales. Quibus est respondendum: Si quidem accipimus simpliciter quod dictum est, Sed quibus datum est: non autem attendimus, quod alibi dicit: Petite, & dabitur vobis: & Omnis qui petit, accipit: aut fideles non sumus, aut scientes scripturas. Qui enim vult capax esse verbi, quod de castitate positum est, petat, credens dicenti, & accipiet, non dubitans de illo quod dictum est: Omnis qui petit, accipit. Quis est ergo qui petit? Qui credit Christo, dicenti: Si steteritis orantes, credite quoniam accipietis. Debet autem, qui petit, omnia facere, quātum ad se, ut oret spiritu, oret & mente, memor Apostolici verbi, quod ait: Sinē intermissione orantes. Diuus Ambrosius virginī lapsæ, dicenti, Non potui sustinere, quia carnē fragilem circumferebam: Respōdebit tibi, inquit, beata Tecla cum suis

Hom. 24. in Numer.

Vide Bredeba. in 19. cap. Matth. in hæc verba: Nō oēs capiunt &c.

Ambrosi. ad virg. laps. cap. 4.

KK 3

fuis

fuis innumerabilibus socijs: Et nos eadē carne amictæ fuimus, non tamen plenum propositū castitatis nostræ, aut fragilitas carnis potuit mutilare, aut sæuitia tyrannorum per varia tormēta potuit deijcere. Quid igitur amplius nunc à nobis requiris Smideline? Si nō oēs capiunt verbū hoc, necessariō concedes aliquos cape. Quod ut concedas, tam multa continentium millia extorquent, nō in Christianismo dūtaxāt, sed & paganismo, adeō ut etiā ipse Epicurus, quantunūcūq; summum in voluptate bonum constitueret, continentiam prædicauerit, multi Ethnici re ipsa præstiterint, quorum copiosum catalogum enumerat Hieronymus, & commemorat Augustinus in quæstionibus mixtis. De Catone memorat ille, qui ob ligatam orationem inter poetas, ob fidem verō & grauitatem inter historicos refertur:

Aug. lib. de
vilit. credē
di, cap. 4.

Lib. 1. ad-
uers. Iouin.
q. 115. to. 4

Vrbi, inquit, pater est, vrbiq; maritus,
Iustitiæ cultor, rigidi seruator honesti,
In commune bonus: nullosq; Catonis in actus
Surrepsit, partemq; tulit sibi nata vōluptas.

Quod sinē voluptate non faciebat, non tamen propter voluptatē fulciplebat, sed solius prolis habendæ gratia. Nōrat ethnicus non in passione desiderij suum vas possidere: nōrunt p̄tereā multi exulantes à gratia Dei & idolorum cultores, matrimonij iugo continentiam p̄ferre. Nōrunt athletæ non pauci, ut refert Clemēs Alexand. Stromat. 3. propter exercitationem corporis à Venere continere, inter quos Crotoniates Aeschylus & Criso Imerus. Amcebræus quoq; citharædus cū recentē vxorem duxisset, à spōsa abstinuit. Vndē iam ō Smideline, impudentissimum illud tui Luteri schediasma, non à Christo duntaxāt, non ab ecclesia Catholica, nō ab vniuerso sanctissimorum Patrum Senatu tantū, sed etiā ab ipsis paganis, immō & tuo ipsius ore funditū eueritur, quum inquit, Veneris vsum tam esse necessarium sicuti expuere, edere & bibere, &c. Semp̄ pseudoprophetæ dulcia pollicentur, & ad modicum placent, inquit Hieronymus. Huiusmodi Euangelio turtures profligantur, & vpupæ nutriuntur. Hirci vestri plurimas secum capras trahunt, & equi vestri in fœminas insaniunt. Si Veneris necessitas est inuitabilis, quomodō plurimi ethnicorum Venerem

Meretriciū
Luteri dicte-
rium.

Aduers. Io-
uinian. li. 2.

ne-

nesciunt, & bona eorum pars philosopho uxorem ducendā noluerunt? Quin & tu Smideline adducto loco euangelico, nō omnes capere verbum hoc, apertissimi impudentissimiq; erroris magistrū tuum conuincis: si enim non omnes, certē aliqui capiunt. Sed restat iam, vt & tuo ipsius ore iuguleris homo salacissime. Pauli locū 1. Tim. 5. in lib. aduersus Hosium sic explicas: Dum fidem reijcere dicuntur (viduæ,) rectē intelligi non de voto aliquo monastico, sed primò de fide in hoc officio data, qua receperunt sese perpetua lege cælibatūs suā operam Ecclesiæ addicere, deindē etiā de fide in baptismo data &c. Vbi ex te quæro Smideline, si ea tantummodò vouenda sunt, quæ sunt in nostra potestate, negas autē continentiam nostræ esse potestatis, qua fronte ais Apostolum pronunciare illas viduas habere damnationem, quæ fidem de perpetuo cælibatu seruando irritam fecerunt? Si receptæ legis de cælibatu violatione damnationem sibi accerserunt viduæ, qua ratione Luterum eiusq; sequaces ab hac damnatiōe absolues? Quid est ardelionem & vitiligatorem agere, si hoc non est? Vt interea taceā, Brētium tuum hanc fidem de qua loquitur Paulus, de nullo continentia voto vlla ex parte accipere. Eas nunc Smideline, & omnibus monachis & continētibus, qui in se τὸ πρὸς θεὸν experiūtur, ad matrimonia classicum, & spōso Lutero epithalamium canas. Porro si vlteriùs nobiscum contendat Smidelinus, ea tantum vouenda, quæ in nostra sunt potestate, qua ratione votum in baptismo p̄stitum excusabit, cum ipse palam in lib. aduers. Reuerendiss. Hosium clamitet, legis Euangelicæ obseruationem esse impossibilem? Cur istic diabolo abrenunciamus? cur in Euangelicæ legis obseruationem iuramus? Atque aded nihil fuerit quod vouere Deo queam⁹, cum non simus sufficientes vel cogitare quippiam ex nobis tanq̃ ex nobis. Quin igitur eadem ratione baptismum abrogat Smidelinus, in quo rem tam difficilem atq; aded iuxta ipsum, impossibilem, vouemus?

Cap. 2.

Tra

Tractatur locus Ambrosij ad virginē lapsam, atque itē eas Christo desponderi, quæ accepto velo & publico voto, se ad continentiam obstrinxerunt. Melius est nubere quàm vri, ad quos pertineat. Vetusissimum esse vsum sacri veli ac tonsuræ monasticæ.

Smid.

AD locum Ambrosij admodum ineptum, inquit Smidelinus, hoc iam respōsum Grammatico damus: Si probauerit nobis, idem esse ad altare velari, tonderi, in monasterium detrudi, quod Christo desponderi, parati sumus sanctissimi viri Luteri lapsum vnā cum ipso etiā anathematizare.

Bred.

Eas Christo desponsatas fuisse, quæ accepto velo & publico voto se ad continentiam obstrinxerunt, clarissimè hoc ipso Ambrosij loco demonstrauit Bredenbachius. Non es memorata, inquit sanctus præsul, diei sanctæ Dominicæ resurrectionis, in quo diuino altari te obtulisti velandam? &c. Adspice ergò, quantus ad spōsi tui & Domini nuptias conuenerit populus. Seruare te oportuit fidem, quam sub tantis testibus pollicita es. Facilius te oportuit sanguinem cum spiritu fundere, quàm perdere castitatem tuam. His tunc in illo die consecrationis tuæ dictis & multis supra castitatem tuam præconijs, sacro velamine te cta es, vbi omnis populus dotem tuam subscribens, non atramento, sed spiritu paritèr acclamauit,

1. Cor. 7.

Amen. Et paulò pòst: Dicit aliquis: Melius est ergò nubere, quàm vri. Hoc dictum ad nondum pollicitam pertinet, ad nondum velatam. Cæterum quæ se sponndit Christo, & sanctum velamen accepit, iam nupsit, iam immortalī iuncta est viro. Et iam, si voluerit nubere cōmuni lege coniugij, adulteriū perpetrat, ancilla mortis efficitur. Audis hīc Smideline non simplicem, sed quadruplicē velaminis mentionem: audis hanc virginē lapsam, ad altare velatam fuisse: nec iam primū audis, sed iam olīm in Bredenbachij libro legisti: vt mirer atq; adeò obstupecam, qua fronte, quo animo tu dicas paratum te esse anathematizare Luterum, si probauerimus idem esse ad altare velari &c. quod Christo despōderi, cum hīc apertè D. Ambrosius Christo desponsatas dicat, quæ accepto sacro

facro velamine, immortali viro nupserunt. Eccè quàm verè de te
tuisq; gregalibus pronunciauit Apostolus, hæreticum hominè esse Titi 3.
subuersum. Verè subuersus es Smideline, qui dum ore Luterū vi-
rum sanctissimum prædicas, & doctrinam eius velut Euangelicam
& cælestem veneraris, re ipsa tamen longè diuersum agis, & à Lute-
ri placitis lōgissimè recedis. Id tibi non meis, sed Nicolai Amstdorf-
fij verbis demonstrabo. Sunt qui dicant, inquit, se condemnare
Zuinglianismum: sed Brenrij præfatio in librum Iacobi Goppin-
genfis, longè aliud testatur. Hic enim pium Luterum & Zuingliū,
si dijs placet, cōciliare moluntur, quod planè impossibile est. Quis
enim vnquā audiuit cōtradictoria posse redigi in cōcordiā? Eius-
modi res pueriles & quæ omninò fieri nequeunt, non verentur il-
li proponere, qui orbis Christiani se magistros volunt: perindè ac
si omnes nos planè caudices & stipites simus. Et post pauca: Quan-
uis Theologi, qui in Vuormatiensi colloquio post nostrorū disces-
sum permanfere, publicè editis scriptis testati sint se ab Augustana
Confessione nolle discedere, re ipsa tamen diuersum planè faciūt.
Cum enim Zuingianos & Oliandrinos execrari nolint, non pos-
sunt Augustanæ confessioni adhærere, sed eo ipso ab illa discesse-
runt, atq; ita paci quidem obicem, dissensionem verò materiam ob-
iecere. Si enim vnà nobiscum supradictos errores condemnarent,
iam à nostra parte hac in re aduersum Papistas prorsus concordēs
essemus &c.

Hæc ille in libro, cui titulum fecit, Publica confessio puræ do-
ctrinæ Euangelij. Quæ idcirco obiter adducere visum est, vt im-
pudentissimam tuam vanitatem, qua verbis Luterum prædicas, fa-
ctis persequeris, refellerem.

Iam & alterum illud tibi vis demonstrari, nimirum tonderi so-
lere eos qui Christo desponsantur? Docuit illud multis annis ante
Ambrosium Dionysius Areopagita cap. 6. Ecclesiasticæ Hierarch.
Priscam illam Therapeutarum siue monachorum consecrationem
depingens: Presbyter, inquit, legitimas illas futuro monacho ad-
stanti orationes imprecabatur: quibus expletis, eum rogabat, num
abrenunciet om̃ibus diuisibilibus atq; secularibus tam vitæ quàm
cogitationum generibus? tum exposita illi vitæ multò in posterum

Vide latius
inf. cap. 224

L. L.

san-

sanctioris futuræ, quàm adhuc, formula, atque vbi ταῦτα πάντα τοῦ
τελουμένου προσεχῶς ὁμολογήσαντος τῷ σταυροειδεῖ τύπῳ σφραγισάμενος
αὐτὸν ὁ ἱερεὺς ἀποκείρει. Hæc omnia ille in monachum consecrandus
attento animo & animaduertentèr vbi promiserit, eum crucis for-
ma consignatum presbyter tondet, vestesq; commutans, ad sacræ
Eucharistiæ adducit communionem. Quòd si vnus Dionysij au-
thoritas minùs te commoueat Smideline, audi quænam per omnē

Ad Sabiniã.
Diac. Rom.
tom. 1.

Syriam, vnde nostra prodijt religio, & Aegyptum olim obtinuerit
consuetudo. Moris est, inquit D. Hieronymus, in Aegypti & Syriæ
Monasterijs, vt tam virgo quàm vidua, quæ se Deo vouerint, & se-
culo renunciantes, omnes delicias seculi cōculcârint, crinem mo-
nasteriorum matribus offerant desecandum, capite postea ligato
& velato. Nec hoc quispiam præter tondentes nouit & tonsas, nisi

Cōr. Iulian.
lib. 5. cap. 4.

quòd quia ab omnibus fit, penè scitur ab om̃ibus. De sacro quoq;
virginum sacrarum habitu sic, ait Augustinus: Tenent sanctam p-
fessionem non solùm habitu vestis, sed & mentis & corporis, resi-
stendo concupiscentiæ carnis. Audiuisti igitur Smideline, & ton-
deri & velari solitas virgines, quo designabatur, eas in Christo de-
sponsatas. Patres enim quandò de sacro velamine commemorant,

Epist. 179.

de virginum monasticarum consecratione referunt. Sic D. Augu-
stinus Iulianæ & Probæ viduis gratulatur, Demetriadem virgini-
tatis velum accepisse: Velationis, inquit, apophoretū gratissimè ac-
cepimus. Et D. Hierony. Post Apostoli Petri Basilicā, in qua Chri-
sti flammeo cōsecrata est &c. Et idem alibi: Scio quòd ad impreca-
tionem Pontificis, flammeum virginale sanctum operuit caput.

Ad Sabiniã.
Ad Deme-
tria. de ser-
uanda vir-
ginitate.

Vis & laudatissimi illius Imperatoris Iustiniani de tonsura mo-
nastica testimonium audire? In authentica de Monachis, §. 1. refert
de triennali monachorum probatione, & cū, inquit, triennio to-
to ita permanferint, optimos semetipsos & tolerabiles alijs mona-
chis & præfuli demonstrantes, hos monasticam promereri vestem
atq; tonsuram &c.

Idem igitur dicimus esse velari & tonderi, quod Christo despō-
fari, modò sincera fide & pio proposito id agamus, quod externo
signo profitemur. Dices, ergò dum baptizamur, Christo non de-
sponsamur? sed illi duntaxat, qui tondentur & velantur? & de solis

mo.

monachis ac sanctimōialibus locutus est Apostolus, inquiens: Despondi vos vni viro virginem castam exhibere Christo? Respondeo, 2. Cor. 11. quēadmodū duplex est virginitas, carnis & mentis: itā & desponsatio duplex est. Virginitas carnis, est corpus intactum: virginitas mentis, est fides incorrupta. Secundū posteriorem illam itā Christo desponsamur, vt si riualem admittamus, si Christo virginitatem non seruemus, sponsum ipsum habere nequeamus. Hæc virginitas nē corrumpetur in Corinthijs timebat Apostolus, dum inquit: Despondi vos vni viro virginem castam exhibere Christo. Timeo autem nē sicut serpens Euam decepit, itā corrumpantur sensus vestri. De hac loquitur Esaias: Quomodō facta est meretrix ciuitas fidelis Sion? Iuxta hunc modum tota ecclesia virgo appellatur, vt inquit Augustinus. Diuersa nihilominus sunt membra ecclesię, diuersis donis pollentia. Alij coniugati, alię conjugatę: alij viduati vxoribus, non vltřa quęrunt: alię viduatę maritis, vltřa non quęrunt: alij integritatem ab ineunte ætate conseruant, alię virginitatem suam deuouerunt. Diuisa sunt munera, sed omēs illi vna virgo est. Vbi est ista virginitas? Non enim in corpore. In corpore paucarum scēminarum est. Et si dici virginitas in viris potest paucorū virorū sanctitas, integritas etiā corporis est in ecclesia, & honorabilius membrum est. Alia autem membra non in corpore, sed omnia in mente seruant virginitatem. Quę est virginitas mentis? Integra fides, solida spes, sincera charitas. Cū ipsa igitur vniuersa ecclesia, inquit alibi Augustinus, virgo sit desponsata vni viro Christo, sicut dicit Apostolus, quanto digna sunt honore membra eius, quę hoc custodiunt etiā in ipsa carne, quod tota custodit in fide, quę imitatur matrem viri & domini sui? Nam Ecclesia quoq; & virgo & mater est. Et paulō pōst: Proindē cū Ecclesia vniuersa sit sancta & corpore & spiritu, nec tamen vniuersa sit corpore virgo, sed spiritu: quanto sanctior est in his membris vbi virgo est & corpore & spiritu? Et eodem lib. cap. 11. Illa igitur virgo, conjugatę meritō præponitur, quę nec multitudini se amandam proponit, cū amorem vnius ex multitudine inquit, nec se vni iam componit invento, cogitans quę sunt mundi, quomodō placeat viro: sed speciosum forma præ filiis hominū sic amauit, vt quia

Esa. 1.

Trac. 13. in
Ioan.Li. de S. virginit. cap. 2.
2. Cor. 11.

eum sicut Maria concipere carne non possit, è corde concepto eti-
 àm carnem integram custodiret. Profectò habebunt magnum ali-
 quid præter cæteros in illa communi immortalitate, qui habet ali-
 quid iam non carnis in carne. Sequuntur agnū cæteri fideles, qui
 Ibid. ca. 28. virginitatem corporis amiserunt, non quocunq; ille ierit, sed quo-
 usq; ipsi poterunt. Possunt autem ubiq; præterquàm cum in deco-
 re virginitatis incedit. Hæc ibi, & his longè plura Augustinus. Ex
 quibus iam manifestum est, tametsi omnes quotquot Christo no-
 men dedimus, Christo desponsati simus, atq; vniuersa Ecclesia vir-
 go sit, desponsata vni viro Christo, præcipuo tamè quodam modo
 Christo desponsatos, qui hoc custodiunt etiàm in ipsa carne, vt ait
 Augustinus, quod tota custodit in fide. De his loquitur Epiphani-
 us contra apostolicos hæreticos: *παρέδωκαν τοίνυν οἱ ἅγιοι θεοῦ ἀπό-
 στολοι τῇ ἁγίᾳ θεοῦ ἐκκλησίᾳ ἐφάρμακτον εἶναι τὸ μετὰ τὸ ὀρίσαι παρθενίαν,
 εἰς γάμον τρέψασθαι.* Tradiderunt sancti Dei Apostoli Ecclesie, post
 definitam atq; constitutam virginitatem, sceleratum esse ad nupti-
 as conuerti. Huius virginitatis definitionem siue constitutionem
 D. Ambrosius memorato in loco nuptias appellat. Adspice, inquit,
 quantus ad sponsi tui & Domini nuptias conuenerit populus. Et
 paulò pòst: Quæ se sponndit Christo, & sanctum velamè accepit,
 iam nupsit, iam immortalī iuncta est viro, & iam si voluerit nubere
 I. si quis. C. de epis. & cler. communi lege coniugij, adulterium perpetrat: ancilla mortis effi-
 citur. Et Iouinianus Imperat. Si quis non dicam rapere, sed atten-
 tare tantummodò iungendi causa matrimonij sacratissimas virgi-
 nes ausus fuerit, capitali pœna feriatut. Deniq; de huiusmodi Chri-
 ste desponsatis virginibus dixit Augustinus: Quod cuiquam, ante-
 quàm vouisset, licebat: cum id se nunquàm facturum vouerit, non
 licebit, si tamen id vouerit quod vouendum fuit, sicut est perpe-
 tua virginitas, vel continentia post experta coniugia solutis à vin-
 culo coniugali. Hæc ergò & si quæ alia sunt, inquit, quæ rectissimè
 vouentur, cum homines vouerint, nulla cōditione rumpēda sunt,
 quæ sinè vlla conditione vouerunt. Quia & hoc Dominum præce-
 pisse intelligendū est, vbi legitur: Vouete & reddite Domino Deo
 vestro. Vndè Apostolus de quibusdam quæ continentiam vouent,
 & postea nubere volunt, quod eis antequàm vouissent, vtiq; lice-
 bat:

Psal. 75.

de adul. cō-
iug. ca. 24.

bat: Habentes, inquit, damnationem, quoniam primam fidem irritam fecerunt. Hæc ille. Quid aduersum hæc obmurmurabis Smideline? Eâne tātūm vouenda, quæ sunt in nostra potestate: virginitatem autem huiusmodi non esse? Iam quæ de monachorum, virginum & sanctimōialium desponsatione, velo, habitu ac tonsura, pro nostro instituto copiosè satis diximus, cōferamus cum his quæ refert Luterus de origine & tonsura monachorum. Videns, inquit, diabolus Deum fecisse sacerdotem, voluit & ipse factum hoc imitari, & cum tonderet coronam, excessit modum nouacula, ut latius quàm deberet, verticem raderet: atq; ita factus est monachus. Bella sanè historia, & planè digna quæ in Euangelio Luteri primas obtineat. Sed his omisissis, ad te redeo Smideline. Dic agè quid iam aliud superest, quàm ut ex ista tua tam blasphema & absurda hæreticarum opinionū colluie, damnato & anathematizato Luteri lapsu, vnà cum ipso ad Catholicæ Ecclesiæ vnitatem reuertaris? Equidem & hoc in thematio, quod mearum partium fuit, pro mea virili executus sum: tu videris, quo pacto pertinaciā tuam defendas. Sed heus Smideline, rursūm te quæstionibus subijci oportet, cur dolosè dissimulasti, quod Bredenbachius tam luculētèr ex D. Augustino, Gregorio Nysseno, & Beda presbytero declarauit, ipsam D. virginem Mariam virginitatem voto firmasse? Item locum Pauli ad Timotheum de non recipiendis viduis adolescentioribus, nè primam fidem faciant irritam, ab omnibus tam Græcis, quàm Latinis Patribus de ea fide acceptum, quæ præstatur de seruanda continentia? Cur, inquam, hoc dissimulasti? Responde, si quid habes. Nihil autem habere poteris aliud, quo te excuses, quàm ut vniuersam ecclesiam inscitiae & erroris accuses.

In serm. dñi
in mōte habito.

Cap. 3.

Refutantur cauillationes Smidelini aduersus Reuerendiss. Hosium de votis Monasticis.

SVperest nunc, ut quæ Reuerendiss. Hosio obijcit, ex ordine fol. 282. confutemus. Principiò criminatur quòd ex Abdia & Matthæo dixerit, non posse sponsam illam in matrimonium assumi, quæ spōsa regis cælestis effecta sit, & sacro velamine

LL 3

con-

cōsecrata. Num Euāgelista Mattheus, inquit Smidel, nefas duxit eā sibi Matrimonio copulare, quæ Regi cælesti desponsata esset? Sic nō nisi impias, Idololatrias, Turcicas & Iudaicas vel virgines, vel matronas ducere liceret. Christianæ enim quæ sunt virgines, omnes Christo desponsatæ sunt, &c.

Ad hoc iam suprā responsum est, duplicem esse desponsationē, ac duplicem virginitatem, mentis & corporis: sed Smidelinus illam magis specificam & strictiorem desponsatiōis & virginitatis significationem expugnare vult, assumpta illa largiori & magis generica, prorsus eadem arte, qua Luterus sacerdotum ordinem tollere conatus est, quia Petrus dixit: Vos autem genus electum, regale sacerdotium, &c. Ergo omnes Christiani sacerdotes, & proinde nulla differentia laici & sacerdotis. Porro quemadmodum sacerdotiū laici nihil aliud est, quàm baptisma, (deponat sacerdotium laici, id est, baptisma, inquit Hierony.) eoq; non sequitur, omnes eodē modo esse sacerdotes: ita desponsatio illa, de qua loquitur hīc Smidelinus, nihil aliud est quàm Christianæ fidei per baptismum assumpta professio, neq; tamen idcirco verum, virgines arctioribus nuptijs Christo sponso non desponsari facto virginitatis voto. Quo semel emisso, iam si quis eam duplici nunc vinculo Christo deuinctam sibi velit associare, vti de Hyrtaco commemorat Abdias, rectē illi dicitur, Quomodō poteris sponsam potētioris te tollere, & tuo eam matrimonio copulare? Hinc D. Ambrosius virginē nō mente duntaxat per baptismum, verū etiā corpore per virginitatis votum Christo desponsatam ac postea lapsam, Christi vocat adulteram, ancillam mortis. Quæ verò sola duntaxat mentis virginitate contenta, cogitans illud Apostoli, si nupserit virgo, non peccauit, matrimonium contrahit, Christi adultera non censetur, quàm diū mentis virginitatem sincera religionis Christianæ professiōe cōseruat. Tunc enim locum habet quod iam subiungis, Smideline: nec à Christo separatur, quæ honesto matrimonio iungitur. In altera verò illud Cypriani, Christus Dominus & iudex noster cū virginem suam sibi dicatam & sanctitati suæ destinatam, iacere cū altero cernat, quàm indignatur & irascitur? Et illud Hieronymi: Ioninian. Virgines quæ post consecrationem nupserint, non tam adulteræ sunt,

sunt, quàm incestæ. In coniugali vinculo, inquit D. Augustinus, si pudicitia conseruatur, damnatio nō timetur. Sed in virginali & virginali continentia, excellentia muneris amplioris expetitur. Quæ expetita & electa & voti debito oblata, iam non solum non capessere nuptias, sed etiam si non nubatur, nubere velle damnabile est. Nam vt hoc demonstraret Apostolus, nō ait, cū in delicijs egerint, in Christo nubunt: sed, nubere volunt, habentes (inquit) damnationem, quoniam primam fidem irritam fecerunt, id est, (vt paulo superius ait) voluntatem ad nuptias à proposito continentie deflexerunt, Hæc ibi D. Augustin.

De bono
viduitat,
cap. 9.

Cap. 8.

Pergit belligerari aduersus Hosium: Concilium Agathense moniales, quantumlibet vita earum & mores probati sint, ante annū quadragesimum prohibet velari: Prælati verò Hosiani stultas puellas recipiunt &c. Si Smidelinus in Canonibus tam esset versatus, quàm in calumnijs: legisset etiā Canonem, qui non ante sexagesimum annum permittat velum conferri. Item alium, qui non ante vigesimum quintum. Rursus alium, qui de annis pubertatis loquitur. Quorum omnium scopum & sententiam quia non intelligit, protinus maledictie sue frenum relaxat. Refert igitur Gratianus ex Gregorio I. Iuenculas fieri abbatissas, vehementissimè prohibemus: nullam igitur fraternitas tua nisi sexagenariam virginem, cuius vita atq; mores hoc exegerint, velare permittat. Sequitur iā Canon à Smidelino citatus: Sanctimoniales ante annum quadragesimum non velentur. Item: Placuit vt ante vigintiquinq; annos nec diacones ordinentur, nec virgines consecrentur. Deniq; paulo post subnectitur: Puella si ante 12. annos ætatis sponte sua sacrum sibi velamen assumpserit, possunt statim parentes eius vel tutores id sacrum irritū facere, si voluerint: at si annum & diem dissimulando consenserint, vltius nec ipsi, nec ipsa mutare poterunt. Hæc si non iuxta morem suum, subare assuetus, confunderet Smidelinus, non tam petulanter insultaret prælatis quos vocat Hosianos. Tritum est prouerbium: Qui benè distinguit, benè docet. Dicim igitur Gregorium loqui de velo, quod vocant prælationis, quod anno sexagesimo dari voluit Gregorius, vt abbatissæ constituendæ sint sexagenariæ. Proximus canon agit de velo, quod vocat ordinat.

Bredenb.
depulsio.

20. q. 1.

20. q. 2. c.
puella.

Can. 15.

D. Basil. in
monach. re-
gul. cap. 8.fol. 283. ad-
uers. Hosiu.

dinationis, quo in diaconissas ordinantur, non ut diaconatus officium exercent, sed (ut glossa exponit) ad euangelium, siue homiliam in matutinis legendam. Quod autem hic canon præcisè de diaconissis loquatur, patet ex concilio Chalcedonensi, quod sic habet: Diaconissam non debere ante quadraginta annos ordinari, & hoc cum diligenti probatione. Si verò susceperit ordinationem, & quantocumque tempore obseruauerit ministerium, & postea se nuptijs tradiderit, iniuriam faciens Dei gratiæ, hæc anathema sit, cum eo qui in illius nuptijs conuenit. Tertius canon cuius initium, Placuit: loquitur de velo consecrationis, statuens ne virgines ante 25. annum consecrentur. Vltimus, quem supra adduximus, canon tractat de velo professionis. Porro quemadmodum in sacerdotum ac diaconorum ordinationibus non eadem semper obseruata sunt tempora, ita non diffitemur hanc quoque ætatis definitionem in velandis sanctimonialibus nonnihil mutatam. Quæ enim ad mores pertinent, ea pro temporum ac locorum ratione nonnunquam variari solent auctoritate ecclesiæ & episcoporum. Verumenimvero si concilij Agathensis auctoritate (quod de sola Diaconissarum ordinatione loquitur) ad hoc abuti velit Smidelinus, ut peccare dicat ecclesiam, & stultos esse prælatos (ut ait) Hosianos, quod etiam puellas ad vouendam virginitatem admittat, viderit ipse quos episcopos & prælatos stultitiæ insimulet. De ætate, qua virginitatem profiteri debeant virgines, iam olim ex D. Basilio sic respondit Bredembachius: Omne tempus primæ ætatis, inquit D. Basilius, opportunum esse dicimus ad suscipiendam eruditionem & timorem Domini. Firma tamen erit professio virginitatis, ex qua adulta iam ætas esse coeperit, & ea quæ solet nuptijs apta deputari. Hæc ille. Aetas autem nuptijs apta, circa annum 12. ac 13. in fœminis constitui solet. Cur non etiam criminatur & Leges & Canones, quod hac ætate teneras puellas permittant grauissimis matrimonij difficultatibus implicari? quod quam longè grauioribus curas ac difficultates secum trahat, experti nosse possunt. Denique cum dicat Smidelinus, nec verò vel virgines, vel viduæ prohibentur in hoc suo vitæ genere castitatem vouere Domino. &c. sicut donum continentiae quibusdam concessit Dominus, cur improbat, quod virgines nobiles, spreto matrimonio

monio, virginitatem eligentes, & vtrò ad votum paratas, ad vouendam castitatem admittat ecclesia? Nam si qui fortè hîc irrepserunt abusus, vt non spontè, sed coactæ nonnunquam voueant, hoc oēs pij semper abominati sunt: votum enim virginitatis debet esse liberum, quale describit D. Ambrosius ad virginem lapsam: Te nec pater compulit, inquit, nec mater coëgit, vt virginitatem profiteris, quam vtrò & propria voluntate professa es.

Sed hoc noīe se Deo magis gratas & acceptas esse, inquit Smid. Smid. delinus, non est quod somnient, cū in Christo non sit neque vir, neq; vxor, sed omnia vnum.

Credo hanc cantilenam allubescere Smidelino & socijs eius, vt Bred. qui iam alterum pedem habent in cælis, & tamen egregiè voluptuantur in terris, parem nihilo seciūs coronam habeant cum virginibus. Quid igitur est quòd tam multis verbis ad continentiam hortatur Apostolus? Volo vos sinè sollicitudine esse. Qui sinè vxore est, sollicitus est quæ Domini sunt, quomodò placeat Deo: Qui autem cum vxore est, sollicitus est quæ sunt mundi, quomodò placeat vxori: & diuisus est. Et mulier innupta & virgo cogitat q̄ Domini sunt, vt sit sancta & corpore & spiritu. Quæ autem nupta est, cogitat quæ sunt mundi, quomodò placeat viro. Et post multa verba, quæ tamen ad eandem rem pertinent, ità concludit in eodem illo capite: Igitur & qui matrimonio iungit virginem suā, benè facit: & qui nō iungit, meliūs facit. Si virgines maritatis Deo nō sunt magis acceptæ, vt quid in Apocalypsi, legimus, Et cantabant quasi cāticum nouum ante sedem, & ante quatuor animalia & seniores, & nemo poterat dicere canticum, nisi illa centū quadraginta quatuor millia, qui empti sunt de terra: Hi sunt, qui cum mulieribus nō sunt coinquinati, virgines enim sunt, Hi sequuntur agnū quocunq; ierit? Virginalis integritas, inquit D. August. & per piā continentiam ab omni concubitu immūnitas, angelica portio est. Profectò habebunt magnum aliquid præter cæteros in illa communi immortalitate, qui habent iam aliquid non carnis in carne. Et paulò antè: Nec illo quidem debent continentium meritis se conferre coniugia, quòd ex eis virgines procreantur: hoc enim non coniugij bonum est, sed naturæ, quæ sic diuinitus instituta est, vt ex

1. Cor. 7.

Apo. 19.

De S. virginit. cap. 13.

Ibid. ca. 10.

MM

quo-

Hom. 17. in
Genesim.

In 1. Cor. 7.

Cap. 44.
& 45.

1. Cor. 7.

quolibet humano vtriusq; sexûs concubitu, siue ordinato & honesto, siue turpi & illicito, nulla fœmina nisi virgo nascatur: nulla tamé sacra virgo nascitur: ita fit vt virgo nascatur etiã de stupro, sacra autem virgo nec de coniugio. Nec nos hoc in virginibus p̄dicamus quòd virgines sunt, sed quòd Deo dicat̃ pia continentia virgines. Et Chrysost. Quãto virginitas maior est & sublimior, tanto maiores sunt & coronæ, & retributiões, & repromissa bona eorum, qui cum hac in alijs bonis operibus se exercent. Rursùm alibi: Qui vxorem ducit, vtiq; non peccat, quia quod cõcessum est facit. Si verò contempserit, meritum sibi collocat & coronam. De Iouiniano hæretico refert D. Augustinus, quòd virginitatem sanctimonialium & continentiam sexûs virilis, in sanctis eligentibus cœlibem vitam, coniugiorum castorum atq; fidelium meritis adæquabat, ita vt quædã virgines sacra prouectæ iam etatis in vrbe Roma, vbi hæc docebat, eo audito, nuplisse dicantur &c. Verùm quibus modis illum Hieronymus excipiat, videre est libro 1. aduersus Iouinianum: Audite patienter virgines, audite (quæso) voluptuosissimum concionatorem, inquit, immò quasi Syrenum cantus & fabulas clausa aure transite. Vestras ferte paulisp̄r iniurias: putate vos cum Domino crucifixo pharisæorum audire blasphemias. Cûctorum in commune hostis est Iouinianus. Nam qui equalia oĩm asserit merita, tam virginitati facit iniuriam, dum eam nuptijs cõparat, quàm & nuptijs, sic eas licitas asserens, vt secūda & tertia matrimonia &c. Nec multò antè pulchrè explicat parabolam Evangelicam de fructu tricesimo, sexagesimo, & centesimo. Triginta, inquit, referuntur ad nuptias, sexaginta ad viduas, centesimus numerus ad virginitatis coronam. Quæ vt nos h̄c contractiùs, ita fusiùs prosequitur istic Hieronymus, & D. August. in lib. de sancta virginitate. Quin & reliqui patres hanc parabolam sic interpretantur. Sed quorsùm opus est in re luculentissima faces testimoniorũ producere? Totum huic voluptuosissimo concionatori opponim⁹ Hieronymum, qui & scripturis & exemplis & rationibus penè infinitis hanc Iouiniani hæresim refutat. Post lōgam verborũ Apostoli ad Corinthios explicationem, quæ partim nos suprà commemorauimus, subnectit: Considera quòd aliud sit donum virginitatis, aliud

aliud nuptiarum. Si enim eadem esset merces nuptiarum & virginum, nūquā dixisset post præceptum cōtinentiæ, Sed unusquisq; ^{1. Cor. 7:} proprium habet donum ex Deo, alius quidem sic, alius autem sic. Vbi proprietates singulorum est, ibi aliter intrinsecus diuersitas. Concedo & nuptias esse donum Dei, sed inter donum & donum, magna est diuersitas &c. Quando igitur tam proteruē reijcit sacræ virginittatis meritum Smidelinus, deblaterans, non esse quod somnient virginēs se Deo magis gratas & acceptas esse: quid aliud agit, quā ut Iouinianistam, Gnosticum, immō & Epicuræum se declaret? De ^{Cōt. Gno-} Gnosticis refert Epiphanius, quod ridebāt eos, qui politiam ac vi- ^{sticos.} tam honestam exercerent, castitatemq; ac virginitatem, velut qui frustra laborem infunderent. Plura de laudibus & præmijs sanctæ virginittatis refert D. Cyprianus in tractatu de habitu virginum.

Sed profert Smidelinus Paulum Apostolū: In Christo Iesu non ^{Smid.} est mas neq; fœmina, neq; virgo neq; vxor, sed omnia vnum.

Hic tota exultatione bacchatur aduersarius, hoc velut fortis. ^{Bred.} sismo ariete virginittatis murum quatiens. Pauli verba sunt ad Gal. 3. Non est Iudæus, inquit, neq; Græcus, non est seruus neq; liber, non est masculus neq; fœmina, Smidelinus plusquā sacrilega audacia annectit, neq; virgo, neq; vxor. Videt hic pius lector duplicē ^{fol. 282. ad- uers. Hosii.} huius hominis improbitatem. Primō, quod Pauli verbis affingat ea, quæ apud Paulum non habentur: deindē, q̃ ea quæ Paulus de qualitate & conditione hominis inuoluntaria pronūciat, iste fraudulentē torquet ad voluntariam animi affectionem, cū hæc sit manifesta Apostoli sententia, vnam esse fidem, quam diuersæ personæ amplectentes, vnum sint in fide, eoq; fieri ut non dicamur iusti, quia reges simus aut principes, Iudæi aut Græci, domini aut serui, aut legis Mosaicæ obseruatores, sed quia in Christum credentes, Christum induimus, neq; metiendam hominum distinctiōem ^{Amb. in ca. 3. ad Galat.} persona, sed moribus & vita. Hanc esse huius loci sententiam ipsa res clamat, & non minūs luculentē quā succinctē testatur D. Ambrosius. Nullam distantiam dicit credētium, inquit, ut nulli p̃iudicetur quid fuerit antequā crederet. Omnibus enim his vnū decretum est donum. Apud Deum enim nulla discretio personarū est, nisi morum & vitæ, ut homines vnus fidei meritis distinguantur,

tur, non personis &c. Quod si nihil est calibatus, nihil virginitas, cur idem Apostolus disertè ait, melius esse virginem non elocare matrimonio, quàm elocare? Præterea quid sibi vult illud, Hi sequuntur agnum quocunque ierit, virgines enim sunt, Hi sunt qui cum mulieribus non sunt coinquinati?

Smid.

Pergit Smidelinus: Miratur, inquit, Hosius à nostris vxores appellari, quæ cum perpetuam virginitatem stultè vouissent, coniuges fiunt. Et nunc mihi in mentem venit magni alicuius Episcopi, qui, cum in exilium eijcerentur Augustanæ verè Ecclesiæ pij ministri, & ex illorum numero quidam de vxore quædam percontatus esset, eadem quam hîc Hosius, vocem emiserat: Ecce, inquit, isti nebulones scorta sua vxores appellant.

Bred.

Longè profectò mitiori vocabulo hic, quicunq; fuit Episcopus, vestras illas apostatas coniuges appellauit, q̃ vel Hieronymus, Ambrosius, & Augustinus. Virgines quæ post cōsecrationē nupserint, ait Hieronymus, nō tam adulteræ sunt, q̃ incestæ. Nō possum, inquit Augustinus, dicere à proposito meliore lapsas, si nupserint, fœminas, adulteria esse, non coniugia: sed planè non dubitauerim dicere, lapsus & ruinas à castitate sanctiore quæ vouetur Deo, adulterijs esse peiores. Nec est quod causeris hîc Augustinum in errore fuisse, eoq; non mirum, si talis vox ei exciderit: idem enim & D. Basilus ait, quod nunc ex Hieronymo & Augustino docuimus. Virginitatem Domino professæ, ait Basil. deindè à carnis voluptatibus concitata, scortatiōis peccatum nuptiarum nomine velare voluit, non ignorantes, opinor, etiam si ignorantiam simulent, quod quæ sponsi sui dexteram præterijt, neq; huius est sponsa, quem illegitimè reliquit, neq; illud, cui seipsam per affectum vitiosum adiunxit, &c. Iouinianus Imperator huiusmodi maritos nō epithalamio, sed De Episc. & capitali pœna excipiendos statuit. D. Ambrosius virginem à continentię voto lapsam, Christi vocat adulteram. Non igitur D. Augustino hæc vox per errorem excidit.

l. si quis C.
De Episc. &
Cler.

Smid.

Erant tûc temporis nimij vitæ monasticæ admiratores & præcones, ait Smidel. ergò non est mirum, si ei (Augustino) talis vox quoq; exciderit. Simili impudētia sanctos primitiue Ecclesiæ patres per-

Bred.

strinxit quidam Henricus Pileus, oppugnans librum colendi mihi pa-

parentis de dissidijs ecclesiæ componendis. Erant, inquit, ea tempora huiusmodi, quibus viri alioqui sancti, ultra scripturæ auctoritatem calibatum numero eximebant, & ultra ordinem commendabant.

Sic nimirum mutuo se muli scabunt, & ut segetem Dominicam succendant, peruersissimarum opinionum caudas colligant fraudulentæ vulpes. In eandem impietatem erupit Smidelinus aduersus Reuerendissimum Hosium, quem validissimis argumentis facri Chrismatis vsum probantem, dum non posset refellere, proclamitavit, Non ignotum, patres nimium huic oleo tribuisse, nec hunc duntaxat, sed & alios errores id temporis ecclesiam inuasisse, Patresq; si admoniti fuissent, hunc errorem facile emendaturos. Cæterum ego hoc loco Smidelinum ad ipsius parētis mei defensionem remitto, in qua vtriusq; & ipsius & Pilei vesaniā satis apertè confutat.

Pergit ad incestas nuptias classicum canere Smidelinus: Si tam, Smid. inuiolata est Augustini auctoritas, inquit, quid dicemus de S. Cypriani martyris sentētia? qui de virginibus scriptum reliquit: quod si se ex fide Christo dicauerint, pudicè & castè sinè vlla fabula perseuerent, ita fortes & stabiles præmium virginitatis expectent: Si autem perseuerare nolunt vel nō possunt, melius est ut nubāt &c.

Dum errorem suum in vno tueri conatur voluptuosus Concio- Bred. nator, in altero iugulat. Suprà in sacratas Deo virgines vociferatus est: sed hoc nomine se Deo magis gratas & acceptas esse, non est Smid. quod somnient: hic Cyprianum adducit apertè dicentem, ita fortes & stabiles præmium virginitatis expectent. Itaq; qui Cypriano Bred. teste nititur, Cypriano teste mentitur. Porro de quibus virginibus hic Cyprianus loquatur, non satis animaduertit aduersarius. Nec hodiè est, nec olim fuit eadem omnium virginum ratio. Quædam seruandę castitatis studio ductę, non quidem assumpta monastica conuersatione & voto solennitè emisso, sed in priuatis habitationibus manentes, sancto proposito virginitatem continentèr & firmitèr tenere decernebant, ut loquitur Cyprianus. Alię verò, & habitu & professione & voto seculo planè renunciantes, totas sese Christo deuoueant, & velut omnes delicias seculi conculcantes,

etiam crinem monasteriorum matribus offerebant defecandum, capite postea ligato & velato, ut de Syria & Aegypti monasterijs refert D. Hieronymus. Posteriori huic virginum generi quod unquam nuptiae permixtae sint propter incontinentiam, (qua precibus & pietatis officijs superari posse, supra fuisse docuimus) nunquam probaverit aduersarius. De priori igitur genere loquitur Cyprianus, & cum ex alijs, tum etiam inde patet, quod huiusmodi virginibus cohabitationem cum masculis, grauissimè prohibet. Si post violatum castitatis propositum nubant, non quidem rescinduntur nuptiae, vehementer tamen à patribus passim improbantur. Hanc virginum distinctionem manifestè videre licet in hac D. Augustini sententia: Non possum, inquit, dicere à proposito meliore lapsas, si nupserint, foeminas, adulteria esse, non coniugia: sed planè non dubitauerim dicere, lapsus & ruinas à castitate sanctiore quam vouetur Deo, adulterijs esse peiores. Ecce dicit, à proposito meliore lapsas, coniugia quidem inire, non adulteria: lapsus verò & ruinas à castitate sanctiore, quae vouetur Deo, adulterijs esse peiores. Et idem alibi de posteriori hoc vouentium genere loquens: Quibus placet, inquit, relicta omni spe seculari & omni actione terrena conferre se in societatem sanctorum, in communem illam vitam, ubi non dicit aliquis aliquid proprium, sed sunt illis omnia communia, & est illis anima una & cor unum in Deum, quisquis inde recedere voluerit, non talis habetur, qualis ille qui non intrauit. Ille enim nondum accessit, iste retrò respexit. Et paulò antè: Alius, inquit, ex munere Dei maius aliquid vouit, statuit nec nuptias pati. Qui non damnaretur si duxisset uxorem, post votum quod Deo promissit, si duxerit, damnabitur, quum hoc faciat quod ille, qui non promiserat: tamen ille non damnatur, iste damnatur. Quare, nisi quia iste respexit retrò? Sic virgo quae si nuberet, non peccaret: sanctimonialis si nupserit, Christi adultera reputabitur: &c. Haec Augustinus. In eandem sententiam & Chrysostomus disertè pronunciat. Bonum quidem nuptias & ipse confiteor: honorabiles, inquit, nuptiae & cubile immaculatum, fornicatores autem & adulteros iudicabit Deus. Sed te iam seruare non conuenit priuilegia nuptiarum. Angelorum enim societati semel iunctum, illam relinquere, & uxoris laque-

Ad Sabinia.

de bono virginitate. ca. 11.

In Psal. 83.

Heb. 13.

queis implicari, adulterij crimen incurrere est. Quauis frequenter hoc ipsum nuptias voces, ego tamen & adulterio illud tanto peius affirmo, quanto maior ac melior mortalibus angelus. Neque vllos tibi fortè persuaferit, dicens: nihil de non accipienda vxore Dominus præcepit. Nec me ignorare confiteor, quòd adulterium interdixit, non nuptias vetuit. Verùm in te adulterij nomen accipiet, si volueris vnquam (quod absit) nuptias cogitare. Et quid mirum, si nuptiæ tales, quibus offenditur Dominus, adulterio comparantur? Maius longè audies: homicida iustorum laude donatur, & misericors plusquàm homicida punitur: quoniam hoc vetante fit Dño, illud volente. Et Phinees quidem ad iustitiam reputatum est, quòd Num. 25. impudicum cum turpi fœmina virum vno gladio percussisset, Saullem autem Samuel sanctus Dei, in luctibus, lachrymis, precibusq; pernoctans, damnatiõe, cui illum addixerat Deus, liberare nõ potuit, quòd hostium duci, quem debuerat trucidare, inuito parcendum credidit Deo. Cùm hæc ita sint, stupere desiste, si nuptiæ peiores adulterio iudicantur, quotiès Christus offenditur. Atq; vt illud repetam, quod in principio posui epistolę, si militię vincula nõ tenerent, quis tibi defectionis nomen obijceret? Nunc autem nihil in te penitus tui iuris est, quippe qui tanto Imperatori militare cœpisti. Nam si mulier proprii corporis non habet potestatem, sed vir: multò magis hi, qui Christo potiùs quàm sibi viuunt, conditionem corporis sui habere non possunt. Ille qui nũc Theodore cõtemnitur, ipse tunc sinè dubio iudicabit. Hæc ibi Chrysost.

Putidum mendacium est, quòd affirmat neminem cogi, vt perpetui cælibatûs legem suscipiat. Ordini enim ecclesiastico hanc legem imposuerunt, qui per Christum & apostolos ab ea liber fuit. Smid.

Egregia verò consequentiæ ratio, ecclesia neminem recipit ad sacerdotium, nisi cælibem, ergò cogit ad perpetuum cælibatû. Vbi hanc didicisti Dialecticã? Pulchra sanè ratio: Imperator cogit eos qui sub signis suis militare velint, ad militiæ sacramentum præstandum, ergò cogit ad præstandum militiæ sacramentum. Christus dixit: Si vis ad vitam ingredi, serua mandata: ergò cogit inuitum ad seruanda mandata. Si vis perfectus esse, vade & vende omnia q̃ habes, ergò cogit ad venditionem rerum suarum. Manifesta fallacia à dicto secundum quid, ad dictû simpliciter. Bred. Matt. 19. Per-

Pergit Smidel. Quod præceptum extat diuinum, vt quis cælibatum vouere cogatur, priusquàm sacerdotium in ecclesia assequat? hîc scio magis muti estis, quàm pisces.

Si Smidelinus Paulum Apostolum recipiat, velut spiritum Dei habentem, eumq; audiat dicentem, oportere episcopum esse vnus vxoris virum, hoc est, non digamum, sed qui, si virgo non sit, vnâ dûtaxât vxorem habuerit, ipse protinûs magis mutus quàm piscis, facilè viderit, vbi extet præceptum diuinum de cælibatu sacerdotum. Atque hanc esse Apostoli mentem, de non recipiendis digamis, omnes tam Orientalis quàm Occidentalis ecclesiæ Patres, & perpetua ecclesiæ ab ipso Apostolorum seculo ad hæc vsq; tempora cõsuetudo & praxis, manifestissimè coarguit. Reuerà non suscipit sancta Dei prædicatio, inquit Epiphanius, post Christi aduentû eos, qui à nuptijs mortua ipsorum vxore, secundis nuptijs coniuncti sunt, propter excellentem sacerdotij honorem ac dignitatem. Et hæc certò sancta Dei ecclesia cum synceritate obseruat. Sed & adhuc viuentem & liberos gignentem vnus vxoris virum nõ suscipit, sed eum qui se ab vna continuit, aut in viduitate vixit, diaconum & presbyterum & episcopum & hypodiamonum, maximè vbi synceri sunt Canones ecclesiastici. At dices mihi, omninò in quibusdâ locis adhuc liberos gignere presbyteros & diaconos & hypodiamonos. At hoc non est iuxta canõem, sed iuxta hominû mentem, quæ per tempus elanguit, & propter multitudinem, cùm non inueniretur ministerium. Nam quod decentius est, id ecclesia per spiritum sanctum benè disposita videns, statuit apparere, vt cultus diuini indistincti Deo perficeretur, & spirituales necessitates cum omni beneuola conscientia peragerentur. Dico autem quòd decorum est propter repentina ministeria ac necessitates, vt presbyter & diaconus & episcopus Deo deditus sit. Si enim etiàm populo præcipit sanctus Apostolus, dicens, vt ad tempus vacent orationi: quanto magis sacerdoti idem præcipit, vt indistinctus sit, inquam, ad vacandum secundùm Deum sacerdotio, quod in spiritualibus necessitatibus & vsib; perficitur? Idem Epiphanius alibi refert, Apostolos ipsos Ecclesiasticâ sacerdotij regulam ordinatè & sanctè instituisse, vt ad sacerdotium assumantur, qui vel in virginitate vitam degant,

degant, vel ab vnīs nuptijs se continuerunt. Atq; iterum alio in loco sacerdotium ex virginibus quidem vtplurimum procedit: si verò non ex virginibus, at ex solitariam vitam degentibus. Si verò non suffecerint ad ministerium ex solitariam vitam degentibus, de his qui continent à proprijs vxoribus, aut ab vnīs nuptijs viduitatem seruantibus. Nam eum qui secundas nuptias contraxit, non licet in ipsa (ecclesia) ad sacerdotium suscipere. Hactenus Epiphanius. ex quibus manifestum euadit, quàm impudentè asserat Smidelin. ordinem ecclesiasticum per Christum & Apostolos fuisse liberum à lege cælibatūs, cum expressè hīc dicat Epiphanius, Apostolos ipsos Ecclesiasticam sacerdotij regulam sic instituisse. Extat autem inter Apostolicos Canones vigesimus quintus in hæc verba: τῶν εἰς κλῆρον προεληλυθότων ἀγάμων, κελεύομεν βουλομένους γαμεῖν ἀναγνωστὰς καὶ ψαλτὰς μόνους: id est, Ex his qui cælibes in clerum peruenerunt, iubemus, vt Lectores tantum & Cantores (si velint) nuptias contrahant.

De his Apostolorum canonibus quid sentiendum sit, licebit ex Haloandro cognoscere: Illos certè non audimus, inquit, qui ab hæreticis incerto authore compositos esse scripserunt, quando vltra longæuam & constantem in ecclesia opiniōem, sancta etiā sexta synodus, cum in controuersiam denuò vocarentur, grauissima sententia eos agnouerit, cuius synodi omnia capitula postea approbavit Hadrianus Papa, vt de Iustiniano taceam, qui expressis verbis eos Apostolis tribuit. Hæc ille.

Citat librum Constitutionum apostolicarum Epiphanius contra Seuerianos. Quamobrè autem Apostoli Ecclesiasticam sacerdotij regulam sic, vt ex Epiphanio & Canonibus ipsorum Apostolorum nunc commemoratum est, constituerint, pulchrè explicat D. Augustinus circa finem: Fortè dicatur, inquit: Si licet, & bonum est nubere, cur sacerdotibus non licet vxores habere? id est, vt ordinatis iam non liceat conuenire? Quis nesciat vnumquodque suam legem habere? Est enim quod omninò generalitèr omnibus non liceat: est item, quod alijs licet, & alijs non licet: & est quod aliquandò licet, & aliquandò non licet. Fornicari, omnibus semper non licet: negociari verò aliquandò licet, aliquandò non licet. An-

NN

te-

1. Cor. 7.
Esa. 58.

tequàm enim Ecclesiasticus quis sit, licet ei negociari: factò iam nò licet. Et Christiano cum vxore conuenire aliquandò licet, aliquandò verò non licet. Propter dies enim processionis, aliquandò non licet conuenire: quia etià à licitis abstinendum est, vt faciliùs impetrari possit quod postulatur. Vndè Apostolus: Ex consensu, ait, abstinendum ad tempus, vt vacetur orationi. Nam secundùm legē in ieiunio cædi & iurgari non licet, postea licet: quia maior reuerentia debetur Dei causis. Nunquid omne quod ante cæteros licet, ante imperatorem licet? Quàto magis in Dei causis? Ac per hoc antistitem eius puriorem cæteris esse oportet: ipsius enim personā habere videtur: est enim vicarius eius, vt quod cæteris licet, alijs non liceat: quia necesse habet quotidie Christi vicē agere, aut orare pro populo, aut offerre, aut tingere. Et non solùm huic concubitus non licet, verùm etià ministro eius: quia ipse mundior debet esse, quia sancta sunt quæ ministrat. Nam sicut ad comparationem lucernæ, tenebræ non tantùm obscuræ, sed etià sordidæ sunt: ad comparationem autem stellarum lucerna caligo est: ad solis verò comparationem, stellæ nebulosæ sunt: ad dei autem claritatem, sol nox est: ita & quæ ad nos licita & munda sunt, ad Dei autem dignitatem quasi illicita & immunda sunt: quanquàm enim bona sunt, Dei tamen personæ non competunt. Nunquid non tunica mediocris hominis, quanuis munda, imperatori tamen sordida & illicita est? Similitè & saxonica senatori: ac per hoc antistites Dei puriores esse debent, quàm cæteri, quia & Christi habent personam, & ministros Dei mundiores esse oportet. Nemo enim imperatori ministrat, nisi vestimentis claris & mundis indutus: Deus autem quia natura clarissimus est, ministros eius natura magis quàm vestibus mundos esse oportet. Luculentè & succinctè id ipsum confirmat D. Hierony. Christus virgo, inquit, virgo Maria, vtriusq; sexus virginitatem dedicauere. Apostoli vel virgines, vel post nuptias continentes, Episcopi, presbyteri, diaconi, aut virgines eligunt, aut vidui, aut certè post sacerdotium in æternum pudici. Et Iustinianus Imperat. conformem planè canonì Apostolico legem promulgatione sua confirmans, postquàm mulierum cohabitatio clericis vetita esset: Multo magis ergò, inquit, cessant eorum coniugia,

gia, soli enim cantores lectoresq; nuptias contrahere permittuntur: alijs autem omnibus penitus interdicimus: veruntamē si & ipsi ad secundas peruenerint nuptias, nequaquā ad sacerdotij culmē ascendant. Videatur epistola 2. Innocentij ad Vītriciū Rothomagen Episcopū cap. 9. quam ante annos 1200. temporibus D. Augustini conscripsit, de continentia sacerdotum veteris testamenti differens: Quanto magis, inquit, hi sacerdotes nōstri vel Leuitę pudicitiam ex die ordinationis suę seruare debent, quibus vel sacerdotium vel ministerium sinē successionē est? Nec præterit dies, qua Lib. 1. ad uers. Iouis. vel à sacrificijs diuinis, vel à baptismatis officio vacent. Vndē Hieronym. cum qui in sacerdotio filios suscipit, non quasi virum, sed quasi adulterum damnandum esse scribit. Videatur D. Chrysost. cum alijs in locis, tum potissimum lib. 6. de sacerdotio. D. Ambrosius in cap. 3. prioris ad Timoth. Deniq; vix vllum inuenitur Concilium, quo non grauiter præcipiatur sacerdotibus continentia ab omni mulierum consortio. Consulatur Romanum primum sub Syluestro pontifice 272. Episcoporum, cap. 19. Toletanum primum cap. 3. & 4. Carthaginēse 4. atq; alia pleraq; antiquissima. Quid vel mutire poterit aduersus hæc Smidelinus? Pergētne ecclesiam Catholicam calumniari, quod cogat ad legem cēlibatūs? Quem, obsecro, vnquā inuitum illa coēgit ad cēlibatum? Si quispiam cēlibatui præferat matrimoniū, nunquā hunc arcebit ecclesia. Quod verò ad sacerdotium & ecclesię ministerium solos cēlibes & continentiam promittentes suscipiat, iustissimis grauissimisque de causis introduxerunt ipsimet Apostoli, quas nunc ex tot tantisque authoribus commemorauimus. Si cui non placeat cēlibatus, non affeget sacerdotium: nubat, vel ducat in Domino: quem tantum abest vt remoratura sit ecclesia, vt etiā benedictionibus, precibus & intercessione solenni gratiam coniugalis continentię, prudentiā in gubernāda familia, ac ceteras virtutes à Domino Deo illi sit precatura. Quod igitur calumniatur ecclesiam, quod ad sacerdotium non nisi continentiam promittentes admittat: perindē est, ac si cum Imperatore quispiam exoptulet, quod à militaturo militię sacramentum exigat, cum ille qui militaribus legibus iurifurandi religionē nolit obstringi, non debeat se in militum ordinem cooptandum

dum Imperatori aut exercitûs Duci offerre. Planè idem est cum lege cælibatûs, à quo si quis abhorret, nō est quod adspiret ad sacerdotium. Sed hanc materiam fusiùs prosecutus est colendus mihi parens Matthias Bredenbachius in hyperaspiste aduersùs Henricû Pileum.

Marc. II.

Calumniatur nunc, quod Reuerendiss. Hofius dixerit exigente Christiana charitate, (verbi gratia, si salus alicuius regni, quod alioquì interiret, exposcat) quempiam à lege cælibatûs exolui posse, modò nè propria authoritate seipsum soluat, quod ipsorû apostatis est solenne. Hinc infert Smidelinus, cur non etià propter tot millium animarum salutem, quas in igne deliciarum & æstu libidinis perire dicat, fiat legis relaxatio? Nos verò dicimus. si quæ pereunt, non ideò præcisè pereunt, quia non exoluuntur à voto, sed quia viuunt in igne deliciarû, vt loquitur Smidel. Huic igni si fomenta subtraherent, ieiunijs, precibus & vigilijs Deum continenter & seriò precarentur, non tantæ esset inclementiæ Deus, vt spiritum continentia tam ardentè & iugiter petentibus non elargiretur. Quicquid credentes petieritis, fiet vobis, inquit. Quàm non sit difficilis continentia, si totos nos ad eam componamus, multi experti nōsse possunt, & copiosè satis à nobis suprâ declaratum est. Non oportet ergò lasciuiuentibus confestim incontinentiæ frenum laxare, nec terrebit cælibatum aggressos sarcina continentia, vt inquit August. leuis erit, si Christi erit. Christi erit, si fides aderit, quæ impetrat à iubente, quod iusserit. Nūquàm tam feliciter actum est cum rebus humanis, quin vel in exigua societate etià illorum qui cæteris religione præstare debebant, inuenti sint qui perirent. In Monastica conuersatione multos propter incontinentiam in grauissima flagitia & apostasias prolapsos esse, non ambigitur: sed quæ multos inuenire est, qui ad summum virtutis & continentia gradû hoc angusto calle contenderût? quos si fortè ignoret Smidelinus, nobis tamen atq; alijs infinitis non sunt ignoti. Atq; hoc est quod

Epist. 137. D. Augustinus inquit: Quomodò difficile sum expertus exitus meliores, quàm eorum qui in Monasterijs profecerunt: ita nō sum expertus peiores, quàm qui in Monasterijs ceciderunt: ita vt hinc ar-

Apoc. 22. bitrer in Apocal. scriptû: Iustus iustior fiat, & sordidus sordescat adhuc.

huc. Quapropter etsi cōtristamur de aliquo purgamentis, cōsolamur
tñ etiā de pluribus ornamentis. nolite ergo ppter amurcā, qua ocu-
li nostri effundūtur, torcularia detestari, vnde apothecā nñi fructu
olei luminosioris implentur. Hæc ille. Quo sanè fructu in plurimis
destitueretur ecclesia, si facile legem cælibatūs & p̄fessionis Mo-
nasticæ relaxaret. Nemo tā felix est, atq; aded nec ipse quidē Apo- 2. Cor. 12.
stolus Paulus fuit ab hoc igne immunis. D. Ambrosius virgini la-
psæ dicenti, Non potui sustinere, quia carnem fragilem circunfe-
rebam: Respondebit, inquit, tibi beata Tecla cum suis innumera-
bilibus socijs: Et nos eadem carne amictæ fuimus, non tamē plenū
propositum castitatis nostræ aut fragilitas carnis potuit mutilare,
aut sæuitia tyrannorum per varia tormenta potuit deicere. Porro
quod ecclesia periclitantibus præsertim ex iusta causa scilicet, quia
nec dū iustæ ætatis fuerint vouentes, quod, inquam, his pro pie-
tate sua non subueniat, satis grauitèr confutauit ipse Bredenba-
chius: Si quis vir aut si qua mulier, inquit, demonstraerit primo-
ribus ecclesiæ, præsertim Romano pontifici, se in ætate adhuc im-
puberè vel à parentibus propinquisve coactum, vel dolo malo cir-
cunuentum, vouisse, cuius illum iam in ætate suæ tutelæ poeniteat,
quod sentiat se non posse id, quod ita coactus aut deceptus vouit,
præstare: huic nunquā negatur humanitas, pietas & auxilium ec-
clesiæ, id quod multi adhuc viui ab istiusmodi votis à romano pō-
tifice absoluti testari possunt. Et in Concilio Chalcedonensi, cum
hunc Canonem, qui est ordine 16. de votis conderet Ecclesia: Si
qua virgo se dedicauerit Deo, similiter & monachus, non licere eis
iungi nuptijs: Si, verò inuenti fuerint hoc facientes, maneat ex-
communicati: iustæ seueritati canonis adiecit nihilominus miseri-
cordiæ remedium, dicens: Statuimus tamen posse in eis facere hu-
manitatem, si ita probauerit loci episcopus.

Ad Cōcilium Ancyranum quod habet, Quotquot virginitatem
promittentes, irritam faciunt sponsonem, inter bigamos censeā-
tur, cur exagitat Hosij responsonem Smidelinus? Vt enim cōmo-
dam huius Concilij interpretationem non feramus, illud extra cō-
trouersiam est, prouinciale duntaxat paucorum, nimirum octode-
cim Episcoporum, illud fuisse cōcilium, quod meritò generali ec-

August. de
bap. paruul.
côt. Donat.
lib. 2. cap. 3.

clesiæ consuetudini & plenarijs concilijs cedere, luculentèr demonstrat ex Augustino Hosius: Concilia, inquit Augustinus, quæ per singulas regiones vel prouincias fiunt, plenariorum conciliorum authoritati, quæ fiunt ex vniuerso orbe Christiano, sinè vllis ambagibus cedunt. Adducit autem Hosius plenarij Concilij Chalcedonen Canonem 16. paulò antè à nobis recitatum. Nec est quòd dicas, nos veritatem multitudine suffragiorum & votorum metiri, cum apertissimum sit, totius orbis ad œcumenicum concilium cõuocati decreta, vnius alicuius prouinciæ sanctionibus iure præferri. Concilium enim œcumenicum legitimè congregatum, hanc prerogatiuam habere credimus, vt spiritu sancto nõ destituatur. Prouincialibus eandem authoritatem nõ tribuimus. Quæ dum generalibus inferiora censentur, non est quod Vulcanio ore declamites illud, quod hoc loco aduersus Hosium & vniuersam ecclesiam Catholicam detonasti:

Smid.

Christianus lector hoc quoq; loco meminisse velit admonitionis Brétianæ, qua piè monuit, in quãtas tenebras nos Asotici Prælati conijciant, si patiamur nos à sacra scriptura ad decreta Conciliorum & SS. Patrum traditiones ablegari.

Bred.

Pag. 79. &
sequent.

Porro quàm infinita penè sint Concilia œcumenica & prouincialia, quæ contra institutum Smidolini militant, copiosè satis declararunt Theologi Colonienfes in Censura aduersus Ioan. Monhemium, quæ, vt breuitati consulamus, hîc non repetimus.

Cap. 4.

Erasmi testimoniũ de Lutero, minimè inconstãs, vt vult Smidelinus. Erasmo ad stipulatur Luterus, qui qualis in episcopos & principes seculares fuerit, demonstratur.

Smid.

Bred.

Erasmi inconstans de Lutero iudicium, hac in parte nihil moramur &c.

Quid de vestra factione senserit Erasmus, non tacuit Bredenbachius, quanquàm ille ex multis vnum duntaxat locum decerpfit. Sanè quàm non benè erga vestrum institutũ affectus fuerit, abundè declarat in epistola contra pseudeuangelicos &

& ad fratres inferioris Germaniæ, quarum pleraq; capita citat laudatissimus Præsul D. Stanislaus Hosius in sua fidei Catholicę propugnatione contra Brentium lib. 2. Ego vnum dūtaxat proferam. Vos, inquit, strenuè clamatis in luxum sacerdotum, in ambitioem episcoporum, in tyrannidem Romani Pontificis, in garrulitatē sophistarū, in preces, ieiunia & Missas, nec ista purgari vultis, sed tolli: nec omnino quicquam in receptis placet, sed zizaniā euellitis cum tritico, aut vt melius dicam, triticum euellitis pro zizania. At quid interim nobis profertis melius & Euangelio dignius, vt ab assuetis recedamus? Circumspice populum Euangelicum, & obserua num minūs illic indulgeatur luxui, libidini & pecuniæ, quā faciunt hi quos detestamini? Profer mihi, quem istud Euangelium ex comessatore sobrium, ex feroci māsuetum, ex rapaci liberalem, ex maledico benedicum, ex impudico reddiderit verecundum. Ego tibi multos ostendam, qui facti sunt seipīs deteriores. Et post pauca: Nunquā eorum ecclesias sum ingressus, sed aliquādō vidi redeuntes à concione, veluti malo spiritu afflatos, vultibus omnium iracundiam ac ferociam miram præ se ferentibus. Sic opinor, discedunt milites à concioe ducis ad prælium exhortati. Quis vnquā vidit in eorum concionibus quenquam fundentem lachrymas, tūdētem pectus aut ingemiscētem? Et iterū, nonnullis interiectis: Circumspice mihi sodalitatē istā Euāgelicā: quot habet adulteros, quot temulētos, quot aleatores, quot decoctores, quot alijs vitijs infames? Et hos habent in delicijs, tantum abest vt vitēt. Ac rursū alibi: Iam vt donemus istis Euangelij præcōibus, esse fas vxores ducere, quis non admiretur ouiculas mactatiōi destinatas, nihil in hoc mundo querentes præter Christi gloriam, tot curis districtos, tot afflictionibus obnoxios, quibus accedit & paupertas, onus tum miserum, tum graue, non posse viuere sinē vxoribus? quas tam multi ob leuiore causas aut non ducunt, aut ductas nolent. At istis omnis tragœdia exit in catastrophē comicā: Vbi cōtigat vxor, occinitur: Valete & plaudite. Quæ (malū) est ista tanta salacitas, quā tot mala non possunt excutere? vndē tāta carnis rebellio in ijs, qui se iactant agi spiritu Christi? Quod iam olim etiā Philippus vester nō obscure animaduertit, dum inquit: Qui ad mi-

In epist. ad
fratres infe-
rioris Ger-
maniæ.

ni-

In loc. coi-
bus editis
anno 38.

Lut. in post.
sup. Euang.
Dñic. 1. Ad-
uent.

nisteria Ecclesiastica vocantur, si afficientur Ecclesie calamitatibus, si oneris sui magnitudinem animo metientur, si cogitabunt quam difficilis sit explicatio dogmatum & gubernatio ecclesie, hec curæ ac miserie facile excutient illis cogitationes de coniugio. Hæc ille. Quam igitur dicemus causam, cur iste populus Euangelicus tot calamitatibus ac persecutiōibus pressus, tot curis ecclesiasticis distractus, semper subet ad Venerem? Sed ad Erasmus redeamus. Is in eadem epistola: Sacerdotē, inquit, Basileæ virgis cæsum, mox vrbe eiectum non nomino. Quid refert, quando desiērit concionari? Istius erat professionis. Is, vt publicus ferebat rumor, & in carcere & extra portam, cum à carnifice dimitteretur, publicè testatus est, se, postquam se illi sectæ addixerat, in omne flagitiorum genus proruissse. Quid de tota secta dixerit, non referam. Hæc & his multo plura de vobis iam olim scripsit ille Erasmus. Quod si Erasmi testimonium parum apud te ponderis obtinet, (quanuis tuus ille Gregalis Naageorgus, eum dicat doctissimum virum, simulque prudentem) & negas per omnia verum esse, quotquot se sectis adiungāt, exuere prorsus hominem: vel ipsius Luteri prophetæ vestri oraculo fidem accomoda: Mūdus, inquit, indiēs fit deterior. Sūt nunc homines magis vindictæ cupidi, magis auari, magis ab omni misericordia remoti, magis immodesti & indisciplinati, multoque deteriores, quam fuerint in Papatu. Vel igitur Luterum, tuo iudicio virum Dei sanctissimum, mēdacij arguito, vel Erasmi testimonium admittito, quod tamen siue tu recipias, siue repudies, ipsa rerum experientia verissimum esse clamat. Sed hæc hominum fallacissimo placuit per fallaciam accidentis eludere: ait enim aduersus Hosium, hæc Euangelio suo accidere, vt homines libertate Evangelij abutantur ad licetiam carnis. Sed quam verè ex impietate doctrinæ proueniat, nemo non vel mediocriter oculatus perspicit.

Iam quod sequitur, Luterum non euertisse auctoritatē episcoporum, sed vt eorum auctoritatem tueretur, monitorem fuisse sedulum, vt ea cauerent, quæ cum officio eorum pugnare videantur, &c. Quomodo Luterus eorum auctoritatem asseruerit, videre est in oblcenissimis turpissimisq; imaginibus, quas ipse in Paulum Tertium Pontificem & vniuersum ordinem Cardinalium & Epi-
sco-

scoporum effinxit, ubi seipsum carnificem constituens, vniuersos in crucem agit. Quid ille episcoporum auctoritatem tueretur, qui non erubuit quemlibet contemnere, fastidire, & quantum in ipso fuit, pessundare magistratum? Cuius rei si fidem quis à me requirit, legat ipsius Luteri librum de seculari potestate, siue de ciuili Magistratu, ubi postquam atroces, rebelles & improbas in principes ac Magistratus contumelias euomit, tandem hæc subiungit: Inter Christianos nullus neq; potest, neque debet esse magistratus, sed vnusquilibet æquè est alteri subiectus, dicente Apostolo Philip. 2. Superiores inuicem arbitantes. & D. Petro 1. Pet. 5. Omnes inuicem humilitatem insinuate, &c. Et ibidè folio præcedenti: Noueris, inquit, iam indè ab orbe condito raram auem fuisse prudentè principem, multò verò rariorem probum. Sunt illi vel præcipui moriones, vel perditissimi nebulões in terris, atq; eam ob rem semper ab illis pessima quæq; metuenda, parùm autem boni sperandum &c. Ecce hæc sunt tui Apostoli & Euangelistæ Luteri verba, Smideline, quibus quomodò Magistratum tam Ecclesiasticum, quàm ciuilem asseruerit, iam manifestum est: an autem conueniant doctrinæ veræ Apostolicæ, docebit nos Paulus ad Rom. 13. Omnis, inquit, potestas à DEO est, & qui potestati resistit, diuinæ ordinationi resistit.

To. 6. German. fo. 602

Cap. 5.

An Ecclesia habeat potestatem cōdendi leges morum, & statuendi articulos fidei.

Plè & rectè negauit vtrunq; Luterus, Nō esse in manu Ecclesiæ, neq; articulos fidei, neque leges bonorum operum Smideline condere. Nam quod de lege matris ex Salomone adfert, manifesta est eius loci deprauatio, ubi Salomon liberos instituit, vt colant parentes, non patrem solùm, sed etiàm matrem: & docet quod illi præceperint, nō sint hominum præcepta, sed diuina iussa & mandata. Hoc ineptus Grammaticus per allegoriam ad ecclesiam refert, quod suis Scholasticis sophistis nō inuitatum est &c.

Salomonis locus, quem à Bredenbathio adductum calumniatur Bred.

OO

hic

hic Smidelinus, est in Proverbijs cap. 6. Quem eundem, quia ante annos septem, similibus sycophantijs aggressus est Henricus Pileus, ipsum Bredenbachium audiemus Pileo respondentem. Vbi textum Salomonis tam ex Hebraica veritate, quam veteri translatione recitavit Bredenbac. sic subiungit: Et postremis quidem illis, quæ sunt, vt custodiant te à muliere mala, & à blanda lingua extraneæ, clarissimè indicat Salomon ipse, in quem finem hæc præcipiat filio suo, & quid eum his docere velit, nimirum vt habeat quo se custodiat à mala & extranea muliere, hoc est, ab hæretica secta, interprete Hieronymo. Nunc, inquit in commentarijs Hieronymus, sub adulteræ mulieris specie, prohibet auditionem hæresios. Ecce hoc ibi Salomoni fuit propositum, quod doceret filium. Porro ad conseruandum aliquem sese, nè prolabatur in hæresim, nihil est præsentius, nihil efficacius, quam vt contineat se intra legem matris Ecclesiæ. Si huius leges non excesserit, nihil vnquam erit periculi ab hæresi. Hinc est quod cum de conseruandis præceptis patris mandasset, adiecit: Et nè dimittas legem matris tuæ, liga eam in corde tuo iugiter, & circunda gutturi tuo. quasi dicat: Lex matris tibi veluti dux erit in omnibus, quæ te velut manu apprehensum, non patietur aberrare à via recta, quam suis præceptis tibi mandauit pater, vt per eam ambules. Multi arbitrati se per hanc viam ingredi, seducti bladiijs impostricis illius & adulteræ, per denia gradientes, in præcipitia inciderunt. Ab hac seductione nihil tibi erit periculi, si te intra legem maternam tanquam sepem quandam tibi circumdatam, continuerit. Hanc esse sententiam Salomonis, locus ipse, atq; ipsius orationis series apertissimè demonstrant. In quâ sententiam semper intellectus est is locus, non solum à Doctoribus Ecclesiæ Christianæ, verum etiam Synagogæ Iudaicæ, quod etiam nunc videre est in commentarijs Iudæorum in hunc ipsum locum Salomonis, quos ego consului eo ipso tempore, quo locum illum in libello de componendis dissidijs eram adducturus. Hactenus Bredébachijs, cui inter cæteros luculentissimè adstipulatur Epiphanius, disputans aduersus Aërium, animarum vita defunctorum hostem: Redibo, inquit, ad intermissum dudum argumentum, Ecclesiam hoc necessario facere, orare videlicet pro mortuis, vt eis pec-

peccata remittantur, quod Traditionem hanc à Patribus suscep-
 rit. Quis enim statutum matris queat dissolvere aut legem patris?
 ut apud Salomōem est: Audi fili verba patris tui, & nē repellas sta-
 tuta matris tuæ: Ostendens per hoc, quod & in scriptis & sinē scri-
 pto docuit pater, hoc est, Deus vnigenitus & Spiritus sanctus. Ma-
 ter autem nostra Ecclesia leges ritusq; sacros sibi habet traditos,
 indissolubiles. Hæc ille. Quod allegoricam in Prouerbijs Salomo-
 nis interpretationem rides, nihil aliud facis, quàm vt insignem tuā
 imperitiā & stupiditatem egregiè demonstrēs. Si enim vel ipsum
 prouerbij nomen intelligeres, nōsses omne prouerbium instār Si-
 leni cuiusdam esse, aliud quid habens in recessu, quàm prima fron-
 te promittit. Per hoc ipsum, inquit Origenes, quod Prouerbia at-
 titulauit libellum suum (Salomon,) quod utique nomen significat
 aliud quidem palam dici, aliud verò intrinsecus indicari &c. Et Hi-
 eronymus in principio commentariorum in Prouerbia, (quæ tamē
 ab alijs Bedæ ascribuntur.) Huic libro vocabulum (παροιμία) Sa-
 lomon ob id imposuit, vt sciremus altius, & non iuxta literam tan-
 tum nos intelligere debere. In quo Dominum significat per para-
 bolas turbis fuisse locuturum.

In prologo
 Cantici Ca-
 tior.

Eas iam Smideline, & Bredenbachium Salomonis dicta allego-
 ricè interpretantem naso suspendas, idq; Scholasticis sophistis nō
 iuuissimum esse cauilleris. Quàm non ineptè mandatum patris lu-
 cernæ, & lex matris luci comparetur, satis luculentè demonstrauit
 Bredenbachius loco citato, quæ omnia hic repetere nimis longum
 foret. Prosequitur Smidelinus:

In lib. cōtra
 Hen. Pileū.

Quod verò subiungit, idēd Ecclesiæ matris legem odisse Lute-
 rum, quia fuerit leno turpissimæ meretricis (uxoris suæ,) à qua ipsum
 custodire potuisset. Hoc nemo nisi scurra de Lutero dicere potest:
 quàm sanctè enim & honestè vixerit cum coniuge, testes idonei
 ipsorum conuictores esse possunt &c.

Ad hæc tibi nihil aliud respondeo, Smideline, quàm quod vel p Bred.
 inscitiam, vel oscitantiam, mentem Bredenbachij nō intellexeris.
 Per mulierem enim malam & extraneam, non incestā, Luteri vxor-
 em designauit, sed doctrinam hereticam, cuius lenonem egit Lu-
 terus, hoc est, editis libris publicitūs eam prostituit, vt omēs & ma-
 ximè

ximè incautos ad fœdissimos eius amplexus pelliceret. Per hanc nanque mulierem intelligi doctrinam hæreticam, suprà ex Bredēbachio & Hieronymo demonstratum est. Similem loquendi modum vsurpat Vincentius ille Lirinensis, dum ait: Si nouitia veteribus, extranea domesticis admisceri cœperint: fieri ibidē deinceps impiorum turpium errorum lupanar, ubi erat antè castæ & incorruptæ sacrarium veritatis. Verū tametsi Bredenbachius absq; allegoria hæc de Luteri vxore pronunciasset, haud sanè primus esset qui meretricis cauterium illi inussisset. Ipse enim Hêricus VIII. Angliæ rex, cū incestum coniugium cum moniali contractū Luterō exprobraret, marginale scholion his verbis. Regis sententiam declarauit: Catharinam, inquit, de Bore monialem intelligit, quam Luterus in vxorem duxit, postquā per biennium inter scholares Vuittenbergenses scortata fuerat. Idem refert Cochlaus in actis Mart. Luteri anno 1523. Præclarum certè & encomiasticum de Luteri vxoris castitate testimonium. Legimus morem esse Phœnicum mulierum, vt antequā filias dent nuptui, Veneri sacrificent. Hæc sanè sponsa in hoc sacrificio strenuè suas partes obiuisset.

Cap. 6.

Exemplis docetur, Ecclesiam habere potestatem condendi leges morum &c. Symbolum quod Apostolicum dicitur, an Apostoli condiderint: & an, si dicatur, Apostolos illud condidisse: consequatur, symboli articulos à veteribus aut ignoratos, aut non creditos, vt vult aduersarius.

Smid.

Bred.

Exemplis docet, Ecclesiam habere potestatem condendi duodecim articulos, quos adhuc habemus regulā fidei nostræ? Apostoli, inquires. Nam indè dicitur symbolum Apostolorum. Rectè respondisti: Sed cū hoc facerent Apostoli, in ipsis Apostolis fuit Ecclesia. Igitur Ecclesia constituit illos articulos. Cū impius ille Arrius turbaret Ecclesiā blasphemo illo suo dogmate de filio Dei, quis condidit hunc articulum, vt credamus Dominū Iesum Christum esse non factum, sed genitum de substantia patris, Deum ex Deo,

Deo, lumē ex lumine, *ὁμοούσιον* Patri, hoc est, eiusdem ex Patre substantiæ? Quis (inquam) condidit, quis constituit (vt Luteri verbo vtar) hunc articulum fidei? Nōne Ecclesia? Hæc enim erat tunc in illis trecentis octodecim episcopis, quemadmodum in Apostolis, quādō condiderunt & constituerunt prius illud Symbolum. Hactenus Bredenbachius.

Quid ad hæc dicemus, inquit Smidelinus? Nōdum agnoscis soliditatem Grammatici, vt qui nihil prorsus in sacris literis intelligat? Sed paucis sic accipe, etsi indignū est, ad hæc tam crassas nugas respondere. Si Apostoli primū hos fidei articulos condiderunt, sequitur, prius ignotos fuisse ecclesiæ, quæ Apostolorū tempora præcedebat. Ad hoc respōdeat, si potest, acutus Dialecticus. Quid, quæso, credidissent sancti Patriarchæ, si ignorassent Deum conditorem & conseruatorem omnium, Christum redemptorem, spiritum viuificantem &c?

Quōd Apostoli symbolum illud fidei condiderint, negare videtur hic Smidelinus, cū aduersus Hosium non vno in loco vocet symbolum Apostolorum: adeō bellè sibi constat sycophanta. tergiversatur Calvinus in suis institutionibus, Argentina ecclesia Apostolicū credit, vt videre est in Catechismo. Dubitat in sua Catechesi Brentius, & rursus in confessione sui Ducis Vuirtembergensis proficitur Apostolicum. Quid in tanta opinionum varietate, quæ velut turbulentiæ Symplegades mutuō se collidunt, sectandum existimabimus? Sed videamus interim, quā bellum agat Brentij hyperaspisten Smidelinus, qui nē fateri cogatur quod Bredenbachius adstruit, Apostolos esse authores Symboli, clientem suum quem defendendum suscepit, seq; ipsum oppugnare non erubescit. Nos verō huiusmodi pugnantium opinionum colluctationes nequicquā percellunt, qui ecclesiasticam traditionem libenter sequimur, qui stamus in via Ecclesiæ Catholicæ, & interrogamus de semitis antiquis, interrogantes Patres & Maiores nostros, ex quibus primum faciemus D. Clementem laudatissimum Pontificem & inuictissimum martyrem.

Christo, inquit, resurgente & ascēdente in cælum, misso sancto spiritu, collata apostolis scientia linguarum, adhuc in vno positi,

OO

3

sym-

symbolum, quod fidelis nunc tenet ecclesia, vnusquisq; quod sensu sit, dicendo, condiderunt, vt discedentes ab inuicem, hanc regulam per omnes gentes predicarent &c. Idem disertis verbis attestatur Origenes: Illud, inquit, scire oportet, quoniam sancti Apostoli fide Christi predicantes, de quibusdam quidem, quęcunque necessaria crediderunt, omnibus credentibus etiam his qui pigriores erga inquisitionem diuinę scientię videbantur, manifestissimę tradiderunt.

Hieronymus in symbolo, (ad Pammach. aduersus errorem Ioannis Hierosolym. tom. 2.) inquit, fidei & spei nostrę, quod ab Apostolis traditum &c.

Ambrosius serm. 38. de Quadragesima: Duodecim Apostolorum symbolo fides sancta concepta est, qui velut periti artifices in vnu conuenientes, clauem suo consilio conflauerunt. Clauem enim quandam ipsum symbolum dixerim, per quod referantur diaboli tenebrę, vt lux Christi adueniat &c. Idem in epistola ad Siritium, aliosq; episcopos. Locuples etiam huius rei testis est D. Augustinus, cum alijs multis in locis, tum in sermone 181. de Tempore, vbi multa de fidei necessitate prefatus: hoc, inquit, attendentes sancti Apostoli, certam regulam fidei tradiderunt, quam secundum numerum Apostolicum, duodecim sententijs comprehensum, symbolum vocauerunt, per quam credentes Catholicam tenerent vnitatem, & per quam hæreticam conuincerent prauitatem. Symbolum ergo tali ratione institutum Maiores nostri dixerunt. Tradunt enim quod post Ascensionem Domini & Saluatoris nostri ad patrem, cum per aduentum spiritus sancti discipuli eius inflammati, linguis omnium loquerentur, ad singulas quoq; nationes, vt Dei verbum predicarent, ituri, & discessuri ab inuicem, normam prius sibi futurę predicationis in commune statuerunt, ne localiter ab inuicem discedentes, diuersum vel dissonum predicarent his qui ad fidem Christi inuitabantur. Omnes igitur in vno positi, & spiritu sancto repleti, breue suę predicationis indicium conferendo in vnum quod sentiebat, vnusquisq; computabat, atq; hanc ita credentibus dandam esse regulam instituunt &c. Videatur idem August. serm. 115. de tempore. D. Leo serm. xj. de passioe Domini, & epistola 13. ad Pulcheri-

riam Augustam. Vides igitur nunc Smideline, verum esse quod ait Bredenbachius, symbolum fidei ab Apostolis compositum. Nec tamen inde sequitur, quod tu inferre conaris, prius ignotos fuisse illos fidei articulos ecclesiæ, quæ Apostolorum tempora præcedebat, Deum esse conditorem & conseruatorem omnium, Christum redemptorem, spiritum viuificatorem. Eodem spiritu fidei à Patriarchis & veteris testamenti Patribus hæc futura videbantur, inquit Augustinus, quod à nobis facta creduntur. Neq; enim qui nobis ista fidei dilectione prophetare potuerunt, eorum ipsi participes non fuerunt. Et idem cap. sequenti: Idem & ipsis caput est Christus, quia vnus mediator est Dei & hominū homo Christus Iesus. Quod eis non fuisset, nisi in eius resurrectionem per eius gratiam credidissent. Et hoc quomodo fieret, si eum in carne venturum esse nescissent, neq; ex hac fide iuste pieq; vixissent? Et paulò pòst: Neque enim putandum est, quod antiquis iustis sola quæ semper erat, diuinitas Christi, non etiā quæ nondū erat, eius humanitas reuelata profuerit. Illud enim quod ait Dominus Iesus, Abraham concupiuisset diem meum videre, & vidit, & gauisus est: si diem suum voluit suum tempus intelligi, testimonium profectò perhibuit Abraham, quod fide fuerit incarnationis eius imbutus &c. Vtrunq; igitur verū esse conspicis Smideline, & condidisse Apostolos symboli articulos, & nihilominus notos fuisse eos Ecclesiæ quæ Apostolos præcedebat. Dices, vt quid igitur Apostoli quod notum erat, denuò annūciarunt, & velut novos fidei articulos orbi proposuerūt? Erras hinc Smideline cum Fausto Manichæo, qui (vt refert Augustinus) putabat res per veteris legis Sacramenta designatas, completas, nō alijs Sacramentis annunciari debuisse, quā ijs quibus adhuc complenda pronuntiabantur. Cui hunc in modum respondet D. Augustinus: Si soni verborum quibus loquimur, pro tempore commutantur, eademq; res aliter enunciatur faciēda, aliter facta, sicut ista ipsa duo verba quæ dixi, Facienda & facta, nec paribus morarum intervallis, nec iisdem vel totidem literis syllabisve sonuerunt, quid mirum si alijs mysteriorum signaculis passio & resurrectio Christi futura promissa est, alijs iam facta annunciatur? Hæc ille.

Si igitur mirum non est, alijs mysteriorum signaculis passionem
& re-

Ioan. 8.

& resurrectionem Christi nunc annunciari, quàm olim cùm adhuc futura esset, annunciata est: quid mirum, si Apostoli alios fidei articulos condiderunt, quibus ea quæ olim futura credebantur, nunc facta credâtur? Quemadmodum enim ecclesia Catholica alia quidem nunc habet Sacramenta, quàm habuerit Synagoga: nec tamen ob hoc res ipsæ sunt diuersæ, quas ritus Propheticus prænu- ciauit promissas, & quas ritus Euangelicus annūciauit impletas: sic etsi Apostoli fidei articulos condiderint, nō tamen ipsa fides est di- uersa, qua illi res futuras crediderunt, nos factas & impletas cre- dimus. Et quemadmodum Apostoli promulgato symbolo nō qui- dem hoc effecerunt, vt quod antè verum non erat, suo decreto ve- rum facerent: sed dūtaxat ea quæ fidei erant, licet plurimis obscu- ra & ignota, sua constitutione declararent, & notiora redderēt: ita credendum non est, Ecclesiam indistinctè ea quæ fidei non sunt, in articulum fidei redigere posse, (quanuis hoc nec tentauerit, nec optauerit vnquam Ecclesia) sed tantum ea quæ vel ignorantur, vel controuertuntur, definire & declarare posse, vt hoc pulchrè de- clarat laudatissimus ille pontifex & martyr Ioannes Fischerius epi- scopus Rossensis. Atq; hīc Smideline rursūm te admonere cogor, quàm sincera fide, immò quàm veteratoriè cū Bredēbachio agas, qui verbis eius hoc assuis, quod ille nec dixit, nec sensit vnquam. Exemplis docet, inquis, Ecclesiam habere potestatem condēdi no- uos articulos fidei. Dic veterator, vbi Bredenbachius ita locutus est? vbi dixit Ecclesiam posse condere novos articulos fidei? Verba Bredenbachij sic habent: Quid ais Lutere? Non est in manu Eccle- siæ statuere articulos fidei &c? Quis non videt, quàm longè diuer- sa sint, cōdere novos articulos fidei, & statuere articulos fidei? nul- lo in loco adstruit Bredenbachius, Ecclesiam habere potestatem cō- dendi novos articulos fidei, quod luculētissimis verbis ipse testa- tissimum fecit in libro contra Henricum Pileum. Cū ego scribe- rem, inquit, Ecclesiam habere potestatem cōdendi articulos fidei, nunquā mihi venit in mentem hoc permittere patribus in con- cilijs congregatis, vt iubeant nos aliquid credere, quod ante nos nemo crediderit, aut quod hactenū ab vniuersa ecclesia creditum sit, id posthac non esse credendum. Nunquā sic delirauī: sed cūm hære-

Augu. ibid.

Art. 27. cō-
tra Lut.

hæretici cœperint vocare in quæstiōem, de quo hætenùs nulla ex-
titerit quæstio, nulla dubitatio, sed simpliciter ab omnibus credi-
tum sit: tunc Ecclesiam habere potestatem, collatis scripturis ac ve-
terum traditionibus, decernendi, constituendiq; expressè, quid de
eo posthac credi debeat. Et rursùm paulò post: Non quòd noui
aliquid hac ratione creet ad credendum, quod antehac nō fuerit,
aut creditum non sit, sed quòd id quod hætenùs simplicius credi-
tum est, neq; in controuersiam venit, ideoq; fortassis inter ea quæ
necessè sit credere, non ità clarè & compendiosè expressum, nunc
breui claròq; compendio om̃ibus in lucem proferat, & certò cre-
dendum proponat ac mandet. Hæc Breidenbachius, quæ & plurib;
exemplis ibidè declarat. In eandem sententiā iam olim ante an-
nos mille scripsit ille Vincentius Lirinensis: Quid vnquàm aliud,
inquit, Conciliorum decretis enisa est (Ecclesia), nisi vt quod an-
teà simpliciter credebatur, hoc idem postea diligentiùs crederetur: Conciliorū
quod anteà lenitiùs prædicabatur, hoc idem postea instantiùs præ-
dicaretur: quod anteà securiùs colebatur, hoc idem postea solliciti-
ùs excoleretur? Hoc inquam, semper, neq; quicquam præterea, hæ-
reticorum notuitatibus excitata, Conciliorum suorū decretis Ca-
tholica perfecit Ecclesia, nisi vt quod priùs à maioribus sola tradi-
tione susceperat, hoc deindè posteris etiā per scripturæ chirogra-
phum consignaret, magnam rerum summam paucis literis comp-
hendendo, & plerunq; propter intelligentiæ lucem, non nouum fi-
dei sensum nouæ appellationis proprietate signando. Hæc ille. Sic
Arrio Christi diuinitatem impugnante, & vniuersam ecclesiam fa-
tigante, cōgregati Patres definiuerunt filium patri æqualem & ὁμο-
ούσιον. Quæ controuersia definitionem suam, nō etiā veritatem,
ex Concilij decreto fortita est. Qua in re, velis nolis, magnam illā
Ecclesiæ auctoritatem agnoscere cogeris. Smideline, qua omnes
omnis generis controuersias suo vnius decreto, spiritus sancti ma-
gisterio & instinctu freta, dirimit & componit, post cuius decreti
promulgationem si quis non audiens Ecclesiam, refractarium se
& rebellem præbeat, habendus est pro ethnico & publicano. Exi-
stimo nunc abundè tibi responsum, quo pacto Apostoli fidei arti-
culos condiderint, qui tamen Ecclesiæ, quæ Apostolorum tempo-

Conciliorū
utilitas &
scopus.

Matt. 18

pp

ra

ra præcessit, ignoti non fuerint. Vndè iam non obscurè perspicis, te triumphum ante victoriam cantasse, dum magno fastu & φιλαυτία exclamas, Ad hoc respondeat, si potest, acutus dialecticus. Et paulò superius: Quid ad hæc dicemus? nondum agnoscis stoliditatem Grammatici? immò verò æquus & cordatus lector animaduertit soliditatem argumentorum Bredenbachij, & stoliditatem calūniatoris Smidelini. Iam de legibus morum & bonorū operum, quid attinet dicere? Si quælibet Respublica, immò quilibet paterfamilias habet facultatem præscribendi leges morum: quæ (malum) vesania, hanc velle adimere ecclesiæ, quam tanto tempore obtinuit, & toties efflagitante necessitate usurpauit? Qua de re cum luculentè scripserit Bredenbachius contra Pileum, studio breuitatis eò lectorem remittimus.

Cap. 7.

An rectè dici possit, Ecclesiam tempore Christi fuisse in ipsis Apostolis.

Smid.

Pergit Smidelinus: Deindè etià hoc p̄posterū est, quòd ait Ecclesiam in ipsis Apostolis & Episcopis fuisse, vt suū figmentum de stercore vaccino stabiliat.

Bred.

Profectò dignus esses, Smideline, qui pro placentis perpetuò vesceris stercore vaccinis, vt impura tua labra similes haberent lactucas. Piaculum videtur Smidelino, quòd Bredenbachius dixerit Ecclesiam fuisse in Apostolis & Episcopis, cum hi tantummodò membra & ministri fuerint ecclesiæ, id est, congregationis omnium fidelium. Piaculum ergò comisit Christus, cum diceret: Si te non audièrit, dic Ecclesiæ. Si vniuersæ Ecclesiæ, hoc est, toti fidelium multitudini dicendum est, quis non videt, quanta consequatur absurditas? Vndè Chrysost. in eum Matth. locum, rectè per Ecclesiam interpretatur Præpositos & Pastores ecclesiæ. Sic Cyprianus libro 4. epist. 9. ad Puppian. Scire debes, inquit, Episcopum in ecclesia esse, & ecclesiam in episcopo: & si qui cum episcopo non sint, in ecclesia non esse: & frustra sibi blandiri eos, qui pacem cum sacerdotibus Dei non habentes obrepunt, & latentè apud quosdam communicare se credunt, quæ Ecclesia, quæ Catholica & vna est,

Matt. 18.

Si te non audièrit, dic Ecclesiæ. Si vniuersæ Ecclesiæ, hoc est, toti fidelium multitudini dicendum est, quis non videt, quanta consequatur absurditas? Vndè Chrysost. in eum Matth. locum, rectè per Ecclesiam interpretatur Præpositos & Pastores ecclesiæ. Sic Cyprianus libro 4. epist. 9. ad Puppian. Scire debes, inquit, Episcopum in ecclesia esse, & ecclesiam in episcopo: & si qui cum episcopo non sint, in ecclesia non esse: & frustra sibi blandiri eos, qui pacem cum sacerdotibus Dei non habentes obrepunt, & latentè apud quosdam communicare se credunt, quæ Ecclesia, quæ Catholica & vna est,

est, scissa non sit neq; diuisa, sed sit utiq; connexa, & cohærentium sibi inuicem sacerdotum glutino copulata. Vides quemadmodum hic ad episcopos ecclesiam alligauerit. Sed & Philippus tuus in arrogantissimo illo libello, quem scripsit de ecclesia, disertè ait: Ecclesiam tempore Christi fuisse in Apostolis: & Brentius tuus clientulus in confessione Vuirtembergensi, titulo de Eucharistia, sic ait: Cum Christus hoc Sacramentum institueret, non ipse solus vescebatur, sed dispensabat ecclesiæ suæ, quam tunc præsentem habebat. Hactenus Brentius. Habebat autem Christus duodecim Apostolos præsentis, ut referunt Euangelistæ. Vides Smideline, ut nusquam non enormitèr impingas? sed redeamus ad fuliginem Smidolini.

Cap. 8.

An Christus sit articulus fidei, ut vult cum Lutero Smidelinus.

Quam falsè irridet Luterum, qui nobis Christum tanquam articulum fidei obtrudat? quid, quæso, credatis, qui hoc non crediderit? Smid.

Merito ridendus est Luterus, qui istis Pauli verbis, **Bred.**
fundamentum aliud nemo potest ponere &c. conatur probare, Ecclesiam non habere potestatem condendi articulos fidei aut leges morum &c. Nec minùs ridiculum est, quod adstruit Christum esse fidei articulum, & fidei articulos partes Iesu Christi, ut Bredenbachius dilucidè demonstrauit, ad quod ne verbum quidem respondet Smidelinus. Si Christus est articulus fidei, & articuli fidei partes Christi: non absurdè consequitur, Christum aliquando euacuandum: excident enim & euacuabuntur fides & spes, **1. Cor. 13.**
& sola manebit charitas. Christus non est fides aut fidei articulus, sed fidei objectum, circa quod fides nostra versatur. Quod verò Smidelinus ad confirmandum Luteri delirium, adducit illud Pauli, Non iudicaui me scire aliquid inter vos, nisi Iesum Christum, & **1. Cor. 2.**
hunc crucifixum: atq; hinc infert, Paulum nullos alios fidei articulos agnouisse, aut certè Christum pro articulo fidei Ecclesiæ obtrudere voluisse: vanissimum esse cognoscet ille, qui vim & sententiam

verborū Pauli considerauerit. Demonstrat eo loci Paulus, referēte Hieronymo, se non pompaticum eloquentiæ iactare sermonem in prædicatione diuina. Non enim iudicaui me scire aliquid &c. hoc est, non sum gloriatus in aliquo nisi in Christo.

Cap. 9.

De canonum Ecclesiasticorum autoritate.

Smid. **P**lenum tyrannide Pontificia est, quod scribit: Porro quicquid hic consul (Papa) vnā cum vniuerso episcoporum senatu decernit, constituit, mandat siue credendum, siue faciendum, hoc recipiendum est tanquā oracula diuina &c.

Bred. Quid si vestro ipsorum testimonio Smideline, probemus vos decreta & Canones Pontificum & Episcoporum pro oraculis diuinis habere? Filiū patri ὁμοούσιον, nō autem ὁμοιοῦσιον, aut etiā patre minorem esse, vnde quāso habetis? qua scriptura, quo fundamento hoc asseritis? Pater maior me est, inquit Christus, igitur filius patri nec ὁμοούσιος, nec ὁμοιοῦσιος, sed minor & inferior patre. Verū quia tempestatem hanc ab Arrio excitatam, Niceni Concilij patres consopierunt, damnata Arrij doctrina, & filium ὁμοούσιον definiuerunt: facile animaduertis, quantam vel nesciēs episcoporum sententiæ ac definitioni auctoritatem tribuas, nisi fortē vt hunc laqueum euadas, Arrianā impietatem amplecti māuis. Quid? an tyrannidem fouere censebis D. Augustinum, dum ait: Conciliorum auctoritatem saluberrimam esse in ecclesiā? An tyrannidis patronum dices laudatissimum imperatorem Iustinianum, dum inquit: Sancimus vicem legum obtinere sanctas ecclesiasticas regulas, quæ a sanctis quatuor Concilijs expositæ sunt aut firmatæ, hoc est, in Nicena trecentorum decem & octo, & in Cōstantinopolitana sanctorum cētum quinquaginta Patrum, & in Ephesina prima, in qua Nestorius est damnatus, & in Chalcedōia, in qua Eutyches cum Nestorio anathematizatus est. Prædictarū enim quatuor synodorum dogmata sicut sanctas scripturas accipimus, & regulas sicut leges obseruamus &c.

In l. Nemo Clericus. de summa Trin. Martianus quoq; Imperator ea, quæ semel in synodis indicata & rectē disposita sunt, in disputationem rapi seuerē prohibet: iniuri-

iuriam enim hoc pacto irrogari iudicio reuerendissimæ Synodi &c.

Cap. 10.

Catholicus quis sit dicendus, cur ad scripturas prouocent, & quibus signis cognoscantur hæretici.

QUOD scribit, nullū certius signū, quo citiūs & expeditiūs ac euidentiūs cognosci queat hæreticus, & à doctore veritatis discerni, q̃ si prouocet ab ecclesia ad iudicem scripturam, falsissimum est &c. Scio hoc esse Tertulliani dictū, sed lōgè alio sensu ab ipso positum, &c. Quin rectiūs hoc dictū inuertere possemus: Qui à scriptura ad ecclesiam, qualem tu fingis, prouocat, certissima hæreseos nota designari. Si enim rectè sentiūt, cur scripturam ita formidant, à qua si sua doctrina & traditionibus dissentiant, rectè errorum, hæresios & vanitatis arguuntur.

Si ille tibi est hæreticus Smideline, qui à scriptura ad ecclesiam prouocat: ille mihi erit Catholicus, qui (vt Lirinenfis ille Vincentius docet) veritatem Dei, qui Ecclesiam, qui Christi corpus diligit, qui diuinæ religioni, qui Catholicæ fidei nihil præponit, non hominis cuiuspiam auctoritatem, non amorem, non ingenium, nō eloquentiam, sed hæc cuncta despiciens, & in fide fixus & stabilis permanens, quicquid vniuersalitèr antiquitūs ecclesiam tenuisse cognouerit, id solum sibi tenēdum credendumq; decernit: quicquid verò ab aliquo deinceps vno præter omnes vel contra omnes Sanctos nouum & inauditum subinduci senserit, id non ad religionem, sed ad tentationem potiūs intelligat pertinere. Ad scripturas prouocare, semp̃r familiare fuit hæreticis: quod si neget Smidelinus, audiat Martini Luteri oraculum, (referente Hosio) quo ait, omnes hæreticos scripturæ præsidio niti, q̃que ex illis hæreses omnes originem duxerint: quibus etiā illud addere ausus est, scripturam canonicam ad extremum hoc esse nomen consecutum, vt vocetur liber hæreticorū: quod sanè nomen haud scio an quisquā illi tribuerit vnquam præter Luterum. Immò tanto magis tu & tui symmystæ cauendi & pertimescendi estis, vt scitè monet Lirinen, quanto occultius sub diuinæ legis vmbraculis latitatis. Scitis enim

Smid.

Bred.

Catholicus
qs credēs.

Lib. 3. cont.
Brentium.

Matt. 7.

foetores vestros nulli ferè citò esse placituros, si nudi & simplices exhalentur, atq; idcirco eos cælestis eloquij velut quodam aromate adspergitis, vt ille, qui humanum facillè despiceret errorem, diuina non facillè contemnat oracula. Attēdite vobis à pseudopphetis, inquit Christus Dominus, qui veniunt ad vos in vestitu ouium, intus autem sunt lupi rapaces. Quid est vestitus ouium, ait Lirinensis, nisi Prophetarum & Apostolorum proloquia? Qui sunt lupi rapaces, nisi sensus hæreticorū feri & rabidi, qui caulas ecclesiæ semp infestant, & gregem Christi quasquā possunt dilacerāt? Sed vt fallaciùs incautis ouibus obrepant, manente luporum ferocia, depouunt lupinam speciem, & sese diuinæ legis sententijs, velut quibusdam velleribus obuoluunt, vt cū quisq; lanarum molliem præfenserit, nequaquā aculeos dentium pertimescat. Sed quid ait

Matt. 7.

Saluator? Ex fructib⁹ eorum cognoscetis eos, id est, cū cœperint illas voces non iam proferre tantū, sed etiā exponere: nec adhuc iactare solū, sed etiā interpretari: tunc amaritudo illa, tūc acerbitas, tunc rabies intelligitur, tunc nouitium virus exhalatur, tunc prophanæ nouitates aperiuntur, tunc primū scindi sepē videas, tunc transferri Patrum terminos, tunc Catholicam fidem cēdi, tunc Ecclesiasticum dogma lacerari. Tales erant hi, quos percutit

2. Cor. II.

Apostolus Paulus: Nam eiusmodi, inquit, pseudoapostoli, oparij subdoli, transfigurant se in Apostolos Christi. Quid est, transfigurant se in Apostolos Christi? Proferebant Apostoli Psalmorum authoritates, proferebāt & illi &c. Sed dicet aliquis, inquit Vincētius: Si diuinis eloquijs, sententijs, promissionibus & diabolus & discipuli eius vtūtur, quorum alij sunt pseudoapostoli, & pseudo prophetæ, & pseudodidascali, & omnes ex toto hæretici: quid facient Catholici homines, & matris Ecclesiæ filij? quonam modo in scripturis sanctis veritatem à falsitate discernent? Hoc scilicet magno opere curabūt, quod in principio Commonitorij istius sanctos & doctos viros nobis tradidisse scripsimus, vt diuinū canonem secundū vniuersalis ecclesiæ traditiones & iuxta Catholici dogmatis regulas interpretentur: in qua item Catholicę Apostolicęq; Ecclesiæ sequantur necesse est Vniuersitatem, Antiquitatem, Consensionem. Et si quando pars contra vniuersitatem, nouitas cōtra

ve-

vetustatem, vnius vel paucorum erratium dissensio cōtra om̃ium, vel certè multo plurium, Catholicorū consensionem rebellauerit: præferant partis corruptioni vniuersitatis integritatem, in qua eadem vniuersitate nouitatis prophanationi antiquitatis religiōem, itemq; in ipsa vetustate, vnius siue paucorum temeritati, primū omnium generalia, si qua sunt vniuersalis Concilij, decreta præponant. Hæc & his multò plura tibi Lirinensis, quibus postea præclarum & illustre Ephesini Cōcilij exemplum subnectit: in quo cū de sanciendo fidei regulis disceptaretur, hoc Catholicissimum, felicissimum atq; optimum factu visum est, vt in medium sanctorum Patrum sententiæ proferrentur, quorum alios martyres, alios Cōfessores, omnes verò Catholicos sacerdotes fuisse & permanfisse constaret: vt scilicet ritè atq; solennitè ex eorum consensu atque decreto antiqui dogmatis religio confirmaretur, & prophanæ nouitatis blasphemia condemnaretur. Cuius Concilij tam luculentū & insigne exemplum, quia optimam certissimamq; inuestigandæ veritatis normam præmonstrat, alibi quoq; libentè à nobis commemoratum est. Vis aliam audire notam? vis aliud tibi cauterium admoueri, quo iam olim singulares istos feros, singularium, prophanarumq; nouatiōum spermologos notauit Hieronymus? Sicubi, inquit, audieris eos, qui dicuntur Christi, non à Domino Iesu Christo, sed à quoquam aliò nuncupari, vtputà Marcionitas, Valentinianos, Montenses, siue Campates, scito non ecclesiam Christi, sed antichristi esse synagogam. Ex hoc enim ipso, quòd postea instituti sunt, eos se esse indicant, quos futuros Apostolus pronunciauit. Nec sibi blandiantur, si de scripturarum capitulis videntur sibi affirmare quod dicunt, cū & diabolus de scripturis aliqua sit locutus, & scripturæ non in legendo consistant, sed in intelligēdo. Alioqui si literam sequimur, possumus & nos quoq; nouū dogma nobis componere, vt asseramus in Ecclesiam non recipiendos, qui calceati sint, & duas tunicas habeant. Hæc ille.

Porrò quo iure tu Ecclesiam illā, quæ semper Catholicæ nomē habuit, à qua vos eam ipsam ad quam prouocatis, scripturam accepistis: Sacramenta quoq; si quæ habetis, percepistis: quo (inquam) iure, qua fronte, immò qua improbitate & rebellionē eam Ecclesi-

am

am scripturis aggredieris? Redde quod accepisti, & esto aliter, si potes, Christianus.

Cap. II.

De autoritate traditionum non scriptarum.

Smid.

Sed iam rursùm audiamus latrantem Cerberum: Christum igitur & Apostolos hæreseos accusabimus, qui ab autoritate summi Pontificis & omium scribarum & pharisæorum, ad doctrinam Moïsis & reliquorum prophetarum prouocabant, & horum depromptis testimonijs aduersarijs ora obturabāt.

Bred.

Vult Smidelinus docere, non esse hæreticum, ab Ecclesia prouocare ad scripturam, idq; probat exemplo Christi & Apostolorum, qui ab autoritate summi Pontificis & Scribarum, prouocabant ad doctrinam Moïsis &c. Exemplum profectò tali Theologo dignum. Quid hæc conferunt ad probandam, ab ecclesia ad scripturam, prouocationem? Neq; Christus, neq; Apostoli prouocauerunt ab ecclesia, cùm ipsi fuerint Ecclesiæ capita: neq; fuit Ecclesia tunc temporis amplius apud Synagogam, cuius cathedra, iam succedente cathedra Christi, erat abrogata. Ineptissimum igitur hoc est exemplum ad euincendum illud, quod tu probare conaris. Alioquì enim Christum & Apostolos extra Ecclesiã statuemus. Porro quòd Prophetarum testimoniã eos adduxisse legimus, nemo est qui neget scripturarum testimonijs aliquid rectè probari posse, & Apostoli quotiès de Christo sermonem habuerunt, ad Iudæos præsertim, necesse fuit vt eum Prophetarum oraculis cõfirmarent. Ceterùm cùm de Synaxi loquitur Paulus, quas adfert scripturas? Ego enim accepi à Domino, inquit: non, legi hoc in isto vel illo. Nihil adfert præter traditionem acceptam à Christo. Quòd in Ecclesia mulieri docere fas nō sit: quòd nudo capite vir, velato mulier orare debeat, quòd episcopum vnus vxoris virum esse oporteat, quibus docet scripturis? Verissima igitur est D. Augustini sententia: Multa, inquit, non inueniuntur in literis Apostolorum, neq; in cõcilijs posteriorum: & tamen quia per vniuersam custodiuntur ecclesiam, non nisi ab ipsis tradita & commendata creduntur. & alibi: Multa vniuersa tenet ecclesia, & ob hoc ab Apostolis præcepta bene

1. Cor. II.

Lib. 2. cont.
Donatist. de
baptis. ca. 7.

Lib. 4. cõtr.
Donatistas
cap. 23.

enim accepi à Domino, inquit: non, legi hoc in isto vel illo. Nihil adfert præter traditionem acceptam à Christo. Quòd in Ecclesia mulieri docere fas nō sit: quòd nudo capite vir, velato mulier orare debeat, quòd episcopum vnus vxoris virum esse oporteat, quibus docet scripturis? Verissima igitur est D. Augustini sententia: Multa, inquit, non inueniuntur in literis Apostolorum, neq; in cõcilijs posteriorum: & tamen quia per vniuersam custodiuntur ecclesiam, non nisi ab ipsis tradita & commendata creduntur. & alibi: Multa vniuersa tenet ecclesia, & ob hoc ab Apostolis præcepta bene

ne

nè conduntur, quanquàm scripta non reperiantur. Seruat autem eiusmodi traditiones Ecclesia Catholica, quia edocta est ab Apostolo Paulo, non solum quæ scripta sunt *τά γραφα*, verum etiam *τά άγραφα*, id est, non scripta, seruanda esse. State, & tenere traditiones, inquit, quas didicistis, siue per sermonem, siue per epistolam, in quem locum Chrysost. Constat, inquit, quod non omnia literis tradiderunt Apostoli, quæ tamen eadem fide sunt digna. Et idem Apostolus alio in loco: Subducatis vos ab omni fratre ambulante inordinatè, & non secundum traditionem, quam acceperunt à nobis. Et ad Corinthios: Cætera, cum venero, disponā. Aut igitur plura disposuit, aut mētitus est Apostolus: quod posterius dicere blasphemum est. Vtri igitur maior habēda est fides? doctori gentium Paulo, an præconi Goppingensium Smidolino? Sed in hoc argumento complures iam olim laborarūt, quibus ne *γρ* quidem Catholicorum aduersarij responderunt.

Cap. xij.

Ecclesiam habere potestatem iudicandi de scripturis.

Non fuit situm in arbitrio Ecclesiæ, quæ vellet eligere aut respuere Euangelia. Sed cum veritati Euangelij iam subiecta esset & addicta, non poterat eorum somnia probare, quæ sciebat cum veritate pugnare, quam ab Apostolis & eorum discipulis edocti erant. Nec propterea Ecclesiæ suū iudicium adimimus, quod dicimus eam de sacra scriptura solummodò testari &c.

Hoc si verum est, Smideline, fatendum est, Synagogam Iudæorum maioris fuisse potestatis, quàm sit ecclesia Catholica: illa enim iam olim censuram tulit, quoniam libri in Canōe sacrarum scripturarum habendi essent. Sed toto cælo erras Smideline. Quod enim in potestate Ecclesiæ fuerit, censere, iudicare & recipere sacras scripturas, varijs ijsq; luculentissimis argumentis doceri potest. Et imprimis quidem, si primitiuę Ecclesiæ vestigia, tractationes & formā consideremus, manifestè patebit, quemadmodum diu post tempora Apostolorum varijs arduisq; de fidei capitibus grauissimi scriptores sæpenumerò contenderunt, cum Ecclesia de illis nondum quicquam definiuisset: ita multis annis de numero canonicorum

QQ

librorum

librorum dubitatum & controuersum est. Repudiabant Manichæi Euangelium Matthæi, Exoriebantur sub nomine Thomæ & Barnabæ Euangelia. Ioannis Euangelium repudiabant Alogiani. De epistolis insupèr Apostolicis quātā fuerint cōtrouersia, quis ignorat? Epistolam ad Hebræos alij Paulinam, alij Clementis, alij verò Lucę dicebāt. Sic de Apocalypsi, an Apostoli, an Cerinthi, an Ioānis Apostoli, an Ioannis Theologi, non Apostoli. Similiter nec de Petri secunda, nec de Ioannis epistola 3. satis constitit. Quo autem arbitrio & iudice hæ altercatiōes sunt diremptæ? Quo alio, quàm Ecclesia Catholica, & per hanc loquente Spiritu sancto? Siquidem Laodicenum & Africanum Concilium, cui posteriori D. Augustinus interfuit, & Gelasius in Concilio LXX. Episcoporum lato decreto definiuerunt, quinam libri pro Canonicis, & quæ Epistolæ pro Apostolicis habendæ forent. Vndè D. Augustinus, in Canonicis, inquit, scripturis Ecclesiarum Catholicarum quamplurium auctoritatem sequatur, inter quas sanè illæ sunt, quæ Apostolicas sedes habere & epistolas accipere meruerūt. Tenebit igitur hūc modum in scripturis canonicis, ut eas quæ ab omnibus accipiuntur Ecclesijs Catholicis, præponat eis, quas quædam nō accipiūt. Quæ verò canonem sacrarum scripturarum sequatur Augustinus, videre licet libro 2. de doctrina Christiana, cap. 8. Et quid multis opus est? cū D. Augustinus disertè pronunciet, Euangelio non credere, nisi me catholicę ecclesię commoueret autoritas. Quocirca quod ibidem Augustinus Manichæo respondet, idem & tibi nūc respondeo Smideline: Ego ad eos me tenebo, quibus præcipientibus Euāgelio credidi, & his iubentibus tibi omīnō non credā. Nō credam, inquam, tibi, quem tot iam locis mendacem, improbum & falsarium deprehendi. Non credam tibi, qui dum nihil p̄ter scripturas recipis, sinē scripturarum aut vllius probabilis rationis testimonio palām affirmas, nō fuisse in Ecclesiā arbitrio quę vellet eligere aut respuere Euangelia, quod ego iam tam multis modis vanissimum demonstraui. Quin & ipse tuus Luterus suo oraculo te mendacij coarguit, qui in captiuitate Babylon. vbi de ordinis Sacramento agit, cōfitetur Ecclesiam habere potestatem discernendi verbum Dei à verbis hominum, idemq; confessos Luteranos in

Lib. 2. ca. 8.
de doct.
Christ.

Contr. epist.
Manichæi
cap. 5.

comitijs Augustanis, refert Melchior Canus Episcopus Canariensis. Sed nec Ecclesie duntaxat, verum etiam cuilibet fidei hanc de divinis scripturis iudicandi potestatem tribuit Luterus. Sic enim in commentarijs epist. Petri scribit: Fides res est tam eximia atq; magnifica, ut per eam rerum omnium quæ ad salutem pertinent, certâ & claram cognitionem habeamus, potentes iam de omnibus quæ in terra sunt iudicare, atq; liberè pronunciare. Hæc doctrina syn-cera, illa falsa est: vita hæc proba est, illa reproba: hoc factum bene, illud secus. Et quicquid istiusmodi homo definit, id ita se habet, ac verum est. Non enim potest falli, sed servatur & custoditur virtute Dei, manetq; iudex omnis doctrinæ. Hæc ibi Luterus.

In loc. Theol. lib. 2. cap. 7.

Vide Rossæ contra Capt. Baby. Luteri, cap. 1.

Iam tu mihi Smideline cōsidera, quo pacto hæc tui magistri verba cum tuo hoc seditioso schediastmate cōveniant. Aut enim ecclesia primitiva non fuit fidelis, aut omninò situm fuit in illius potestate, iudicare & recipere scripturas.

Cap. 13.

In concilijs non semper adhibitas esse solas scripturas ad confutandas hæreses: ipsosq; hæreticos se adversus anabaptistas tueri sola autoritate Ecclesiæ: Luterum ne ipsis quidem Apostolis parcere, ut sua paradoxa stabiliat.

DE concilijs quod adfert, Luterum eorum autoritatem ita cōuellere, ut etiam sanctis Apostolis nō parcat, quanta hæc quæso impudentia est? Seusus verborum Luteri est, Nullius hominis quantunvis sancti, autoritatē debere esse tantam, ut sine scripturæ testimonio quæ ad æternam salutem spectant, quicquam sit credendum &c.

Nihil impudentiæ commisisse Bredēbachium, patet ex citatis ab eo Luteri verbis, quæ sic habent: Via nobis facta est eneruandi autoritatem conciliorum, & liberè contradicendi eorum gestis, & iudicandi eorum decreta, & confidenter confitendi quicquid verum videtur, siue probatum, siue reprobatum fuerit à quocunque concilio. Hæc Luterus, ad quæ Bredenbachius:

Auditis, inquit, viri ac fratres vocem, qua nulla unquam potuit

QQ 2

neq;

neq; arrogantior, neq; superbior, neq; impudentior per vilius hominis, quantumvis arrogantis, quantumvis superbi & impudentis labia prouolare. Vnum hominem, eundemq; talem, qualem nouimus Luterum, audere se præponere omnibus omnium seculorum Concilijs, hoc est, non solum doctoribus & episcopis omnibus totius Ecclesiæ, qui extiterunt vnquam, verum etiam ipsis Apostolis. Nam & hi Concilia celebrârunt, quod manifestissimū est ex Euangelista Luca in Actis Apostolorum. Vide Smideline, vides, inquam, si non cum ratione sensum amisisti, quanta impudentia Luterus omnium etiam Apostolicorum Conciliorum, auctoritatem eleuare conatus sit.

Smid. Quod verò tu iam ad tui Luteri tutelam subijcis, Sed quàm sibi non plus arrogauerint Apostoli, (nempe extra scripturæ auctoritatem aliquid fide tenendum proponere) ipsorum scripta declarant & conciones, quas ex Prophetarum libris comprobant &c.

Bred. Ad hæc tametsi paulò antè responderim, & apertissimi mendacij te conuicerim, quæro tamen ex te Smideline, quam scripturam adduxerint Apostoli cū dicerent: Visum est spiritui sancto & nobis, nihil vltra imponere vobis oneris, quàm hæc necessaria, vt abstineatis vos ab immolatis sacrorum & sanguine & suffocato &c.

Act. 15.

Si enim scripturam in eo secuti sunt, cur non eam ad decreti sui confirmationem adduxerunt? Si adduxerunt, cur à nobis & vniuersa Ecclesia Catholica non obseruatur? Simili modo quam scripturam allegârunt Patres Niceni Concilij, cū filium patri *ὁμοούσιον*, definirent? Immò Arrius plures scripturarum locos ad hæresios suæ confirmationem adducebat, quàm ad eiusdem confutationem Catholici: vanumq; est effugium, quòd aduersus Hosium ais, vocem quidem *ὁμοούσιον* in scripturis non contineri, rem tamen contentam. Sed hoc ipsum erat, quod Arrius negabat, & quadraginta scripturarum locis conuellebat. Si sinè contradictione rem in scripturis contentam declarari potuisset, non eò inualuisset Arrij doctrina. Heluidius plurimis scripturæ locis oppugnabat perpetuā Mariæ virginitatem, quem tamen ecclesia traditione magis, quàm expressa scriptura condemnauit. Nondū vides Smideline, quàm temerè, quàm insulsè, nè dicam improbè, tam futilium mēdaciūq; para-

paradoxorum defensionem suscipias? Iam ut vel digitis errorem tuum palpare queas, aduerte si concilio necessarium est, canones suos scripturæ testimonio confirmare, ea vel clara erit, vel obscura. Si clara, patet non esse opus quæstione, neq; recursum ad ecclesię p-fides: si obscura, dicere posset aduersa pars quæ damnatur, illam scripturam non rectè exponi, & sibi magis quàm aduersarijs patrocinari. Si igitur aliam scripturam ad huius illustrationem adhibere oportebit, manifesta erit circulatio, quia iterum de illius scripturæ sensu controuersia potest exurgere. Eunomiani hæretici calumniabantur Spiritum sanctum θεὸν ζῆνον καὶ ἀγραπτον καὶ παρὰ γράμματος, id est, exoticum ac peregrinum, sinè scripto Dei verbo, immò præter scripturam inductum, diuinitatem eius ex scripto Dei verbo sibi comprobare postulantes, quibus clarissimum illud Orientalis Ecclesię lumen Gregorius Nazianzenus non scripturam, sed Ec-
Lib. 5. de Theolog.
 clesiastici Symboli partem nullo scripturarum testimonio communitam obiecit, ipsisq; Eunomianis sola scriptura nitentibus, respondit, ὅτι ἔνδυμα τῆς ἀσέβειας ἐστὶν αὐτοῖς ἡ φιλία τοῦ γράμματος: id est, Literæ studium & amorem, ipsis esse impietatis palliolum. Sic ante annos tres quidam Lucas Sternberger in oppido Moravię Sternberg publicitus docuit, Spiritũ sanctũ nihil esse aliud, quàm columbam, nihil in scripturis sacris de illius diuinitate haberi, neq; constare, quid sit Spiritus sanctus: potius se velle redire ad cœnobium, quàm credere in spiritum sanctum. Præterea eos omnes, qui S. Trinitatis nomen confitentur & colunt, tres deos falsò comminisci, cùm sit Trinitatis nomē superuacaneũ & inane, q̃ in scripturis sacris nomen Trinitatis nusquàm expressum sit. Itaq; voluit, ut loco illius Ecclesiasticę cantionis, O veneranda Trinitas: caneretur, O veneranda Dei bonitas: optat etiã, ut dæmones omēs Trinitatem abducant & absportent: nescire se inquiens, utrũ mas sit an fœmina: persuasum autem se habere, Trinitatem illam quondã fœminam fuisse, quæ tres maritos habuerit. Ecce tam fœcundum est hoc vestræ doctrinæ principium: nihil eorum, quæ ad æternam salutem spectant, credendum sinè scripturę testimonio. Iam & illud ex te quero Smideline, cur Brentius clientulus tuus in Confessione Vuirtembergensi Symbolum Apostolorum, Nicenum & Athana-
 sij,

In loc. com.
anno 41.

si, recipit & suis credendum proponit? quæ tamen extra sacras literas collocata nemo ignorat? Recipiunt eadem Symbola Cōfessio Augustana & Saxonica, licet in scripturis nusquam expressè inueniantur. Quid quod ipse Philippus, Anabaptistarum argumentū oppugnaturus, à scripturis ad solius Ecclesiæ autoritatem necessariò confugit? Non extat mandatum de baptizandis infantibus, ad totum, inquit, argumentum respondeo, Vniuersalis consensus Ecclesiæ omnium temporum est testimonium, quod hæc ordinatio est Apostolica. Accedemus id idolum tuum Islebiense Luterū, qui ab Anabaptistis atrocibus conuicijs laceffit, quod paruulos affirmaret baptizandos sinè scripto verbi Dei testimonio, audi q̃ acutè eos refellat: Vos anabaptistæ, inquit, libello Germanicè scripto, verbi Dei testimonium requiritis, quo vobis paruulos esse baptizandos comprobem? Vos potiùs, vos ipsi (inquam) adferte scripturam, quæ paruulos non esse baptizandos doceat.

Iam tuū schediaisma Smideline audiamus, quod ità habet: Fides nō est opinio, sed certa fiducia, q̃ nō humana auctoritate nitit̃, sed solo Dei verbo, quod cū deest, opinio dicitur, non fides, hominis assensus. Necessariò igitur consequitur, Catholicam & vestram de baptismo paruulorum assertionem, non fidei esse, sed solius opinionis: cū nec Philippus, nec Luterus expresso DEI verbo eum cōfirmare possint. Existimo, Christiane Lector, Smidolini sycophantias pro instituti nostri ratione satis luculentè detectas.

Nunc videamus, quàm verè dixerit Bredenbachius, Luterū ne ipsis quidem Apostolis parcere, quod impudentè negat Smidelinus, & clarissimè ab ipso Bredenbachio demonstratum, multò impudētius dissimulat. Quid homo vanissime respōdes ad hoc, quod Luterus libros Machabæorum tot iam seculis à grauissimis auctoribus (ut hoc declarauit Bredenbachius) pro Canonicis & authenticis reputatos proteruè reiecit, eò quod lib. 2. cap. 12. doctrinæ suæ aduersatur? Quid quod ipsius D. Jacobi Apostoli epistolam Apostolica doctrina refertissimam, à te quoq; tanquàm Apostolicā adductam, non est veritus ignominioso vocabulo appellare stramineam? Nec his contentus, in ipsos insupèr Euangelistas sibi sumit censuram, ut Ioannem quidem vsque ad cælos extollat, (quod quidem

dem meritò faceret, si ea sententia & ratione faceret, qua id cū Ec-
clesia facit [August. lib. 1. cap. 4. & duobus sequentibus de consen-
su Euangelist.]. cæteros verò tres, Matthæum, Lucam & Marcū, ita
deijcit, vt longè infra Petri & Pauli epistolas: tandemq; concludat,
Euangelium Ioannis & huius epistolam primam, & Pauli tres epi-
stolas ad Roman. Galatas & Ephesios, & priorem Petri esse eos li-
bros, qui nobis Christum describant, & omnia doceant, quæ nobis
necessaria & salutaria sunt, etiam si nullum præterea librum, nullam
præterea doctrinam neq; videamus, neq; audiamus. Eccè hanc tam
impudentem, impiam & blasphemam censuram tuus Luterus de
Apostolis & Euangelistis proferre non erubuit, cū vniuersus ve-
terum Patrum senatus & tota ecclesia D. Iacobi epistolam & libros
Machabæorum pro sacris & Canonicis agnoscat, Euangelistarum
quoq; historiæ Euangelicæ, cū ex vnius spiritûs sancti inspiratio-
ne omnes sint conscriptæ, non possunt non omnes eandem verbi
Dei auctoritatem apud pios & fideles inuenire. Hanc tam blasphe-
mam Luteri censuram cū nullo modo excusare se posse agnosce-
ret Smidelinus, tacito gradu eam præteruehi maluit, quàm pericu-
losam sibi & causæ suæ camerinam commouere. Sed hanc eius im-
posturam nos neutiquàm dissimulare oportuit. Animaduertit pi-
us lector, quibus artibus hæretici simpliciū animos soleant inescar-
re, quibus solenne est illud Poetæ:

Dolus an virtus, quis in hoste requirat?

Quæ nunc enumerat Smidelinus Luteranæ doctrinæ axioma-
ta, plurimi eruditione & pietate præstantes viri Catholici, solidissi-
mè confutârunt, quibus aduersariorum nullus ne iota quidem re-
spondit: ijs igitur omisiss, (quâdoquidem duntaxat recēset ea Smi-
delinus) ad reliqua transgrediemar, vt aliquandò ex hisce nenijs
eluctemur.

Cap. 14.

An omnia fidelium opera sint peccata, vt vult Smidelinus.

Opera bona fidelium, inquit Smidelinus, cū non sint in se-
fecta, imperfectio autē peccati nota sit, rectè dicitur, in ope
bono iustum peccare &c.

Quem-

Aug. li. de
hæref. hæ-
ref. 82.

Quemadmodum hæretica temeritate Iovinianus asserbat, nō posse hominem baptismo regeneratum peccare: ita in omni opere quantumlibet bono non posse hominem non peccare, error est & hæresis Pelagij, iam olim à synodo Palæstina damnata, referēte Augustino (de peccato originali lib. 2. cap. 11. contra Pelagium.) Nunc quia, inquit, anathematizauerit Pelagius incertum stultiloquium, rectè respondens hominem cum adiutorio Dei & gratia posse esse ἀναμάρτητον, id est, sinē peccato &c. Quod si tuam ex Pelagio sententiam pertinaciter defendere voles Smideline, infinitis sacrarū scripturarum testimonijs faciliè contrarium docuero. Sed vidēris ipse & Luteri & tuam doctrinam hac in parte refellere, quum statim ita subiūgis, Hanc imperfectionem autem esse venialem, quia opera fiunt in fide Christi, propter quem nunc cum persona etiā opera placent.

Si propter Christum opera vnā cum persona Deo placent, peccati nomine censeri non possunt, cum non placeat Deo peccatum quantumvis veniale. Quid quod & ipsa vestra Confessio Augustana Carolo Cæsari exhibita, expressè pronūciat opera necessaria ad salutem? Philippus quoq; in Locis, cap. de operū præmijs: In recōciliatis, inquit, bona opera cum placeāt Fide propter mediatorem, merentur præmia spiritualia in hac vita, & post hanc vitam, sicut clarè ostendit parabola de negociantibus: Habenti dabitur &c. & 1. Tim. 4. dicitur: Pietas habet promissiones præsentis & futuræ vitæ &c. Marc. 10. Recipient centuplum in hac vita, &c. Quibus scripturarum testimonijs affirmare audeat, (plurimos interea suorum symmystarum oppugnans) bona opera plurima Dei dona & hīc & post hanc vitam mereri. Quæ si vera sunt, opera bona utiq; peccata esse nō possunt, cum teste Apostolo, stipēdium peccati sit mors. Georgius Maior quoq; in libello contra Missam edito, opera bona ad salutem necessaria affirmat. Sed & Luterus tuus quomodo de operibus senserit, audiamus: Si, inquit, rectam haberes fidē, nihil posset inesse vel accidere tibi, quin totū placeret deo, bonumq; ac meritorium esse oporteret. Itā enim ait S. Paulus Rom. 8. Scim⁹ quoniam omnia cooperantur in bonum sanctis Dei. Multi quidem clamant, bona opera nihil promereri. At multo satius esset, ut impelle-

Rom. 6.

In lib. de
bon. operi.

In lib. Visit.

pellerentur homines ad bona opera facienda, omitterenturq; acur-
 tæ disputationes istiusmodi. Vides igitur nunc Smideline, te in hac
 doctrina nec tibi ipsi constare, nec vestro Euangelio, (eo enim loco
 Augustinam habetis confessionem) nec doctori & magistro tuo
 Lutero consentire. Vt autem quiuis intelligat, quàm absurdum sit
 illud tui Luteri *παράδοξον*, sanam Euangelij & Orthodoxorū Patrū
 doctrinam succinctè & luculentè referemus. Et in primis quidem
 illud positum volumus lōgè differre, Iustum neminem carere pec-
 cato, & In omni opere bono iustum peccare. Non est homo iustus
 in terra, qui faciat bonū, & non peccet, inquit Ecclesiastes, & Psal-
 mista: Non iustificabitur in conspectu tuo omnis viuens. & Ioan-
 nes: Si dixerimus quia peccatum non habemus, &c. Cæterum in
 omni opere bono iustum peccare, id verò nec scripturis, nec ratio-
 nibus ullis vlllo modo consentaneum est. Peccatum utiq; nihil verè
 dici potest, nisi quod ex volūtate procedit. Vndè Augustinus tum
 alibi, tum contra Fortunatum disputat: Ego, inquit, dico peccatum
 non esse, nisi proptia voluntate peccetur. Et hinc esse præmium,
 quia propria voluntate recta facimus. Et paulò superiùs: Qui nō vo-
 luntate peccant, non peccant. Eundem in modum D. Ambrosius
 lib. 1. de Iacob & vita beata, cap. 3. Nemo tenetur ad culpā, nisi vo-
 luntate propria deflexerit, vndè Dominus in Euangelio: Quæ de
 corde (id est, voluntate) exeunt, illa coinquināt & purificant homi-
 nem. Quandò igitur homo constantem & firmam habet volunta-
 tem non peccandi, omninò dicendus est in operibus bonis quæ fa-
 cit, nullum peccatum admittere. Dicimus, inquit Hieron. posse ho-
 minem non peccare, si velit, pro tempore, pro loco, pro imbecilli-
 tate corporca, quandiū intentus est animus, quandiū chorda nul-
 lo vitio laxatur in cithara. Quòd si paululū remiserit, quomodò
 qui aduerso flumine lembum trahit, si remiserit manus, statim re-
 tro labitur, & fluentibus aquis, quò non vult, ducitur: sic humana
 conditio si paululū se remiserit, discit fragilitatem suam, & mul-
 ta se non posse cognoscit. Hæc Hieronymus.

Ex quibus patet, quòd quandiū fuerit animus diuinis rebus in-
 tentus, nec se remiserit, sed pro viribus gratia cooperante. se ipsum
 ad Deum erigit, non peccat, hoc est, in illo opere peccato caret.

R R

Iu.

In lib. de bo-
 nis operib.
 Et alibi.

Eccle. 7.
 Psal. 141.
 1. Ioann. 1.

Matt. 15.

Lib. 3. adue.
 Pelagian.

- Ibid.** Iustitia, inquit Hieronymus, labore & industria ac diligētia & semper super omnia Dei clementia custoditur, ut nostrum sit rogare, illius tribuere quod rogatur: nostrum incipere, illius perficere: nostrum offerre quod possumus, illius implere quod non possumus. Laudat & coronat in nobis Deus hanc volūtatē, inquit, ibidem paulò post Hieronymus, quæ obtulit omne quod potuit: hunc laborem, qui contendit ut faceret: & humilitatem, quæ semper respexit ad auxilium Dei. Sed nunc Evangelicis & Apostolicis testimonijs doceam^{us}, opera bona omni prorsus peccato carere posse. Christus Dominus apud Matthæum inquit: Si oculus tuus simplex fuerit, totum corpus tuum lucidum erit. Si totum actionis corpus lucidum erit, certè nullam tenebrarum, id est, peccati partem habebit. Petrus apostolus cum insignes aliquot virtutes enumerasset, subiungit: Hæc enim facientes, non peccabitis aliquādō. Quod sane ne utiquam dixisset, si nullo prorsus opere peccare non possunt. Paulus quoque monet iustos, ut ita vigilent, ut non peccent: Euigilate, inquit iusti, & non peccetis: non quod rem impossibilem hortetur Apostolus, cum nemini ferè contigerit omnem vitam transigere sine ullo peccato, sed ut pro viribus à peccato abstineamus & caueamus, implorata in primis gratia diuina. Ad stipulatur Iacobus: In multis, inquit, offendimus omnes: hoc est, nemo tanta circūspēctiōe viuit, quin offendant in pluribus: ubi de venialibus loquitur. Quod si nullum opus peccato carere posset veniali, eadem facilitate dixisset, In singulis offendimus omnes. Et Ecclesiast. 24. Qui operantur in me (Christo,) non peccabunt. Ioānes quoque: Filioli mei, inquit, hæc scribo vobis, ut non peccetis. Quod si omnia bona opera fidelium sunt veniale peccatum, quomodo ex eis iustificabuntur? Iustificari autem nos ex operibus, expressè docet Iacobus. Ubi enim docuisset, Abraham non ex fide tantum, sed ex operibus iustificatum: subiicit, Videtis quoniam ex operibus iustificatur homo, & non ex fide tantum? Potus aquæ frigidæ in nomine Christi datus sitienti, non perdet mercedem suā, inquit Dominus apud Matthæum. tantum abest, ut quis in eo peccet. Et in nouissimo die cum sederit Dominus in supremo maiestatis suæ tribunali, testatur se electis regnum præparasse à constitutione mundi, propter opera misericordie.

fericordiæ sibi in membris suis minimis exhibita: 'quem locum si cum Sarcerio hac strophæ coneris eludere, quod non ideo præparauerit electis regnum Deus, quia hæc opera fecerint, sed quia electi fuerunt, hæc opera fecerunt: relegabo te ad ipsum Bredenbachium, qui in commentarijs suis in Matthæum hanc sophisticen sententiam luculentè confutat. Apostolus apertè testatur, nos per opera bona Deo reddi chariores: Vt ambuletis, inquit, dignè Deo per omnia placentes, in omni opere bono fructificantes. Et angelus Tob. 14. fatetur operibus præcedentibus ipsum Deo acceptum fuisse. Quibus omnibus testimonijs luculentè euincitur, opus bonum non solum ἀγαθόν esse, sed & mercedem à Deo mereri, quod suprà etià ipsius Melanchthonis testimonio probauimus.

Vide Matt.
Bred. in 25.
cap. Matthæ.

Col. 1.

Porro quod ait Smidelinus, imperfectionem esse peccati notā, non simpliciter verum est. Fatetur Paulus se & perfectum & imperfectum esse. Nō quod iam acceperim, inquit ad Philippen, aut iam perfectus sim. Sequor autem, si quo modo compræhendam &c. ego me non arbitror compræhēdisse. Et post pauca subiicit: Quicumq; ergo perfecti sumus, hoc sentiamus &c. Ex quo perspicuum est, inquit Hieronymus, duas in scripturis sanctis esse perfectiones, duasq; iustitias. Primam perfectionem & incomparabilem veritatem perfectamq; iustitiam, Dei virtutibus coaptandam. Secundam aut, quæ competit nostræ fragilitati. Et Augustinus: Virtus quæ nunc est in homine iusto, perfecta hætenus nominatur, vt ad eius perfectionem pertineat etià ipsius imperfectiōis & in veritate cognitio, & in humilitate confessio. Tunc enim est secundum hæc infirmitatem pro suo modulo perfecta ista parua iustitia, quādō etià quid sibi desit intelligit. Ideoq; Apostolus & perfectum & imperfectum se dicit. Imperfectum scilicet, cogitando quantum illi ad iustitiam desit, cuius plenitudinem adhuc esurit & sitit: Perfectum autem, quod & suam imperfectionem confiteri non erubescit, & vt perueniat, benè procedit. Cui pulchrè adstipulatur Hierony. Hæc est vera hominis sapientia, imperfectum esse se nōsse, atque vt ita loquar, cunctorum in carne iustorum imperfecta perfectio est. Hæc ille.

Phil. 3.

Ibid.

Li. r. aduers.
Pelag.

Li. r. aduers.
Pelag.

Quod si omne bonum opus esset veniale peccatum, quomodo

R R 2

aut

- aut quandò adimpleri posset lex Christi, quam tamen certò còstat impleri posse, cùm aliòquì Deus iniustus censi possit? Qui proximum diligit, legẽ impleuit, inquit Paulus. Legis enim impletio est dilectio. Hanc autem dilectiõem seu charitatem in multis esse, dubitare non potest, qui Paulo fidem habet. Charitas Dei, inquit, diffusa est in cordibus nostris per Spiritũ sanctum, qui datus est nobis. Quo autem pacto, hac charitate ornati, legem Dei impleamus, idem commonstrat Paulus, Alter alterius, inquiens, onera portate, & sic adimplebitis legem Christi. De cuius impletione copiosè differt Augustinus contra Cælestium libro de perfectione iustitiæ, ubi pulchrè docet, qua ratione homo quotidianis peccatis obnoxius, iustus dici & censi queat. Hæc est nostra in ipsa peregrinatione iustitia, inquit, vt ad illam perfectionem plenitudinẽque iustitiæ, ubi in specie decoris eius, iam plena & perfecta charitas erit, nunc ipsius cursũ rectitudine & perfectione tendamus, castigãdo corpus nostrum, & seruituti subiiciendo, & eleemosynas in dandis beneficijs, & dimittendis quæ in nos sunt commissa peccatis, hilaritèr & ex corde faciendo, & orationibus indefinenter insistendo, & hoc faciendo in doctrina sana, qua edificatur fides recta, spes firma, charitas pura. Hæc est nunc nostra iustitia, qua currimus, esurientes & sitientes ad perfectionem plenitudinẽque iustitiæ, vt ea postea saturemur. Et paulò post: Ingredi sinè macula non absurdè etiã ille dicitur, non qui iam perfectus est, sed qui ad ipsam perfectionem irreprehensibiliter currit, carens criminibus damnabilibus, ipsa peccata venialia non negligens mundare eleemosynis. Et rursus interiectis nonnullis: Quanuis & nunc omnis qui proficit, recta intentione proficiens, recedit ab omni peccato: & tanto fit indè longinquior, quanto plenitudini iustitiæ perfectionique propinquior. Aliud est ergò, recedere ab omni peccato, quod nunc in opere est: aliud, recessisse ab omni peccato, quod in illa perfectione tunc erit. Sed tamen & qui iam recessit, & qui adhuc recedit, non est negandus facere bonum &c. Et in eodem libro, Iustus quis. Iustus dicitur in scriptura, qui perfectioni iustitiæ plurimũ accessit, vt Iob &c. Hæc de iustitia Christiana breuitèr dicenda putamus, nè pius Lector viam mandatorum Dei currens, animum despõdeat,

Psal. 14.
quis ingre-
diatur sinè
macula.

Iustus quis.

deat, audiens blasphemam illam hæreticorum doctrinam, iustum etiam in omni opere bono peccare. Faciunt hoc consultò hæretici, ut suis peccatis præsidium quærant. Quòd si in omni opere bono iustus peccaret, nullo modo peccatum euitari posset, quod apertè confutat Augustinus: Respondemus, inquit, vitari posse peccatum, si natura vitata sanetur gratia Dei per Iesum Christum &c. Peçter-
eà si opus bonum benè & sinè peccato fieri nõ potest, ut quid hor-
tatur nos scriptura, iustè id quod iustum est persequere? Enormi- Deut. 16.
tèr igitur peccat Smidelinus, dum fideles in operibus bonis pec-
care affirmat. Proindè nos ab Apostolo edocti, operemur bonum, Gal. 6.
dum tempus habemus, non deficientes. Non terreant nos hæreti-
corum blasphemia, nõ pusillanimes reddat carnis infirmitas, quia
spiritus Dei habitans in cordibus nostris, adiuuat infirmitatè no-
stram, atq; ad eò omnia nobis Deum diligentibus cooperantur in Rom. 8.
bonum. Omnia quæcunq; fecerimus, aut passi fuerimus propter
dilectionem Dei, omnia nobis ad mercedem crescunt, inquit ibi-
dè Hieronymus, non ad peccatum, ut impiè asserit cum Pelagio
Smidelinus.

Cap. 15.

Luterus qualis fuerit in principes Germaniæ &c. Item non omnia quæ Sacramentum Eucharistiæ concernunt, ab Euāgelistis expressa esse: & quàm apertam calumniam hîc struxerit Smidelinus.

Communiõem sub vtraq; specie, ideò suspectam esse de- Smid.
bere autumat, quia à Lutero pertinacitèr vrgetur, qui sit
hæreticus: cur non eadem ratioe & diuinitas filij, quia à
Lutero vrgetur cõtra Iudæos ptinacissimè, suspecta est?

Communione sub vtraque specie pertinacitèr (ut vocabulo Bred,
vtar Smidolini) vrgeret, est Vuicleffistarum Hussitarumq; hæresim
ante 130. annos explosam, resuscitare. Hoc quia pertinacitèr fecit
Luterus, meritò eum suspectum habet Bredenbachius. Si verò di-
uinitatem filij vrget contra Iudæos, in ea parte concordès sibi ha-
bet Catholicos. Neque enim necessum est, ut scabies hæretica ex

Psal. 54.

omnibus totius corporis membris protuberet, cum vel periculossimis morbis laborantes, sæpenuerò magnam corporis partem sanam habeant, habetq; locum plerunq; in hæreticis illud Dauidis: Inter multos erant mecum. Sed iam quæ his subiunxerat Bredenbachius refutasse te oportuit Smidelino, nempe quod Luterus, qui doctorem se Euangelicum profitetur, contra Euangelicam mansuetudinem & longanimitatem, tanto cum fastu & stomacho atrocissima conuicia, sathanas & ronchos palam & passim euomit in illustrissimum & pientissimæ memoriæ principem Georgium Saxoniæ ducem, quem damnato nomine in scriptis suis appellauit Apostolum Antichristi, quod doctrinam eius nollet recipere. Quin & Henricum Octauum Angliæ regem, priusquam sustineret admittere doctrinam Luteri, perstrinxit libro tam acerbo atq; atrociter scripto, ut etiã illi qui iam concesserant in eius dogmata viri modestiores, indignè ferrent, quod tantum regem ita tractasset. Hanc eius petulantissimam & planè Antichristianam & barbaricam conuiciandi libidinem, nō ex Euangelico, sed sathanico pectore profectam, quis non intelligit? cum & Paulus Apostolus impium reueritus sit Pontificem.

Smid.

Quæ de cōsecratiōe affert dubia, dum Apostolicis scriptis ignorata inculcat, seipsum vanitatis arguit.

Bred.

Recitatis Euangelistarum verbis, subiungit Bredenbachius, nō exprimi ab Euangelista, dixisse Christum expressè ad Apostolos, Vos consecrate hunc panem & calicem, & populo tradite illū edendum atq; bibendum, nisi quantum ex verbis, Hoc facite, colligi potest. Item quo ritu ipsi debeant facere, & utrū vnusquisq; eorum per semetipsum panem hunc & calicem consecrare, atq; ita edere ac bibere debeat, an verò de manu sacerdotis consecratum sumere: hoc, inquam, neq; Euangelistas, neq; Paulum scribere, Si quod hæc scripsit Bredenbachius, vanitatis arguitur à Smidelino, quis non videt ipsum vanissimè calumniari? Doceat igitur, ubi hæc ab Apostolis vel Euangelistis commemorantur: Arguat præterea vanitatis Diuum Augustinum Ianuario scribentem: Et ideò, inquit, non præcepit quo deinceps ordine sumeretur, ut Apostolis per quos Ecclesias dispositurus erat, seruaret hunc locum: Nam si hoc ille

Epist. 118.

mo-

monuisset, vt post cibos alios semper acciperetur, credo quod eum morem nemo variasset. Cum verò ait Apostolus, de hoc Sacramēto loquens: Propter quod, fratres, cum cōuenitis ad manducandū, inuicem expectate: si quis esurit, domi manducet, vt non ad iudicium conueniatis: statim subtexuit, Cætera autem, cum venero, ordinabo. Vndè intelligi datur, inquit Augustinus, quia multū erat, vt in epistola totum illum agendi ordinem insinuaret, quem vniuersa per orbem seruat ecclesia, ab ipso ordinatū esse, quod nulla morum diuersitate variatur.

Subneſcit superioribus Smidelinus: Et hoc nomine pessimè de Smid. scholasticis meretur, de quo necdū certi aliquid statuerunt.

Quibus sanè verbis vel Theologicarum rerum imperitum, vel Bred. struendæ calumniæ admodum peritum se declarat. Sed faciamus huius vel imperitiæ vel malitię gratiā Smidelino, qui à teneris Luteranæ doctrinæ perdiscendæ vsque adeò intentus fuit, vt scholasticæ Theologiæ cognoscendę vacare neutiquā potuerit. Cæterum qui legerunt librum 4. Sententiarum, & in eundem commentatores scholasticos, non ignorant, quā exactè omnia sacramentum hoc concernentia iam olim tradita sunt & explicata, non solū à scholasticis, verū etiam patribus Ecclesiæ primitiuæ & sanctis Concilijs. Illud autem obiter hīc pio lectori obseruandum relinquo, quā bona fide hīc agat aduersarius, dum ea quæ Bredenbachius de Euangelistis & Paulo recenset, videlicet nō expressum ab ijs ritum consecrandi &c. ipse ad scholasticos violentè rapit, quasi ab his nihil horum sit euidentè tractatum. O integritatem Euangelicam. Si hoc non est, violentè calumniam fabricare: ne ipse quidem ὁ διάβολος, calumniatoribus accensendus est.

Cap. 16.

Non arrogant sibi Catholici potestatem, quasi ex substantia panis & vini conficiant ipsi corpus & sanguinem Domini, vt calumniatur Smidelinus, sed hæc transmutatio fit virtute verborum Christi, vt fusè declaratur. Refelluntur præter

*tere à cauilli Smideliniani contra Reuerēd. D. Georgiū Lau-
therium contra veritatem transsubstantiationis.*

Smid.

DE consecratione scimus creaturam non posse facere sacramentum. Christus autem suo verbo consecrauit panem & vinum, vt dispensationi corporis & sanguinis sui seruiant. Dicuntur autem & ministri cōsecrare panem & vinum, quandò annunciatione mortis Domini, q̄ in verbis Cēnæ breuissimè comprāhensa est, panem & vinum in vsum destināt, vt mysterio dispensationis corporis & sanguinis Christi famulentur. Consecratio autem Papistica est merè magica, qua opinantur creatores illi sese mullitatione magica verborum Christi, quæ pphanant, ex substantia panis & vini corpus & sanguinē Christi conficere. Et infrā: Papistæ magia excæcati, hæc quinq; verba Canonis pro substantialibus consecrationis suę habent: Hoc est enim corpus meus. Hæc si sacrificulus omittat, nullo modo consecrare dicitur.

Sic Smidelino loqui placuit.

Bred.

Possem hanc Smidelini blasphemiam sinè vllō negotio in ipsius iugulum retorquere, si vel Luteri, (cuius se discipulum profiteatur) vel Philippi, vel Cōfessionis Augustanę verba proferamus. Sed præferamus hisce magistris Orthodoxos Catholicę Ecclesię Doctores, atque ex his primū proferamus laudatissimum Præsulem D. Ambrosium. Hic lib. 4. cap. 5. de sacramentis (qui libri etiā ipsi Philippo probantur, vt alicubi demonstrat Ioannes Hoffmeister in iudicio articulorum Confess. August. art. 10.) euidentè declarat non magicis præstigijs, sed vi verborum Christi, sacerdotem consecrare panem & vinum in carnem & sanguinem Domini. Ergo, inquit, author Sacramētorum quis est nisi Dominus Iesus? De cælo enim ista sacramenta venerunt. Consilium enim omne de cælo est. Verè autem magnum est & diuinum miraculum, quòd populo Deus manna pluit de cælo, & non laborabat populus, & manducabat. Tu fortè dicis: Meus panis est vsitatus. Sed panis iste, panis est ante verba sacramentorum: vbi accesserit consecratio, de pane fit caro Christi. Hoc igitur adstruamus: quomodò potest, qui panis est, corpus esse Christi? Consecratione. Consecratio igitur quibus verbis

verbis fit & quibus sermonibus? Domini Iesu. Nam per reliqua oīa quæ dicuntur, laus Deo defertur: oratione petitur pro populo, pro regibus, pro cæteris: ubi venit ut cōficiatur venerabile sacramentum, iam non suis sermonibus sacerdos, sed utitur sermonibus Christi. Ergo sermo Christi hoc conficit sacramentum. Et paulò post: Ergo tibi ut respondeam, non erat corpus Christi ante consecrationem: sed post consecrationem dico tibi quod iam Corpus est Christi. Et cap. sequenti: Vis igitur quia rebus cælestibus consecratur? Accipe quæ sunt verba, dicit sacerdos, Fac nobis, inquit, hanc oblationem ascriptam, rationabilem, acceptabilem. Quod est figura corporis & sanguinis Domini nostri IESV CHRISTI. Qui pridie quàm pateretur, in sanctis manibus suis accepit panem, respexit ad cælum, ad te sancte pater omnipotens æterne Deus, gratias agens, benedixit, fregit, fractumq; Apostolis suis tradidit, dicens: Accipite & edite ex hoc omnes: Hoc enim est corpus meū, quod pro multis confringetur. Similitèr etiā calicem, postquàm cœnatum est, pridie quàm pateretur, accepit: respexit ad cælum ad te sancte pater omnipotens æterne Deus, gratias agens, benedixit, Apostolis & discipulis suis tradidit, dicens: Accipite & bibite ex eo omnes: Hic est enim sanguis meus. Vide, omnia illa verba Euangelistæ sunt vsque ad, Accipite siue corpus siue sanguinem. Indè verba sunt Christi, Accipite, bibite ex eo omnes, hic est enim sanguis meus. Vide singula. Qui pridie, inquit, quàm pateretur, in sanctis manibus suis accepit panem. Antequàm cōsecratur, panis est: ubi autē verba Christi accesserint, corpus est Christi. Deniq; audi dicentem: Accipite & edite ex eo omnes. Hoc est corpus meum. Et ante verba Christi, calix est vini & aquæ plenus: ubi verba Christi opata fuerint, ibi sanguis efficitur, qui plebem redemit. Hæc Ambrosius, qui & alijs in locis passim eadem inculcat. sed audiamus eo vetustiore D. Irenæum libro 5. Quandò, inquit, mixtus calix & factus panis percipit verbum Dei, fit Eucharistia sanguinis & corporis Christi. D. Iustinus Martyr similia refert. Neq; enim hæc, inquit, vti communē vsitatumq; panem, vsitatamq; potionem capimus: sed quemadmodū per Dei verbum, homo factus Iesus Christus conseruator noster & carnem & sanguinem pro salute nostra habuit, sic etiā cibum, qui

Apolog. 2.
ad Anton.
Imp.

SS

per

per preces sermonis, quem ab eo accepimus, cōsecratus est, & quo sanguis carnesq; nostræ per transmutationem aluntur, Iesu Christi, eius qui homo factus, & carnem & sanguinem esse docti sumus. Apostoli enim in Commentarijs suis, quæ Euangelia dicuntur, ita sibi Christum præcepisse tradiderunt, eum accepto pane, cum gratias egisset, dixisse: Hoc facite in meî memoriâ: Hoc est corpus meum. Dixisse etiâ, accepto poculo, cum gratias egisset, Hic est meus sanguis: sibiq; solis dedisse. Hæc ille, quibus luculētissimè accedit Hieronymus: Clerici, inquit, Apostolico gradui succedentes, Christi corpus sacro ore conficiunt. Idem alibi: Ad sacerdotū preces, ait, Christi corpus sanguisq; cōficitur. Audiamus & Chrysostomum Homil. de proditiōe Iudæ: Non, inquit, homo est, qui proposita in consecratione mensæ Domini, corpus Christi facit & sanguinem: sed ille, qui crucifixus est pro nobis, Christus. Sacerdotis ore verba proferuntur, & DE I virtute consecrantur & gratia. Operatur hic sermo Christi, sicut Dei sermo operatus est in principio: tunc quidem, vt quæ non erant, essent, quandò dixit & facta sunt, fiat lux, & facta est lux. Hic verò, vt ex eis, quæ sunt, aliud quid fiat. Operatur, inquam, hic sermo Christi, **HOC EST CORPVS MEVM**, sicut operatus est quandò dixit: Crescite & multiplicamini, & germinet terra herbam virentem. Quoniam sicut vox illa q̄ dixit, Crescite & multiplicamini, & replete terrā, (inquit Chrysostomus homil. de proditiōe Iudæ) semel quidem dicta est, sed omni tempore sentit effectum ad generationem operante natura: ita & vox illa, **HOC EST CORPVS MEVM**, &c. semel quidem dicta est, sed per omnes mensas Ecclesiæ vsq; ad hodiernā diem, & vsq; ad eius aduentum, præstat sacrificio firmitatem &c. Porro nè quemadmodum Capharnaitæ dicebāt, Durus est hic sermo: quomodò potest hic nobis dare carnem suam ad manducandum, ita Smidelinus obstrepat, quomodò panis in corpus Christi commutari potest? aduertat ea, quæ habet D. Ambrosius cap. 9. De mysterijs init. & lib. 4. cap. 4. de sacramentis, quæ hic nos breuitatis causa prætermittimus. Blasphema igitur est sycophantiā Smidelini, qua calumniatur vniuersum sacerdotum ordinem, creatores eos appellans, quod arbitrentur sese maffitatioē magica (vt ait) ver-

Epist. 1. to. 1.

Epist. ad Euag. tom. 2.

Cyril. li. 4. in Ioā. ca. 13.

Damas. li. 4. cap. 14.

Ioā. 6.

verborum Christi, ex substantia panis & vini corpus & sanguinem Christi conficere: immò in ipsum Smidelinum eiusque symmystas hæc veriùs competunt, qui in confessione sua edita anno 31. asseruit, tunc demùm esse in Sacramèto corpus Domini, si sumatur: alij rursus, si sumens firmam habeat fidem. Quid hoc aliud est dicere, quàm pendere ex arbitrio hominis, esse vel non esse istuc corpus dominicum? Suos igitur communicantes, veriùs creatores appellitet, qui sua sumptione dicuntur efficere, ut sub speciebus panis & vini cõtineatur corpus Domini. Docuit hoc Ioach. Vuestphalus in sua responsione contra Caluinum, & multi alij. Videat præterea Smidelinus, quàm hîc sit sui immemor, qui suprâ Augustinum adduxit, docentem, Sacramenta non pendere ex persona administrantis, sed verbo Domini: adeò nulla in re sibi constat obturbator. Cùm igitur iam tantam tantorum testium nubem produxerimus, & longè plura proferre potuerimus, facilè animaduertit æquus & pius lector, quam causam foueat Smidelinus, quem nò pudet in diuinissimum Christi corpus & sanguinem tam palàm impias & blasphemias voces expuere. Sed ut manifestior euadat scurrilis & antichristiana hominis impietas, ipsius Augustanæ confessionis verba de hoc articulo referemus, ut vel suorum testimonijs impietatis & blasphemiarum arguatur. Sic habet articulus 10. Confessiois Augustanæ, anno 1530. Carolo Cæsari exhibitæ.

De cœna Domini docent, quòd corpus & sanguis Christi verè adsint, & distribuuntur vescantibus in cœna Domini, & improbat fecus docentes.

Ad hanc sententiam comprobendam (quæ sanè nulla in parte Catholicæ doctrinæ aduersatur, si credimus erudito illi Hoffmeistero) adducit apologia Confessionis Cyrilli sententiam, & Græcorum ecclesiam in testem vocat. Quis autem nesciat Cyrilli sententiam in hoc Augusto & sacrosancto negotio? Audio, inquit, quòd dicunt illi mysticam benedictionem, si ex ea remanserint in sequentem diem reliquiæ, ad sanctificationem inutilem esse: sed insaniunt hæc dicentes: non enim alius sit Christus, neque sanctum eius corpus mutabitur, sed benedictionis virtus & viuifica gratia perpetuò manent in illo. Videatur idem Cyrillus in oratione quin-

Ad Calo-
srium
Episco.

ta mystagogica. Collegit præterea Philippus ipse patrum sententias super Eucharistia. Idem videlicet, panem in corpus Christi converti, manentibus solis speciebus, asserit Luterus in libro contra Zuinglium. Transmutatur panis, inquit, &c. Atq; ite Bucerus post Tabula 2. Luterizans in commentarijs in Matthæum, ut demonstrat in tabulis suis D. Vuilhelmus Lindanus. Horum doctrinam cum defendendam suscepit Smidelinus, plusquam paganica impietate & gladiatoria leuitate in arduo & grauissimo negotio protinus à suis symmystis deficit: Sic enim paulò post sententiam suam de mysterio dispensationis corporis & sanguinis, supra obscurius posita, declarat:

Smid.

Bred.

euāgelici q
quantū sibi
falsò arro-
gent.

Panem & vinum consecrare, inquit, est in eum vsum transferre, non ut ipsorum substantia & natura mutetur, sed ut seruiant dispensationi veri corporis Christi &c. Sed quod in hoc *ἡμετέρι* à suis magistris desciscat, nimis illi fortasse vitio vertendum est, quod illi ipsi anno sequenti, nempe 31, & rursus anno 56. nouam confessionem cudentes, suam de eucharistia sententiam mutauerint. Si Apostoli non habuerunt, nec vniuersa ecclesia habet potestatem condendi leges morum & bonorum operum, aut statuendi articulos fidei, (quod supra à nobis probatum, à Smidelino omnibus neruis impugnatum est) qua fronte sibi vendicant illi in re tanti momenti nunc constituenda, nunc mutanda, nunc abroganda tantam auctoritatem? An sibi licere volunt, quod Apostolis & Ecclesiae non licere contendunt? Illi suae fidei normam cudent atq; recudent, figent atq; refigent, sursum deorsumq; iactabunt, & ecclesia Catholica Christi sponsa non habuit potestatem condendi leges morum, & constituendi articulos fidei? Vide quæso pie lector, quam turpiter, quam enormiter vbiuis locorum impingant, qui plusquam Thrasonica iactantia sibi solis veram verbi Dei lucem, veram ecclesiam & spiritum Euangelicum vanissime vendicant. Verum quid ais foetissime propugnator? Negas consecratione, panis & vini naturam mutari? Quid ergo tibi sapiunt ea, quæ hactenus ex Patribus adduximus? Quid? an somniare tibi videtur beatissimus episcopus & inuictissimus Martyr D. Cyprianus, cum expressissimis verbis inquit: Panis iste communis in carnem & sanguinem mutatus, procurat vitam:

tam: Et paulò pòst: Panis iste quidem Dominus discipulis porrigebat, non effigie, sed natura mutatus, omnipotentia verbi factus est caro? An tibi panē pinsere videtur D. Ambrosius, dūm clarissimis verbis disertissime dicit: *Quantis igitur utimur exemplis, ut probemus hoc non esse quod natura formauit, sed benedictio consecrauit: Maiorem enim esse vim benedictionis quàm naturæ, quia benedictione ipsa natura mutatur?* Et enumeratis exemplis de virgā in colubrum, de aqua in sanguinem commutata, de diuiso mari rubro, de Iordane retrorsum conuerso, de petra aquam producente, de aquis amaris in dulces conuersis &c. Quòd si tantum, inquit humana valuit benedictio, ut naturam conuerteret, quid dicimus de ipsa consecratione diuina, ubi verba Domini saluatoris operant? Nam sacramentum istud quod accipis, Christi sermone cōficitur. Quòd si tantum valuit sermo Helix, ut ignem de cælo deponeret: non valebit Christi sermo, ut species elementorum mutet? De totius mundi operibus legisti, quia ipse dixit & facta sunt, ipse mandauit & creata sunt. Sermo igitur Christi, qui potuit ex nihilo facere aliquid quod uon erat: nō potest ea quæ sunt, in id mutare quod non erant? Non enim minus est dare, quàm mutare nouas naturas rebus. Et paulò pòst, Christi ex virgine nati exemplum adducens, ait: Si ordinem querimus, viro mixta fœmina, generare consueuerat. Liqueat igitur quòd prater naturæ ordinem virgo generauit: & hoc quod conficimus corpus, ex virgine est. Quid hīc quæris naturæ ordinem in Christi corpore, cūm prater naturam sit ipse Dominus Iesus partus ex virgine? Hæc atq; his lógè plura istic D. Ambrosius. In eandem sententiam D. Chrysostomus in serm. de Encarniis ait panem absumi. Et in Liturgia, Surgens, inquit, sacerdos, obsignat sacra dona, & dicit: Et fac panem quidem hunc preciosum corpus Christi tui. In calice verò hoc, preciosum sanguinem Christi tui, μεταβαλὼν, transmutans spiritu tuo sancto. Sic ad verbū in Liturgia sua D. Basilus.

D. Augustinus: Serm. 28. de verbis Domini: Iam non panis, sed corpus Christi dicitur.

Ioannes Damascenus expressè dicit, Panem & vinum μεταποιῶ-
θαι ὑπερφυσίῳ, transmutari supernaturalitèr in carnem & sanguinem

SS 3

Do-

Amb. ca. 9.
dn his qui
myst. init.

Exod. 7.

4. Reg. 2.

Psal. 148.

cap. 26.

Domini. Hesychius lib. 6. in Leuit. cap. 22. fieri translationē & cō-
 mutationem dicit. Sic & Theophylactus in 14. cap. Marci ait: Pa-
 nem transelementari in carnem Domini. Et in Matthæum, in effa-
 bili operatione transformari, etiam si nobis videatur panis. Rursus
 in 6. cap. Ioannis: Attende quod panis qui à nobis in mysterijs mā-
 ducatur, non est tantum figuratio quædam carnis Domini, sed ca-
 ro ipsa Domini. Non enim dixit, Panis quem ego dabo, figura est
 carnis: sed, caro mea est. Transformatur enim arcanis verbis panis
 ille, per mysticam benedictionem & accessiōem sancti spiritus, in
 carnem Domini. Et nē quem conturbet quod credendus sit panis
 caro. Etenim & in carne ambulante Domino, & ex pane alimoniam
 admittente, panis ille qui manducabatur, in corpus eius mutabatur,
 & similis fiebat sanctæ eius carni, & in augmentum & sustentatio-
 nem conferebat iuxta humanum morem. Igitur & nunc panis in
 carnem Domini mutatur. Et quomodo, inquit, non apparet nobis
 caro, sed panis? Vt non abhorreamus ab eius esu. Nam si quidē ca-
 ro apparuisset, in suauiter affecti essemus erga communionem. Nūc
 autem condescendente Domino nostræ infirmitati, talis apparet
 nobis mysticus cibus, qualibus alioquin assueti sumus. Hæc ille.
 D. Isidorus episcopus Hispalensis, ante nongentos & amplius an-
 nos inter cætera sic inquit: Hæc duo (panis & vinum) sunt visibi-
 lia: sanctificata tamen per spiritum sanctum, transeunt in sacramē-
 tum diuini corporis.

Lib. 1. de di-
 uin. offic.
 cap. 18.

Prædi nunc in medium Smideline, dicas Papistas magia ex-
 cecatos: appellites eos creatores, qui arbitrentur se mustratione
 magica verborum Christi, ex substantia panis & vini cōficere cor-
 pus & sanguinem Christi. Nega iam, si audes, panis & vini naturam
 mutari. Pudeat tandem præconē Euangelicum tam apertæ blasphemie,
 tam perniciosæ, execrabilis & hæreticæ doctrine. Pudeat vos
 vestræ Confessionis, quam principibus, rerum politicarum curis &
 gubernatione plerumque præpeditis, vt veteris Ecclesiæ doctrinam
 & rerum Theologicarum difficultates non semper liceat operoso
 scrutinio discutere, pro puro puto Dei verbo tam audacter obtru-
 ditis. Pudeat, inquam, te tuosque symmystas, dum in ea quam fabri-
 catis confessione palam reiecit, mutationem panis & vini in cor-
 pus

pus & sanguinem Domini: Non videtur, inquit Cōfessio, (hæc mutatio) certo verbo Dei tradita, & apparet veteri Ecclesiæ ignotā fuisse. Adeò sanè ignota non fuit, ut nunquā de ea dubitatum fuerit. Adeò, inquam, ignota non fuit, ut tot tamq; illustres, tanta antiquitate, religione ac doctrina venerandi Patres, quos nūc adduximus, & longè plures adducere potuissemus, tam expressis & irrefutabilibus sententijs, hanc mutationem adstruxerint. Totis mille annis, nullo vnquā hæretico contradicente, credita est per vniuersam ecclesiam hæc mutatio, quam nunc à quadringētis annis vocamus Transsubstantiationem, quam Damascenus ante tot secula palam appellauit μεταστοίχισιν, hoc est, transelementationem: alij patres μεταουσία, alij alijs synonymis expressissimè contestati sunt. Porro cū primū de hac μεταουσία & transelementatione dubitari cœpit ante annos quingentos per Berengarium, referēte Guitmundo episcopo Auerfano, itemq; ante annos quadringentos per hereticos petrobrussianos & Heinricianos, teste venerabili Petro Abbate Cluniacēsi, quatuor Concilijs damnata est hæresis de manente panis natura. Damnata, inquā, est, in celeberrima illa & δίκου-μενικωτάτη frequentissimaq; synodo Lateranensi, sub Innocentio III. habita, in quam conuenerunt Patriarchæ Constantinopolitanus & Hierosolymitanus, Metropolitani septuaginta, Episcopi quadringenti, duodecim Abbates, Priores conuentuales octingenti, Græci & Romani Imperij legati, Regum Hierusalem, Franciæ, Hispaniæ, Angliæ & Cypri oratores &c. Vis audire quid tantum, tam sacrum, tam augustum vniuersi orbis Concilium cōcordibus suffragijs definiuerit? Vna est, inquit, fideiū vniuersalis ecclesia, extra quam nullus omninò saluatur. In qua idem ipse sacerdos & sacrificium Iesus Christus, cuius corpus & sanguis in sacramento altaris sub speciebus panis & vini veraciter continetur, transsubstantiatis pane in corpus, & vino in sanguinem potestate diuina.

Ann. 1215.

In concilio Constantiensi damnatę sunt hereses Ioannis Hufs An. 1415. & Vuicleff, qui inter ceteros errores, transsubstantiationem quoq; negarunt.

In concilio Florentino expressis verbis patres tradiderunt: Sacramentum, inquit, in persona Christi loquens, hoc conficit Sacramen-

mentum. Nam ipsorum verborum virtute substantia panis in corpus Christi, & substantia vini in sanguinem cōuertuntur, ita tamē, quod totus Christus continetur sub specie panis, & totus sub specie vini.

An. 1551. scilicet.
3. can. 2.

In concilio Tridentino hūc canonem Patres vnanimiter statuerunt: Si quis dixerit, in sacrosanctæ Eucharistiæ sacramento remanere substantiam panis & vini, vnā cum corpore & sanguine Dñi &c. anathema sit. Damna igitur est hæc vestra, Smideline, sententia, quam ex Berengario, Petrobrussianis, Vuicleffistis, & Huslitis hausistis, & iam olim sepultam, ex inferis reuocāstis: qua nobis & vniuersæ ecclesiæ artocream potius, quā solum viuificum Christi Domini corpus, sub speciebus panis & vini iuxta Ecclesiæ doctrinam, in Eucharistia præberi contenditis.

Obiectio

Dices, Eucharistiam non minùs post, quā ante consecrationem appellari panem à Christo & Apostolis. (Nam hoc Achillæū, vt arbitraris, argumentum obijcis clarissimo viro D. Georgio Lautherio, Aulæ Monacæ ecclesiastæ, in antididagmate tuo Germanico de Missa, in cuius libelli tui lectionem incidi, dum vltima pars mei huius Anthyperaspistæ excuderetur) ergo, inquis, est panis. Quid autem? Hóc cū tibi in biblicis scripturis tantoperè, vt putas, versato est inauditum, vt res à præexistente materia suam denominationem sortiatur? Ingredere vel ipsum duntaxat limen sacrorū biblicorum, ipsius inquam Genesios principium: Hoc nunc os ex ossibus meis, dicebat Adamus de Eua, cū tamen iam non os aut cocta, ex qua formata erat, sed mulier esset. In exodo legimus: Apprehende virgam, id est, serpentem, qui antè fuerat virga. Item, deuorauit virga Aaron, virgas eorum. Apud Euangelistam legis, cæci vident, claudi ambulant, id est, illi qui fuerant cæci aut claudi. Item apud Ioannem aqua in vinum versa, appellatur aqua. Deindè panis idcirco vocatur, quia speciem & similitudinem panis obtinet. Genes. 18. Abraham vidit tres viros. Viri appellantur, quia videbātur esse viri. Act. 1. Adstiterunt duo viri, id est, angeli. Deniquè appellatur panis, quia corpus Christi in scripturis appellatur panis. Sic Ieremiæ 11. Mittamus lignum in panem eius, id est, corpus iuxta Hieronymum.

Exod. 3.

Matt. 11.

Ioan. 2.

Per-

Pergit argutari Smidelinus: Quicquid frangitur, est substantia: Smid.
Non autē frangitur substantia corporis Christi, Ergo panē oportet esse & manere verum, qui in sacramento frangitur, de quo dixit Apostolus: Panis quem frangimus &c.

Excepta Apostoli sentētia depravatē adducta, negamus tibi Smi Bred.
deline vniuersam tuā argutationis compagem. Maior enim ppositio, ex ratioe ingenij humani petita, etli in rebus naturalibus vera sit, in rebus tamen fidei necessum est omnes humanæ ratiocinationis argutias consiliscere. Fides enim nō habet meritum, vbi ratio humana præbet experimentum. Quod non capis, quod nō vides, animosa firmat fides. Demus Deum aliquid posse, quod fateamur nos inuestigare nō posse, inquit D. Augustin. Idem alibi docens, cur Domin⁹ absens voluerit esse à nobis visibili corpore, cū tamen ipsius carnem manducemus, ait: Absentia Domini non est absens. Habeto fidem, & tecum est quem non vides. Et post pauca: Ideò Dominus noster absentauit se corpore ab omni ecclesia, & ascendit in cælum, vt fides ædificetur. Si enim nō nōsti nisi quod vides, vbi est fides? Si autē credis & quod non vides, cū videris, gaudebis. Aedificatur fides, quia redditur species, veniet quod videmus. Veniet, fratres, veniet: vide quomodò te inueniat. Certus esto, veniet: non solū veniet, sed etli nolis, veniet &c. Hæc ibi D. August. Nec fortassis indignū obseruatu fuerit, quod discipuli isti duo, de quibus sermōem hīc instituit August. quandiu Christum Dominum in carne præsentem habebant, ipsum Dominū non cognouerunt. Verū vbi fides diutina Christi institutione & colloquio, ac virtute sacramenti in animis ipsorum resuscitata est, statim euauit ab oculis eorū: nimirū abesse volebat corpore, qui iam tenebatur fide: noluit videri oculis corporis, qui iam cernebatur oculis cordis. Voluit hæc ab eis videri per fidem, qui remotis enigmati, in patria claram eius habituri erant visionem. Paulus Apostolus cū fidei Christianæ mysteria percepturus esset ab Anania, corporali cecitate percussus est, fortē qā in fidei mysterijs hauriēdis corporeos sensus & ratiocinationes humanas in obsequiū fidei captiuare oporteat. Cessent igit & obmutescāt in hoc diuinissimo & inscrutabili mysterio, homūciōis argutatiūcule. Sileat ista Capharna-

Epist. 2.
Sermo. 140.
de Tempo.

Luc. 24.

Act. 9.

T T

nai-

- Ioan. 6.** naitarū litigiosa vox, Quō? In quē locū Cyrillus: Anim⁹ malignus, inquit, quæcunq; nō intelligit, statim tanq̃ friuola falsaq; per arrogantiam eijcit, nulli cedens, nec aliquid supra ipsum esse existimās, quales Iudæos fuisse comperiemus. Nam cū oporteret eos, qui diuinam virtutem saluatoris ac potestatem signorum miraculo pceperunt, sermonem eius libentē suscipere, & si qua difficilia videbantur, eorum solutionem quærere, contrā omninō faciunt: Et quomodō potest hic carnem suam nobis dare? de DEO non sinē magna impietate conclamant: nec in mentem venit, nihil esse impossibile apud Deum. Nos verō magnum à peccatis aliorum profectum faciamus, & firmam fidem mysterijs adhibentes, nunquā in tam sublimibus rebus illud, Quomodō, aut cogitemus, aut proferamus. Iudaicum enim hoc verbum est, & externi supplicij causa.
- Ioan. 3.** Ideō cū Nicodemus etiā diceret, Quō hæc fieri possunt? meritō audiuit, Tu es magister in Israël, & hæc ignoras? Aliorū igitur culpa perdocti, quū Deus operetur, non quæramus quomodō, sed operis sui viam atq; scientiam illi soli concedamus. Non sunt consilia mea, inquit, vt consilia vestra, & sicut viæ vestræ, viæ meæ sunt, sed sicut exaltatur cælū à terra, sic exaltatæ sunt viæ meæ à vijs vestris, & cogitationes meæ à cogitationibus vestris. Quomodō igitur summis cruciatibus digni non erunt, qui rerum omniū opificem Deum ita contemnunt, vt, Quomodō, in operibus suis dicere audeant? quem totius sapientiæ largitorem esse non ignorant, quem omnia posse scriptura nos docuit. Si verō tu ô Iudæ (ô Smideline) etiā nunc clamas, Quomodō? hanc tuam imperitiam ego quoq; sequutus, libentē quomodō ex Aegypto exiisti, rogabo, quomodō in serpentem Mosaica fuit virga conuersa? quomodō lepra manus affecta, vno momento temporis in pristinum statum restituta iterū fuit? quomodō in naturam sanguinis aquæ transfierunt? &c. Innumerabilia sunt, in quibus si Quomodō q̃eris, vniuersam tibi scripturam euertere necessum erit &c. Hæc & his plura ibi D. Cyrillus. Refert venerabilis vir D. Petrus Abbas Cluniacē, (In tract. de sacrif. Missæ, & veritate Transubstantiation,) de primo post Capharnaitas sacramentariorum patre Berengario, quōd fortē Andegauis aliquandō constitutus, de cōporis Christi sacramen-

mento cum quibusdam agens, dixerit: Si corpus Christi tantæ fuisset magnitudinis, quantæ turris hæc, quæ in cōspectu nostro im-
mensa mole attollitur, à tot totius orbis populis comestū, ante mul-
ta annorum spatia defecisset. Quātum peruersus, tātum peruersa
locutus, inquit ibidem venerabilis abbas Petrus.

Ex huius Berengarij & Capharnaitarum schola prodeunt no-
bis illa portentosa huius seculi monstra, Calvinus, Beza, Bucerus,
vituli, bestia, feles, Musculi, Sneppij, Coruini, Brentij, Oecolam-
padij, Zuinglij, & id genus philosophi vel solis nominibus horri-
di & inauspicati. Quorum catalogo an noster misoliturus accen-
sendus veniat, ipse viderit. Quæ autem (malū) vefania, quæ ve-
cordia, quæ mentis cæca præcepsq; malitia, vt quod nolis tibi à iu-
mento tuo fieri, id tu facere Deo non erubescas? Doceat te asinus
tuus, quid te velit facere Dominus Deus tuus. Non disputat de co-
gitationibus tuis, non de verbis tuis, non de operibus, non de cō-
silijs tuis. Iudicat, non intellectu, sed natura dictante, tibi aliquid
concessum esse, quod sibi penetrare non liceat. Et idcirco quanuis
nihil horum intelligat, non tamen obmurmurat, non recalcitrat,
non sibi vniuersa rationibus pandi exoptulat, sed tuo obediēs im-
perio, quicquid iubetur, exequitur. Ad eundem modum in subli-
mibus fidei sacramentis eorumq; mysterijs vt nos faciamus oport-
et, nè diuinam maiestatem & cælestia mysteria argutationibus hu-
manis curiosius perscrutemur: alioqui enim iumentum eius esse nō
poterimus, de quo dicit Psalmista: Vt iumentum factus sum apud
te. Nisi crediderimus, nō intelligemus, inquit Propheta: & anima-
lis homo non percipit ea quæ sunt spiritūs Dei. Hæc semel dicere
visum est contra subtiles istas horum philosophorum argutias, cō-
tra nimiam istam prudentiam carnis, contra novos & nupèr rena-
tos Capharnaitas, qui ad montem Dei animales affectus, ad locū
sanctum non calceos duntaxat, sed & pedes lutulentos adferunt,
qui in mysteria fidei ratiunculis humanis stulta, præcipiti & parū
christiana *φιλανθρία* veluti in margaritas irruunt.

Nunc ad argutum illud & ex intima philosophia, vt putat, sele-
ctum Smidelini argumentum redeamus. Ad Maiorem igitur nunc
respondimus, eam scilicet, cum ex ratiocinatione humana sit desum-

TT 2

pta,

Psal. 71.
Esa. 7.
I. Cor. 2.

pta, nullum prorsus locum in diuinissimo sacramento, omnem humanæ mentis captum excedente, sortiri posse.

Supereſt vt minorem examinemus, quæ ſic habet: Non autem frangitur ſubſtantia corporis Chriſti. Et hæc propoſitio licet minoris locum obtineat, non minorem tamen, ſed penè maiorem continet falſitatem paritèr & abſurditatē. Audiat Smidelinùs quid de fractione corporis Chriſti dicat Apoſtolus. 1. Cor. 11. inquit inter cætera: *λάβετε, φάγετε: τουτο μου εſτι το ſωμα το υπερ υμων κλωμενον.* Accipite, comedite: Hoc eſt corpus meum quod pro vobis frangitur. Sic enim habent exemplaria Græca: ſic prætereà D. Ambroſius & Beda legunt, hic Lucam, ille Paulum exponens. Nec tamen abſurdum videtur, quod ex Theophylacto & Chryſoſtomo colligit Eraſmus, fractionem panis pro diſtributione accipiendā. Vt ſit ſenſus Apoſtoli, panis quem frangimus, hoc eſt, quem diſtribuim⁹ &c. Sed neq; frangendi verbum nulla ratione cōuenit corpori Dominico, vt̃ nunc ex Græcis exemplaribus docuimus, & non ineptè demonſtrat Eraſmus. Frangendi verbum, inquit, haud malè cōuenit corpori Dominico. Frangitur panis triticeus, vt multis vitā cōferat: frangi dicitur & corpus Domini, quod vitam ex æquo conferat omnibus dignè ſumentibus. Idem panis inter multos diſtributus, concordie ſymbolum eſt: idem corpus pro omnibus immolatum, amicitie ſignum eſt &c. Frangitur igitur, datur & offertur Chriſti corpus in ſacrificio altaris. Nec eſt quod hoc dictum nobis calumniatur Miſoliturguſ, & protinùs traditores & carnifices (vt loquitur Caluinuſ) appellitet ſacerdotes Catholicos. Quoniā em̃ dixit Chriſtuſ ad Apoſtoloſ, Hoc eſt corpus meum quod pro vobis datur &c. mox verò ſubiungit, Hoc facite in meam commemorationem, ſatis oſtendit noſ myſticè corp⁹ daturoſ, tradituroſ, oblaturoſ, ſanguinemq; effuſuroſ, quod re ipſa apertè & ſinè myſterio ipſe erat poſteà facturur⁹, & iam tum in ipſa cœna faciebat, faciendumq; præcipiebat ſub ſpeciebus panis & vini. Neq; dubitatum vnquàm eſt à Catholicis, ſanguinē Chriſti in altaris ſacrificio (non quo ad cruentam paſſionem, ſed quo ad ipſius cruentæ paſſiois efficientiam) verè fundi, & corpus verè frangi & offerri. Niſi quod in ſacrificio altaris myſticè & tanquàm in exemplari & imagine, & ſan-

In annot.
in 1. Cor. 11.

loco citato.

sanguis Christi funditur, & frangitur corpus. Vnde Augustinus (de consec. dist. 2. cap. cum frangitur:) Cum frangitur hostia, inquit, quid aliud quam Domini corporis in cruce immolatio designatur? Et Berengarius cum coram centum quatuordecim episcopis hæreses suas de hoc Sacramento publicitus reuocaret, inter cætera sic confessus est: Profiteor, inquit, panem & vinum quæ in altari ponuntur, post consecrationem non solum sacramentum, sed etiam verum corpus & sanguinem Domini nostri Iesu Christi esse, & sensualiter non solum sacramentum, sed in veritate manibus sacerdotum tractari, frangi, & fidelium dentibus atteri &c.

de cõse. dist.
2. ego Berengarius.

Idem est, (tametsi prima fronte dissonum videatur) quod Ecclesia canit in prosa (vt vocant) venerabilis Sacramenti: Fracto demum sacramento, nè vacilles, sed memento tantum esse sub fragmento, quantum toto tegitur: Nulla rei fit scissura, signi tantum fit fractura, qua nec status, nec statura signati minuitur. In quem prosæ locum ita commentatus est ludocus Clichtouæus: Nulla rei fit scissura, hoc est, res ipsa sub specie panis contenta, sacrum est Christi corpus, signatum & exhibitum per species illas sensibiles: illud autem, quia immortale & impassibile, nullam discissionem aut diuulsionem pati potest. Quare per hostiæ consecratæ in diuersas partes discissionem, neq; in corpore Christi fit aliqua distractio, neque habitus ipsius aut integritatis aliqua imminutio. Sed signum ipsum, scilicet species illa panis, ratione suæ quantitatis superstitis, frangitur in partes & diuellitur. &c. Itaq; quod in hac prosa dicitur de scissura & fractura, sic accipiendum est, vt illud Apostoli, Christus se-

Rom. 6.

mèl mortuus, amplius nõ moritur, scilicet visibilitèr & (vt sic dicam) cruciabili cruetoq; modo. Quæ verò ex doctrina Ecclesiæ Catholicæ, & adductis suprà locis de fractiõne, datiõne, traditiõne, oblatiõne, atq; adeò etiã ipsa morte, Christi siue corporis eius suprà dixim⁹, ea mysticè intelliguntur (neq; enim tam crassi sumus, vt in sacrificio Missæ dicamus Christum denuò tormentis, cruci & morti subiici, quanuis illud plerique barbarorum philosophorum, Catholicæ Ecclesiæ sacerdotibus violentèr impingant) & in imagine: nõ tamen per nudam vmbra, quæq; nihil cum ipsa veritate habeat commune, cuiusmodi fuerunt typica veteris legis sacrificia, in qui-

TT 3

bus

bus nuda & sola fuit significatio, nulla rei veritate suffulta. Nostrū verò & ecclesiæ Catholicæ sacrificium, quod appositissima voce θυσίαν ἀναιμάκτων, sacrificium siue hostiam incruentam vocarunt Græci patres, non nudas rerum umbras complectitur. Hoc sacrificium, inquit D. Chrysostomus, (hom. 17. ad Heb.) exemplū est illius: est id ipsum, & semper id ipsum. Corpus Christi, inquit D. Augustinus (de consec. dist. 2. c. vtrum) et veritas & figura est: veritas, dū corpus Christi & sanguis virtute spiritus sancti in virtute ipsius ex panis & vini substantia efficitur: figura verò est id, quod exterius sentitur &c. Docetur ibidem, quomodò corpus Christi fidelium dētibz comedatur & frangatur: quod etsi durum sit in auribus Capharnaitarum & sacramentariorum, quomodò tamen non à vero sit alienum, luculentè ibidem declaratur. Sic baptismus imago est spiritualis ablutionis, quæ per Christi sanguinem facta est in cruce. sed hæc imago ita rei veritatem habet coniunctam, talemq; præstat effectum, ac si Christus ipse nunc pro baptizato sanguinem funderet. Atq; hoc est quod Catholici docemus, Christi Domini passionem, vnicum esse generalem vberriumq; fontem omnium gratiarum, remissionum, veniarum, indulgentiarum, deniq; omnis gratiæ, salutis, omnisq; boni, cuius participes redduntur omnes, quotcūq; corpori Christi, q̄ est Ecclesia Catholica, velut viua membra inserti sunt, & in eodem corpore (quod horum omnium bonorum influxum & derivationem à capite suo Christo habet) piè fideliterq; sese continēt. Hinc verè Catholiceq; docemus, sacramēta nō tantum signa esse gratiæ diuinæ, verum etiā canales & vasa, per quæ placuit Christo Domino hæc suorum bonorum vbertatem in nos transfundere, quæ qui per fastum, hæresim & rebellionem contemnit, ipsius Christi beneplacito repugnat, eiusq; gratiam respuit, qui in ecclesia sua non solum Euangelij annunciationem, ministeriorum functiones, reipubl. administratiōem, verum etiā ipsam gratiam, salutem & spiritus sancti charismata, certa norma, lege, via & ordine vult geri, peragi & distribui. Hunc ordinem prophanis atque aded sacrilegis ausibus conscindunt, disrumpūt, & dissipāt, qui hierarchiam ecclesiasticam, leges & normas cultus diuini, ritū & administrationem sacramentorum, ipsum deniq; ecclesiæ sacrificium

ficium, eiusdemque iura, leges & cæremonias tot seculis ad nostra
 vsq; tempora vsurpatas, tam impiè ludificantur, conuellunt, luxât,
 peruertunt, atque ita iam luxata, conuulsa, peruersa & dissipata, lu-
 tulentis quorumlibet idiotarum scurrarumq; pedibus conculcan-
 da, purulentisq; & blasphemis linguis cõspuenda prostituūt. Hinc
 enim illa Babylon & confusissima rerum omninm vastatio in mul-
 tis Germaniæ aliorumq; regnorum vrbibus & prouincijs conspi-
 citur; hinc Ecclesiastici ordinis perturbatio, hinc principum magi-
 stratusq; contemptus, hinc propter hunc contemptum calamito-
 sissima illa rusticorum clades, hinc florentissimarum quodam na-
 tionum tumultuaria depopulationes, hinc iam nupèr in Belgio sa-
 cra sacrosancti Euangelij annuntiatio sutoribus, lanijs, tonforib⁹,
 atq; aded infamib⁹ profugis & stigmaticis, dūmodò garrulis rabu-
 lis & loquutuleijs impbissimè calamitosissimeq; publicitùs vsur-
 pata, atque ita vsurpata, vt etiàm contra naturam & mansuetudinē
 Euangelij populus in procinctu & armis, cum gladijs & fustibus
 & nullo non telorum genere frendens, ferociens & spirans mina-
 rum, cæco, promiscuo, turbulentoq; agmine, non ad basilicas, sed
 ad lucos, syluas, nemora, suburbana prata, pascua, rura, ad rusticam
 syluestremq; concionem prorueret, vt cerdonem, fartorem, licto-
 rémve quempiam de rebus diuinissimis, de noua & vniuersali to-
 tius Imperij & Ecclesię Romanę reformatione, de doctrinæ Eccle-
 siasticę repurgatione, de abusibus rerum sacrarum tollendis, immò
 vt verum dicam, de scrinijs ecclesię compilandis, vrbibus incen-
 dendis, templis depopulandis, opibus & prædijs ecclesiasticis diripi-
 endis ac diribēdis, ex fago aut quercu querceā concionē prophana
 lingua declamitantē audirent. Quid hoc furoris est? quæ hæc men-
 tis nostrę cæcitas, quòd tam inueteratum in Religioem, in eam ec-
 clesiam, in illam matrem, quæ nos in spiritu & aqua regenuit Chri-
 sto, in ipsum Christum, qui hanc audiri grauissimè præcepit, deniq;
 in ipsas animas nostras, quas certo certius est in æternum perire, &
 perpetuo iucundissimòq; ipsius Dei & totius diuinæ sanctęq; so-
 cietatis consortio irreuerabiliter priuari, pœnisque & tormentis
 infernalibus in æternum, in æternum, inquam, mancipari: quod,
 inquam, est tam inueteratum, tam indelebile, tam acerbum in Ec-
 cle-

I. Cor. I.

clesiam hanc in Christum ipsum, in ipsas animas nostras, in nos ipsos odium, quæ tam irreconciliabiles inimicitia, quod tantum, tamq; implacabile dissidium, ut errores, hæreses, schismata, discordias & contentiones hasce nostras, tam perniciosas, tam deformes, tam ab omni mansuetudine, humanitate, pietate, atq; adeo ipsa ratione alienas, diutius foueamus, in mutuam perniciem conspiremus, & plusquam parricidalibus odijs non in Deum, non in matrem ecclesiam, non in Religionem duntaxat, sed in nos ipsos, in nostra ipsorum viscera, in sanguinem & animas nostras truculentissima ferocia, omnemque ferocissimarum ferarum rabiem quantunlibet immanem superante, ferociamus ac desæviamus? Appellarem hinc rursus tuam ipsius conscientiam Smideline, obsecrarem te unà cum Apostolo per nomen Domini nostri Iesu Christi, ut non sint in nobis schismata, sed ut omnes id ipsum tandem sentiamus in vinculo pacis: offerrem tibi mutuarum (si ita libet accipere, quandoquidem multi eas à te acceperunt) iniuriarum ἀμνηστίας, rogarem vberius, orarem ardentius, obsecrarem religiosius, ut tandem in tete descenderes, rem uniuersam, & quidem tantam, recta veraq; ratione perpenderes: quid dicam, quid rogem, quid obsecrem, serio aduerte- res, nisi iamdudum tempus esset, calamo ad pacem & concordiam conciliandam non bellicum, sed amabile classicum canente, & præ exuberanti quodammodo desideratissimæ concordia desiderio, propositæ dissertationis terminos exuperante: nisi, inquam, iamdudum tempus esset, receptui canere, rem uniuersam iusto Dei iudicio committere, atq; interim orare, ut nobis omnibus largiatur mentem fide & religione Christiana dignam.

fol. 14. Imge
gēbericht vō
der Mess.

Erat animus pluribus docere, quomodo umbra fuerit in lege veteri, viua sint rerum imagines in Euangelio, clara limpidaq; veritas in celestibus, atque hac demonstratione fractionem corporis Christi, quæ fit in sacrificio altaris, latius enucleare: sed aliò me abripuit calamus, & poterit equè commodè fieri in argumento paulò post confutando, quod ex Chrysostomo Smidelinus se desumpsisse gloriatur. Nunc facta eorum quæ diximus, ἀνακεφαλαιώσει, Smideliniani argumenti vitrea compages dilucidius apparebit. Quicquid frangitur, est substantia: sed corporis Christi substantia non fran-

frāgitur, ergo in vſu huius ſacramēti eſt & manet ſubſtantia panis. Cū forma ſit de eſſe rei, & argumēti huius forma nō valeat, dicimus inprimis, argumentum hoc legitima ratione non ſubſiſtere, cū quatuor aut etiā quinq; habeat terminos, & cōcluſio ex pmiſſis non rectē inferatur. Sed cōcedamus materialitē (vt loquūtur ſcholæ dialecticorum) ſubſiſtere, Maior duplici ratione corru- it: primō, quia (ſicut alicubi dicit Auguſtinus) verba ſcripturę ſacrę vtī non adſtringūtur ad regulas Donati, itā res fidei, quas Apoſto- lus vocat non apparentes, non ſubiſciuntur rationibus naturalib; & argutis humanis. Hęc autem materia de qua nunc agimus, ſi vl- la alia, certē maximē conſiſtit in fide: eſtq; talis, in qua omnem ma- ximē oportet captiuare intellectum in obſequiū fidei: quod quo- niam multi non fecerunt, circa fidem naufragauerunt.

Heb. ii.

I. Tim. i.

Deindē quid obſtat, cur nō pari ratione argumētari liceat Smi- delino, in ſacramento eucharistię ſaporem eſſe panis, ergo eſſe ibi & manere panem, quod eſt contra vniuerſalis eccleſię fidem, quę ſemper agnouit in hoc ſacramento *μετουσίαν* ſiue *μεταστολῆσιν*, vt Gręci patres loquuntur, nos tranſelementationem & tranſſubſtā- tiationem plenarij & quidem pleniffimi Lateranenſis Concilij au- thoritate vocamus. Poſtremō, cū tam multa ſint in hoc inſcruta- bili Sacramento, quę omnem etiā angelicum, nedū humanum cap- tum infinitis paraſangis excedunt, dicimus cum vniuerſa eccle- ſia Catholica, nullam rei fieri fracturam, ſigni tantū fieri fractu- ram, ſicuti credimus etiā ſaporem duntaxāt manere panis, nullā autem ipſius panis ſubſtantiam. Accidentia igitur hīc vt videntur, guſtantur, tanguntur, itā & franguntur. Chriſtus reuerā non fran- gitur, neq; diuiditur: nam diuiſis ſpeciebus, ſub qualibet ſpeciei parte totus eſt & indiuiſus, adeoq; indiuiduus, quōd rursū omnē humanę mentis acrimoniam letiſſimē excedit, niſi quōd ratio ho- mini non prorsū irrationali facilē perſuadet, omnipotētī nihil, ni- hil inquam, eſſe difficile. Voluitq; pro ſua inſcrutabili ſapientia & beneplacito in hoc ſacramento noſtram fidem potiſſimū velut ad Lydium lapidem explorare. Et cū ſinē fide impoſſibile ſit pla- cere Deo, hinc veterator ille diabolus per ſuos pseudoprophetas, omnes omnium verſutiarum argutiarumq; māchinas admouet in

Heb. ii.

V V

hoc

hoc sacramento, ut quod Christus Dominus pro immensa bonitate sua in grandem adaugendam fidei cumulum nobis donauit, illud ipse sathanico astu nobis peruertat in occasiōem & laqueum mortis, videlicet ratione & sensu humano, qui hic in obsequiū fidei, tanquā dominæ subijci & captiuari debebat iuxta Apostolū,

1. Co. 10. contra ipsam dominam fidem in rebellionem exuscitata.

Minoris propositionis ficulnenm robur iam dudum enervatum est, ubi docuimus, qua ratione etiā verè, tametsi mysticè duntaxat & impatibilerè, ut sic dicam, corpus Christi non solum frangatur, sed etiā immoletur, & sumatur. Offertur enī & sumitur, sed sumptus non absumitur. Recipitur, non includitur, inquit (In sermō. de coena Domini.) D. Cyprianus: quod sancti martyris dictum, ille de quo supra diximus parochus, coenæ Luterocaluinianæ (nominiciam dicere non audeo) conuiuator, superioribus annis publicitè eò torfit, quasi non liceat sacram Eucharistiam pro receptissimā perpetuāq; ecclesiæ consuetudine (ut luculentè docuit D. Ioannes Gropperus) reponere & asseruare: cum, qua ratione canit ecclesia, Sumptus non absumitur: eodem planè loquendi charactere dixerit S. Martyr, Recipitur, non includitur: hoc est, sumitur Christus à quolibet fidei, ita tamen, ut qui est infinitus, finito sumentis corpusculo non coarctetur: ut tunc quādò cum isto homine, amicam dissertationem scripto instituimus, (ad quam tamen licet ab ipso desideratam, ne γὰρ quidem respondit) latiùs tractauimus.

Laboriosius fusiùsq; hæc prosequuti sumus, quā plūbeus argumenti Smideliniani pugio merebatur: sed propter rem ac materiam per se sublimem, ex fundamentis (ut factum arbitror) singula visum est eruere, licet multa ad rem ipsam maximè facientia, nè molesta sit prolixitas, prætermiserimus.

Eadem dexteritate nunc sanctum Martyrem & episcopum Irenæum producit Smidelinus, in hæc verba: Quemadmodum qui est à terra panis, percipiens vocationem Dei, iam non communis panis est, sed Eucharistia, ex duabus rebus constans, terrena & celesti: Sic & corpora nostra percipientia Eucharistiam, iam non sunt corruptibilia, spem resurrectionis habentia.

O Vulcaniam impudentiam; Tūne audes sancti Martyris verba

ba in hæresios tuæ clypeum producere, quæ tuum errorem luculentissimè confutant? Quomodò vir sanctus de transsubstantiatione clariùs differere potuisset, dum ait, Eum qui à terra est panis, ubi percepit vocationem Dei, (id est, cōsecrationem) iam non cōmunem esse panem, sed eucharistiam? Quæ tanta horum verborū lux, si tuis caligantibus oculis adhuc tenebricosa videtur, lege ea quæ paulò suprà commemorat idem Irenæus: Quomodò (inquit) constabit, cum panem in quo gratiæ actæ sint, corpus esse Domini sui, & calicem sanguinis eius &c? Audis hīc clarissima sancti Martyris verba, panem in quo gratiæ actæ sint, hoc est, consecratio facta, (sic enim hīc gratiarum actio sumitur) esse corpus Domini: nō dicit, uti vos iam ab annis triginta loqui didicistis, Cū pane vel sub pane esse corpus Christi, sed panem corpus esse Domini sui. Idem postea alijs verbis repetit, quæ tu pro te, cū vel maximè tuū errorem oppugnent, citasti: Iam non communis (inquit) panis est, sed eucharistia. Et rursus lib. 5. Quandò ergò & mixtus calix & fractus panis percipit verbum DEI, sit Eucharistia sanguinis & corporis Christi &c. Quid est fieri Eucharistiam, nisi quod lib. 4. dixit, cum panem in quo gratiæ actæ sint, Corpus esse Domini & calicem sanguinis eius? An luculentius vestrum errorem vir sanctus potuit refellere?

Nota, mixtus calix.

Adde, quòd non vno, sed gemino vulnere te fauciat, Transsubstantiationis veritatem, simul cum Apostolico miscendi calicis ritu expressissimis verbis adstruens.

Nec est quod illud in tui erroris præsidium anxie venéris, quod ait Irenæus, Eucharistiam duabus rebus constare, terrena & cælesti. Neq; enim ex sola terrena materia, neq; ex sola cælesti constare potest eucharistia, sed ex utraq; simul. Terrena res in Eucharistia post cōsecrationem, sunt ipsæ externæ species, id est, accidentia earum quæ antè fuerunt, creaturarum panis & vini, quæ peracta cōsecratione tātum symbola sunt, terrenum siue naturalem gustum, odorem, colorem & id genus sensuum obiecta, retinentia: cælestis res est ipsum Christi Corpus & Sanguis, sub terrenis panis & vini speciebus verè præsens. Atq; hoc est, quod Catholici iuxta vniuersalis Ecclesiæ doctrinam, verbis Augustini docemus, Verbū & ele-

V V 2

men-

mentum constituere sacramentum. Nullum enim sacramentū sine duabus hisce partibus legitimè subsistit. Sed cum in sex reliquis ecclesiæ sacramētis, ipsius elementi nulla fiat transmutatio aut *με-
ταστοία*, in hoc tamen augustissimo diuinissimoq; Eucharistiæ sacra-
mento illud est peculiare, ut non ipsum elemētum, sed terrena ele-
menti species, post adhibitum verbum, siue peracta consecratiōe,
remaneant: quibus speciebus consumptis, definit ibi esse sacra-
mentum.

im gegenbe-
richt pag. 15.

Adducit iam Gelasij Pontificis dictum, quod idem iam olim à
Luteranæ Zuinglianæq; sectæ coryphæis productum, grauitèr &
solidè confutauit Card. Venerab. Ioannes Gropperus. Verba Ge-
lasij quæ citant, inquit Reuerendus Gropperus (de Eucharist. art. 1.
cap. 62.) hæc sunt: Non definit substantia vel natura panis & vini: &
certè imago & similitudo corporis & sanguinis Christi in actione
mysteriorum celebratur &c. Verum alia sancti viri verba, inquit
Gropperus, quæ eodem habentur loco, ex quibus hæc iam recita-
ta, intelligenda sunt, aduersarij tam Luterani quàm Zuingliani, q̃
eorum errorem penitus subruant, suo more dedita opera præter-
mittunt. Contra Luteranos enim, dicentes nullam fieri panis mu-
tationem, itemq; corporis Christi veritatem solū in vsu accipiē-
tium esse, nec mox à consecratiōe illic adesse, scribit his verbis: Sa-
tis ergò nobis euidentè ostenditur, hoc nobis in ipso Christo Do-
mino sentiendum, quod in eius imagine (putà sacramento) profi-
temur, celebramus & sumimus, ut sicut in hanc scilicet in diuinam
transcant spiritu sancto perficiente substantiam, permanentes ta-
men in suæ proprietate naturæ: sic illud ipsum mysterium principa-
le, cuius nobis efficientiam virtutemq; veraciter repræsentant, ex
quibus constat, propriè permanentibus, vnum Christum (quia in-
tegrum verumq;) permanere demonstrant.

Quorum sententia est, in Christi vna, vera & integra persona,
vtrinq; diuinam & humanam in incarnationis eius mysterio con-
iunctam naturā, in veris suis proprietatibus nihil mutatam ac imp-
mixtam permanere. Principiò igitur hîc audis, sacramenta in diui-
nam transire substantiam, ubi duabus dictionibus tantundem ex-
primitur, quantum vna illa, transubstantiantur, quod & D. Vuilh.
Lin-

Lindanus in Tabulis & Panoplia sua obseruauit. Deinde audis, hanc in diuinam substantiam transubstantiationem, non in nostra sumptione sitam esse, sed per spiritum sanctum peragi ac perfici, quem in modum etiam Augustinus loquitur, quem quidem Gelasius, nimirum Afer Afrum, præcipue charum & maximo in precio habuit. Quod verò, ut antè dictum est, præterea habet, non tamen coniunctum, ut aduersarij eum citant, sed disiunctum: Non desinit substantia vel natura panis & vini, id sanè meritò debet, adeoque necesse est accipi (nè ijs, quæ antè ex ipso prolata sunt, pugnancia dixisse videatur) non de ipsa vera interna essentiali (ut ita dicam) essentia, quæ in re qualibet latet, & sensibus externis percipi non potest, sed de naturalibus prioris substantiæ vel naturæ proprietatibus, ut sunt magnitudo, calor, sapor, odor, & id genus qualitates, immò etiam naturales panis & vini proprietates. Ad rectè igitur intelligendū Gelasium, sufficit nōsse, vocabulum substantiæ non vno modo semper accipi, nec ubiq; internam latentemq; rerum essentiam, sed sæpè etiam naturalem modò proprietatem, idq; elegantèr denotare: quomodò hîc Gelasius verbum substantiæ per vocabulum naturæ, ipsi disiunctim appositum, interpretatur, ut ei hîc substantia sit, substantia accidentium panis & vini: natura verò, naturæ proprietates, quæ sanè in sacramento post consecrationem non desinit, desinente tamen essentiali illa & interna panis substantia, quâ (ut Chrysostomus inquit) absumpsit vis diuini corporis. Hæc ferè ibi inter alia multa (ad quæ lectorem auidū remittimus.) D. Ioannes Gropperus, ex translatione venerandî viri D. Laurentij Suriij, viri de ecclesia catholica cum primis benè meriti. Ex quibus euidentissimè relucet, quomodò nec hîc sibi suisq; symmystis dissimilis sit Smidelinus, qui sanctum pontificem hæreticis hisce paradoxis è diametro contrarium, tam impudètèr, tam veteratoriè & perfidè pro suis opinionibus stabiliendis torquere & mutilare non expauescat. Scilicet opere præcium est, eum qui semèl verecundiæ & honestatis fines transilièrit, benè & gnauitèr esse impudentem: quanq̃ eiusmodi artes non impudentiæ tantum, verum simul etiam extreme malitiæ nomen, & falsi crimen simul & pœnam merentur.

Supereft locus ex Tertulliano obtorto collo contra transub-

stantiationem contortus, quem solidè grauerq; confutat dominus Gropperus in opere de eucharistia art. i. cap. 39. ad quem auidum lectorem remittimus. Neq; enim licet his confutandis diutiùs immorari, quòd libellus Smidelini de Missa (in quo & transsubstantiationem oppugnat) tunc demùm mihi oblatus sit, cùm Typographus iam penè ad quartum huius nostri Anthyperaspistæ librū excudendum accingeretur. Itaq; si quid minùs hīc absolutum damus, id alibi, volente Deo, pensabitur.

Cap. 17.

In consecratione cur aqua vino misceatur: exploditurque de hac mixtione commentum Smidelini.

Smid.

Quòd Christus vinum aqua miscuerit in cœna, præter mysterium quod Grammaticus adfert, nupèr in concilio Tridentino aliquis ex sanctis Patribus probabilem attulit rationem. Virum enim qui hydriam portarit, aquam ad cœnam attulisse, quæ, verisimile sit, Christum miscuisse vinum. Vinum enim in ijs locis forte est, & cùm Christo restaret prolixa concio, nè inebriatus suum officium non posset facere, aqua indubitatò vinum miscuerit. Historiam & factum narro, pie ac Christiane lector, nihil fingo. vide calefactor, tantum abest, vt tuæ sententiæ contradicam, vt etiã probationem fundamentalem paratus sim tibi subijcere. Itane defecere vos probationes, vt ad varias allegorias & blasphemias cōiecturas confugere cogamini?

Bred.

Quòd ait Smidelinus, nihil se hīc fingere, sciat se illud iam olim sibi lucrificasse, vt etiam si vera dicat, nemo ei credat. Nam quem toties vanissimos fumos & improba mendacia publicitùs venditare non puduit, vt haftenùs à nobis declaratum est, quid est, quod in narratione tam absurda, quæ nihil vel probationis vel probabilitatis habet, fidem nobis extorqueat? An dignus est, cui etiã impudentèr mentienti fides adhibeatur?

Qui semel est læsus fallaci piscis ab hamo,

Omnibus vnca cibus æra subesse putat.
inquit ille. Cur autem Smidelinus hoc perquàm lepidum, vt putat, commentum nobis tanquàm historiam obtrudit, quam ipse explod-

ploratam nō habet? Ait enim, aliquis ex sanctis Patribus: vnde patet, eum nec nomē, nec auctorem, nec authoris personam aut qualitatem nōsse: aliquis enim, de incerto homine dicitur, vt docent Grammatici: aut igitur grammaticam ignorat Smidelinus, aut rem sibi prorsus ignotam tanquā certam historiam iactat. Vt interea taceam, quā nō fiat vlli Christiano & Catholico verisimile, quēquam ex episcopis aut assessoribus sacri Concilij tam improbe leuitatis aut crassæ ruditis reperiri potuisse. Sed quid blaterat Bredenbachium illius aquæ & vini mixtionis adferre mysterium? cur blasphemus ore exclamat: Itāne defecere vos probationes, vt ad varias allegorias & blasphemias coniecturas confugere cogamini? Nō Bredenbachius, sed vniuersa ecclesia, & orthodoxi Patres vniuersi, arcanum huius mixturæ tradiderunt mysterium, & D. Cyprianus expressè ait, Christum hanc mixturam suo exemplo & magisterio docuisse. Exurgebant enim hæretici, qui in poculo sacramenti solam aquam offerebant, ob hoc Aquarii dicti, vt refert Augustinus (de hæres. hæresi 67.) & Isidorus. Aduersus hos scripsit D. Cyprianus 3. epist. lib. 2. docens quod neq; vinum solū, neq; aqua sola offerri debeat, sed vinum aqua mixtum. Nam quemadmodū vinum, quod ex multis acinis in vnum coalescit, continet sacramētum corporis Christi mystici, quod ex multis membris coalescit in vnam ecclesiam: sic etiā vnio vini & aquæ, continet sacramētum vnionis populi cum Christo, quia aqua populum signat, sicut ex Apocalypsi id docet Cyprianus, & Bredenbachius idem declarat. Et quemadmodū aqua vino semel mixta non potest separari, sic ecclesiam in Christo perseverantem, nulla res (inquit) à Christo poterit separare. Cuius rei etiā meminit Ambrosius lib. 5. de sacram. cap. 1. Scriptura dicit, inquit Cyprianus, vt quotiescunq; calicem in commemorationem domini & passionis eius offerimus, id quod constat Dominum fecisse, faciamus. Sed vide frater Christiane, si quis de antecessoribus nostris vel ignoratè, vel simpliciter nō hoc seruauerit & tenuerit, quod nos Dominus facere & exēplo & magisterio docuit, potest simplicitati eiusdem, indulgentia Domini, venia concedi: nobis verò non potest ignosci, qui nunc à Domino admoniti & instructi sumus, vt calicem Domini cum vino mixtū, se-

Aqua vino
miscenda in
consecrat.
Lib. 2. epi. 3.

Lib. 8. ety-
mol. cap. 5.

Apoc. 17.

lib. 2. epi. 3.

Philip. in li.
de Ecclesia.

secundum quod Dominus obtulit, offeramus. Hæc ille. Quid ad hæc respondes, Smideline? Fortassis cum tuo Philippo dices, Cyprianum commodius sensisse, quam dixisse. Sed reliqui veteris ecclesiæ patres eodem modo & dixerunt, & senserunt: Alexāder, sextus post D. Petrum pontifex Romanus, in epistola 1. Non debet, inquit, ut à patribus accepimus, & ipsa ratio docet, in calice Domini aut vinum solum, aut aqua sola offerri, sed utrunq; permixtum, quia utrunq; ex latere eius in passione sua profluxisse legitur. Ipsa verò veritas nos instruit, calicem & panem in sacramento offerre &c. Audis Smideline, utrunq; & Alexādrum Romanum, & Cyprianum Carthaginensem episcopum, hanc mixturam asserere, eam à Domino institutam, & sibi à Patribus traditam. Vnde etiā vides, multa habere ecclesiam ex institutione & magisterio Christi, quæ nullis scripturis canonicis comprehensa sunt. Plura testimonia si requiris, vide Concilium Carthaginensē 3. cap. 24. Et D. Augustinum in libro de Ecclesiasticis dogmatibus cap. 75. Si tamen hic est Augustini, & non Gennadii, ut quidam volunt. In Eucharistia, inquit, non debet pura aqua offerri, ut quidam sobrietatis falluntur imagine, sed vinum cum aqua mixtum &c. Iam si libet, exclames Smideline: Itane defecere vos probationes, ut ad varias allegorias & blasphemias coniecturas confugere cogamini?

Cap. 18.

Christum in cæna corporis & sanguinis sui oblationē docuisse, eademq; obtulisse Deo patri, ubi rursus obiter confutantur pleraque ex libello Smidelini de Missa, adversus R. D. Georgium Lautherium.

Smid.

Pergit in eodem tenore Smidelinus: Vanissimum etiā commentum est, quod blateras, Christū in cæna sui corporis & sanguinis oblationem instituisse.

Bred.

Atqui hoc ipsum Bredenbachius plurimis vetustissimorum Patrum testimonijs solidissimè luculentissimeq; demonstravit. Sed audiamus quā bellè ad hæc respondeat.

Smid.

Sacrificij nomine, inquit, quomodo vti sunt veteres, sæpè dictū est,

est, & non nisi ad munera, quæ pij offerebant, & preces ecclesiæ refertur.

Videatur ergo Tertullianus à Bredenbachio citatus, dum inquit, Tertulli. de velad. virg.
Non permittitur mulieri in ecclesia loqui, sed nec docere, nec tingere, nec offerre, nec ullius virilis muneris, nedùm sacerdotalis officij sortem sibi vendicare: Videtur, inquam, hîc loqui de solis piorum muneribus? Cur igitur ab hac oblatione prohibetur fœmina?

cur ait Tertullianus, Sacerdotalis esse officij offerre? Cur Irenæus inquit, Christum sub forma panis & vini corpus & sanguinem suum obtulisse, suoq; exemplo nouam docuisse oblationem, quam Ecclesia ab Apostolis accipiens, in vniuerso mundo offert Deo? Sanè si nihil aliud quàm caseos, capos & anseres, vt paulò pòst ait Smidelinus, docuit Christus offerre: si tâtum de piorum eleemosynis loquitur, vt vult Maior, cur nouam vocat oblatiõem Irenæus, quã ab Apostolis acceptam ecclesia in vniuerso mundo offert Deo? an non huiusmodi oblationes habuit synagoga Iudaica? Sed audiam etiam Oecumenium claris ac disertis rebus hanc Smidolini imposturam detegentem. Hic explicaturus locum Apostolicum ad Hebræos 5. quonam sensu Christus dictus sit sacerdos in æternum, inquit, οὐ γὰρ τὴν πρὸς ἁπάς γενομένην ὑπὸ θεοῦ θυσίαν, καὶ προσφορὰν εἶπεν ἅνεις τὸν αἰῶνα, ἀλλ' ἀφορῶν εἰς τοὺς ναὺ ἱερουργούς, δι' ὧν μέσων χριστὸς ἱεροοργεῖ καὶ ἱερουργεῖται, ὁ καὶ παρὰ τοὺς αὐτοὺς ἐν τῷ μυστικῷ δείπνῳ τὸν τρόπον τῆς τοιαύτης ἱερουργίας. Non de illa semel immolata à Deo hostia, inquit, dixisset, in æternum. Sed ad sacerdotes nostri temporis adspiciens, per quos medius Christus ipse sacrificat & sacrificatur: Qui Christus, ipse modum eis in mystica cœna tradidit istiusmodi sacrificij. Eusebius quoq; Cæsarensis in Euangelicis suis demonstrationibus: Post omnia, inquit, quasi mirabilem quãdam victimam sacrificiumq; eximium Patri suo immolans, pro nostra omnium salute obtulit, eiusque rei memoriam, vt nos ipsi Deo p sacrificio offerremus, instituit. Ecce Smideline, non locuti sunt patres, ubi de sacrificio dixerunt, De capis, caseis, & anseribus reliquisq; piorum muneribus, sed de sacrificio corporis & sanguinis Christi. Offerimus illi omnium Deo, inquit idem Eusebius, sacrificium laudis, offerimus illud diuinum, sacrosanctum, Deoque dignissi.

li. 4. cap. 32

li. 1. cap. 10.

li. 1. Euang.
demô, ca. vi.

X X

gnissi.

Malac. 1. gnissimum sacrificium: offerimus nouo ritu secundum nouum te-
 stamentum illam mundam hostiam &c. Et D. Iustinus Martyr, ex-
 plicans hunc Malachiae locum: De hostijs, inquit, quæ ipsi à nobis
 Presb. & di. gentibus ubiq; offeruntur, id est, de pane Eucharistiæ & poculo fi-
 acōi ecclef. militèr Eucharistiæ tum producit (Malachias,) cum ait, à nobis no-
 Acha, ad to men Dei gloria affici, à vobis autem pollui &c. Quid solenne illud
 ti⁹ orb. chri rianos. D. Andreæ Apostoli responsum commemorem? quo Tyranno
 Aegeæ, qui ipsum ad idolorum sacrificia adigere volebat, respon-
 dit, Ego omnipotenti Deo, qui vnus & verus est, omni die sacrifi-
 co non thuris fumum, nec hircorum aut taurorum sanguinem, sed
 immaculatum agnū quotidie in altari sacrifico, cuius carnes post-
 quàm omnis populus credentium manducauerit, & eius sanguinē
 biberit, agnus qui sacrificatus est, nihilominus integer perseverat
 & vnus, & cum verè sacrificatus sit, & verè eius carnes manducate
 sint à populo, & verè eius sanguis haustus, tamen (vt dixi) integer
 permanet & immaculatus & viuus. Et D. Augustin⁹ lib. 20. cap. 18.
 Mal. 1. contra Faustum: Christiani celebrant memoriam eiusdem peracti
 (in cruce) sacrificij sacrosancta oblatione & participatione corpo-
 ris & sanguinis Christi. Vides Smideline Christi corpus & sangui-
 nem, & sacrificium esse, & cibum. Vides illud & offerri & participa-
 ri, vt iam falsum esse liquidò appareat, quod tu ais, Christi corpus
 & sanguinem in cena non nisi cibum & potum ad manducandum
 & bibendum nobis proposita esse, non solū (vt tu hic annectis) vt
 Eucharistiæ effectus. fidem nostram alamus, sed vt vnum fiamus cum Christo, vt chari-
 tas Dei & omnia eius charismata in nobis augeantur, dum omniū
 gratiarum fontem suscipimus. Vndè rectè canit ecclesia: O sacrū
 conuiuium, in quo Christus sumitur, recolitur memoria passionis
 eius, mens impletur gratia, & futuræ gloriæ nobis pignus datur.
 Prætereà vt aduersus omnia huius mundi pericula dæmonumque
 insidias & præstigias sit velut scūtum quoddam & præsidium, quod
 illustri & memorabili exemplo probat D. Augustinus: Vir Tribu-
 nitius Hesperius, inquit, qui apud nos est, habet in territorio Fuf-
 salensi fundum Zubedi appellatum, vbi cum afflictione animalium
 li. 22. cap. 8. & feruorum suorum, domum suam spirituum malignorum vim no-
 de ciui. Dei, xiam perpeti cōperisset, rogauit nostros, me absente, presbyteros,
 vt

ut aliquis eorum illud pergeret, cuius orationibus cederent. Perrexit vnus, obtulit ipsi sacrificium corporis Christi, orans quantum potuit, ut cessaret illa vexatio: Deo protinus miserante, cessauit. Hec Augustinus.

Notum est quod refert Ambrosius de fratre suo Satyro, & historiae ecclesiasticae, quo pacto Eucharistiam collo alligatam secum deferre soleant fideles aduersus imminentes tempestates & pericula. Patet igitur iam abunde, Christum in cena sui corporis & sanguinis oblationem instituisse, eamque esse, quam antiquissimo vocabulo, Missam appellamus. Hec est illa noua oblatio, quam ab Apostolis acceptam, ut inquit Irenaeus, Ecclesia in vniuerso mundo offert Deo. Hec est illa oblatio munda, quam in spiritu praeuidens Malachias, diu antea praedixit a gentibus offerendam: quem eius locum plurimi orthodoxi Patres de Missae sacrificio exponunt, uti a Bredenbachio adductum est, & videre licet apud Iustinum martyrem in dialogo aduersus Iudaeos. D. Augustinus lib. 18. cap. 35. & libro 19. cap. 23. De Ciuitate Dei. Euseb. Caesareensis lib. 1. Euangelic. demonstrat. cap. ultimo. Si de sacrificio laudis & orationis accipi velit Smidelinus, quomodo eam dicet mundam oblationem, qui omnia fidelium opera asserit immunda esse & peccata? Hec est illa oblatio, de qua Martialis vnus ex Domini discipulis, & D. Petri indiuiduus comes, Sacrificium, inquit, Deo creatori offertur in ara, non homini neque angelo, nec solum in ara sanctificata, sed ubique offertur Deo oblatio munda, sicut testatus est, cuius corpus & sanguinem in vitam aeternam offerimus. Refert hic & in verbis sequentibus, quae breuitatis causa praetermittimus, de duplici Christianorum sacrificio, altero merè spirituali & inuisibili, quando scilicet fideles humiliter ac pio cordis affectu se suaeque DEO commendant: altero, quod in ara sanctificata quotidie offert Ecclesia, verum Christi corpus, sacrificium illud vnicum crucis representando. Et ut virtutem huius oblationis insinuet, subiungit per eam nobis vitam conferri, & mortem effugari: quae ne quis putet hominum commenda, sic clausit suae orationis periodum: Hoc enim ipse Dominus Iesus iussit nos agere in sui commemorationem. In eandem sententiam D. Cyrillus in quinta Catechesi mystagogica: Oramus, inquit,

In epist. ad
Burdegalem
cap. 3.

vt panem quidem faciat corpus Christi, vinū verò sanguinē Christi. Omīdō enim, quod attigerit spiritus sanctus, hoc sanctificatur & transmutatur. Deindē verò postquā confectum est illud spirituale sacrificium, & ille cultus incruentus super ipsa propitiatio-
 nis hostia, obsecramus Deum pro communi ecclesiarum pace, pro tranquillitate mūdi, pro regibus, pro militib⁹, pro socijs, pro egrotis & afflictis, & in summa pro his omnibus qui egent auxilio. Indigemus autem omnes. Cū hoc sacrificium offerimus, postea facimus mentionem etiā eorum, qui ante nos obdormiērunt. Primū patriarcharum, Prophetarum, Apostolorum, Martyrum, vt Deus orationibus illorum & deprecationibus suscipiat preces nostras. Deindē pro defunctis sanctis Patribus & Episcopis, qui inter nos vita functi sunt, maximum esse credentes animarum iuuamen, pro quibus offertur obsecratio sancti illius & tremendi, quod in altari positum est, sacrificij &c. Hæc ibi D. Cyrillus. Si his testimonijs Smidelinus adduci nequit, vt fateatur Christum in cœna corpus & sanguinem suum obtulisse, eiusq; oblationem Apostolis mandasse, doceat, vbi & quando Christus aliās obtulerit secundū ordinem Melchisedech, præterquā in cœna. Sanē si non potest mentiri David Propheta, asserens Christum esse sacerdotem in æternū secundū ordinē Melchisedech, necessum etiā est, eius sacerdotale sacrificium in pane & vino consistere, donēc ponat inimicos suos scabellum pedum suorum: & vt Paulus inquit, donēc veniat, 1. Cor. 11. Quod argumentum eleganter tractat D. Ioannes Faber Hailbrūnensis, in tractatu in Ioēlem cap. 1. à nobis latinitate donato, docens, tam Græcos quā Latinos patres, asserere, oblationem Melchisedech præfigurasse sacrificiū, quod Christus in vltima cœna instituit in pane & vino. Quid quod & docti quidā & antiquissimi Iudæorum Rabbinī, inter quos & Rabbi Moses Hadarfan, & nonnulli alij istum Psalmi locum de oblatione Melchisedech, de sacrificio à Messia in pane & vino instituendo, exponunt? Atq; itē illud, Et erit frumentum in terra in summis montium, ad Messie sacrificium referunt. Nam cū in eo Psalmo Propheta conditionem & statum Messie ad viuum exprimat inter munifica largifluaq; dona & charismata, quæ per aduētum Messie humano gene-
 ri

Psal. 71.

ri donanda erant, hoc vnum aiunt interpotissima numerari, videlicet sacrosanctum altaris frumentum, quod à Messia vt sacrificiū mundissimum omnem pinguedinem gratiarum continens, ad refectionem spiritalem suorum fidelium instituendum erat, eoque memoratum Psalmi locum mysticè exponendo, hoc pacto legunt: Erit placenta super capita sacerdotum. Vulgata quidem lectio habet: Et erit firmamentū in terra in summis montium ex translatione LXX. qui legunt *ἔσται στήριγμα ἐν τῇ γῇ* &c. Verū aliter habet textus Hebræus, *lœhi pissath barbaaretz baroësch harim*, quod sic vertit Hieronymus: Erit memorabile triticū in terra in capite montium. Rabbi quoq; Pinas filius Iairi, non obscurum de Christi sacrificio profert testimoniū: Tempore Messiae, inquit, omnia sacrificia cessabunt, sacrificium panis & vini nunquā cessabit. In eandem sententiam scribit Rabbi Iohai, vt videre est apud Petrū Galatinū lib. 10. cap. 5. Porro quod Smidelinus in antididagmate suo de Missa, ait Paulum ad Hebræos 7. docere, vbi Christus secundū ordinem Melchisedech obtulerit, nimirū in cruce, satis patet ex ipso D. Pauli, quod istic tractat, argumēto, quo proposito & scopo Paulus Christum illic dixerit sacerdotem secundū ordinē Melchisedech. Facit ibi Paulus collationem veteris & noui testamenti, docens Christum esse verum sacerdotem, longeque præstantius esse Christi sacerdotium veteri illo legali & Aaronico sacrificio, quippè quod abolitum sit & translatum: Christi verò sacerdotium esse æternum. Itaq; Pauli mens fuit, Iudæis persuadere, Aaronica illa sacrificia, typica fuisse ac significatiua istius, quod Christus semel in cruce peregit, sacrificij: cum quo quia idem est illud sacrificium, quod nunc, eodem Christo authore, in memoriam illius cruenti sacrificij incruento modo sub speciebus panis & vini offertur, nō opus fuit eo loci Paulum vberius mysticam huius sacrificij formam explicare Iudæis, quorū plurimi vix sustinebant illud cruentum & semel in cruce peractum sacrificium, pro vero & expiatorio sacrificio recipere: deindè qui ex Iudæis Christum confitebantur, imbecilles erant, vt inquit Paulus, & paruuli, ac lacte opus habentes, quiq; docerentur elementa exordij sermonum Dei, eoq; inepti qui audirent Apostolum, de arcano hoc mysterio, quod in cena

Im Gegen
bericht von
der Mess
pag 37.

Heb. 5.

Heb. 1. 3. 9.
10.

In cap. 8. ad
Hebræos.

Psalm. 109.

li. 1. cōt. ad-
uer. legis &
pphe. 2. 20

lib. 16. ca. 22
de ciuit. dei.

Christus Apostolos docuit, differentem. Deindè quotquot ex Iu-
dæis crediderant in Christum, licèt eum ipsum verum esse Messiã
crederent, non tamen adeò magnificè vt par erat, de illius Maiesta-
te sentiebant. Quarè ostenso, illum Angelis, Prophetis, ipso deniq;
Aarone & Mose maiorem esse ac digniorem, præclaram (vti dixi-
mus) attexuit D. Paulus sacerdotij Christi & Leuitici comparatio-
nem, vt ineptam & falsam persuasionem de Christo conceptã, ani-
mis illorum eximeret. Existimabant enim, quandoquidem didice-
rant eum Messiam, & regē & sacerdotem esse, eapropter sacerdo-
tium illius Leuitico illi simile esse debere, eoq; Christum oportere
non modò semp̃r viuere, (vti annotat Chrysostomus) sed eãdem
quoq; hostiam, ad illius Aaronici exemplum, subindè immolare.
Istas peruersas de sacerdotio Christi opiniones, hac institutione
Iudæis hic eximit Apostolus. Quæ licèt prima suĩ specie quotidia-
no sacrificio repugnare videatur, nihil tamen minùs, quàm pu-
gnare, ex ijs quæ mox dicemus, cognoscetur. Et imprimis quidem
ad Psalmi locum ab Apostolo adductum, explicandum accinge-
mur: Tu es sacerdos in æternum secundum ordinē Melchisedech.
Quem si de solo illo sacrificio cruento, quod semel dūtaxat in cru-
ce peregit Christus, accipiendum vult Smidelinus: fatendum est,
ecclesiæ primitiue Patres hunc Psalmi locum non rectè intellexis-
se, vtpotè qui eum de mystico & incruento Christianorū sacrificio,
quod Christum ipsum in cœna instituisse docuimus, hætenùs in-
tellexerint. D. Augustinus in hunc Psalmi locū sic inquit: Nouerūt
qui legunt, quid protulerit Melchisedech, quãdò benedixit Abra-
ham. Et iam sunt participes eius. Vident tale sacrificium nunc of-
ferri deo toto orbe terrarū. Et rursūm alibi: Benedictus est (Abra-
ham) à Melchisedech, qui erat sacerdos Dei excelsi. Ibi quippè pri-
mum apparuit sacrificium, quod nunc à Christianis offertur Deo
toto orbe terrarum, impleturq; illud, quod longè pōst factum, per
prophetam dicitur ad Christum, qui fuerat vêturus in carnem: Tu
es sacerdos in æternum secundum ordinem Melchisedech: Nō sci-
licet secundum ordinem Aaron, qui ordo fuerat auferendus, illu-
cescentibus rebus, quæ illis vmbriis prænotabantur. Et iterū lib.
17. de ciuit. Dei cap. 18. multis agens de sacrificio altaris, adducit il-
lud

Iud Sapiētis: Venite, mādate de panibus meis, & bibite vinum quod miscui vobis. moxq; subiungit: Hic certē agnoscimus Dei sapiētiam, hoc est, verbum patri coāternum, in vtero virginali domum sibi aedificāsse corpus humanum, & huic tanquā capiti mēbra ecclesiā subiunxisse, martyrum victimas immolāsse, mensam in vino & panib; preparāsse, vbi appāret etiā sacerdotium secundū ordinem Melchisedech. Et paulò pōst: Participem autem fieri mensae illius, ipsum est incipere habere vitam. Nam & in alio lib. Eccēs. 8. qui vocatur Ecclesiastes, vbi ait: Non est bonum homini, nisi quod manducabit & bibet, quid credibilius dicere intelligitur, quā quod ad participationem mensae huius pertinet, quā sacerdos ipse Mediator noui testamenti, exhibet secundū ordinē Melchisedech de corpore & sanguine suo? Id enim sacrificium successit omnibus illis sacrificijs veteris testamenti. Quia pro omnibus illis sacrificijs & oblationibus corpus eius offertur, & participantibus ministratur. Haec enī D. Augustinus. Videatur idem in Psalm. 33. Conciōe 1. alijsq; pluribus in locis.

D. Cyprianus religiosissimus episcopus & inuictissimus martyr, tam expresse hunc psalmistae & Apostoli locum de noui testamenti sacrificio, quod à Christo sub speciebus panis & vini in cœna institutum, toto terrarum orbe haec enī obtulit atq; etiam nūm offert Ecclesia, tam inquam expresse de hac noua oblatione, vt inq̃t Irenaeus (lib. 4. cap. 32.) exponit, vt mirer, qua fronte eum repudiaturus sit aduersarius, maximē verò cū hac in re vniuersae veteris Ecclesiae sensum & consensum proferat. In epistola ad Cæcilium, multis exemplis docens, in sacrificio corporis & sanguinis Domini, nec calicem cum aqua sinē vino, nec vinum sinē aqua rectē offerri, inter cætera sic ait: In sacerdote Melchisedech sacrificij Domini sacramentum praefiguratum videmus, secundū quod scriptura diuina testatur, & dicit: Et Melchisedech rex Salem protulit panem & vinum. Fuit autem sacerdos DEI summi, & benedixit Gen. 14. Abraham. Quod autem Melchisedech typum Christi portaret, declarat spiritus sanctus, in psalmis ex persona patris ad filium dicens: Ante Luciferum genuite Iurauit Dominus, & non poenitebit eū, Psal. 109. tu es sacerdos in æternum secundū ordinem Melchisedech. Qui ordo

ordo ubiq; hîc est, de sacrificio illo veniens & indè descendens, q̃ Melchisedech sacerdos Dei summi fuit, quòd panem & vinum obtulit, quòd Abrahā benedixit. Nam quis magis sacerdos Dei summi, quàm Dominus noster Iesus Christus, qui sacrificium Deo patri obtulit? Et obtulit hoc idem, quod Melchisedech obtulerat, id est, panem & vinum, suum scilicet corpus & sanguinem. Et paulò pòst: Vt ergò in Genesi per Melchisedech sacerdotem benedictio circa Abraham posset ritè celebrari, præcedit antè imago sacrificij, in pane & vino scilicet constituta. Quam rem perficiens & adimplens Dominus, panem & calicem mixtum vino obtulit, & qui est plenitudo, veritatem præfiguratæ imaginis adimpleuit. Sed & per Salomonem spiritus sanctus typum Dominici sacrificij præmonstrat, immolatæ hostiæ panis & vini, sed & altaris & apostolorum faciès mentionem &c. Hæc ibi D. Cyprianus.

Mixtus calix

Pro. 9.

Cõt. Melchisedechianos.

Psal. 109.
Heb. 7.

Quid nunc pergā recensere D. Chrysostomum, D. Ambrosium, Epiphanium, Hieronymum, aliosq; complures? Melchisedech Abrahæ obuiam venit, inquit Epiphanius, & proposuit ipsi panes & vinum, mysteriorum ænigmata præfigurans &c. Melchisedech, inquit Hieronymus, pane & vino simplici puroq; sacrificio Christi dedicauit sacramentum.

Fuit igitur Christus & est perpetuò sacerdos secundum ordinē Melchisedech, iuxta Dauidem & Paulum Apostolum, quandò antiquatis & abolitis sacrificijs Aaronicis, nouum æternumq; sacrificium incruento modo in cœna instituit, vereq; obtulit secundum ordinem Melchisedech sub speciebus panis & vini corpus & sanguinem suum. Fuit præterea sacerdos atq; etiam nūm est, secundum ordinem Melchisedech, quādò semel cruento modo se obtulit in ara crucis.

31. 8.

In libello
de Missa. pa.
36. cont. D.
Geor. Laut.

Dices: Atquē Apostolus prioris istius incruenti sacrificij nō meminert eo loci: sed cū ex Psalmista docuisset, Christum sacerdotem esse secundum ordinem Melchisedech, non aliū sacrificij modum cōmemorat, quā eum quo semel sese obtulit (in cruce.) In primis respondemus, ea verba (in cruce) quæ Smidelinus inferit, Apostolum hîc non habere: ait enim: hoc fecit semel se offerendo. Fuit autem vna eademq; oblatio, tam in cruce quā in cœna. Licet

cet modus esset diuersus. Non igitur aduersatur huic mysticæ & incruentæ oblationi eo loci Apostolus. Quinquàm dubium non est, eum de cruenta oblatione loqui. Tum deindè scabrum & cornutum est argumentum: Apostolus eo loci non meminit oblationis mysticæ, ergò Christus nullam instituit mysticam corporis & sanguinis sui oblationem, videlicet negatiuum à pronuntiatis. Cur autem Apostolus ibidèm non expressius tractauerit arcanū illud ac tremendum incruentæ oblationis sub speciebus panis & vini mysterium, iam suprà diximus, & clariùs videre licet ex Hieronymo, Chrysostomo, Epiphanio, Augustino & alijs patribus. Sic inquit Chrysostomus: Quare dixit secundùm ordinem Melchisedech? Et propter sacramenta, quòd ille quoq; panem & vinum Abrahæ obtulerit, & quòd hoc sacerdotium sit à lege liberum, & quòd neque finem, sicut dicit Paulus, neq; principium habeat. Hæc ille. Posteriorem hanc Chrysostomi rationem tractauit istic Apostolus, volēs Hebræos à typicis & Aaronicis imperfectisque & iam tum abolitis sacrificijs abducere ad agnitionem verī, perfecti, perpetuiq; & incommutabilis sacrificij Christi, docens Melchisedechum eò, quòd sacerdos & rex Salem fuisset, & sinè patre & matre & ἀγενεαλόγητος, excelsiorè digniorèq; fuisse ipso Abrahamo, nihilo seciùs tamè, ipsum Melchisedechum fuisse typum & figuram Christi, eoq; si vel ipsa figura sacerdotij Christi, dignior fuerit ipso sacerdotio Aaronico & legali, longè esse excellentius ipsum sacerdotiū Christi, sacerdotio Aaronis. Hanc esse Apostoli sententiam, patet ex ipso textu & veterum commentarijs: tum deindè ex Epiphanio: Melchisedech, inquit, mansit sacerdos per omne tempus vitæ suæ, & adhuc in scripturis celebratur sacerdos, ità vt nemo ipsi successerit, aut ministerium sacerdotij in tempore ipsius subuerterit. Sic & Dominus noster non homo existens, sed ex Deo sanctus Deus, verbum, filius Dei, genitus sinè principio & sinè tempore, semper cum patre existens, natus propter nos ex MARIA homo, & non ex femine viri. sacerdotium autem patri offert ex humana natura massa accepta, vt pro nobis sacerdos constitueretur secundùm ordinē Melchisedech, qui non habet successionem. Manet enim in perpetuum pro nobis dona offerēs. Et primùm quidem semetipsum obtulit,

YY

tulit,

tulit, vt solueret sacrificium veteris testamenti, quum perfectius & viuens pro toto mūdo obtulerit, ipse victima, ipse sacrificium, ipse sacerdos, ipse altare, ipse Deus, ipse homo, ipse rex, ipse pontifex, ipse ouis, ipse agnus, omnia in omnibus pro nobis, vt nobis vita omnibus modis fieret, & sacerdotij sui immutabile firmamentum in secula efficeret, non ampliùs secundum semen successiones diuidens, sed secundum iustitiam seruari in spiritu sancto largiens. Hæc ille. In quibus Epiphaniij verbis obseruandum est, cur Paulus volens Hebræos ab Aaronicis sacrificijs ad Christi sacrificium pducere, vsurpauerit exemplū Melchisedech, nimirum quia eo ipso q̃ (vt Apostolus elegantè exprimit) ἀπαταρ, ἀμήτωρ, καὶ ἀγενεαλόγητος, & per om̃e tempus sacerdos existens, ac p̃terea ipsis quoq; nominibus, vt habet Paulus, rex iustitiæ & rex pacis, ipsum Christum p̃figurauerit. Deindè notandum, quòd paulò pòst ab Epiphanio subnexum, à nobis suprà commemoratū est, nimirum quòd Melchisedech proponendo panes & vinum, mysteriorum enigmata p̃figurauerit. Quod etsi hīc non vsque adeò expresserit Apostolus; nō tamen sequitur, si quo ad generationem & sacerdotij perpetuitatem Christus appareat similis ipsi Melchisedech, omnis idcirco alia similitudo exclusa sit, vt̃ elegātè docet Melchior Canus (lib. 12. locorum Theolog.) Patet igitur nunc, quo proposito Paulus ex Dauide dixerit, Christum sacerdotem esse secundum ordinem Melchisedech, nimirum (vt̃ ex Chrysostomo suprà diximus) propter sacramenta, quòd ille (Melchisedech) quoq; panem & vinum Abrahæ obtulerit, & quòd hoc sacerdotiū sit à lege liberum, q̃q; nec finem nec principium habeat. Adfert hīc Chrysostomus duplicem causam, quarum posteriorem diximus ab Apostolo tractatam, priorem verò (quæ de mystica sacrificij in pane & vino consistentis, forma commemorat) Apostolum non expressisse. Huius silentij nunc nobis restat reddenda ratio. Non autem est alia, quàm ea quam suprà recensuimus, nempe quia cum Iudæis res erat Apostolo, non cum fidelibus, & id genus hominibus, qui tam arcanis mysterijs percipiendis forent idonei, Ipse enim Apostolus de nouo Christi sacerdotio dicturus, rei difficultatem procemio exaggerat, dicēs: Super quo multo nobis sermo est, & ininterpretabilis, non

Heb. 7.

In Psal. 109.

Heb. 5.

non quia Apostolus non potuerit id interpretari, (vt inquit Hieronymus) sed quia illius temporis nō fuerit. Hebræis enim, id est, Iudæis persuadebat, non iam fidelibus, quibus passim proderet sacramentum. Veruntamen si vas electionis stupet ad mysterium, & de quo disputat, ineffabile confitetur: quanto magis nos vermiculi & culices, solam debemus scientiam inscitæ confiteri? Hæc Hieronymus, qui iam non Iudæis vt Apostolus, sed fidelibus loquens paulò superiùs luculentè dicit: Melchisedech pane & vino, simplici puroq; sacrificio, Christi dedicauit sacramentū. Parcè loquitur vir sanctus de hoc arcano Christi sacramento, quod fidelibus nō esset ignotum, infidelibus non esset propalandum. Atq; hæc ratio est, cur veteres ecclesiæ patres atq; adeò ipsi etià Euangelistæ, parcissimè de hisce tremendis Christiani & Euangelici sacrificij mysterijs locuti sint. D. Augustinus in hunc eundem Psalmi locū: Tu es sacerdos in æternum secundum ordinem Melchisedech, latens mysterij magnitudinem paucissimis attingens: Fidelibus, inq̃t, loquor: Si quid non intelligunt catechumeni, auferant pigritiam, festinent ad notitiam. Non ergò opus est mysteria promere: scripturæ vobis intiment, quid est sacerdotium secundum ordinē Melchisedech. Hactenùs Augustinus.

In Psal. 109.

Si igitur Smidelinus nō intelligit, vt̃ tota Ecclesia hactenùs intellexit, quomodò Christus sit sacerdos, & vbi obtulerit sacrificiū secundum ordinem Melchisedech, faciat quod monet D. August. auferat pigritiam, (deponat hæreticam malitiam) & festinet ad notitiam scripturæ, earundemq; recta intelligentia, ab ecclesiæ pastoribus & doctoribus nunc à nobis producta, ipsi intiment, quid sit sacerdotium secundum ordinem Melchisedech. Intimet illi Theophylactus, explicās hunc eundem Psalmistæ & Apostoli locū, Tu es sacerdos &c. Manifestissimè, inquit, de Christo hoc dictum est. Solus enim ille pane & vino sacrificium consecrauit, perindè ac Melchisedech. Quī verò dixit, In æternum? Quoniam etiam nūm vnā cum corpore, quod pro nobis immolauit, apud Deum & patrē intercedit, hoc est, quas pro nobis pertulit afflictiones, vt nūltūm commoueat: pponit etiā sinè voce, re ipsa nimirū patri loquēs. Pro humana natura filius tu' ego sustinui hæc: Miserere igitur ho-

Heb. 5.

YY 2 rum

rum, pro quibus ego pati & mori sustinui. Vel quia quæ in singulos dies fit, & futura est in perpetuum oblatio per DEI ministros, ipsum habet pontificem & sacerdotem Dominum, atq; adeò ipsam hostiam, qui seipsum pro nobis sanctificat, & frangitur, & distribuitur. Quoties enim hæc fiunt, mors Domini annunciat &c.

Discat ab Ambrosio, quomodò Christus etiam nunc sese offerat, & offeratur. Illa nobis expetenda sunt, inquit, in quibus perfectio, in quibus veritas est. Hic umbra, hic imago, illic veritas. Umbra in lege, imago in Evangelio, veritas in cælestibus. Antè agnus offerebatur, offerebatur vitulus, nunc Christus offertur, sed offertur quasi homo, quasi recipiens passionem, & offert se ipse quasi sacerdos, ut peccata nostra dimittat. Hic in imagine, ibi in veritate, ubi apud patrem pro nobis quasi aduocatus interuenit. Hic ergò in imagine ambulamus, in imagine videmus, illic facie ad faciem, ubi plena perfectio &c. Erudiat ab Oecumenio, quid in cæna Christus Apostolos docuerit. Licet Christus, inquit Oecumenius, non obtulerit carentem sanguine hostiam: siquidem corpus suum obtulit, attamen quia ab illo fungentur sacerdotio, quorum Deus pontifex esse dignatus est, sine sanguine offerent. Nā hoc significat, In æternum. Neq; enim de ea quæ semel à Deo facta est oblatio & hostia, dixisset, In æternum: sed respiciens ad præsentis sacrificios, per quos medios Christus sacrificat & sacrificatur, qui etiam in mystica cæna modum illis tradidit huiusmodi sacrificij. Nec quicquam patrocinatur Smidelino, quod contra ipsum D. Hieronymum Hebraicæ linguæ, si quisquam alius, peritissimum, vniuersosq; veteris ecclesiæ patres argutatur ex Hebræa vocula **קריבן**, obtulit, Melchisedech non sacrificasse pane & vino, nec simplici puroque sacrificio Christi dedicasse sacramentum, ut expressè loquitur Hieron. (sacramenti vox neminem offendet, cum sacrificium & sacramentum, ut etiam annotauit Philippus Melancthon, non significatione, sed cæremonia tantum & usu loquendi differant, tum deinde repetita sacrificij vox, **ταυτολογία** vitium inuississet Hieronymo) eò quod **קריבן** apud Hebræos, obtulit, siue protulit, & non sacrificauit, significet: vnde perperam Catholicos docere, Melchisedech panem & vinum immolasse siue sacrificasse, cum duntaxat protulerit ad Abra-

Amb. lib. 1.
offi. cap. 48.

Heb. 5.

Ad Euagr.

In locis, tit.
de sacrifi.

Abrahamum cum exercitu suo reficiendum.

Cuperet sanè misoliturus noster ex Melchisedech, quem ipsa Genesios scriptura sacerdotem fuisse cōmemorat, p̄mum cōdum duntaxat & cōuiuatore facere, scilicet, quia epulis & cōuiujs potiùs quàm sacrificijs delectatur misoliturgi, ut paulò post ex ipso Caluino docebimus. Verù libet hīc mihi rursūm quærere ex Smidelino, si mentitus illi videtur Hieronymus cum vniuerso sanctissimorum Patrum senatu, quos modò de Melchisedechico panis & vini sacrificio clarissimè loquētes citauimus, an etiā simul ipsa Genesios scriptura, ipse spiritus sanctus, ineptiuisse illi videatur, qñ post illa verba, Melchisedech proferens panem & vinum, continuò subiungit, Erat enim sacerdos Dei altissimi. Quorsum hæc ætiologia subiicitur, si Melchisedech in pane & vino non sacrificauit? Sane nisi causa inepta est, intelligere oportet Melchisedech easdem res obtulisse solitum, quas tunc proferebat Abrahamo, sed huic in cibum, illi in sacrificium, quod posterius copiosè satis ex patribus docuimus. Legunt quidem LXX. ἦν δὲ ἱερεὺς τοῦ θεοῦ. Erat autem sacerdos Dei: Hebræi verò, כהן אלהים. Et ipse sacerdos. Sed neutrum horū patrocinator misoliturgis. Non em̄ snè ratiōe Hieronymus Hebrææ linguæ (hanc autem potiùs hoc loco, quàm Græcam versionem, suo errori prima specie possunt obtendere) peritissimè vertit, Erat enim sacerdos. Et Munsterus (ut author est Ioannes Faber ab Hailbrun in Ioëlem) legit, Erat quippe sacerdos. Nam coniunctio Hebraica כהן non semp̄ vim copulandi habet, sed quandoq; vim causalē, ut tradunt Hebræi. Præterea si homo argutulus ex vocula כהן obtulit, vniuersam ecclesiam Catholicam priscosque & neotericos scriptores calumniari instituit, quòd verbū hoc ad specificam sacrificij oblationem referant, cur non eadē ratione ipsum Paulum Apostolum criminatur, qui ad Hebræos loquēs inquit, μιὰ προσφορά τέτελείωκεν εἰς τὸ διηγεῖσθαι τοὺς ἁγιαζομένους, vnica oblatione perfectos effecit eos qui sanctificantur? προσφέρω enim improprijssimè apud Græcos sumitur pro eo quod est, immolo, siue sacrifico. Sic & προσφορά non sacrificium siue immolationem, sed quamlibet genericam oblationē designat. Si igitur Paulus Apostolus τὴν προσφορὰν & τὸ προσφέρειν cōtra pprietatē Græcani-

Ad Euagr.

Heb. 10.

ci sermonis ad veram illam hostiam, & verum sacrificium, quod Christus in cruce peregit, non malè retulit: sequitur, nec Catholicos ecclesiæ Patres in eo peccare, quòd vocem Hebræam **קָדִישׁ**, & Latinam, obtulit, ad eam oblationem referunt, quæ sacrificando & immolando perficitur. Atq; hæc de sacerdotio Melchisedechico dixisse sufficiat.

Im Gegen-
bericht von
der Mef-
pag. 40.

Vbi nunc, ô misoliturge, sunt illæ tuæ contumeliosissimæ exclamations & cachinni in noui testamenti sacerdotes, dùm petulantissima subsannandi libidine exclamas aduersùs Reuerendum D. Georgium Lautheriũ, **Wa wölle wir die Mespriester hin sehen/** &c? Vbi collocabim⁹, inquis, Missificatores, quum neq; ad Leuiticum sacerdotium pertinere velint, neq; ad Melchisedechicũ pertinere possint, quoniam peccatores sunt & moriuntur? Neq; Christum de sacerdotio suo deturbare possunt, quoniam est sacerdos in æternũ &c. Et paulò pòst: Assumat Lautherius, inquis, vniuersos suos Iesuitas in subsidium, nec tamen vnquàm in æternum vel minimo veritatis colore probauerint, ipsorum quotidianum Missæ sacrificium exemplo Melchisedechis posse cõstabiliri, quia Apostolus dicit Christum secundum ordinem Melchisedech semel offerri debuisse, nec successuros huic sacerdoti alios sacerdotes &c.

li. 4. ca. 32.

Faciat Smidelinus, quod monet D. Augustinus: Auferat pigritiam, deponat malitiam, festinet ad notitiam. Interroget Cyprianũ, Augustinum, Hierõymum, Chrysostomum, Ambrosium, Epiphaniũ, Oecumenium, Theophylactum, quos modò citauimus. Et his omnibus antiquiorem D. Irenæum, qui docet Christum sub forma panis & vini corpus & sanguinem suum obtulisse, suoque exemplo nouam oblationem docuisse, quàm Ecclesia ab Apostolis accipiens, in vniuerso mundo offert Deo. Sinouam oblationẽ (vt inquit Irenæus) docuit, id est, nouũ sacrificium instituit, an vllum poterit esse sacrificium sinè sacerdote? Rursũ, si docuit Christus nouam oblationem, & Smidelinus huiusmodi oblationem de capis, caseis, & anseribus vult intelligi, an quispiam sanæ mentis hæc cum D. Irenæo nouam dicet oblationem, quæ toto tempore sacrificij Aaronici non fuerit vsitata? An non potiùs ex Christo faciet aucupem casearium, & quiduis potiùs quàm sacerdotem, nouique sacer-

sacerdotij instauratorem? Rursùm si de solo sacrificio laudis, orationis & psalmorum accipere velit Smidelinus, quomodò noua cēsebitur oblatio? An non Moses, an non Maria, Dauid, Anna, pphetissa, Zacharias, Simeō, D. Virgo, & quotquot fuere pietatis obseruantes in veteri testamento, sacrificium laudis vsurpârunt? Nullam igitur aliam nouam oblationem suos Apostolos docuit Christus, quàm eam, quæ est secundùm ordinem Melchisedech, qua sub speciebus panis & vini, corpus & sanguis Christi offertur Deo patri per sacerdotes nostri tēporis (vt loquitur Oecumenius) per quos medios Christus ipse sacrificat, & sacrificatur. Ex his alijsq; que toto hoc capite commemorauimus, abundè perspicere posset Smidelinus, vbi collocare, aut quò referre deberet sacerdotes noui testamenti, vel (vt illi per contemptum loqui placuit) *die Mesopriester* nisi suapte malitia esset excæcatus, & propter hanc malitiam à Deo derelictus.

Atquì dicis, Apostolus docet Christum secundùm ordinē Melchisedech semel offerri debuisse, nō successuros huic sacerdoti alios sacerdotes. Smid.

Principiò certum est, Apostolum loqui istic de oblatione Christi cruenta, q̄ semel in cruce peracta est. Ex quo intelligitur, Apostolum de mystica oblatione quā in cœna Christus suo exemplo docuit & instituit, dicens: Hoc facite &c. non ex proposito differere. Alioquì si ea sit mens Apostoli, vt præter cruentam illam oblationem nulla prætereà fiat alia, (tametsi reuerà nō sit alia) æquè poterunt aduersarij etiā illam oblationem his Apostoli verbis subtertere, quam Christus in cælis incruentam facit, semper patri apparens, & tãquàm aduocatus pro peccatis nostris interpellās, suq; passionis sacrificium pro nobis repræsentans, vtì suprā docuimus ex Theophylacto, & patet ex ipso Paulo. Vndè necesse est, inquit, & hunc Pontificem Christum, qui cōsedit in dextera sedis magnitudinis in cælis, habere aliquid quò offerat. Alioquì enim pontifex non esset, nec dici posset sacerdos in æternum, sinè oblatione seu sacrificio, iuxta normam coniugatorū. Similitèr & illam sustulerint oblationem, quam Christum in vltima cœna fecisse luculenter suprā docuimus. Proindè si hi duo offerendi modi non pugnant Bred. Heb. 8.

gnant cum ea oblatione, quam semel cruento modo fecit **CHRISTVS** in cruce: consequitur, nec hunc offerendi modum pugnare, quæ ecclesia Catholica quotidie obseruat in sacrificio missæ, quando quidem eandem cum Christo Domino hostiam offert, licet alio modo, scilicet *θυσίαν ἀναιµακτον*, hostiam incruentam, ut veteres Græcanicæ ecclesiæ patres loquuntur.

Smid. Sed dicit Smidelinus, (ut & confessio Augustana) hac ratione tollitur Paulina distinctio, qua Christi sacrificium à Leuitico vult esse distinctum. Nam vos eandem quotidie iteratis hostiam, quemadmodum & Leuitici quotannis. Item Leuitici sacerdotes fuerunt peccatores, & morte sublati. Eiusdem conditionis & vestri sunt Missificatores. Paulus autem dicit, Christo sacerdoti nullos alios sacerdotes successuros. Vbi ergo constituemus vestros Missificatores?

Bred. Respondeo: Iterant quidem noui testamenti sacerdotes eandem Christi hostiam, sed longe secus atque illi Aaronici suâ. Horum enim sacrificia per se reputabantur singula, ita ut nullum ex alio traheret vim sanctificandi, aut remittendi peccata haberet facultatem: verum hoc nostrum Christianum & noui testamenti sacrificium, ita repetitur & iteratur, ut in quotidianis mysterijs non offeratur aliud, quam in cruce Christus obtulit, ex quo ceu fonte, nostro sacrificio quotidiano vis & facultas omnis profuit. Proinde nisi ex illo semel in cruce peracto suam sibi deriuarent peccatorum remittendorum vim, essent profecto illis Leuiticis omnino paria. Repetitur igitur vna illa Christi hostia, sed non ut Leuitica: secundum commemorationem, ut inquit Chrysostomus, non secundum sanguinis effusionem. In Christo, inquit idem, semel oblata est hostia ad salutem sempiternam potens. Quid ergo nos? nonne per singulos dies offerimus? sed ad recordationem mortis eius, & vna est hostia, non multæ. Quomodo est vna, non multæ? Quia semel oblatus est **CHRISTVS**. Hoc autem sacrificium, exemplum est illius: id ipsum semper offerimus. Proinde hoc idem est sacrificium. Attende ad hæc Smideline, audi quid hic dicat tibi Chrysostomus, & omite blasphemos errores, quos tibi suggerit errorum magister diabolus: aufer pigritiam, festines ad notitiam. Attēde, inquam, quid dicat

hom. 17. in
epi. ad Heb.

cat Chrysostomus: Hoc sacrificium (nostrum) est exemplum istius (in cruce peracti,) id ipsum semper offerim. Quod supra dixit Ambrosius, Christum hic sese offerre, & offerri in imagine: id vocat Chrysostomus exemplum istius in cruce peracti sacrificij, quia diuersus est modus, *ἀνὰ μυστήριον* scilicet, incruentus, mysticus. Et tamen licet modus sit diuersus, nihilò secius quoniam idem prorsus est sacrificium, eadem hostia, idem sacerdos, cum eo qui seipsum pro nobis in cruce obtulit. eapropter addit Chrysostomus, dicens: Est id ipsum, & semper id ipsum. Pergit iam Chrysostomus: Proinde, inquit, hoc idem est sacrificium. Alioquin diceretur, inquit, quoniam in multis locis offertur, multi sunt Christi? Nequaquam, sed vnus vbique Christus, & hic plenus existens, & illic plenus. Sicut enim quod vbique offertur, vnum est corpus & non multa corpora, ita & vnum sacrificium. Pontifex autem ille est, qui hostiam obtulit nos mundantem. Ipsam offerimus etiam nunc, quæ tunc oblata est, consumi non potest. Quod nos facimus, in commemorationem fit eius, quod factum: Hoc enim facite (ait) in meam commemorationem. Hactenus Chrysost. cuius sententiam ferè iisdem verbis expressit D. Augustinus: Semel immolatus est in semetipso Christus, & tamen quotidie immolatur in sacramento. Et Paschasius: Quotidie Christus mysticè pro nobis immolatur, & passio Christi in mysterio traditur. Rursum alio loco Chrysost. quem & supra lib. 2. citauimus: Sacra ipsa oblatio, siue illam Petrus, siue illam Paulus, siue cuiusuis meriti sacerdos offerat, eadem est quæ dedit Christus ipse discipulis, quamque sacerdotes modò quoque cōficiunt. Nihil habet ista quàm illa minus. Cur id? Quia nō hanc sanctificant homines, sed Christus, qui illam antè sacrauerat. Quemadmodum enim verba que locutus est Christus, eadem sunt, quæ sacerdotes nunc quoque pronunciant, ita & oblatio eadem est. &c.

Equidem arbitror ex his perspicuum euadere Smidelino, quod referendi sint noui testamenti sacerdotes. corrui preterea ipsius cōmentum quo ait, Quoniam plures sunt sacrifici (apud Catholicos) & morte prohibentur permanere, & sæpius quàm semel offerunt, non possunt (ratione huius comparisonis, quam Apostolus inter Christum & Leuiticos sacerdotes instituit) sacerdotes esse secundum

ZZ

dum

lib. 1. ca. 48.
Offic.de cōsec. di.
2. Semel,im gegenbe-
richt pa. 49.

dum ordinem Melchisedech. Quibus verbis Smidelinus eandem calumniam struit ecclesiæ Catholicæ, quam & Augustana cōfessio machinata est. Loquitur enim hîc ita Smidelinus, quasi totum hoc sacrificium referamus ad ipsos sacerdotes, quasi ipsi sacrificent, & quotidie aliam atq; aliam hostiam offerant, quemadmodum faciebant Aaronici sacerdotes. Confessionis, aut potius calumniæ Augustanæ verba sic habent: Hic honos sacrificij non debet transferri in opus sacerdotis. O crassam & impudentem calumniam, quæ opus, Christi vice per sacerdotes peractû, homunculo tribuit, cum tot tamq; illustribus testimonijs doceamus, Christum ipsum per medios sacerdotes (vt loquitur Oecumenius) & sacrificare & sacrificari. Nonne tota Theologorum schola, quantunlibet hæc vobis fordeat, vno consensu docet, sacrificium quotidianum non nisi ex opere operato, id est, quia ex Christi persona geritur atque peragitur, vim & efficientiam suam sortiri? Non enim hîc alias sacerdoti partes tribuunt, quàm eas quæ ministri sunt propriæ. Sicuti de baptismo rectè dicebat Ioannes: Hîc est qui baptizat. Quæadmodum igitur in consecratione Christus sua verborum efficacia alieno sacerdotis ore suum quotidie cōficit de pane corpus & vino sanguinem, (vt ait Hieronymus) ita per alienas quoq; manus, sed suis tamē ministri, Deo patri sacrosanctum corpus suum offert. Atq; hoc est illud, quod sanctissimi scriptores tantæ rei miraculo obstupescit, interdum exclamitant: O rem miram: idem Christus hîc sacrificat, & sacrificatur: Agnus idem & hîc nobis in altari iacet præsens patri immolandus, qui & patri ad dexteram assidet gloriosus.

Ioann. i.

1. Cor. 4.

Non igitur huius tam ineffabilis sacrificij sacerdotes (quorum reuerà duntaxat vnus est ipse Christus Dominus) moriuntur, vt illi Aaronici, cum hi quos nos sacerdotes vocamus, eò qd à plebe segregati in opus ministerij, sacris operentur, vices tantum gerat illi primarij atq; vnici sacerdotis Iesu Christi, & administri sint ac dispensatores sacrificij & sacramentorum huius primarij sacerdotis. Sic nos existimet homo, inquit Apostolus, vt ministros & dispensatores mysteriorum Dei. Nec aliam atq; aliam offerunt hostiam, vt Leuitici: sed vt suprâ ex Chrysostomo retulimus, sacra ipsa oblatio, siue illam Petrus, siue illâ Paulus, siue cuiusvis meriti sacerdos offe-

offerat, eadem est, quam dedit Christus ipse discipulis, quamq; sacerdotes modò quoq; conficiunt. Et idem alibi: Hoc sacrificiū exemplum est illius, id ipsum semp̄ offerimus. Ipsam offerimus etiā nunc, quæ tunc oblata est. Hæc arbitror Smidelino satisfacere posse, nisi fortè tactis aris (quod olim Hannibal in Romanos) perpetuam se inimicitiam cum ipso Iesu Christi sacerdotio exercitaturū deierauerit, vt planas & rectas faciat semitas antichristo, quo grasse, iuge sacrificium ecclesiæ cessabit iuxta vaticinium Danielis.

Hom. 1. ad Heb.

Dan. 12.

Ex his quæ iam diximus, simul etiā corrumpit fundamentū istius argumentationis, quam ex Paulinis verbis sinistrè adductis, compingunt misoliturgi. Sanctificati sumus per oblationem IESU Christi semel. Item, Vna oblatione consummauit in perpetuum eos qui sanctificantur. Quam enim ineptum fuerit, si quis dixerit, Baptismo non aboleri peccata, quòd semel sumus sanctificati per oblationem Iesu Christi: tam profectò absurdum est, nō superesse nobis altaris sacrificium, quo sanctificemur & purgemur, eò quòd semel sumus sanctificati per oblationem IESU CHRISTI. Huic igitur oblatiōi Christi semel exhibitæ, qua sumus sanctificati, quæ admodū nō repugnat, quòd in Baptismo sanctificamur, & rursūm per pœnitentiæ sacramentum, relapsi, à peccatis mundamur: Ità nihil minùs quàm pugnat cum eadem, quòd Missæ sacrificium quotidie vsurpemus ad nostrā sanctificationem, & peccatorum remissionem. Ex eodem enim illo oblatiōis Iesu Christi fonte hauritur peccatorum remissio tam in baptismo & pœnitentia, quàm Missæ sacrificio. Quam obrem Christi passio fuit oblatio, sanctificatio & satisfactio omnium & pro omnibus peccatis nostris, sed hæc non est nobis sanctificatio & satisfactio, nisi nobis adhibeatur ad sanctificandum. Dicit Ioannes de Christo, quòd illuminet omnē hominē venientem in hunc mūdum: & tamē multi in tenebris ambulant, & in tenebris mortui, præcipitantur in tenebras exteriores. Sic sanctificati sumus per oblationem Iesu Christi semel, (vt inquit Apost.) & tamen multi cum impijs damnantur, quòd præparatam omnibus à Christo sanctificationem, ad se non trāstulerint, quòd tenebricosi ad paratam omnibus lucem non venerint, quòd egroti sanctificationis huius medelam ex sacramentorum myrothecis

Ioan. 1.

Hebr. 10.

ZZ 2

non

- non hauserint. Passio igitur Dominica est omnis nostræ sanctificationis & expiationis causa vniuersalis, perfecta & principalis. Equis verò dubitet, causas perfectas & principales sine adiuuantibus & proximis nihil efficere? Medicamentum quippè, quamlibet presens & salutiferum sit, quanuis vel ipsa à quibusdam tantopere predicata panace, nisi tamen ægro corpori applicetur, nullam præstat medelam. Quòd si agnus qui tollit peccatum mundi, sine adiutrice & socia causa ipse per se expiauit nostra delicta, atq; in has angustias redigere velimus Apostolum dicentem, Sanctificati sumus per oblationem Iesu Christi semel: tollatur baptisma, reijciatur poenitentia, sileant sacerdotia, facessant ministeria, atq; adeò omne salutis nostræ & sacramentum remoueatur & instrumentum. Vanum fit illud præceptum, Baptizate in nomine patris & filij & spiritus sancti: Vana sit gratia illa, Quorum remiseritis peccata, remittentur eis. valeat sermo ille, Poenitentia agite, & baptizetur vnusquisq; vestrum in remissionem peccatorum. Sit deniq; falsum illud, Saluos nos fecit per lauacrum regenerationis. An non hæc omnia absurda & palam ἀποσδιόνυσσα, manifestè consequuntur ex huiusmodi argumentatione? Sanctificati, inquit, sumus per oblationem Iesu Christi semel, ergò nulla opus est alia oblatione: nullo, inquam, mystico offerendi modo. An non & nos eandem Apostoli sententiam in misoliturgos illos retorquere poterimus, huc in modum: Sanctificati sumus semel, ergò nulla opus est vberiori sanctificatione? Sic enim colligit noster hic illius magni pseudoprophetae prodromus: Quia obtulit semel Christus, ait, ergò nos non offeramus. Sic, inquam, ad iugis sacrificij abolitionem classicum canit egregius videlicet & βοην ἀγαθόν Stentor, odijs Grammaticorum & Rhetorum vsq; adeò intentus, vt oblitus sit dialectices. Sed Apostolus non alibi tantum alias adhuc sanctificationis meminit, verum etiam eo ipso in loco, quem aduersarij adducunt, non obscure insinuat, vberiore adhuc sanctificationem nobis necessariam. Sic enim inquit: ἡγιασμένοι ἐσμὲν, διὰ τῆς προσφορᾶς τοῦ σώματος τοῦ ἰησοῦ χριστοῦ ἐφάπαξ: hoc est, sanctificati sumus per oblationem corporis Iesu Christi semel. Subiungit iam ibidem paulò post: μιᾷ προσφορᾷ τετελείωκεν εἰς τὸ διγνεῖν τοὺς ἁγιαζόμενους, id est, vnica oblatione
- Heb. 10. oblationem Iesu Christi semel: tollatur baptisma, reijciatur poenitentia, sileant sacerdotia, facessant ministeria, atq; adeò omne salutis nostræ & sacramentum remoueatur & instrumentum. Vanum fit illud præceptum, Baptizate in nomine patris & filij & spiritus sancti: Vana sit gratia illa, Quorum remiseritis peccata, remittentur eis. valeat sermo ille, Poenitentia agite, & baptizetur vnusquisq; vestrum in remissionem peccatorum. Sit deniq; falsum illud, Saluos nos fecit per lauacrum regenerationis. An non hæc omnia absurda & palam ἀποσδιόνυσσα, manifestè consequuntur ex huiusmodi argumentatione? Sanctificati, inquit, sumus per oblationem Iesu Christi semel, ergò nulla opus est alia oblatione: nullo, inquam, mystico offerendi modo. An non & nos eandem Apostoli sententiam in misoliturgos illos retorquere poterimus, huc in modum: Sanctificati sumus semel, ergò nulla opus est vberiori sanctificatione? Sic enim colligit noster hic illius magni pseudoprophetae prodromus: Quia obtulit semel Christus, ait, ergò nos non offeramus. Sic, inquam, ad iugis sacrificij abolitionem classicum canit egregius videlicet & βοην ἀγαθόν Stentor, odijs Grammaticorum & Rhetorum vsq; adeò intentus, vt oblitus sit dialectices. Sed Apostolus non alibi tantum alias adhuc sanctificationis meminit, verum etiam eo ipso in loco, quem aduersarij adducunt, non obscure insinuat, vberiore adhuc sanctificationem nobis necessariam. Sic enim inquit: ἡγιασμένοι ἐσμὲν, διὰ τῆς προσφορᾶς τοῦ σώματος τοῦ ἰησοῦ χριστοῦ ἐφάπαξ: hoc est, sanctificati sumus per oblationem corporis Iesu Christi semel. Subiungit iam ibidem paulò post: μιᾷ προσφορᾷ τετελείωκεν εἰς τὸ διγνεῖν τοὺς ἁγιαζόμενους, id est, vnica oblatione
- Matt. ult. fit illud præceptum, Baptizate in nomine patris & filij & spiritus sancti: Vana sit gratia illa, Quorum remiseritis peccata, remittentur eis. valeat sermo ille, Poenitentia agite, & baptizetur vnusquisq; vestrum in remissionem peccatorum. Sit deniq; falsum illud, Saluos nos fecit per lauacrum regenerationis. An non hæc omnia absurda & palam ἀποσδιόνυσσα, manifestè consequuntur ex huiusmodi argumentatione? Sanctificati, inquit, sumus per oblationem Iesu Christi semel, ergò nulla opus est alia oblatione: nullo, inquam, mystico offerendi modo. An non & nos eandem Apostoli sententiam in misoliturgos illos retorquere poterimus, huc in modum: Sanctificati sumus semel, ergò nulla opus est vberiori sanctificatione? Sic enim colligit noster hic illius magni pseudoprophetae prodromus: Quia obtulit semel Christus, ait, ergò nos non offeramus. Sic, inquam, ad iugis sacrificij abolitionem classicum canit egregius videlicet & βοην ἀγαθόν Stentor, odijs Grammaticorum & Rhetorum vsq; adeò intentus, vt oblitus sit dialectices. Sed Apostolus non alibi tantum alias adhuc sanctificationis meminit, verum etiam eo ipso in loco, quem aduersarij adducunt, non obscure insinuat, vberiore adhuc sanctificationem nobis necessariam. Sic enim inquit: ἡγιασμένοι ἐσμὲν, διὰ τῆς προσφορᾶς τοῦ σώματος τοῦ ἰησοῦ χριστοῦ ἐφάπαξ: hoc est, sanctificati sumus per oblationem corporis Iesu Christi semel. Subiungit iam ibidem paulò post: μιᾷ προσφορᾷ τετελείωκεν εἰς τὸ διγνεῖν τοὺς ἁγιαζόμενους, id est, vnica oblatione
- Ioan. 20. sancti: Vana sit gratia illa, Quorum remiseritis peccata, remittentur eis. valeat sermo ille, Poenitentia agite, & baptizetur vnusquisq; vestrum in remissionem peccatorum. Sit deniq; falsum illud, Saluos nos fecit per lauacrum regenerationis. An non hæc omnia absurda & palam ἀποσδιόνυσσα, manifestè consequuntur ex huiusmodi argumentatione? Sanctificati, inquit, sumus per oblationem Iesu Christi semel, ergò nulla opus est alia oblatione: nullo, inquam, mystico offerendi modo. An non & nos eandem Apostoli sententiam in misoliturgos illos retorquere poterimus, huc in modum: Sanctificati sumus semel, ergò nulla opus est vberiori sanctificatione? Sic enim colligit noster hic illius magni pseudoprophetae prodromus: Quia obtulit semel Christus, ait, ergò nos non offeramus. Sic, inquam, ad iugis sacrificij abolitionem classicum canit egregius videlicet & βοην ἀγαθόν Stentor, odijs Grammaticorum & Rhetorum vsq; adeò intentus, vt oblitus sit dialectices. Sed Apostolus non alibi tantum alias adhuc sanctificationis meminit, verum etiam eo ipso in loco, quem aduersarij adducunt, non obscure insinuat, vberiore adhuc sanctificationem nobis necessariam. Sic enim inquit: ἡγιασμένοι ἐσμὲν, διὰ τῆς προσφορᾶς τοῦ σώματος τοῦ ἰησοῦ χριστοῦ ἐφάπαξ: hoc est, sanctificati sumus per oblationem corporis Iesu Christi semel. Subiungit iam ibidem paulò post: μιᾷ προσφορᾷ τετελείωκεν εἰς τὸ διγνεῖν τοὺς ἁγιαζόμενους, id est, vnica oblatione
- Acto. 2. tur eis. valeat sermo ille, Poenitentia agite, & baptizetur vnusquisq; vestrum in remissionem peccatorum. Sit deniq; falsum illud, Saluos nos fecit per lauacrum regenerationis. An non hæc omnia absurda & palam ἀποσδιόνυσσα, manifestè consequuntur ex huiusmodi argumentatione? Sanctificati, inquit, sumus per oblationem Iesu Christi semel, ergò nulla opus est alia oblatione: nullo, inquam, mystico offerendi modo. An non & nos eandem Apostoli sententiam in misoliturgos illos retorquere poterimus, huc in modum: Sanctificati sumus semel, ergò nulla opus est vberiori sanctificatione? Sic enim colligit noster hic illius magni pseudoprophetae prodromus: Quia obtulit semel Christus, ait, ergò nos non offeramus. Sic, inquam, ad iugis sacrificij abolitionem classicum canit egregius videlicet & βοην ἀγαθόν Stentor, odijs Grammaticorum & Rhetorum vsq; adeò intentus, vt oblitus sit dialectices. Sed Apostolus non alibi tantum alias adhuc sanctificationis meminit, verum etiam eo ipso in loco, quem aduersarij adducunt, non obscure insinuat, vberiore adhuc sanctificationem nobis necessariam. Sic enim inquit: ἡγιασμένοι ἐσμὲν, διὰ τῆς προσφορᾶς τοῦ σώματος τοῦ ἰησοῦ χριστοῦ ἐφάπαξ: hoc est, sanctificati sumus per oblationem corporis Iesu Christi semel. Subiungit iam ibidem paulò post: μιᾷ προσφορᾷ τετελείωκεν εἰς τὸ διγνεῖν τοὺς ἁγιαζόμενους, id est, vnica oblatione
- Tit. 3. vestrum in remissionem peccatorum. Sit deniq; falsum illud, Saluos nos fecit per lauacrum regenerationis. An non hæc omnia absurda & palam ἀποσδιόνυσσα, manifestè consequuntur ex huiusmodi argumentatione? Sanctificati, inquit, sumus per oblationem Iesu Christi semel, ergò nulla opus est alia oblatione: nullo, inquam, mystico offerendi modo. An non & nos eandem Apostoli sententiam in misoliturgos illos retorquere poterimus, huc in modum: Sanctificati sumus semel, ergò nulla opus est vberiori sanctificatione? Sic enim colligit noster hic illius magni pseudoprophetae prodromus: Quia obtulit semel Christus, ait, ergò nos non offeramus. Sic, inquam, ad iugis sacrificij abolitionem classicum canit egregius videlicet & βοην ἀγαθόν Stentor, odijs Grammaticorum & Rhetorum vsq; adeò intentus, vt oblitus sit dialectices. Sed Apostolus non alibi tantum alias adhuc sanctificationis meminit, verum etiam eo ipso in loco, quem aduersarij adducunt, non obscure insinuat, vberiore adhuc sanctificationem nobis necessariam. Sic enim inquit: ἡγιασμένοι ἐσμὲν, διὰ τῆς προσφορᾶς τοῦ σώματος τοῦ ἰησοῦ χριστοῦ ἐφάπαξ: hoc est, sanctificati sumus per oblationem corporis Iesu Christi semel. Subiungit iam ibidem paulò post: μιᾷ προσφορᾷ τετελείωκεν εἰς τὸ διγνεῖν τοὺς ἁγιαζόμενους, id est, vnica oblatione
1. Cor. 7. stolus non alibi tantum alias adhuc sanctificationis meminit, verum etiam eo ipso in loco, quem aduersarij adducunt, non obscure insinuat, vberiore adhuc sanctificationem nobis necessariam. Sic enim inquit: ἡγιασμένοι ἐσμὲν, διὰ τῆς προσφορᾶς τοῦ σώματος τοῦ ἰησοῦ χριστοῦ ἐφάπαξ: hoc est, sanctificati sumus per oblationem corporis Iesu Christi semel. Subiungit iam ibidem paulò post: μιᾷ προσφορᾷ τετελείωκεν εἰς τὸ διγνεῖν τοὺς ἁγιαζόμενους, id est, vnica oblatione
- Heb. 10. Sic enim inquit: ἡγιασμένοι ἐσμὲν, διὰ τῆς προσφορᾶς τοῦ σώματος τοῦ ἰησοῦ χριστοῦ ἐφάπαξ: hoc est, sanctificati sumus per oblationem corporis Iesu Christi semel. Subiungit iam ibidem paulò post: μιᾷ προσφορᾷ τετελείωκεν εἰς τὸ διγνεῖν τοὺς ἁγιαζόμενους, id est, vnica oblatione

one perfectos effecit eos qui sanctificantur. Sic enim habet textus Græcus (ἁγιαζομένους) eos qui sanctificantur, non (ἡγιασμένους) id est, sanctificatos. Vides hic Apostolum etiā hoc ipso in loco, quē misoliturgi tantoperē vrgent, duplicem sanctificationem non obscure subindicare. Volens enim significare, nos per oblationē corporis Iesu Christi vniuersalem sanctificationem consecutos, ait, ἡγιασμένοι, sanctificat. Rursū, volens eos ipsos quos τῇ μιᾷ προσφορῇ τετελείωκεν, quos vna oblatiōe perfecit, adhuc imperfectē perfectos esse, nec vndiquaq; itā sanctificatos, quasi nulla præterea egent sanctificatione, dixit, τετελείωκεν τοὺς ἁγιαζομένους, perfecit eos qui sanctificantur. Quomodō perfectos reddidit, (τετελείωκεν,) si adhuc sanctificantur? Cur autem sanctificantur, si iam eos perfectos reddidit εἰς τὸ διηνεκὲς in æternum? Si igitur τοῖς ἡγιασμένοις, sanctificatis per oblationem corporis Iesu Christi semel, omēm aliam oblationem excutiunt, propter hanc Pauli sententiam: auferāt etiā semel & simul illis eadem autoritate omnem aliam sanctificationem: Aboleant omnia sacramenta, omnia opera bona, omnia sanctificationis instrumenta. Missam igitur faciamus MISSAM, in qua Ecclesia Catholica ex institutione & mandato Christi iam à mille quingentis & ampliùs annis offert deo patri preciosissimum corpus & sanguinem filij sui, in qua Christus per medios sacerdotes ipse sacrificat & sacrificatur. deturbemus ipsum Christum è cælo, quotidie sese suamq; passionem & meritum suum deo patri offerentem, & interpellantem pro nobis. Quin etiā si hoc genus argumentorū raturū dialecticumq; habebitur, quia orauit pro nobis Christus, nō oremus: quia ieiunauit, non ieiunemus: quia lachrymatus est, non ploremus. Nos verò itā dicimus cum Apostolo, sanctificati sumus per oblatiōem Iesu Christi semel: vt cum eodem dicamus, Emundemus nos ab omni inquinamento carnis & spiritūs, perficientes sanctificationem in timore Dei. Non ignorabat Apostolus 2. Cor. 7. Chri sanguinē nos mūdasse ab omni delicto, & tñ ait, Mundemus nos. Dixerat, vna oblatione Christū consummāsse eos qui sanctificantur: & tamen monet, vt ipsi perficiamus sanctificationem in timore Dei. Christus igitur mundat & perficit, primaria illa & vniuersali sanctificatione: & nos mundamus, perficimus & sanctificamus.

2. Cor. 3.

mus nos, sed ille agit nobiscum ut causa principalis, nos sub illo agimus ut causæ adiuuantes. Dei nanque adiutores sumus. Quam obrem sicut, hortante Apostolo, Christo cōpatimur & cōmorimur, ita etiā ex mandato Christi offerimus, ut oblatiōis eius partē capiamus. Sit misoliturgis istis ociosa, nobis certē actiuosa est religio. Quam si vllam nobis concedunt, si vllam Religionem Ecclesiæ in nouo testamento saluam relinquunt, sacerdotes etiā ut nobis relinquant, coguntur: si sacerdotes, ergo & sacrificium: Nullum autē excellentius, nullum augustius, nullum diuinius habet aut habitura est vnquam Ecclesia Catholica, hoc diuino Missæ sacrificio, quod iam indē ab initio Christianismi iugiter summis laudibus & quotidiana gratiarum actione celebravit, uti nunc tot tamq̃ illustribus veteris ecclesiæ & Patrum testimonijs comprobauimus, & si Deus gratiam concesserit, aliās longē absolutius tractabimus.

Non decreueram hoc loco materiam hanc operosiori labore persequi: attamen quia quemadmodum Antiochus typus Antichristi sacrificia Iudaica sustulit, & quantum in ipso fuit, pessundedit: ita vniuersa sectariorum cohors coniuratis copijs & plenis buccis ad iugis sacrificij Christianorum abrogatiōem per Antichristum perficiendam classicum concinunt, quos inter noster quoq; hic Smidelinus, sicuti Doëg inter Saulis ministros, Dauidis persecutores, conspicitur, agē vnum adhuc aut alterum incursum in istam Philistæorum aciem faciamus.

Im Gegen-
bericht von
der Mess
pag. 18.

Ait alibi Smidelinus, offerre tantundem significare, ac sacrum opus facere: eoq; S. Patres cœnam Dominicam (ein opffer) oblationē vel sacrificium vocasse, quippē quod ibi res pia, sacra & sancta peragatur. Videamus nunc, quas insidias, quos dolos, q̃ proditorias artes noster Doëg aduersus iuge & sacrosanctum Missæ sacrificium sub hac interpretatione molitur.

Cum Sinon vniuersum Priami regnum & urbem populumque Troianum Græcis Græca fide prodere institueret, à vera Palamedis historia suas insidias artesq; Pelasgas auspicabatur. Sic noster Misoliturgus veram generalis oblationis descriptionem qualitercunq; producit, ut specificam & strictiorem oblationis & sacrificij acceptionem, lectori minimē attento aut perito subducatur. Definiturus

turus igitur Misoliturus genericam oblationem, idem penè dicit cum Magno illo Gregorio, etymologicam sacrificij descriptionē sic adferente: Sacrificium, inquit, est quasi sacrum factum.

Porro vt exactam propriamq; sacrificij naturam ac definitionē colligamus, aduertendum est, duobus modis verba tam in scripturis, quàm apud sacros authores vsurpari, propriè nimirum & translātè. Nos igitur quoniam cum misolituris dissertationem institimus, & in vera propriaq; sacrificij natura inuestigāda laboramus, non quid verba μεταφορικῶς & per tropum, sed multò magis quid propriè sonent, attendemus. Enimuerò misericordiæ & reliqua pietatis opera, translātè potius quàm propriè sacrificia dici, ex vnico Osee 6. testimonio liquidissimum euadit. Misericordiam, inquit, volo, & non sacrificium. Quo loco misericordia euidentè à sacrificio distinguitur. Deindè si sacrificij vox eleemosynas & dona pauperibus collata propriè cōtineret, nullo modo Propheta diceret: Sacrificium & oblationem nolui. Quòd autem Apostolus ea munera quæ pauperibus tribuuntur, hostias appellat, hanc rationē habet: videlicet hostias credebatur populus maximè placere Deo, spirareq; illi odorem iucundissimum. Vsq; eò autem hæc persuasio Gen. 8. etiā fidelium animos occupauerat, vt præ sacrificijs opera inter Exod. 29. dū pietatis charitatisq; negligenter. Cuius rei minimè ignari Leu. 1. & 3. Apostoli, cupientes rudem plebem ad veram germanamq; pietatē Num. 28. reducere, misericordiæ & charitatis opera hostias appellabant, non falsò id quidem, sed verbis per tropum & figuram non nihil immutatis. Sic Paulus hostiam acceptam dixit in odorem suauitatis. Sic Phil. 4. Iacobus religionem mundam & immaculatam esse visitare pupillos & viduas in tribulatione: Et, Talibus hostijs promeretur Deus. Iac. 1. Heb. 13.

Iam & illud ad sternendam intelligendæ sacrificij naturæ viam, considerandum venit, misoliturum nostrum Goppingensem, vel ex astu, vel ex imperitia non satis elucidare, quid hac sua generica oblationis descriptione, describendum delineandūve suscipiat, vtrum ipsum sacrificium ecclesiæ (quod eo loci contra Reuerend. D. Georgium Lautherium oppugnat) an verò oblationem quamcunq; religiosam, an primitias, decimas & similia dona, an sacramentorum administratiōem, an deniq; quemlibet pium religiosumq; actum

1. Par. ult.

Heb. 5.
& 10.

Heb. 5. & 8.

actum. Nam omnibus hisce descriptio Smideliniana conuenit: tātus nimirum euasit artifex, ut omni pedi eundem didicerit applicare calceum. Quis autem non videt, quā hęc omnia inter sese discrepēt, etsi vniuersa latis illis actūs sacri siue religiosi terminis rectē contineantur? Sacrificij enim oblatio immediatē fit soli Deo, ut rectē inquit Augustinus (In lib. de ciuit. Dei.) Decimæ verò nō offeruntur Deo immediatē, sed ministris & dispensatoribus eius sustentandis. Primitiæ sunt, oblatio de præcipuis fructibus cū quadā professione, quod à Deo percepti sint, iuxta illud: Quæ de manu tua percepimus, dedimus tibi. Eleemosynæ pauperibus dantur, & dandæ sunt propter Deum. Deinde sacramentorum administracionem, certum est, actum esse sacrum & religiosum: & tamē ridiculum fuerit dicere, septem sunt ecclesiæ sacramenta, ergo & septem sacrificia. Nō itaq; offerre, seu sacrificare nihil aliud est, quā opus sacrum peragere, eoq; in lege veteri aliæ fuerunt leges de sacrificijs, aliæ de reliquis sacris ritibus, ac longē latiùs patet actus operis religiosi, quā vel sacrificium, vel oblatio. Et rursus, latiùs multo sese extēdit oblatio, quā sacrificium: oblatio enim genericē sumpta, comprahendit dona, primitias, decimas, eleemosynas & similia: Specificē verò accepta, eam oblationem designat, in qua hostia Deo offertur: hostia (inquam) propriē, non trāslatē, accepta. Quod ex Græcis vocabulis manifestiùs elucescet: *θυσία* enim & *προσφορά*, vtraq; ab interprete Latino vocantur oblatio: At quis, Græcanicæ literaturæ vel ipsum duntaxat limen ingressus, non videt, quā longē alia sit vis & significatio τῆς *θυσίας*, quā τῆς *προσφορᾶς*. Iam & munera donaq; fidelium oblationis nomine veniunt, atq; hac generica oblatione noster misoliturgus cum suis symmystis, eripere nobis contendit τὴν *θυσίαν ἀναίμακτον*, hostiam illam incruentam, quam iam indē ab exordio Christianismi Ecclesia per totū mundū offert Deo. Ait enim Smidelinus, Oblationis vocabulū ad capos, caseos, anseres & similia fidelium munera referri debere. Quod etsi ex parte verum sit, non tamen euincet aduersarius, nullam aliā oblationem, nullum aliud sacrificium, propriē & non trāslatē sumptum, in Ecclesia hactenū rectē vsurpatum esse. Quod vel ex illo

&

& hostias constituitur, δῶρα τε καὶ θυσίας. Offeruntur igitur Deo nō solum δῶρα dona, verum etiā θυσία hostia. Quantum autem hæc inter se discrepent, luculenter in hunc locum declarat Theophylactus (in cap. 8. ad Heb.) Inter donum & hostiam θυσίαν, si accuratè interpretemur, id interest, quod hostia quidem in cruore offertur & carnibus, dona verò ex fructibus constant, & eiusmodi cæteris quæ incruenta sint. Confundi tamen nonnūquam hæc duo, author est ibidem Theophylactus. Apud sacra scripta, inquit, indifferenter quandoq; posita reperiuntur, ut illud: Respexit Deus ad Gen. 4. Abel & munera eius: tamen si constet, ex ouium illa primogenitis extitisse: Ad Cain autem & munera eius nihil attendit, cum ea ex terræ fructibus constitissent. Hæc Theophylactus. Chrysostomus in eūdem locum inter cætera sic ait: Oblatio autem erat, quicquid extra sacrificium erat. Sacrificium igitur, dona, & oblationes, diuersa sunt. Diuersitatis ratio ut clariùs elucescat, ad originem siue etymologiam τῆς θυσίας redibimus. Cælius Rhodoginus de hac voce sic scribit: Thyſiam, inquit, putat Porphyrius dici propriè, q̄ lib. 12. cap. 1. ex herbis fiat dijs, litationem: siquidem initio rerum, quæ cælestibus oblata sint sacra, non myrrhas ait fuisse, non casias, nō itē corymbum, sed herbam virentem, veluti terrenæ potentie progerminantis primitias quasdam, manibus offerebant. Quippè arbores ante animalia fuisse à terra productas, herbas verò etiānum ante arbores ipsas: igitur ex herbis integras quasdam sumentes, cum folijs & radicibus & fructu simul concremabant: eaq; exhalatiōe, ac fumo dijs litabant. quamobrem ab ea, quam facerent, exhalatione, quam thymiasin Græci dicunt, thyſia quoq; deflexa est. Hæc ibi Cælius ex Porphyrio. Itaq; thyſia non est quælibet oblatio, sed ea propriè hostia, ad quam sacrificandam plerunq; solet incensum siue ignis adhiberi, uti in veteri testamento fuit vſitatissimum. Theophylactus quidem (si ad exemplar quo ego, dūm hæc scriberē, vſus sum, respiciam) non meminit eo loci ignis: verum alio exemplari videtur vſus Melchior (In loc. Theolog. lib. 12. cap. 13.) Canus, qui superiora verba ex Theophylacto adducta, sic legit: Doni & victimæ exacta ratione quidem est discrimen: θυσίαι enim (hoc est, sacrificia) sunt per sanguinem & carnem oblationes, vel certè omnia quæ

A A A

per

per ignem sacrificantur: Dona autem sunt, ut fructus, & quaecunq; alia exanguia, & igni carentia &c. Græcum porro exemplar, ut confulerem, non fuit ad manum. Euicimus igitur nunc, thysian à muneribus & oblatione longè diuersam esse, & quidē talem, quæ maximè propria exactissimaq; ratioe sacrificium propriè sumptū designet, talemq; semper habitam thysian, quæ soli Deo immediatè offeratur. vnde θεόθυτα etiā dicta sunt: aut idolis, tāquā dijs, vnde idolothyta apud Apostolum, ἀπὸ τοῦ θέν, à sacrificando. Hæc tam sunt manifesta, ut Misothytes noster quod opponat, nihil habere queat.

2.2.q. 85.
art. 3.

Nunc videamus quid de oblationis & sacrificij differentia argutissimè verissimeq; scribit D. Thomas Aquinas, quem homo contumeliolissimus Smidelinus per cōtemptum appellat Thomam *von der wasserschwallen*.

Tapp. art.
de sac. Missæ
Canus ubi
sup.

Dicit sanctus Doctor in eo sitam esse rationem sacrificij, si circa rem Deo oblatam quicquam fieret, quo res ipsa sacra quodammodo conficeretur. Nam si integram & illæsam sacerdos offerret, donum dici & munus, non item sacrificium, id quod in Græca voce *θυοία* explicatiùs cernitur, uti nūc diximus. D. Thomæ, pter ipsam rei & Græcanicæ vocis euidentiam, ad stipulatur inter ceteros DD. Ruardus Tapper & Melchior Canus.

Ex his iam denuò euincitur, in quanta caligine Smidelinus & ipsemet versetur, & lectorem detineat, dum ex qualicunq; oblationis siue sacrificij (nam neq; hæc, licet diuersissima, distinguit) ad umbratione, progredi conatur ad sublimem abstrusamq; sacrificij altaris seu Missæ tractationem. Quomodo verò ex tam tetra caligine vllam solidæ veritatis lucem producere, ex tam denso errorum & inscitie fumo dare flammam poterit? Non fumum ex fulgore, sed ex fumo dare lucem (conuenit,) ut ait Flaccus: hic ex teterri- ma caligine, nil nisi crassissimos errorū & blasphemie fumos simplicibus profert, uti hætenus demonstraui- mus, & latiùs demonstrabitur, si quandò hanc materiam absolutiùs operosiusq; tractare licebit.

Vt igitur ad scopum nunc hæc deducatur dissertatio, patet ne- tiquā esse idoneam & exactam sacrificij definitionem, qua dic- tur

tur esse actus operis religiosi. Sacrificium enim, lex, altare, sacerdos & hostia ita inter se connexa sunt, ut legitima ratione separari non possint. In omni autem religiosa caeremonia aut actu sacro, velle altare, hostiam, sacerdotem & legem fingere, ridiculum est. Habemus autem in lege noua altare, sacerdotes & hostiam, eaque omnia non per tropum & translate accepta, sed proprie & quidem propriissime sumpta. Apostolus Corinthijs demonstraturus, ecclesiae ministris & pro ministerio suo sustentationem idoneam deberi, subiungit post multa: Nescitis quoniam qui in sacrario operantur, quae de sacrario sunt, edunt? & qui altari deseruiunt, cum altari participant? &c. Habemus praeterea sacerdotem magnum Christum Dominum, qui seipsum in hostiam dedit, quiq; ipse semel cruento modo in cruce Deo patri pro redemptione totius mundi obtulit. Idem quoniam est & manet sacerdos in aeternum, secundum ordinem Melchisedech, nunc quoq; per seipsum in caelis, & in ecclesia militante per sacerdotes noui testamenti sacrificat & sacrificatur. Quod quoniam supra luculenter satis & copiose declarauimus, nolumus hic in probando hoc sacerdotio & sacrificio coenae Dominicae esse prolixiores. Tamen si vel solo altari concesso, necessario consequatur sacerdotium & sacrificium, cum haec omnia inter se connexa sint. Porro si forte respondeat aduersarius, concedere quidem se, esse aliquod verum ac proprium noui testamenti sacrificium, nullum tamen esse praeter sacrificium a Christo in ara crucis peractum, cum hoc equidem non admodum contenderim, si vicissim concedat, idem crucis sacrificium ex mandato & institutione Christi (vbi supra docuimus) ita sub speciebus panis & vini secundum ordinem Melchisedech in ecclesia Catholica commemorari, ut ipsa incruenta sacrificij cruenti commemoratio, proprium Christiani sacrificij nomen & vim obtineat. Nam si cruentus ille sacrificij crucis modus solus meretur propriam sacrificij Christiani appellationem, quorsum Apostolus Paulus meminit altaris? Frustra autem dixisset, nonne qui altario seruiunt, de altari participant? nisi dispensatores & ministri atq; adeo sacerdotes essent certi in nouo testamento, qui altari deseruiant. Qua autem ratione altario seruirent sine sacrificio? cum altare & sacrificium mutuo inter sese

1. Cor. 9.

1. Cor. 9.

A A A 2

refe-

1. Cor. 9.

Im gegenbe-
richt pa. 18.
Rom. 12.
Psal. 50.
Osee 14.
Heb. 13.

referantur, & sicuti non potest esse sine filio pater, sic altaris natura & proprietas subsistere non potest sine sacrificio & sacerdote. Sicut igitur Apostolus præter crucis aram, in qua Christus DEO patri corpus suum cruento modo immolauit, aliud adhuc altare commemorat, cui sacerdotes noui testamenti deseruiunt, ita necessarium consequitur alium adhuc esse, eundemque; verum in nouo testamento sacrificandi siue offerendi modum, etiam si doceamus unum idemque; esse sacrificium. Et sicuti Apostolus altare eo loci non μεταφορικῶς, sed proprie accipit: ita consequitur, huic proprio veroque; altari, proprium verumque; sacrificium correspondere. Porro si metaphoram siue translationem admittamus, non diffitemur cum ipso Smidellino, alia multa sacrificiorum genera posse accenseri, sicuti ipsemet aduersarius enumerat: Cuiusmodi sunt corpora nostra, quando ea iuxta Apostolum exhibemus hostiam viuam. Præterea sacrificium spiritus contribulati, & apud Oseam, Reddemus vitulos labiorum nostrorum. Et rursus apud Apostolum, Beneficentiæ & communionis nolite obliuisci: talibus enim hostijs promeretur Deus. Sed nemo tam est rudis, quin vel statim conspiciat in huiusmodi manifestam translationem. Quia enim per sacrificia illa legis externæ quædam spirituales potiores præsignabantur, ea propter illas ipsas res holocausta, sacrificia, hostias appellant sacræ literæ. Nam uti mactationes brutorum animantium figuræ erant mortificationis carnalium & irrationalium affectuum, qui regnant in corpore: ita carnis mortificatio huiusmodi mactatione præfigurata, hostia non ineptè dicitur, non quidè propria, sed figurata dictione. Cum igitur hæ non proprie sint hostiæ, sed translata, sacerdotium quoque; non proprium, sed translatum & improprium erit: translato verò sacerdotio legis, & religionis quoque; translatio consequetur. Quocirca qui tantoperè in eo desudant, ut verum & proprie sumptum sacrificium Ecclesiæ Catholicæ eripiant, & sola metaphorica translataque; sacrificia concedant, hi nihil aliud moluntur, quam ut cum vero sacrificio veram hostiam, cum hostia altare, cum altari sacerdotium, cum sacerdotio legem & religionem vniuersam aliò transferant, aboleant, extirpent, & tandem nescio quos pro legitimis sacerdotibus coquos, factores & lanios, pro altari mensas, pro hostia capos,

capos, caecos & anseres (vt vult Smidelinus) substituunt, taleq; habeamus sacerdotium, quale in diebus Ieroboam, qui de nouissimis populis fecit sacerdotes excelsorum. Quid enim pro Deum & hominum fidem, aliud machinatur nostri huius deploratissimi temporis Misoliturgi? Quid aliud hactenus in ijs, in quibus pro libidine omnia sursum deorsumq; iactitare permittuntur locis, aliud effecerunt? Quid aliud contendit tota sectariorum synagoga? Quid aliud molitur Calvinus, dum inter cetera quibus blasphemis contumelijs sacrificium altaris cum vniuersa Ecclesia & sacerdotibus petulantissima libidine subannat, sic declamitat: Mensam nobis dedit Christus, in qua epulemur, non altare, super quod offeratur victima: Non sacerdotes consecrauit qui immolent, sed ministros, qui sacrum epulum distribuant? &c. Quod quam verè, immò quam prophanè (nè quid acerbius dicam) asserat ille versutiarum infernaliū callidissimus contextor, ex ijs quæ hucusquè diximus, colliquescit. Quantum verò iniquitatis mysterium hæc doctrina alibi operetur, alijs expendendum commemorandumq; relinquo. Apud nos quid in Baronatu quodam superiori anno contigerit, per totā Cliuiam in triuijs etiā & cōpitis est decantatissimum. Parochus quidam notæ infamiae & seditionis, abrogatæ Missæ picturis & statuis explosis, cœnam Dominicā (vt eam appellitabat) nouo quodam & plusquā Euāgelico ritu surrogauerat, & iam sequenti cōcione plerosq; pagi incolas in suum errorem protraxerat. Factum autem est, vt nonnulli ex ipsis cœnantibus, non tantum non ieiunari aut etiā sobrijs, sed prorsus velut iam benè cœnati, & ad ebrietatem vsq; suffarti, ad mensam (quam Dominicam reputabant) accederet, atq; adeò retro ipsum altare, vt publicitus dicitur, vixdum iam sumpta sacra buccella & calice, epulas vniuersas cum tota illuue turpissimè refunderent: alij paulò temperantiores, ante accessum ad cœnam Euangelicā, post regressum, in ipsius Parochi edibitā Baccho sacrificabant, vt neq; pes, neq; caput suum rectè obiret officium. Videlicet vt iam locum habeat in Christianorū sacris illud, quod alicubi de gentiliū sacrificijs ipse paganus narrat Aristoteles, Græcos nimirum eam persuasionem habuisse, vt fas esse crederent, largioribus epulis & poculis sese rei diuinæ (quam in sa-

3. Reg. 13.

Caluinus in
Instit. ca. 18.
de cœna
Domini.Cœlius ex
Arist. lib. 12.
lect. antiq.
cap. 2.

crificijs peragebant) causa inuitare. Vndè & μεθύειν, hoc est, inebriari, deriuatum existimat, eò quòd μετὰ τὸ θῆεν, id est, post sacrificiũ μεθύειν, hoc est, ebrii fierent. Eiusmodi temulentos epulones hæc Luterocaluiniana cœna nobis peperit. Porro Illustriss. Cluiæ, Iulij &c. Princeps, Parochum illum huiusmodi cœnæ conuiuatore p-
fligauit, profligato cùm propemodùm peiorem successisse cognosceret, compræhensum illũ in exquisitos abstrusissimosq; Cygnæ turris carceres præcipitauit. Ex ijs igitur quæ hætenus diximus, patet, quo pacto voces, offerre & oblatio, accipiantur, duobus videlicet modis, genericè & specificè: Itẽ sacrificiũ in scripturis, tũ etiã apud Patres bifariã sumi, propriè & trãllatè, esseq; in ecclesia Catholica non solum sacrificia per translationem & metaphoram accepta, sed insupèr proprium quoq; & verum sacrificium. Patet præterea ex huius, proprii veri; sacrificij descriptione hætenus tractata, Smidelinum nimis generalem latamq; sacrificij definitiõem protulisse, quippè quæ quibuscumque pijs & religiosis operibus conueniat, putà eleemosynis, decimis, primitijs, orationibus &c. Sed nec Paulum Apostolum, nec Patres orthodoxos oblationis vocem ad sola piorum munera, capos, caseos, anseres retulisse, vt vult Misoliturgus, cùm Apostolus munera ab hostijs siue sacrificijs (nam sacrificium & pro ipsa actione sacrificij, & pro re quæ immolatur, rectè sumitur) manifestè distinguat, Omnis pontifex &c. constituitur, vt offerat doua & sacrificia pro peccatis.

Ad Heb. 10.

Heb. 5.

Nunc superest, vt quoniam toto hoc capite varijs modis demonstrauimus Christum in vltima cœna nouam Noui testamenti oblationem Apostolos docuisse, vt loquitur D. Irenæus, hancq; oblationem (quod vocabulum nunc specificè pro vero proprioq; sacrificio accipimus) in pane & vino, quæ vtraq; in verum viuificumq; corpus & sanguinem Domini inscrutabili & planè stupendo, diuinissimoq; modo transsubstantiantur, consistere, eandemq; ex præcedenti typo sacrificij Melchisedech, & exemplo Christi in vltima cœna Apostolis dato, tot iam seculis in ecclesia catholica ritè & ex Christi mandato peragi: his, inquam, nunc demonstratis, superest, vt eandem hanc nouam oblationem doceamus esse non eucharisticam, aut etiã commemoratiuam tantum, verum etiã propriũ, verum

verum & propitiatorium sacrificiū, si prius illud monuerimus, (vt nihil indiscussum in fuligine Smideliniana relinquamus) duo ista loca quæ Misoliturus iam ex ordine aduersus D. Georgium Lautherium ex Irenæo & Cypriano citat, vt propriam & propitiatoriā sacrificij altaris naturam obscuret, de generica oblationis & sacrificij significatiōe manifestissimè ab ipsis patribus esse accepta. Offerebant enim fideles in ipsa diuinissimi sacrificij actione etiā panem & vinum, & id genus donaria, ad ministrorū Ecclesię & pauperum sustentationem. Huiusmodi sacrificia, huiusmodi dona & munera non sanctificant hominem, vt inquit Irenæus, sed conscientia offerentis, pura existens, ea sanctificat. Nam quēadmodum Dauid de oratione dicit, Iniquitatem si adspexi in corde meo, nō exaudiet Dominus: ita de eleemosynis & oblationibus rectè dicitur, talibus nos hostijs demereri Deum, si ex pura conscientia proueniant. De huiusmodi igitur sacrificijs & oblationibus ibi loquitur Irenæus, eoq; exemplum de vidua mittēte in gazophylacium duo minuta, eodem in capite paulò superiùs adducit.

Im Gegen-
bericht von
der Mch
pag 19.

li. 4. cap. 34.

Psal. 65.

Mar. II.

Cypriani quoq; locus ex sermone de eleemosyna desumptus, tam manifestè de iisdem oblationibus de quibus iam diximus, loquitur, vt nec aduersarius quidem ipse inficietur.

Iam quod paulò pōst Concilij Matisconensis 1. Canonem 4. adfert, volens ex eo docere, viros paritèr & fœminas in ecclesia primitiua obtulisse panem & vinum, id verum est eo sensu, quo iam diximus ex Irenæo, nimirum fideles tunc consueuisse non panem & vinum duntaxat, sed alia quoq; munera sub ipsum sacrificiū Altaris, & Eucharistię communicatiōem in vsum pauperum & ecclesię ministrorum, offerre, inter quę munera Smidelinus capos, caseos, & anseres recenset. Exemplum huius oblationis etiam nūm in quibusdam locis conspicitur, vbi legumina, frumenta, & id genus donaria populus, quilibet pro sua conditione, in ipsum altare offerre solet, maximè in solēnibus festis, quod in Gallia Belgica vsitatum esse conspeximus.

im gegenbe-
richt pa. 21.

Porro an verè hinc inferat Smidelinus, (vti conatur) viri & mulieres in ecclesia primitiua panem & vinum offerre consueuerunt, ergò malè faciunt Catholici, q̃ vni alicui sacrificio in obscuro an-

gu-

gulo ad altare consistenti, tribuant offerendi siue sacrificandi facultatem, ex ijs quæ suprâ diximus colliquefcit, qñ offerēdi vocem bifariâ sumi genericè & specificè demonstrauimus. Nam si offerendi vox ad sola dūtaxat fidelium munera spectat, quid dicet aduersarius ad illud Tertulliani de velandis virginibus: Non permittitur mulieri in ecclesia loqui, sed nec docere, nec tingere, nec offerre, nec vllius virilis muneris, nedum sacerdotalis officij, sortem sibi vindicare? Item ad illud D. Ignatij, Non licet sinē episcopo offerre &c? Viri igitur & mulieres ad munera, elemosynarum, decimarū & id genus oblatiōes faciendas, indistinctè semp̄r admissi sunt in Ecclesia: ad sacrificij verò altaris oblationem propriè sumptam, nequaquàm: hoc enim ne viris quidē omnibus, sed solis dūtaxat sacerdotibus, semp̄r concessum fuit in Ecclesia Catholica.

Nunc igitur his errorum fumis discussis, doceamus, per sacerdotes Noui testamenti verum propitiatoriumq; sacrificium Deo Patri offerri in sancto Missæ sacrificio. Ad cuius rei fidem, tametsi vna Ecclesiæ authoritas satis esset homini pacifico, nihilo seciūs pauca ex plurimis proferamus.

Heb. 5.

In enchiri.
cap. 110.

Omnis sacerdos, vt ad Hebræos tradit Apostolus, constituitur, vt offerat dona & sacrificia pro peccatis: aut ergò nullus nobis est sacerdos, aut sacrificium habemus propitiatorium.

D. Augustinus, cui vni ex tota antiquitate plurimū tribuunt aduersarij, sic ait: Cū sacrificia siue altaris, siue quarumcūq; elemosynarum pro baptizatis defunctis omnibus offeruntur, pro valdè bonis gratiarum actiones sunt: pro non valdè malis, propitiatiōes sunt: pro valdè malis, etsi nulla sunt adiumenta mortuorum, qualescūq; sunt viuorum consolatiōes. Nec est quod hoc Augustini dictum tanquàm subreptitium repudietur à Misoliturgo, cū ipse D. Augustinus eam ipsam sententiam integram ad Dulcitium quæstione 2. ijs ipsis verbis recitet.

Rursus sermone 32. de verbis Apostoli: Oratiōibus, inquit, sanctæ ecclesiæ & sacrificio salutari & elemosynis, quæ pro eorū spiritibus erogantur, non est dubitandum mortuos adiuuari, vt cum eis misericordiūs agatur à Domino, quàm eorum peccata meruerunt. Vndè hoc habes Augustine? Hoc enim à patribus traditū, in-

um

quit, vniuersa obseruat Ecclesia, vt pro eis qui in corporis & sanguinis CHRISTI communione defuncti sunt, cum ad ipsum sacrificium loco suo commemorantur, oretur, ac pro illis quoq; id offerri commemoretur. Cum verò eorum commemorandorum causa opera misericordiæ celebrantur, quis eis dubitet suffragari, pro quibus orationes Deo non inaniter allegantur? Non omninò ambigendum est ista prodesse defunctis, sed talibus, qui ita vixerunt ante mortem, vt possint eis hæc vtilia esse post mortē. Atq; hoc est quod de pietissima matre sua Monica refert, eā cum in extremis esset, ad filium Augustinū dixisse: Rogo vos, vt ad Dñi altare memineritis meī. Non minùs euidentè loquitur inuictus Christi martyr D. Alexander: Crimina, inquit, atque peccata oblati his Domino sacrificijs delentur. Rursùs: Talibus sacrificijs placatur Dominus, & peccata dimittet ingentia.

Sed quid his luce clarioribus testimonijs apud hominem p̄fractum & suo ipsius iudicio (vt Apostolus inquit) condemnatū effecerimus, qui ea quæ Bredenbachius in suo de componen. dissidijs libello, de hoc propitiatorio sacrificio solidissimè luculētissimeq; docuit ex vetustissimis ecclesiæ Catholicæ Patribus, Dionysio, Ignatio, Clemēte, Cypriano, Tertulliano, Chrysostomo & relijs, Pythagorico silentio, immò hæretica fraude, & conniuētibus oculis transilit? Verat Cyprianus epist. 9. lib. 1. nē quis frater excedens, ad tutelam clericum nominaret: ac si quis hoc fecisset, non offerretur pro eo, nec sacrificiū pro dormitiōe eius celebraretur. Neq; enim ad altare meretur nominari in sacerdotum prece, inquit, qui ab altari sacerdotes & ministros siue Leuitas auocare voluit: inhibetq; ibidē Cyprianus clero Furnensi, nē pro dormitiōe Victoris fiat oblatio.

D. Chrysostomi quoq; testimonium similiter à Bredenbachio adductum, euidentissimis verbis sic habet: Non frustrà ab Apostolis sancitum est, vt in celebratione venerandorum mysteriorū memoria fiat eorum, qui hinc discesserunt. Nouerunt illis multū hinc emolumenti fieri, multum vtilitatis: stante siquidem vniuerso populo, manus in cælos extendente, cœtu item sacerdotali, vrendoq; posito sacrificio, quomodò Deum non placaremus, pro istis

B B B

oran-

I. cor. 5.

orantes? Hæc omnia Smidelinus arte veteratoria prorsus dissimulat, magis ad ea mutus quàm piscis. Adde quòd Epiphanius Aëriū hæreticum, Paschæ celebrationem simul & orationes pro defunctis inter cætera oppugnantem, operoso tractatu, eoq; Traditionis autoritate potissimùm subnixo, grauissimè cōsutat. Quid est Pascha, inquiebat Aërius, quod apud vos p̄ficitur? Iudaicis fabulis rursus addicti estis. Non enim oportet, inquit, Pascha peragere. Pascha enim nostrum immolatus est Christus. Deindè, qua ratione, inquiebat, post mortem nominatis nomina mortuorum? Subiungitq; mox Epiphanius eandem Aërij calumniam, quam & hodiè contra preces pro defunctis proclamitare solent aduersarij: Si om̄inò preces eorū qui hīc sunt, dicebat ille, profunt illis qui istic sunt, igitur nemo sit pius, neq; boni quicquam faciat, sed acquirat amicos, per quem vult modum, aut per pecunias persuadens, aut amicis id in obitu demandans, & orent pro ipso, vt nè quid illic patiat, neq; immedicabilia peccata ab ipso perpetrata requirantur. Criminatur deindè eodem in loco Aërius statos ieiuniorum dies: quod ipsum & nostris hæreticis est solenne. Non est igitur quòd gloriatur Smidelinus cum suis gregalibus, se veteris Ecclesiæ doctrinam hætenus collapsam instaurare, cum hoc alia ratione verum nō sit, nisi Ecclesiam intelligat malignantium, cuiusmodi sunt hæreticorum conciliabula, quorum paradoxa iam olim ante annos mille ducentos publico ecclesiæ Catholicæ decreto damnata sunt, & nūc per Misoliturgos & Sacramentarios ab inferis reuocata. Vt enim vetus est, nec nupèr primū nata hæreticorum malitia, sic & veterem malignantium Ecclesiam non inscitè quispiam dixerit.

Propitiatorium igitur esse altaris sacrificium, vniuersa sempèr agnouit antiquitas, vnanimis Patrum consensus asseruit, tota perpetuò credidit ecclesia Catholica, quæ Aëriū viuis paritèr & mortuis bella mouentem respuit, Misoliturgos, Petrobrussianos, Vicleffistas, Luteranos, Calvinistas, Buceraistros, Anabaptistas, Zuinglianos, & id genus homines, ad iugis sacrificij abolitionē per Antichristum excitandam prodromos, nunquàm agnouit.

Nec concedimus, quod Misoliturgus noster inquit, Augustinū & Chrysostomum expressè declarare, cur sacram cœnam appellēt sacri-

Im Gegen
bericht von
der Mes
pag 19.

sacrificium, nimirum quia memoria sit & gratiarum actio pro sacrificio Christi semel in cruce peracto: non, inquam, concedimus rectè hinc colligere Misoliturium, sanctos patres his verbis negasse Eucharistiæ sacrificium, virtutem quoque & energiam habere sacrificij propitiatorij. Quemadmodum enim non rectè collegit Caluinus, Eucharistiam idèò à Patribus vocari sacrificium, quoniam exemplar & imago sit illius sacrificij Crucis: ita nec Smidelinus vim & veritatem sacrificij propitiatorij adimet cœnæ Dominicæ, eò quod exemplar dicatur & imaginaria commemoratio Dominici sacrificij in cruce peracti. Errorem hunc iam olim ante annos circiter trecentos grauiter confutauit Innocentius III. in C. cum Marthæ, de celebrat. Missarum. Præterea cum nostra sacra eucharistiæ participatio, sit commemoratio cœnæ Dominicæ, cur non cum sacramentarijs & Caluino conatur eodem argumento etiã veram corporis & sanguinis dominici in mystica cœna perceptionem nobis eripere, quoniam cœnæ Dominicæ commemorationem in ea peragimus? Non videt homo suo iudicio lynceus, hoc gladio quem in Missæ sacrificium stringit, ipsum Christi Domini corpus & sanguinem confodi, pessundari, & à sacra cœnæ Dominicæ commemoratione, quam ipsius mandato facimus, prorsus penitusque submoueri. Deinde, si eucharistia idcirco proprium sacrificij nomen non meretur, quia exemplar duntaxat & representatiua commemoratio est sacrificij in cruce peracti, multò minùs veteris legis sacrificia propriè & verè fuerunt sacrificia, quæ non exemplar (vt Chrysostomus à Smidelino citatus loquitur) aut commemoratio, sed umbra duntaxat & typus erant illius hostiæ, quam Christus moriens immolauit. Atqui illa quantunlibet typica sacrificia, vera tamen & propria sacrificia fuerunt. Ego sanè cum orthodoxis ita iudico, Eucharistiã nostram exemplar sacrificij Christi esse non posse, nisi ipsa quoque esset sacrificium. Quemadmodum enim cœna nostra, non esset vera cœnæ Dominicæ commemoratio, imagoque illius & exemplar, nisi verè manducaremus: sic nec Eucharistia nostra sacrificij Christi vera esset absolutaque commemoratio, verumque exemplar, nisi verè sacrificaremus. Præterea illud ex hoc Misoliturgo quærimus, an non Patres orthodoxi vno consensu passim testentur offerre sa-

Calu. in Inst.
tit. cap. 18.

Lib. 20. cap.
18. cōtra
Faustum.

Lib. 17. de
Ciuit. Dei
cap. 20.

cerdotes noui testamenti in hoc mysterio corpus & sanguinem Christi? An verò quia D. Augustinus dicit in sacrificio panis & vini fieri commemorationem & gratiarum actionem pro sacrificio in cruce peracto, & Chrysostomus exemplar esse istius sacrificij: an (inquam) idcirco negant corpus & sanguinem Christi horrendo stupendoq; potius, quàm scrutando mysterio, offerri in diuinissimo altaris sacrificio? Quid igitur, quòd D. Augustinus alibi, expressissimis verbis dicit: Vnde iam Christiani peracti eiusdem sacrificij memoriam celebrant sacrosancta oblatione & participatione corporis & sanguinis Christi? Et Chrysostomus tum alijs penè infinitis in locis, tum in libris de sacerdotio: Cùm (sacerdos) ille, inquit, spiritum sanctum inuocauerit, sacrificiumque illud horrore ac reuerentia plenissimum perfecerit, communi omnium Domino manibus assidue pertractato, quæro ex te, quorum illum in ordine collocabimus? quãtam verò ab eo integritatem exigemus? quantam religionem? Considera enim, quales manus illas administrantes esse oporteat, qualem linguã, quæ verba illa effundat? Deniq; qua anima non puriorem sanctioremve esse conueniat animam, quæ tantum illum, tamq; dignum spiritum receperit? Per id tempus & angeli sacerdoti assident, & cælestium potestati vniuersus ordo clamores excitat, & locus altari vicinus, in illius honorẽ qui immolatur, angelorũ choris est plenus. Id quod credere abundè licet vel ex tanto illo sacrificio, quod tum peragitur &c. refertq; ibidẽ Chrysostomus de stupẽdis angelorum visiõibus, sub huius tremendi sacrificij immolationem duobus quibusdam diuinitus exhibitis. Et rursus diuus Augustinus, de sacrificio corporis & sanguinis Domini in Eucharistia differens: Pro omnibus, inquit, veteris testamenti sacrificijs & oblationibus corpus Christi offertur, & participantibus ministratur. De hoc tam mirifico tremendoq; sacrificio D. Gregorius Nazianzenus admirabundus exclamat: O sacrificia mittentes incruenta sacerdotes, o animarũ gloriosi custodes, o magni figmentum Dei in manibus vestris ferentes.

Agnoscent igitur sancti patres & verum in ecclesia corporis & sanguinis Christi sacrificium, & verissimum quoq; exemplar, verã figuram & imaginem (nam his quoquẽ nomenclaturis Ambrosius &

& nonnulli alij vtuntur) istius cruenti sacrificij, alterum in externa forma & figura, alterum in re quæ inclusa atq; abdita latet in mysterio. Dicitur figura, exemplar & imago, quoniam hostiæ cruentæ imago est incruenta. Dicitur quoq; verum corporis Christi sacrificium, quoniam dum peragitur, virtus & efficacia sacrificij cruenti per incruentam hanc hostiam nobis communicatur.

Atq; hæc est differentia inter vmbra, quam vetus lex habuit, & figuram siue imaginem rerum, quam habemus in lege noua. Licet enim vmbra & imago significatione non ita multum discrepent, Paulus tamen Apostolus magno discrimine ea disiungit. Ait enim: Vmbra habens lex futurorum bonorum, non ipsam imaginem rerum &c. Vmbra siquidem veteris legis, symbola duntaxat erant vacua, nullam efficientiam habentia. Quid enim inanius aut imbecillius vmbra? Euangelium verò viuas habet rerum imagines, non ad significationem duntaxat, verum etiã ad efficiẽtiam. Sic panis & vini species, in eucharistia ita sunt symbola, figuræ & imagines, vt ipsam quoq; corporis & sanguinis Dñici veritatẽ, licet sub enigmate, contineant. Sic & sacrificij Dominici in cœna Dominica commemoratio, ita est imago, figura & exemplar sacrificij in cruce peracti, vt ipsam quoq; veritatem cõplectatur. Huc pertinet istud Ambrosij, suprà à nobis adductum: Hic vmbra, hic imago, illic veritas. Vmbra in lege, imago in Euangelio, veritas in cœlestibus. &c. Et rursùm alio in loco exponens ea verba: In imagine pertransit homo: Primùm, inquit, vmbra præcessit, secuta est imago, erit veritas. Vmbra in lege, imago in Euangelio, veritas in cœlestibus. Vmbra Euangelij & ecclesiæ congregationis in lege: imago future veritatis in Euangelio: veritas in iudicio Dei. Ergo quæ nunc celebratur in ecclesiâ, eorum vmbra erat in sermõibus Prophetarum: vmbra in diluuiò, vmbra in rubro mari, quandò baptizati sunt patres nostri in nube & in mari: vmbra in petra, quæ aquam fluxit, & populum sequebatur. Nõne illud in vmbra erat sacrosancti huius mysterij sacramentum? Nõne vmbra erat aqua de petra quasi sanguis ex Christo, quæ fugientes se populos sequebatur, vt biberent & non sitirent, redimerentur, & non perirent? Sed iam discessit vmbra noctis & caligo Iudæorum, dies appropinquauit Ecclesiæ.

Heb. 10.

lib. 1. offi. ca. 48.

In Psal. 38.

BBB 3

Vide-

1. Ioan. 2.

1. Cor. 13.

1. Cor. 13.

1. Cor. 10.

Videmus nunc per imaginem bona, & tenemus imaginis bona: vidimus principem sacerdotum ad nos venientem, vidimus & audi-
uimus offerentem pro nobis sanguinem suum: sequamur (vt possumus) sacerdotes, vt offeramus pro populo sacrificium, etsi infirmè merito, tamen honorabiles sacrificio, quia etsi nunc Christus non videtur offerre, tamen ipse offertur in terris, quādò Christi corpus offertur, immò ipse offerre manifestatur in nobis, cuius sermo sanctificat sacrificium quod offertur. Et ipse quidem nobis apud patrem aduocatus assistit, sed nunc cū non videmus: tunc videbimus, quādò imago transierit, veritas venerit: tunc iam non per speculum, sed facie ad faciem ea quæ perfecta sunt, videbuntur.

Hæc ille, in quem locum D. Ioannes (de Eucharistia art. 1. cap. 54.) Gropperus: Est reuerà discrimen ingens, ait, inter imaginem & umbram. Umbra enim non nisi antecedens quoddam sacrum signum fuit tum adhuc futurorum bonorum: at in imagine iam bona illa reuerà tenemus & habemus, ita tamen, quod inter eum habendi modum, quo nunc in imagine tenemus, & futurum illum, quo in nuda veritate eadem obtinebimus in cælis, hoc interest, qd hîc illa bona substantialitèr quidem, sed adhuc in mysterijs habemus, & per speculum videmus, at in cælis omninò ea manifestè habituri & contemplaturi sumus facie ad faciem.

Vide hîc amice lector, inquit Gropperus, vt vir sanctus hac sua institutione inter veteris ac Noui Testamenti sacramenta hoc interesse probet, quod illa designarint tantum bona ventura, non autem eò quod adhuc ventura essent, in se reuerà continuerint neque contulerint: hæc autem secundum species externas, imagines quidem sint præsentium bonorum, quæ tamen reipsa vel realitèr in se contineant, & dum nobis porriguntur, etià certò nobis conferant & impertiantur id, quod ille exempli causa inter cetera per umbram petreæ & imaginem eucharistiæ adstruit, dicēs, Petram quidem patribus aquam typicam præbuisse, Christi autè veræ petreæ & principis sacerdotum corpus verum contulisse sanguinem, illa aqua significatum: idemq; corpus quotidie in ecclesia offerri à sacerdotibus, qui suum in hoc ipso sequantur pontificem, faciantq; quod ille iusserit, adeoq; Christū ipsum adhuc ceu principi-

cipem sacerdotum utrobique offerre, hic quidem in sua Ecclesia per nos tanquam ministros suos, quibus ille hoc demandarit officij, quandoquidem illius sermo sanctificet sacrificium quod offertur. In cælis autem absque medio per seipsum, quod apud patrem nobis adsistat aduocatus, pro nobis interpellans. Itaque hic illum nos habere quidem Heb. 9. substantialiter, attamen videre eum non aliter, quam in imagine & mysterijs sacramenti: porro in cælis omni amoto integumento & mysterio, illum manifestè & facie ad faciem nos & habituros & visuros.

Ad hanc verò, inquit, perspicuam & luculentam tanti viri doctrinam, perinde ut nix ad solis radios, magna pars friuolorum & futilium argumentorum, quibus aduersarij aërem verberant, planè dissipatur ac euanescit, ut quod ille his dictionibus ἀντίτυπον, imago, mysterium, mystica cæna, corpus mysticum, figura, exemplar, & id genus alij, quas ex patribus hinc inde excerpunt, & contra certam illorum mentem & sententiam fallaciter deprauant, veritatem corporis Christi, ut Calvinus cum suis, & verum sacrificium in eucharistia, ut hæretici huius temporis omnes, impudētissimè oppugnare moliuntur.

Reliquos cauillos omnes, quos Smidelinus obijcit Georgio Lautherio, contra sacrosanctum Missæ sacrificium, non est neque huius loci neque temporis refellere: ad præcipua iam respondimus, reliqua per Catholicos huius seculi scriptores iam olim grauiter solideque refutata sunt: ut videre est apud Melchiorum Canum lib. 12. de locis Theologicis, Michaëlem Episcopum Merspurgensem in concionibus de sacrificio Missæ, Vuilhelmum Lindanum in Pano-
plia, Ioannem Gropperum de Eucharistia, Ambrosium Pelargum, & alios penè infinitos. Itaque finem hic faciemus, quandoquidem per temporis angustiam cetera prosequi prohibemur, nec eiusmodi sunt ea quæ obijciuntur, ut apud cordatos anxiam cōfutationem desideret.

Cap. 19.

De communione sub vtraque specie.

Redit iam ad communionem sub vtraque specie, quo in themate graui sanè & arduo, dictu mirum, quàm falsas & parum humanas facietias passim inspergat. Et sanè indignissimum est, quæsti-
onem

Inl. Nemo
cler. c. de
summa Tri.
& fid. cath.

Luc. 24.
Act. 2.

onem iam olim ante annos 130. communibus totius Ecclesiæ Catholicæ suffragiis definitam, denuò in controuersiam vocare, & vniuersum orbem noua tempestate cōcutere. Si enim ea quæ Oecumenicis cōcilijs semel determinata sunt, rursùm pertinacitè in disputationem trahere conceditur: quid superest, quàm vt Arrius, Nestorius, Pelagius, Manes, Eutyches, & vniuersa illa hæreticorum colluies ab inferis reuersa, nouis tumultibus terrarum orbem inuoluat? Iniuriam facit iudicio reuerendissimæ synodi, inquit Marcianus Imperator, si quis semel iudicata & rectè disposita reuoluere & publicè disputare contenderit. Si decretis Conciliorum in controuersijs om̃ibus semp̃er hucusq; acquieuit orbis vniuersus, quid est quòd Smidelinum, è fabrilī fuligine proreptantem, vniuerso orbi obstrepentem, feramus? Sed iam ad Catholicæ consuetudinis & ecclesiasticæ legis defensionem accingamur. Et quidem omnis argumentatio vel ab autoritate, vel à ratione ducenda est. Autoritatem si sequamur, (quæ omninò sequenda est, cum in fidei negocijs rationem posteriores obitnere necessum sit) plurimis testimonijs probari potest, alterius speciei communionē, primitiue Ecclesiæ non fuisse inusitatam. Quinimò nec Christus ipse, nec Apostoli semp̃er & ubiq; calicem porrexisse leguntur. Grauiissimi enim authores, Chrysostomus, Theophylactus & Augustinus disertis verbis & vnanimiter adstruunt, Christum duobus discipulis in Emaunte corpus suum sub panis specie porrexisse. et quod in Actis legit̃, Neophytos Christianos perseuerasse in doctrina Apostolorum & communione fractionis panis & orationibus, de Eucharistia interpretatur. Quid verò ad hæc Smidelinus? in dicto loco, inquit, hæc substātia cōsecratiōis verba, Hoc est corpus meum (sic enim Smidelino per ludibrium loqui libuit) non commemorantur. Quæ igitur potuit secūdum sacrificulorum vestrorum sententiam consecratio facta esse?

Sanè Christus in vltima cœna docens Apostolos modum sacratissimi corporis sui conficiēdi, (sic enim hieronymus & reliqui orthodoxi patres loquuntur) certam formam qua illud agerent, præscripsit: cui dum ipsum Christum alligare vult Smidelinus, vt ipse ab hac forma recedere nequeat, quis non exhibet hominis vecordiam?

diam? quis non impietatem eius excretur? Sed quæro ex te, Smideline, cum Bredenbachius disertè demonstrarit, Chrysostomum, Theophylactum, & Augustinum, memoratum Lucæ locum ità exposuisse, ut affirmet, Christum corpus suum discipulis in Emaunte porrexisse, cur instar piscis obmutuisti? cur ad tam aperta testimonia non respondisti? Si repugnante conscientia mentitos eos dixeris, nulli tua fidem faciet oratio, cum & toti orbi perspecta sit eorum integritas & sanctimonia, & te talem in re tanta accusationem instituentem, neutiquam idoneum iudicent, qui præ illis fidem emerearis. Si errasse, equidem hac in parte cum illis errare mælim, quàm tecum fucatam veritatem amplecti. Porro siue ibi Christus corpus suum porrexerit, siue non, illud nihilo secius liquidò apparet, communicationem alterius speciei, altera sacramenti parte non destitui, nec Christi instituto contrariam, nec ijs temporibus nouam aut inusitatam: hoc enim si verum esset, Chrysostomus, Theophylactus & Augustinus, locum illum Lucæ de eucharistiæ Sacramento non interpretati essent. Sed & diu ante illorum tempora Clemens Alexandrinus anno Domini 180, alteram speciem usitatam fuisse, luculentè testatur. Etiam Eucharistiam, inquit, cum quidam, ut mos est, diuiserunt, permittitur unicuique ex populo eius partem sumere. Quod si omnino Christi exemplum vrgere velit Smidelinus, cur non vrget, ut & sub vesperum post cœnam sumatur? Liquidò enim apparet, inquit Augustinus, quando primum acceperunt discipuli corpus & sanguinem Domini, non eos accepisse epist. 118. ieiunos. Nunquid tamen propterea calumniandum est vniuersæ ecclesiæ, quod à ieiunis semper accipitur? Quid, quod eadē in cœna Dominus Apostolorum pedes lauit, idemque facere expresso mandato præcepit? Si ego, inquit, laui pedes vestros Dominus & magister, & vos debetis alter alterius lauare pedes. Exemplum enim dei Ioan. 13. di vobis, ut quemadmodum ego feci vobis, ita & vos faciatis. Cur tam graue præceptum, & tam exactè mandatum, non observatur? Cur nō hic quoque transgredientem Ecclesiam calumniatur aduersarius? Nemo ignorat, quàm sancta, quàm illibata sit apud omnes testamentorum autoritas, ut quia amplius velle nō possunt, ut inquit Iustinianus, vltima testatorum voluntas seruetur. Dominus

CCC

autem

1. Cor. II.

Epist. 18. ad
Ianuarium.

Ioan. 13.

In ferm. de
vñi. chris.

autem Christus in ea cœna velut testatorem agens, & iam ad crucē
iturus, nouum testamentum discipulis suis reliquit. Quid autem
Paulus Apostolus de huius testamenti mysterio loquens, ait? Cæ-
tera, inquit, cum venero, disponam. An cuiusquam tâta erit autho-
ritas, vt ipsius Christi testamento vel addere aliquid, vel noui quid
in eo disponere audeat aut possit? Si nefas est, mortalem mortalis
hominis testamento quid addere, vel in eo nouare, cur ô Paule ais,
te cætera dispositurum? Respondet Augustinus: Idè non præce-
pit (Christus,) quo deinceps ordine sumeretur, vt Apostolis per
quos ecclesias dispositurus erat, seruaret hunc locum. insinuatq;
ibidè Augustinus, Apostolum ordinem quandam instituisse cir-
ca hoc sacramentum, què vniuersa per orbē seruaret ecclesia. Vndè
illud & hic & in alijs multis obseruatu dignum est, maximam esse
ecclesiæ potestatem circa externa. Principiò enim, si mandatum
Christi de baptismo inspiciamus, patet quòd verbū, baptizare, in-
sinuet immersionem totius corporis in aquam, totoq; corpore ho-
mines in aquam solebant immergi. Sed cum infirmiorū valetudo
hac ratione læderetur, declarauit D. Cyprianus etiā (lib. 4. epist.
7.) illos rectè baptizari, qui duntaxat aqua adaspergerentur: agitque
tota illa epistola Cyprianus, vt demonstrat sacramenta non vsque-
adè rigidæ & externæ obseruationi alligata. Adde quòd nec mi-
nus vrget mandatum illud de externa pedum lotionē, vt suprā re-
tulimus, quàm illa verba, Bibite ex hoc omnes: & D. Cyprianus te-
statur, Christum non lauisse modò Apostolis pedes, verum etiā
solenni deuotione præcepisse & instituisse, vt idem deinceps face-
rent Apostoli: & tamen expressum illud præceptum, & mirè ad fo-
uendam charitatem conducens, Ecclesia prorsus omittit, non alia
sanè de causa, quàm vt ex D. Augustino colligitur, nè putetur esse
rebaptizatio, nè huic errori vlla dare occasio. Possunt & alia plu-
rima Dei mandata de rebus externis recenseri, quæ tamen ecclesia
paulatim prætermisit. Iam vt ad augustissimum Eucharistiæ sacra-
mentum redeamus, quis non videt, quantam in eo libertatem ec-
clesia iure suo semper vsurpauerit? Nam D. Leonis primi temporibus
exurgentibus Manichæis, & vini speciem declinātibz, vt ex-
angue & phantasticum corpus Christū assumpsisse insinuarent, di-
fertè

ferre precepit ecclesia, ut vniuersi vtranq; sacramenti specie sumerent, ut ita manifesti fieret Manichæi: quod & spectat Gelasij canon, quauis Smidelinus per inscitiam aliud eum torqueat. Superiori vero seculo cum Ioannes Huss vtranq; speciem extorquere contenderet, Oecumenicum concilium pertinacem eius errorem damnauit, decernens, vnam speciem ad sacramenti communicationem sufficere, alteriusque omissionem iustissimis grauissimisque de causis introductam, quod quia hactenus à nobis mediocriter demonstratum est, & plurimis grauissimisque testimonijs à summis viris luce meridiana clarius traditum, nolumus operosiori explicatioe in re explicatissima laborare. Quod igitur ad authoritatem attinet, existimo à nobis affatim probatum, alterius speciei communionem summa authoritate & recta ratione ab ecclesia hactenus usurpatam, tametsi sola suspensus authoritas abunde ipsi sufficeret. Possem, inquit Hieron. omnes propositionum riuulos vno ecclesie sole siccare. Nunc breuiter aliquot rationes, quæ idem suadere & confirmare possint, adferemus. Et in primis quidem, si tamen admittit flagitium ecclesia, quod alteram duntaxat speciem laicis & sacerdotibus non celebrantibus administrat, qua ratione factum est, ut per tanta temporum spatia, quibus alterius speciei communicatio recepta fuit, nullum habuerit vniuersa ecclesia quod staret à veritate, qui clamaret & profiteretur, vtranq; speciem sibi & vniuersis fidelibus tantoperè necessariam, cum nunquam ecclesie defuerint aliquot viri boni, quorum tanta esset pietas & fidei virtus, ut etiam reclamante orbe vniuerso. & vel extrema intentante, veritatem quæ scitu necessaria videretur Ecclesie, nunquam fuerint tacituri. Seruauerat sibi Dominus in Israelis plebecula flagitijs & infidelitate corrupta, septem millia virorum: & Christiana Respublica, per vniuersum orbem penè diffusa, tanto tempore nullum habuerit, qui pressam veritatem libero & intrepido animo vindicauerit? Accedit quod nec emolumentum aliquod redeat ad Pontifices, episcopos & sacerdotes ex hac vnius speciei consuetudine, ut vel hunc colorem pretextere possent aduersarij. Postremo canonibus cautum est, quid faciendum si sacerdos quid per incuriam de sanguine Domini profundat in terram: de laicis vero, ubi propter multitudinem & alia multa, longè maius periculum est, nihil tale constitutum legimus.

Aduersus
Lucifer.

*Aduersariorum testimonijs docetur, non esse necessariā vtri-
usque speciei communionem.*

PRogrediamur nunc ad aduersariorum doctrinam, & vel ipsorum testimonio doceamus, non esse necessariam vtriusq; speciei communionē, quātunūis mordicū eam asseueret Smidelinus, vt catholicis negocium faceat, & tumultibus ac dissidijs omnia conturbet. Ipse Luterus in assertio- nibus contra Leonem Pontificem, & in libro de formula Missæ apertè docet, neq; vnā speciem, neq; vtrāq; esse necessariam: So- lam fidem sufficere. Item, quòd si concilium statueret sub vtraque specie communicandum, tum contrā aut sub vna specie debeant laici communicare, aut etiā vtrāq; reiicere.

Eadem de causa Smidelinus ait Missam esse idolum, quo horri- bilius hic mundus non vidit, eò quòd cum articulo iustificationis pugnet. Quam obrem si nec vna, nec vtrāq; species necessaria est, & vel Smidelino teste, Sola fides iustificat, vt quid de externis specie- bus tam contentiosè digladiatur? Obsecro hīc pium & cordatum lectorem, vt hæc Luteri & Smidelini verba consideret, & expen- dat, quo spiritu agitentur illi, qui tam seditiosis clamoribus ad cō- tentiones, schismata & sectas classicum canunt, qui vt omnia sur- sū deorsū iactent ac dissensionibus commisceant, ne ipsi qui- dem secum sentire possunt, sed tanquā turbidum fretum & Eu- ripus aliquis diuersis opinionibus aguntur & feruntur. Enumerat enim Casparus Querhamer triginta sex pugnantes Luteri de Eu- charistiæ speciebus sententias, quibus nunc ait, nunc negat vtrāq; speciem necessariam. Sed & idem Luterus in lib. de captiuitate Ba- bylonica (vt refert Dñs Vuilhelmus Lindanus) apertè dicit, illis verbis, Bibite ex eo omnes, Christum non præcepisse vlla sacramē- ti communionē vti, sed cuiusq; reliquisse arbitrio, dicens: Quoti- escunquē hæc feceritis &c. Et in libro ad Bohemos scripto: Quo- niam, inquit, pulchrum quidem esset, vtrāq; specie vti, & Christus hac in re nihil tanquā necessarium præceperit, præstaret pacem & vnitatem (quæ vtiq; Christus præcepit) sectari, quā de specie- bus Sacramenti contendere. Et rursum in declaratione Eucharis-
tiæ

fit: Non dixi, inquit, neq; consului, neq; est cōtentio mea, vt vnus aut aliquot episcopi propria authoritate incipiant alicui vtranque speciem porrigere, nisi ita constitueretur ac mādaretur in concilio generali. Melanchthon quoq; in locis communibus suis postea recognitis ait, vtriusq; speciei communionem adiaphoram, nō necessariam. Cur nō his magistrorum suorum placitis acquiescit hic obturbator, cuius improbam leuitatem, & cæcam rixandi libidinē quis non excretur? Cæterū audiamus, quā fabriliter Smidel. in lib. aduers. Reuerēd. Hosium adductā suprà Luteri sententiā de speciebus sacramenti, conetur excusare. Docuit Luterus vtraque parte sacramenti vtendū, inquit, non quia conciliū decreuerit, sed quia Christus instituerit hoc modo & nō aliter dispēsari, &c. Quid igitur dicis q̃ Luterus, decernente vtranque speciem concilio, aut alteram, aut neutrā se recepturū pclamauit? Num & hoc institutiōni Christi futurum erat consentaneum, quam dicitis vtranq; speciem p̃cipere? Certē hinc liquet, Luterum non tam Christi institutionem spectāsse, quam vt tumultum & seditionem excitaret, quē admodū aliquādo in disputatione contra Eckiū palām vociferatus est, Hęc res neq; propter Deum cœpta est, neq; propter Deum finietur.

CAP. 21.

*Confutantur Argumenta Smidelini pro defensione
vtriusq; speciei.*

Restat iam vt audiamus, quibus argumētis Smidelinus vtrāq; Smid. speciem adstruere molietur. Si, inquit, Christus non nisi ad Apostolos dixit, Bibite: necessariō sequitur, etiā priorem Sacramenti partē nihil ad Laicos pertinere.

Respondemus Christum quidem non mandāsse, vt Laici vtrāq; Bred. Sacramenti speciem percipiant, non tamen voluisse eos huius Sacramenti fructu priuari, qui non minor ex vna, quā vtraq; specie percipitur.

Pergit Smidelinus: Vnum plausibile adferunt, sed quod ex diametro cum mandato Christi pugnat: Corpus Christi non est sinē sanguine, Ecclesiam igitur sub vna specie non defraudari, aut pri-

Smid.

CCC 3

uari

Bred.

Ioan. 6.
& 7.

Ioan. 6.

uari sanguine Christi. Ad hoc respōdemus, Christum non precepisse sanguinem suum edere, sed bibere. Fames & sitis indè oriuntur naturalitèr, quòd ijs q̄ ad vitam requiruntur, corpus se destitutum agnoscat: vnde si vegetum sit, & nullum vitæ vel stomachi incommodum sentiat, famem & sitim non persentiscit. Christus autem dixit, Ego sum panis vitæ: qui venit ad me, non esuriat: & qui credit in me, non sitiet vnquàm. Igitur ad sanctam illam & spiritualem animæ fidelis esuriem & sitim exatiadam, sufficit hic panis, & sine qua idem vtilitèr sumi non potest, recta fides in Christū. quorum igitur fames & sitis hoc modo satiatur, illi reuerà edisse & bibisse censendi sunt. Qui manducat me, inquit Christus, vita viuet propter me. Si vita viuet, necessum est vt Christus eum cibat & potet: quod tum vtiq; facit, quandò recta & integra fide & charitate manducatur. Smidelinus verò admodum crasse hīc nugat, vt huic argumento, vel ipsius testimonio plausibili, saltem aliquo modo respondere videatur. More omnium hæreticorū, externe literæ mordicū inhaeret, non agnoscens etiā natura ita comparatum esse, vt cibi quidam, potūs quoq; naturam habeāt, simulq; famem & sitim restinguant, & medici potiones quasdam ciberales appellant, eò qd & cibandi & potandi efficaciam habeant. Si rebus naturalibus hæc inest facultas, & non immeritò bibisse & comedisse dicuntur, qui hac ratione famem & sitim exatiant, quid de illo pane *ἐπιουσίᾳ* & supersubstantiali dicemus? Hunc panem participātes edimus, & in Christum credentes bibimus, immò manducantes hūc panem, viuemus in æternum. Si vitam præstat æternam, omnem esuriem & sitim tollit. Sed inquit Smidelinus: Duo sunt verba, ede & bibe: & hoc vt nobis persuadeat, iuxta formulā ex Donato petitā, vtrunq; declinat. Ambo sunt tertiæ declinationis, inquit, & coniugantur sicut lego: Imperatiuo modo tēpore p̄senti, ad secundā & tertiā p̄sonā, bibe, bibat: & pluralitèr, bibam, bibite, bibāt. Sic & edo: Imperatiuo modo tēpore p̄senti, ad secundā & tertiā p̄sonā, ede, edat: & pluralitèr, edamus, edite, edāt. Vides, inquit, duo esse verba. Quid vobis videt de hoc Vulcano? an vt nobis persuadeat, edere & bibere, duo esse verba, opus est imperatiuo modo tempore p̄senti &c? Certè hoc tempore p̄senti admodum opus esset, talis

lis nebulonis personam imperatio aliquo modo, non secundum regulas Donati coniugare, sed ad formulam carnificis ad rotam inclinare, & secundo vel tertio ictu, vel si mauis, & pluraliter coniugare ad illius personam verbum *τύπτω*. Mirum in modum ille maleator delectatur facetijs, easq; tum vel maxime adspersit, quando solida ratione elabi non potest. Ne igitur in nobis culpet graue & tetricum supercilium, hac qualiacunq; voluimus repedere, ne desit quo se oblectet. Sed ad rem. Quemadmodum ede & bibe sunt duo verba, ita caro & sanguis sunt diuersa: hic bibitur naturaliter, illa comeditur. Vtrunq; autem sub corpore Christi continetur, ipso Smidelino teste: ergo qui Christi corpus maducat, carnem & sanguinem eius sumit: quo sumpto, edisse & bibisse dicendus est. Porro quod ad hanc controuersiam attinet, quemadmodum vtriusq; speciei sumptionem nemo per se malam recte existimauerit: ita illorum seditiosos clamores, omnes pacis amantes abominantur, qui in alterius speciei distributione ecclesiam erroris & sacrilegij accusant, quam cum tam grauiter preceperit Christus Dominus audiendam, equidem malim in vnus speciei sumptione acquiescere, sub qua totum Christum contineri nec ipse Smidelinus diffitetur, quam rupto vnitatis vinculo, ab ecclesia segregari. Neq; dubito illorum affectum æque aut etiam magis gratum esse Christo, qui solliciti sunt seruare vnitatem in vinculo pacis, atque illorum, qui priuata quadam solitudine anxij sunt, ne violetur institutio Christi. Si q̄ sunt causæ, q̄ videntur vtrunq; specie repositum, has ipsi ecclesie discutiendas & examinandas relinquo: illa audire malim, q̄ priuato arbitrio consuetudine, q̄ ecclesie repugnet, amplecti. Nunc à Donato ad D. Bartholomæum Latomum digreditur, & ut Bredenbachium non nihil excuset, ait illi minus vitio vertendum, q̄ erroris & blasphemie focium habeat Bartholomæum Latomum. Sed opinor D. Latomum, pro ingenij sui dexteritate & eruditionis præstantia, satisfecisse Smidelino, ut non opus habeat de tam audaci & gladiatorio incurfu magnum encomium decantare.

CAP. 22.

Solos sacerdotes sacrificare, & sacramentum eucharistie conficere posse, Et an Christus secundum humanam naturam sit vnus, ut vult Smidel. contra Ingolstadian.

Per.

Smid.

Pergit Smidelinus: Sed quod subiungit, Nos doctrina de communione sub utraque specie, subtrahere ecclesiae totum Sacramentum, & loco eius apponere nostrum idolum, qualis sit collectio, videamus. Quia, inquit, Eucharistia non possit à quouis homine confici &c. Bonus Grammaticus ignotum per æquè ignotum, & falsum per æquè falsum probat. Non nisi vinctos & rastos sacrificulos sacrificare siue sacramenta administrare posse, primitiæ ac puriori ecclesiae prorsus ignotum fuit.

Bred.

Immò Smideline tua hæc blasphema doctrina, primitiæ illi ecclesiae prorsus ignota fuit: nostra autè & vniuersalis Ecclesiae consuetudo, notissima. Cur autem tam improbè & vesanè asseris, prorsus eam primitiæ ecclesiae fuisse ignotam? nōne luculentissimis & irrefutabilibus testimonijs, id ipsum Bredenbachius demonstrauit? quæ sanè vel per socordiam non legisse, vel per malitiam dissimulasse te, luculèter apparet. Adduxit ille D. Ignatium martyrem, & D. Ioannis Apostoli & Euangelistæ discipulum in epistola decima ad Smyrneneses, ubi his verbis de hoc sacrificio & sacrificante loquitur: Omnes episcopum sequimini sicut Iesus patrem, presbyteros sicut Apostolos. Diaconos autem veneramini sicut Dei mandato ministrantes. Nemo præter episcopum aliquid agat eorum, quod ad Ecclesiam pertinent: firma eucharistia reputetur, quæ ab episcopo concessa fuerit: ubi episcopus præsens fuerit, illuc & plebs congregetur. Et post pauca: Propterea, inquit, non licet sine episcopo neque offerre, neque sacrificium immolare, neque Missas celebrare. Sed si ei visum fuerit, &c. D. Clemens in epistola tertia ad Iacobum fratrem Domini: Quoniam, inquit, in alijs locis sacrificare, & Missas celebrare non licet, nisi in his, in quibus episcopus propius iusserit, aut ab episcopo regularitè ordinato, tenente videlicet ciuitatem, consecratus fuerit. Hæc Apostoli à Domino acceperunt, & nobis tradiderunt &c. Tertullianus quoque inter sacerdotum munia numerat, offerre. Ecce his & alijs id genus testimonijs Bredenbachius docuit, Sacerdotum esse offerre & sacrificare: qua fronte igitur negare audes, primitiæ Ecclesiae hanc doctrinam prorsus ignotam fuisse? O impudètiā plusquā Cynicā, o impietate plusquā sacrilegā. Sed vt euidentior fiat hominis vel stupēda imperitia, vel cæca mentit.

tiendi libido: quæro ex hoc obturbatore, cur Paulus ad Corinthios dicat, Sic nos existimet homo ut ministros Christi, & dispensatores mysteriorum Dei? Item ad Hebræos 5. Omnis Pontifex ex hominibus assumptus, pro hominibus constituitur, ut offerat dona & sacrificia pro peccatis &c. Sed & laudatissimus Pontifex & martyr Telesphorus, octauus à Petro in sede Romana, Missarum celebrandarum tempus statuit, & sacerdotes huius mysterij proprios ministros appellat, & tandem inter cætera: Hi, inquit, qui proprio ore corpus Domini conficiunt, ab omnibus sunt audiendi. Idem confirmat Pótianus Martyr & Pontifex sanctissimus: Sacerdotes, inquit, sibi ad seruiendum asseruit, & familiares intantum sibi esse voluit, ut etiam aliorum hostias per eos acceptaret, atque eorum peccata donaret, sibi quoque reconciliaret: ipsi quoque proprio ore corpus Domini conficiunt, & populis tradunt.

In epist. de
non vexan.
sacerdot.

Quibus verbis & Dominici corporis veritas, & sacerdotum in eo consecrando seu, ut martyr loquitur, conficiendo potestas luculentè asseritur. Sed & D. Fabianum, qui tempore Philippi Imperatoris Martyrio coronatus est, clarissimis verbis hanc controuersiam definientem audiamus: Sacerdotes, inquit, Dominus sibi elegit, ut sacrificent, & offerant Domini oblationes. Sed quis omnium in hanc sententiam testimonia recensuerit? Vnum adhuc addam, quod vel solum huius hominis stupendam improbitatem abundè refutauerit. Treceti duodeuiginti episcopi catholici, Constantini studio Nicææ congregati, hunc canonem, qui est ordine 14. statuerunt: οὐτε ὁ κανὼν, οὐτε ἡ συνθήκη παρέδωκεν τοὺς μὴ ἔχοντας ἐξουσίαν προσφέρειν τοῖς προσφερομένοις διδῶναι τὸ σῶμα τοῦ χριστοῦ: Neque constitutio ecclesiastica, inquit, neque consuetudo prodidit, ut ii qui offerendi potestate non sunt præditi, id est, diacones, corpus Domini sacrificiis porrigant. Neutiquam igitur primitiæ ecclesiæ ignotum fuit, solos sacerdotes sacrificare posse: sed Smidelinus abundè testatur, sibi ignotissimum esse primitiæ ecclesiæ statum & conditionem. Quod si falsum est, demonstret, quoniam non sacerdotes sacramenta administrant, & eucharistiā consecrānt in ecclesia Catholica: quod facere poterit nunquam. Hoc sacramentum (Eucharistiæ) nemo potest conficere, inquiunt Patres maximi illius & œcumenici concilij Lateranensis,

Sub Innoc.
III.

DDD

nenlis,

nensis, nisi sacerdos fuerit, ritè ordinatus secundùm clau-
 sã, quas ipse concessit Apostolis & eorum successorib⁹ Iesus Chri-
 stus, &c. Quid quòd & ipse Brentius tuus, in confessione Vuirten-
 bergen adducit illum Dionysij locum ex Hierarchia Ecclesiastica:
 Pontifex, cùm diuina munera laude prosecutus fuerit, Sacrosancta
 & augustissima mysteria conficit &c? Et Melanchthon in posteri-
 ori locorum cõmunium editione, ordinis sacramentum agnoscit,
 nec quenuis ad mysteriorum dispensationem admittit. Sed & ipsa
 confessio vestra Augustana anni 1530. sic habet: De ordine ecclesi-
 astico docent, q̃ nemo debeat in ecclesia publicè docere, aut sacra-
 mēta administrare, nisi ritè vocatus. Vides, Smideline, vestrã con-
 fessionem tribuere solis ritè vocatis sacramentorum administrati-
 onem, & tuum Brentium ex Dionysio docere, augustissimorũ my-
 steriorum confessionem ad Põtificem, id est, sacerdotem pertine-
 re. Quãdò igitur constat Lutherum sustulisse sacerdotium, cùm oēs
 hoīes equè sacerdotes esse adstruat, & tu Smideline repugnāte ve-
 stra confessione, refutante Brentio, & tot testimonijs iam à nobis
 commemoratis, diuersum adstruentibus, nihilo secius profanis &
 non sacerdotibus huius sacramenti administrationem concedis:
 quæso te, nõne vniuerso sacramēto nos fraudare conaris? Quod
 si negas, in promptu est alia ratio, qua id manifestũ faciamus. Euul-
 gasti nupèr Tubingæ quasdam theses, Christi humanitatis maie-
 statem (si dijs placet) asserētes, quibus docuisti, Christũ secundũ
 humanam naturam non minũs vbiq; præsentem esse, quàm secun-
 dũ diuinam. Ex quo sanè principio consequitur, (ṽt Ingolstadi-
 ani Theologi id ipsum docuerunt) nihil singulare aut admirabile
 in Eucharistiæ sacramēto accidere, quantum ad præsentiam cor-
 poris & sanguinis Christi attinet, quod non in cæteris itidẽ re-
 bus omnibus & creaturis vsu veniat. Negabis hæc te scripsisse? At-
 quĩ hæc sunt verba tua: Cũ diuinitas in vnitatẽ personæ assumpse-
 rit hominem, cuius ratio & definitio est plenitudinis Dei commu-
 nicatio, in quo omnis diuinitas corporalitẽr inhabitat: sequitur,
 ipsam quoq; humanitatem Christi, vbiq; esse præsentem &c. The-
 si 34. Quod sanè quàm ineptum sit & ἀποσδιόνυσον, hæreticum de-
 niq; & blasphemum, Euangelicæ literæ non vno in loco testatum
 faci-

Vbiq̃uitas
 Brētij filia,
 asseritur ab
 obstetrica-
 tore.

faciunt. Ioan. II. disertis verbis ait Christus: Lazarus mortuus est, & gaudeo propter vos, ut credatis, quoniam non eram ibi: sed eamus ad eum. Quod vis euidentius habere testimonium Smideline? Respondebis fortasse, Christum hoc ante resurrectionem dixisse, antequam esset clarificatus: verum post resurrectionem, Christi humanitatem diuinitatis plenitudinem participasse, atque tunc demum ipsam quoque Christi humanitatem ubique presentem fuisse. Ceterum & hoc manifestae vanitatis arguunt Euangelicae scripturae, quas tantoperè vobis vendicatis. Mulieribus manè Dominum in sepulchro quaerentibus, angelus respondit: Non est hic, surrexit, & ecce praecedet vos in Galileam: ibi eum videbitis. Et D. Augustinus cum Epist. 67. Dardano de praesentia Dei disputans, ait, carni & substantiae hominis Christi, immortalitatem donatam, naturam tamen non esse ablatam. Secundum hanc formam, inquit, non est putandus (Christus) ubique diffusus. Cauendum est enim, ne ita diuinitatem adstruamus hominis, ut veritatem corporis auferamus. Non est autem consequens, ut quod in Deo est, ita sit ubique, ut Deus. Nam & de nobis veracissima scriptura dicit, quod in illo viuimus, & mouemur, & sumus: Aq. 17. nec tamen sicut ille, ubique sumus, sed aliter homo ille in Deo, quoniam aliter & Deus ille in homine, proprio quodam & singulari modo. Vna enim persona, Deus & homo est, & utrunque est vnus Christus IESVS, ubique per id quod Deus est: in caelo autem per id quod homo. Haec ille. Et Theophylactus (in 1. cap. Ioan.) Non, inquit, quia vniuit sibi Deus carnem secundum ineffabilem contemperacionem, viuifica est caro, non quod in Dei naturam transierit, absit: sed ad similitudinem candentis ferri, quod & ferrum manet, & ignis ostendit operationem. Sic igitur & DOMINUS caro manens caro, viuifica est, sicut DEI caro &c. Quid ad haec obmurmurabis Smideline? Nondum sustines agnoscere tuam comminiscendi errores libidinem? Nondum desines orbem vniuersum caecitatis arguere, & tibi soli scripturarum cognitionem vendicare? Dolet tibi fortassis, quod nondum ex discipulo in magistrum & haesiarcham euaseris, eoque, nouam te haesim fabricare oportuit, (nisi forte Nestorij & Brentij magisterium sequare) ut uouus Apostolus, immo noxius apostata, illustri appellatione celebreris. Tentanda via est, qua

DDD 2 te

te quoq; possis tollere humo, doctorq; virum volitare per ora.

CAP. 23.

Tonsuræ Ecclesiasticæ antiquitas demonstratur.

vide sup. ca.
2. eius. lib.

PORRÒ quòd inuidioso vocabulo rastos & vnctos vocas sacerdotes, rursùm te omnis antiquitatis & Christianarum obseruationum imperitissimum declaras. vt verè dixerit Comicus, Homine imperito nihil quicquam iniustius.

Tōsuræ ec-
clesiasticæ
antiquitas.

Quòd enim clericorum ordo capillitiū habeat certo modo attonsum, id ex Apostolorum defluxisse exemplo disertè testatur D. Germanus Archiepiscopus Constantinopolitanus in historia sua ecclesiastica, siue mystica theoria. Gemina, inquit, in sacerdotis capite circumfusa corona ex capillorum figura, significat venerandū Apostoli Petri caput, quòd illi Christum dominum prædicanti derasum fuit ab ijs, qui Euangelio non crediderunt, ludibrij causa, cui Christus benedixit, & contumeliam vertit in honorè, ludibriūq; in gloriam. Huic D. Germani sententiæ mirificè suffragatur venerandus Coelfridus Ingrinensis in Anglia olim ad Tinam fluiuium Abbas, qui Naitano Pictorum in Septentrionali Anglia Regi ante annos 800. scripsit in hæc verba, quæ venerab. Beda illius fidelissimus collega eommemorat lib. 5. histor. Ecclesiast. Anglic. ca. 22. Verùm, inquit, his de Pascha succinctè, vt petistis, commemoratis, tōsuram quoq; (de qua paritèr vobis literas fieri voluistis) hortor vt ecclesiasticam & Christianæ fidei congruam habere curetis. Et quidem scimus, quia nec Apostoli omnes vno eodemq; sint modo attonsi. Et post pauca: Inter omnes tamen, quas vel in Ecclesia, vel in vniuerso hominum genere reperimus tonsuras, nullam magis sequendam amplectendamq; iurè dixerim ea, quam in capite suo gestabat ille, cui se confitenti Dominus ait, Tu es Petrus, &c. Neq; verò ob id tantùm in coronam tōdemur, quia Petrus, ita attonsus, sed quia Petrus in memoriam Dominicę passionis ita attonsus est, idcirco & nos, qui per eandem passionem saluari desideramus, ipsius passionis signum in vertice, summa videlicet corporis nostri parte, gestamus. Sicut enim omnis Ecclesia, q̄ per mortem sui viuificatoris ecclesia facta est, signum sanctę crucis eius in fronte

Matt. 16.

fronte portare consuevit, vt crebrò vexilli huius munimine, à malignorum spirituum defendatur incurſibus: crebra huius admonitione doceatur, ſe quoq; carnem ſuam cum vitijs & concupiſcentijs crucifigere debere: ità etià oportet eos, qui vel monachi votum, vel gradum clericatùs habentes, arctioribus ſe neceſſè habent pro Domino continentiae frenis adſtringere. Formam quoq; coronae, quam ipſe in paſſione ſua ſpineam portauit in capite, vt ſpinas ac tribulos peccatorum noſtrorum portaret, id eſt, exportaret & auferret à nobis, ſuo quenq; in capite per tonſuram præferre: Vt ſe irriſiones & opprobria pro illo libentè & prompto animo ſufferre, ipſo etià frontis ſpicio doceat: Vt coronam vitæ, quam re-promiſit Deus diligētibus ſe, ſempèr ſe expectare, præq; huius perceptione & aduerſa ſe mundi & proſpera contemnere deſignent. Hæc ille.

Sic & in concilio Triburienſi can. 20. Clerici in hoc raduntur, vt ſolitudinē coronae Domini in capitibus ſuis gerant. Et in concilio Toletano 4. can. 40. ſeuèrè præcipitur, vt clerici omnes coronam geſtent, & varij ritus tondendi ibidè inſinuantur. D. Iſidorus quoq; archiepiſcopus Hiſpalenſis, iam olim ante annos nongentos tonſuræ myſterium in ſacerdotibus explicuit lib. 2. de eccleſiaſt. officijs cap. 4. Sed & longè antiquior eo Dionyſius Areopag. lib. de eccleſiaſt. Hierarchia cap. 6. expreſſè ſcribit, monachos ſui temperis in conſecratione attonſos fuiſſe. Cuius & Iuſtinianus Imperator diſertè meminit. Et D. Auguſtinus grauiter inuehitur in monachos tonſuram recusantes, lib. de opere monachorū circa finem. Eas iam crinite, & exhibiles tonſuram, quam non intelligis. Quòd ad vnctiōem ſacerdotum attinet, ſuprà abundè probatū eſt, hunc eſſe ritum Catholicum, Eccleſiaſticum, Apoſtolicum, & vt ex Fabiano alijsq; quàm plurimis docuimus, ab ipſo Chriſto in vltima cœna inſtitutum.

In authent.
de monach.
ſ. ſancimus.

Cap. 24.

Canon Miſſæ quomodò à Lutero corruptus.

Quibus de cauſis canonem Miſſæ abiecerit Luterus, tibi non ignotum eſſe exiſtimo, quem indoctus quidam aſinus ex

Smid.

DDD 3

omni-

omnibus precationibus compilauit, quas primitiua ecclesia vsurpauit in oblatione suorū munerum, quæ ad mensam Domini afferebant, anseres, caseos &c. eaque precibus sanctificabant, & DEO commendabant.

Bred.

Quod ad canonem attinet, quæ horrendis erroribus & blasphemijs, vt paulò pòst ait, refertum criminatur: simpliciter respondeo, Smidelinum impiè, paganicè, & blasphemè mentiri. Proferat nobis vel vnum errorè, nè dicam horrendam blasphemiam, quam in canone admittit ecclesia, & credemus ei. Sanè in toto illo sacrosancto Missæ sacrificio, nihil aliud quàm laudes & gratiarū actiones deo decantantur. Potissimum autem in canone, præcipuorum Christi beneficiorum & maximè passiois eius sit commemoratio, quæ ità hîc repræsentatur, vt rectè à Cypriano dictum sit, passioem Domini esse sacrificium, quod offerimus. Bonam canonis partem recitat D. Ambrosius lib. 4. de sacramentis, cap. 5. vndè nec nouum esse canonem, nec ab indocto quodam asino compilatum, (vt spreta Grammatica & conculcato Prisciano loquitur Smidelinus) facile elucescit. Longè absurdus est, quod oblationis vocabulum refert ad caseos, anseres, &c. quæ pij in Ecclesia primitiua ad mensam Domini afferebant. Demonstret homo vanissimus, thysæ aut hierurgix vocabulum Patribus Græcis vsitatissimū, ad plebeias oblationes pertinere. Demonstret vel vnicum è sanctis vtriusq; Ecclesiæ Patribus locum, qui de oblatione populari scriptus, ad Eucharistiam à nobis accommodatus sit. Demonstret, an D. Cyrillus dum ait, Postquàm cōfectum est illud spirituale sacrificium, & ille cultus incruentus, super ipsa propitiationis hostia. Obsecramus Deum pro communi ecclesiarum pace &c. Demonstret, inquam, Cyrillum ibi de caseis, capis & anseribus loqui. Hæc nisi, demonstrares, omnium impudentissimus meritò proclamaberis.

Smid.

Quod ad consecrationem, ipsam attinet, scias loco canonis Luterum nihil subiecisse nothi, sed verborum Christi lingua populo non ignota recitationem retinuisse &c.

Bred.

Rursùm sub dolosa verborum Christi instar vestis ouillæ lacinia, pestilentē sicam gerit, qua solennem Ecclesiæ consuetudinem confodiat. Sed quis Lutero hanc mutandi pro suo arbitrio facultatem

In 5. Catechismi mytagogica.

tatem contulit? Quid illi offererūt sacratissimæ preces, vt eas tanq̃ impias & blasphemias submoueret? Nos autem eas à Maioribus nobis quasi per manus traditas, tanq̃ sacrosanctas veneramur, tametsi Euangelica scriptura compræhensæ non sint. Inuocationis verba, inquit D. Basilius cap. 27. de spiritu sancto, dum ostenditur panis Eucharistiæ, ac poculum benedictionis, quis sanctorum nobis scripto reliquit? Non enim his contenti sumus, quorum Apostolus aut Euangelium meminit, sed & antea & postea quædam dicimus alia, velut magnum robur ad mysteria habentia, ex non scripta doctrina assumpta.

Pergit Smidelinus: Diabolus qui cum Lutero de Canonis Mis- Smid.
sæ erroribus disputabat, ingressus est in cor huius Grammatici, sine quo suggerente, tantas blasphemias euomere non potuisset.

Quas tu & quàm horrendas blasphemias passim in tuo Thraso- Bred.
nico milite euomueris, equidem hætenus planissimum feci. Tu quemadmodum te Lutero in doctrina successisse profiteris, ita eodem te spiritu agitari demonstras, videlicet impio, scurrili, & planè satanico. Quid verò mysterij habet demoniaca illa disputatio, Bredébachius p̃clare demonstrauit, ad q̃ tu rursùm obmutescis.

Cap. 25.

Excuitur copiosè controuersia de iustificatione.

Articulum iustificationis ex tenebris sophisticis restitu- Smid.
tum, ita implicat Grammaticus, vt quid dicat, non intelligat.

Articulum iustificationis dum singuli vestro inge- Bred.
nio explicare contenditis, nemo magis implicuit, quàm vos. Nam vt alios taceam, nunquàm in hoc themate sibi constitit Philippus. Reliqui etiàm symmystæ eius, quanto perè doctrinam suam in hoc Articulo variârint, planum facit Andreas Osiander in libello, quem contra Nycticoracem quendam scripsit, in quo Philippi & discipulorum eius quatuordecim diuersas de iustificatione opiniones enumerat, reliquas (nam viginti esse dicit) silentio præterit. Nam simul vt, inquit, locum aliquem in scripturis viderunt, in quo iustitiæ mentio fieret, statim nouam ex eo iustificationem sunt

- Gen. 15. sunt fabricati. Verbi gratia: legit aliquis, Credidit Abraham deo, &
 Roma. 4. reputatum est illi ad iustitiam: iam ex hoc vno loco duo collegit iustificationis genera: vnum ex verbo, credidit, vt diceret fidem esse nostram iustitiam: alterum ex verbo, reputatum est, vt diceret Deū iustitiam suam nobis imputare, nos pro iustis habere, etiamsi non
 Rom. 3. simus: atq; hanc esse iustitiam nostram. Legit alius, Iustificati sumus
 & 5. per sanguinem eius, statim ex eo collegit, quod preciosus sanguis Christi sit nostra iustitia. Legit alius, Sicut per vnius inobediētiam
 Romā. 5. peccatores constituti sunt multi, ita per vnius obedientiā iusti constituentur multi: mox docuit, Obediētia Christi est iustitia nostra.
 Romā. 4. Legit alius, Surrexit propter iustificatiōem nostram: Resurrectio, inquit, Christi est iustitia nostra, &c. In summa, enumerat ibi (præter alias) quatuordecim diuersas de iustificatione sententias, vt simul sint viginti & vna, cum ea sententia, quam ipse adfert Osiander. Sanè si Luterus contra Sacramentarios disputans, certū dicit argumentum, eorum doctrinam à satana profectam, quod in ipso statim exordio sit in septem vel octo capita dissecta: quis non maximè diabolicam dicat vestram doctrinam, quæ in vno duntaxat iustificationis articulo, in bis, immò ter septem sectas discissa est?
- Enumerat nunc Smidelinus causas iustificationis, efficientem, Instrumentalem, Materialem, Formalem, & Finale, sed ita, vt Lutheri discipulum possis agnoscere. Finales causas ait esse multas, precipuam autem, conscientie tranquillitatem, qua homo certus est, sese Deo gratum & acceptum esse propter mediatorem, habere remissionem omnium peccatorum & heredem esse vitæ æternæ & omnium cælestium bonorum.
- Bred. Ad hanc hæreticam salutis certitudinem suprā copiosè responsum est. Sed quod ad iustificationis modum & causas attinet, equidem puto catholicum & Christianum lectorem malle Oecumenico Concilio Tridentino credere, quàm Smidelino, cuius symmetræ quotannis, immò penè quotidie, nouam iustificationis formā
- Sess. 6. ca. 7. cudunt. Iustificatio, inquit Concilium, non est solum peccatorum remissio, sed & sanctificatio & renouatio interioris hominis, p voluntariam susceptionem gratiæ & donorum, vndè homo ex iniusto fit iustus, & ex inimico amicus. Huius iustificatiōis causæ sunt, fina-

Finalis quidem, gloria Dei & Christi, & vita æterna. Efficiens verò, misericors Deus, qui gratuito abluit & sanctificat, signans & vngens spiritu promissionis sancto, qui est pignus hereditatis nostræ. Meritoria autem, dilectissimus vnigenitus suus, Dominus noster IESVS Christus, qui, cum essemus inimici, propter nimiam charitatem, qua dilexit nos, sua sanctissima passione in ligno crucis nobis iustificationem meruit, & pro nobis Deo Patri satisfecit. Instrumentalis item, sacramentum baptismi, quod est sacramentum fidei, sine qua nulli vnquam iustificatio contingit. Demum vnica formalis causa est, iustitia Dei, non qua ipse iustus est, sed qua nos iustos facit, qua videlicet ab eo donati, renouamur spiritu mentis nostræ, & non modò reputamur, sed verè iusti nominamur & sumus, iustitiam in nobis recipientes, vnusquisq; suam secundum mensuram &c. Ridet iam illa Bredenbachij verba: Demètia est, putare Christum ita satisfecisse pro his peccatis, quæ ipsi patramus quotidie, vt nulla præterea nobis pro his opus sit satisfactione.

Abominandam igitur, inquit Smidelinus, idololatriam tradit Ioannes Euangelista, qui docet Christum propitiationem esse factum pro totius mundi peccatis &c. An hoc ignorauit Apostolus, dum ait, Adimpleo ea quæ defunt passionum Christi in carne mea pro corpore eius quod est Ecclesia? Quem locum tractans D. August. (in Psal. 86.) Videte, inquit, quid dixit Apostolus, Vt adimpleam. Quid? Quæ defunt? Cui defunt? Pressuram Christi. Et ubi defunt? In carne mea. Nunquid aliquid pressurarum deerat in illo homine, quod factum est verbum Dei, natum ex Maria virgine? Passus est enim quicquid pati deberet. In cruce positus, accepit acetum in vltimo, & ait, Perfectum est. Ergò impletæ erant omnes passionēs, sed in capite: restabant adhuc Christi passionēs in corpore. Vos autem estis corpus Christi & membra. In his ergò membris cum esset Apostolus, dixit: Vt adimpleam quæ defunt pressurarum Christi in carne mea. Ergò illuc imus, quò Christus præcessit: & adhuc Christus illuc pergit, quò præcessit. Præcessit enim Christus in capite, sequitur in corpore. Et adhuc Christus hic laborat, & Christus patiebatur à Saulo, quādo audiuit Saulus: Saule Saule, quid me persequeris? quomodo solet lingua dicere, calcato pede, calcas me: lin-

EEE

guam

Finalis.
Efficiens.

Meritoria.

Instrumentalis.

Formalis.

Smid.

Bred.

Col. I.

Ioan. 19.

Act. 9.

quam nullus tetigit, compassione clamat, non attritione. **Adhuc** Christus hinc eget, Christus hinc peregrinatur, Christus hinc egrotat, Christus hinc in carcere includitur. Iniuriam ei facimus, si non ipse **Matth. 25.** dixit: Esuriui, & dedistis mihi manducare &c. Ecce Smideline, cum Christus passus sit quicquid pati debuit, & in cruce dixerit, Consummatum est: nihilominus nos, & Christum in nobis, oportet etiamnum quotidie pati. Oportet nos quotidianis poenitentiae operibus & virtutum exercitijs adimplere ea, quae desunt passionum Christi. Nec tamen ideo verum est, quod tu ais, abominandam igitur idololatriam tradidisse Ioannem Euangelistam: dum docet, Christum poenitiationem esse factum pro totius mundi peccatis. Hoc enim in capite, ut iam audisti, verum est: in corpore & membris etiamnum patitur, luit, & satisfacit. Praeterea fatemur eos qui per Baptismum regenerati, renouati & iustificati sunt, nulla praeterea opus habere satisfactione aut iustificatione, si candidam innocentiae vestem, in baptismo acceptam, nouis peccatis non contaminet. Ceterum quod hoc nulli ferè adulto contingit, opus est nos iam regeneratos & in peccata relapsos, per sacramentum poenitentiae in pristinum iustitiae gradum, unde excideramus, restitui. Unde credentibus iam in Christum, non tam necessaria est fidei, quam bonorum operum praedicatio, quemadmodum videmus Prophetas ubique poenitentiam, saccum, ieiunium, & opera bona inculcare, quia populus Israeliticus iam in verum Deum credebat, (tamen si subinde apostatarent ad idola) Paulus verò quia gentes idololatrias docebat, veri Dei ignoras, ubique fidem praedicat. Quibus iam per baptismum Christo iustis, non iubet ut in accepta iustificatione conquiescant, sed euntes **Psal. 83.** de virtute in virtutem, renouentur de die in diem, hoc est, mortificando membra carnis suae, & exhibendo ea arma iustitiae in sanctificationem per observationem mandatorum Dei & Ecclesiae, in ipsa iustitia per Christi gratiam accepta, cooperante fide bonis operibus crescant, atque magis iustificentur, sicut scriptum est: Qui iustus **Eccle. 18.** est, iustificetur adhuc. Et iterum: Nè verearis usque ad mortem iustificari. Hoc iustitiae incrementum petit sancta ecclesia, cum orat: Da nobis, Domine, fidei, spei & charitatis augmentum. Sequitur de Ecclesia, eiusque signis, de quibus quoniam supra affatim diximus, in-

præ-

præsentiarum non repetimus. De concilijs (quorum, ut inquit D. Augustin⁹, Saluberrima est in ecclesia Catholica autoritas) quod ait Smidelinus, nihil ea cōstituere de Concilijs posse, quod scripturis expressum non sit, suprà enarrauimus: nam & istic hanc cram. bē recoxit, & millies à Catholicis refutatū est. Quin & sæpè iam demōstrauimus, scripturis omnia nō contineri. Nō omnia à scriptura diuina accipi possunt, inquit Epiphani⁹. Quapropter aliqua in scripturis, aliqua in traditione S. Apostoli tradiderunt.

Ad Ianuar.

De Concil.

Cap. xxvj.

De usu imaginum, & efficacia signi crucis, & habitu Missali.

Allatrat iam imaginum vsum, cumq; ab abusu impugnat. Nos Damasceni libros tres de imaginibus, illi opponimus. Nec ignorat calumniator iam olim ante aliquot secula damnatam esse Iconoclastarum hæresim. Antiquissimum esse imaginum vsum, patet ex Eusebio & Nicephoro, vbi referunt de ænea Saluatoris imagine, sub cuius fimbria succrescens herba, omne morborum genus curabat. Sed hanc de S. imaginibus questionem non solum Bredēbachius, (cuius argumenta dolosè dissimulat Smidelinus) sed oēs passim catholici scriptores perspicuè tractarunt, ut si quid his adhibere velim, solem facibus illustrare coner. Videat pius lector, inter cætera Martinum Peresium de traditionibus lib. 3. & cēsoram errorum Monhemij, in primis verò ipsum Damascenum.

Euseb. lib.
7. Eccl. hist.
cap. 14.
Niceph. lib.
6. cap. 15.

Sed audiamus, quàm validè in sacram Nicenam synodum & Reuerēdiſſ. Hosium insurgat. In synodo Nicena secūda, inquit, quod de imaginibus adfert decretum, q̄ est impiū? Vbi statuitur ut imagines Christi, Matris eius, & sanctorum adorentur.

Smid.
Aduers.
hof. fol. 150.

Verūm si intelligeret Smidelinus, adorationis vocabulum tam esse generale, ut etiā hominibus passim tributam legamus adorationem in sacris, nō ipsam sacratissimam synodum impietatis accusaret. Haud sanè nouum est in scripturis, ea quæ soli D E O conueniunt, etiā hominibus quādoq; tribui. Audi Israël, inquit scriptura, Deus tuus deus vnus est. Nihilō seciūs deitatis nomen communicatur hominibus, dicente Propheta, Ego dixi, dij estis. Hunc

Bred.
Deut. 6.
Psal. 81.

EEE 2

cum

eum Prophetam Bersabee, Abigail, & ipse Propheta Nathan adorasse leguntur: & tamen non minus his, quā nobis, dictum est: Dñm Deum tuum adorabis, & illi soli seruiēs. Quauis igitur adorationem genericè sumptam, & hominibus tributam, & imaginibus decretam legamus, non tamen eiusmodi cultum ullus Catholicorū, nedum tam sacra & œcumenica synodus, ulli creaturæ tribuit, qualem Deo deberi fatemur. Nè enim huiusmodi crimen hæretici Catholicis possent impingere, idcirco iam olim ante mille ducentos & amplius annos usurpata est à Catholicis ecclesiæ doctoribus distinctio inter deulā & latrām, uti infra docebimus ex D. August.

li. 21. cap. 21.
con. Faustū.

Smid.

Pergit Smidelinus, ipsi Synodo & pientissimo Hosio insultans: Et ad crimen idololatriæ depellēdum, inquit, aiūt sese in illis (imaginibus) non consistere, honoremq; & adorationem concludere, sed per eas ad inuisibilem illam singularemq; atq; vnicam diuinitatem dirigere. Sed quis adeo barbarus & rudis etiā inter ethnicos fuit vnquam, qui non eadem ratione suam idolatriam excusare potuerit? Num Aegyptij ignorārūt Apim esse bouem quem colebant, & cui sacra faciebant? Num Ieroboam filius Nebath, ignorabat suos vitulos ex auro esse? Num idem ignorabat Aharon cum populo Iudaico? Horribilis tamen erat idolatria, utcuq; iactitaret sese animis non consistere in illis bobus, sed ad inuisibilem Deitatem ascendere.

Bred.

In Psal. 113.

Licet ne ethnici quidem tam barbari & rudes fuerint, ut alicubi refert Augustinus, & nos alibi defendimus, quæro tamen ex hoc iconomacho, ad quam inuisibilem deitatem ascēderint Aegyptij, Ieroboam & populus Iudaicus, cum vitulos & boues adorarent, ipsiq; sacrificia facerēt? ad quam, quæso, diuinitatem ascēdere potuerūt? Num vspiā aliqua est deitas, quæ bubula aut vitulina forma queat effigiari? aut num ad aliquam bubali aut vitulini dei formam respexerunt Aegyptij & Iudæi? Sed porrigamus Smidēlino filum Theseium, quo ex hoc labyrintho sese extricet. Refert alicubi Lodouic⁹ Viues ex Diodoro, Principes viros in galeis & insignibus alios aliorum animalium formis uti solitos, velut Arcubim cane, & Macedonem lupo, vnde veneratiōem illis animalibus natam, atq; hinc principes vita functos, eorundē animalium quæ ipsis placu-

In cap. 26.
lib. 8. de

Ciuit. Dei.

placuerant, nominibus nuncupare, & imaginibus venerari instituisse. Atq; hoc est quod Mercurius Trismegistus dicit coli eorum animas, qui illa animalia viuentes consecrauerunt. Aliam tamen rationem, cur Aegyptij & populus Israeliticus bouis simulacrum coluerint, adfert Augustinus in lib. de Mirabil. sacræ (lib. 1. cap. 15. si tamen hic est Augustini) scripturæ: Ioseph, inquit, ut vir propheticus, præuidit qd Aegyptiorum gens idololatriæ dedita, ipsum qui terrenæ munificentiae illis author fuisset, & ipsos de famis periculo liberasset, aliquandò adorare vellet, quod & fecerunt. Nam bouis simulacrum iuxta sepulcrum Ioseph statuerunt, eò quod bos viro in agricultura cooperetur. Qua etià causa filij Israël cum in deserto idolum adorare vellent, nò aliam aliquam statuam quàm vitulum, id est, bouem fecerunt, hac vel maximè causa, quod ipse in Aegypto iuxta sepulcrum Ioseph adoraretur. Esto igitur, & concedam⁹ Aegyptios & Iudæos ad hanc inuisibilem deitatem ascendisse, ut loquitur Smidelinus: (tamen si verisimile sit, hanc rationem plurimis fuisse incognitam) verum ad quam inuisibilem deitatem ascenderunt, cum adorarent lucos & nemora, dicentes, Tu es DEVS meus, Et, Tu me genuisti? Deindè quid rationis habet, quod eiusmodi idola, & verè deos alienos, impiè confert Smidelinus cum sacris sanctorum Dei hominum imaginibus? Nò colit deos alienos, qui veneratur imagines illorum qui sunt membra Christi. Criminabantur olim ethnici Christianos, qd martyrum memorias religiosè colerent, cum tamen ipsi Christiani gentilium deos execrarentur. sed quid illis responderit D. Augustinus, patet ex libris de ciuitate Dei, lib. 8. cap. 27 Absit, inquit, ut eos, quanuis deos habeant, sanctis martyribus nostris, quos tamen deos non habemus, vlla ex parte audeant comparare. Sic enim non constituimus sacerdotes nec offerimus sacrificia Martyribus nostris &c. Faustus quoq; Manichæus exprobrabat Catholicis, quod idola in martyres conuertissent, & nomen duntaxat commutassent, ritum verò ipsum idololatriæ seruarent, eandem calumniam hinc à Manichæis mutuatur Smidelinus, cui ipsum D. Augustinum contra Faustum lib. 20. cap. 19. & 20. opponimus. Absurdissimam sanè & impietatis plenam hinc nobis fabricat collationem Smidelinus, quod pias Sanctorum Dei

EEE 3 mar-

li. 3. p. vene-
rat. sanct.
imag.

Exod. 18.
Gen. 46.
Gen. 23.

li. 1. qst. sup
Gen. ca. 61.

martyrum imagines, qui non alieni sunt dii, sed membra Christi, confert idolis demoniorum, cum nulla sit participatio Christo cū Belial: deinde, quod eandem latriam & cultum exhibeamus hisce imaginibus, quem olim gentiles & Aegyptij suis idolis præstiterūt, quod grauitèr & constantèr refutat D. Augustinus. Quocirca nè blasphemio ore venerandas sanctorum imagines idolis vltius cōferas, ex D. Ioanne Damasceno respondemus: Certamina sanctorū Martyrum & colo & honore prosequor, inquit. Qua igitur fronte dicis hæc esse idola, o mentis inops, minusque cordate? Idola enim assimilationes quædam sunt falsi nominis vim vsurpantium, putā mæchorum, homicidarum, luxuq; ac mollitie diffluentium, nō itē prophetarum, neq; Apostolorum, idola quidem ad gloriam diaboli fabricata sunt, & eius memoriam: imagines verò ad gloriā Christi, apostolorum, martyrum ac sanctorū eius inducta sunt. Quum igitur videris Christianum adorationis gratia procidentem cruci, scito, quia id fecit propter Christum cruci affixum, non item naturam ligni adorat. Et paulò pōst: Dic tu, o Iudæe, quænam scriptura permittit Moysi adorare Iethro socerū suum idololatren? Et Iacob Pharaonem? Et Abraham filios Emmor? An non iusti illi & Prophetæ? Et Daniel procidit impio Nabuchodonosor. Et quidem illi si hæc faciebant in gratiam redimendæ istius vitæ mundialis & temporariæ: quānam ratione exoptulas mecum, quod adorem sacra monumenta sanctorum, picturis historicisq; scripturis commendatas, afflictiones item & certamina, per quæ singulis diebus cum ulor beneficijs, spesq; est, me consecuturum vitam æternam? Hæc ille.

Vides hīc Smideline promiscuè vsurpari adorationis vocabulū, & sanctis quoq; Dei hominibus tribui. Animaduertendum enim est, inquit D. Augustin. in primo præcepto nō dictum, Dominum Deum tuum solum adorabis, sicut dictum est, Et illi soli seruiēs: quod Græcè est λατρεύσεις. Talis enim seruitus nō nisi Deo debet. Atq; hoc est quod ait Damascenus: Quemadmodum (Sancti) verè sunt dii, non natura quidem, sed veluti natura participes Dei: ita adorandi non suapte natura, sed vt in se continent eum, qui natura est adorandus, quemadmodum & ferrum ignitum non natura est

est tactui inaccessum & adurens, sed quia particeps est rei natura exustiue. Adorantur itaq; Sancti, inquit, quippe qui à Deo gloria cohonestati sunt, ut qui gratia Dei formidabiles effecti sint hostibus nostris, & qui cum fide ipsos adeunt, beneficia conferant. Nō illis cultum impendimus tanquam natura dijs & benefactoribus, sed quasi famulis ac Dei ministris, quiq; fidutiam ipsum alloquēdi obtinuerunt merito charitatis erga eundem.

Prosequitur iam suarum criminationum contextum Smidelinus, & prolatum ab Hosio Photij dictum in synodo Nicena 2. pphana manu ventilat. Execranda est impietas, inquit, quod scripsit Photius in hac synodo decretum, Sic crucis (inquit synodus) Smid. fol. 156. ad. uers. Hosii. signum adoramus, quo dæmonum agmina fugantur, & varij curantur morbi, cum semel in ipso exemplari gratia & virtus exhibitā sit, & vsq; ad exempla similis vis sese diffundat. Eant nunc Papiſtæ, ait Smidel. & dicant se nullam virtutem ascribere simulacris, cum impiè asseuerent eam virtutem inesse exemplis, quæ sit in exemplari &c.

Neget Smidelinus, si cum veritate potest, dæmonum agmina fugata, varios morbos curatos per sacrum crucis signaculum, & credemus pientissimam Dei misericordiam (quæ per herbas & frutices etiā infinita commoda præstat humano generi) nullam virtutem exemplari cōtulisse. Nō obscurū est, quod D. August. de miraculo per crucis signū facto refert. In eadē Carthagine, inqt, Innocētia religiosissima scēmina de primarijs ipsius ciuitatis, in mamilla cancrum habebat, rem sicut medici dicunt, nullis medicamētis sanabilem. Aut ergo præcidi solet & à corpore separari membrum ubi nascitur, aut ut aliquanto homo diutiùs viuat, tamē indē mortem quanlibet tardiùs affuturam, secundum Hippocratis sententiam, omnis est omittenda curatio. Hoc illa à perito medico & suæ domui familiarissimo acceperat, & ad solum Deum se orando cōuerterat. Admonetur in somnis appropinquante pascha, ut in parte scēminarum obseruanti ad baptisterium, quæcunq; illi baptizata primitus occurrisset, eundem locum signo Christi signaret: fecit, & confestim sanata est. Scribit Nicephorus quid Probiano Ecl. hist. li. 7. cap. 59. dagrico Imperatoris medico acciderit apud templum Archange-
lo

Crucis effi-
cacia.

Crucis si-
gnū tuetur
signiferum.

Io Michaëli sacrum. Graui is correptus erat morbo, ex pedibus admodum laborans, iuncturis connexionibusq; eorū admodum distortis. Cæterum ægritudine tali, visione diuina in eo templo prorsus est liberatus. Hic porro q̃ Græca superstitione imbutus, ad Christianam pietatem transierat, alia quidem religionis nostræ quodammodo credibilia atq; probabilia esse dicebat: Crucem autem diuinam salutis causam esse, omnino non admittebat. Atque in hac illi sententia periculosè satis perseueranti, Archangeli visio afflites, Crucis signum, quod in sacro ecclesiæ eius altari collocatū fuerat, exhibuit: diuersisq; verbis ostendit, ex quo tempore Christus sit crucifixus, nullā esse rem quæ opitulari generi humano priuatim & publicè, finemq; debitum & effectum consequi absq; augustinus huius ligni virtute possit, neq; apud angelos, neq; apud pios sanctosq; quicumq; veri in Deum amoris testimonium obtineret, homines. Qua persuasione saniores ille mentem recepit. Idē Nicephorus refert de Constantino Imp. qui crucis signum in vexillo bellico gestari voluit. Hoc igitur signum, inquit (lib. 7. cap. 37.) Nicephorus, præferri & laborantibus periclitantibusq; cohortibus adesse, à satellitibus per vices in humeris gestari, ordinesq; cum eo circuire iusserat. Salutifera hæc armatura quum sic Cōstantini acie preter, Maximinus suis præcipit, ut quicumq; collimare certoq; iaculari possent, in signum id tela conijcerent, atq; in ipsum confertim cum impetu ferretur. Quapropter is qui id ferebat, (dicitur autem Græcæ superstitionis fuisse) metu perculsus, alij portandum tradere festinauit. Atq; ibi alter quidam patre martyre prognatus, alacriter admodum prosiluit, thoracem & galeam longè à se abiecit, solaq; tunica tectus, signum crucis arripuit. Porro ille qui sibi à telorum ictibus cauerat, lethali vulnere accepto concidit. Qui verò sacratum crucis signum ferebat, quauis densæ niuis instar tela in eum conijcerentur, à nullo tamen est vulneratus. Nam præter opinionem omnem diuina quadam virtute tela ab hostib⁹ emissa, hastæ signi illisa atq; impacta, ab eo qui id ferebat, in medio armorū discrimine versante, auolabant. Dicitur præterea, atq; à Dei amantibus viris creditur, nec alio vnquam tempore, qui signum id tulerit, in sinistrum aliquem decidisse casum, aut vulneratū captūve esse.

esse. Alibi quoq; narrat, quo pacto Constantinus tria crucis trophæa erexerit in locis celebrioribus, in quarum tertia cruce, ἀπὸ τοῦ πωλίου, id est, foro panario constituta, ait multas supra opinionem hominum virtutes editas. atq; inprimis eos qui rigore inflammationis vexarentur, & oculorum doloribus & suffusionibus premerentur, sanatos. De qua factum quoddam, quod admodum in admiratione fuit, exponam, inquit. Nè verò quisquam narranti mihi fidem non habeat, nihil enim tam præter opinionem & præter fidem est, quod Deus non perficiat: neq; etiã quicquam quod Deus velit, impossibile est. Dicitur nanq; & verè dicitur, quum ad eam angelus Domini tèr quottannis per altissimam intempestæ noctis silentium, perindè atquè emicans quoddã cælitus fulgur, cum splendore insustentabili venit, crucem eum circuire, suffitum faciẽtem, suaviq; voce, quasi cuiusdam tenuis indicis præsentiam suam illis, qui puritate vitæ à vitijs abhorrentes, talia & videre & audire idonei sunt, insinuare: atq; ubi cantu ineffabili diuinum carmẽ tèr sancti hymni psallens concinuerit, rursùm illum velut stellam magnificè emicantem, ad munia redire sua.

Refert idem Nicephorus (lib. 17. cap. 15.) aliud insigne miraculũ, quod Apameæ ad salutiferum crucis signum accidit, aitq; illud solennitèr ab Episcopo circũgestari solitum. Et cap. seq. narrat, quomodò ciues Edessenæ ciuitatis obsessi, confugerint ad imaginem Christi, Abgaro regi ab ipso Christo missam, eosq; liberatos. Dæmones quoq; à Iuliano, licèt apostata, per crucis signum fugatos commemorat lib. 10. cap. 3. Turcas quoq; per crucis signum, licèt ipsis inuisum, à pestis contagio tutos fuisse scribit lib. 18. cap. 20. & Theodosium Imp. crucis armatura fretum, hostes aggressum esse. Epiphanius, quem Smidelinus operosè citat contra D. virginis inuocationem, refert de Iosepho, qui per signum crucis & nominis Christi inuocationem, Iudæorum incantationes dissoluit. Hinc omnibus seculis ac locis vñtatissimum fuit apud Christianos, vt frontem crucis signo consignarent aduersus quælibet aduersa, & quascunq; dæmonum fascinationes. Paulus Eremita monstrum quoddam satyro simile conspicatus, referente Hieronymo, frontẽ cruce cõsignauit, & Christianus poëta Prudentius, Fac, inquit, cùm

FFF

vø-

lib. de coro. milit. vocante somno castum petis cubile, frontem locumq; cordis, crucis figura signet. Crux pellit omne crimen, fugiunt crucem tenebræ &c. Et Tertullian. Ad omem, inquit, progressum, ad omnē aditum & exitum, ad vestitum & calceatum, ad lauacra, ad mensas, ad lumina, ad cubilia, ad sedilia, quacunque nos conuersatio exercet, frōtem crucis signaculo terimus. Quid iam vltius à nobis requiris Smideline? vt crucem Christi omni cultu ac veneratione spoliantes, nos tecum præbeamus inimicos crucis Christi? Quibus rationibus istud nobis persuadere conaberis? Negabis virtutē aliquā ex diuina Christi misericordia exēplari collatam? Nos verò diuersum nunc tot tamq; illustribus testimonijs docuimus. At crimineris Hosium vnā cum Photio, qui dixerit adorandam sacræ crucis imaginem. Dicam igitur cum diuo Ioanne Damasceno: Si me hac actione petis, mecumq; expostulas, obijciens, quia lignum crucis quasi Deum adoro, quamobrem non etiā Iacob in ius vocas, quī adorauit vel fastigium virgæ? Sed liquidò constat, quia id honoris exhibens ligno, non vtiq; illud adorauit, immò per lignum veneratus est Ioseph, quemadmodum & nos Christum adoramus per crucem, nō item nudo ligno id gloriæ attribuimus. Si itaq; typum crucis adoramus, ex quacunque materia imaginem crucis cōficiētes, qua tandē ratione non etiā adorabimus crucifixi imaginē? Hæc igitur Smideline tibi responsa sint ad blasphemum illud conuicium, quo vniuersam Nicenam Synodum cum Photio & Hosio exagitas, q̄ dixerint, Crucis signo dæmonum agmina fugari, & varios curari morbos, cum semel in ipso exemplari gratia & virtus exhibita sit, & vsq; ad exempla similis vis sese diffundat. Quā enim verè illud dixerit Photius, plurimis nunc rationibus ac testimonijs docuimus.

li. i. p. venerat. sanct. imag.

Gen. 47.

Crucis honor ad Christum tēdit.

Smid.

Iam vt nihil intactum relinquat, habitum quoq; sacrum quo in sacrificio sacerdotes vtuntur, irridet. O concionatores verè Lodiccos, inquit, non lodicibus, sed fustibus ex ecclesia pellēdos. Nū lodices (sic voco, inquit, habitum Missalem) vobis commendauit Dominus? &c.

Bred.

Fustuuario dignus esses vanissime obturbator, qui nihil non sacrarum cæremoniarum, rituum & dogmatum Ecclesiasticorum alatra-

latrare non erubescis. Nos verò hanc cæremoniam, Apostolicam dicimus, quam iam indè ab Apostolorum temporibus in Ecclesia vsurpatam fuisse, locuples testis est sanctissimus martyr & Pontifex Anacletus, ab ipso D. Petro (vti refert) presbyter ordinatus. In solennioribus, inquit, diebus aut septem, aut quinq;, aut tres diaconos, qui eius oculi dicuntur, & subdiaconos atq; reliquos ministros secum habeat, qui sacris induti vestimentis in fronte & à tergo, & presbyteri eregionè dextra læuq;, contrito corde & humiliato spiritu, prono stent vultu, custodientes eum à maleuolis hominibus, & consensum eius præbeant sacrificio &c. Certè Ecclesiasticos Mystas iam indè ab exordio Christianismi in *θυσιαστήριον* & altari indutos fuisse peculiari quodam & sacro amictu, ex veteribus ecclesiæ Patribus notissimū est: nisi quis ignoret Apostoli Ioannis petalon, Tertulliani infulas, Stephani primi & Euphronij apud Pamphylam episcopi colobium, (quo primū S. Iacobus vsus fuisse legitur) Hieronymi candidas vestes, Macarij Hierosolymitani sacras stolas, Syluestri & Gregorij Dalmaticas mappulas, item pallia. Sed & D. Chrysostomus de albis & linistolijs sacerdotum ac Diaconorum reuerentèr admodū loquitur homil. 83. in Matthæum. Tu verò quo habitu in Ecclesiam & concionem prodire soles? videlicet cum sago aulico, manica altera picturata circa sinistrum humerū, exertis vtrinq; brachijs, & cum cultro venatorio ad latus, vt Latomus te in frequentissimo conuentu Vuormatiæ è suggestu declamitantē cōspexit. Dic, picturate, vbi tam portentosum gladiatoriumq; habitum tibi commendauit Dominus, vt nobis hīc oblatras? Cur non etiā nudus in foro saltas? cur nō in stola muliebri concionaris? Paulus Apostolus cū mulieres velatas orare doceret, quibus scripturarum testimonijs vsus est? scilicet apud te tuiq; similes obturbatores publica honestas, Ecclesię consuetudo, canonum ecclesiasticorum autoritas, omne robur & vim suam amittent? Sit sanè tibi linearum vestium vsus vilis ac plebeius, tamen is olīm nobilium erat, & honoris causā primū datus est sacerdotibus, ac proindè nulli monachorum concessus, nisi inter obeūda sacra, vt alicubi exponit Erasmus. Iam videam, quā pulchrè tibi conueniat cum vestra ipsorum cōfessione 'Augustana

Epist.

In vita Hieronymi,

FFF 2 gustana

gustana, quam dum ægrè fers à Staphylo vocari Pádoræ pyxidem, tu ipse hic tuo sago aulico eā iungulas. Sic Philippus vester in Apologia eiusdem: Initio hoc præfandum est, inquit, nos non abolere Missam, sed religiosè retinere ac defendere. Fiunt enim apud nos Missæ singulis Dominicis & alijs festis, in quibus porrigitur Sacramentum his qui vti volunt, postq̃ sunt explorati atque absoluti. Et seruantur vtitatæ cæremoniæ publicæ, ordo lectionum, orationum, vestitus, & alia similia. Hæc ibi Melächthon, cui quomodo conueniat cum nostro hoc sagato, picturato & petasato Smidelino, ipse viderit. Si igitur Missa, cæremōiæ, orationes, vestitus tam religiosè seruantur apud Euangelicos, quorsum libelli de abroganda Missa? quorsum Epitaphia in Missam passam & sepultam? cur Smidelinus eam vocat horribilem abominationem? Cur lineum amictum velut sordidas lodices execratur? Si aliquid pietatis habet Missa, cur vniuersam tanto horrore detestatur hic vitiligator? si impia est, vt passim declamitat, cur religiosè seruat à Confessionistis? Et tamen has tam crassas antilogias vult infirmitatibus & leuiculis dissensiōibus accēseri noster hic paludatus. Si hæ sunt infirmitates, eæ profectò tantæ sunt, vt ad manifestam Augustanæ Confessionis internecionem tendant.

In p̃fatione
Hyperaspis.

Cap. 27.

De cultu, veneratione, & inuocatione Sanctorum.

INuehitur iam in Bredenbachium Smidelinus, q̃ sanctorum venerationem & inuocationem ex doctrina Ecclesiæ Catholicæ profiteatur. In quo rursus extremam hominis vecordiam & effrenatam malitiam non possum non vehementer admirari. Damnat enim alibi Faustum & Vigilantium, reliquosq̃ priorum seculorū hæreticos, qui eò quod sanctorum venerationem criminabantur, hæresios condemnati sunt. Quibus conuicijs Faustus Manichæus in Catholicos quondam destomachatus sit, refert D. Augustinus. Sed nec vestrum quidem schisma (scribebat Faustus libro contra Christianam fidem Catholicorum, quos Semichristianos appellabat) si me dixeris, verum est, quanuis Christum veneror & colo, quia alio eum ritu colo, & alia fide quàm vos: qui desciscetes à

In lib. cont.
Hosium.

gen.

gentibus, Monarchæ opinionem primùm vobiscum diuulsistis, id est, vt omnia credatis ex Deo: sacrificia verò eorū vertistis in Agapas, idola in Martyres, quos votis similibus colitis: defunctorum vmbras vino placatis & dapibus &c. Has Manichæorum in Catholicam Christi Ecclesiam blasphemias, Diuus Augustinus obiecta vera apostolicæ Ecclesiæ doctrina retundit. Quòd etià hinc nobis, inquit, calumniatur Faustus, quòd Martyrum memorias honoramus, in hoc dicens nos idola conuertisse, non tam me mouet, vt huic calumniæ respondeam, quàm vt ipsum Faustum ostendam, studio calumniandi ab ipsis Manichæi vanitatibus exorbitare voluisse. Et paulò post: Populus autem Christianus memorias Martyrum religiosa solennitate concelebrat, & ad excitandam imitationem, & vt meritis eorum confocietur, atq; orationibus adiuuetur: ita tamen, vt nulli Martyrum, sed ipsi Deo Martyrum, quantum in memorijs Martyrum constituamus altaria. Quis enim antistitum in locis sanctorum corporum assistens altari, aliquandò dixit, Offerimus tibi Petre, aut Paule, aut Cypriane? sed quod offertur, offert Deo, quia Martyres coronauit, apud memorias eorū quos coronauit. Colim⁹ ergò martyres eo cultu dilectiōis & societatis, quo & in hac vita coluntur sancti homines: at illo cultu, qui Græcè *λατρεία* dicitur, Latine verò vno verbo dici non potest, cum sit quædā propriè diuinitati debita seruitus, nisi vnum Deū. Cum autem ad hunc modū pertineat oblatio sacrificij, vnde idololatria dicitur eorum, qui hoc etià idolis exhibent, nullo modo tale aliqd offerimus, aut offerendum præcipimus. Vel cuiquam martyri, vel cuiquam sanctæ animæ, vel cuiquā angelo. Ipsi enim sancti vel homines, vel angeli exhiberi sibi nolunt, quod vni Deo deberi nōrunt. Hæc ibi D. Augustinus.

Huiusmodi blasphemis criminationibus, iam olim ante annos mille ducentos inferorum portæ in Ecclesiam Catholicam detonabant, eidemq; idolomania labem per Ethnicos impropere, Philosophos adspargere, per hæreticos affricare conabantur. Hinc assidue illæ veterū theologorū ad Imperatores ethnicos pro Christianismo apologiæ, cauterium illud, Christianæ religioni violētis criminationibus iniustum delere studebant. Quid igitur, inquit-

FFF 3

bat

Cōt. Faustū
Manichæū
lib. 21. ca. 13.

bat Theodoretus, viri Græci aduersus nos indignationem concipitis, cum nullum nostrorum hominum referamus in deos, quando debitum honorem Martyribus perfoluamus? Nos, Græci, nec hostias martyribus, nec libamina vlla deferimus, sed sanctos homines, Deiq; amicissimos honoramus. Sed oblatrabit nobis Vulcanus, hoc honore quo sanctos veneramus, eorumq; patrocinia depreciamur, Christi honoribus derogari. Hic enim vnicus est pro nobis apud Patrem intercessor & μεσίτης: hic securos nos fecit, quod petieritis patre in nomine meo, inquit, dabit vobis: hic mandauit, vt ad se veniamus, quotquot onerati sumus, se nos refecturum.

Rom. 15.
2. Cor. 1.
Phil. 1.
Philem. 1.

Iohan. 16.
2. Iohan. 1.

Sed vicissim ex te quaero, Smideline, an hæc Paulus Apostolus ignorauit? an hanc de Christo spem & existimationem non habuit? Maximè profecto, si quisquam alius. Cur igitur ad alios confugit? cur assiduas eorum orationes efflagitat? an nesciebat, se aduocatum apud Patrem habere Christum? Quod si ille tantus Christi Apostolus in tam sacro & verè Christiano negotio, Christum sine dubio intercessorem & aduocatum habens, causas perspexit, quã obrem aliorum preces & intercessiões efflagitandas duceret: quid est quod nos, qui tanti Apostoli sanctimoniam nulla penè ex parte attingimus, tanto cum fastu & arrogantia nostris precibus confidamus, vt eas nullis aliorum suffragijs egere putemus? Sic sanè priscam ecclesiam vniuersam fecitasse, nulli obscurum esse potest, qui ves per transfennam duntaxat veterum lucubrationes inspexerit. Sic inquit prudens ille & sacer Poëta Prudentius:

Indignus agnosco & scio
Quem Christus ipse exaudiat,
Sed per patronos Martyres
Potest medelam consequi.

Matt. 8.

In oratio. 8.
de laudib.
Basilij,

Hanc indignitatem suam agnouit ille Centurio, tãto encomio à Christo celebratus, qui missis ad eum Iudæis, ante cõspectum eius comparere erubuit, & præsentiam eius humiliter detrectauit. Hanc indignitatem vniuersa ecclesia primitiua & sanctissimi quique Patres agnoscetes, semper ad Martyrum sanctorumq; Dei hominũ suffragia confugerunt. Tu nos Basili (inquit Gregorius ille Nazianzen.) ex alto respice, totamq; vitam nobis in melius permuta. Et ali-

alibi: O Athanasie, è supernis propitius me respice, & populum sanctum dirige. Similia est videre in oratione 19. ubi D. Cyprianus inuocat, & oratione 23. D. Basilii in pulcherrima illa de quadraginta Martyribus historia hanc subiungit exhortationem: Qui aliqua premitur angustia, ad hos confugiat: qui rursus lætatur, hæc oret. D. Chrysostomus luculentè docet, Nō cōtemnamus, inquit, Sanctorum preces, sed oremus ut pro nobis precentur, manumq; porrigant. Addamus his Origenē: O beate Iob, inquit, ora pro nobis. Idem in lamento: Incipiam me genibus prosternere & deprecari vniuersos sanctos, ut mihi non audenti petere propter nimietatē peccati, succurrant. Hic non solum Sanctos inuocat, sed modum etiā & causam inuocationis perspicuè docet. Iam quid de inexpugnabili illo Catholice fidei vindice D. Augustino dicemus? Hic cum alibi passim, tum in lib. de spiritu & anima, compellat Sanctos his verbis: Vos qui meruistis consortes fieri supernorum ciuium, orate pro me ad Dominum, ut educat me de carcere isto. Rursum lib. 7. cap. 1. de baptismo cōt. Donatistas, & lib. 5. cap. 17. D. Cypriani iam vita defuncti opem implorat. Alijs quoq; in locis idem testatur. Et in meditationibus suis cap. 24. O sancti, inquit, qui securi estis de vobis, solliciti estote de nobis. Sermon 1. de S. Stephano protomartyre vult, ut nos illius orationibus commendemus. D. Hieronymus ad Eustochium scribens, S. Paulum inuocat. Videatur D. Ambrosius in hist. de sancta Agnete, in lib. de viduis, in oratione de fide resurrectionis circa finem. Adducamus pro corronide piam D. Bernardi querimoniam. Irrident, inquit, nos hæretici, quod paruulos baptizamus, pro mortuis oramus, ac Sanctorum suffragia postulamus. Agnosce hinc hæresios cauterio inuri Smideline. Reuerà non Vulcaneum, non ferreum, sed adamantinum tibi pectus esse dixero, si non his tot tantisq; testibus queas emolliri, ut istam mutes hæreticam & blasphemam peruersitatem. Si negare perges rectè Sanctos à nobis inuocari, ipsosq; pro nobis orare, id aut continget, quia impotentiores sunt, quàm qui possint: aut crudeliores, quàm qui velint: aut deniquè, quod res sit ipsis indigna ut orent. Elige quod velis, Smideline, nihil eorum est, quin absurdum sit & Christianis auribus indignum.

Orat. 18. de
laudibus
Athanasii,

Hom. 1. in 1.
ad Thess.

li. 2. cōmen.
in Iob. cir-
ca finem.

Cap. 59.

Hom. 66. in
Cant.

Quis

In enchi, ad
Laurentium
cap. 56.

Sancti an
preces no-
stras audiât.

Quis enim inficietur Sanctos, si non maioris, saltem eiusdem esse virtutis, cuius erant dum viueret? Dum igitur viui pro alijs tam multa non rogati impetrarunt, (vt de Moise, Petro, Paulo & alijs innumeris scripturæ testantur) in confesso erit omnibus, sanctos inuocatos longè procliuus & efficacius nunc quæcunq; saluti nostræ conferunt, posse impetrare. Vt autem neq; potentiâ, ita neq; charitatem, qua libenter pro nobis orent, denegare illis potes, nisi contra D. Paulum dicas, charitatem per mortem excidere. Si verò, vt verissimum est, perfectior in illis (qui fonti charitatis nunc propinquiores sunt) facta est dilectio, necessariò consequitur, cumulatorem etiâ illorum pro nobis, quàm dum hic peregrinarentur, esse solitudinem, & sicut cum angelis de nostra salute lætantur, ita & de nostra perfidia simili ratione contristari necesse est. Alioquin quomodò sanctorum statuemus communionem, quâ nonus symboli articulus credendam proponit? æquè enim sunt nostra membra (quorum Christus caput est) atquè illi qui in terris adhuc degunt, vt videre est apud D. August. & quotidie vehementer nostrâ exoptant salutem, vel ipso propheta teste: Educ de custodia animam meam ad confitendum nomini tuo: me expectant iusti donec retribuas mihi. Si verò (quod absit) indignum iudicaueris, vt sancti suppetias nobis precibus suis ferant, eadem ratione sustuleris saluberrimam Christi pro nobis interpellationem, ac D. Ioan- nem & D. Paulum mēdacijs suggillabis: nam vterq; Christi pro nobis intercessionem constantè affirmat. Dices fortassè solâ Christi intercessionem vniuerso orbi sufficere, ac proindè superuacaneas esse Sanctorum preces. Hoc argumentū etsi rudioribus inuictū appareat, lectori tamen paululū versatori vitreum, atq; adeo ridiculum videbitur. Hoc enim pacto etiâ mutuas viuorū preces funditū subuerteris, quas expressissimis scripturarum testimonijs & exemplis firmatas nulla ratione quisquam negauerit. Nec est quod sanctos longiùs à nobis dissitos causeris, & proindè nescire quid rerum agatur in terris. Nouum instrumentum euolue. Christi verbum est, ita angelis esse gaudium in cælo super vno peccatore repenitentiam agente, q̃ super nonagintanouem iustis &c. Si angelis hominum pœnitentia innotescit, cur etiâ sanctis, qui non mi-

minore desiderio salutē sitiunt nostram? Et si virtutū vitiorumq; studium compertum habent, an ignorabunt suspiria, gemitus, lamenta & preces nostras? Vndē Helizæus Propheta adhuc mortalis, cognouit quid rex Syriæ animo versaret, quid sceleris Giezi perpetrasset? Quid de his quæ scienda sunt, nesciunt, inquit diuus Gregorius, qui scientem omnia sciūt? Anime, inquit D. Augustinus, non vocis clamorem, sed cordis audiunt, & se fidelitèr inuocantibus subueniunt. Sed non tu primus es Smideline, qui gigantæa audacia bellum sanctis intulisti.

Cap. 39. de
cognit. veræ
vitæ.

Calumniabatur olim Catholicos Vigilantius, quod Sāctorum memorias venerarentur, cereis accensis eos honorarent, & suffragia eorum exposcerent. Magnum, inquebat ille, honorē præbēt homines beatissimis Martyribus, quos putant de vilissimis cereolis illustrandos, quos agnus qui est in medio throni, cum omni fulgore maiestatis suę illustrat. Cui hunc in modū respōdet Hieronymus: Quis, ô insanum caput, aliquandō martyres adorauit? quis hominem putauit Deum? & paucis interiectis, dolet Martyrū reliquias precioso operiri velamine, & non vel pannis, vel pellicio colligari, vel proijci in sterquilinum, vt solus Vigilantius ebrius & dormiens adoretur. Ergo sacrilegi sumus quandō Apostolorū basilicas ingredimur? Sacrilegus fuit Cōstantinus Imperator, qui sanctas reliquias Andreæ & Lucæ & Timothei transtulit Constantinopolim? apud quos dæmones rugiunt, & habitatores, Vigilanti, illorum se sentire præsentiam confitentur. Sacrilegus & nunc Augustus Archadius, qui ossa B. Samuelis longo pōst tempore de Iudæa transtulit in Thraciam? Omnes episcopi non solū sacrilegi, sed & fatui iudicandi, qui rem vilissimam & cineres dissolutos, in serico & vase aureo deportauerunt? Stulti omnium ecclesiarū populi, qui occurrerunt sanctis reliquijs, & tanta lætitia quasi præsentem viuentemq; cernerent, susceperunt: vt de Palæstina vsque Chalcedonem iungerentur populorum examina, & in Christi laudes resonarent? Videlicet adorabant Samuelem, & non Christū, cuius Samuel & Leuita & propheta fuit? Mortuum suspicaris, idcirco blasphemias. Lege Euangelium: Deus Abraham, & Deus Isa-
ac, & Deus Iacob, non est Deus mortuorum, sed viuorum. Sier-
Matt. 22.

GGG

gò

gò viuunt, honesto iuxta te carcere non clauduntur. Ais enim (inquit Hieronymus) vel in sinu Abrahæ, vel in loco refrigerij, vel subter aram Dei animas Apostolorum & Martyrum cõsedisse, nec posse suis tumulis, & vbi voluerint, adesse præsentes. Senatoriæ videlicet dignitatis sunt, vt non inter homicidas teterrimo carcere, sed in libera honestaq; custodia, in Fortunatorũ insulis, & in campis Elysij recludentur. Tu Deo leges pones? Tu Apostolis vincula inijcies, vt vsq; ad diem iudicij teneantur custodia, nec sint cum Domino suo, de quibus scriptum est: Sequuntur agnum quocũq; vadit? Si agnus vbiq; ergò & hi, qui cum agno sunt, vbiq; esse credendi sunt. Et cum diabolus & dæmones toto vagentur orbe, & celeritate nimia vbiq; præsentes sint, Martyres post effusioem sanguinis sui ara operientur inclusi, & indè exire non poterunt? Dicis in libello tuo, quòd dum viuimus, mutuò pro nobis orare possumus: postquàm autem mortui fuerimus, nullius sit pro alio exaudienda oratio. Si Apostoli & Martyres adhuc in corpore constituti, possunt orare pro cæteris, quando debeant de se adhuc esse solliciti: quanto magis post coronas, victorias & triumphos? Hæc & multò plura his ibi D. Hieronymus, ex quibus si non animaduertit Smidelinus, & causam communem, & habitatorem spiritumq; vnum se habere cum Vigilantio, meritò ebrius & dormiens videbitur. Cum igitur in lib. aduersus Reuerendiss. Hosium apertè numerarit Vigilantium inter hæreticos, quid mirum si Smidelinum habeamus pro hæretico, cui tam bellè cum hæretico Vigilatio cõuenit? Iam quid pergam recensere D. Ambrosium de inuentione corporum Sanctorum Geruasij & Protasij & stupendis miraculis circa ea patrat? Quid rursus Hieronymum in Epistola ad Iulianum? Quid eundem de corporib; SS. Petri & Pauli? Quid Chrysostomum in Iuuentium & Maximum Martyres? Sapè eos inuisamus, inquit, tumulos adornemus, magnaq; fide reliquias eorũ cõtینگamus, vt indè benedictionem aliquam assequamur: quæ enim volunt, apud regem cælorum impetrare possunt. Quid eundem in hom. 66. ad populum Antiochenum? Seruorum crucifixi, inquit, sepulcra, regis aulis sunt clariora: nō magnitudine & ædificiorum pulchritudine, sed quod multò magis est, conuenientium studio.

Nam

Nam & ipse qui purpuram indutus est, accedit illa complexurus sepulcra, & fastu deposito, stat sanctis supplicaturus, ut pro se apud Deum intercedant &c. Et paucis interiectis: Sanctorum ossa hanc habent potestatem, ut demones sistant & torqueant, & victos ab illis soluant sequissimis vinculis. Cinis & ossa & fauilla, inuisibiles illas potestates dilaniant. Itaque quò regias quidem aulas videat, nullus unquam peregrinatus fuerit: multi verò reges, huius spectaculi gratia peregrinati sunt. Alibi quoque idem Chrysostomus desiderium suum videndi & venerandi catenas & carcerem, quo Paulus victus fuit, & plura alia in eadem sententiâ exponit. Quis mihi nunc dabit, inquit, circumfundi corpori Pauli, affigi sepulcro, videre pulverem corporis illius, quæ adhuc in Christo deerant, adimplentis? &c. Et hæc quidem est concors & consentiens omnium sanctorum Patrum & Conciliorum sententia de venerandis & ornandis reliquijs & sepulcris sanctorum. Quid ad hæc dicturam putamus fuisse censuram Philippo? fortasse quia commodius senserint illi SS. Patres, quam scripserint: neque enim quid asperius de leuitate Philippi expectarem. Quid verò tu Smideline? vno in loco miracula ad sanctorum sepulcra designata, sine vlla simulatione vocas præstigias demonum. In libro verò aduersus Hosiū, postq̃ miracula suggillasti, subiicis: Non loquimur autem de miraculis sanctorum, quibus doctrina verè pia confirmata est &c. paulò post velum vertes: Persuasum est, inquit, miserum vulgus, Sanctos, quorum opem implorabant, & quos colebant, omnis generis morbos curasse. Paulus operationem sathanæ appellat &c.

Serm. 32. in
epist. ad Rō.

pag. 343.

Rursus contra Bredenbachium, paulò ante calcem libri nonnulla ex Epiphanio producis contra Collyridianos & Antidicomarianitas, quorum hi quidem vilipendebant sanctam virginē, inquit Epiphanius, illi verò ultra decorum glorificabant. Sed quæso te Smideline, quid his Epiphaniij verbis persuadere conaris? Scilicet non adorandam esse Mariam? At hoc ipsum nos unà cum vniuersa ecclesia Catholica fatemur, & suprâ ex D. Hieronymo aduersus Vigilantium clarè docuimus. Neque est quod distinctionem doctrix & latriæ tam contumaciter reijcias: quam ut infinitis doctissimorum, antiquissimorum, pientissimorumq; virorum testimonijs

GGG 2

ful-

fultam ostendere possumus, ita plusquam satis eadem confirmat idem D. Hieronymus loco citato, & Augustinus in adducto superius loco contra Manichæum. Sed de hac repaulò post latius agemus. Sanè nil aliud ibidem docet Epiphanius, quam adorationem siue latriam, neq; Mariæ, neq; sanctis conuenire. agit enim contra illos qui Collyridem per sacrificium illi offerebant. Quanto verò magnificentiùs de D. virgine & sanctis sensit Epiphanius, quam tu, qui passim non alio ferè nomine dignaris Sanctos, quam vt mortuos appelles? Sancti, inquit (cōtra Antidicomar.) Epiphani⁹, sunt in honore, quies ipsorum in gloria, profectio ipsorum hinc in perfectione, fors ipsorum in beatitudine, in mansionibus sanctis, tripudium cum angelis, diæta in cælo, conuersatio in diuinis scripturis, gloria in honore incomparabili ac perpetuo, brauia in Christo Iesu Domino nostro. Audiui nunc ego te, Smideline, contra virginem Matrem adducere Epiphanium. Audi tu vicissim me eundē adducentem contra nuptias tui Luteri. Tradiderunt, inquit, sancti Apostoli, peccatum esse, post decretam virginitatē ad nuptias cōuertere. Et paulò post: Si itaq; & ea quæ post mundi experientiā vidua fuit atq; Deo dicata, & postea nupsit, iudicium & condemnationem habebit, quòd primam fidem reiecit: quanto magis, quæ citra mundi experientiam Deo dicata virgo fuit & nupsit, contra Christum lasciuijt, & maiorem fidem reiecit, & iudicium habebit, velut quæ proprium erga Deum propositum relaxauit? Quomodo hæc sonant in auribus tuis Smideline? Iam si ego tibi recensere inciperem eos, qui iam olim aote mille annos doctiam attribuerunt sanctæ Virgini, eiusq; intercessiōem apud filium petiuerunt, quàm non mihi defutura essent p̄clara & illustria testimonia? Sed vt breuitati consulam, duo duntaxat in medium proferemus. Ex his primum faciemus sanctum illū Ephrēm, Basilij Magni discipulum, qui vixit anno Domini 380. Hic virginem Matrem his verbis inuocat: Tu peccantium & auxilio destitutorum adiutrix, sub alis tuis custodi me & protege. Crebris lachrymis te ô mater, imploro, & aduolortibi Domina mea, suppliciter clamans, nè dulcis filius tuus vitæ omnium dator, ob multa quæ patraui scelera, miseram animam meam diripiat &c. Subiungit postea: Precibus Dei genitrici-

Hæref. 41.

In orat. de
sanctiss. Dei
matris lau-
dib.

triciſ ſemp̃r virginis, & exercitûs cœleſtium, ac cœtûs angelorum, Cherubin, Seraphin, Prophetarum, Martyrum, Hierarcharum, Sâ-
 ctorum ſtudioſorum interceſſionibus, & omnium beatorum ſup-
 plicationibus miſerere creaturæ tuæ, Deus mi clementiſſime &c.
 Idem beatus Ephræm ſcripſit ſermonem de laudibus martyrum.

Alterum faciemus Imperat. Iuſtinianû in l. i. in princip. C. de of-
 ficio præſecti Prætorio Africę: Deprecantes, inquit, exoramus ſan-
 ctæ & glorioſæ ſemp̃r virginis Marię precibus, vt quicquid minûs
 eſt Reipublicæ noſtræ, per nos vltimos ſeruos ſuos reſtituat in no-
 mine ſuo Deus. Prætereo hîc D. Ambroſium in oratione ſecunda,
 præparante ad Miſſam, vbî inuocat D. Virginem, Apoſtolorumq;
 interceſſionem implorat. Itidẽ Auguſtinum, qui ſumma deuoti-
 one in precibus ſuis Mariam Domini matrem implorat lib. Medi-
 tation. cap. 40. Idem habet illam Eccleſiaſticam Oden, Sancta Ma-
 ria, ſuccurre miſeris &c. Taceo melliflua illa & creberrima D. Ber-
 nardi ad virginem Matrem elogia. Quid habet ad hæc dicere Anti-
 dicomarianita Smidelinus? An prouocabit ad ſcripturam? At illa
 prædicat Mariam gratia plenam, benediçtam inter mulieres, beatû
 eius ventrem qui portauit Chriſtum, beatam eam dicturas omnes
 generationes. An putabit vniuerſos illos laudatiſſimos Patres fu-
 iſſe idololatrias? neſciuiſſe quo honore, quo cultu & veneratione
 proſequendi ſint ſancti? An tu hoc ipſos docebis Smideline? An
 tu vniuerſam Catholicæ Eccleſiæ normam præſumes inuertere?
 Poſt mille quingentos annos docere, quæ antè neſciuiſſimus? nẽ te
 maturiûs è nido proreptâſſe oportuit. Iam quòd dicis, miracula q̃
 ad reliquias & ſepulcra ſanctorum deſignantur, eſſe præſtigias de-
 monum, non tam eget verbôſa refutatione, quàm operoſa & egre-
 gia ſuſtigatione. Quis vnquàm præter blaſphemos hæreticos, Eu-
 nomium, Porphyrium & Vigilantium tam impias voces in ſacros
 Diuorum cineres profudit? Refert B. Ambroſius ad mauſoleum
 virginis nõ diabolicas, (vt hic malleator blaſphemat) ſed diuinas
 & planè mirabiles viſiones fuiſſe à Domino multiſ oſtẽſas, ſigna q;
 innumera & virtutes prodidiſſe. Chryſoſtomus quoq;, Verum, in-
 quit, vt Deus miſericordiær multas ſalutis occaſiones præſtat, ita
 cum alijs hanc nobis parauit, vt ſanctorum reliquiæ nos ad virtu-

ſer. 2. de an-
 nun. Dñi, &
 ſer. 2. de af-
 ſump. B. Ma-
 ria.

In paſſi. D.
 Agnetis.

In ſermo. B.
 Babylæ,

- rem excitent, cum illas veneramur. Etenim post concionandi munus, tumbæ solus ad spectus plurimum iuuat: loculis enim illis adstantes, eorum virtutem sentiunt. Idem de laudibus Pauli: Vis dona Dei cognoscere? Vestimēta Pauli dæmonib⁹ terrori erant. Quid ad hæc dices? Pergesne diuinam in martyrum corporibus virtutē præstigias dæmonum appellitare? O hominem verē dæmoniacum.
- Hom. 5, to. 3. Quid igitur dices ad illum scripturæ locum, Quidam sepelientes hominem, viderunt latrunculos, & proiecerunt cadauer in sepulcro Elisæi: Quod cum tetigisset ossa Elisæi, reuixit homo, & stetit super pedes suos? Hocce tam stupendum miraculum, quo Deus defunctum prophetam cohonestauit, præstigijs dæmoniacis patratum blaterabis? Vmbra Petri & sudaria Pauli morbos curauerunt: cur eandem virtutem adimat sanctis suis Deus, piè in Christo defunctis, & consummato iam certamine coronam immarcescibilem adeptis, quam in mortali corpusculo peccatis ac defectibus obnoxio adhuc constitutis, sæpenuerò est elargitus? Iam cuius est impudentiæ & impietatis, ad hanc blasphemiam stabiliendam adducere D. Paulum Apostolum ad Thessalonicen? Hæc
- Smid. pa. 343. adu. (inquit blasphemus malleator) miracula ad statuas sanctorum facta, quo authore edita sint, demonstrat D. Paulus: Cuius aduentus, inquit, erit secundum operationem sathanæ in omni virtute, signis & prodigijs mendacibus. Persuasum est miserū vulgus, sanctos quorum opem implorabant & quos colebant, omnis generis morbos curasse: D. Paulus operationem sathanæ appellat &c.
- Hof. Bred. Quid est scripturam adulterare, quid blasphemare, si hoc non est? Paulus ibi non de miraculis ad sepulcra sanctorum iam olim factis, atq; etiamnum multis in locis conspicuis loquitur, quæ sancti Patres, iam nunc adducti, diuina appellant, sed de ipso Antichristo imminente seculi consummatione venturo, & annis tribus & sex mensibus regnatura, orbemq; signis & prodigijs mendacibus seducturo, vt suprâ hunc Apostoli locum ex luculētis SS. Patrum explicationibus elucidauimus, & tu laxatis blasphemæ linguæ habenis, miracula diuina virtute ad fidelissimorum seruorum suorum sacros cineres designata, ad Antichristi signa & prodigia mendacia relegabis? O Porphyrianam & Eunomianam blasphemiam. Si hæc
- lib. 3, cap. 13.

hæc miracula, quibus mali spiritus eijciuntur, morbi curantur, præ-
 stigiæ dæmoniacæ enervantur: si, inquam, hæc sunt demonum præ-
 stigiæ, quomodo Sathanas sathanā eijcit? Dæmones apud sancto-
 rum sepulcra rugiunt, inquit Hieronymus, & habitatores Vigil-
 tij (cum quo causæ & spiritus communionem habet Smidelinus) Cōt. Vigil
 illorum se sentire præsentiam cōfitentur. Quis cum tali pugile de-
 certet, qui impudentia & malitia vincat ipsos dæmones? Quid su-
 perest, nisi ut foro deserto, corollam demus victori & triumphato-
 ri Smidelino? Videor enim mihi videre triumphantem illum, li-
 tuo & trabea decorum, sublimem mula vehi, & de Astaroth, Be-
 hemoth, & Leuiathan, & vniuersa Plutonis familia triumphum
 agere. Nec sanè præter legem aut meritum in eburneos triumphā-
 tium currus, excussa fabrilis fuligine, ex officina sua proreptat Smi-
 delinus. Lex enim triumphandi, consensu & approbatione Sena-
 tus populiq; Romani lata, hæc est: Si Imperator hostiū quinq; mil-
 lia ceciderit acie vna, maioremq; exercitus partem saluam reportā-
 rit, triumphato: cui legi cum noster triumphator abundè fecerit
 satis, vna videlicet lectissimorum mendaciorum phalange, vniuer-
 sum illud agmen auerniuagum superans & deuincens, ex omniū Smidel. de
demonibus
triumphat.
 consensu & legis Romanæ decreto, iure triumphat. Fortassis aut
 medio iam in templo versari se, aut videri putabit. Sed hoc velim
 tibi persuadeas Smideline, mecum Regio Psalte perfecto odio Psalm. 138.
 odisse, non te, sed infrenem illam & intolerandam blasphemi oris
 tui spurcitiem & purulentiam, qua relaxatis omnibus petulantis-
 simæ linguæ tuæ habenis, in sacratissimam *χριστοτόκον*, in sanctos
 Apostolos, inuictosq; martyres, eorumq; cineres & sepulcra, tam
 blasphemè & procacitè expuis. Summa olim fuit paterni sepul-
 cri religio, quod ex Thamyridis fabula colliquet. Proindè qui mo-
 numētum patris violāset, huic, sicut & parricidis, Erynnes furias
 vltrices immittebat, neq; quicquā prosperè succedebat, uti coarguit In arte poe-
tica.
 illud Horatij: Nec satis apparet, cum versus facit, utrum
 Minxerit in patrios cineres, an triste bidental
 Mouerit incestus, certè furit.

Tu verò Smideline, in eorum cineres, in sacratam & nun-
 quàm satis laudatam eorum memoriam, qui te regenuerūt **CHRI-
 STO**

STO, quibus eam ipsam fidem, si quam habes de CHRI-
STO acceptā ferre tenéris, quos omni cultu, obsequio & venerati-
one prosequi deberes, in eorum recolenda ossa & sacratas reli-
quias tam nefario ausu immeiere non expauescis? Christi per eos
patrata miracula traduces velut præstigias dæmonū? Si ludis, ob-
secro, valeant tales ioci, quibus temerantur res sanctæ & diuinæ.
Sin seriò agis, & verum dicere vis videri, quomodò satanas satanā
eijcit? quomodò ad præstigias diabolicas ipsi diaboli exhorrescunt,
contremiscunt, rugiunt, è domicilijs suis ex corporibus humanis
profligantur, vt apertè referūt D. Hieronymus & Chrysostomus?
Si uetamen ludis, siue seriò deblateras, idem ille spiritus immun-
dus, qui Vigilantium exagitauit, eo iam olim derelicto, ex tui pe-
ctoris officina, nouum sibi domicilium fabricauit. Nihil hîc citra
veritatis assistentiam, solo affectu suggerente, scribimus: & si face-
rem, tuis vterer strophis, qui, docente Bredébachio, quantoperè
ab eiusmodi discipulis cauendum sit, qui disertorem & magistrū
habuere diabolum, quem Lutero familiaré fuisse, ipsius testimo-
nio constat, nihil aliud respondes, q̃ diabolum qui disputauit cum
Lutero de Missa priuata, ascendisse in cor Grammatici, atque itā
perbellum te Brentij & Luteri hyperaspisten egisse gloriaris. Sed
libentè tibi hoc condonamus, agnoscimus te ingenij tui impotē-
tem: genio, qui te exagitat, hoc imputatum esto. Quem si fortè per
tū ipsius ignorantiam nondum familiariùs cognouisti, referemus
eius orationem, quam aliquandò per causæ tuæ consortem Vigi-
lantium profudit, vt ex ipsius orationis lineamentis, ipsum & Vi-
gilantij simul & tuum hospitem loquentem ac dictitantem agno-
scas. Sic refert Hieronymus de Vigilantio: Argumentatur contra
signa atq; virtutes, quæ in Basilicis Martyrum fiunt, & dicit eas in-
credulis prodesse, non credentibus: quasi nunc hoc quærat, qui-
bus fiant, & non qua virtute fiant. Esto, signa sint infidelium, qui
quoniam sermoni & doctrinæ credere noluerunt, signis adducan-
tur ad fidem: & Dominus incredulis signa faciebat, & tamen non
idcirco Domini suggillāda sunt signa, quia illi infideles erant, sed
maiori admirationi erūt, quia tantæ fuere potētiae, vt etiā men-
tes durissimas edomarent, & ad fidem cogerent. Itaq; nolo mihi di-
cas

cas, inquit Hieronymus, signa infidelium sunt: sed responde, quomodo in vilissimo puluere & fauilla nescio qua, tanta sit signorum virtutumque presentia. Sentio sentio, inquit idem Hieronymus, infelicissime mortalium, quid doleas, quid timeas. Spiritus iste immundus, qui hac te cogit scribere, sapere hoc vilissimo tortus est puluere, immo hodieque torquetur, & qui in te plagas dissimulat, in ceteris confitetur, nisi forte in morem gentilium, impiorumque Porphyrij & Eunomij, has praestigias demonum esse confingas, & non vere clamare daemones, sed sua simulare tormenta. Do consilium: ingredi baslicas Martyrum, & aliquando purgaberis: inuenies ibi multos socios tuos, & nequaquam cereis martyrum, qui tibi displicent, sed flammis inuisibilibus combureris, & tunc fateberis, quod nunc negas, & tuum nomen, qui in Vigilantio loqueris, liberè proclamabis, te esse aut Mercurium propter nummorum cupiditatem, aut Nocturnum, iuxta Plauti Amphitryonem, quo dormiente, in Alcmena adulterio duas noctes Iupiter copulauit, ut magnae fortitudinis Hercules nasceretur: aut certe Liberum patrem pro ebrietate & cantharo ex humeris dependente, & semper rubente facie, & spumantibus labijs, effrenatisque conuicijs. Et paulo post: Tales habet aduersarios ecclesia. Hi duces contra Martyrum sanguinem dimicant, huiusmodi oratores contra apostolos pertonant: immo tam rabidi canes contra Christi latrant discipulos. Ego confiteor, inquit, timorem meum, ne forsitan de superstitione descendat. Quando iratus fuero, aliquid mali in meo animo cogitauero, & me nocturnum phantasma deluserit, baslicas Martyrum intrare non audeo, ita totus & animo & corpore pertremisco. Rideas forsitan, & muliercularum deliramenta subsannes. Non erubescor earum fidem, quae primae viderunt Dominum resurgentem, quae mittuntur ad Apostolos, quae in matre Domini Saluatoris, sanctis Apostolis commendantur. Tu ructato cum seculi hominibus, ego ieiunabo cum sceminis, immo cum religiosi viris, qui pudicitiam vultu praeferrunt, & pallida iugi continentia ora portantes, Christi ostendunt verecundiam &c. Haec ibi strenuus ille Catholicae fidei propugnator Hieronymus. Jam ego Smideline acerbioribus conuicijs tecum agere nolo, tametsi & optimo iure & tuo ipsius exem-

Tibi dicitur
hoc pnta
Smideline,

HHH

plo

plo id mihi in te liceret: Sed nihil aliud tibi imprecor, q̃ vt isto te-
 tro, immani, spurco & blasphemio spiritu aliquādō per gratiā Dei,
 & diuorum Martyrum intercessionem libereris, qui te tam portē-
 tosa & noxia metamorphosi ex homine Christiano in Luteranum,
 ex Luterano in Vigilantium, ex Vigilantiano in Porphyrianum
 & Eunomianum admirabili versutia trāsformauit. Dedit tibi cō-
 filium Hieronymus, qua ratione tetrum istum dāmonem queas
 excutere, & ad stygiam Orci familiā relegare. Quōd si persuasum
 habes, te meris spiritibus Cherubicis & Seraphicis possideri, eo-
 rumq; dictamine & instinctu tam turpia, tam spurca, tam paganica
 & blasphemata profundere, eo ipso magis deplorandus es, q̃ nec te
 ipsum, nec hospites tuos, nec infelicitatem tuam agnoscas aut per-
 sentias. Vnum adhuc addam pro auctario: Si idololatricū est, in-
 uocare & colere diuos, venerari sepulcra Martyrum: Respondet
 rursūm tibi Hieronymus, malè ergō facit Romanus episcopus, qui
 super mortuorum hominum Petri & Pauli, secundū nos, ossa ve-
 neranda, secundū te, vilem puluisculum, offert Domino sacri-
 ficia, & tumulos eorum Christi arbitratur altaria. Malè fecit Pius V.
 Romanus episcopus, quem in eodem altari ipso die Pentecostes
 anni superioris sacris religiosissimè operantem vidimus. Quin &
 friuolè & ridiculè queritur Diuus Chrysost. se per valetudinē in-
 teresse non potuisse, cū Christiani corpus cuiusdam martyris so-
 lenni processione Constantinopolim, atq; indè per totam ciuita-
 tem circumferrent. Sed verisimilius erit, si dicamus Smidelinū fri-
 uolè & ridiculè garrere de re quam vel non intelligit, vel malignè
 dissimulat, & blasphemè impugnat. Possem sanè vel integrū volu-
 men eiusmodi luculētissimorū testimoniorū, de cultu, veneratiōe
 & inuocatiōe sanctorū Smidelinianis blasphemijs oppōere. Verū
 si hæc ei non satisfaciunt, dicam cum Abrahamo: Si hos non audi-
 at, etiam si ex mortuis quis resurrexerit, non credet. Si quis tamen
 plus videre desiderat, extat inter infinitos alios liber Alexandri
 Candidi de veneratione reliquiarum contra Ioannem Caluinum,
 tum etiā Via regia Ioannis Fabri Ecclesiastæ Augustani, & con-
 cio D. Martini Eifengreinij de reliquijs sanctorum & peregrinat.
 nupèr à nobis Latinitate donatæ. Hos duos Lectori quantumuis
 auido

Luc. 16.

audio satisfacturos existimo. Smidelino fortassis nemo sat fecerit, donè tandem ipse peruicaciæ & rebellionis suæ reus postulat, luendo & supplicium ferendo, vindictæ & iustitiæ diuinæ satisfaciatur.

Cap. 28.

Refelluntur argumenta Smidelini in Reuerendiss. D. Hosium & Bredenbachium contra inuocationem & venerationem Sanctorum.

Sed videamus quàm ficulneis & fabrilibus argumentis Sanctorum inuocationem oppugnet. Exagitat Reuerendissimum Hosium, quòd scripserit nos Christum in sanctis inuocare. Si ergò collectio valet, inquit, propterea sanctos inuocandos, quòd in ipsis Christus sit, eadem paritèr ratione omnes totius orbis creaturas inuocabimus, atq; hoc modo ipsorum litaniam augebitur, Sancta species panis ora pro nobis, Sanctæ arbores & herbæ orate pro nobis, Sanctum cælum ora pro nobis, siquidè Christus est in cælo &c. fol. 123.

Hæc ibi perbellè sanè atque admodum fabriliter Smidelinus. Smid.
Quid superest, nisi vt pari ratione dicamus, Sancte Vulcane, sancte Pluto ora pro nobis? nam & hi sunt creaturæ, & in ipsis est Deus per vindictam. Quæ est hæc collatio? Christus ubiq; est, tam in herbis & arboribus quàm in sanctis Dei hominibus, ergò tam herbæ & arbores, quàm sancti sunt inuocandi. Sic sanè decet Babylonicæ turris ædificatorem còfusè de quibuscumq; rebus differere. Verùm si vel solum Augustinum in epistola ad Dardanum vel etiàm Theologos Scholast. in distinct. 37. lib. 1. Sententiarum legisset, nòset quòd licèt Deus ubiq; sit, non tamen eodem modo sit in omnibus. Bred.
Fatendum est, inquit D. August. ubiq; esse Deum per diuinitatis præsentiam, sed non ubiq; per habitationis gratiam. Et cum qui ubiq; est, nò in omnibus habitat, etiàm in quibus habitat, nò equalitèr habitat. Nam vndè est illud quòd Heliseus poposcit vt duplicitèr in eo fieret spiritus Dei, qui erat in Helia? &c. Sed fusiùs hæc materiam prosequitur Lombardus loco citato, & tandèm, In illis, inquit, verbis quibus dicitur Deus ubiq; esse per essentiam, plus epist. 57.

HHH 2

4 Reg. 2.

ali-

aliquid contineri credendum est, quod homo viuens capere non valet &c. Per naturam igitur est Deus in rebus & creaturis inanimatis, quæ hoc commune habent cum Deo, quia sunt: res animatæ, quia sunt & viuunt: creature rationales, quia sunt, viuunt, & dei mirabilia ratiocinando considerare, & laudibus prosequi possunt. Per gratiam est in bonis & sanctis essentialitèr, vt loquuntur scholastici. Per vnionem fuit in vtero virginis vnitus humanæ naturæ. Per conseruationem & gubernationem est in mundo. Per vindictam in hominibus & spiritibus malis. Qui vbiq; totus es, inquit D. August. qui sentiri potes, videri nō potes, qui nusquam dees, & tamen ab iuiquorum cogitationibus longè es. Qui nec ibi dees, vbi longè es: quia vbi non es per gratiam, ades per vindictam. Qui oīa tangis, nec tamen omnia tangis æqualitèr. Quia igitur creaturæ q̄ sunt & hominibus profunt, totum à Deo habent, rectè tres pueri apud Daniele, Deum in his omnibus laudârunt & benedixerūt: ipsas verò mutas & inanes creaturas adorandas, quia Deus in ipsis sit per naturam, & quia substantiam suam à Deo fortitæ sunt, nullus vnquam docuit. Porro si Smidelinus contendere velit, vno eodemq; modo Deam vbiq; esse, quid superest, nisi vt precationem Dominicam recitaturus dicat, Pater noster qui es vbiq;?

Smid. Occlamat nunc rursùm Bredenbachio, Valdè, inquit, impudèter negat, q̄ in imaginibus neq; spem salutis collocauit &c. Quid quæso aliud docent tot peregrinationes ad peculiare statuas, si nulla virtus eis tribuitur?

Bred. Equidem non diffiteor plusculum, immò multum, superstitionis in hæc peregrinationes irrepsisse, eamq; superstitionem grauissimè vetitam esse ipsis pontificum Rom. sanctionibus, vt videre est in tit. de Reliq. & venerat. sancto. (li. 3. decretal. tit. 45.) verùm vt vniuersam rem damnemus, multis exemplis ac rationibus prohibemur. In Hist. Ecclesiast. legimus Aquilinum quendā, cū longas passus esset infirmitates, iussisse suis, vt se ad Michaleum locum Michaëli sacrum ducerent, credens aut illic se mori, aut languore priuari, & sanatus est. Et D. Augusti. apertè testatur, Deum quidem per suos operari salutem hominum in vno loco, quod in alio non facit, sed qua ratione hoc ipsum fiat, fatetur se planè nescire. Quæstio,

ca. 29. Medit.
tation.

Dan. 3.

In li. de cur.
pro mort.

stio, inquit, illa vires intelligentiæ meę vincit, quemadmodum scilicet opitulentur Martyres his, quos per eos certum est adiuuari. Præterea cum quidam ex sodalitiis Augustini intendisset crimen Bonifacio Augustini presbytero, visum tandem est Augustino, ut ambo se constringerent ad locum sanctum se peregrinaturos, ubi terribiliora opera Dei non sanam cuiusq; conscientiam multo facilius aperirent, & ad confessionem vel pœna vel timore compellerent. Vbiq; quidem Deus est, inquit August. & nullo continetur vel includitur loco, qui condidit omnia, & eum à veris adoratoribus in spiritu & veritate oportet adorari, ut in occulto exaudiens, in occulto etiã iustificet & coronet. Verum tamen ad ista q̄ hominibus visibiliter nota sunt, quis potest eius consilium perscrutari, quare in alijs locis hæc miracula fiant, in alijs non fiant? Multis enim notissima est sanctitas loci, ubi B. Felicis Nolensis corpus cõditum est, quod volui ut pergerent, quia indè nobis facilius fideliusq; scribi potest, quicquid in eorum aliquo fuerit diuinitus propalatum. Nam & nos nouimus Mediolani apud memoriã sanctorum, ubi mirabiliter & terribiliter dæmones confitentur, furem quendam, quia ad eum locum venerat, ut falsum iurando deciperet, compulsus fuisse confiteri furtum, & quod abstulerat, reddere: nunquid non & Africæ sanctorum Martyrum corporibus plena est? Et tamen nusquam hîc scimus talia fieri. Sicut enim quod Apostolus dicit, Non omnes sancti habent dona curationum, nec omnes habent dijudicationem spirituum, ita nec in omnibus memorijs sanctorum ista fieri voluit ille, qui diuidit propria unicuiq; prout vult. Hæc ibi D. August. Quid Romæ in templo D. Antonij sacro euenerit, multi adhuc nōsse possunt, quandoquidem annis abhinc plūs minūs 34. stupendum istud miraculum contigit. Cum furti reus postulatus Marcus Spoletanus (si rectè memini nominis) ad aram D. Antonij adductus esset, ut iuramento se purgaret, periurus triduo incendio diuinitus corpori ipsius immisso spectantibus cunctis lenta quidem, attamē terribili pœna consumptus est. Quod igitur ad peculiare aras, statuas ac templa Christiani pro pietate sua nonnunquam confugiunt, vides nunc Smideli- ne, quam rationem habet. Et quis tu es ut Deo dicere debeas, Cur

Vide Augu-
epist. 137.

I. Cor. 12.

HHH 3

hoc

hoc facis? Cur non passim quælibet quolibet in loco cõcedis? Admirari hæc possumus, non curiosè peruestigare debemus. Agnoscamus cum Augustino quæstionem hanc vires intelligentiæ nostræ superare. Cur etiã non exagitas medicos, quod non quælibet remedia ex quibuscumque herbis petant? Cur non ipsum Deum, quod virtutes aquarum, herbarum & gemmarum distinxerit? quod gratiam curationum diuiserit?

Exibilat deinde Smidelinus vulgatam quidem, attamē ipsi D. Augustino, & vetustissimis ecclesiæ patribus obseruatam, *douliæ* & *latriæ* distinctionem, eamque subuertisse se putat, quod ubi Evangelista dixit, Non potestis DEO seruire & mammonæ, ibi textus Græcus habeat, *ὃν δύνασθε θεῷ δουλεύειν καὶ μαμμωνᾷ*. Bonus Græculus non animaduertit, quod tametsi vni Deo debeatur seruitus religionis illa, quæ vno nomine *latria* Græcè appellatur, vt alicubi docet August. (epist. 49. ad quæst. 3.) nonnunquam tamē hæc nomina confundi, vt creaturis *latria*, & Deo *doulia* tribuatur. Sic ipse moyses ait: Et seruiēs inimicis tuis, quos immittet Dominus Deus tuus super te: ubi Græcus habet, *λατρεύσεις*. Solet autem hoc verbum (inquit in hunc locum August. lib. 5. locution. Deuteron.) in ea seruitute scriptura ponere, quæ debetur Deo. Ergo, ait, hic inusitatè positū est hoc verbum &c. Idem D. August. in locum istum Exodi, Si seruiēris dijs eorum, erunt tibi offendiculo. Hic Græcus, ait, *δουλεύσης* habet, nō *λατρεύσης*. Vndē intelligitur quia & *douleia* debetur Deo tanquam Domino, *λατρεία* verò non nisi Deo tanquam Deo. Hæc ille. Legimus tamen apud prophanos authores, vtrunq; vocabulū promiscuè nonnunquam vsurpari. Sic Phocylides dixit *καὶ θεῷ λατρεύειν*. & Plato, *ἢ θεῷ δουλεῖν*, seruitus quæ Deo debetur. authorq; est Sextus Pompeius Festus, *latrones ἀπὸ τοῦ λατρεύειν dictos*, quod mercede conducti seruiant. Quanquā alij à latēdo, vel etiā quod à latere infidientur, dictos existiment. Vides igitur Smideline, vtrunq; quidem Deo deberi, & *duliam* & *latriam*, hanc tamen plerunq; à scriptura vsurpari in ea seruitute, (vt inquit August. lib. 5. locut. deut.) quæ Deo debetur: nihilofeciūs alterum pro altero quandoq; abusue poni. Neutiquā ergo corrui antiquitūs vsurpata horū verborum distinctio.

Sub

Subnectit nunc longam seriem testimoniorū Augustini, Gregorij, Cypriani, quæ omnia corrasit ex Gratiano, quibus probare conatur, ad sanctorum inuocationem probandam, non esse profectam multorum annorum consuetudinem. Adducit eadem testimonia Gratianus ad hoc, quod mala consuetudo non minus, quàm perniciofa corruptela, vitanda sit. Probet igitur Smidelinus, Sanctorum venerationem & inuocationem esse malam consuetudinem, & tunc Gratianum cum patribus adducat. An autem verisimile sit, patres illos sanctorum venerationem pro mala consuetudine habuisse, quâ illi ipsi tot locis, tot ac tam illustribus irrefutabilibusq; testimonijs confirmârunt, vt̃ nunc copiosè satis à nobis demonstratum est? Quocircà illud D. Augustini potius hîc locum habere arbitramur: Illa quæ non scripta, sed tradita custodimus, quæ toto terrarum orbe obseruantur, datur intelligi, vel ab ipse Apostolis, vel ex plenarijs concilijs (quorum est in ecclesia saluberrima auctoritas) commendata atq; statuta retineri. Et illud Alexandri Imp. à Gratiano citatum: Consuetudo præcedens, & ratio quæ consuetudinem suasit, tenenda est. Et quicquid contra longam consuetudinem fiet, ad solitudinem suam reuocabit p̃ses prouinciæ. Nos igitur Smidelino Gratianum adducenti in dist. 8. vbi agit de malis consuetudinibus tollendis, eundem Gratianum opponim⁹ in distinctione 12. vbi fusè docet, contra consuetudines & traditiones vniuersales non esse agendum, qualem hanc esse luculèter nunc docuimus. Deindè totum titulum Iuris Canonici de Reliq. & veneratione sanctorum.

dist. 8.

dist. 12. f. 1.
C. q̃ sit lōga
consuet.

Videam⁹ iam postremo loco, quomodò huic gnifio Luteri discipulo cum Magistro suo cōueniat: Manifestissimis verbis Inuocationem sanctorum contra Pighardos asserit Luterus. Verum, inquit, nè Pighardi hæretici infelices suas partes à me adiutas dant, qui præ nimia ruditate nobis Teutonicis (superbissimo fastidio indignati) imponunt, quod sanctos Dei colamus & idola faciamus: Et idè cōtra nos acerrum versuum scripturæ congregat, in quibus prohibetur nè adoret quis nisi vnum Deum. Et vt nobis apud suos iustissimam inuidiam conflare videantur, insidiosissimè omittunt, q̃ scribitur rex Dauid & Salomon & multi alij adorati,

Lute. in de-
clamat. po-
pula. de i. p-
cepto 10. 3.Luteri testi-
mōiū p in-
uocationē
sanctorum

orati, simul impij peruersores scripturæ, & subdoli calumniatores nostræ pietatis.

Ita enim rustici illi nos tādēm docent, q̄solus Deus sit adorandus, & glorientur ac si nos id ipsum negauerimus vnquā, cum tamen negare non possint, frequentèr aulicos regios honorari, ac velut adorari, vt facilius ad regem perueniatur. Propter horum itaq; rudissimam & insullissimam rusticitatem, dico ego, ad Sanctorum suffragia recurrendum omni modo, sicut in Iob dicitur, Et ad aliquem Sanctorum conuertere. Et sicut Salomon suum patrem allegat, Memento Domine David & omnis mansuetudinis eius. Sed & Iacob Patriarcha dixit de Ephraim & Manasse: Inuocetur nomen meum super pueros istos, & nomina patrū meorum Abraham & Isaac. Sed de ijs suo tempore, si Deus volet. Hęc ibi Luterus, & paulò antè, Hoc ipsum quoq; Deus optimè prouidit, vt aliqui sancti habeantur formidabiles, & velut vindices, ppter obstinatas & duras ceruices, sicut S. Antonius & nonnulli alij &c. Huc pertinet exemplum de periuro illo, ad aram D. Antonij, quod paulò antè retulimus. In hunc tertium tomum operum Luteri, ex quo hæc desumpsimus, operosè præfatus est Melancthon ad ducem Brādenburgen Albertum. Cæterum videt pius Lector, quomodò & ipsi Philippo in Confessione Augustana, & hīc Smidelino, Sanctorum inuocationem & cultum summè ex-cranti, cum præceptore suo conueniat. O religiosos Luteri discipulos.

Sancti qui-
dam formi-
dabiles.

Cap. 29.

An Romanus Episcopus sit purpurata meretrix, de qua legitur in Apocalypsi, vt asserunt aduersarij.

Redit nunc ad purpuratam meretricem, & hæc dicit Romanam curiam, quæ magna sit illa Babylon, mater fornicationum & abominationum terræ. Sed quia hæc tam bellam, vt putat, allegoriam suprà quoq; operosè commemorauit, opinor ei satisfactum. Vocat quidem Romam purpuratam meretricem alicubi D. Hieronymus, (ad Algas. quæst. ii.) sed ideo, quia illi qui Romæ imperabāt, imperium Romanum putabant

tabant æternum. Vndè, inquit, secundùm Apocalypsin Ioannis, in fronte purpuratæ meretricis scriptum est nomē blasphemie, id est, Apoc. 13. Romæ æternæ &c. Et in hanc sententiam de Romana ambitione & fastu (quo velut rerum domini, vt inquit poëta, vniuerso terrarum orbi imperitabant, & multis enormibusq; vitijs madebāt, cōmemorante Apostolo ad Romanos) intelligi potest hic locus iuxta plerosq; interpretes. Verùm Romā, excusso iam gentilitatis iugo, sub Christi signis militantē, esse Babylonem illam in Apocal. designatam, id nemo nisi scurrilis insaniæ tenebrio dixerit. Ad te loquar ô Roma, inquit D. Hieronymus lib. 2. aduersus Iouinianū, quæ scriptam in fronte blasphemiam Christi confessione delēsti. Ipsam quidem Romam à Babylonis nomine grauitèr & strenuè vindicat idem D. Hieronymus in Esaïæ caput 24. Pontificem aut Romanum ab iniuria fastus meretricij, ipsius hodierni Pontificis Pij V. probatissima pietas, Apostolicæ virtutes, & paterna in ecclesiam sollicitudo facillè tuetur, etiā silentibus tot summorum sanctissimorumq; patrum & martyrum de Romana sede elogijs.

Rom. x.

EPILOGVS.

HAec sunt, quæ Smidelinus contra libellum Bredenbachij de dissidijs componendis, scurrili dicacitate & proteruitia euomuit, quæ cum non tantum in optimi charissimiq; parentis mei contumeliam, sed & venerandę Matris nostrę Ecclesię Catholicę, & dulcissimę Patrię nostrę Germaniæ iniuriam & perniciem vergere conspicerem, perfidiam forè putauī, non patientiam, si non illi vel ob errorem deplorando, vel malitiam execrando, maleferiatas & blasphemias voces in iugulum recogerem.

Quod igitur Bredenbachius in libri sui titulo promisit se demonstraturum, qua ratione dissidia hæc religionis possint componi, id toto opusculo nō minore fide præstitit. Neq; enim (vt iam ipsius Bredenbachij verbis utar) vlla ratio est alia hæc componendi, quàm vt primus horum dissidiorum author Luterus, cum vniuersa illa sua doctrina, qua nihil vnquàm extitit seditiosius, (quęq; postea in tot sectas est dissecta) conquistis & abolitis pestilentissimis illis libris, tanquàm venenatarum sagittarum pharetris, totus

In li. aduer.
Henr. Pileū.

III

eijciatur

eiiciatur foràs: atq; illi magistratui, quem Deus ipse in ciuitate sua, quæ est Ecclesia Christi, cum grauissima potestate & authoritate instituit, suus honos, sua authoritas, sua obediëntia restituatur. Hoc facto, vnusquisq; episcopus, vnusquisq; princeps in suo episcopatu ac principatu inquirat, quid in religione, quid in disciplina, quid in moribus luxatum sit, vitiatum sit, corruptum sit: idque si tam grande sit, vt non sit in sua potestate corrigere & instaurare: aut etiã eius generis, vt correctio & instauratio eius ad se propriè non pertineat: tunc referatur ad illum Magistratum supremum, ad quem & ad cuius Iurisdictionem omnia pertinent: vt ille ratioe officij diuinitus sibi iniuncti corrigat atq; instauret, conuocato ad hoc, vbi opus fuerit, ipsius ciuitatis senatu, hoc est, generali concilio, si quid controuersia sit, quod ipse solus cum eo senatu, quem perpetuò apud se habet, dirimere non possit.

Hæc est illa ratio, inquit Bredenbachius, quam ego in titulo libri mei me demonstraturum promisi, qua mihi videantur hæc dissidia posse componi. Neque hanc rationem ego ipse somnians commentus sum, neque ex humanis somnijs opinionibusque collegi: sed è solidissimis scripturæ diuinæ vtriusque Testamenti sententijs, quas in ipso libro tanquàm digito indicaui & stylo publicauì. Neque adhuc vel tantillum dubito, hanc esse verissimam, certissimam, compendiosissimam, atque adeò vnicam solamque rationem dissidia hæc componendi. In quo si quis me errare putat, inquit, is indicet aliam hac meliorem verioremq;e. Quid hoc furoris est, cùm videamus ne in minimo quidem oppidulo posse contineri pacem sinè aliquo supremo Magistratu, siue hunc consulem, siue alio nomine dicimus, ac ne in vna quidẽ domo, in qua non sit aliquis paterfamiliàs: aut si is peregrè agat, supremus aliquis œconomus, cui tota familia loco patrisfamiliàs, donec ipse reuertatur, obtemperet: in hac autem tam immensa ciuitate putare tali magistratu non esse opus? in hac tanta domo, in qua tam innumerabilis est familia, ipso patrefamiliàs iam vltra mille quingentos annos hinc peregrinante, atque apud patrem suum diuersante, vndè se certò rediturum promisit, nullo opus

opus esse œconomo, cui interea tota obtēperet familia? Nusquam non isti homines iactant scripturas, iactant Euangelium. Atqui veteris testamenti scriptura apertissimè loquitur, ante aduentum CHRISTI summum illum magistratū sedisse in cathedra Mo-
sis, id ipsum confirmante Christo Matth. 23. Post Christum verò, noui testamēti scriptura palàm loquitur eum sedere in Cathedra Petri, cui Christus in hoc ipsum dedit clauēs regni cœlorum Mat. 16. & cui post se commendauit oues pascendas, Ioan. 21. Hactenùs ipse Bredenbachius.

Te igitur iam appello Smideline: audiuiſti, quid tibi ad ea quæ in libellum de diffidijs componendis tam contumeliosè & petulantè euoluisti, responderim. Audiuiſti tuis tam mōstrosis, multiformibus, absurdis, impijs, seditiosis & sæpè inter se pugnantibus paradoxis planè contrariam esse catholicæ & Apostolicæ fidei veritatem, quam in primis sacrarum literarum muniuit autoritas, quam Sanctorum virorū sēpè celebravit eruditio, quam tot seculorum consensu confirmatam, hæreditaria successione ad nos transmisit præca & veneranda vetustas. Quæ si nunc primū perſpicias, si (vt iam non meis, sed beatissimi Augustini verbis te compellam) si, inquam, nunc primū cognosceis hoc & didicisse & docuisse tot sanctos, quod & nos didicim⁹ & docemus, muta istā mētem, obliuiscere fœdissimorū pnciosissimorūq; errorum: obliuiscere insolētissimæ insanie, qua in tot & tales Patres abominādi erroris & stultę superstitionis iacularis opprobriū. Si nesciēs hoc fecisti, cur non miseram respuis imperitiā? Si sciens, cur non sacrilegam deponis audaciam? Conuinceris vndiq; luce clariora sunt testimonia tanta Sanctorum. Nam vt de diuinorum miraculorum autoritate, vt de rectæ rationis euidētia, vt de tuis tuorumque telis, quibus sæpenumerò in angustias adactus, sauciatus & cōfusus es, vt inquam de his omnibus interim taceam, Augustino his verbis ibidē te in Iuliano compellanti respōde: Hanc cine, inq̃t, doctrinam, quam vos orbi obtruditis, sanctorum virorum sēpè celebravit eruditio? Non hoc istis tantorumq; sanctorum & eruditorum, quæ commemorauī, testimonijs indicatur. In quorum

li. r. ca. 2. cō.
Iulian. Pela.

Clemēs epi.
1. ad Iacobū
fratrē Dñi.

li. 2. cō. Iuli.

conuentum te introduxerim, conspice: in quorum quantorumq; iudicum conspectu te constituerim, considera. Hic residet ille omnium ore celebratissimus Clemens episcopus Romanus, martyr inuictissim⁹, & ipsius principis Apostolorum Petri discipulus, de quo præceptor ipse iam ad crucem ducendus pronunciauit: Si esset alius melior, si quis mihi alius adiutor tam sedulus adstitisset, si quis tam plenè doctrinæ meæ rationem cepisset, sed & ecclesiasticas dispositiones à me tam plenè didicisset, habens alium talem, non te cogerem opus bonum suscipere nolentem &c. Hic est in cathedra, in virtute, doctrina & martyrio successor eius diuus Anacletus. Hic est ille vnitatis & pacis cultor eximius, Africanae ecclesiæ splendidissimum iubar & Martyr fortissimus Cyprianus. Hic tot vtriusq; tam Orientalis quàm Occidentalis ecclesiæ fulgentissima sidera, Basilus, Nazianzenus, Nyssenus, Chrysostomus, Hieronymus, Ambrosius, Augustinus, & alij penè innumera- biles. Hic Oecumenicorum Cōciliorum sacra autoritas. Hic imperialium Constitutioum Augusta Maiestas. Horum tantorum iudicum meritò te flecterēt, Smideline, tam incorrupta suffragia, meritò te commoueret in tam diuersis animis tanta ac tam vna- nimis cōsensio. Sunt sanè viri tam graues, sunt iudices tam incorrupti, vt neq; illi hæc, nisi ex fide Christiana omnibus notissima dicerent, nec tot seculorum cōsensus, nec censoria ecclesiæ potestas eos tam claros & venerandos haberet, nisi hæc ab illis dicta, ex regula notissimæ veritatis agnosceret. Quod enim in ecclesia inue- nerunt, inquit D. Augustinus, tenuerunt: quod didicerunt, docu- erunt: quod à Patribus acceperunt, hoc filijs tradiderūt. Ante hos ego te Smideline iudices, ante hunc tantorum tamq; venerabiliū Patrum senatum adduxi: te, vbicunq; sis, vbicunq; legere ista po- teris, ante istos constitui, quos non amicos meos, & inimicos tuos, aliqua in meam partem gratia propendentes, aliquo abs te merito tuæ offensionis auersos, & ob hoc tibi aduersos, in hac nostra δια- τριβῇ constitui cognitores. Nec eos qui nunquàm fuerunt, aut nō sunt, aut quorum sententiæ de hoc, quod inter nos disceptatur, in- certæ sunt, inani cogitatione cōfinxi: sed sanctos & in ecclesia san- cta illustres antistites Dei, non Platonis, Zenonis, vel Aristoteli-

telicis, quanquàm & istis aliquos eorum, verùm omnes sacris literis eruditos, (nisi fortè Impatores excipias) eosq; nominatim, sicut oportebat, expressi, eorumq; sententias, quantum sufficere videbatur, sinè vlla editas ambiguitate digessi, vt in eis timeas non ipsos, sed illum qui sibi eos vtilia vasa formauit, & sancta templa construxit, qui tunc de controuersijs nostris iudicauerunt, quando eos nemo potest dicere perperam cuiquam vel aduersari, vel fauere potuisse. Nondùm tecum apud istos iudices aliquid agebamus, & apud eos acta est causa nostra. Nec vos, nec nos eis noti eramus: & eorum pro nobis latas contra vos sententias recitamus: nōdùm vobiscum certabamus, & eis pronūciantibus vicimus. At verò quia eorum sententijs vinceris, victus esse non vis videri, quòd homines fuerint: ais enim alicubi ad Bredēbachium: Si hominum auctoritatem nobis opponat, parta est nobis hac in parte victoria. Certè homines eos fuisse, tecum Smideline libentèr fatemur: sed quia homines eos fecit natura, etiā mendaces, cecos & erroneos eos fecit vel malitia, vel imperitia? Nā tu homo improbus es, qui omnem humanam auctoritatem tam inhumanitèr explodis. Cū li. 2. cō. Iulī, Iulianus ille Pelagianus, homo alioquì impietatis & impudentiæ summæ, obieciſſet D. Augustino, ad inueniendum aliquid, multitudinem nihil prodesse cecorum: Augustinus recensitis Hilario, Gregorio, Ambrosio &c. etiā, inquit, istos cecos dicere audebis? Sed videre, inquit, mihi videor verecundiam tuam, si tamen non in te spes est omnis emorrua sanitatis, & quodammodò audio vocem tuam: Absit vt audeam cecos istos viros vel cogitare, vel dicere. Iam non ego te Smideline, sed tu ipse ore tuo te illo Pelagiano scelestiorem coarguis, qui in tractatu de chrismate non paucos aliquot patres, non Hilarium, Gregorium, Nazianzenum, & Ambrosium duntaxat, sed omnes in vniuersum, atq; adeò totam Ecclesiam, erroris & cæcitatibus accusas. Adeòne permiscuit imis summa longus dies, adeò tenebræ lux, & lux tenebræ esse dicuntur, vt videant Luterus, Brentius, horumq; discipulus Smidelinus, & cæci sint, Hilarius, Basilus, Augustinus, atque adeò cæteri vniuersi? Principes ciuiles, immò & quenuis ex infima ferè sellulariorū, profugorum monachorū, coquorum, nautarum, Tabernariorū (nam

Ephe. 4.

hi omnes vobis sunt θεοδιδασκτοι) ad ecclesiasticarum cōtrouersiarum cognitionem admittitis, immò nolētes volētes rapitis, & hos quos Deus in ecclesia posuit pastores & doctores, vt nō simus sicut paruuli fluctuātes, hos nō sustinebis admittere? Audi qd tuo ὁμοτέχῃ Julianō Pelagiauo respondeat D. August. Nunquid Irenæus, Cyprianus, Reticius, Olympius, Hilarius, Gregorius, Basilī, Ambrosius, & Ioannes de plebeia sunt fāce sellulariorū? Nūquid milites? nūquid scholastici auditoriales? Nūquid Nautæ, Tabernarij, Centarij, coqui, lanij? Nunquid adolefcētes ex monachis dissoluti? Nūquid postremò de qualiūcunq; clericorū turba isti sunt, quos urbana exagitatos dicacitate, vel potiùs vanitate contemnis? &c. Et paulò pòst: Si, inquit, episcopalis synodus ex toto orbe congregaretur, mirum si tales possent illic facilè sedere tot, quia nec isti vno tempore fuerunt. Sed fideles quidem sunt multi, excellētiore vero paucos dispensatores suos Deus per diuersas ætates temporum locorumq; distantias. Sicut ei placet atq; expedire iudicat, ipse dispensat. Hos itaq; de alijs atq; alijs temporibus atq; regionibus ab Oriente & Occidente congregatos vides, non in locum quò nauigare cogantur homines: sed in librū, qui nauigare possit ad homines. Quanto tibi essent isti iudices optabiliore, inquit, si teneres Catholicam fidem: tātò tibi sunt terribiliores, quia oppugnas Catholicam fidem, quam in lacte suxerunt, quam in cibo sumpserunt, cuius lac & cibum paruis magnisq; ministrauerunt, quā contra inimicos etiā vos tunc nondum natos, vndè nunc reuelamini, apertissimè ac fortissimè defenderūt. Et paucis interiectis, concludens librum secundum aduersus Iulianum: His igitur, inquit, eloquijs & tātā auctoritate sanctorum profectò aut sanaberis nei misericordia donante, (quod quā tibi optem, videt qui faciat) aut si, quod abòminor, in eadem quæ tibi videtur sapientia, & est magna stultitia, perduraueris, nō tu iudices quæsiturus es, vbi causam tuam purges, sed vbi tot sanctos Doctores egregios atq; memorabiles Catholicæ veritatis accuses, Irenæum, Cyprianum, Hilarium, Gregorium, Ambrosium, Basilium, Ioannem, Innocentiū, Hieronymum, cæterosq; socios ac participes eorū, insupèr & vniuersam Chri ecclesiā, cui diuinæ familiæ dñica cibaria fidelitèr ministran-

nistrantes, ingenti in Dño gloria claruerunt. Hæc illic contra te Smideline & p me loquit D. August. Iam si tanta pectoris tui durities, si cor tam adamantinum, si tam corneæ fibræ, si tam ardēs odium in eam religionem, quā in tanta consensione, in tanta vniuersitate, in tanta antiquitate, tot summorum virorum inuictissimorumq; martyrum testimonijs vndiquè circumsonantibus, non potes nō dicere verā Catholicā & Apostolicā: si, inquā, nihil horū te à ferocia ad mansuetudinē, ab errore ad regiā verę fidei viā, à mendacio ad veritatē, à studio dissensionis ad amorē pacis & charitatis commouere potest. Sed ad pristinum reuersus ingenium, ad calumnias & maledicta cōfugis, vides cum quibus tua maledicta sustineam, vides cum quibus mihi sit causa communis, quam nullo discrimine, nulla consideratione sobria pulsare calumnijs & conuicijs expugnare contendis. Aduerte q̄ tibi perniciosum sit, tantorum errorum (vt̄ tu imaginaris) tam horribile crimen obijcere talibus, & q̄ mihi gloriosum sit, quodlibet crimen audire cum talibus. Si vides, animaduerte, & tādē tace. Semiluteranam linguā tot linguis catholicis deprime, tot venerandis vultibus p̄terua ora submitte. Considera te non in Xenocratis alicuius, aut Aristotelis Lycæum à me introductum, sed in sanctissimorum Patrum grauē honorandumq; conuentum. Aduerte quæ dicam Smideline, adspice illos quodammodò adspicientes te & mansuetè ac lenitè dicentes tibi: Itāne nos cēci sumus & erronei tibi Smideline? Itāne apud te demū post mille quadringentos annos veritatis lumen inclaruit, vt nos vniuersi in tenebris & erroribus idololatricis caligauerimus? Rogo, quid respōdebis Smideline? Quibus eos oculis intueberis? Quæ tibi argumenta succurrent? Quæ Aristotelis categoriæ, quæ sophismatum fallaciæ, quibus in nos velut argutus disputator insilis? Quæ tuorum argumentorum velacies vitrea, vel plumbei pugiones in illorum conspectu exeri audebunt? Quæ abs te arma non fugient, nudumq; destituent? An fortè dicturus es, neminem illorum te nominatim idololatrici erroris insinulasse? Et quid facies cū tibi dixerint, Tolerabilius dente maledico nomina concideres nostra, quā fidem nostram, cuius meritō in cælo nomina scripta sunt nostra?

Ite-

Aug. cont.
Iulan. Pela.
li. 1. cap. 2.

Iterum te admoneo, iterum rogo, adspice tot ac tales ecclesie catholice defensores atque rectores: vide quibus tam grauem, tamque nefariam irrogaris iniuriam. Equidem nihil ambigo, Smideline, si coram hominibus dura & perucax manet frons tua, erubescit coram Deo mens tua. Quid contra muros antiquissime veritatis, quod tot hereticorum arietibus, tot nouarum opinionum balistis hucusque tentati, sollicitati, concussi, per tanta temporum spatia, per tot seculorum ætates, immobiles & inexpugnabiles perstiterunt, tu nunc demum ex fabrilis ergastulo proreptans, nouas admoues machinas, nouas moliris insidias? Quid antiquum ecclesie decorem, antiquam dico fidem, tanquam Saræ venerande matrone inuolatam hucusque, castitatem, nouus constuprator sollicitas? Nisi forte per sanctos antistites, memorabilesque ecclesie doctores, Clementem, Irenæum, Fabianum, Cyprianum, Hilarium, Ambrosium, Chrysostomum, Basilium, Augustinum, Hieronymum, & cæteros huius ordinis, constupratam dicis Ecclesiam. Quæ ergo vel qualis mater te Smideline peperit? Vtrum casta, an verò meretrix in lucem, quam deseruisti, per vterum gratiæ spiritualis te enixa est? An ut dogmata semiluterana defendas, coniugis Christi & matris tuæ viscera instinctu nefario non erroris, sed furoris infamas? Quid tanquam viperina soboles, parricidalibus armis matrē infestus oppugnas? Quid ei Christianæ matris nomen queris auferre, qui ut Christianus appelleris, in ea tu quoque accepisti? Quid profanas nouationes ei queris inferre, quas in ea non inuenisti? Quod si non à Sara castissima sponsi sui coniuge catholica Ecclesia, sed ab ancilla & pellice Agar, ab hæretica secta, progenitus es: quero ex te, nunquid Luterana, nunquid Brentiana, aut Caluiniana fuit, quando magistros tuos Luterum & Brentium eo modo progeniuit & enutriuit, & ingeris ei partus & educationis opprobria, ut quod nemo, quantumuis improbus sollicitator, nec minis nec blanditijs extorquere unquam potuit, nunc vestris improprietatibus expugnata, castissimos pedes vobis diuaricatos, heresios fornicatione contaminet? Et cum neque hac ratione hereticarum criminationum nouitia deformitas verustam Saræ pulchritudinem queat offuscare, tot Catholicorum episcoporum, quorum nemo ne nomē quidem Luteri vel Brentij vel

vel Caluini audiuit, Catholicum & admirabilem cōsensum Semi-
luteranorum blasphemia conabitur exhibere? Si non mouet te
Smideline vox obsecrantis Apostoli, ad hoc vt postposita tandē
contentione & peruicacia, discas sapere ad sobrietatem, & ad Ca-
tholicæ Ecclesiæ gremium reuersus, dominici ouilis maceriā va-
stare desistas: Si, inquam, vox obsecrantis Apostoli te non cōmo-
uet, qua obtestabūsus ait, Obsecro vos fratres per nomen Domini
nostri Iesu Christi, vt id ipsum dicatis omnes, & non sint in vo-
bis schismata: sitis autem perfecti in eodem sensu & in eadem sen-
tentia: terreat te formidabile illud ipsius spiritūs sancti edictū: qui
dissipauerit sepem, mordebit eum coluber. Et illud terribile v-
g, quod Dominus ipse tibi tuiq; similibus minatur, Vā prophetis in-
sipientibus, qui sequuntur spiritum suum, & nihil vident. Porro si
tam est tibi cor adamantinum, Smideline, si tam corneæ fibræ, si
frons quæ erubescere nesciat, si animus, qui nec Deum, nec ho-
mines vereri sustineat, qui suam ipsius salutem vilem & exosam ha-
beat, eoq; hanc nostram non minūis piam, vt arbitror, quā veram
ac iustam parænesin tuo more contemnere, ridere & explodere p-
gas, rursumq; ad seditiones & schismata classicum canere institu-
as: superest vt ego canam receptui, teq; tibi ac tuo ingenio relin-
quam, donc ipsa tandē experientia cognoscas & persentias tuæ
rebellionis & pertinaciæ fructum. Mihi interea satis erit apud bo-
nos, pios, & pacificos, optimi parentis Bredenbachij & charissimæ
matris Ecclesiæ Catholicæ causam à tuis calumnijs piè vindicasse,
& quanta, quamq; enormis & absurda sub tuis paradoxis lateat
impietas, omnibus Veritatis amantibus, verè & syncerè demon-
strasse.

1. Cor. 11

Eccēs 104

Ezech. 14.

Δόξα τῷ θεῷ.

FINIS.

KKK

PRAE-

442 *PRÆSTANTISSIMIS ORNATISSI-
misque viris S. Theologiæ in Academia Louaniensi pro-
fessoribus, Dominis & præceptoribus colendis-
simis.*

Pompon. in
l. 2. ff. de ori.
Iur.



Vi olim iuri dicundo præerant, Suspici-
endi Patres & Præceptores colēdissimi,
vt maiori autoritate responsa darēt cli-
entibus, non nisi D. August. Imperator.
assensu freti, litigantium altercatiōes di-
rimendas suscipiebant. Tandēm consti-
tuto iam in Impij culmine optimo prin-
cipe Hadriano, cū ab eo viri prætorij
peterent, vt sibi liceret respondere, re-
scripsit eis, hoc non peti, præstari solere,
si quis fidutiam suā haberet, populo ad respondendum se præpa-
raret. Atque hoc quidem pacto iuris & legum incolumitati cōsul-
tum fuit apud Romanos à temporibus D. Octauij Augusti. Sed
& diū antè, cū ex legibus Duodecim Tabul. per Decemuiros è
Græcia Romam perlatis, profluere cœpisset ius ciuile, & legis acti-
ones essent compositæ, omnium harum & interpretandarum sci-
entia & actiones apud Collegium Pontificū erant, ex quibus cō-
stituebatur, quis quoquo anno præesset priuatis. Simili ratiōe Phi-
losophicis diatribis & tractatib⁹, cæterisq; facultatibus prospectū
fuit, in quibus nihil ratum, nihil firmum ducebatur, nisi quod pri-
marij doctōris assensioe firmabatur. Sic Pythagoræi id velut Del-
phicum oraculum suspiciebant, quod ὁ αὐτὸς πύθαγρας, ex pectō-
ris sui tripodē protulisset. Sic & cæteræ Philosophorum sectæ à se-
ctando nomen acceperunt, quod singulæ suorum magistrorū pla-
cita, velut amissis ductum sectarētur. Iam quid de rebus diuinis,
earundemq; sciētia & autoritate dicere attinet? Apud Romanos
post Numam Pompilium, apud omnes Gentes & maximè Aegy-
ptios perpetuò rerum diuinarum cognitio & dispositio fuit penēs
Collegia sacerdotum, non ex Iouis alicuius viuo & visibili decre-
to, vt vulgus Euangelicorum requirit hodiè, sed ex ipsius rationis
& syncerioris naturæ p̄scripto. Atq; vt paulatim ad Ecclesiā Chri-
stia-

rianam accedamus, in limitibus & pomerijs ipsius constituti, um-
 bram & imaginem eius Iudaicam Synagogam paulisper contem-
 plemur. In ea Deus pepigerat pactum cum Leui, vt sacerdotio in
 sempiternum inter filios Israel fungeretur, vt ex labijs sacerdotū
 Leuitici generis legem requirerent, vt docerent populum legiti-
 ma Dei, vt ad verbum eorum omne negotium penderet. Hinc
 cultus diuinus suum habuit Pontificem Maximum, habuit templi
 præpositum, habuit ministros Leuitas. Synagoga, in qua varij ge-
 neris quæstiones & altercationes agitabantur, habuit suos archi-
 synagogos, habuit Gamaliele, habuit legisperitos. Iam vt pedem
 proferamus in ipsam Ecclesiam Christianam, habet & hæc summi
 numinis beneficio suos proceres, suos doctores, quibus ipse DEI
 filius dixit: Qui vos audit, me audit. Dictū autē hoc est Apostolis,
 eorumq; successoribus episcopis. Episcopi deinde, crescente Re-
 publi. Christiana, curarunt ædificari monasteria, in quibus velut
 pietatis & bonarum literarum scholis, animi Deo deuoti ad purio-
 rem secretioremq; Religionem arctioremq; cum Deo coniuncti-
 onem instruerentur, & simul ad doctrinam optimam pietatis pe-
 dissequam eueherentur. Deinde vbi Ecclesia velut ex ephebis ex-
 cedens, maturescere iam inceptaret, & iustar florētissimæ vitis pal-
 mites & propagines suas penē ad orbis extrema protenderet, nec
 omnium animi pari alacritate ad arcanam illam pietatem propen-
 dērent, erecta sunt gymnasia, quæ nos à prisca Platonis, eiusque in
 philosophia velut hæredis & successoris Speusippi schola Acade-
 mias vocamus. Hæ autem semper habuerunt atque etiamnum ha-
 bent suos principes, suos archigrammateos & archididascalos, aut
 vt Paulino verbo utar, suos Prophetas & doctores, à quorum au-
 thoritate & iudicio vniuscuiusq; doctrinæ & facultatis placita eo-
 rundemq; definitio dependet. Vndē rebus legitimè procedenti-
 bus, semper obseruatum est, atq; etiamnum obseruatur, vt quem-
 admodum Apelles futoris iudicium crepidæ alligauit, ita in mor-
 bis curandis ad medicos, in controuersijs & altercationibus ciui-
 libus dirimendis, ad Iureconsultos: in fidei & religionis negocijs
 definiendis, ad Theologos confugiatur. Sic optima vitæ magistra
 natura illa incorruptior docuit Romanos, docuit reliquas Gen-

Luc. 10.

Chry. hom.
61. in Matt.Cicero 1.
Academ.
Quæst.

KKK 2 tes

1. Tim. 6.

2. Tim. 1.

Deut. 17.

tes, ea quæ in rebus tum ciuilibus, tum diuinis sublimiorem quam-
 dam scientiam requirebant, ad Decēuiros primū, deindē ad pō-
 tifices, ad flamines, augures & aruspices, quos plurimos habuit Ro-
 ma: itemq; ad sacerdotes & Theologos, quibus olim celebris fuit
 Aegyptus, relegare, & vt Paulus ad Timotheū suū ait, velut de-
 positum illis peculiaritē custodiendum cōmendare. Sic præterea
 naturæ magister Deus, cū Synagogæ suæ pædagogum legem de-
 disset, cū sacrorum ritus & cērimonias præscripsisset, sacerdotes
 & Leuitas sacrificijs peragendis prefecit, eosdemq; legis diuinę in-
 terpretes, & controuersiarum circa illam exortarum diremptores
 constituit. Hic inuestigandi veri modus, à natura paritē & Deo
 præscriptus, quo non nostro singuli ingenio innititur, sed ex le-
 gitimē firmata autoritate verū inquirimus, si ipsius *πειθανάγκη*
 adeò altas in ratione & iudicio humano radices egit, vt nullius
 quantunū improbi & impudentis audacia eum conuulserit aut
 labefactārit, immò ne tentārit quidem labefactare. Nam & Simiæ
 Christianorum hæretici, suos paralogismos, sua paradoxa & placi-
 ta, ideò rata, firma & fixa opinantur, & tantū non vt idola exo-
 sculantur, quia ex scrinio pectoris Luteri profecta sunt. Luterus
 autem suis commentis & schediasmatīs indē *πειθανολογίαν* & pro-
 babilitatem adsciuit, quòd tota nocte excubans, colloquium &
 disputationem miscuerit cum rerum ferè omnium (iuxta nominis
 sui *ετυμον*) scientissimo dæmone: scilicet vt nouus *βουληφόρος* Ho-
 mericum *παννύχιον* repræsentaret. Ex huius Illebicī Philosophi fe-
 cta ante annos circiter quinq; prodijt quidam discipulus Iacobus
 Andræ Smidelinus, (qui inscribit se pastore Goppingensem) acri
 & plusquā Thraſonico hyperaspistæ calumnijs & mendacijs sca-
 taphracto, scommatisq; & conuicijs ad miraculum vsque cornuto
 oppugnans librum de diffidijs Ecclesiæ componendis clarissimi
 quondam, nunc pia & perpetua memoria mihi venerandi paren-
 tis Matthiæ Breidenbachij, scholę apud Embricam, dum vixit, Gy-
 mnasiarchę. Cum hoc tanto (si Deo placet) Goliath cur mihi pusil-
 lo dimicandum existimārim, rationibus aliquot in defensiōis no-
 stræ procēmio declarauī. Quas vnā cum ipso opere apte vestrum,
 Reuerendi viri & præceptores mihi colendissimi, cōspectum exa-
 mi-

minandas & probandas sistere volui, vt sciam, quæ placeant ac probentur vobis, ad quos propriè ratione officij & vocationis, ex ordinatione diuina & syncerioris nature dictamine cognitio & censura de huiusmodi pertinet. Ad hoc ijs quæ suprà commemorauimus, inductus sum, ad hoc observatio & consuetudo omnium gētium & seculorum instigauit, ad hoc multò maximè impulit regula illa & amussis, quam publicæ pacis & concordie causa, tot locis nobis commendat scripturæ diuinæ, immò quam suo ipsius exēplo nobis commendauit ipse filius Dei. Is enim non prius progressus est ad docendum, antequàm testimonium haberet à Ioanne, immò ab ipso Spiritu sancto, ab ipso Deo Patre testificante hunc esse filium suum dilectum, & mandante, vt hunc audirent. Paulus Apostolus cum ab ipso Christo vocatus esset ad munus Apostolicum, & per impositionem manuum Ananij ritè ordinatus, & in functione muneris iam aliquandiu etiàm magna cum laude versatus, tamen ascendit Hierosolymā, vt cum primarijs Apostolis, Iacobo, Cepha & Ioanne, conferret Euangelium, quod prædicabat Gentibus, vt datis vtrinque dextris contestarentur, nō esse dissidium inter vtrorunque doctrinam. Horum exempla libentè imitamur, quorum sacram doctrinam pio studio pro nostra facultatula feruentèr veneramur. Si vt nos eorum exempla sequēda duximus, ita vestra R. dignitates doctrinam eorundem rectè à nobis obseruatā & productam iudicauerint, agite iacta sit alea: mittatur ad nutum vestrū laboris nostri sagena in vastum hoc & turbulentum totius orbis pelagus. Enimuerò quandò vestra tam iusta censura diuinis eloquijs consentaneam pronunciārit, non poterit ad nos reuerti inanis, quemadmodum nec Dei verbum vacuum reuerti potest. Nec futurum speramus, vt huius lucubrationis aliquandò nos pudere aut pœnitere possit, cum non nostris, sed aliorum probatis, immò & sæpenuerò ipsorum antagonistarum testimonijs refellamus aduersarios. Nec sycophantarum calumniæ, rabularumque conuicia facilem habebunt accessum: quandoquidem vestris incorruptissimis calculis hanc lucubrationem vel approbandam, vel repudiandam, humili & ad editionem indifferenti animo subiicimus. Si tamen quisquam eò impudentiæ prosiliērit, vt illud quod nos

Mat. 3.
& 17.

Gal. 2.

Esa. 55.

KKK 3

nec

li. i. epist. 3.

Gal. i.

Esa. 51.

lib. i. cap. 2.

nec temerè, nec citra vestrum iudiciũ moliri volumus, ipse temerario ausu & sinè iudicio, criminationibus & improprijs proscindere & ludificari non erubescat, illa Cypriani parænctica chria animum meum facilè obfirmauero: Non mouere nos debent conuicia perditorum, inquit, quò minùs à via recta & à certa regula non recedamus, quando & Apostolus instruit, dicēs: Si hominibus placerem, Christi setuus non essem. Interest vtrũ quis homines pmereri, an deum cupiat: si hominibus placetur, Deus offenditur. Si verò illud enitimur & laboramus, vt possimus Deo placere, & cõuicia & maledicta debemus humana contemnere. Hæc ille. Nolite timere opprobrium hominum, inquit Isaias, & blasphemias eorum nè metuatis. Certè D. Hieronymus ait, gloriæ sibi fore Heluidij conuicia, cùm eodem quo Marię detraxit ore, se laceret. Et Augustinus contra Iulianum: Cernis, inquit, cum quibus tua maledicta sustineam: cernis, cum quibus mihi sit causa communis: cernis, quàm tibi perniciosum sit, tam horribile crimen obijcere talibus, & quàm mihi gloriosum, quodlibet crimen audire cū talibus. Hæc ibi D. August. Loquitur autem de S. Patribus, qui ante sua tempora in ecclesia floruerant, quorum testimonijs suam aduersus Iulianum causam confirmauerat. Eosdem cū & nos passim contra Smidelinũ producamus, si perget nobis & Ecclesiæ Catholicæ rebellis obstrepere, non exquiret ille modum quo suam rebellioem excuset, sed quo tantos Catholicæ Ecclesiæ principes ac doctores accuset. Nunc supereft, vt vestrę R. D. postpositis aliquantulũ grauioribus studijs, nostram lucubrationem examinent, suamq; de ea sententiam pro sua auctoritate & incorruptissimo iudicio benignè nobis communicent.

RE-



Honestissimis & iustissimis tuis precibus, doctissime Bredenbachi, quibus apud nos egisti, ut quænam esset nostra sententia de tuo libro, quem aduersus cuiusdam Iacobi Smidelini exitiale virus, tanquàm *ἀντίδοτον* quoddam in publicam lucem emittere constituisti, scripto testaremur: non modò libenter, verùm etiàm percupidè, ut debuimus, sumus obsecuti. Cum enim tui libri doctrina, partim ex nitidissimis prophetica & Apostolica doctrinae fontibus, partim ex probatissimorum quorumque Theologorum, præstantissimorumque fidei Catholicae propugnatorum monumentis sit hausta: in certam spem adducimur, fore ut omnes ad quorum manus hic liber perueniret, conspectis technis & fraudibus, ex quibus totus Smidelini libellus contextus est, (ut tu apertissime, firmissimeque conuincis) veritatem orthodoxæ fidei lubeti animo & obuijs vlnis amplectantur: imposturas verò & dolos hominis, longissimè à recto itinere aberrantis, perspiciant, perspectosque fugiant & abominentur. Quocirca istum tuum librum, quo vanissima & pestilentissima Smidelini commeta refellis, nò modò comprobamus, & cum Catholica orthodoxaq; fide consentire affirmamus, verùm etiàm eximia quadam & peculiari excellentia in suo genere eminere, eiusq; lectione omnibus veritatis & synceræ religionis amatoribus vtilissimam fore censemus: teque hortamur, ut studium in quo feliciter versaris, magno constantique animo prosequi velis, ad ferendam opem labenti, & in multis mundi partibus labefactatæ religioni Christianæ. Id si feceris, & à pijs omnibus summam laudem, & à deo sanctorum operum largissimo remuneratore, æternæ beatitudinis præmium consequeris.

Ita testor August. Hunaus Machlinianus, S. Theol. Doctor, & ex regis Philippi decreto, catholici catechismi apud Louanienses professor.

Et ego idem iudico Cunerus Petri à Brouersshauen, S. Theologiæ professor, & Pastor S. Petri Louaniens.

P. R. A.

448 PRAXIS ECCLESIAE PRIMITI-
tiuæ in extirpandis hæresibus.




Solenne est hæreticis, collapsam Ecclesiæ primi-
tiuæ imaginem operoso quidem, sed versuto
& seditioso conatu restauraturire, calumniari
domum Dei, quasi lutulentis abusibus oppleta,
in turpium errorum lupanar, (vt loquitur ca-
tholicus ille Vincentius Lirinensis) atq; in Au-
giæ stabulum (vt criminatur aduersarius) sit deformata. Quo-
circa sicuti hætenus toto hoc Anthyperaspiste nostro, primæq;
Ecclesiæ dogmata, ritus, cæremonias & religionem produxi-
mus, ita & componendorum dissidiorum normam à colendo
mihi parente Matthia Bredenbachio propositam, à prisca Ec-
clesiæ moribus, legibus & consuetudine nec latum quidem vn-
guem distare, superest nunc vt hac appendice doceamus. Cum
Apollinaris, Eutyches ac Dioscorus religionem suis hæresibus
turbassent, qua componendi ratione occursum sit inualescen-
tibus dissidijs, videamus.

In l. quæq;
C. de hære-
ticis & Ma-
nichæis.

IMPP. VALENTI-
NIANVS ET MARTIANVS AA.

PALLADIO PRAEFECTO SIC RESCRI-

PSERVNT:



Nota, quò
& quid cre-
diderint in
ecclesia pri-
mitiua.

Quicunque in hac sacra vrbe, vel Alexā-
drina, vel in omni Aegyptiaca diocesi,
diuersisq; alijs prouincijs Eutyche-
tis profanam peruersitatem sequuntur,
& ita non credunt, vt trecenti decem
& octo S. Patres tradiderunt, Catholicam fidem in
Nicena ciuitate fundantes: Centum quoq; & quin-
qua-

quaginta alij venerabiles episcopi, qui in alma
 vrbe Constantinopolitana postea conuenerunt,
 & sicut Athanasius & Theophilus & Cyrillus
 sanctæ recordationis episcopi Alexandrinæ ci-
 uitatis credebant, quos etiam Ephesina synodus
 (cui B. memoriæ Cyrillus præfuit, in qua Ne-
 storij error expulsus est) in vniuersis secuta est,
 quos & nuper Venerabilis Chalcedonensis syn-
 odus est secuta, prioribus concilijs sacerdotum ex
 omni prorsus parte consentiens: nihilque adi-
 mens sacrosancto symbolo, neque adijciens, sed
 Eutychetis dogmata funesta condemnans: sci-
 ant se esse hæreticos Apollinaristas. Apollinaris
 enim facinorosissimam sectam Eutyches & Di-
 oscorus mente sacrilega sunt secuti. Ideoq; hi ho-
 mines, qui Apollinaris vel Eutychetis peruer-
 sitatem sequuntur, illis pœnis, quæ diuorum retro
 principum Constitutionibus contra Apollina-
 ristas, vel serenitatis nostræ postmodum sancti-
 one contra Eutychianistas, vel hac ipsa augustis-
 sima lege contra eosdem decretæ sunt, nouerint
 se esse plectendos. Idcirco Apollinaristas, hoc
 est, Eutychianistas (quibus etsi est in appellatiōe
 diuersitas, tamen est in hæresis prauitate coniū-
 ctio, & dispar quidem nomen, sed idem sacrile-
 gium) siue in hac alma vrbe, diuersisque prouin-
 cijs,

Nunc pro Concilio
 & patribus seque-
 mur solum scripturæ cor-
 ticem, eumq; corro-
 sum & mutilatū ab
 hæreticis.

Hæretici non cum
 zizania tolerandi,
 sed pœnis legitimis
 plectendi.

Sic & nostri tempo-
 ris hæretici etsi no-
 minibus discrepant,
 sacrilegio conueni-
 unt, cum antiquis
 hæreticis.

LLL

cijs,

Ordinarij episcopi
approbata per Con-
cilium Religio se-
quenda.

Præcones, verbi mi-
nistri & Superinten-
dentes hæreticorum
non admittendi.

Crudus & insulsus
suo pte testimonio
Smidel. quò cum suis
symmystis relegadus
sit.

Synagoga & conue-
nticula hæreticorum
dissipanda.

Orthodoxa ecclesia
Aegyptiacis hæreti-
corum exuijs or-
nanda.

cijs, siue in Alexadrina ciuitate, siue intra Aegyptiacam diœcesim sunt, & neque ità credunt, vt prædicti venerabiles Patres credebant, neque viro reuerendissimo, Alexandrinæ vrbs antistiti Proterio fidem orthodoxam tenenti commu-
nicant: Episcopos vel presbyteros, aliôsve clericos creare, & habere prohibemus: scientibus tam his Eutychianistis & Apollinaristis, qui au-
si fuerint cuiquam episcopi, vel presbyteri, vel clerici nomen imponere, quàm his, qui passi fuerint impositum sibi nomen sacerdotale retinere, pœnam exilij cum facultatû suarum amissione se subituros. Vniuersi prætereà Apollinaristæ, vel Eutychianistæ non ecclesias, non monasteria sibi construant: parasynaxes & conuenticula tam diurna quàm nocturna non contrahant: neq; ad domum vel possessiones cuiusquâ, neque ad monasterium vel quemcunque alterû locum operaturi, sectæ funestissimæ congregentur. Quod si fecerint, & hoc factum fuisse, domino volente, constiterit: post rem in examine iudicis approbatam, domum vel possessiones eius, in qua conuenerint, vel monasterium eius ciuitatis orthodoxæ Ecclesiæ, in cuius territorio est, iubemus addici. Si verò ignorante Domino, sciente verò eo, qui pensiones domûs exigit, vel
actos

actore vel conductore prædij parasynaxes & cō-
 uenticula interdicta collegerint: conductor vel
 procurator, siue actor, vel quicumque eos in do-
 mum, vel possessiones, vel monasterium recepe-
 rint, ac passi fuerint illicitas parasynaxes con-
 uentusque celebrari: si vilis & abiectæ sint con-
 ditionis, fustibus publicè, & in pœnam suam, &
 in aliorum coërceantur exemplum. Si honestæ
 verò sunt personæ, decem libras auri mulctæ no-
 mine fisco nostro cogantur inferre. Nullū præ-
 terea Apollinaristam vel Eutychianistam ad ali-
 quam iubemus adspirare militiam. Et si inuenti
 fuerint: militari cingulo soluti, honestorum ho-
 minum & palatij communione priuentur: nec
 in aliqua, nec in qua nati sunt, ciuitate, vel vico,
 aut religione versentur. Si qui verò in hac alma
 vrbe nati sunt, tam sacratissimo comitatu, quàm
 omni per prouincias Metropolitana ciuitate pel-
 lantur. Nulli insuper Eutychianistæ vel Apolli-
 naristæ publicè vel priuatim cōuocandi cœtus,
 vel circulos contrahendi, & de errore hæretico
 disputandi, ac peruersitatē facinorosi dogmatis
 asserendi, tribuatur facultas. Nulli etiā contra
 venerabilem Chalcedonensem Synodum lice-
 at aliquid vel dictare, vel scribere, vel edere atque
 emittere, aut aliorum dicta vel scripta super eadē

Receptatores hære-
 ticorum quò excipi-
 endi.

hæretici, Calvinistæ,
 Gositæ, & similes nec
 ad militiā, nec ad ho-
 nestorum hominum
 communionem ad-
 mittendi.
 Nūc hæretici maxi-
 mē irreptant in pala-
 tia principum.

Hæretici extermin-
 andi.

Concistorum ecce-
 menicorum decretis
 obtemperandum.

Hæreticorum libri
sunt sacrilegi & pro-
inde non legendi.

Illicita docentes, vl-
timo supplicio co-
ercendi.

Hæreticorum libri
incendio tollendi.

Vestigia peruerfita-
tis hæreticæ penitus
abolenda.

Imperatorum est cõ-
ciliorum decreta ex-
ecutioni demãdare:
Principum & præsi-
dum prouinciarum,
exequi.

re proferre. Nemo huiusmodi habere libros,
& sacrilega scriptorum audeat monumenta ser-
uare. Quòd si qui his criminibus fuerint de-
præhensi, perpetua deportatione damnen-
tur. Eos verò, qui discendi studio audièrunt
de infausta hæresi disputantes, Decem librarum
auri, quæ fisco nostro inferendæ sunt, iubemus
subire dispendium. Vltimo etiã supplicio co-
erceantur, qui illicita docere tētauerint. Omnes
verò huiuscemodi chartæ ac libri, qui funestum
Eutychetis scilicet & Apollinaris complexi fue-
runt dogma, incendio concrementur, vt facino-
rosæ peruerfitalis vestigia ità flammis combusta
depercãt. Aequum nanque est, vt immanissima
sacrilegia par pœnæ magnitudo percellat: scien-
tibus moderatoribus etiã prouinciarum, eo-
rumque apparitoribus, defensoribus etiã ciui-
tatum, quòd si ea, quæ legis huius religiosissima
sanctione custodienda decernimus, aut neglexe-
rint, aut aliqua pmisserint temeritate violari, de-
narum librarum auri multam fisco nostro in-
ferre cogantur, insupèr etiã existimationis suæ
periculum sustinebunt. Datum Constantino-
poli, Idibus August. Constantio & Rufo Coss.

QVE

QUERIMONIA M. LUTERI 453

DE PERFIDA DEFECTIONE SVORVM

discipulorum.

SI qua mihi iustas expressit causa querelas,
 Heu nunc prae cunctis digna querela venit.
 Ille ego qui quondam fama super aethera notus,
 Nunc me vix aliqua gloria parte manet.
 Omnia Calvinus rapuit, totumque per orbem
 Illita vipereo dogmata felle serit.
 Tu quoque dilectos inter pars prima Melanchthon,
 Qui mihi prae cunctis fidus amicus eras,
 Diceris extrema liquisse in morte Luterum,
 In noua Caluini dogmata falsa ruens.
 Hic ubi pallentes peruenit rumor ad umbras,
 Heu mea concussit quam grauis ossa dolor.
 Hinc Anabaptistae, Smidelinus, Brentius, & qui
 Musculus exigui nomina muris habet,
 Gallus & Illyricus, nupèr quoque missus ad Orcum
 Zuinglius, & reliqui turba prophana vigent.
 Ast ego qui quondam Doctor, primusque magister,
 Quique his discipulis semina prima dedi.
 Heu miser ignotas profugus compellor ad oras,
 Vixque aliqua nomen parte Luterus habet.
 Quam ego venabar laudem, famamque, decusque,
 Hac modo discipuli cuncta tulere mei,

Perit memoria eorum
 cum seuitu. Psal. 9.

Vidi impium super
 exaltatum sicut ce-
 dros Libani, & trans-
 iui, & ecce non erat,
 &c. Psal. 36.

LLL 3 Quos

Quos genui, quos hæc peperit mihi lingua manusq;,,

Quorum præcipuus fautor & author eram.

Hæc promissa fides? pietas hæc debita patri?

Heu mihi quàm precium triste magister habet.

Degeneres animi, genus execrabile mundo,

Tempore percipies præmia digna suo.

Hæc ego vaticinor: vates quoquæ vanus habebor,

Ni te, perfida gens, pœna parata manet.

MARTINVS LVTERVS IN

Pſalm. 5.

Hoc vidimus & videmus in omnibus hæreticis obtigisse, vt primùm quidem hominib; placuerint, sed postea dissipata sunt ossa eorum, confusi sunt, quoniam Deus spreuit eos.

Neq; vnquàm vlli hæretici victi sunt vi aut astu, sed mutua dissensione, sicut inter Sichimitas Iudic. 9. inter Babylonicæ turris operarios, & in nostro Testamento inter Arrianos, Donatistas, Pelagianos. Sed & Iudæi nouissima vastitate perierunt dissensione. Ità vt Hilarius sanctiss. vir gloriatur in libro de Trinitate, bellum hæreticorum esse pacem Ecclesiæ.

Mart. Lut. ibidèm.

Quauis plantentur hereses, & non nihil floreat, tamen non ferunt fructum. Martinus Luterus in cap. 3. Ionæ.

CAN-



Vm ante triennium exactissimis quibusdam Louaniensis Academię Theologis, hunc anthyperaspisten nostrū probandum examinandumque offerrem, censuramque eorundem cōsecutus essem, euenit, vt aliò vocarer, nec commoda ratione editionem prosequi liceret mihi peregrinis in locis tum agenti. Postea reuersus, operæ precium iudicaui, quædam Religionis nostrę themata paulo fusius & enucleatius tractare: quod & Reuerendus vir D. Cunerus Petri Theologus Louaniensis corā submonuerat. Etenim quoniam de hoc auctario faciendo, tunc demum consiliū cepimus, cū iam ad editionem accingerentur Typographi, factum est, vt ea quæ locis quibusdam addidimus, iisdem Theologis, priorum laborum censoribus, communicari cōmodè non possent. Itaque si quid in ijs fortè peccatum sit, eius culpa censores liberatos velim. Quicquid autem eiusmodi fuerit, id ab ecclesia cupimus emendari, quæ Petri Cathedram & fidem tenet, hoc est, Romana Catholica & Apostolica, cui nos nostraque subiecta volumus.

FINIS. Δόξα τῷ Θεῷ.

INDEX

INDEX RERVM ET VERBORVM

IN PRAECEDENTES IIII. ANTHYPERASPISTAE LIBROS.

A, numeris adiectum, notat anteriorem paginae partem: b, posteriorem. sicubi verò neutrum istorum adijcitur, ibi indifferenter, quod quaeritur, vtrinquè nôris quaerendum.

- A** Bbaptista vnde aut quò fieri debeant queratur. 265 a
 271 b Anabaptista quae de re quò per Melan-
 chthonem & Luterum confutati. 310 a
 Accidentia, non substantiam, in eucharistiae
 sacramento frangi, sapi, &c. 337 b
 Adorandas imagines an & quomodo statue-
 rit synodus Nicaena. 403 b
 adorasse virgam legitur Iacob, cur nos Chri-
 sti crucem non adoremus? 410 a
 adoratio quibus tribuatur, 403 b
 adulterium à Lutero concessum. 146 a
 Aërius quātus qua in re ecclesiae Catholicae
 aduersarius 290 b & quē ea de re ab
 Epiphanio confutatus. 291 a
 aërii calumniae in Ecclesiam celebrantem
 Pascha, & orantem pro mortuis, certisq;
 diebus ieiunantem. 378
 aetas duodennis virginum, quid iuris aut vi-
 rium habeat. 272 b
 Agathensis concilij decreto de Manialibus
 quī Smidelinus abutatur 271 a
 agrippini ciuis de Smidel. iudiciū. 195. 196
 Alieni di non sunt sancti 405 b
 altare proprium in lege noua habemus, er-
 gò & proprium sacrificium & sacerdo-
 tes. 371 a b
 Ambrosii ad virginem lapsam locus quis
 quomodo tractandus. 264 a
 ambrosii de transsubstantiatione panis &
 vini assertio. 320 b 321
 ambrosii vehemens de transsubstantiatione
 testimonium. 325
 amoldorffius quid de quibus symmystis suis
 queratur. 265 a
 Anabaptista quae de re quò per Melan-
 chthonem & Luterum confutati. 310 a
 ancyrani concilij decretum quod quī inter-
 pretandum. 285 b
 andrea apostoli de sacrificio Missae oraculū.
 346 a
 animi & chordae in cithara elegans com-
 paratio, quid sibi velit. 313 b
 antichristus quando venturus. 231 b
 antichristus vnde oriundus. 230 b
 abolebit
 iuge sacrificium. ibid. praecursores an-
 tichristi. ibid.
 antichristo à quibus hodiè Christianis pare-
 tur via. 363 a
 antiocheni concilij canon 16. declaratur 178
 antiochus quorum hodiè quasi dux seu an-
 tesignanus. 366 a
 antony in templo quid Romae cōtigerit. 429
 Apologos rebus grauibz & sacris admi-
 sceri. 16 b
 apostolus ad Hebraeos scribens, cur quadam
 alioquē necessaria & vera, subticuerit.
 354 b 355 a
 apostoli controuersiam de religione iudicāt
 ac dirimunt. 187 b 188 a
 apostoli & ones & pastores fuerunt. 174
 apostolicum symbolum quantas inter here-
 ticos turbas concitet. 293
 apostolorum causa falsò suum negociū cō-
 parant Euangelici. 227 232
 apostolorum princeps quomodo dicatur Pe-
 trus,

ANTHYPERASPISTAE LIBROS.

trus, & quò Apostoli fuerint pares. 100	Augustinum qua causa in Ecclesia reti-	
apostolorum prudentia in predicando Euā-	nuerint.	91. b
gelio.	163 a Aurelianus Imperator.	221. b
apostolorum symbolum ipsis veraciter asse-	B abylon est apud haeticos.	36 a
ri.	294 Bartholomaeus Latomus.	391
appellatur ad Rom. Pontificem. 178 b 186 a	basileensis cuiusdam sacerdotis lepidum de	
aqua cur vino in consecratione misceatur.	Luteranis apophthegma.	288 a
342. & deinde.	basili de professione aut voto virginitatis	
aquarii qui cur ob haesin dicti.	343 a sententia	272 b
areopagite de consecrandis therapeutis aut	Belgarum pracones Evangelici quales quid	
monachis testimonium.	265 b non ita dudum designarint.	385 a
argutationes haeticae qua cur quam ridi-	berengarii carnale & heretieum de Christi	
cula & inepte.	364 b corpore diciturum	330. b 331. a
Arrius Patres contemnebat.	235 b berengarii palinodia	333. a
arrium pluribus scripturae locis, suo iudicio	Bibere Sanguinem & edere corpus Christi	
adductis, contra Catholicos usum, quam	qui censeantur.	390
Catholicos aduersus ipsum.	308 b Blasphemia Smidelini quae quae in ipsum ad-	
articulos fidei & ab apostolis coditos, & pa-	amissim quadret.	323. a
tribus tamē antea notos fuisse.	295 b Bonum opus bene & sine peccato fieri pos-	
Asinorum irrationalium obedientia qui nos	se.	317. a
racionales pudefiamus.	331 a bouem cur Aegyptij coluerint.	405. a
aspis à vipera venenum mutuatur.	154 a Brentius in concilio rogatus de doctrina sua	
athanasii symbolum, sathanasii vocatum, &	siluit.	10.
à quibus.	216 b brentius quomodo inuoluat iudicium cau-	
Augustana confessio Ecclesiae ministros iu-	sarum Ecclesiasticarum.	220. b.
dices esse de religione, decernit.	219 a brentius Smidelini patrocinio causam suam	
augustinus cur ipsi etiam Evangelio non	ledit.	225. b.
crederet.	306. b. brentij fraudulentia in Tyrano corruptissi-	
augustinus quomodo cur à Smidelino ex-	me citando.	233.
ceptus.	276. b. brentij lycophantica à patribus ad scriptu-	
augustinus totos dies indicauit causas secu-	ram appellatio.	286. a
lares.	139. Bucerum alicubi ipsam transsubstantia-	
augustini de cenobitis apophtheg.	284. b tionem asseruisse	324. a
augustini de transsubstantiatione senten-	C aelibatûs aut virginitatis quanta à	
tia.	325. b nuptijs differentia.	276. a

M M M ca-

INDEX IN QVATVOR PRAECEDENTES

celibatus quàm clero necessarius.	280.b	& què se hodiè offerat, & adhuc quotidie	
canonè impiè criminatur Smidelinus.	397.	offeratur.	356.a 361.b
canones apostolorum què habendi.	281.b	christus què & ubi iuxta ordinè Melchise-	
canones observari præcipit Theodosius.	205.b	dech obtulerit.	349.b. quò sese in cœna
canonici libri qui vnde sic, ut tales haberè-		obtulerit.	358.b. què sit perpetuò secundum
tur, dijudicati.	306.a	ordinè Melchisedech sacerdos.	352.b què
carnificum nomine qui cur à Caluino bla-		reus mortis dici possit.	78.a
sphementur.	332.b	christus secundum legem debebat mori.	78.
carolstadius factus agricola.	13	christi & Melchisedechis cõparatio.	354.a
carolus & Ferdinandus an indicauerint cau		christi passio, qualis quantusq; sit fons.	334.a
sas religionis.	223.	christum hodiè etiamnum & sacrificare &	
castitas quibus modis facillè seruetur.	256.	sacrificari.	362.a. eñ inuitis hereticis nã
catholicus quantumvis malus, quous tamè		esse fidei articulum.	299.b
heretico melior est plerunq;	81.b	christi sui corporis & sanguinis oblatiõem.	
catholicus quis sit aut habeatur.	301.	in cœna docuisse.	344. b. & dein.
catholicis quid proprium.	248.b	chrysostomi de transsubstantiatiõis panis &	
catholicos sacerdotes falsò arrogatiõis à Smi-		vinis assertio.	322.a. 325.b
delino notatos.	319.b	& dein. Cibales potiones	390.
cauillatoria hereticorum argumeta quæ què		Clemens à Petro ordinatus successor.	III
confutanda.	363.a	clementis episcopi Rom. laus.	436.a
causæ quæ quarum egeant auxilio.	364.a	clerum quàm deceat calibatus.	280.b
Charitas quanti ubique sit momenti.	316.a	clichtouci de transsubstantiatiõis assertio.	333
christianitatis antiquitas, usus, mysteriũ.	196.	cluiæ principis Illustriss. Catholicũ facinus.	
christus adhuc patitur, eiusq; passio adhuc	374.a		
quotidiè adimpletur.	401.b	Cœcilia qua quibus meritò debeant cedere.	
christus an sit ubiq; tam secundum humanã	285.b. 286.a		
quàm diuinam naturam.	394.b	conciliorum utilitas ac scopus.	297.a
christus cur multa ad eucharistiam necessa-		confessionis Augustana de eucharistia; do-	
ria per se non ordinãrit.	318.b	cumentum.	323.b
christus & apostoli an à malis Pontificibus		confessionistarum Augustanorũ leuitas &	
prouocauerint ad iudicium Dei.	187.b	inconstantia.	324.a
christus Ecclesiæ caput quomodo, & quo-		core, Nathan &c. hereticos designant.	117.b
modo Petrus.	166.	consecratarum virginum nuptia quales ha-	
christus Petro Romæ occurrit.	105.b	bende aut dicende.	270.b. 271.a
christus què & seipsum semel obtulerit, itè		consecratio eucharistia catholica quò à Smi-	
		de-	

ANTHYPERASPISTAE LIBROS.

delino blasphemetur	320.a	D Amaseni de transsubstantiatione	
eius contra Smidelini blasphemiam de-		testimonium.	325.b
fensio.	320.b. & dein.	dauid Georgius qualis propheta.	252.
constantini memorabile dictum.	130.b	Desponsatio mystica quotuplex, per bap-	
co'substantialitas Christi cum patre, quot scri-		ptum qualis aut quid sit.	267.a. 270.a
pturae locis ab Arrio oppugnata.	308.b	deus cur non quolibet cuiuslibet & quolibet	
consuetudinis longae quae vis.	431	in loco largiatur.	429
continentia quantoperè sacerdotibus iussa		deus diuidit, ppria unicuique, put vult.	429.b
aut iniuncta.	283.a.	quò possibilis	256.
& seq.		deus ubique, sed non eodem modo.	427.b
creatores corporis & sanguinis Domini,		deo punienti peccata an sit resistendū.	192.
apud Lutheranos qui sint.	323.a.	qui sic	
à Smidelino contumeliosè & falsò dicti.		deuter. verba 17. cap. Iudicabunt tibi iudi-	
322.b. 326.b		cij veritatē, esse promissiois, nō mādati.	36
credere ceri sibi remissa peccata & salu-		Diaconissa ad quid ordinentur.	272.a
te se adepturū an homo teneatur.	49. &c.	digami qui sint, & vnde repellantur.	280.
crucis in fronte consignatio quanta effica-		dilectionis vis quanta.	316.a
cia sit.	409.b	disidia religionis quò possint cōponi.	433.b
crucis signū quomodo adoremus, daemonesq;		distinctiois bonae vis & utilitas quāta.	271b
eo fugari &c.	407.a.b. & deinceps.	diuina & supernaturalia rationibus huma-	
crucis stupenda miracula.	407. 408. &c.	nis non subdi.	329.a
Cyprianus quantoperè & quā violentè à		Docti viri cur quandoquē in heresim pro-	
Smidelino deprauatus.	120.b.	quā fal-	
sò ab eo citatus.	184.b	doēgo illi Idumaeo quā graphicè Smideli-	
Cyprianus quosdam episcopos exauthora-		nus collatus.	366.b
uit.	186.a	dominandi affectum, nō dominationē, Chri-	
Cypriani aperta de transsubstantiatione ver-		flus apostolis inibuit.	108. 109
ba, quā Smidelinus aduersum transsub-		E cclesia si errauit, cur viri boni qui nū-	
stantiationem adducat.	238.b. 239.a	q̄ defuerūt, eā nō reprehēderūt?	387.b
Cypriani de transsubstantiatione & sacri-		ecclesia est visibilis, nimirum ciuitas supra	
ficio Missae testimonium.	324.b. 351.b	montem posita.	88.b. & seq.
Cypriani errorem falsò in presidium suū ad-		ecclesia quam seu quantam habeat, etiā	
ferunt Lutherani.	239. 240	Lutero teste, potestatem.	306. b
Cyrilli de transsubstantiatione & sacrificio ecclesia quo signo cognoscatur.			90.b
Missae testimonium.	323.b. 348.a	ecclesie decretis acquiescēdū.	217 b 218 a b
		MMM 2	eccle-

INDEX IN IIII. PRAECEDENTES

ecclesia in habendis concilijs intentio aut	temeritas quanta.	324 b
scopus.	297 b euangelistarum trium autoritas quæ à Lu-	
ecclesia potestas magna circa externa.	386 a tero depressa.	311 a
ecclesia potestas quanta.	305 b. libri qui vn-	
dè cur reiecti.	306 a eucharistia non nisi à sacerdote ritè ordina-	
ecclesiam habere potestatem condendi leges	to conficitur.	194 a
morales.	292 b & deindè. eucharistiam non sumptione hominum, sed	339 b
ecclesiã quò simul videam⁹ & credam⁹	89 a Dei virtute fieri.	341 a
ecclesiasticorum canonum seu decretorū au-	eunomiani quomodo iam olim spiritu san-	
thoritas quanta.	300 Etum calumniati.	309 a
elemosynæ quibus cur dandæ.	368 a F	
Emauntini illi duo cur in via Christum non	Ermētum pharisæorū hypocrisis.	84 b
agnōrint.	Fidei res argutationibus humanis non	
emundatio quàm quibus sanctificatis ne-	329 b subiacere.	37. a
cessaria.	365 b fidei vis quanta, & cur per quos eam dia-	
Epicuræi hæretici in Morania, dicentes ani-	bolus hodiè sic infestet.	337 b
mam cum corpore interire.	217 a fidelium opera omnia, peccata nō esse.	311 b
epiphanius quomodo Aërium qua de hære-	tate Evangelica conueniant.	167
si consutūrit.	290 b 291 a	
epiphany de secundis nuptijs sentētia.	281 a Fractionis aut frangendi verbum, corpori	
episcopus differt à presbytero, & quorū lo-	Dominico non malè conuenire.	332
cum vtrig. teneant.	170 Fundamentum ecclesia Christus, & aposto-	
episcopi ciuiliū causarum iudices.	138 li nibilo min⁹ dicuntur ecclesie fun-	
episcopi ubi constituendi.	170 b damenta.	94 b
episcoporum officia peculiaria qua.	171 b funiculus hereditatis Smidelini	195 b
Erasmi de Lutero iudiciū, quale aut quā-	171 b furtum Mediolani deprahensum ad memo-	
tum.	286 b 287 riam sanctorum.	429
Ethnici cur boues et similia coluerūt.	404 b C	
ethnicos Imperatores iudiciū causarum	Elasī verba ab hæreticis contra eu-	
ecclesiasticarum sibi non vendicasse.	221 charistiam adducta, pro ea, si re-	
Euangelia que vndè reiecta.	306 a tē intelligantur, facere.	340. 341
euangelicastroꝝ venusta descriptio.	287 b georgius Brandata quid de Trinitate sen-	
euangelis cur aut qua tantū ratione cre-	quantūq; à Lutero passus.	318 a
datur.	306 b Gladius vterque, tam materialis quàm spi-	
euangelicorū (sic falsò dictorū) arrogātia ac	ritualis, est ecclesia.	141 b. & cur 155.
		Gra-

ANTHYPERASPISTAE LIBROS.

Gratiarum actio & consecratio, Cypriano	301b
quid sint.	239 a
gropperus quā pape Gelasy verba ab hereti-	gnantiū cōsūtatio. 303 b in sacerdotes ca-
cis cōtra eucharistiā adducta, p ea fa-	tholicos calumnia quē qualis. 362 a
cere ostendat.	340-341 hereticis cur ignota Ecclesia. 89 b
H eresiarcharū aliquot q̄ sit diuersa	Hericus Anglię rex 8. quid adhuc catholi-
de apostolico symbolo sentētia. 293 b	cus à Lutero passus. 318 a
prodigio se nomenclaturę.	331 a herba distinctas habent virtutes. 430 a
heresis hydre comparatur.	2 hesychij de trāsustātiatiōe testimon. 326 a
hereses veteres de Christo in Moravia resu-	Hieronymus quō carnē edomuerit. 258 a b
scitatz. 216 b	eius de trāsustātiatiōe panis & vini te-
hereses vnde nascantur.	134 stimonium. 322 a
heresū nostri tēporis quis prim⁹ author. 144	Homerus cur mendacijs delectatus. 225 b
heresibus confutandis non solas scripturas	homo quē dicatur aut dici possit non pecca-
adhibendas. 307 & deinc.	re. 313 b
heretico quouis melior est plerunq, Catholi-	hosi sentētia quē quo cauillo aut calumnia
cus, quātūlibet mal⁹ & criminofus. 81 b	à Smidelino excepta. 284 a
heretici cur dicendi Protestantes. 117 b	hostia eadem offertur in Missa, quē in cruce
heretici Imperatores nō vēdicārūt sibi indi-	oblata est. 129 b
cium causarum Ecclesiasticarum. 213	hostia & donum quid differant. 369 a
heretici nostri seculi veteres hereses resusci-	Huanc argutię vbi non sit locus. 337 a
tant. 229	I dola in Martyres cōuersa, calumniabā-
heretici veteres & neoterici Patrū contem-	tur olim Manichęi & gentiles. 405 b
ptores. 235. 236	Iesuitę qui Smidelino habiti. 358 a
heretici scripturis vtuntur. 249 a b	Illuminatos à Christo multos, in tenebris am-
heretici hodierni ab Erasmo lepidē suis co-	bulare, & in infernū pręcipitari. 363 b
loribus depicti. 287 a	Imaginum & idolorum differentia. 406 a
heretici qui cur potissimū ptimescēdi. 301 b	imaginū statuarūq, deturbatores fanatici
cur doceāt in oī opere bono peccari. 317 a	sunt Lutero. 231 a. de imaginib⁹. 403 a
quomodo vnā cātibris suis pestilētibus ex-	Imperfectio an sit peccati nota. 315 a
terminandi. 433 b	Impuberibus quibus cur & quomodo ec-
hereticissimum Melanchthonis contra pa-	clesia condescendat. 285 a
tres scomma. 344 a	In eternum quē Christus sit sacerdos. 356 b
hereticorum argumenta qualia. 353 a	ingredi sinē macula, quis nō absurdē dica-
hereticorum indoles. 248 b eorum liber, in-	tur. 316 b

INDEX IN IIII. PRAECEDENTES

- Iosaphat abstulit excelsa & lucos. 212 b
 iovinianus imperator quid aut quantum pro
 virginibus statuerit. 268 b quatus qualium
 nuptiarum vindex. 276 b
 iovinianus hereticus cur qui ab Hieronymo
 exceptus. 274 a
 Irenei de transubstantiatione panis & vini etc.
 ite de sacrificio Christi assertio. 321 b 358 b
 Isidori Hispalensis episcopi de transubstan-
 tiatione assertio. 326 b
 Iteratio sacrificij Christiani & Leuitici qui
 & quam inter se differant. 360
 Iudei quam egre sacrificium Christi in cru-
 ce receperint. 349 b
 iudex controuersiarum religionis ubi fuerit lex matris non dimittenda, quid sibi mysti-
 immediatè Deus. 118 b
 iudicem controuersiarum an solum Christum
 agnouerit Cyprianus. 185 a
 iudicium Christi in quibus controuersis ex-
 peccandum. 185 b
 iulius Pflugius Episcopus Nuburgicus, olim
 à Saxone eiectus. 118 b
 iustini martyris de transubstantiatione pa-
 nis & vini assertio. 321 b
 iustinianus imperator quid de virginum vela-
 tione scriptum reliquerit. 266 b
 clericis pijs constituerit. 282 b
 iustiniani de ecclesiasticis sanctionibus seu
 decretis oraculum. 300 b
 iustitia qui aut quibus rebus custodiatur. 314 a
 quod duplex in scripturis inueniatur. 315 b
 iustus quis esse aut dici possit. 316 b
 iustum in omni opere bono non peccare. 311 b
 iustum in omni opere bono peccare, hereticè
 asserti. 313 a
 iustum neminem careere peccato, catholicè
 dici & asserti. 313 a
 Abia sacerdotis, non manus vel opera:
 custodiunt scientiam. 64 b
 laici etiā religionē scriptis asseruerūt. 14 a
 laterana sub Innocētio tertio synodus quā
 fuerit celebris. 327 b
 latvia & dulia quid differant, an & cur
 Deo viraq; debeatur, ite confundi & vnu
 pro altero aliquandō poni. 430
 latrones vnde dicti. 430 b
 Laurentij Suri commendatio. 341 b
 Leuitarum ecclesiasticorum & synagogico-
 rum differentia quanta. 283 a
 libertas virginū prae maritalitatis quāta. 273 a
 libidini carnali vnde quā potissimū me-
 dendum. 284 a
 licita quae quibus aut illicita. 281 b 282 a
 lineae vestes olim honoratę. 411 b
 livinius ille Vincētius quādam adamusim de-
 pinxerit pseudoprophetas. 302
 lotio pedū cur non in sumptione sacramenti
 eucharistiae usurpetur. 386 b
 Lucas aliquis Morauus qua blasphemia
 contra Spiritum sanctū & S. Trinitatem
 nō ita pridem vsus. 309 b
 luterus nullū doctrinę suę iudicē sustinuit,
 & ne ipsum quidē Deū. 27 vrsam & le-
 gnā seipsum vocat, ergo & rectē lupus vo-
 cari poterit. 225 qualis ppheta. 252 a quo
 canillo sacerdotium Christianum sustule-
 rit. 270 a
 luterus cur meritō & verē appellatus leno. 291

ANTHYPERASPISTAE LIBROS.

291b. quantam quàm temerè fidei cui ecclesia auctoritate tutatum. 310. a
 que tribuerit facultatem. 307a. quò melchisedechici & Leuitici sacerdotij colla-
 anabaptismū cōfutauevit 310.a. quos li- tio. 350.a
 bros scriptura canonica reiecerit. 310.b melchisedech oblatio praefigurauit sacrifici-
 qualis in quos fuerit principes. 318.a um Missae. 39. 348.b. ipse quis qualis ve
 rbinam & ipse transsubstantiationem af- fuerit. 353b. 357.a
 ferat. 324.a meli⁹ est nubere q̃ vni, ad quos spectet 264b
 luteri doctrina ab ecclesia damnata. 27.in. membra ecclesiae quàm sint diuersa. 267.a
 solentissima superbia. 28. 238.b contu- mercedis bonorum operum assertio. 315.a
 melia in S. Patres. ibid. impium ac sa meretrix in sacris literis mysticè quid. 36b
 tanicū cōtra religiosos cōmentū. 269.a. Miraculum horrendū de chrisimate & eu-
 de sibi addictis querimonia & oraculū. charistia. 200.a
 288.b. in principes ac magistratus te- miraculum ex Augustino de Missae sacri-
 meritas & audacia. 289.a. vxor gra- cio. 346.b. 347.a
 phicè depicta. 292.a. arrogans & impu- miracula in recipienda noua doctrina, teste
 dens contra ecclesiam assertio. 307.b Lutero, requiruntur. 27
 luteranorū lepida p̃ Erasmiū depictio. 287a miracula ad sepulcra sanctorum designata,
 luteranos quosdam se contra anabaptistas an sint praestigia demonum. 421.b
 ecclesiae auctoritate tueri. 307.b miracula cur in quibusdam locis fiant, &
 lux mūdi Christi, & lux mūdi Apostoli. 94 alibi non fiant. 429.a
 Lyranus quò ab Euangelicis citatus. 233. misericordiae opera quī hostiae vocetur. 367b
M Anūs impositio ad varia vsurpari missa cuius institutione & mandato hactea
 consuevit. 202.a nūs piē seruata. 365b
 marie quis honor debeatur 1420.b missae vocabulo quae oblatio iam olim appel-
 mariam Christi genitricem, virginitatē suā lata. 347.a sacrificium quale. 376.
 voto firmasse. 269.b missali de habitu. 410b
 martialis de sacrificio altaris Christiano te- missus mittente non semper minor. 164.
 stimonium. 347.b Monialis illa q̃ Lutero nupsit, qualis. 292 a
 martiani Imperatoris pro synodicis decre- moniales aut monacha, si nupsierint, quo no-
 tis oraculum aut zelus. 300.b mine appellandae. 276. a b
 matthai locus 24. Multi pseudoprophetae monachorum consecratio quī in primitiua
 surgent, ad quos pertineat. 228b. 231.b ecclesia fieri soleat. 265b
 Medicamenta etiā optima, cur quibus nō monarchicus ordo in ecclesia. 95.
 prosint. 364.a mortui vinorū precibus an iuuētur. 376b
 melanchthonem se contra anabaptistas sola moyses & Aarō in ecclesia Cathol. q̃ sint. 167
 mtt

INDEX IN IIII. PRAECEDENTES

<i>mulier extranea & aliena, mysticè quid sit.</i>	<i>Offerre seu offerri quid Christus in cena</i>	
290 a	infferit.	345
<i>munda illa apud Malachiam oblatio unde officia in ecclesia distincta sunt.</i>	32. & quæ	
<i>intelligenda.</i>	346 a. 347 a	qualia. 103
<i>Mysteria Christi quæ cur minus aut rectius δποουσιον vocem scripturis non inesse, rem</i>		
<i>ab euangelistis expressa.</i>	355 a	tamē eius aut significationē inesse. 308 b
N <i>Azianzenus Gregorius quē extra operum bonorum laus & utilitas.</i>		314 b
<i>scripturam Eunomianos confuta-</i>	<i>opera bona, non esse peccata.</i>	312 b
<i>rit.</i>	309 a	<i>opera bona omni carere peccato posse.</i> 314 a
<i>Necessaria aut spectatua ad eucharistiā mul opera bona quoq; & nō fidem solam, docuit</i>		
<i>ta, ab euangelistis omissa.</i>	318 b	Paulus. 402 b
<i>nemini, quis aut qualis ante baptismum su-</i>	<i>Ordo apud hereticos turbari nō potest, cū</i>	
<i>erit, imputari.</i>	275 b	nullum habeant. 135
<i>neminem ab ecclesia ad calibatum aut</i>	<i>ordo in Ecclesia Dei.</i>	39-131
<i>continentiam cogi.</i>	283 b	<i>ordinati à Petro, non omnes sunt Petri suc-</i>
<i>neque facienda omnia, neque credenda oīa,</i>	<i>cessores.</i>	110 b
<i>scripta esse.</i>	305 a	<i>ordinatio illa ecclesiastica de sumptione eu-</i>
<i>Nicena synodus de adorandis imaginibus</i>	<i>charistie, quem authorem habeat.</i>	319 a
<i>quid statuerit, & quē agnoscat primatū</i>	<i>Origenis de Proverbijs Salomonis senten-</i>	
<i>episcopi Romani.</i>	403. b	tia. 291 a
<i>niceni concily patres à Smidolini calumnia</i>	<i>Omium vestitus mysticè quid.</i>	302 a
<i>vindicati.</i>	184. & seq.	
<i>Nona testamenti noui oblatio verè ac pro-</i>	P <i>anis in quo gratiæ actē sint, Cypriano</i>	
<i>prie quæ.</i>	quid sit.	239 a
<i>Nuptiarum & virginum merces quā sit</i>	359 a	<i>pastoris doctrina quomodo possit examina-</i>
<i>diuersa.</i>	275 a	<i>ri citra violationem charitatis.</i> 33. b
<i>nuptia quibus clericis tantum permessa.</i>		<i>patres eō quōd homines fuerint, reijcit Smi-</i>
281 a. 283 a		<i>delinus.</i> 175 a
O <i>blatio Melchisedechis quæ quōd refe-</i>	<i>patres cur permisi sint à Deo in quibusdā</i>	
<i>renda.</i>	minùs acutè videre.	240 a
<i>oblationis vocabulum genericè & specificè</i>	358 a	<i>patrum contemptores qui sint.</i> 235. 236
<i>sumitur.</i>	374 a	<i>patrum authoritas quanta.</i> 234. & seq.
<i>Oidium humaniorum literarum in Luterā-</i>	<i>paulus Apostolus etiā de Ecclesia mini-</i>	
<i>nis.</i>	13. a	<i>stris sui temporis conquestus est.</i> 147 b
<i>Oecumenici concily vis quanta.</i>	286 a	<i>de Anania pōtifice quid ptulerit.</i> 150 b
		<i>paulus cur Hierosolymam semel atque ite-</i>
		<i>rum</i>

ANTHYPERASPISTAE LIBROS.

rum ascenderit ad Petrum. 155 Pœnitentiam cur prophetę, & Paulus cur
 pauli locus I. Cor. 3. Omnia vestra sunt &c. fidem predicauerit. 402.b
 quò à Smidelino adductus. 172 a. eius Politia ciuitatis Dei à Christo instituta. 86.
 locus alius explicatur. 230. 231 pontificis, & prepositi templi, non idem esse
 Peccatū dici nō posse, nisi voluntate fiat. 313 a officium. 73.
 peccatum vitari posse, & quā vitetur. 317 a pontifices cū fuerint iniquissimi iudices,
 de Peregrinationib⁹ religiosi 428.b quomodo tamē iudicauerint iudicij veri-
 per Euangelium Luteri, peiores homines fa- tatem. 76. & seq.
 Et. 143 pōtificum Adriani & Pauli tertij querelas
 perfectionem duplicē in scripturis inueni- de suis suorumq; peccatis, an rectē exagi-
 ri. 315 b. tet Smidelinus. 147.
 pernicacia Euangelicorum. 115 populus quatenus legē scire teneatur. 65.
 petrus Christi vicarius. 97. potestas tā malorū quā bonorū à Deo. 191.
 petrus cur circūcisionis Apostolus dictus, & Prepositis malignis an obediendū. 19. et in.
 Paulus Gentium. 156.b. quibus in locis praxis Ecclesię veteris in iudicandis re-
 quos episcopos ordinauerit. 160. ligionis controuersis. 207.
 petrus an à Paulo reprehensus, & quò. 161. precum pro defunctis subsannator iam olim
 petrus quòd missus sit ab Apostolis, an ipsi quis. 290.b
 deroget. 164. primam fidē irritam facere, quid sit aut sibi
 petri apostolorum Principis epitheta. 100.b velit. 271.a
 petri reprehensi modestia. 162.b primitię quid, aut quā offerantur. 368.a
 petri locus I. cap. 5. Non vt dominantes, principes quomodo se gesserint in Concilijs
 quā corruptē citat à Smidelino. 173 a veteribus. 207. & deinceps.
 petro in generali cura necessarius succes- principum & episcoporum diuersa functio.
 sor. 102.b 136.
 petrum Romam venisse, ibidemq; martyrio principum officium in Concilijs. 211.a
 coronatum. 159. 175.b principibus obedire & opem ferre contra
 Philippum Melanch. factus pistor. 13. Turcam, vetuit Luterus. 144.a
 philippi Mel. censura de patribus. 250. promissiones Indęis factę, potissimū ad Chri-
 Pietas Euangelicorum quanta. 113.b stianos pertinent. 72.b
 pius V. Pont. Max. super corpora Petri & prophetę sua suorumq; peccata deplorane-
 Pauli sacrificauit. 426.b. à calūnia vin- runt. 149.a
 dicatus. 433. a prophetę à malis veteris Testamenti sacer-
 Plebis assensus etiam nūm adhibetur in or- dotibus quò se nō separauerint. 187.a
 dmandis sacerdotibus. 123.b an quid prædixerint de tenebris, quibus

NNN

tot

INDEX IN IIII. PRAECEDENTES

- tot seculis mundum iam inuolutū iactant Pauli sacrificat. 426.
 heretici. 228. romani Episcopi eminentia unde probetur.
 propitiatorium sacrificium in Missa offerri. 106.
 376.
 πρὸς πορὰ σεῦ πρὸς πορὰ, grecis quid signet. **S**acerdos quō mediator, & quō Chri-
 357. b stus. 46.
 prouerbia iuxta Origenem quid. 291. a sacerdos qui fuerit Christus secundum ordi-
 pronocare ad scripturā, quid serē pre se se- sacerdotis concubinarū Missam quatenus
 rat. 301. b audire liceat. 24. & 25.
 Pseudeuangelicorum scripta qualia. 3. sacerdotis summi contemptus, causa dissi-
 pseudoprophete qui sint. 228. b 229. diorum. 96.
 pseudoprophetarum technē, & graphica de- sacerdotes vocantur mediatores & recon-
 pitiō. 302. a ciliatores. 42.
 Puellē duodenni quid absq; parentum con- sacerdotes etiā Iudaeorum & gentiliū sem-
 sensu vellicitum, vel illicitum. 271. b pēr cognouerūt de causis religiōis. 150. a
Quadragesimę antiquitas. 250. b sacerdotes ecclesiastici quibus rōnchis aut
 quę tria potissimū & vnicē in scri- sannis ab hereticis excepti. 358. a
 pturis interpretandis sequenda aut spe- sacerdotes soli habent facultatem consecrā-
 Etanda. 302. b di corpus Dominicum in Eucharistia.
 quomodo, quibus aut cur vbinām vti dūm. 392. & deinceps.
 330. b sacerdotum peculiare officium quod. 42.
Rabbinorū aliquot de sacrificio Missę sacerdotes etiā malos nō temerē indicā-
 testimonium. 348. b 349. a dos. 125. b & seq.
 Regula inueniendę veritatis. 234. sacerdotium Christianū quī Luterus sustu-
 religiosorum aut religiosarum tonsio & ve- lerit. 270. a
 latio quid sibi velit. 266. b sacra, qualia sint & signa & canales. 334. b
 reprehenditur quandoq; superior ab inferi- sacrificium Christianum quōduplex. 347. b
 ore 162. a sacrificiū quid sit aut quī definiatur. 367. a
 Roma an. . . urata illa meretrix, de qua sacrificium Deo offerri immediatē, decimas
 in Apocalypsi. 432. b non item. 368. a
 romę encomium. 153. sacrificiū, dona & oblationes, diuersa sunt.
 romana Ecclesia ab heresi libera, teste Cy- 369. a
 priano. 113. b sacrificiū Missę quid aut quale. 379. 380.
 romanus Episcopus D. Petri successor. 104. b sacrificij tria genera. 230. b
 romanus Episcopus super corpora Petri & sacrificij Christiani ostensio seu demonstra-
 tio.

ANTHYPERASPISTAE LIBROS.

345.	lippo teste.	29.a
sacrificij & sacramenti differentia.	356.b scripturę non literam, sed intellectum aut	
sacrificij vocabulũ & pprię & trāslatę su-	mentem, spectandam.	303.b
mitur tũ in scripturis, tũ a patribus.	374.a scripturę aut scripturarum iudicium pe-	
sacrilegi vocatur a Valentiniano, qui decretis	nens ecclesiam catholicam esse.	305.b
Ecclesiasticis non acquiescunt.	218.b scripturas an liceat cuilibet scrutari.	30.
salomonis de cauenda muliere extranea lo-	scripturas authenticas quas qui heretici re-	
cus, quĩ intellectus semper, & intelligen-	pudiārint.	306.a
290.	scripturarum allegationes vnde quĩ inter-	
sanctificatio quę quoduplex.	365.a noscendę aut discernendę.	302.b
sanctificati qui, vndenā adhuc emundan-	scripturis vtuntur heretici	249
di.	365.b scripturis qui suas hereses velut thure factio-	
sanctimoniales quādo aut quĩ velādę.	271.b res obumbrant.	302.a
sanctimoniales nuptę an vxorũ vocabulo di-	Semel quĩ tantũ Christus oblatus, non am-	
gnę.	276.a plius offerendus.	359.a
sanctitas alia vitę, alia vnctiōis.	81. sententię patrum quod seu vbi maxime ne-	
sancti verę quidem, non tamen natura sunt	cessarię.	303 a
di, & quomodo adorandi.	406.b Sinoni cur aut quĩ Smidelinus cōparetur.	
de sanctorum cultu & inuocatione.	412. 366.b	
& deinceps.	Smidelinus virginibus monialibus amicus.	
ad sanctorum sepulcra sepe probata est ho-	144 b	
minum vel culpa, vel innocentia.	429. smidelinus non cōsecratus in presbyterum,	
sanctorum inuocatio Luteri testimonio pro-	toto sacramento populum fraudat.	194.b
batur.	431.b smidelinus de demonibus qua victoria tri-	
sanctos idolis successisse criminatur cū ethni	umphet.	ibid.
cis & Manich. Smidelin.	405. 413 b smidelinus vngesalshē/vngeschmalshē.	
sapientia hominis vera quę sit.	315.b 194.b	
sacerij heretica de bonis operibus strophę	smidelinus manifestissimē sibi ē diametro	
confutatio.	315.a contrarius.	198.b
Scholasticorũ doctorum contra Smidelinum	smidelinus prophetat.	252
defensio.	319.a smidelinus quā a suo Lutero, alioquĩ ma-	
scripta apostolorum & euangelistarum quę	ximē ei deditus, dissentiat.	265.a
quid a Lutero passā.	311.a smideliniana aduersus Hosium cauillatiōis	
scribendum cur aduersus hereses. 3. & seq.	cōfutatio. 269.b. 270.a. quā improbē	
scripturę interpretatio vnde petenda Phi-	Paulina verba alleget.	275.b
	NNN 2	smi-

INDEX IN IIII. PRAECEDENTES

<i>Smidelinus suis qui verbis suam stoliditatē Sponsa Luteri quam gnauiter Veneri sacri-</i> <i>prodat.</i>	298.a	<i>ficarit.</i>	292.a
<i>Smidelinus ipsis demonibus improbius.</i>	423.a	<i>Spiritus sanctus qui ab Eunomianis olim</i>	
<i>Smidelini scurrile contra Synodum Triden-</i> <i>tinam commentum.</i>	342.a	<i>traductus.</i>	309.a
<i>Smidelini impudentia & stupiditas.</i>	264.b	<i>Sphemia per quem affectus.</i>	309.b
<i>Smidelini in Chrisma & ecclesiam scomma</i> <i>blasphemum.</i>	277.a	<i>Statuta moralia qui aut cur pro temporum</i> <i>ratione mutantur.</i>	272.a
<i>Smidelini fallax & deceptorum argutatio.</i>	279.b	<i>stentor hodiē quis quantus.</i>	364.b
<i>Smidelini in ecclesie potestatem blasphemia.</i>	289.b	<i>straminea cur unde quae dicta canonica epi-</i> <i>stola.</i>	316.b
<i>Smidelini sophisticatio suis coloribus depi-</i> <i>cta & excepta.</i>	291.b	<i>Substantiae vocabulum non semper inuocē</i> <i>accipi.</i>	341.a
<i>Smidelini in Matthia Bredenbachiiu calu-</i> <i>mnia.</i>	296.b	<i>successio legitima & cōtinua certum eccle-</i> <i>sia signum.</i>	91.
<i>Smidelini inepta, quāquā plausibilis, osten-</i> <i>tatio, licere ab ecclesia ad scripturam p-</i> <i>uocare.</i>	304.a	<i>summus sacerdos in veteri lege quō differe-</i> <i>bat à reliquis sacerdotibus.</i>	171.a
<i>Smidelinum quā absurditas ex sua fidei de-</i> <i>finitione sequatur.</i>	310.b	<i>Symbolum Apostolicum unde aut qui con-</i> <i>ditum.</i>	294
<i>Smidelini calumnia</i>	319.b.	<i>Synodi annuae quare instituta ab ecclesia.</i>	34
<i>Smidelini aduersus transsubstantiationem</i> <i>argumenta qui repulsa.</i>	320.a	<i>Testamentorum religio.</i>	385.b
<i>Smidelino num etiā vera dicenti creden-</i> <i>dum.</i>	328.b	<i>tertullianus ab haeticis cōtra eucha-</i> <i>ristiam adductus, qui intelligēdus.</i>	342.a
<i>Smidelino quid, iuxta Augustini consilium,</i> <i>agendum.</i>	342.b	<i>Theodosius an iudex fuerit causae ecclesiasti-</i> <i>cae.</i>	208.a
<i>Smidelino quid, iuxta Chrysostomum, sit</i> <i>agendum.</i>	358.b	<i>therapeutae qui sint, aut quō fieri solent.</i>	265.b
<i>Smidelinum haeticum esse, euidentissima</i> <i>ratione docetur.</i>	358.b	<i>Thomas Aquinas quō à Smidelino vocatus.</i>	
<i>Socrates à calumnia vindicatus.</i>	370.a		
<i>Sodalitatis euangelica quanta hodiē libido</i> <i>aut salacitas.</i>	361.b	<i>thyria quid proprie.</i>	369.b
	229.	<i>thyria & prophanorum differentia.</i>	368. b
	206	<i>Tigurina Ecclesiae iudiciū de Lutero.</i>	143.b
	287.b	<i>Tonderi religionis causa qui soleant ac de-</i> <i>beat.</i>	265.b
		<i>tonso religiosorum qui olim fieri solita.</i>	266.a
		<i>transire sacerdotalis mysteriū quod sit.</i>	396
			Tra-

ANTHYPERASPISTAE LIBROS.

Traditionum etiã non scriptarum vis & pentur. 367.
 auctoritas quanta. 304.b verbo & elemento constare aut fieri sacra-
 translatitium & metaphoricũ sacrificium mentum. 339.b 340.
 in Ecclesia docentes, legem cum sacerdo- veritatis natura. 1.
 tio & religione transferũt. 372.b veritatis inueniendę regula. 234.
 transsubstantiatio panis & vini in corpus & de vestibus sacerdotalibus in sacrificio Mis-
 sanguinẽ Christi, asseritur. 321.322 &c. se. 410.b
 transsubstantiatio quĩ a Damasceno appel- Virgo quæ cui aut quibus præstet. 267.b
 lata. 327.a quibus in concilijs vniuersa- virgines quę quotupliciter Christo sint de-
 libus asserta. 327.b 328. quĩ a Smidelino Sponsatę. 270.b
 oppugnetur. 328.a virginitas quotuplex. 267. 270.a
 S. Trinitas quæ blasphemia nõ ita pridẽ, & virginalis integritatis laus. 273.b
 unde & vbi afflata. 309.b virginum inter se differentia aut distinctio
 S. Trinitatem quã indigno nomine vocent quanta. 274.a 277.b 278.a
 Seruetiani. 216.b virginum tonsio & velatio quĩ & fieri soli-
 triumphantium lex quę. 423.a ta sit, & quid signarit. 266.a
 Tunice quę quibz, etsi munde, illicitę. 282 a virginum merces seu prerogatiue 268 a
 tutela clericis non committenda, nec pro cõ- vitulum cur Isrãelitę coluerint. 405.a
 mittentibus orandum. 377.b Vmbre in veteri lege & imaginis in noua
 Valentinianus Imperator. 213. lege differentia. 381.a 382.a
 Vela quę quotuplicia, aut quĩ distin- Vnũ caput in ecclesia Catholica quare. 96.b
 guenda. 271.b 272.a Voluntas quanti vbiqz sit momenti. 313.
 velisacri acceptio quam cum Christo despõ- voluntatem quam quĩ Deus in nobis coro-
 sationem signet. 264.a net ac laudet. 314.a
 verba quot modis in scripturis sacris vsur- votũ virginitatis quale oporteat esse. 273.a

CANDIDO LECTORI.

ANtequã ad lectionem huius operis dijudicandam accingaris, amice lector, rogatũ Te
 volunt hi, quorum Editionis huius potissimũ interest, vt prius Errata, quę per archetypĩ
 obscuritatem, Authorisqz remotum à ciuitate ac typographia nostra domicilium, operarum
 item typographicarum festinatioem, vt fieri solet, irrepperunt, atque hic ad calcẽ Operis an-
 nexa sunt, corrigere non graueris.

ERRATA partim autographi obscuritate, partim nimia Typographorum properatione
 admissa.

Horum succincta recensio sic intelligetur, vt sciatur priori numero paginam, posteriori line-
 am seu versum intelligi: indeqz sequi, aut breuissimẽ saltem innui lectionẽ veram.

Pag. 7. lin. 9. nes inualescunt, & 15. s, & tuam ibid. 15. vix ferẽ ibi. 17. lem con- ibi. 19.
 NNN 3 quæ

quæte 16. 29. nouè 18. 29. tam aut 21. 14. homine ibi. 35. esse, ac 37. 18. offundat. 43. 9.
 perferentem, 46. 28. nomina 49. 22. ecclesia 55. 2. Iudicabunt 56. 25. tibi, Secundum legē
 & secundum iudicium quod dixerint tibi, facies. Non 61. 21. ferè consentit 71. 25. responde-
 rint, non 76. 25. aciem 88. 8. gubernatorem 90. 7. nobilem 96. 3. adsit, non 98. 2. saxum
 113. 27. vlla 113. 1. *destrueta* 137. 1. *περιστάσεων* ibi. 16. *ἀλλοτριόεπισκοποι*
 144. 9. effoderunt 150. 10. ponius l. 2. ff. 165. 25. Non tam 167. 10. quid solidæ 188. 18. ra-
 ro 198. 29. laborare? 199. 2. Hæc tuistic 215. 8. quærat in ibid. 33. conuocatos 226. 3.
 tuo iudicare, 227. 6. excedant. ibid. 31. *πολυθείαν* 230. 5. prorūpit ibid. 15.
 tam impiam 233. 33. recidit 252. 2. & verborum ibid. 3. quisquam bonus 268. 25. voluerit
 269. 1. damnationem 276. 27. illius, 279. 3. vllus 292. 6. impiorum errorum turpissimum
 lu- 293. 25. cogatur 296. 5. Sacramenta 307. 23. Sensus 324. 26. non habebit ibid. 30. for-
 tissimè 325. 10. inquit, 328. 22. sacrorum 331. 31. veluti porci 333. 4. coram 345. 3. Videtur
 ibid. 17. His verbis ibid. 21. *εἰς τοὺς νῦν ἱερουργούς, δι' ὧν μέσων χριστὸς ἱερουργεῖ*
καὶ ἱερουργεῖται ὁ καὶ παραδούς 347. 2. lit ibi sa- 352. 30. minit 356. Hebræa
 vox *מִי־יָדָא* sic scribatur 364. 18. consequuntur 368. 28. *θυσίας, προσφορὰς*
 369. 16. *σῆς* 370. 7. *θεόθυτα* 371. 8. stris pro 373. 22. frequenti 376. 36. q̄t,
 399. 8. habeat 419. 16. Philippi? ibid 18. lenitate 423. 21. in triumpho ver- 427. 21. col-
 lectio? 428. 16. inanimis ibid. 19. Deū 444. 28. ndis charissimi 425. 29. antagonistarum
 455. 13. rat. Cæterum quo- ibid. 20. ab ea ecclesia

